

СБОРНИК ДОКУМЕНТОВ  
КАНЦЕЛЯРИИ  
ВЕЛИКОГО КНЯЗЯ ЛИТОВСКОГО  
АЛЕКСАНДРА ЯГЕЛЛОНЧИКА  
1494—1506 гг.

Шестая книга записей  
Литовской метрики



[...] || л. 50 **Єранъды**. |

№ 1

[1505 г.] июня 17. Шидлов.

Аренда мыта володимерског(о) Никелю ПрокоповичѸ. |

Александръ, бож(е)ю м(и)л(о)ст(ь)ю корол(ь) пол(ь)скии. |

Наместнику володимерскому, тому, хто *будет ѿт* насъ Володимеръ держати, и *вои*ту места Володимерского, и бурмистромъ, и радцамъ, и всимъ мешаномъ. |

Продали есмо мыто володимерское на годъ *вои*ту места Троцкого, мытънику луцкому Никелю Прокоповичу за *шестьдесат* копь грошей<sup>[1]</sup> готовыхъ. А *мает* | *онъ* намъ половину тых п(е)н(а)зеи<sup>[2]</sup> дати на *первую* Матьку Бож(е)ю<sup>[3]</sup>, а остатокъ | тых п(е)н(а)зеи, року додержавшы, маеть *ѿтдати*. А *почат(и) ѿн* маеть тое мыто держати *ѿт* сего св(е)та(го) Петра *приидѸчего*<sup>[4]</sup> а *ѿплат(ь)* до того *ж* року, | до светого Петра. Про то *ж*, абы есте в тое<sup>1</sup> мыто и в промыгу не вступали | с.а. Нехаи бы *онъ* тое мыто держалъ со всимъ по тому, какъ и *первье* | мытъники держивали. А которые купцы тое мыто наше *объежчали*, | не хотечи мыта платит(и), и мы казали ему в таковых товари на насъ *забирати*. И вы бы ему в том помочни были, и *ѿт* кривдъ бы есте его *борол*нили.

Писан Ѹ Шидьлове, июнь 17 день. Инъдикт 8. |

Пр(а)в(ил) мар(шалок) дв(о)р(ньи), н(а)м(естник) бел(ьскии) и Ѹт(енскии) | к[на]з(ь) Мих(аило) Л(ь)в(ович) Глин(скии). |

Примечание. <sup>1</sup>Слово вписано над строкой

№ 2

[1505 г.] июня 17. Слуп.

КвитацаѸ тому *ж* Никелю ПрокоповичѸ зъ Ѹчинен(ь)Ѹ досыт | за *аренд*Ѹ мыта луцкого. |

Александръ, бож(е)ю м(и)л(о)ст(ь)ю корол(ь) пол(ь)скии. |

*Вои*тѸ места Троцкого, мытънику луцкомѸ Никелю Прокоповичу.

Што есмо *про*дали тебе мыто луцкое на тры годы по *ѿ*смисотъ копь грошей на год, по *плат(и)сот* | копь грошей на *квитацаѸахъ*, а по триста копь *готовизиною*. А *почати* было | тебе тое мыто держати *ѿт* *середопостыа*<sup>[1]</sup> а *ѿплат(ь)* | до того *ж* року, до *середопостыа ж*. И ты, того року еще не *выдержавшы*, *выдал* еси намъ *личбѸ*<sup>[2]</sup> | *перед* светым Петром<sup>[3]</sup>, што еси на *квитацѸах* *выдал* *шестьсотъ* копь грошей, и *сорокъ* копь, и *полторы* копы грошей, а *готовизиною* дал еси нам *двесте* копь || л. 50 *об.* грошей. Ино того годѸ со *всего* *выдал* еси намъ *личбу*, и *надзвышь* еще *выдал* | еси *сорокъ* копь и *полторы* копы грошей.

Ино мы тебе на то дали *сесъ* нашъ | *листь* *вызнаныи*.

Писанъ Ѹ Слупе<sup>[4]</sup>, июнь 17 д(е)нь. Инъдикт 8. |

Пр(а)в(ил) м(а)р(шалок) дв(о)р(ньи), н(а)м(естник) б(е)л(ьскии) и Ѹт(енскии) | кн(а)з(ь) М(и)х(аило) Л(ь)в(ович) Глин(скии). |

## № 3

[1505 г.] июня 12. Радомль.

Личба мытника берестейского Лерина Гер(и)ша. |

В Радомли, июнь 12 день. Индиктъ 8. |

Выдал личбу мытникъ берестейский Лерин Геришъ перед паном Петром кухмистромъ<sup>[1]</sup> и перед паномъ Іѡномъ Стецком, и перед Ивахъномъ подскарбимъ<sup>[2]</sup> з мыта луцкого и берестейского, што выдалъ на квитации триста копь грошей, | и сорокъ копь, и осмь копь, и двадцать грошей. А надзывшъ выдал перьвое личбы и нынешнее меначи 8в одну суму тисачу копь и двесте без двух | и безъ полтринадцати грошей. |

## № 4

[1505 г.] июня 28. Краков.

Квитация лентвоитѸ полоцкомѸ Іѡкубу КезмарковичѸ  
з личбы. |

Алексъандер, бож(е)ю м(и)л(о)стью корол(ь) пол(ь)ский. |

Лентвоиту места Полоцкого Іѡкубу Кезмарковичу.

Што еси давал намъ личбу с тых | п(е)н(а)зеи, которыи берешъ на насъ плат з места Полоцкого по чотыриста копь | грошей в годъ, и с тыхъ п(е)н(а)зеи выдалъ намъ личбу, што еси выдал на наши потребы и на листы наши полдеветаста копь грошей за тры годы. И мы | тебе даемъ на то сесь нашъ листь вызнаныи.

Писан 8 Кракове, июнь | 28 день. Индиктъ 8. |

А поведаетъ лентвоит, дал тых же грошей Тишковои жоне Варушнич(а) | и его детем двадцать сем(ь) копь за дворищо, и тое дворищо бернадьном привернено клашторѸ<sup>[1]</sup>.

А за жолнировъ<sup>[2]</sup> Скелевокому петнадыцат(ь) копь | грошей дал, а Іѡкубу рикунимъѸ<sup>[3]</sup> Барберу за них же осмьнадыцат(ь) копь | без дву грошей даль, а Харитону пать копь за нихъ жо дал. ||<sup>а. 51</sup>

## № 5

[1505 г.] июня 12. Радомль.

Застава двора Кормалова панѸ ВоитехѸ ІѡновичѸ | в суме  
п(е)н(а)зеи тисечи и полторусту копах грошей. |

Самъ Алексъа(н)дрь, бож(е)ю м(и)л(о)стью корол(ь) пол(ь)ский. |

Чинимъ знакомито симъ нашим листом, хто на него посмотрит, або чтучи его | 8слышитъ, нынешним и на потом будучимъ, кому потребъ того будет ведати. |

Взали есмо на наши потребы и земские в маршалька нашего, охъмистра | наше королевое, ее м(и)л(о)сти, наместника ковенъского в пана Воитеха Іѡновича тисачѸ копь грошей и полтораста копь грошей на литовскую личбу. И во | всех тыхъ п(е)назлах дали есмо ему двор нашъ Ковенъского повета на има Кормалово з бояры, и слугами путными, и з люд(ь)ми служебными и таглыми, со сви|лонци<sup>[1]</sup>, и съ саси<sup>[2]</sup>, и з шатцы<sup>[3]</sup>, и с конохи, и з риболовы, и<sup>1</sup> изъ их со всеми поплатки, | и с челед(ь)ю невол(ь)ною того двора, и з землами пашными и бортными, и з сеножат[ь]ми, | и з млыны<sup>[4]</sup>, и из ихъ

вымелки<sup>15]</sup>, и с озера, и з реками, и з рыбники, и з бобровыми | гоны, и з ловы зверинными и пяташими, и з ловищи, и из даньми грошовыми, | и медовыми, и куничными, и хмелевыми, и со всеми вжитки, и со всем с тымь, што | здавна к том8 двор8 слушало и тыми разы слушаеть, и <sup>2</sup> на нас, на г(о)с(по)д(а)ра, дерлжано, и какъ самъ в собе тотъ двор здавна 8 своих границах са маеть, ничог(о) на насъ не оставляючи.

Маеть панъ Воитехъ Ідновичъ тотъ двор нашъ | держати, а по немъ его жона, и его дети, и его ближнии до тых часовъ, поки | мы ему тьи п(е)н(а)зи его вси сполна, тисачу копъ и полтораста копъ грошеи, | заплатимъ.

А намъ и по насъ хто буде г(о)с(по)д(а)ремъ великимъ кн(а)земъ литовским | в него, и въ его жоны, и у его детеи, и у ближнихъ его з гневу нашего, и на помову людскую, | и ни на которую иную причину, и ни за вину жадную, того двора Корьмалова не *отнимати*. А пак ли бы са над нимъ вола бож(е)а стала, ино мы и по насъ будбчи не | маемъ жоны его и детеи его, и ближнихъ его с того двора ршати до тыхъ | часовъ, поки т8ю с8му вышеи писаную п(е)н(а)зеи ем8 *отложимъ*.

А на твердость | того казали есмо печат(ь) | нашу привесити к сем8 нашом8 лист8.

А при том | при насъ были панове рада наша Великого князства Литовского, кн(а)зь | Воитехъ бискупъ виленский, а маршалокъ земский панъ Іднъ Юр(ь)евичъ, а панъ | троцкий, староста жомойтский панъ Станиславъ Ідновичъ, а маршалокъ дворный, наместникъ бельский и 8тенский княз(ь) Михаило Л[ь]вовичъ Глинский, а *гетманъ* панъ Станиславъ Петровичъ, а кухмистръ нашъ, наместникъ *скерстамонский пан* Петръ 8лехновичъ, а кухмистръ наше королевое, наместникъ *д8бицький и коневский* <sup>3</sup> панъ Миколаи Юндидловичъ.

Писанъ в Радоми, | июнь 12 день. Инъдиктъ 8. || л. 51 об.

*Примечания.* <sup>1</sup>Слово подчеркнуто теми же чернилами <sup>2</sup>Слово написано дважды <sup>3</sup>Буквы не исправлены из со

## № 6

1505 г. сентября 26. Краков.

Привилеі пан8 Бартош8 Таборович8 | на двор Избланы  
вечностью. |

**Во** има светына живоначал(ь)ныа нерозделимыа Троица. Амин(ь).

Мы, Алекса[н]дръ, | бож(е)ю м(и)л(о)стью корол(ь) пол(ь)ский, великий княз(ь) литовский, руский, княжа пруское, | жомойтский и иных панъ и дедичъ.

Чинимъ знаменито сим нашим листомъ, | хто на него посмотрит, або чтучи его 8слышитъ, кому *ж* будет потребъ | того ведати.

Бил намъ чоломъ маршалокъ нашъ панъ Барътошъ Табаровичъ, што есмо перъво сего дали были ем8 именье на Неважи на *има* С8рвьилишки, и привилемъ нашимъ *потвердили*. А потом, з некоторое наше мерлзачьки<sup>[1]</sup>, которую *ж* есмо мели на брата его, на кн(а)за Воитеха, бискупа виленского, взали есмо тое именье к нашимъ р8камъ. И на жаданье и на | причину пановъ рад нашихъ тое именье Сурвилишки дали есмо кн(а)зю Марлтину, биск8пу жомойтскому, бо *перед* нами поведано, ижъ бы онъ на тое | именье твердости не мель. И мы на тое именье кн(а)зю бискуп8 и привил(ь)емъ нашимъ *потвердили* <sup>[2]</sup> на вечность.

И панъ Бартошъ бил намъ чоломъ, | абымъ напротивк8 того именьа пожаловали и дали ему дворъ | нашъ Избланы.

Ино мы, бачечи его к намъ верную а справедливую и николи не вмешканую службу, з ласки наше, напротивку того имениа | Сурвилишокъ, не ламълючи первого нашего привил(ь)на, под тою ж мерою, дали есмо ему двор нашъ Избланы и з люд(ь)ми того двора служебными и та|глыми, и зъ ихъ даклы, и з даньми грошовыми и медовыми, и со всеми | платы, и подат[ь]ми, со всимъ по тому, какъ тот двор на насъ, на г(о)с(по)д(а)ра, | держанъ, ничего на насъ не оставляючи. А дали есмо тотъ двор нашъ | Избланы вечно ему, и его жоне, и их детемъ, и на потомъ будучимъ ихъ | счадом. Волен то он дати, и продати, и заменити, и [к] своему лепшо|му и ђжиточному обернути, какъ самъ налепеи розѡмеючи.

А на | твердость того и печат(ь) нашу казали есмо привести к сему нашему | листѡ.

А при томъ были панове рада наша, маршалокъ нашъ двор|ный, наместникъ бел(ь)скии и ђтенъскии княз(ь) Михаило Львовичъ Глинъскии, | а краичии нашъ кн(а)зъ Ёднушь Алексанъдровичъ, а маршалокъ нашъ, ||<sup>л.52</sup> канцлеръ наше королевое, ее м(и)л(о)сти, наместникъ браславскии и жижморскии | панъ Иванъ Сопежичъ, а наместникъ дорогицкии панъ Ёднъ Стецковичъ.

Пи|санъ в Кракове, в лете 7013, м(е)с(а)ца сентебра 26 дна. Индикт 9. |

## № 7

[1505 г. до сентября 3.]

Посел(ь)ство до Мендли Кгереа, ц(а)ра перекопског(о),  
 Ѳед(ь)ком<sup>1</sup> | на первой поклонъ. |

Што еси переж сего неѡднокрот присылывалъ к намъ, братъ нашъ, своихъ послов, | хотачи с нами в братстве и в приазни мешкати, и жадаючи насъ, абыхмо | к тебе нашихъ великихъ пословъ послали. И мы вжо были наши великии | послы выправили к тебе<sup>2</sup> и послали воеводѡ киевского кн(а)за Дмитрея | ПѢтатича а пана Ёлехна Скорутѡ. Нижли тые наши послы ѡжидали | закладѡ ѡт тебе Бахтияра мурзы, которого ж еси мел<sup>3</sup> тымъ нашимъ посломъ | ѡт себе до насъ послат(и), ино таа са речъ до тыхъ часовъ ничимъ инымъ не вмешкала, | нижли тобою, братомъ нашимъ, што Бахтияр такъ борздо до насъ не приехал. И за тымъ з божего допѡщен(ь)на того слуги нашего доброго, кн(а)за Дмитрея | ПѢтатича, в животе не стало, богъ его с того света собрал. И мы вже | безъ мешканья такового ж слугѡ нашего собравши, посла великого, | и к тебе, брату нашему, пошлемъ.

А ты бы, братъ нашъ, и Бахтияра на тотъ | часъ в себе позадержалъ и к намъ не слать до тыхъ часовъ, поки того посла | тамъ до тебе выправамъ и его наименоуем. А коли вже его тамъ к тебе, братѡ | нашему, выправимъ и пошлемъ, и мы ѡ томъ тебе дамо ведати черезъ | другого нашего гонца. А ты бы вже тогда тымъ борздеи, ничего не мешкаючи, Бахтияра к намъ послал.

А до тыхъ часовъ, естли хочешъ с нами, | братъ нашъ, доброго братства и приазни, штобы еси людеи своихъ ѡста|гнул, ажъ бы землямъ нашимъ не шкодили и не воевали. Зан(е)жо и тыми ра|зы мы ѡбеспечили са на твоихъ пословъ и на твое слово царское, и вкраинъ | нашихъ есмо люд(ь)ми не ѡсмотрели. А твои люди великии, безвестно пришедшы, шкоды великии в паньстве нашемъ поделали и повоевали, и люди | в полонъ повели. Ино самъ того посмотри, гораздо л(ь) са то диет. Про то жъ | напоминаемъ тебе, брата нашего, с твоимъ ли то ведомомъ стало, аль безъ твоего ведома. Если бы то было безъ твоего ведома, а похочеш(ь) с нами доброе | брацтво и приазнь мети,

штобы еси тот полонь ѿвес(ь) на место собрати | и инии полонь, што перед тымъ люди твои бирали з наше земъли. || л. 52 об.

Такеж тыи ж твои люди, приходши безвистно под замокъ нашъ Киевъ, стадо | наместника нашего, пана Анъдриа Александровича, которыи тыми | разы ѿт насъ в Киеве на мestyцѣ воеводине мешкает, и стадо мещанское, | и твоих пословъ, брата нашего, и купцовъ каѳинских ѿтогнали, конеи всего | поголовья осмьсотъ. Ино штобы еси, брат нашъ, и тых конеи велел<sup>2</sup> сѧ доискати, и собравши то на место, к нам бы еси ѿтослал. То бы был | первыи початокъ и знама братства и приазни твоее к намъ, брата | нашего. А тыхъ людей лихихъ за то бы еси скарал, ажъ бы и вперед | такового лиха не было. |

*Примечания.* <sup>1</sup>Исправлено, в рукописи Дедком <sup>2</sup>Буква е исправлена из и <sup>3</sup>Буква е написана по смытому тексту

## № 8

[1505 г.] июля 7. Краков.

Привилеі панѣ Дмитрѣ Александровичѣ | на село Романово  
в Житомирском повете. |

Алексъанъдръ. |

Биль намъ чоломъ наместникъ житомирский панъ Дмитръ Александровичъ | и просил в насъ села в Житомирскомъ повете на има Романова и з люд(ь)ми. И повелдил перед нами, што ж в том селе осмьнадцать чоловеков данньныхъ и таглых | а два слуги посел(ь)ских. А дани деи намъ с того села дают сорокъ ведер<sup>[1]</sup> меду прелсного а дванадцать лисиц шерстью. А к тому деи в томъ селе бобровые гоны.

Ино мы, ѿбачивши его к намъ верную<sup>1</sup> а пильную<sup>[2]</sup> службу и хотачи | его охотънеишого и пильнеишого<sup>[2]</sup> кѣ нашои службе видети, з ласки наше тое село Романово ему есмо дали з людъми, и зъ даньми медоувыми и лисичными, и зъ бобровыми гоны, и со всимъ с тымъ, што | здавна к тому селу прислухало, и какъ на насъ, на г(о)с(по)д(а)ра, держано. |

Писанъ в Кракове, июль 7 день. Индиктъ 8. |

Пр(и)к(азал) м(а)р(шалок) дв(о)р(ный), н(а)м(естник) бел(ьский) и ѿт(енский) | кн(а)з(ь) Мих(аило) Л(ь)в(о)в(ич) Глин(ский). || л. 53

*Примечание.* <sup>1</sup>Буква е исправлена из ч

## № 9

[1505 г.] июля 8. Краков.

Привилеі тому ж Дмитрѣ Александровичѣ | на плац в замку  
Житомирскомъ. |

Биль намъ чоломъ наместникъ житомирский панъ Дмитръ Александровичъ | и просил в насъ мestyца нашего в замку нашомъ Житомирскомъ, на которомъ | мestyцѣ хоромы наши, гридна<sup>[1]</sup> а светлица з сеньми стоѧла. И мы на его чоломбитье, з ласки наше, тое мestyцо нашо в замку Житомирскомъ ему | есмо дали. Нехай оны на томъ мestyцѣ што хочеть, то себе збудуеть. |

Писанъ в Кракове, июль 8 день. Индиктъ 8. |

Пр(и)к(азал) м(а)р(шалок) дв(о)р(ный) н(а)м(естник) бел(ьский) и 8т(енский) |  
кн(а)з(ь) Мих(аило) Л(ь)в(о)в(ич) Глин(ский). |

№ 10

[1505 г.] июля 6. Краков.

Ратомском 8 на имен(ь)е в Дорогицком повете. |

Алекъсандръ. |

Наместнику дорогицкому пану Іѣну Стецку.

Дали есмо дворанину нашому | Ратомському именье Хавратово<sup>1</sup> в Дорогицкомъ повете. И ты бы | тымъ людемъ приказаль, ажъ бы его во всемъ были послушни. А 8валзати его в тые люди его послали есмо дворанина нашего Василья Болговитиновича.

Писан 8 Кракове, июл(ь) 6 день. Индикть 8. |

*Примечание.* <sup>1</sup>Слово подчеркнуто более светлыми чернилами

№ 11

[1505 г.] июля 8. Краков.

Привилеи Счасном 8 Полозович 8 на село Жаховичи |  
в Мозырскомъ повете. |

Самъ Алекъсандръ, бож(е)ю м(и)л(о)стью корол(ь) пол(ь)ский. |

Биль намъ чоломъ дворенинъ нашъ Счастныи Полозовичъ и просил в нас села || л. 53 об. з люд(ь)ми в Мозырскомъ повете на има Жаховичовъ, обеюх половинъ. И поведал намъ, што ж деи с того села дани на насъ идет шесть копь грошей, а три | полуколодки<sup>[1]</sup> меду, и ведро<sup>[2]</sup> мед8, а чотыри бобры, а две куницы, а тринадцать грошей воловщины<sup>[3]</sup>, а два гроши намерного<sup>[4]</sup>, а доводничого<sup>[5]</sup>, | и тивунщины<sup>[6]</sup>, и данъничого<sup>[7]</sup> полтрет[ь]а ведра меду и двадцат(ь) грошей. |

И бил намъ чоломъ, абыхмо ему тое село вышеипсаное дали. Ино мы, | з ласки наше, за его к намъ пил(ь)ную а верную службу, тое село Жаховичи, обе<sup>1</sup> | половине, ему есмо дали, з люд(ь)ми, и з дан(ь)ми грошовыми и медовыми, и з бобры, и с<sup>2</sup> куницами, и со всеми поплаты, и з<sup>3</sup> езы<sup>[8]</sup>, со всим с тымъ, што к тоіму селу здавна слушало.

Писан в Кракове, июль 8 день. Индикт 8. |

*Примечания.* <sup>1</sup>Буква є исправлена из и более светлыми чернилами <sup>2</sup>Буква с вписана над строкой под титлом более светлыми чернилами <sup>3</sup>Буква з вписана над строкой более светлыми чернилами

№ 12

[1505 г.] июля 9. Краков.

Кн(а)зю Михаил 8 Глинском 8 на десет(ь) служоб людеи  
Тетеровчан | 8 Волковы[и]ском повете ку имен(ь)ю его  
Побоеву. |

Алекъса[н]дръ. |

Маршалку нашому, наместнику волковыискому пану Воитеху Куч8ковичу.



Бил | намъ чоломъ дворенинъ нашъ княз(ь) Михаило Ивановичъ Глинъскій и поведилъ | передъ нами, што жъ есмо дали ѿтцѣ его <sup>[1]</sup>, кн(а)зю Ивану, дворъ нашъ у Волковыискомъ повете на имѣ Побоево <sup>[2]</sup> на хлебокорм[л]енье, поки быхмо ѿтчину ихъ | ѿчистили. И онъ поведилъ намъ, што жъ ихъ братовъ шесть <sup>[3]</sup>, и не маемъ сѣ на чомъ | поживити. И просилъ в насъ десяти чоловековъ на имѣ Тетеровчанъ Кремляницъкого десѣтка, абыхмо ему тые люди ѿдному дали, а тыхъ людей | десѣть служобъ. И поведилъ намъ, што жъ тые люди передъ тымъ к тому жъ | двору Побоеву слѣживали.

Ино мы, з ласки наше, для его службы, тые | люди Тетеровчане десѣт(ь) чоловековъ ѿдному ему дали со всѣмъ по тому, | какъ они намъ служивали. Ты бы тымъ людямъ приказалъ, абы | его во всѣмъ были послушни. А ѡвѣзати его в тые люди послали | есмо тамъ дворенина нашего.

Писанъ в Кракове, июл(ь) 9 | день. Индиктъ 8. || л. <sup>54</sup>

## № 13

1505 г. июля 16. Краков.

Потвержен(ь)е Абрагимѣ Тымирчичѣ, писарѣ татарскомѣ, | на некоторые люди и земли в Белицкомъ повете вечност(ь)ю. |

Алексъандрѣ. |

Чинимъ знаменито симъ нашимъ листомъ, хто на него посмотритъ, або чтучи его | ѡслышитъ, нынешнимъ и на потомъ будѣчимъ, кому будетъ потребъ того ведати. |

Билъ намъ чоломъ писаръ нашъ татарскій Абрагимъ Тимирчичъ и поведилъ передъ | нами, што жъ есмо емѣ дали именеицо в Белицкомъ повете на имѣ Саковщину а Андѣреевщину <sup>1</sup> з люд(ь)ми, и зъ землями, и съ сеножат[ь]ми, и с челад(ь)ю невол(ь)ною, котоѣра в томъ именеицы <sup>2</sup> была. А к тому придали есмо ему две <sup>1</sup> службы в Роготной на имѣ Сѡвкѣиновичовъ <sup>3</sup> а Жилвейковичовъ. И потомъ тамъ же в Белицкомъ повете к тому жъ его именеицу дали есмо ему шесть служобъ в Роготной жо на имѣ Ёдтовтовичовъ, а Ечевичовъ, а Нарковичовъ, а Котевичовъ, а Петка | Дедела з детьми. И тьи листы, первую данину нашу <sup>[1]</sup>, на то передъ нами покладал. И билъ намъ чоломъ, абыхмо ему в томъ ласку нашу вчинили, и тое именеицо и з | люд(ь)ми и тьи люди приданные вси подтвердили нашимъ листомъ на вечность. |

Ино мы з ласки наше за его к намъ верную, николи не вмешканую, справедливую службу тое именеицо <sup>1</sup> вышеписаное Саковщину а Андѣреевщину | з люд(ь)ми, и з ихъ землями, и съ сеножатъми, и съ челад(ь)ю <sup>4</sup> невол(ь)ною, и тыхъ людей Сѡвкѣиновичовъ <sup>3</sup>, а Жилвейковичовъ, Ёдтовтовичовъ, Ечевичовъ, Нарковичовъ, Котевичовъ, | Петка Дедела з детьми, и зъ ихъ службами, и платы, и зъ дакълы <sup>[2]</sup>, | и зъ ихъ землями, и сеножатъми, и зъ гай, и с ѡросты <sup>[3]</sup>, и з реками, и зъ рѣчками, съ ставы, и съ ставищи, з млыны, и з ихъ вымельками, з ловы зверин[н]ыми и пѣташими, и со всеми вжитъки, и пожитъки, и со всѣмъ с тымъ, | какъ здавна тое именеицо и тьи люди в себе сѣ мають, ничего на насъ | не ѡставляючи, подтверждаемъ то симъ нашимъ листомъ вечно ему самомѣ | и его жоне, и ихъ детямъ и на потомъ будучимъ ихъ счадъкомъ. Воленъ то онъ ѡтдати и продати, и заменити, розъширити и прибавати, и к своему лепшому и вжиточному ѡбернути, какъ самъ налепи розумеючи <sup>1</sup>.

А на тверд(ь)ость того и печать нашу казали есмо привесити к семѣ нашему листѣ.

Писанъ в Кракове, в литъ 7013, м(е)с(а)ца июл(ь) 16 день. | Индиктъ 8. |

При т(ом) б(ы)л(и) кн[а]з(ь) Юр(ии) Алек(сандрович), | а м(а)р(шалок) п(а)н Стан(ислав) Ёднов(ич), а кул(мистр) | королевое п(а)н Мик(олаи) Юн(дилович). || л. 54 об.

Примечания. <sup>1</sup>Буква е исправлена из и <sup>1</sup>Обе буквы е исправлены из и <sup>3</sup>Буквы ъв исправлены из от; возможно чтение СѢтъггиновичовъ <sup>4</sup>Буква ѡ исправлена из и

## № 14

1505 г. августа 6. Краков.

Потвержен(ь)е земенинѢ Браславског(о) поветѢ Оедку ДашковичѢ | на имен(ь)ѡ Клищево, а Шандырево, а Трыстенец, а Тивров, | а Волчковцы, а Нестеровъцы, а селища etc., на вечност(ь). |

Самъ Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашимъ листомъ, хто на него посмотритъ, або чутичи его ѡслышит, кому ж будет потребъ того ведати.

Бил намъ чоломъ земеининъ браславский Оедко Дашковичъ и повелит намъ, што ж деи ещо дед его, | небожчикъ Гарманъ, выслужил на продку нашом, на великомъ кн(а)зи Витол(ь)те | именья в Браславском повете на имѡ Клишово, а Шандырево, а Трыстенецъ, а Тивровъ, а Волчковцы, а Несторовцы, а селища на имѡ Ёринича | а Костино на речце на Косницы <sup>[1]</sup>, а Збуново, а Паробочье, на речце на РѢсове, а Ленево, а Михаилово. И данину, листы предковъ наших <sup>[2]</sup>, на то деи онъ | в себе мел. И какъ поганство татарове брали имен(ь)я его, и жону и дети | его побрали, и тыи листы в тотъ часъ в него взяли. А к тому деи, какъ | замокъ нашъ Браславль згорел, ино деи и остатокъ тыхъ листовъ в тотъ | часъ погорело. А то деи звездомо <sup>1</sup> земаномъ браславскимъ всимъ, што ж тые | именья и селища его дѣдина и ѡтчина. Ино и земане некоторые | намъ ѡ томъ повелили, иж тые вышеписаные <sup>1</sup> имен(ь)я его дедина | и ѡтчина.

И бил намъ чоломъ, абымо ему в томъ ласку нашу вчинили, и потвердили | бымо то ему нашимъ листомъ на вечность.

Ино мы, з ласки наше, за его | к намъ верную службу, тые вышеписаные его именья, Клищево, а Шандырево, а Трыстенецъ, а Тивровъ, а Волчковцы, а Несторовцы, и селища Ёринича а Костино на речце на Косницы, а Збуново, а Паробочье на речце | на РѢсове, а Ленево, а Михаилово, потвержаемъ симъ нашимъ листомъ вечно | ему, и его жоне, и ихъ детемъ, и напо томъ будѣчимъ ихъ счадкомъ, з люд(ь)ми, | и з землями пашными, и с пасеками, и з ловы, и зъ ловищы, и з бобровыми | гоны, и з лесы, и зъ дѣбровами, и з болоты, и з сеножат(ь)ми, и зъ гаи, и зъ хворосты, и съ ѡзеры, и зъ реками, и зъ речками, и с криницами, и съ ставы, | и сътавищы <sup>[3]</sup>, и з млыны, и со всеми платы, и доходы, и подат(ь)ми, со всимъ | по томъ, какъ тыи вси именья и селище предки наши дедѢ его дали, | и какъ здавно в границахъ своихъ мели. Волень онъ тыи свои именья || л. 55 и селища ѡтдати, и продати, и заменити, и къ церкви записати, и къ своему лепшому и вжиточному ѡбвернути, и розъширити, какъ самъ налелепи розумеючи.

А на твердость того и печать нашу казали есмо | привесити к сему нашему листу.

Писан Ѣ Кракове, в лет(о) <sup>1</sup> 7013, | м(е)с(а)ца августа 6 ден(ь). Инъдиктъ 8. |

Примечание. <sup>1,1</sup> Буква е исправлена из и

## № 15

[1505 г.] июля 28. Краков.

Справа боярин<sup>8</sup> смоленском<sup>8</sup> Жабе зъ Иваном | Скипоровым  
ω волостку Рославль<sup>8</sup> Смоленску. |

**В** Кракове, июл(а) 28 день. Инъдикть 8. |

**Жаловаль** г(о)с(по)д(а)рю, его м(и)л(о)сти, бояринъ смоленский Жаба на Ивана Скипорова, што г(о)с(по)д(а)рь, его м(и)л(о)сть, далъ ему волостъкъ<sup>δ1</sup> 8 Смоленску Рославль | на пам(ъ) годъ деръжать. А Ивану его м(и)л(о)сть тую ж волостъку дал до тых | часовъ, поки *отчину* его ωчистит. Ино Жаба не додержалъ тое волостки дву годовъ, а потомъ его м(и)л(о)сть Жабе за с<sup>а</sup> тую волостъку дал додержати тыхъ годовъ. И ѿни ωчевисто ω том перед | его м(и)л(о)сть(ю) мовили<sup>2</sup> и тыи листы, данину его м(и)л(о)сти, покладали.

И Скипо<sup>р</sup>евъ поведил, ижъ ѿн самъ, и братья его, и инии бояре забрали | села Рославского повету безъ данины его м(и)л(о)сти, а ѿн того криль | по нихъ и того имъ молъчалъ. И его м(и)л(о)сть тую волостъку зъ ихъ | рукъ вынал и казал дворанину его м(и)л(о)сти Ивану Булатову дер|жати и доведати с<sup>а</sup> ω тыхъ<sup>3</sup> селех, и его<sup>4</sup> м(и)л(о)сти<sup>5</sup> то мает *отказати*, | тогды его м(и)л(о)сть конецъ<sup>6</sup> межи ними вчинит<sup>7</sup>, и тую волост|ку дасъть<sup>8</sup> в деръжанье, порозъмевши<sup>9</sup> водле *отказ*8 того дво|ранина.

А тыи листы Богушь писаръ втратил и его м(и)л(о)сть | тые их<sup>10</sup> речи про пам<sup>а</sup>м(ъ) казал записати. || л. 55 об.

*Примечания.* <sup>1</sup>Буква ъ исправлена из ь, буквы ку вписаны над строкой <sup>2</sup>Слово вписано над строкой более светлыми чернилами <sup>3</sup>Буква х исправлена из м <sup>4</sup>Буква о написана по смытому тексту <sup>5</sup>Буквы ти написаны более светлыми чернилами <sup>6</sup>Буква ъ исправлена из ь <sup>7</sup>Далее текст смыт на 2–3 буквы; буква т написана более светлыми чернилами <sup>8</sup>Буква ъ исправлена из е <sup>9</sup>Буквы зумевши вписаны в строку более светлыми чернилами <sup>10</sup>Буква х исправлена из м

## № 16

[1505 г. июня 18 — сентября 26]. Краков.

Потвержен(ъ)е Ивашку Денисович<sup>8</sup> на именеицо | Паневъцы  
и селище Т<sup>8</sup>почоловское в Чудновском повете | <sup>1</sup>на вечност(ъ)<sup>1</sup>. |

**Алекъсандръ.** |

**Биль** намъ чоломъ дворенинъ Ивашко Денисовичъ ω том, што есмо перво | сего дали ему именеицо в Чудновскомъ повете на им<sup>а</sup> Паневцы, и листь нашъ<sup>[1]</sup> | на то перед нами покладал. И теж дали есмо ему селищо в Чудновском же повете<sup>2</sup> на им<sup>а</sup> Тупочоловское на речце на Железницы и з бортноу землю, | которое ж *перве* сего дали были есмо земанину чудновскому Грин(ъ)ку Г<sup>ж</sup>кор|тевичу. Ино деи того Гринька татарове вбили, а приплодку детеи в себе не мелъ. И бил намъ чоломъ, абыхмо ему тое вышеиписаное именеи|цо и тое селищо потвердили нашим листомъ на вечность.

Ино мы, | з ласки наше, вбачивши его к нам пил(ъ)ную а справедливую службу, тое | именеицо Паневцы и тое селищо Тупочоловское, и з землею бортноу | и пашною, и зъ бобровыми гоны, и со всеми вжитъки, и пожитки, и со всимъ с тым, што здавна к том<sup>8</sup> именеицу и к том<sup>8</sup> селищу прислухало | и ныне слухает, потвержаемъ симъ нашим листомъ вечно, ему и его жоне, | и их детеи<sup>3</sup>.

А на твердость того и печат(ь) нашу казали есмо приложити | к сему нашему листу.

Писан в Кракове. |

*Примечания.* <sup>1-1</sup>Написано более светлыми чернилами <sup>2</sup>Первая е написана по смытому тексту <sup>3</sup>Буква е исправлена из и

## № 17

1506 г. апреля 7. Вильна.

Привилеі ЁлиѳерѸ ІаковлевичѸ на село Деменичи |  
в КаменеѸком повете на вечност(ь). |

АлекѸсандрѸ, бож(е)ю м(и)л(о)стью корол(ь) пол(ь)скии. |

Чиним знаменито сим нашим листом, хто на него посмотрит, або чтучи его || л. <sup>56</sup> вс[л]ышити, нынешним и на потомѸ будѸчимѸ, комѸ будет потребѸ того ведати. |

Бил намѸ чоломѸ дворенинѸ нашѸ ЁлиѳерѸ ІаковлевичѸ, што есмо перво сего | дали ему люди в СлонимскомѸ повете <sup>1</sup> на имѸ Гладыша а ЁнисимовичѸ | и зѸ их землами. И он бил намѸ чоломѸ, абыхмо ему дали село в КаменеѸком | повете на имѸ Деменичи, а тые люди и земли за сѸ быхмо взали к нашим | рукамѸ.

Ино мы, з ласки наше, за его к намѸ верную а пил(ь)ную службу, тое | село Деменичи ему есмо дали, а тьи люди и земли, первую нашу данину, | взали есмо к нашимѸ рѸкамѸ и привернули к замку нашему СлонимѸ. А тое | село Деменичи дали есмо ему на противѸ его отчины, и с платы грошовыми, и медовыми, и куничными, и з землами пашными и бортными, | и зѸ лесы, и сѸ сеножат(ь)ми, и сѸ Ѹходы, и со всимѸ с тым, какѸ тое село на нас | держано, вечно, ему самому, и его жоне, и их детемѸ <sup>2</sup>. ВоленѸ он то розши|рити, и прибавити, и людьми <sup>3</sup> Ѹсадити, и к своему лепшому а вжиточному обернути, какѸ самѸ налепеи розѸмеючи.

А на твердость того и печат(ь) нашѸ казали есмо приложити к сему нашему листѸ.

Писан | 8 Вил(ь)ни, в лѸто <sup>4</sup> 7014, м(е)с(Ѹ)ца април(Ѹ) 7 <sup>5</sup> день. ИндиктѸ 9. |

Пр(и)к(азали) м(а)р(шалок) дв(орный), д(е)р(жавца) б(е)л(ьский) | и 8т(енский) кн(Ѹ)з(ь) М(и)х(аило), а п(о)д(столий), ст(а)р(оста) | б(е)р(естейский) кн(Ѹ)з(ь) Вас(илии) Л(ь)вов(ичи) Глин(ские). |

*Примечания.* <sup>1</sup>Первая буква е написана по смытому тексту <sup>2</sup>Буква е исправлена из и <sup>3</sup>Буквы ми вписаны над строкой <sup>4</sup>Буква Ѹ исправлена из и более светлыми чернилами; буква о исправлена из и более светлыми чернилами <sup>5</sup>Число 7 (з) исправлено из 10 (и)

## № 18

1506 г. апреля 7. Вильна.

Потвержен(ь)е кн(Ѹ)зю Тимоѳею КапѸсте кѸпли его, | имен(ь)Ѹ  
Ѹ Ивашка Мекневича и з езом на реце на Дубисе etc. |

АлекѸсандрѸ, бож(е)ю м(и)л(о)стью корол(ь) пол(ь)скии. |

Чиним знаменито симѸ нашим листом, хто на него посмотрит, або чтучи | его вс[л]ышит, нынешним и на потомѸ бѸдучимѸ, кому будет потребѸ того | ведати.

Бил намѸ чоломѸ дворенинѸ нашѸ кн(Ѹ)зѸ Тимоѳеи ИвановичѸ Капуста и поведил <sup>1</sup> перед нами, што ж купил в боярина нашего ИвашѸка Мекневича <sup>2</sup> двор его и с хоромы и со всею землею его кѸпленою, и сѸ сеножатями, и з гаи и зѸ лесы <sup>3</sup>

и зъ болоты и со мшариньем<sup>[1]</sup> и з речками и зъ езом | на рече на Д8биси<sup>4</sup>. И тот листъ к8пчии на то перед нами покладал. И бил || <sup>л. 56 об.</sup> намъ чолом, абыхмо то ему потвердили нашимъ листом на вечность.

Ино | мы з ласки нашое, за его к намъ верьную<sup>1</sup> а пил(ь)ную, николи не вмешканую | службу т8ю к8плю его потвержаемъ симъ нашимъ листом, вечно ему салмом8, и его жоне, и их детемъ<sup>1</sup>, на потомъ буд8чим их счадкомъ. Нехаи | он тот дворъ верьх8 писаныи, к8плю свою, держитъ со всимъ с тымъ, | какъ купил. И водле листу к8пчього волен онъ то отдати, и продати, | и заменити, и розширити, и прибавити, и на церковь записати, и к своему лепшому а възиточному обернути, какъ самъ налепеи роз8меючи. |

А на твердость того и печат(ь) нашу казали есмо приложити к сему нашему листу.

Писан 8 Вил(ь)ни в летъ<sup>1</sup> 7014 м(е)с(а)ца април(а) 7 день. Индиктъ 9. |

Пр[и] т(ом) б(ы)ли м(а)р(шалок) дв(орный), д(е)р(жавца) б(е)л(ьский) и 8т(енский) | кн(а)з(ь) М(и)х(аило) а под(столии), ст(а)р(оста) б(е)р(естейский) кн(а)з(ь) | Вас(илии) Л(ь)вов(ичи) Глинский. |

*Примечания. <sup>1</sup>Буква е исправлена из и <sup>2</sup>Буква к исправлена из се <sup>3</sup>Буква ы исправлена из и <sup>4</sup>Буква б исправлена из другой*

## № 19

1506 г. апреля 29. Вильна.

Записан(ь)е кн(а)за Михаила Глинског(о) по души кн(а)за | Дмитрея П8татица на манастыр Печерский половицы | данников за Березынею, названых Зеремцов, а др8гое | половицы на церковь Пречистое 8 Вил(ь)ни и розных | с8мь | пенежных на розные церкви. |

Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотрит, або чтучи его | вслышитъ, нынешнимъ и потомъ буд8чим, ком8 будетъ потребъ того | ведати.

Што ж небожъчикъ воевода киевский кн(а)зъ Дмитрей Путалтичь, буд8чи в добромъ здоров(ь)и, многокротъ жадал и просиль маршалька нашего дворного, державцы бел(ь)ского и 8теньского кн(а)за Михаилу Л[ь]вовича Глинского, ажъ бы он был 8в опекан(ь)и всим имънямъ<sup>1</sup> | и речамъ его, какъ жо частокрот и насъ 8 томъ напоминал, абыхмо | дозволили ему с пор8ченья его кн(а)зю Михаилу имениа его и всими | речами опекаати с.а. А к тому теж, отхода съ сего света, того 8мысл8 своего не отменил, и в порученьи имениа и речи свои ему зоставил. |

Мы теж водле жадан(ь)а и порученья его маршальку нашему кн(а)зю Михаилу и листъ нашъ на то дали<sup>[1]</sup>. Ино он, яко ж то тотъ, который с пор8ченья его тыи имениа и речи в своеи опеце маючи, вбачивши, | ижъ небожчикъ кн(а)зъ Дмитрей, славное памяти, отходачи съ сего || <sup>л. 57</sup> света, тестамена не вделалъ<sup>2</sup> и жадное памяти не вчинил по своеи д8ши и теж | по д8ши родителей своихъ, который лежат в манастыри Печерскомъ | въ светое Пречистое 8 Киеве<sup>2, [2]</sup>, где<sup>2</sup> ж тело<sup>2</sup> его лежить. А были поручены | ем8, и надею<sup>2</sup> мели<sup>2</sup> в ним, ажъбы он досеть памяти душамъ ихъ вделал<sup>2</sup>. |

И он з нашимъ дозволеньемъ, зрозумевши зестье его и теж родителей его | с того света без жадное памяти, дал и записал к тому манастыру Печерском8

по его души и по тых его родителейъ половиноѸ его данниковъ | за Березыною, на имѧ Зеремцовъ и вставъ медѸ, которыи с нихъ идетъ. | А половиною тыхъ жо данниковъ Зеремцовъ и Ѹставъ медѸ, которыи | с нихъ идетъ, дал и записаль к ц(е)ркви божеи Пречистой | Богоматери Ѹ Вил(ь)ни<sup>[3]</sup>. | А к томѸ тежъ дал десѧть копъ грошеи на вечныи Ѹпись в митрополїи синадикъ<sup>3</sup>. А в смоленскїи синадикъ десѧт(ь) копъ грошеи, а в полоцкїи | синадикъ десѧт(ь) копъ грошеи, а въ володимерскїи десѧт(ь) же копъ грошеи, а в | луцкїи синадык десѧт(ь) же копъ грошеи, а в туровскїи десѧт(ь) же копъ грошеи, а въ перемышльскїи синадик десѧт(ь) копъ грошеи, а в холмскїи синадик | десѧт(ь) копъ грошеи, а на монастыр светое Троицы Ѹ Вил(ь)ни<sup>[4]</sup> десѧт(ь) копъ | грошеи, а на двенадцать церквей виленскихъ<sup>[5]</sup> по копе грошеи, а в Новгородѣ на две церкви, на светую Пречистую а на светыхъ мученик Бориса | и Глеба<sup>2, [6]</sup> по десети копъ грошеи на вечистую памѧт(ь). А в Мѣньску<sup>1</sup> в манастыр на церковь Вознесеня Христова<sup>[7]</sup> десѧт(ь) копъ грошеи на вечныи | жо Ѹпись. А къ светои | Пречистой, што в Город[н]е<sup>4, [8]</sup>, десѧт(ь) копъ грошеи. Ѹ Смоленску на церковь светое Пречистое соборное<sup>[9]</sup> десѧт(ь) копъ грошеи. А на | монастыри смоленские общинные, на светую Троицу а на светого Спаса<sup>[10]</sup>, по десѧти копъ грошеи. Ѹ Витебску на церковь соборную светого | Михаила<sup>[11]</sup> десѧт(ь) копъ грошеи. Ѹ Полоцку на церковь светое<sup>5</sup> Соѡиѧ<sup>[12]</sup> десѧть | копъ грошеи. А до Городна на двѣ церкви, и к светои Пречистой а къ светымъ | мученикомъ БорисѸ а Глебу<sup>2, [13]</sup> по десѧти копъ грошеи. А на ПѸстынскїи маанастыр пана Алексѧндровъ<sup>[14]</sup> десѧт(ь) копъ грошеи. А на Берестейскую соборную церковь светого Николы<sup>[15]</sup> десѧт(ь) копъ грошеи. А на володимерскую церковь светое Пречистое<sup>[16]</sup> десѧт(ь) копъ грошеи. В Луцку на | церковь светого Ивана Богослова<sup>[17]</sup> десѧть копъ грошеи. А в манастыр | на светого Николы Жидичиньского<sup>[18]</sup> десѧт(ь) копъ грошеи. В Люблине | на церковь светого Спаса<sup>[19]</sup> памѧт(ь) копъ грошеи. Ѹ Холме на церковь светое | Пречистое Богоматери<sup>[20]</sup> десѧт(ь) копъ грошеи. В Перемишлї на соборную ||<sup>а. 57 об.</sup> церковь<sup>[21]</sup> десѧт(ь) копъ грошеи. А въ его небожчиковскихъ именныхъ на манастыр | светое Троицы<sup>[22]</sup> десѧт(ь) копъ грошеи. А на семь церквей по копе грошеи.

И тежъ | некол(ь)косъ его невол(ь)ныхъ, которыхъ былъ онъ побрал Ѹ винахъ, и въ выншихъ | некоторыхъ трудностяхъ были, тыхъ всихъ, маршалокъ нашъ намъ оповѣдалъ, ижъ по его дѣши ихъ на волю пѣстил. А<sup>6</sup> к тому некоторыхъ его | рѣхомыхъ речеи, шать и иныхъ речеи роспродавши и сумою шестьдесѧт копъ грошеи собравши, и тыми п(е)н(ѧ)зми<sup>8</sup> некол(ь)ко дѣшъ выкѣпити | с поганьскихъ рукъ и по его дѣши пустити.

И кн(ѧ)зь Михаило билъ намъ чоломъ | абыхмо ему на то дали нашъ листь дозволеныи, ажъ бы не ѧко некоторые близкїи небожчика кн(ѧ)за Дмитреевы тыхъ данниковъ и п(е)н(ѧ)зи | и иныхъ речеи на немъ не искали, которые онъ по его дѣши и по его родители дѣшахъ роздаль и ѡ(т)писалъ.

Ино мы на то бачность маючи, што жъ | небожчикъ кн(ѧ)зь Дмитрии некоторое памѧтьки<sup>8</sup> по своеи дѣши | и по родители своихъ дѣсахъ не вчинилъ, а онъ ѧко жъ то маючи Ѹ своемъ | порѣченїи и въ вопеще з нашимъ призволеньемъ своимъ доброволенствомъ, | хотачи досыт памѧтьки вечистое ѧвделати его души и родители<sup>9</sup> | его, тые данники к томѸ манастыру в Киеве и к церкви светое | Пречистое Богоматери Ѹ Вил(ь)ни далъ и которыи п(е)н(ѧ)зи роздалъ на церкви | бож(е)и, того всего не маютъ на немъ поискивати а ни рѣхати некоторые близкїи небожчика кн(ѧ)за Дмитреевы.

А на<sup>10</sup> то есмо емѸ дали сесь нашъ листь | дозволеныи и печат(ь) нашу казали есмо привесити<sup>2</sup> к семѸ нашему листу. |

При том были панове рада наша, князь Воитехъ, бискупъ виленский, | а воевода виленский, канцлеръ<sup>2</sup> нашъ панъ Миколаи Радивилловичъ, | воевода троцкии панъ Миколаи Миколавичъ, а маршалокъ земский, староста городенский пан Ёднъ Юр(ь)евичъ, а панъ троцкии, староста жомоитский панъ Станиславъ<sup>11</sup> Ёднович, а гетьман нашъ, наместникъ василишский пан | Станиславъ Петровичъ, а маршалокъ нашъ, ѿхмистръ наше корол[ев]ое, ее м(и)л(о)сти, наместникъ<sup>2</sup> ковенский панъ Воитех Ёднович, а маршалок наш, | наместникъ<sup>2</sup> мерецкии панъ Станиславъ Ёднович, а маршалокъ и писар | нашъ, канцлеръ наше королевое<sup>12</sup>, ее м(и)л(о)сти, наместникъ<sup>2</sup> brasлавский | и жижморьский панъ Иванъ Семеновичъ Сопежича<sup>2</sup>.

Писан 8 Вил(ь)ни, въ | лито 7014, м(е)с(а)ца април(ь) 29 день. Индиктъ 9. || л. 58

*Примечания.* <sup>1</sup> Буква ѣ исправлена из и <sup>2</sup> Буква е 15 раз исправлена из и <sup>3</sup> Исправлено, в рукописи сиданикъ <sup>4</sup> После буквы д над строкой карандашом вписана буква н <sup>5</sup> Исправлено, в рукописи светого <sup>6</sup> Буква а исправлена из и <sup>7</sup> Буква м написана по полусмытому и <sup>8</sup> Буква л исправлена из другой, возможно из о <sup>9-9</sup> Написано по смытому тексту <sup>10</sup> Слово вписано над строкой <sup>11</sup> Исправлено, в рукописи Ёднъ <sup>12</sup> Исправлено, в рукописи королевое

## № 20

[1506 г.] мая 8. Вильна.

Вырок в справе кн(а)за Ивана Л[ь]вовича Глинского | с п(а)нею Миколаевою Шеметовича ѿ забран(ь)е зем(е)ль | и людеи двора Белицкого къ двору Нетечы. |

Алексъандръ, бож(е)ю м(и)л(о)стью. |

Смотрели есмо того дела с паны радами нашими<sup>1</sup>.

Стояли пелред нами ѿчевисто. Жаловал намъ воевода киевский кн(а)зь Иванъ Львович | Глинский на п(а)нюю Миколаевую Шеметовича, тымъ обычаем рекучи, бы | она забрала люди и земли пустовские двора Белицкого къ двору | своему к Нетечи<sup>[1]</sup> безъ наше данины. И пани Миколаеваа к тому поведила, што жъ какъ перво сего тотъ дворъ Белицк держал ѿтъ нас | панъ Анъдреи Алексъандровичъ, и в тот часъ жаловал намъ на нее пристав | белицкий Русацкии Мещеневич а конюхъ Анъдрусъ Ёдмантовинъ и з брат(ь)лею своею, з Мацомъ а зъ Юшкомъ, ѿ томъ жо, ижъ бы она забрала люди и земли пѣстовские к тому дворѣ своему. И мы в той<sup>2</sup> речи писали до п(а)на | Анъдрея<sup>3</sup> Алексъанъдровича, ажъ бы сл того доведал и нам ѿтказалъ. | И панъ Анъдреи того сл доведавши<sup>4</sup>, и нам ѿтказал, ижъ она и земль<sup>3</sup> | пѣстовскихъ, и людеи двора Белицкого подъ собою не мает, нижъли | она тыи люди держитъ к тому двору своему, котории ж предокъ | пана ее на великомъ кн(а)зи Витол(ь)те выслужил. И тот она листъ нашъ, | писаныи до пана Анъдрея, на то передъ нами вказывала.

А к тому | теж жаловал намъ на нее кн(а)зь Иванъ ѿ землю Марковщину а ѿ Петрашовщину, котории земли держать люди ее, и теж ѿ сеножати, и ѿ | половину леса, и пропаши, и ѿ поле конюха белицкого Павла Нарейковича. И пани Миколаеваа на все на то положила перед нами листъ | сѣдовыи подскаръбего земьского, наместника ѿстрынского пана Ѽедков | Хребтовича. В том листе стоит, што жъ он, какъ держал ѿт насъ Белицк, и в тот часъ там на тыи земли выездил, и того смотрел<sup>4</sup> и водле | сведоцства стороннихъ светьковъ панее Миколаевое людем тыи | земли, и сеножати, и половину леса<sup>4</sup>, и пропашеи, и поле того конюха приусудил.

И мы водле отказѣ пана Аньдреева и зърозѣмевши на листе нашом || л. 58 об. и на листе судовом пана Ѡедка Хребѣтовича, при всемъ при том панюю | Николаевою есмо zostавили. Маеѣ она то все во вѣпокои держати на | веки вечныи, подлугъ доведыванья пана Аньдреева и водле листу | сѣдоваго пана Ѡедкова. А княз(ь) Иванъ маеѣ себе там судьи вести, и того | всего на пану Аньдрею а на панѣ Ѡедку правом искати.

Писан Ѡ Вил(ь)ни, маѣ | 8 день. Инѣдикть 9. |

*Примечания.* <sup>1</sup>Написано дважды <sup>2</sup>Буква о исправлена из и <sup>3</sup>Буква е исправлена из другой <sup>4</sup>Буква е написана по смыслу тексту

## № 21

[1506 г.] мая 7. Вильна.

Позволен(ь)е кн(а)зю Глинскомѣ платити долѣ купцом  
за сукна | з мынцы. |

Алекѣсандрѣ, бож(е)ю м(и)л(о)стью. |

Маршалку нашомѣ дворяному, державцы бел(ь)скому и ѣтенскому кн(а)зю | Михаилу Л(ь)вовичу Глинскому.

Што еси з нашего росказанья и панов рады | наше взал сѣкна ѣ купцовъ на свои руки за оидиннадцатъ сот<sup>1</sup> копѣ грошеи | и тым сукном платили есмо служебнымъ нашим за ихъ службу, тым, которыи здесе намъ заслѣжили, в панстве нашом, ѣ Великом князстве Литовском. |

И ты бы тым купцом за тое сукно тыи п(е)н(а)зи поплатил з мынцы н(а)шое. |

Писан Ѡ Вил(ь)ни, маѣ 7 день. Индикть 9. |

*Примечание.* <sup>1</sup>Слово вписано над строкой

## № 22

[1506 г.] мая 24. Вильна.

Кн(а)зю Васил(ь)ю Мѣнчы на село Тѣлеговичи | в Мозырском  
повете. |

Алекѣсандрѣ, бож(е)ю м(и)л(о)стью корол(ь) пол(ь)скии. |

Воеводе киевскомѣ кн(а)зю Ивану Львовичу Глинскомѣ.

Бил намъ чоломъ | дворянинъ нашъ князь Василеи Мунѣча и поведил перед нами, што ж | Ѡтчинѣ его неприятел(ь) нашъ, великии князь московскии, забрал и посел, | и не маеѣ са, на чомъ поживити. И Ѡнъ просил в насъ села в Мозырскомъ | повете на имѣ Тѣлеговичов. А поведал намъ, што ж с того села дани || л. 59. грошовое, и медовое, и бобровъ, и кѣнищъ, всего того десѣт(ь) копѣ грошеи нам | даивали. Ино и твоѣ м(и)л(о)сть Ѡ томъ намъ поведил, ижъ таѣ речъ | такъ естъ, какъ Ѡн намъ поведал.

Ино мы, з ласки наше, за его к нам | верную службу, тое село Тулеговичи со всемъ с тым ему дали, какъ | на насъ держано. И твоѣ бы милость ему в то ѣвзанье даль. |

Писан Ѡ Вил(ь)ни, маѣ 24 день. Инѣдикть 9. |

Пр(а)в(ил) м(а)р(шалок) зем(скии), ст(а)р(оста) гор(оденскии) п(а)н Гѣн Юр(ьевич), воев(ода) киев(скии) кн[а]з(ь) Ив(а)н, м(а)р(шалок) | дв(о)р(ньи), д(е)р(жавца) бел(ь)скии и ѣтенскии кн[а]з(ь) М(и)х(аил), под(столии), | ст(а)р(оста) бер(естейскии) кн[а]з(ь) Вас(илии) Л(ь)в(о)в(ичи) Глин(скии). |



## № 23

[1505 г. февраля 20 — 1507 г. марта 27.]

Справа межи п(а)ном Петром Ёлехновичом а межи |  
п(а)ном Ёл(ь)брахтом Кгаштол(ь)том ѿ долгъ  
п(а)на Воитеха | Кучѳковича етс. |

Г(о)с(по)д(а)ръ корол(ь), его м(и)л(о)сть, казал про памат(ь) записати.

Што ж панъ Петръ | Ёлехновичъ, кулмистръ г(о)с(по)д(а)ра корола<sup>1</sup>, его м(и)л(о)сти, перед всеми паны | радами Великого князства Литовского ѳпоминал се пану Ёл(ь)брахту Мартиновичу, подчасому г(о)с(по)д(а)ра корола, его м(и)л(о)сти, ѿ долгъ небожчика пана Воитеховъ Кучѳковича, ѿ сто копь и ѿ шестьдесат копь грошеи. | Же бы панъ Воитехъ тую сто копь и шестьдесат записал берънадыномъ на дому пана Ёл(ь)брахтове ѳ Вил(ь)ни, што на клаштори<sup>[1]</sup>. Ино княз(ь) | Воитехъ, бискупъ виленъский, перед паны радами поведил, што ж деи | «вжо берънадынове ѿ тые п(е)н(а)зи ещо з небожчицою с п(а)ни Мартиновою, | з матъкою пана Ёльбрахтовою, перед мною право мели. И пани | Мартинову деи в том есми нашол правую».

Ино панове рада пана Ёл(ь)брахта в томъ нашли правого ж, подълугъ сѳда первого и ѿказѳ кн(а)за | бискѳпова. || л. 59 об.

Примечание. <sup>1</sup>Буква а исправлена из е

## № 24

1506 г. мая 29. Вильна.

Привилеі кн(а)зю Петрѳ Михаиловичѳ | на село Рожанцы  
в Берестейском повете. |

Во има светына живоначал(ь)нына неразделимыа троицы. Амин(ь).

Каждая | речь света того подлугъ бегѳ чьловеченства ведома естъ кѳ сталости, | котораа ж николи естъ впеvнена<sup>[1]</sup> и в памяти тривала<sup>[2]</sup>, але<sup>1</sup> с часом забыт(ь)ю<sup>1</sup> | ѿтдаеть с а, ис памяти выходит, нижли найдена естъ вчоньыми<sup>[3]</sup> слушныи | а справедливыи ричи выписанью ѿтдати кѳ ѳверенью и досветьченью | на прышлыи часть и на потом стальныхъ речей.

Про то мы, Александръ, | божью м(и)л(о)стью корол(ь) пол(ь)ский великий княз(ь) литовский, руский, кн(а)жа пруское, | жомойтский и иных, чинимъ знаменито симъ нашимъ листом, хто | на него посмотреть, або чтѳчи его ѳслышитъ, нинешним и на потом | будучимъ, кому будетъ потребъ того ведати.

Иж вбачивши к нам | веръную а пил(ь)ную<sup>[4]</sup>, справедливую, николи не вѳмешконую службу шлахотне вроженого княжи Петра Михаиловича<sup>[5]</sup>, дворенина нашего, | которою ж с а ѿн к намъ, яко то кѳ пану своему<sup>2</sup> дедичномѳ цнотливе<sup>[6]</sup> а накладне ѳказал, пожаловали, дали есмо ему село в Берестейском повете Рожанцы, два жеребьи слѳжебныхъ а чотыри сотных, и з люд(ь)ми, и зъ ихъ | подат(ь)ми и пошлинами, и со всим с тымъ, што здавна к томѳ прислухало. | И теж мы, хотачи на потом ѳхотнейшого и поспешнейшого<sup>3</sup> кѳ службе нашей | мети, тое село Рожанцы даем и потвержаемъ тым то нынешним нашимъ | листомъ вечно, емѳ самомѳ, и его жоне, и ихъ детям, и на потом будѳчимъ | ихъ счадькомъ, со всеми того села люд(ь)ми пѳтными и данными, и талглыми, и з ихъ землами пашными и бортными, и со всеми

тых людей входы, где кольве<sup>[7]</sup> бѣдут здавна земли и входы свои мевали, и зъ их дан(ь)ми | грошовыми, и медовыми, и куничными, и зъ житными, и зъ мытомъ в том | его селе сухимъ путем и воденымъ, и зъ ловы зверинными и пташими, и зъ лесы, и с озера, и зъ реками, и зъ ихъ береги, и зъ бобровыми гоны, и с платы, и зъ млыны, и зъ ихъ вымелками, и съ сеножат(ь)ми, и зъ болоты, и потоки, и зъ дѣбровами, и зъ гаи, и с хворосты, и с паствами, и зъ выгоны, и зъ землями полазными<sup>[8]</sup>, || л. 60 и со всеми того села входы и доходы, и платы, которымъ кольве именемъ могѣть | названы, або менены быти, со всемъ правомъ и панствомъ, такъ широко | и долго, и округло, какъ зъ давныхъ часовъ тое село в себе сѣ мело<sup>3</sup> и ныне мает. | Волен ѿн, и его жона, и ихъ дети, и на потомъ бѣдѣчи ихъ счадъки, тое село | вышеписаное ѿтдати, и продати, заменити, розширити, и прибавити, | и люд(ь)ми ѿсадити, и на церковь записати, ку своему лепшомѣ а вжиточному | ѿвернути, какъ сами налепеи розѣмеючи.

А при томъ были панове рада | наши, кн(а)зь Воитехъ, бискупъ виленский, а воевода виленский, канцлеръ<sup>3</sup> нашъ | пан Миколаи Радивиловичъ, а воевода троцький панъ Миколаи Миколаевичъ, | а маршалокъ земский, староста городеньский панъ Іднъ Юр(ь)евичъ, пан троцький, староста жомойтский панъ Станислав<sup>2</sup> Ідновичъ, а маршалокъ дворный, | державца бел(ь)ский и ѣтенский княз(ь) Михаило Л[ь]вовичъ Глинский, а подчаший нашъ, | наместникъ<sup>3</sup> новгородский панъ Ёльбрахтъ Мартиновичъ, а маршалокъ нашъ, | наместникъ<sup>2</sup> пунский панъ Александро Ивановичъ Ходковича.

А для лепшого сведом(ь)ѣа и бол(ь)шое твердости и печат(ь) нашѣ казали есмо привесити<sup>3</sup> | к семѣ нашему листѣ.

Писанъ 8 Вил(ь)ни, в летъ 7014, м(е)с(а)ца мая | 29 день. Индикт 9<sup>4</sup>. |

*Примечания.* <sup>1-1</sup>Написано в строке другим почерком и чернилами <sup>2</sup>Буква в исправлена из другой <sup>3</sup>Буква в исправлена из и <sup>4</sup>На полях помета карандашом 1505

## № 25

[1506 г.] июля 10. Вильна.

Мартину немцѣ Платнерѣ на мыто | мостовое в Городне. |

Александръ, бож(е)ю м(и)л(о)стью. |

Маршалку земскому, старосте городеньскомѣ пану Ідну Юр(ь)вичу.

Билъ | намъ чоломъ слуга нашъ Мартинъ немецъ Платнеръ, што есмо мели ему завѣжды давати за его службу в кождыи годъ по деваносто золотыхъ, а по | шубе лисей завыховой<sup>[1]</sup>, а по две сукне люнскихъ<sup>[2]</sup>, а на ѿдин кон(ь) по сорокъ | золотыхъ. Ино вже всего того ѿстали есмо ему винни за его службу деват(ь)сотъ золотыхъ и шестьдесѣт и пат(ь) золотыхъ.

И билъ намъ чоломъ, абыхъмо | емѣ за его службу, которѣю жъ маеть намъ впередъ заслѣговати, поки его | намъ службы бѣдетъ потребѣ, дали мыто в месте Городенскомъ мостовое. || л. 60 об.

Ино мы зъ ласки наше, бачачи его годность в службѣ нашей, тое мыто городенское мостовое ему дали. Маеть ѿн тое мыто держати в тои своей службѣ, которѣю маеть намъ впередъ заслуговати, в тои теж<sup>1</sup> сѣме, в девѣтисотъ | золотыхъ, и шестидесѣт(и) и пѣти золотыхъ. А золотыи по двѣдцѣт(и) и по два | гроши<sup>[3]</sup>. Маеть ѿн тое мыто городенское мостовое до тыхъ часовъ, поки ему | тыи золотыи за его службу мають заплачоны быти.

Писанъ 8 Вил(ь)ни, | июл(ь) 10 день. Индиктъ 9. |

Пр(а)в(ил) м(а)р(шалок) д(во)р(ный, д(е)р(жавца) б(е)л(ьский) и 8т(енский) | кн(а)з(ь) Мих(аил) Л(ь)в(о)в(ич) Глин(ский). |

*Примечание.* <sup>1</sup>Слово написано по смытому тексту

№ 26

1506 г. июня 21. Вильна.

Лист в справе к8пцов кгданских ѿ неплачен(ь)е | двои(но)га мыта на коморе ковенскои. |

Алексъандръ, бож(е)ю м(и)л(о)стью. |

Мытником ковенским Гейдриху Карловичу а 8л[ь]риху Гоз8<sup>1</sup> и иным мытникомъ ковенскимъ, хто и на потом б8дет ѿт насъ мыто ковенское держати.

Жаловали намъ купцы кгданские ѿ томъ, што *ж* деи коли ѿни приеждчають<sup>2</sup> со Кгданска съ солью до Ковна, и вы деи в нихъ ѿтъ тое соли мыто берете, а ѿпат(ь), коли ѿни соль проводат с Ковна до Вильни, и вы | деи на нихъ другое мыто берете. А перед тымъ деи имъ того здавна не | бывало, нишли деи какъ держал ѿт насъ мыто ковенское Гендрыхъ Шлакгеръ и ѿн имъ тое мыто др8гое 8становил.

Ино здесе з нашего росказан(ь)я | маршалокъ нашъ дворный, державца бел(ь)ский и 8тенский кн(а)зъ Михаило Л[ь]вовичъ Глинский, а маршалокъ нашъ, канцлер наше королевое, ее м(и)л(о)сти, наместникъ браславский и жижморский пан Иванъ Семеновичъ Соп8жича<sup>3</sup>, | а подскарбии земский, наместникъ ѿстринский пан Өедко Хребтовичъ | в той речи старыхъ мытниковъ ковенскихъ ѿпытывали, жида 38бъца и его товаришов. И 38бец поведил перед нами, што *ж* ѿтец его Данило | и ѿн колькос(ь) годъ тое мыто держали 8 Ковне, а ѿни тол(ь)ко<sup>4</sup> ѿдно мыто даивали, коли | съ Кгданска съ сол(ь)ю до Ковна приед8тъ, и заплативши мыто 8 Ковне, | с тою сол(ь)ю до Вильни, або где<sup>5</sup> нь хотат, там ед8тъ. А др8гого в нихъ || <sup>л. 61</sup> мыта не биривали.

И кн(а)зъ Михаило маршалокъ, а пан Иванъ Сопега, а пан Өедко, | ѿ том ѿпытавши, и намъ то ѿтказали. Ино мы, тому пораз8мевши, | подлугъ 38бцова сведецтва и его товаришовъ, купцовъ кгданских, | водле давности есмо zostавили. Мают | ѿни, приехавши съ сол(ь)ю до Ковна, | ѿдно мыто заплатити, и заплативши мыто 8 Ковне, и съ с тою сол(ь)ю | до Вил(ь)ни, або где похотат, инде с Ковна там ед8тъ.

Про то *ж* приказ8емъ вамъ, ажъ бы есте через то в нихъ в Ковне, какъ ѿни приед8т | и сол(ь)ю до Ковна, ѿдно мыто брали, а другого мыта бы есте в нихъ не брали | в8чно<sup>3</sup>, водле давного ѿбычаю.

Писан 8 Вил(ь)ни, в лето 7014, | м(е)с(а)ца июн(ь) 21 ден(ь). |

Пр(и)к(азал) м(а)р(шалок) дв(о)р(ный), д(е)р(жавца) б(е)л(ьский) | и 8т(енский) кн[а]з(ь) Мих(аило) Л(ь)в(о)в(ич) Глин(ский). |

*Примечания.* <sup>1</sup>Буква 8 исправлена из другой <sup>2</sup>Буквы дчають написаны по смытому тексту <sup>3</sup>Буква 8 исправлена из и <sup>4</sup>Слово вписано над строкой <sup>5</sup>Буква е исправлена из и

№ 27

[1504–1506 гг.]

Справа смол(ь)нанина Богдана Свирщева | ѿ клач8. |

На памат(ь) Богушу, писару г(о)с(по)д(а)рьскому, городничому троцком8, а Михаил8 | Халецькому.

Што жаловал намъ тотъ смол(ь)нанин на има Богдан Свуршшовичъ на маршалъка митрополич(ь)его на Митька тыи обычаемъ: | «Тотъ деи Митько взал в мене коня невинно в тотъ часъ, какъ пан Юрии Глебо(в)ичъ Смоленскъ держаль»<sup>[1]</sup>. И Мит(ь)ко рекъ: «Иа деи тогды слѣжилъ пану Юр(и)ю, | ино деи смол(ь)нанинъ жо на има Исакъ<sup>1</sup> взал мене в пана Юр(и)а децкимъ | по него в полукопѣи грошеи, и та деи в томъ полукопѣи взал в него клачу, и тую | клачу давал есми тому Исаку в томъ полукопѣи. И онъ ее не взал, дла тог(о), | што таа клача того не стоѣла. И потомъ деи таа клача в мене вмерла. | И онъ деи искал на мни тое клачи передъ небожчикомъ кн(а)земъ Алехъномъ Глазыною а передъ паномъ Васильемъ Полтевичомъ. И тое деи клачи тогды на | мне не доискал са. И тотъ деи судъ в книги земскіе вписал». И послал са | Митько до книгъ земскихъ. А Богдан к тому приставил. || <sup>л. 61 об.</sup>

*Примечание.* <sup>1</sup>Далее в строке пропуск в 5–6 букв

## № 28

[1506 г.]

Ѡписан(ь)е татаръ заволскихъ, которіе | на порѣкѣ розданы. |

На памѣт(ь), | которіи татарове заволскіи на парѣку розданы.

Кн(а)з(ь) | Ахметъ Влановичъ, а Влан новгородскіи, а Турюнь, а Адко, а Бекии Влановичи взали на свои руки племянника своего на има Икибака Влана, | которіи приехали тыи разы к ц(а)рю на службу, а слѣгу его Келдиа(р)а на трехсотъ копахъ грошеи.

Пан Юрии Анѣдриевичъ Сологѣбовича | взал татарина Ажъбердеа.

А Идарха Безевичъ взал на свои руки ц(а)р(е)ва | татарина Измаила.

Келдиш кн(а)за Дмитреевъ сынъ а Ѡсанъ Ѡзизно(в)ичъ взали слѣгу ц(а)р(е)ва Тавлуша<sup>1</sup> а слугѣ его Жданаа 8 ступо копахъ. |

Темешъ<sup>2</sup> Вланъ а Ѡрусъ Вланъ, маршалъки, взали шѣрина а зата Абѣдѣлина, Богуша а Кочера, 8 тридцати копахъ.

Темешъ Ѡразъ, маршалокъ, взаль старого татарина Алдиара 8 двадцати копахъ | грошеи.

Кн(а)зъ Касымъ Сенѣковичъ з братомъ своимъ с Ездою взали | на рѣки два коморники<sup>[1]</sup> ц(а)р(е)вы Дермаша а Чаратаа, а слугѣ ихъ, кожѣдаго 8 ступо копахъ.

Аидар Епашевичъ, толмачъ, взаль Бикина ц(а)р(е)ва | коморника 8 двадцати копахъ.

Кіевскіи сеитъ Бикитъ взал простог(о) | чловека Кутлубердеа 8 двадцати копахъ.

Иашишъ Иабулнуковъ взаль слѣгу<sup>3</sup> ц(а)р(е)ва, што ново приехал, Абѣдлитоа, а слѣгу его Дервиша в пѣтидесѣт(и) копахъ.

Кн(а)зъ Иванъ Кадышевичъ з братомъ своимъ Анѣреемъ | взали трѣбача ц(а)р(е)ва в тридцати копахъ.

Сеитъ взал коморника | ц(а)р(е)ва Азъкчаждѣа а слѣгу его Епарха.

Романъ Посоровичъ взал колушка<sup>[2]</sup> | ц(а)р(е)ва Хадбердеа в тридцати копахъ.

Ильяс Тиморчинъ взал немоцного татарина Тонкѣра а слѣгу его Адна в тридцати копахъ. |

Бекъ Маковичъ<sup>4</sup> взал Икчибакова слѣгу Хаизаша в тридцати копахъ. |

Кн(а)зь Сеит а К8лукъ взяли князя Тювикелевых татар трех, Исака, | а Мелбелата, а К8тлуш8иска, а сл8гу их Караса.

Пан Ёднъ Заберезинский | взал Машикожу а Башика.

Ёдныи толмачъ взал на свои р8ки немощного || л. 62 татарина Килдибека.

Кул8къ брата своего взал Шелтака.

А сл8гу | Тактамышова Магмета царевич8<sup>[3]</sup> дали, к8харя его Анакоза. |

Романдан, толмачъ, взал слугу царева, дворенина Дербишелеева Шалм8лу.

Пан Мартинъ, конюшии, двух татаринов г(о)с(по)д(а)рю оставил, К8дола|ра а Иинклика.

Царевич8<sup>[3]</sup> взал осмь татарыновъ, а сам деватыи. |

Сеит взал дядка своего рожоного корачея<sup>[4]</sup> на имя Солтана Ахмат(а), | а слугъ его, Лавка Машичича, а 8разбахтыя, а Карлыша, а Бюркча, | а Кенъсук8ла, а два холопы, што в сада были, на имя Тра а Камбара. | До пана Ивана Сопеги дал дванадцать татарыновъ, царевых | слугъ. Кн(а)зь Томач Дядко сына, а 8зар, маршалков братанич, выр8чил 8лиасана 8 петинадцати копах, посла царевича. |

*Примечания. <sup>1</sup>Буква ш исправлена из двух других <sup>2</sup>Буква ь исправлена из другой <sup>3</sup>В рукописи слугу <sup>4</sup>Буквы ко написаны по смыслу текста*

## № 29

1506 г. июля 5. Вильна.

Привилеі маршалк8 земском8 пану Ёдн8 Юр(ь)евич8 | на двор  
Немоноти в суме п(е)н(а)зеи и на 8литу. |

Александръ, бож(е)ю м(и)л(о)стью. |

Чинимъ знаменито сим нашим листом.

Што есмо перво сего взяли 8 маршалка | земского, старосты городенского в пана Ёдна Юр(ь)евича три тисечи | золотых к<sup>1</sup> нашою потребизне и земскои, и в тых золотыхъ<sup>1</sup> дали и заставили были есмо ему два дворы наши, 8литу и Нелмоноиты, и з люд(ь)ми, и со всем тым, што к тым двором присл8хаеть. Ино пан | Ёдн бил нам чоломъ и поведил перед нами шкод8 и впад свои, которыи са ему | стал од поганьства татар, што ж имен(ь)та его вси искажоны и выбрапы и выжжены, и скарьбы его побраны.

Ино мы, паматаючи его | к нам верную службу, для такового его впад8, и не хотачи его в том опустит(и), дали есмо ему 8 отчину двор наш 8литу, и з дворцомъ на имя и съ | Симномъ, и з люд(ь)ми и со всем с тымъ, какъ здавна тот двор и дворец в себе || л. 62 об. са мает, вынавышы с тое зоставы. И то вжо есмо ему привильем нашим | потвердили на вечность.

А Неманоити двор наш дали есмо ем8 и записали в дву тисечах золотых. А тыми часы теж<sup>2</sup> взяли есмо в него на наш8 | потребизн8 и земскую триста копь грошеи пенажныхъ. И тые п(е)н(а)зи, | триста копь грошеи, к тои же с8ме, двум тисачемъ золотым, приписали | есмо ем8 на томъ жо нашомъ дворе Неманоитлах симъ нашим нынешним | привильем. Маеть онъ тот двор Неманоити держати со всем с тым, што | к тому двор8 слушаает, в тыхъ дву тисачехъ золотых и в трехсот копах | грошеи до тых часовъ, поки мы, або потомкове наши, тую сум8 золотых и п(е)н(а)зеи ему отложить. А не отложивши ему тое сумы золотых | и п(е)н(а)зеи сполна, мы и потомки наши не маем его с того двора р8шити | на жадную причину. Ажъ справедливе ему т8ю с8му золотых и пеназеи | отложивши, тогда он мает нам тот двор спустити.

А для лепшого | сведом(ь)іа и бол(ь)шое твердости и печать нашу казали есмо привесити | к сему нашом<sup>8</sup> листу.

А при том были панове рада наша, кн(а)зь Воитех, | бискѣпъ виленський, а воевода виленський, канѣцляръ нашъ пан Миколаи Радзивиловичъ, а воевода троцкии пан Миколаи Миколаевич, а маршалокъ | дворныи, державца бел[ь]скии и 8тенскии княз(ь) Михаило Л[ь]вовичъ Глинський, а воевода полоцкии пан Станиславъ Глебовичъ.

Писан 8 Вил(ь)ни, в лет(о) 7014, | м(е)с(а)ца июл(ь) 5 день. Индиктъ 9. |

*Примечания. <sup>1</sup>Написано со знаком вставки на нижнем поле <sup>2</sup>Слово вписано над строкой*

## № 30

[1506 г.]

Әписан(ь)е татар, которих по розных дворох роздано. |

На памат(ь), которых татар нагаискихъ и хазтараканьскихъ роздавалъ Петрашко Епимаховичъ.

До П8ни Панько а Еско взяли сем(ь) татаѣриновъ.

Кн(а)зь Прихабскии а Ивашко Глебовичъ до Мошакгоилы | взяли чотыри.

Мит(ь)ко Хребтьович до Довк[г]ов взял шесть.

Иван Ёдкович | два взял до Лынкмени.

Дашко, сестренец Бориса Семеновича, ѿдного въз[з]ал до Неменьчин.

Ѓлѣеръ новѣгородец а Юшко ваз(ь)метинъ шести взяли | до Вены.

П8тата полочанин а Сенько тѣеритин взяли семи ч(о)л(о)в(е)ковъ || <sup>л. 63</sup> до Скерстум8ни, с тыми сема старшии посол Акбы Каримовъ Тювикел м8рза<sup>[1]</sup>. |

Митко дыакъ а Василеи москвитинъ взяли шесть до Стоклишок.

Пану Өедку | подскарѣбему ѿдного дал.

Авраму, смоленскому старосте, ѿдного дал.

Талтарина дал лечити Ганус8 Балвер8.

Петрашко Епимахович трех взял талтариновъ<sup>1</sup>.

На памат(ь), которых выр8чили в Петрашкыка жь Епимаховича.

Ахмет 8ланъ Асанчукович выручил Всеина, Хожака солтанова посла, 8 сту копах грошеи.

Кн(а)зь Асманъ, хор8жи, а Өсан, маршалокъ, выр8чили Кит Магмита ц(а)р[ев]а посла Сюлимена и з слугою, само друга, | 8 патидесат(и) копах.

Аидаѣрец Малыи, толмачъ, выручил Емурчеа а Косеита, | дву 8 патидесат(и) копах.

Легушь, толмачъ, выручил Сад8лу 8 тридцати копах. |

Аидар Хазьпеевич выр8чил Измаила а Мольну, двух 8 шестидесат(и) копах. |

*Примечание. <sup>1</sup>Далее пропуск в 12–13 букв*

## № 31

[1506 г. июня 6 — августа 31.]

Справа межи п(а)ни Доброгостовою а п(а)ном Өл(ь)|брахтом Кгаштол(ь)том ѿ люди в Довкгалишках и дворец | 8 Өстрове. |

Жаловала Доброгостоваа тым обычаем: «Пан Өл(ь)брахтъ ми кривѣды делаетъ, | люди мои властные за себе забрал в Довкгалишках и дворец, што 8в Острове». | И пань

Ѓл(ь)брахть поведил, ижъ дал ему тые люди г(о)с(по)д(а)рѣ корол(ь), его м(и)л(о)сть, и привил(ь)мь своимъ<sup>[1]</sup> потвердил, которые *ж* люди здавна г(о)с(по)д(а)рѣские были. А пан | Доброгость забрал тыхъ людей без данины г(о)с(по)д(а)рѣское. «А тые люди служили | к селѣ к Совденаньцомъ, которое *ж* село дал ми г(о)с(по)д(а)рѣ, его м(и)л(о)сть». И пани | Доброгостоваа рекла: «Мене при том ѿставил пан мои, а будет ли тебе | которое дело, ино сынъ мои будет с тобою ѿ томъ мовити, какъ доростет лет своихъ. А тепер(е) сынъ мои лет не мает, тол(ь)ко ему чотырнадцать летъ». |

И панове, их м(и)л(о)сть, то ѿ право вжо ѿвели, нижли ѿложили до летъ | сына ее, еще до трех годов. И ѿ том дворец ѿтець пана Ѓл(ь)брахтов ѿт п(а)на | Доброгоста правомъ зыскал, и листы на то сѣдовьи короля Казиме<sup>ра</sup><sup>[2]</sup> перед паны, их м(и)л(о)стью, вказывал. Панове, их м(и)л(о)сть, то вжо ѿ право | ѿвели, какъ три годы выйдут, мает панъ Ѓл(ь)брахть з Доброгостовичомъ || <sup>л. 63 об.</sup> ѿ том мовити. И того дворца, што ѿв Острове, и тыхъ людей, што был пан Доброгость без данины г(о)с(по)д(а)рѣское забрал, маеть ждати того пан Ѓл(ь)брахть | до трех годовъ, поченьчи ѿт дна с(ва)того Матея<sup>[3]</sup>.

Индикть 9. |

№ 32

[1506 г.] июля 8. Вильна.

Данилѣ Дедковичѣ на держан(ь)е волостки | Брагинское  
до избран(ь)а п(е)н(а)зеи. |

Алексъандрѣ, бож(е)ю м(и)л(о)стью. |

Писаромъ нашимъ тымъ, которыхъ коли бѣдем слати на волости наши поднепрѣские | недопонковъ данеи нашихъ правити.

Бил нам чолом дворенин нашъ Данилеи | Дедковичъ ѿ томъ, што *ж* ѿнѣ, бѣдѣчи на нашои слѣжбе в Орѣде Перекопскои<sup>[1]</sup>, | травачи сѣ и впоминки даючи, всего того выдал двесте копѣ и тридцат(ь) копѣ грошеи. И бил нам чолом, абыхмо ему дали в тыхъ п(е)н(а)зехъ волостку | Брагинскую держати и дан(ь) грошовую, и медовѣю, и куничнѣю и иныя | вси наши доходы с нее брати до тыхъ часовъ, поки ѿн бы себе тую | двесте копѣ и тридцат(ь) копѣ грошеи заплатил.

Ино мы за тые его | шкоды, которые емѣ на тои слѣжбе нашои стали сѣ, тую волостку | Брагинъ емѣ дали со всеми нашими доходы и присѣды<sup>[2]</sup>. Нехаи ѿн тую | волостку держити и дан(ь) грошовѣю, и медовую, и куничную и вси | иныя доходы, которые с тое волостки намъ даиваны, берет до тыхъ | часовъ, поки ѿн тую двесте копѣ и тридцат(ь) копѣ грошеи тыми нашими | доходы себе заплатит.

А естли, Боже того не даи, бож(е)на вола над нимъ стаиеть сѣ, пригодит сѣ емѣ на нашои службѣ см[е]рть, тогда жона и дети | его тую дань вышеписаную и вси наши доходы брагинские мают брати | дотолѣ, поки себе двесте копѣ и тридцат(ь) копѣ грошеи выберут.

И вы бы | того часу, поки емѣ, або его жене и ихъ детемъ в томъ заплата сѣ стане, | с тое волости наше дани и иныхъ никоторыхъ нашихъ доходовъ не брали. |

Писан ѿ Вил(ь)ни, июл(ь) 6 день, Индикть 9. |

Пр[и] т(ом) б(ы)л(и) воев(ода) тр(о)ц(кии) п(а)н М(и)к(о)лаи Мик(о)лаевич, м(а)р(шалок) зем(ский), | ст(а)р(оста) [городенский] п(а)н Гѣн Юр(ьевич), мар(шалок) дв(о)р(ный), дер(жавца) бел(ьский) | и ѿт(енский) кн[а]з(ь) Мих(аило) Л(ь)в(о)в(ич) Глин(ский), воев(ода) полоц(кии) пан | Станислав Глебович. || <sup>л. 64</sup>

Лист до панов рад з стороны задержан(ь)а | послов  
татарскихъ. |

Алексъандръ, бож(е)ю м(и)л(о)стью. |

Кн(а)зю Воитехъ, бискъпу виленскому, и воеводе виленскому<sup>1</sup>, | канцлеръ<sup>2</sup> нашомъ пану Николаю Радивилловичу, и пану виленскому, старосте городенскомъ кн(а)зю Алексъандру Юр(ь)евичу, и воеводе троцкому, | маршалку земьскому пану Іану Юр(ь)евичу, и пану троцкому, старосте жомойтскомъ пану Станиславъ Іановичу.

Поведаем вашей м(и)л(о)сти ѿ нашом здорѡвьи и наше королевое, ее м(и)л(о)сти, з ласки милого Бога на тот часъ есмо ѡ добром здорѡвьи.

Што есмо посылали наместника роского и ѡболицкого | кн(а)за Ѳедора Ивановича Жеславского и казали есмо емъ послов заволских | и нагайских встатнѡти<sup>1</sup>. Ино здесь был Власъ Кулук с князем Ѳедором | Ивановичом и мовил нам: «Покул(ь) деи ваша м(и)л(о)сть ѡзвелите намъ, послом | ц(а)ря заволского, и где мешкати, и мы деи потул(ь) мешкаем». Нижли ѡ послы нагайский мовил намъ и ѡ смета, абыхмо ѡвшеки<sup>2</sup> без мешкан(ь)я | ѡпустили, «бо если деи ихъ задержите, тогды себе с приятелем неприятелем вчините». Ино нам сѡ видело, што ж тыхъ нагайских пословъ ѡтпѡстити. И казали есмо дворенину нашомъ Іакубъ Івашенцевичу проволдити тыхъ пословъ з Новагородъка до Миньска, а з Миньска до Слуцка | потихъ по мили, и где настанѡ ночь, або две, велели есмо ночовати | с ними.

А што вашей м(и)л(о)сти в томъ лепшого ѡвидит, естли ихъ годно<sup>3</sup> | бѡдет задержати, и ваша м(и)л(о)сть велите ихъ встатнути. Але | намъ сѡ видело ихъ ѡтпѡстити, бо коли ихъ здесь задержим, тогды | они все тое потравам и тую ѡдежу подеруть, што есмо имъ давали. А потомъ ѡтпѡстити ж, а ещо знову дары бѡдет давати. Ино | то ни ѡт кого намъ таѡ шкода не станеть сѡ, только самымъ | ѡт себе, коли без потребы тыхъ пословъ задержимъ.

А и сами можете розѡметъ, ижъ пословъ нигде на въсемъ свете не забавливают, || <sup>а. 64 об.</sup> зануж они ѡт своих кн(а)зей приехали были к нам со всимъ добрым, а перед тым | ѡт ихъ Ѣрды панства наши никоторого не мевали. А ныне коли они то, | г(о)с(по)д(а)ри их, посылають, ажъ послы ихъ задержаны, страх того, абы не | како з неприятелемъ нашим московскимъ згодивши сѡ, маючи причинѡ ѡ тые свои послы, посполитою сказою бол(ь)шого шкоды не вчинили | панствомъ нашимъ. Намъ сѡ такъ видело, то пакъ все покладаем | на розѡмъ и ѡмысльъ ваше м(и)л(о)сти, што сѡ лепшого ѡ томъ деле ѡвидит, пустити л(ь), задержати л(ь) их, ваша м(и)л(о)сть такъ вчините, бо мы без | порады вашей м(и)л(о)сти ничего в земьском деле не справѡемъ.

Тежъ | если бы сѡ вашей м(и)л(о)сти видело тыхъ нагайскихъ пословъ ѡтпѡстит(и), | и намъ сѡ видело къ ихъ г(о)с(по)д(а)ремъ в посельстве послати дворенина | нашего Ратомьского а и писали есмо до него. ѡвидит сѡ л(ь) вашою | м(и)л(о)сти, абы вже ѡнъ с послы до Нагаи ехаль.

Писанъ в Мел(ь)нику, ѡктѡбра 21 день. Индиктъ 7<sup>4</sup>. || <sup>а. 65</sup>

Примечания. <sup>1</sup>Далее в строке вычеркнуто кн(а)зю Алексъандру Юр(ь)евичу <sup>2</sup>Буква є исправлена из и <sup>3</sup>Далее смыто две буквы <sup>4</sup>Далее на листе прочерк



А то посол(ь)ства, которіе коли кѸ его м(и)л(ости), великомѸ кн(а)зю, ѿткѸл(ь) приношоны, и ѿтказы против им, и теж ѿт его м(и)л(ос)ти сланы, и ѿтказы ѿтуль. |

№ 34

[1494 г. июня 11 Вильна.]

Посол(ь)ство до великог(о) кн(а)зѧ Ивана Васил(ь)евича п(а)ном Литаворомъ на первеи поклон. |

Александръ, бож(е)ю м(и)л(о)стью великии княз(ь) лит(о)вскии.

Тобе, братѸ и тѣстю<sup>1</sup> своему, великомѸ кн(а)зю ИванѸ Васил(ь)евичу, велел гово|рити.

Што еси прысылал до насъ своих послов, кн(а)зѧ Васил(ь)ѧ Ивановича а кн(а)зѧ | Семена Ивановича<sup>[1]</sup>, ѿ томъ, штобы нам с тобою принати брацтво, | и любовь, и докончанье, и грамоту быхмо нашу докончанъную тебе дали | з нашою печатью, и крестъ цаловали<sup>2</sup>. Ино мы с тобою, братом и тѣтем<sup>1</sup> | нашим, по божее воли и по нашою любѣви, любовь и докончанье принали, и грамоту нашѸ докончал(ь)ную<sup>3, [2]</sup> з нашою печат(ь)ю к<sup>4</sup> тебе ѿтослали с твоими | послы, и крестъ есмо тебе на том цаловали<sup>2</sup> перед твоими послы. И на | чомъ есмо мовили, по тому тебе хочемъ и правити. |

Александръ, бож(е)ю м(и)л(о)стью, великии княз(ь) лит(о)вскии. |

А што есмо до тебе всказывали нашими послы<sup>[3]</sup>, же бы еси дал за насъ | дочку свою, и ты к нам ѿ том своими послы всказал, иж з божьею волею | дочку свою хочешъ за насъ дати. Ино мы тебе, брату и тѣстю<sup>1</sup> нашему, с<sup>6</sup> толго<sup>5</sup> дакѣдемъ, иж хочешъ с нами быти в кровномъ звазан(ь)и и Ѹ вечнои приазни. |

Алекѣсандръ, бож(е)ю м(и)л(о)стью, великии княз(ь) литовскии. |

А што еси всказал до насъ своими послы ѿ вере, штобы намъ дочки | твоеи не нудит(и) к римьскому закону, штоб держала свои греческии закон, а и | грамоту быхмо нашѸ з нашою печатью на том тебе дали, ино мы твоимъ посломъ на то грамотѸ нашу дали<sup>[4]</sup> по томѸ, какъ то грамоте | было быти. И твои послы грамоты наше не хотили взати. И мы | списокъ тое грамоты, какъ была написана, къ тебе есмо послали<sup>7</sup>. || л. 65 об.

То два дни, або три дъни змешкавши после того первого посол(ь)ства, посол(ь)ство правити маеть. |

Александръ, бож(е)ю м(и)л(о)стью великии княз(ь) литовскии. |

Што есмо посылали до тебе перво сего наших послов великих ѿ любви, | и докончаньи, и ѿ братствѣ, и вечнои приазни, ино, з божее воли, межи | нами любовь<sup>8</sup>, и докончанье, и брацтво стало сѧ, и грамоты докончал(ь)ные на обе стороне себе есмо дали, и крестъ есмо себе на том целовали, што нам по тымъ грамотам на обе стороны себе правити. И такъ в докончальных грамотахъ записано, што нашеи ѿтчине, ВеликомѸ княжеству ЛитовскомѸ съ своею<sup>9</sup> ѿтчиною<sup>10</sup> рѣбеж земли и воде по старим рѣбежом, какъ было за продковъ наших.

Ино в нашомъ нежыт(ь)и | твои вкраиники позабирали земли и воды наши, и слугъ наших через | старыи рѣбежъ. И ты был намъ хотел того всего ѿтступити сѧ тыми пакъ разы, какъ есмо с тобою докончанье взали, ино твои вькраиники<sup>11</sup> безъ твоего ведома вчинили, и ты бы то велель нам ѿтправити и тыхъ волостей намъ и слѣгамъ нашимъ ѿтстѣпити сѧ. А где | бѣдут с которое стороны, любо с твоее, а любо з наше, рѣбежи пѣрестѣплены, и ты бы на тые дела слаль своихъ боляръ,

а мы своих | панов тамъ сошьлемъ, и они, зъехавъшы с.а, тымъ деломъ нехаи право | вчынат на обе стороне подле нашего докончан(ь).а. |

Александръ, бож(е)ю м(и)л(о)стью великии княз(ь) литовскии. |

Били намъ чолом мещане наши смоленские Малец а Матьеоец. Какъ люди твои | город Вацьм<sup>8</sup> <sup>12</sup> взяли <sup>[5]</sup>, а они тамъ товаръ свои мели, осмьсотъ меховъ | соли а девать бочокъ селедьцовъ. А при томъ товаре своем человека | своего мели на има Оед(ь)ка. Ино люди твои того человека ихъ взяли съ | всимъ тымъ товаромъ, и тепер(е) тотъ человекъ тамъ есть. И ты бы | насъ дла того человека ихъ велель отъпустити со всимъ ихъ то[ва]ромъ. ||<sup>л. 66</sup>

*Примечания.* <sup>1</sup>Буква ь исправлена из другой <sup>2</sup>Первая буква а исправлена из о <sup>3</sup>Буква у исправлена из другой <sup>4</sup>Буква к исправлена из другой <sup>5</sup>Буква с написана по смытому тексту <sup>6</sup>Буквы то написаны по смытому тексту <sup>7</sup>Следующая строка прочеркнута <sup>8</sup>Исправлено, в рукописи людобъ; буквы лю подчеркнуты карандашом <sup>9</sup>Буква с исправлена из ь <sup>10</sup>Далее вычеркнута твоею <sup>11</sup>Первая буква и, вторая буква н исправлены из других <sup>12</sup>Слово написано по смытому тексту

## № 35

[1494 г. сентября 20. Крьики.]

Посол(ь)ство до великог(о) кн(а)за Ивана Васил(ь)евича | Пашиною П[8]татаичомъ. |

Александръ, бож(е)ю м(и)л(о)стью великии княз(ь) литовъскии, р[8]скии, жомоитскии и иных. |

Тобе, брату и цстю своем<sup>8</sup>, великом<sup>8</sup> кн(а)зю Ивану Васил(ь)евич<sup>8</sup>, велель поклонити с.а.

Александръ, бож(е)ю м(и)л(о)стью великии княз(ь) лит(о)вскии. |

Тобе, великом<sup>8</sup> кн(а)зю Иван<sup>8</sup> Васильевич<sup>8</sup>, всказал.

Што были в тебе в поиманьи слуги наши, князь Семень а княз(ь) Петръ Мезецкии, и такъ межи нами | в доконъчаньи написано, што было тебе ихъ отп[8]стити на ихъ отчину. | И ты ихъ подле доконъчанья на отчину отп[8]стил. Ино княз(ь) Петръ приехал к намъ и бил намъ чоломъ в служб[8] с отчиною своею. И тебе бы о том | сведомо было. |

Александръ, бож(е)ю м(и)л(о)стью, великии княз(ь), всказал. |

Которые люди наши смол(ь)нание и бранцы, и иные в нашем нежит(ь)и впали | были в твое <sup>1</sup> р[8]ки и полтора года не[т]ство терпели, и тыми разы еси | ихъ к намъ отп[8]стил, а статки их, кони и зброи тамъ о[ст]али с.а. |

Александръ, бож(е)ю м(и)л(о)стью, великии княз(ь), всказал. |

И ты бы, брат и цестъ нашъ, в тыхъ нашихъ людеи статки, кони и зброи велель людем нашимъ поотдавати. А то бы еси вчинил насъ дела. |

*Примечание.* <sup>1</sup>Буквы тв написаны по смытому тексту

## № 36

[1494 г. сентября 20 — декабря 25.]

Посол(ь)ство до княжат мазовецких, до кн(а)за К[8]ндра[т]а и кн(а)за Ю[8]нша, паном Станиславом К[8]рчовским | а Рачком П[8]чицкимъ. |

Нааснеишии Александръ, з божее м(и)л(о)сти великии княз(ь) литовъскии, р[8]скии и иных. |

Вашою м(и)л(о)сти казал поведити поздоровен(ь)е и приаъзнъ суседскую. || <sup>1</sup> л. 66 об.

А далеи казал вашей м(и)л(о)сти мовити.

Какъ его м(и)л(о)сть приехал тутъ до тое | краины, до ѿтчины своее, до земли Бел(ь)ское и Дорогицькое<sup>1</sup>, ино многие панове и земане, подданные его м(и)л(о)сти, и теж люди его м(и)л(о)сти поспол(ь)ство жаловали сут(ь) его м(и)л(о)сти, пану нашомъ, што ж великии ѳтискъ маютъ з вашею | м(и)л(о)сти земли ѿт вашихъ подданныхъ, яко ж в границахъ земли, такъ в наездкахъ кгвалтованныхъ, в грабежах, в розбоех и в ыныхъ многихъ речах. А коли | бы сѧ втекли на жалобу до вашей м(и)л(о)сти, або до врадниковъ ваших, тогда | сѧ имъ ни в чомъ справедливость не становить.

Про то пан нашъ намилостившии, великии княз(ь) Александръ, послалъ насъ къ вашей м(и)л(о)сти. Казал | его м(и)л(о)сть вашей м(и)л(о)сти поведити, ажъ бы есте тыхъ наездов, кгвалтовне грабежовъ, и розбоев, и ыныхъ кривдъ казали повъстагнути. А кому | бы до кого подданнымъ нашимъ з обѳ сторон в чомъ было дело, его м(и)л(о)сть, | панъ нашъ намилостившии, великии княз(ь) Александръ, хочетъ сослати паны свои | на тьи мѣстья, где сѧ кривды деютъ подданнымъ его м(и)л(о)сти, какъ же | и передъ тымъ бывали зъезды за продковъ его м(и)л(о)сти ѿ кривдахъ и ѿ границахъ. А ваша бы м(и)л(о)сть на тотъ часъ такежъ свои паны тамъ сослали, абы ѿни, зъехавши сѧ посполѳ, тымъ всимъ деломъ справедливост(ь) | на ѿбе стороне вчинили подлугъ обычаю стародавнего, яко было за продковъ нашихъ. А часъ его м(и)л(о)сть тому зъеханью покладаетъ | на Святки<sup>[1]</sup> приидѳчи. |

*Примечание.* <sup>1</sup>Слово написано по смытому тексту

#### № 37

[1494 г. октября 26. Ковно.]

Къ великомъ кн(а)зю Иваномъ Васил(ь)евичомъ посел(ь)ство | писаромъ Адамомъ. |

Алексъандръ, бож(е)ю м(и)л(о)стью великии княз(ь) литовскии, всказал. |

Што есмо до тебе посла нашего посылали, маршалька нашего, наместника слонимского пана Литавора<sup>[1]</sup>, з нашими речьми, и слали есмо к тебе списокъ с тое грамоты, котораѳ бы мела быти ѿ кн(а)жне твоеи, ѿ грецкомъ законе. И тебе тотъ списокъ не сподобал сѧ, таковое грамоты | ѿт насъ ѿ томъ не хочешъ принати, такъ еси ѿ томъ до насъ ѿтказаль нашимъ посломъ. || <sup>1</sup> л. 67

Алексъандръ, бож(е)ю м(и)л(о)стью великии княз(ь), всказал. |

Тымъ же нашимъ посломъ всказал еси к намъ ѿ той грамоте, што быхмо | к тебе прислали нашѳ грамотѳ з нашою печат(ь)ю по томѳ списку, каковъ | списокъ ѳ вась вziali наши панове, панъ Петръ воевода а панъ Станиславъ староста<sup>[2]</sup>. |

Алексъандръ, бож(е)ю м(и)л(о)стью великии кн(а)зь, всказал.

Посылали есмо до тебе такии списокъ. И того есмо не надеѳли сѧ, штобы | былъ противень списку твоемѳ, бо есмо положили были то на воли | кн(е)жны твоее и римскии законъ, и греческии. А коли ты хочешъ подлугъ тог(о) | мѣти листь нашъ подлугъ списка своего, которыи же еси прислал до насъ | нашими паны и бояри своими, и мы до тебе листь нашъ под нашою | печатью послали<sup>[3]</sup> такии, какового еси хотел, подлугъ первого твоего списка. |

Александрь, бож(е)ю м(и)л(о)стью великии княз(ь) всказал. |

Што еси к намь всказал нашимъ посломъ, абыхмо къ тебе всказали, какъ бы | сѧ намь видело томѧ делѧ рокъ положити. Ино какъ были твои боляре в насъ, и мы велели с ними говорити нашимъ паномъ, абы рок был | положен на Бож(е)е Нарожен(ь)е. И ныне намь сѧ видит рокъ Бож(е)е Нароженье, | дасть богъ, на тот часъ панове рада наша бѣдут там в тебе. А если такъ тебе ѡвидит сѧ близко тот рокъ, и какъ сѧ видит тебе | положити рокъ, и ты бы ѡ том к намь всказал, абыхмо то ведали. |

## № 38

[1494 г. — 1501 г. декабря 12.]

Посел(ь)ство до Стеѡана, воеводы волоског(о), | чашником  
Ѳедком Гаврыловичом. |

Г(о)с(по)д(а)рѣ нашъ Александрь, бож(е)ю м(и)л(о)стью великии княз(ь) ли[то]вскии, всказал. |

Што еси писал до насъ листь свои, и дыаком своим Лѣкою всказал, жадаючи | насъ, абыхмо дали пѣть чистъ послѧ твоему через нашу землю до | брата и тста нашего, до свата твоего, великого кн(а)зѧ Ивана Васил(ь)евича, до Москвы, а ѡттоле и за се до тебе. Ино мы, помначи приазнь || л. 67 об. твою с предки нашими, на твое жеданье твоемѧ послу даем пѣть чистъ | через нашу землю до брата и тста нашего, до свата твоего, великого | кн(а)зѧ Ивана Васил(ь)евича, и ѡпѧт(ь) за сѧ до тебе. |

Г(о)с(по)д(а)рѣ нашъ Александрь, бож(е)ю м(и)л(о)стью великии княз(ь), всказал. |

Такъже наминаем тебе, што еси прыславши люди свои, город нашъ | Браславль зжогъ и место выжогъ, и люди наши головами з жонами, з детьми, и со всеми ихъ статъки ѧ свою землю звель. Про то, абы еси | намь то ѡтправиль такъ, какъ бы намь того не было жал(ь), а люди наши | зъ жонами и зъ их детьми, и со всеми ихъ статъки за сѧ нам ѡтпѣстили в нашу землю. |

## № 39

[1492 г. июля 20 — 1501 г. декабря 12.]

Їдрлыкъ до цара переконског(о). |

Ѳт Александра, бож(е)ю м(и)л(о)стью <sup>1</sup>великог(о) кн(а)зѧ<sup>1</sup> лит(о)вског(о), руског(о), и жомоитского, и иных, | братѧ нашему, ц(а)рѧ<sup>2</sup> Мендли Кгерю, поклон.

Тыми разы слѣга нашъ, воевода киевскии кн(а)зѣ Дмитреи Пѣтатич, присылал к намь листы твои, што еси до него писал, припоминаѧ давные | дела, што перед тымъ, за продковъ нашихъ, слова и всказанье ваше чѣрез воеводѧ киевского бывало доношивано до нашихъ предъковъ ѡ добротах и ѡ приазни. И ты тыми разы по тому ж писал до кн(а)зѧ Дми|трея, абы межи нами с тобою доброты были, а послы быхмо | твои ѡтпѣстили. И кн(а)зѣ Дмитреи тые твои слова до нас донесъ.

И<sup>3</sup> мы | перво сего, какъ намь дал богъ сести на ѡтчине нашей, на Великом князстве | Литовскомъ, слали до тебе наши послы ѡ братстве и ѡ приазни, аж бы еси с нами вел по томѧ, какъ ѡ[те]цъ твои з нашимъ ѡтцомъ был приятелю приятелемъ,

а неприателю неприателем. И ты к намъ нашимъ | посломъ *отказал*, и своего еси посла к намъ прислал, хотачи с нами жит(ь)я и приязни. А за тымъ еси своимъ посломъ<sup>3</sup> воинъ пѣстил в нашу землю, *от* тыхъ местъ || л. 68 и до сихъ местъ люд(и) твои нашу землю воюють и люди в полонъ ведѣтъ, и иные | многие шкоды чинамъ. Ино самъ того посмотри, гораздо л(ь) то деет, добро[е] л(ь) | то знама приязни твоее к намъ. Послы свое слешъ, а землю нашу воюеш(ь). |

Про то и ныне, коли всхочешъ с нами жити в братстве и в приязни по то|мъ, какъ *от*цы наши жили, и ты бы воины в нашу землю не пѣскал, и шкоды нашимъ землямъ не вель чинити. А в томъ добромъ початку послы будутъ | межи нами ходити о добротахъ на обе стороне, а братство и приязнь потвердить с.а. А которые люди наши бѣдуть впали в полонъ | людемъ твоимъ, тыхъ бы еси велелъ *отпустит*(и), то будетъ знама приязни | твоее с нами etc. |

*Примечания.* <sup>1</sup>Написано по смытому <sup>2</sup>Слово написано по смытому <sup>3</sup>Слово вписано над строкой теми же почерком и чернилами

## № 40

[1495 г. декабря 22.]

## Іарлыкъ цара заволского. |

При Ивашку Владыце в Городне, декабря 22 дна. Индикт 14. |

Брату нашомъ, великому кн(а)зю Алексѣандръ, *от* Шигъ Аимата цара поклон. |

После поклона слово<sup>1</sup> твое есть.

Отъ давныхъ летъ и до сихъ местъ межи нами | и вами братство и приязнь бывала. И мы, того братства напоминая, послали к вамъ слѣгу нашего Тагира. И вы некоторыхъ лихихъ людей послѣхали, задержали его в себе осмь [годовъ]<sup>2</sup>. Ино посолъ чимъ есть виненъ? | А за вашего *от*ца и нашего такихъ речей не бывало, а и напередъ сего такихъ | бы речей не было, такии бы речи оставили есте, если насъ за брата | и за приателя бѣдете держати. А о вашомъ здоров(ь)и черезъ Тагира | и черезъ вашего толмача слышати радовали с.а есмо.

А мы, богъ дал, | на *от*ца нашего стол(ь)цы седачи, здорови есмо. Приателю приател(ь)ствомъ хотимъ довести, а неприателю неприател(ь)ство. Ино вамъ бы зведомо было, лише Мендли Кгерея цара иного неприателя не маемъ, | а на сюю осень на него поидемъ. Лише вашомъ приателю хотимъ приателемъ || л. 68 об. быти, а неприателю неприателемъ. Ино вашего здоровья *от*ведываючи, а свое вамъ поведаа, Исѣпа а Мѣсунака, слугъ своихъ, къ вашей | м(и)л(о)сти послали есмо. А вы и нашомъ послу своего посла пристав(ь)те | а толмача Абрагима<sup>[1]</sup>, а намъ повед(ь)те, хто вамъ приателемъ, а хто | неприателемъ. |

А кн(а)зѣ Тивикелевъ Іарлыкъ по тому *ж*с писан, а царева брата по тому *ж*с. |

Братъ нашому, великому кн(а)зю Алексѣандръ, *от* Мортузы цара поклон. |

Здесе Тагиръ намъ жаловаль с.а, што былъ онъ кѣпиль бугаа<sup>[2]</sup> за двадцат(ь) | копь и за две. И онъ деи говорит, абы ѣ его *от*пѣстил даромъ. И ѣ его не *от*пѣскал. И тому есми зведомъ, што его Тагиръ *от*ткупил. А просимъ | вашъ м(и)л(о)сть за нимъ, абы емъ справедливость была.

Писанъ 8 Голродъне, декабря 22 дна. Индиктъ 14. |

*Примечания.* <sup>1</sup>Буква л написана по смытому тексту <sup>2</sup>Слово восстановлено по кн. 5

## № 41

[1496 г.]

## Отказ послѣ Гѣхмат пашинѣ. |

Отказъ послѣ Гѣхма[т] пашину, Доганчи Сухану, анатольскаго<sup>1</sup> г(о)с(по)д(а)ра.

Отказывал Иван | Владыка, писарь.

Што еси г(о)с(по)д(а)ру нашомѣ, великому кн(а)зю, правил | посольство от своего г(о)с(по)д(а)ра, от Гѣхма[та] паши, листъ еси г(о)с(по)д(а)реви | нашему подал<sup>[1]</sup>, и его м(и)л(о)сть, г(о)с(по)д(а)рь нашъ, на листе пана твоего и на | твоёмъ посол(ь)стве тымъ речамъ добре зрозѣмел.

Пань твои, анатоклии г(о)с(по)д(а)рь, писал и всказал, жадаючи нашего г(о)с(по)д(а)ра, абы его | м(и)л(о)сть васъ, слугъ его, пропѣстил через свое панство до Московскаго | г(о)с(у)д(а)рства. Про то г(о)с(по)д(а)реви нашомѣ такъ сѣ видит. Его м(и)л(о)сть васъ | не пропѣскаетъ через панство свое, а приказѣтъ его м(и)л(о)сть вамъ, | абы есте за сѣ ехали къ своемѣ г(о)с(по)д(а)рѣ тою жѣ дорогою, которую | есте приехали<sup>2</sup>. |

*Примечания.* <sup>1</sup>Слово написано по смыслу, исправлено по кн. 5, в рукописи — нато(ль)кля <sup>2</sup>Далее в той же строке вычеркнута теми же чернилами в Городне ѡврал(ь) 13 день индикт 14

## № 42

[1496 г.] февраля 13. Городно.

Отказ послѣ московскомѣ. В Городне, ѡврал(ь) 13 ден(ь). |  
Индикт 14. Иван Владыка отказывал. |

Отказъ послу великаго кн(а)за московскаго Трет[ь]акѣ.

Што еси правил посол(ь)ство || <sup>л. 69</sup> г(о)с(по)д(а)ру нашему, великомѣ кн(а)зю Алексѣандрѣ, от брата и тста его | м(и)л(о)сти, великаго кн(а)за Ивана Васил(ь)евича, ѡ после тѣрецькомъ, абы его м(и)л(о)сть, | г(о)с(по)д(а)рь нашъ, того посла казал пропѣстити через панство его м(и)л(о)сти добровол(ь)не до брата и тста его м(и)л(о)сти, до великаго кн(а)за Ивана Васил(ь)евича. И его м(и)л(о)сть, г(о)с(по)д(а)рь нашъ, томѣ твоему посол(ь)ству добре зрозѣмел.

Г(о)с(по)д(а)рь | нашъ, его м(и)л(о)сть, казал тебе поведити. Дла того тот посол не пропѣщенъ, ижъ в тот часъ до твоего г(о)с(у)д(а)ра дороги были замкнѣты, а никого | до его м(и)л(о)сти земль не пѣшено. А перед тымъ николи послы такии | с турков через землю г(о)с(по)д(а)ра нашего не хоживали. Того дела г(о)с(по)д(а)рь нашъ | того посла велел за сѣ вернути до его г(о)с(по)д(а)ра, ѡткул(е) приехал, абы такии послы наших земль, хрест(ь)анскихъ г(о)с(по)д(а)реи, не пересмотривали. А вжо | тот посол з нашего г(о)с(по)д(а)рства, с Киева, давно за сѣ поехал. |

## № 43

[1496 г. января 23.]

А тот ѡтказ против томѣ посол(ь)ствѣ | ѡт кн(а)за  
московскаго. |

А се говорить ѡтъ великаго кн(а)за великому кн(а)зю Алексѣандрѣ литовскомѣ Трет[ь]акѣ Долмату<sup>1</sup>. |

**Иван**, бож(е)ю м(и)л(о)стью, г(о)с(у)д(а)рь всеа Р҃си великии кн(а)зь, тебе, великому кн(а)зю Алексѣандрѣ, велел говорити.

Шол къ намъ нашъ посол ис Перекопѣи ѿт Мендди Кгерей цара, Костантинъ Малечкии<sup>2</sup>, а с нимъ шол к нам и Мендди Кгиреевъ царевъ посол через твою землю на Киевъ. Да шол къ нам с нашимъ посломъ вмѣстѣ и ѿт тѣрецкого посла, а с нимъ шли и гости в нашу землю. И твои намѣстникъ киевский<sup>11</sup> твоихъ нашихъ пословъ, моего посла и Мендди Кгиреева посла, через твою землю к намъ пропѣстил, а тѣрецкого посла | и з его товариши, и з гостями ино не пропѣстилъ. |

**Иван**, бож(е)ю м(и)л(о)стью, г(о)с(у)д(а)рь всеа Р҃си великии кн(а)зь, велел тебе говорити.

И ты бы, нашъ брат, того тѣрецкого посла и з его товариши, и з | гостями, которые пошли в нашу землю, велел к намъ отпустить. А велел бы еси ему дати пристава и проводить его по своей земли до | нашей земли насъ дела. || <sup>л. 69 об.</sup>

*Примечания. <sup>1</sup>Исправлено, в рукописи Дожмату <sup>2</sup>Буквы еч написаны по смыслу тексту*

## № 44

[1496 г.]

Посол(ь)ство ѿт великог(о) кн(а)зя Александра | къ Заволскои орде кн(а)земъ Васил(ь)емъ Глинскимъ. | Къ Шиг Акматѣ царѣ поклонъ. |

**Што** еси к намъ прислалъ пословъ своихъ Исѣпа а Мѣсанака<sup>11</sup>, нашего здоровья | доведываючи се, а свое намъ поведати. Мы, хвала богѣ, на тотъ час в добромъ здоров(ь)и, а твоѣ здоров(ь)е, брата нашего, слышавшы, радовали сѣ есмо. |

Такежъ всказал еси к намъ, ижъ хочешъ с нами быти в братствѣ и въ приязни | по тому, какъ отецъ твои з нашимъ отцомъ был в приязни и в братствѣ. Ино | за то тебе даждемъ, братѣ нашему, ижъ ты дела первые поматаети. И мы | такежъ хотимъ с тобою быти в братствѣ и в приязни за одинъ человекъ, | по томѣ, какъ отецъ твои з нашимъ отцомъ был. А ты бы, брат нашъ, такежъ | с нами был в братствѣ и в приязни, приятелю нашему был бы еси приятелемъ, а неприятелю неприятелемъ, с нами за одинъ человекъ. А мы такожъ | хотимъ быти вашему приятелю приятелемъ, а неприятелю неприятелемъ по тому, какъ отецъ твои з нашимъ отцомъ был. |

Алексѣандръ, бож(е)ю м(и)л(о)стью, великии кн(а)зь(ь), всказал. |

**Што** к намъ ты, братъ нашъ, пишешъ ѣ своему ярлыку ѿ слѣгу своего, ѿ Тагира, ижъ былъ долго задержанъ в нашемъ г(о)с(по)д(а)рствѣ. Ино сѣ то дело за отца нашего, короля, его м(и)л(о)сти, а не за насъ такъ долго задержанъ былъ, | а мы тому делѣ не сведоми<sup>1</sup>. А ныне абы на обе стороны того не было | между насъ, абы посолъ былъ немного держанъ с obu сторонъ. |

Г(о)с(по)д(а)рь великии князь(ь) посломъ своимъ приказал.

Коли вжо посол(ь)ство отправаитъ | царѣ, после того, змешкавши, маютъ цара напоменѣти ѿ насъ, абы | намъ прислѣдъ вделал и вѣтвердилъ сѣ к намъ на то, абы былъ намъ братомъ и добрымъ приятелемъ, и границамъ нашимъ абы шкоды не делал, и ѿ людей своихъ границъ нашихъ ѿстерегалъ такимъ обычаемъ, какъ и отецъ его к нашему отцѣ ѣтверживалъ сѣ и прислѣдъ давал. А коли то вчинитъ, то будетъ початокъ приязни его к намъ. |

Такеж после присл҃ги маѣт мовити царѣ.

Г(о)с(по)д(а)рѣ нашѣ, великии князь || л. 70 Александро казал тебе поведити. Што жь въ его м(и)л(о)сти панстве, в него мешкаѣт | царевичь Аздемир солтанъ<sup>[2]</sup> и жадаѣт его м(и)л(о)сти, абы его м(и)л(о)сть ему помолцонѣ был, абы могѣ доступити ѡтчѣны своеѣ. Про то г(о)с(по)д(а)рѣ нашѣ, великии князь(ь) Александро, жадаѣт тебе, абы и ты, брат нашѣ, ему был помочонѣ | ѡ его ѡтчину, абы могѣ достѣпити стол(ь)ца ѡтца своего. |

*Примечание.* <sup>1</sup>Буква є исправлена из и

## № 45

[1496 г.]

Посел(ь)ство ѡт великоз(о) кн(а)зѣ Александра | кн(а)зю  
Тивикелю Андреем Дрожчою. |

Што еси к намѣ посла своего прислал Кѣлука и через того своего посла | к нам еси всказал, и въ царьку своеѣ писал<sup>[1]</sup>, што хочешѣ с нами быти в приязни по тому, какѣ дада и <sup>1</sup>отец твои<sup>[2]</sup> з нашимѣ ѡтцомѣ в приязни был. И приѣтелю нашому хочешѣ быти приѣтелем, а неприѣтелю неприѣтелем. Ино за то тебе дакѣем, приѣтелю нашому, ижѣ дела первые памѣтаешѣ. Ино хочем тебе за приѣтѣла мети. И ты бы, приѣтѣл(ь) нашѣ, | там будѣчи подлѣ цара, нам приѣл, и до цара бы еси причинал сѣ нашым | добромѣ, и краинѣ бы еси наших ѡстерегал. А мы тебе, приѣтелю | нашому, будемѣ памѣтовати всимѣ добрым.

На памѣт(ь) послу.

Ѓ присл҃гѣ мовити кн(а)зю Тивикелю [по] тому, какѣ и ц(а)ру. |

Г(о)с(по)д(а)рѣ великии князь(ь) велѣл тебе поведити, што жь тоѣ дело вжо было перѣд его м(и)л(о)стью. Тот купец великого кн(а)зѣ Грид(ь)ко стоѣл ѡчевисто перѣд | его м(и)л(о)стью з мытники киевскими и ѡ том деле широко перѣд его | м(и)л(о)стью мовили, и ѡдного доводѣ не вчинили на мытников, аж бы ему ѡт | нихѣ таѣ шкода стала сѣ. И самѣ тот кѣпец Грид(ь)ко знал, ижѣ ему не ѡт нихѣ таѣ | шкода стала сѣ. И г(о)с(по)д(а)рѣ нашѣ подлугѣ того и конецѣ межи ними вчинил, а тот кѣпец на них не доискал сѣ. |

*Примечание.* <sup>1</sup>Буква и вписана в пробел теми же чернилами и почерком

## № 46

[1494 г. — 1498 г. сентября 10.]

А се посел(ь)ство ѡт Ш[т]еѣана, воеводы волоскоз(о),  
великомѣ кн(а)з(ю)<sup>1</sup> | Александрѣ лит(о)вскомѣ.  
По Журжа дворник и по Михаила питар(ь). |

Перво поклонити сѣ ѡт г(о)с(по)д(а)ра воеводы великомѣ кн(а)зю Александрѣ,  
яко братѣ | и приѣтелю своему милому. || л. 70 об.

Дрѣгое воспоминаѣт г(о)с(по)д(а)рѣ нашѣ воевода вашеи м(и)л(о)сти ѡ первых г(о)с(по)д(а)рѣх воеводѣ волоских и кн(а)зеи литовских, якъ были предки деда нашего Александрѣ, воеводы волоского, и предки Витовѣта, великого кн(а)зѣ литовского, | якъ ѡни имели межи собою братство и приѣтѣл(ь)ство, и милост(ь).



Г(о)с(по)д(а)ръ нашъ воевода и *первеи* сего присылал своих послов до ваше м(и)л(о)сти ме|не жъ, Журжа дворника, а Юр(и)я Щербича<sup>11</sup>, ѿ то *ж* вспоминаючи *вашеи* м(и)л(о)сти, | и ваша м(и)л(о)сть *такеж* присылали есте до г(о)с(по)д(а)ра нашего, до воеводы, | своих пословъ Воитеха К8чуковича, маршалька, и Ѳедка Гавриловича. Тогда г(о)с(по)д(а)ръ нашъ воевода поставил ден(ь) с тыми вашими пос|лы такъ, абы есте ваша м(и)л(о)сть прислали до г(о)с(по)д(а)ра нашего, до воеводы, *опат(ь)* своихъ послов, какъ бы с|а межи вами тое 8спокоить ме|ло и докончало. А *от* того веремени и доселе тых ваших послов до г(о)сподара нашего, до воеводы, не было, *тол(ь)ко* был пришол Ѳедко Гав|риловичъ<sup>12</sup>, але не с тымъ посольствомъ. |

**И**но и тепере *такеж* прислал насъ г(о)с(по)д(а)ръ нашъ воевода до ваше м(и)л(о)сти, | вспоминаючи *вашои* м(и)л(о)сти, естли *вашеи* м(и)л(о)сти вола 8чинити и потвер|дити *братство* и *приятел(ь)ство*, и мир межи вами, а ваша м(и)л(о)сть пошлете своих пословъ до г(о)с(по)д(а)ра нашего, до воеводы, абы есте 8чинили | межи вами и записы, и *братство* абы есте были межи вами въ | *братстве* и в добром *приятел(ь)стве* и вы, и ваши сл|дги, ваши земли, | и абы ходили послове и купцы г(о)с(по)д(а)ра нашего воеводы через землю | *вашее* м(и)л(о)сти слободно, и добровол(ь)но, и в мир8, и без пагубы будь на | котор8ю сторон8. |

**Т**акежъ послом *вашеи* м(и)л(о)сти и купцомъ *дает* земля г(о)с(по)д(а)ра нашего воево|ды ѿтворена ходити слободно и добровол(ь)но, и въ мир8, и без пагубы, | буд(ь) на котор8ю сторону, куда им буде надобе. |

**И**акъ было при преднихъ г(о)с(по)д(а)рехъ воевод волоских и кн(а)зи литовских, при Александре воеводе и при Витовте кн(а)зи, абы знали вси, и *приятел*и, и неприатели ваши, аже есте межи вами *брат(ь)я* и *приятел*и. | И тепер(е), бо|жью волею, было бы и по добро, зан(е)же и то ест Иван Васи|л(ь)евичъ, великии князь московскии, г(о)с(по)д(а)реви нашему воеводе свать, а *вашеи* | м(и)л(о)сти тесть. |

**И**но бываючи ваша м(и)л(о)сть межи вами 8 *братстве* и в добром мир8, | и *приятел(ь)стве*, *яко* повыше рекли есмо, а ваша м(и)л(о)сть можете || <sup>а. 71</sup> сами пороз8мети, *якъ* будут мыслити *вашеи* м(и)л(о)сти и *приятел*и, и неприатели. |

**И** тепер(е) бы есте<sup>2</sup> ваша м(и)л(о)сть дали листъ и пристава, абы г(о)с(по)д(а)ръ нашъ вое|вода послал своих пословъ до своего свата и ваше м(и)л(о)сти ц|та, до | великого кн(а)за московского, до Ивана Васи|л(ь)евича, поспол(у) зъ его *ж* послы, | которые *ж* суть тепер(е) 8 г(о)с(по)д(а)ра нашог(о), 8 воеводы, и *опат(ь)* же д|ля потвер|жен(ь)я и *приятел(ь)ства*. |

*Примечания. 1После буквы з текст утрачен, обрезано поле 2Слово вписано над строкой*

**Отказ** послом воеводы волоскоз(о) Дж8рж8 дворник8 |  
а Михаил8 питарю. |

Г(о)с(по)д(а)ръ вашъ, Ш[т]ефанъ воевода, всказал к нашему г(о)с(по)д(а)р8, абы его м(и)л(о)сть с ним | въ *приазни* и въ мир8 был, какъ бывали предьки его м(и)л(о)сти, великие | кн(а)зи литовские, великии кн(а)зъ Витовтъ и иные, и<sup>1</sup> *от(е)ц*

его м(и)л(о)сти, король, | его м(и)л(о)сть, зъ его предки, и с нимъ в приязни и въ мирѣ, и записовъ бы ста|рыхъ потвержоно. |

Г(о)с(по)д(а)ръ нашъ, его м(и)л(о)сть, великии князь Алексѣядро, приязни, и миру, и записовъ потверженья с паном воеводою волоским, з вашим г(о)с(по)д(а)рем, не *отмовляеть* зделати, нижи его м(и)л(о)сть тыми разы панов рады его | м(и)л(о)сти суполна при себе не мает. А какъ будут при его м(и)л(о)сти панове | рада его м(и)л(о)сти, и его м(и)л(о)сть ѿ вси тые дела с паны радюю своею | помыслит и ѿ всихъ тыхъ речахъ через свои послы до вашего г(о)с(по)д(а)ра, до | пана воеводы волоского, *откажетъ*. |

А што всказал, ижъ шлетъ своего посла до свата своего, до великого кн(а)за Ивана Васил(ь)евича, жадаючи, абыг(о)с(по)д(а)ръ нашъ дал его послу | добровол(ь)ное проеханье черезъ его милости панъство до Москвы | и отътоль за сѧ до Волоское земли. И господарь, его м(и)л(о)сть, великии князь, даль его послѣ проеханье черезъ свою землю до Москвы | и отътоль за сѧ до ихъ земли, до Волохъ, и пристава его м(и)л(о)сть | емѣ даль. || <sup>л. 71 об.</sup>

*Примечание.* <sup>1</sup>Слово вписано в пробел теми же чернилами и почерком

#### № 48

[1496 г. — 1501 г. декабря 12.]

Эт великог(о) кн(а)за Александра до ц(а)ра Мендли | Кгереа  
толмачом Берендеем. |

Што еси з нашимъ толмачомъ Берендеемъ прислалъ еси к нам слугѣ своего на *има* Хожем Бардия, и въ гярлькохъ своихъ к намъ *пишеш(ь)*, и тымъ | слѣгою своимъ словом еси къ намъ всказал, абыхмо с тобою были въ житъя и въ братстве, и посла быхъмо нашего к тебе послали в добрыхъ | речахъ. |

Ино перьво сего к нам еси присылал с тыми жъ речъми слѣгу своего на *има* | Гасана, хотачи с нами *братства* и приязни, и што быхмо к тебе послали | нашего посла. | Ино мы вже были на твое слово посла нашего выправили и послали | до тебе з добрыми речъми, и твоихъ пословъ з нашими послы к тебе | есмо были *отпустили*. А наперед посла послали есмо к тебе толмача | нашего Берендеа, поведаючи ѿ после, што его вже шлем, и писали | есмо до тебе, и толмачом нашимъ всказали, абы еси прислал влана своего до Киева в закладе нашомѣ послѣ. | И ты, нашего толмача не дождавъши и своего слѣги Гасана, пустиль | еси *воинѣ*, люди свои в наши земли, ѣ Волинскую и въ выные. | И тые твои люди городовъ нашихъ не добывали, и люди многие | в полон повели, и инъшихъ людеи многихъ побили, и шкоды великие | нашимъ землямъ поделали. И посол нашъ, слышавъшы тую *воину*, дла | того к тебе не ехал и за сѧ к намъ вернулъ сѧ. Ино самъ же того | посмотри, гораздо ль то к намъ правдѣ свою держишь. Насъ еси | *обеспечивши* своимъ посломъ, а в тотъ часъ пустил еси в наши земли | *воинѣ*, люди свои, и шкоды намъ многие поделал. |

Про то, если с нами *всхочешъ* *братства* и житъя по тому, какъ | *отец* нашъ, корол(ь), его м(и)л(о)сть, жиль с твоимъ *отцомъ*, съ царемъ Аж Кгиреа, и ты бы полон нашъ весь собрал, которые жъ люди твои | *побрали* въ нашей земли, и намъ бы еси *отдал*, то бѣдет *поча|токъ* *братства* и приязни твоее к намъ. | И *всхочешъ* ли с нами житъя и любъви, и ты бы к намъ посла || <sup>л. 72</sup> своего послалъ, доброго человека

з добрыми речьми, безъ мешькан(ь)я. | И штобы тотъ твои посол нам присагѣ и правдѣ вчинил твоею дѣшею | и дѣшею кн(а)зеи твоих влановъ на томъ, што жъ бы тебе вже с нами | жити въ братстве и въ твердои приязни по тому, какъ отецъ нашъ, | корол(ь), его м(и)л(о)сть, жил съ твоимъ отцем, с ц(а)рем Ажъ Кгиреемъ. А коли | то ты вчинишь, с тыми делы к намъ посла своего пришьлешь, а твои | посол и здесе намъ от тебе присагѣ и правдѣ вделаешь твоею дѣшею и дѣшею твоихъ кн(а)зеи влановъ, | и мы также в тыхъ делех до тебе посла нашего пошьлем с тымъ же | твоимъ посломъ. И тотъ нашъ посол отъ насъ тебе правдѣ вделает | и присагѣ нашу дѣшою. | И твоихъ пословъ, и татар, людеи твоих, которые есть в насъ, к тебе | ихъ всехъ отпустимъ з нашимъ посломъ. |

И штобы вже был еси с нами в жит(ь)и и в любьви, и въ твердои приязни, и людеи своихъ бы еси вѣстагал, абы нашимъ вкраинамъ и землямъ шкод не чинили, и въкраинъ нашихъ абы еси остерегалъ. А мы также хочемо с тобою жити в приязни и в любьви по тому, какъ отецъ нашъ, корол(ь), его м(и)л(о)сть, | жил съ твоимъ отцомъ, съ царем Ажъ Кгиреемъ. |

Также послали есмо пословъ наших, кн(а)за Васил(ь)я Борисовича Глинского | и иных с нимъ, до цара заволского. Ино на поли тыхъ нашихъ пословъ розьбили и статки многие и речи в нихъ побрали, и кн(а)за Васил(ь)я, слугу нашог(о), | к тебе привели, и тепер(е) в тебе есть. Ино перво сего, здавна къ предкомъ нашимъ и ко отцѣ нашему, королю, его м(и)л(о)сти, и к намъ вже послы бывали от заволскихъ цареи, и противъ ихъ пословъ предковъ наши, отецъ нашъ, | корол(ь), его м(и)л(о)сть, пословъ тежъ сылали. | И к намъ царъ Шиг Аимать пословъ своихъ прислал, и мы противъ ихъ пословъ | нашихъ пословъ есмо к нему посылали подлугъ давного обычаю. |

Про то, абы еси того нашего посла кн(а)за Василья к намъ отпустил, а мы | также пословъ твоихъ всехъ, которые в насъ есть, к тебе отпѣстим. | А с тыми нашими речьми послали есмо къ тебе толмача нашего Белрендеа. Ино штобы еси того нашего толмача не долго в себе держал, | безъ мешькан(ь)я бы еси его к намъ отпѣстил. А мы также твоихъ пословъ борздо будемъ отпѣскати, которыхъ же к намъ будеш(ь) присылат(и). || <sup>а. 72 об.</sup>

## № 49

[1497 г.]

Идрлыкъ от цара заволског(о). А тое посел(ь)ство | противъ того идрлыка наперед<sup>1</sup>. |

Великомѣ кн(а)зю Александру, братѣ нашему, его м(и)л(о)сти, от Шыг Акмата, | цара, поклонъ. Слово то есть.

Вашъ корол(ь) отецъ и предковъ ваши з нашимъ отцомъ Ахаматомъ и с предки нашими здавна ѣ братстве бывали. А потомъ отецъ нашъ, Ахмать цар, з вашимъ отцемъ, королем, братства себе поновили, и послы добрыми межы себе съсылали с.а. | Ино мы по тому <sup>2</sup>зь вами<sup>2</sup>, з братомъ нашимъ, в братство и в приязни | зашли. Кто будетъ намъ приятелем, того будемъ оба миловати, а кто будетъ намъ неприятел(ь), на того бѣдемъ оба стояти. И для того | васъ прослаци, послалъ есми до васъ Тагеровъ сына на има Исупа и съ | тажъкимъ поклономъ, а з легъкимъ поминькомъ. И вы в томъ насъ пожаловали з добрыми поминьки своими и пословъ своихъ добрыхъ к намъ | послали есте были. Ино цар Мендли Кгерей для

Ивана, холопа, дружбы | а своею неприязнею к намъ, а завидечи намъ, што мы межы собою | 8 братство зашли, до заволских козаков людеи своих прислал, а так | вделали над послы вашими и нашими. Ино то, ѿднакъ, ваше жалован(ь)е | и ласка до насъ дошла, а тым васъ и насъ не въшкодил. А дасть ли | милыи богъ, коли мы з вами здорови будем, емѸ и приателю его тог(о) | помъстимъ. А дла того послалъ есми к вамъ слугъ своих, кн(а)за Ани|мердеа с тажкимъ поклоном а з легким поминкомъ. А то вам бы звездомо, | што ж послал есми то, възвѣвлаа до цара турецкого и до сына его, до | каѳиньского. |

*Примечания. <sup>1</sup>Буква а исправлена из е <sup>2-2</sup>Написано по смытому тексту*

## № 50

[1497 г. мая 10. Вильна.]

Посол(ь)ство великомѸ кн(а)зю ИванѸ Васил(ь)евичѸ |  
Ивашком Сопежичом на первеи поклон. |

Г(о)с(по)д(а)рь Алексѡандръ, бож(е)ю м(и)л(о)стью, великии княз(ь) литовскии, рѸскии, жомоитскии и иных, | к тебе, брату и тстю своему, всказал.

Тыми разы дошли нас слѸхи, || <sup>а. 73</sup> ижъ поганъство мощно са збирают и хотать землам нашим шкоды чинити. | Ино ведомо тебе, што межы насъ с тобою, братом нашимъ, въ докончан(ь)и | записано, што быти тебе с нами на въсакого нашего неприятела и на | поганъство заюдинъ. Ино тыми разы сами своею головою тагнемъ | напротивуку тымъ неприятелем нашимъ, ѿтпоръ чинити томѸ поган|ству. И ты бы, брат нашъ, подле нашего с тобою докончанья и хрелстианьского целованья, напротивъ тых наших неприятелеи противко поганства помочь намъ вчинил. |

## № 51

[1496–1497 гг.]

Лист ѿт Менгли Кгереа цара до великог(о) кн(а)за |  
Александра. |

Менъдли Кгереи, слово мое. Великии цар татарскии и иных, в листе писал. |

Нааснеишии брате нашъ милыи. Поздоровенье в бозе, ижъ братство и приязнь наша межы нами сѡ множила.

ПишѸчи к намъ, казали есте намъ | мовити черес пана Каспора, которыи ижъ панъ Каспор вси добрые слова | через ваше всказан(ь)е намъ говорил. И мы вгодне нашо братство и приязнь | принали. И дла того послали есмо до васъ того Азана<sup>1</sup>, и теж Санада | послал Алѡкоза, посла своего, ижбы промежи насъ братъство а приязнь было помножено. И велели есмо через наши люди говорити кн(а)зю | Дмитрею, воеводе киевскому, какъ Ѹв Очакове были некоторые наши | люди збоицы, которые бы шкодили людем вашим, ино бы мел к нам послати а насъ в том впоманути. А если бы з вашихъ были некоторые | инаты, и мы быхмо ихъ ѿтослали за са. И ведли теж есмо на|тцы | ваши простые збоицы наши обрали есмо, а мы ѿт того кн(а)за Дми|треа жадное ѿтповеди не мели через три месецы. И теж слышали есмо | говорачи, штобы есте вы, какъ неприятел(ь)скимъ делом к намъ ехали, | и ѿ всем не есть есте неприятели, але какъ приатели есте ехали. А што|бы был в том

часть кн(а)зь Дмитрии нась впоманул, ажъ и до сего часу про(ме)жи | нами все бы<sup>2</sup> было добро. А тыи [нат]цы ваши, через нась *отн*атые, з великою | працою, некоторые померли поветреемъ, и теж некоторых для того | вашего ехан(ь)а неприател(ь)ского не *отк*дпили есмо. Ино тепер(е) наш<sup>8</sup> прав|дивую присагу и шлюб тот пан Каспоръ видел.

А тепер(е) просим *от* тебе, || л. 73 об. брата нашего милого, дв<sup>8</sup> проз[ь]бъ, на которые ж *от*поведь даите нам через листы. Какъ жо час *от*ца вашего Казимера а час *от*ца нашего не сылано полсловъ до заволского, а николи потомъ не шлите.

И теж, как жо пишете<sup>3</sup>, | *иж* просил есми *от* васъ люд<sup>8</sup>, которыи же данъ кн(а)зю Семену в р<sup>8</sup>це | напротив *от*ца<sup>8</sup> нашему, которыи прислухал к Орде нашои<sup>[1]</sup>, и тотъ | люд видели есте в р<sup>8</sup>ках *от*ца нашего какъ бы свои. И мы тыхъ людеи | просимъ не для окротенства<sup>[2]</sup>, але *иж*ъ бымо могли досыть вчинити | сыномъ своим и некоторым боаромъ нашимъ, бо ведаем, *иж*ъ в руках | наших тол(ь)ко не маемъ, штобы могли тыи досыт вчинити, которые ж бы вамъ не мели шкодити. Про то и вы на то помыслите а намъ | тых не заборонайте, а на тые наши две проз[ь]бе даите намъ *от*ъвет.

И мы потом Каспора, посла вашего, с послом нашимъ Довлатех мир|жа, братом Баразбеевымъ, и з др<sup>8</sup>гимъ добрымъ послом нашим пошлемъ к вамъ к<sup>8</sup> подтверженью доброго покоя и приязни вашей. *8*видевши добр<sup>8</sup>ю волю к намъ, *иж*бы *8*бозство нашо въ покой могло *бити* | промежи нась, и были бых<sup>8</sup>мо приателю вашом<sup>8</sup> приателемъ, | а неприателю неприателем, какъ *от*ъцы наши бывали в братстве. А коли намъ приателем *8*бдешъ, такежъ и нааснеишому пану тур|кови великом<sup>8</sup>, *иж*бы еси ем<sup>8</sup> не шкодилъ.

Про то ж черезъ того посла нашего пошлите кклеит<sup>[3]</sup> тому Довлатех мир|жы, послу нашем<sup>8</sup>, штобы могъ в покой приехати и *от*(ь)ехати. И теж другии листъ пошле|те для посла теста вашего, великого кн(а)за московского, котории же | в нась есть, *иж*бы через дорог<sup>8</sup> киевскую и через иные местца ваши | могъ бы ити поспол<sup>8</sup> с послом нашимъ. А того посла нашего Куямбер|да к намъ борздеи *от*пустите, штобы борздеи промежи нась добро | было.

И на тые речи бол(ь)шее сведецтво, печать нашу бол(ь)шую и мал<sup>8</sup>ю приложили есмо. |

*Примечания.* <sup>1</sup>Слово написано по смытому тексту <sup>2</sup>Слово вписано над строкой <sup>3</sup>Далее в строке вычеркнуто *иж* <sup>4</sup>Буквы сп написаны по смытому тексту

От ка<sup>8</sup>инског(о) солтана Магмета в листе. |

Нааснеишии брате нашъ милыи.

Шол к намъ посол вашъ, которыи нам | *от* вашем здоров(ь)и и добромъ менью поведил. То есмо ради слышали. || л. 74 А мы такеж, з ласки божее, есть есмо здоровы, <sup>1</sup>се его <sup>1</sup> жъ похвален будь пан. |

Теж через того посла вашего все есмо вроз<sup>8</sup>мели, што есте велели намъ | мовити, и промеж<sup>8</sup>ку иных речей, што бымо са вступили межи на|аснеишимъ царемъ Менъдли Кгиреем, *от*цомъ нашим, межи вас к<sup>8</sup> вделанью | доброго покоя и правое приязни. То есмо вдачне *от* васъ принали, | и для того с тым *от*цомъ нашимъ, нааснеишимъ царем, *от* той речи много | есмо посл<sup>8</sup> говорили. И потом намъ

есть мощно шлюбил, хотачи мети | добрыи покои и правую приазнь с вами, а все прошлове запаметати. | А верымы тому, *иж* иначе и не вьделает, бо вс(е)м тот цар говорит, што *ж* хо<sup>1</sup>чет з добрым сердцем вделати подлугъ обычаа предковъ ваших, которые жь бывали приателю приателем, а неприателю неприателемъ, а николи до неприатела своего цара заволского, пословъ не сылали. | Про то *ж*, хочете ли з нааснейшим царем Мендли Кгереемъ покои и приател(ь)ство мети, | потребно есть обычаа предковъ ваших<sup>2</sup> заховати, которые *ж* цар Мендли Кгерей нешто от васъ будет потребовати, ино вы ему в том попри<sup>1</sup>айте. И мы есмо послови нашому Алакозови с вами велели нешто говорити, тому вер(ь)те. |

*Примечания.* <sup>1-1</sup> Написано по смыслу текста <sup>2</sup>Буква в исправлена из н

## № 53

[1496–1497 гг.]

## Ѓтказ послѣ цара перекопъског(о) Кѣмбердею. |

Што еси намъ говорил ѿ брата нашего, цара Мендли Кгирея в посел(ь)стве<sup>1</sup>, | и листъ еси намъ от него за печатью подал, и мы тому твоему посел(ь)ству | и, в листе его прочотъши, ѿ всемъ есмо гараздо зрозѣмили.

Брат нашъ, | цар Мендди Кгирей, через тебе<sup>2</sup> к намъ всказал и в листе своем широко писал, припоминая первое дело, што присылал к намъ своего посла | Асана, а тѣрецького цара сынъ Бахъмет солтанъ своего посла Алакоза присылалъ, хотачи межи вами вделати миръ а покои. И мы | братѣ нашомѣ, царѣ Мендди Кгерее, черезъ причину царевича Бахъмета мирѣ и приазни есмо не отмовили и дла того послали есмо | до него нашего посла пана Каспора. И пишеть до нас брат нашъ, цар | Мендли Кгирей, *иж* тотъ нашъ посол, панъ Каспоръ, видел его правдивую присагу и шлюбъ, што передъ нимъ правду вделал. ||<sup>а. 74 об.</sup>

А далеи пишеть к намъ, просачи насъ двое прозбы, абыхмо пословъ нашихъ | къ Заволскои Ѓрде не посылали, а другое просит в насъ люди, которые | люди будѣтъ то бы отецъ его, царъ Ачи Кгирей, дал кн(а)зю Семену.

А при том | пишешъ к намъ, *иж* хочет посла нашего Каспора к намъ отпустить, а с ним | хочет к намъ послати своего великого посла на има Довлетика муръзѣ | и при немъ иньшихъ людей добрыхъ дла твердого и доброго покоя и приазни, приателю приателемъ быти, а неприателю неприателем, | какъ были отцы наши в братстве и в приазни, и в правде твердои | межи собою ажъ и до сего века. А томѣ послу его, Довлетак мурзы, | абыхмо послали листъ нашъ клеитовныи добровол(ь)но к намъ приехати | и за сѧ к нему от(ь)ехати.

Ино тыми разы пановъ рад нашихъ при нас суполна всехъ нетъ. Про то мы дла змешкан(ь)а дел нашихъ межи насъ тебе отпѣскаемъ вборзде. А зъ братомъ нашимъ, Мендли Кгереемъ, хочемъ быти | въ братстве и в приазни по тому, какъ отецъ нашъ съ его отцомъ был. А коли | брат нашъ, царъ Мендли Кгирей, к намъ нашего посла отпѣстит, а своего | великого посла Довлетакъ мѣръзѣ к намъ пришлеть ѿ добротяхъ, | тогды ѿ вси дела, што сѧ тычет ѿ братства и ѿ приазни, и пословъ заволскихъ, и людей тыхъ, ѿ всемъ на концу зостанем, и што будетъ годного а слушного, тогды братѣ нашомѣ не отмовимъ, познавши его к намъ правую | приазнь и братство.

А по томѸ послу его, Довлетакъ мурзе, листь нашъ | кклеитовныи даем добровол(ь)но к намъ приехати и за сѧ ѡт(ъ)ехати. И теж, | што писал к намъ ѡ клеить послѸ тста нашего, великого кн(а)за Ивана | Васил(ь)евича, которыи же тыми разы в него есть, абыхмо ему дали листь | нашъ кклеитовъныи<sup>1</sup> добровол(ь)но через нашу землю проехати до Москвы, | и мы томѸ послу московского даем листь нашъ добровол(ь)но ехати челрезъ нашѸ землю до Москвы. |

*Примечания. <sup>1</sup>Буква е исправлена из и <sup>2</sup>Слово написано по смытому тексту*

## № 54

[1496–1497 гг.]

Ѓтказ Алокозю [к] солтанѸ каѡинскомѸ. |

Што брат нашъ, Магмет солтанъ, всказал к намъ черезъ тебе и в листе своемъ к нам | писалъ, и мы на твоём и в листе брата нашего, ѡ чомъ къ нам писал, ѡ въсемъ гораздо есмо зрозѸтели.

Брат нашъ Магъмет всказал к нам и в листе своем ||<sup>л.75</sup> писал, ижъ через вказанье посла нашего к нему мовил с царемъ Мендли Кгиреем | кѸ вделан(ь)ю покою и правое приязни межи нами, и много речеи посполѸ ѡ томъ с нимъ мовил, ижъ мѸсел перед нимъ мощно шлюбити, хотечи | с нами мети добрыи покои и правую приязнь, а все прошлое запаметати. | А верит(и) ему, ижъ иначе не въделаеть, а хочет то з добрыи серцом<sup>1</sup> вделати | подлугъ обычаѧ и предковъ наших, приателю приателем быти, а не|приателю неприателем. Ино мы братѸ нашомѸ, Магмет солтану, за то | дакъѸем, ижъ межи нами делаеть добрыи посредокъ, которыи бы служил | кѸ покою панствомъ нашимъ.

А далеи пишешъ к намъ: если быхмо | хотели<sup>2</sup> с ц(а)ремъ<sup>2</sup> Мендли Кгиреемъ покои и приязнь мети, абыхмо обычаи предковъ нашихъ заховали, а чого бы царь Мендли Кгиреи ѡт насъ потрелбовал, абыхмо емѸ в томъ сприали, а пословъ наших до Ѓрды Заволское не посылали.

Ино мы завжды обычаи предковъ нашихъ хочом | ради заховати, коли Ѹзримъ его правую сталость и веру к намъ, | яко жъ и самъ в листе своемъ к намъ писал, ижъ дла лепгшее справедливости хочет к намъ посла своего великого послати на има Довлетика мѸръзѸ. Коли к намъ того посла своего пришлет, и мы тогда | ѡ въсемъ з нимъ на концы зостанемъ, а што буде годного а слѸшного | через причину твою, брата нашего, хочем вчынити. |

*Примечания. <sup>1</sup>Слово написано по смытому тексту <sup>2-2</sup>Написано по смытому тексту*

## № 55

[20 июля 1492 г. — 1494 г.]

Посол(ь)ство ѡт цареи заволских. |

БратѸ нашему, великому кн(а)зю АлексѧндрѸ, ѡт Ши Ахъматѧ цара поклон. | После поклона слово то есть.

Мы с вами еще ѡт великого цара Балтыѧ въ братстве и в приязни живемъ. Ино тое братство з вашимъ ѡтцом, | Казимерем королемъ, нашъ ѡтец, Ахъмат<sup>1</sup> царь, межи собою поновили | и добрыми послы межи собою сослали сѧ, и роки межи собою

положили. | На *Ивана* гневаючи с.а, царь нашъ всел на кон(ь), а вашъ отец, корол(ь), на *тот* рок | не пошол<sup>11</sup>. Ино наши вланы и кн(а)зи *отца* нашом<sup>8</sup> мовили: «Иванъ твои холюпъ [и] королевъ есть, ино корол(ь) на *тот* рокъ не пошол с тобою, и ты верни с.а». И възали *отца* моего за повод и вернули. А потом на *отца* нашего || л. 75 об. бож(е)я се вола стала. И мы [со] старшимъ братом нашим, Сид Ихматомъ царем, покочевали к Днепр<sup>82</sup>. А в т<sup>8</sup> пору Довлешъ солтан к намъ пришол и, насъ воземъши, | на Мендли Кгиреа, цара перекопского, пошол, и мы нескол(ь)ко влановъ его | повоевали. А потомъ Сид Ихматъ цар на бож(е)ю волю пошол, а я сам не моцонъ был, а въ том Довлешъ солтаново дело стало с.а. Ино вы, жалованье | свое делаючи для Здемира солтана<sup>12</sup>, што быхмо, шедши на Мендли Кгиреа, | валчили, и до мене есте всказали. И я рад вел(ь)ми со всею волею своею, тол(ь)ко по васъ року жадаю, на которыи быхмо рокъ потагнули, на весну ль, | чи ль на осень. Ино мне с.а видит такъ: потагнѣти бы на них от очин, какъ | они будѣтъ жита свои жати, а налепи вы ведаете, какъ с.а вам *8*видит. | Сии слова *8*певниваючи<sup>3</sup>, справедливе, твердо вмовляючи, своего любовного слуг<sup>8</sup>, кн(а)за Сѣбдлу Богатыра, к вамъ послали есмо, ино божимъ | жалованьемъ нашо полное здоровье вашо<sup>4</sup> светлой ясности *8*зъявити, а валшо полное здоровье намъ *отказати* и въ томъ насъ *8*звеселити, | какъ и перьво межи вашими и нашими *отцы* правѣда и приязнь, | и братство бывало, а в томъ приятель бы радовал с.а, а неприятел(ь) бы боал с.а. На то з легкимъ поминькомъ а с тажкимъ поклономъ | съ синимъ нишаном<sup>31</sup> листь писали есмо. |

**Великом<sup>8</sup> кн(а)зю Александру от Ши Ахмата цара поклон.**

Ино наши предки з вашими предки братство и приязнь мевали и полного здоровья межи собою *отведывали*. И мы по том<sup>8</sup> жъ противъ приятела вашего хочемъ приателемъ быти, а противъ неприятела | неприателем, нехаи бы то приятель, слышавъши, радовал с.а, | а неприятел(ь) боал се. А послал есми до вашей м(и)л(о)сти *8* гоньцох слѣгу своего и дыака на *има* кн(а)за Дану, ваше полное здоровье *отведываа*. И ваша м(и)л(о)сть жалованье свое вделаете, борздеи к нам | его *отпустите*. На то съ синимъ нышаномъ листь послали есмо. |

**Великому кн(а)зю Александру от Ши Ахмата цара поклон. |**

Што до насъ еси листь свои прислал, и мы вси вланы и кн(а)зи к себе | собрали и межи собою радили<sup>5</sup>, первое *8* братство впоминаа, проотивко неприятела неприателем. И рекъли мне: «Тол(ь)ко рокъ *8*ведеме | положите межи собою». Ино вы жалованье свое вделайте Аздемир<sup>8</sup> солтану, нескол(ь)ко людеи своих даите, а сами на краине блиско стоите. А мы хочемъ через Дон со всею *8*рдою своею переити, а хочем на конь | въсести и на рокъ тамъ же быти. Тые дела вси *отведываа*, кн(а)за || л. 76 Асакимъ зад<sup>8</sup> а кн(а)за Дану, а кн(а)за Абьдул<sup>8</sup> тыхъ *8* головах, добрыхъ людеи, пословъ своихъ, послали есмо. З листомъ симъ я своего слуг<sup>8</sup> и твоего | Кѣлака послал еси, бо он межи нами много потрудил с.а, ездил, я его за | то пожаловаль, а ты его за то пожалуи тамъ. |

**Великом<sup>8</sup> кн(а)зю Александру, брат<sup>8</sup> нашему, от Хожака солтана поклон. |**

Ино з вашимъ *отцемъ* королемъ нашъ *отець* Ахматъ царь межи собою в братстве и в приязни бывали, а для *8* братства колькос(ь) годовъ | послы свои сылали межи себе. А ныне вы жалованье свое вделали | з легкимъ поминкомъ а с тажкимъ поклоном, посломъ своимъ насъ есте навелили. | Ино мы том<sup>8</sup> вел(ь)ми вдачни и радовали с.а есмо. И брат мои и мы хочемъ | з вашей м(и)л(о)стью в лепшомъ братстве и в приязни быти. И мы, вашего | здоровья *отведываа*, а свое вамъ поведаа, на *има* Балакъча, |



посла | своего, к вамъ послали есмо с тѣжкимъ поклономъ а зъ легъкимъ поминкомъ. | А на то с нышаномъ синимъ послали есмо листь нашъ. |

Великомъ кн(а)зю Алексѣсандру *от* кн(а)зѣ Ачъжикги с чоломъб[ит]ъемъ поклон. |

Вашъ оутецъ король нашего дадъ приателемъ собе мевал, кн(а)зѣ Тилмира. А и мы вашоу м(и)л(о)сти хочемъ приателемъ быти, а напротивку | вашоу неприателѣ, где кажете, хочемъ поити с вами поспол(у). Тыми | разы недоспешни были есмо, а на весну, и где кажете, хочомъ готови быти. Ино вашоу здоровья *от*ведевая, а *о* своемъ вамъ поведаѣ, | Баранъчеѣ а Чесокгъчу на *има* послал есми. |

Великомъ кн(а)зю Алексѣандръ *от* кн(а)зѣ Ачикгчи с чоломъб[ит]ъемъ поклон.

Вашо(о) | здоровья *от*ведевая, а свое вамъ поведаѣ, в гонъцохъ послал есми | *И*марчеѣ. |

*Примечания.* <sup>1</sup>Буква х исправлена из и <sup>2</sup>Буква Д исправлена из о <sup>3</sup>Буква у исправлена из другой <sup>4</sup>Слово вписано над строкой <sup>5</sup>Слово написано по смыслу тексту

## № 56

[20 июля 1492 г. — 1494 г.]

Отказ посломъ заволскимъ ц(а)ра Шикгъ Ахмата. |

Што братъ нашъ всказал к намъ черезъ васъ, свои послы, на *има* Гакимъ зайдъ а *С*бдлу багатыра, и въ тарлыкохъ своихъ к намъ *о* томъ широко писал, припоминаючи давные дела<sup>1</sup>, какъ бывало за предковъ нашихъ и за | *от*цовъ нашихъ доброты и приязни, и братства, а въ томъ сѣ приатели || *л. 76 об.* наши радовали, а неприатели сѣ боѣли. И братъ нашъ всказал к намъ, | хотѣчи с нами по тому *ж* быти *о* братстве и в приязни, приателю | нашему приателемъ быти, а неприателю неприателемъ.

А далеи | всказал к намъ и въ тарлыку своемъ писал, што есмо посылали до него нашего посла Халецького и всказали есмо черезъ того нашего<sup>2</sup> посла<sup>3</sup> наши речи к нему, што сѣ тычетъ Мендли Кгиреѣ цара. И братъ нашъ черезъ нашо(о) | посла к намъ *от*казал, *и*жъ тыми разы не былъ поспешонъ за некоторыми | делы своими, не могъ тотъ часъ приближити сѣ к намъ. А тыми разы *пишет* к намъ и словомъ всказал, *и*жъ радъ вельми со всею волею своею | тое дело дѣла насъ вчинити, и мовиль *о* томъ со всеми вланы и кн(а)зи своими. Ино вси вланы и кн(а)зи его хотѣтъ то ради вчинити, тол(ь)ко того | по насъ *хочет*, абыхмо тому дѣлъ рокъ вчинили, а Аздемиръ солтанъ | некол(ь)ко люди дали, а сами быхмо къ<sup>4</sup> краинамъ нашимъ приближили сѣ дѣла | того дела. Ино за то братъ нашомъ, царъ Шикгъ Ахматъ, дакуемъ, | *и*жъ такъю приазнь намъ *в*казѣть, на неприателѣ нашего *хочет* | з нами быти заодно.

Такожъ поведаемъ емъ, братъ нашомъ, | какъ есмо послали до него посла нашего Халецького в томъ деле, а сами есмо всели на конь и тагнѣли къ границамъ нашимъ напротивъ неприателю нашомъ. И неприател(ь) нашъ, царъ перекопский, слышавшы то, изъехалъ с поля, и къ намъ прислать посла своего, хотѣчи | с нами миръ и приязни и послы свои великие хотечи к намъ прислати. | Ино мы еще в томъ деле с перекопскимъ концѣ не вчинили и, *а*жъ дастъ богъ, | хочомо сѣ в томъ деле з братомъ нашимъ, королемъ пол(ь)скимъ, *о*бослати, | а *о*бославъши сѣ зъ его м(и)л(о)стью, на которомъ концѣ с нимъ зостанемъ, | *о* томъ братъ нашомъ, царъ Шикгъ Ахматъ, черезъ свои послы *ведо*мо дамо. А тыми разы с вами поспол(у) шлемъ до

брата нашего толмача нашего на *има* Баираша, его здоровье, брата нашего, видети, | а свое ему поведаа. |

**Ѓ**тказъ послу Хожака Солтанову, брата царева. |

**Ш**то всказал к намъ через тебе, своего посла на *има* Балакчета, напоминаа перьвые дела, какъ отецъ его царь Ахъмат, з нашимъ *отцомъ* были | въ *братстве* и в *приязни* межи собою, а *он* ныне по тому *ж* хочеть | с нами въ *братстве* и въ *приязни* быти лепьшеи, нижели *отецъ* его з нашимъ<sup>5</sup> || л. 77 *отцомъ* был. И мы ему, братъ нашому, за то дакъдемъ, што *хочет* | с нами жити въ *братстве*<sup>6</sup> и в *приязни*, *приятелю* нашомъ *приятелемъ быти*, | а *неприятелю* *неприятелемъ*. А послали есмо до него толмача нашего | на *има* Баираша его здоровье, брата нашего, видети, а свое емъ поведаа. |

**Ѓ**тказъ послъ кн(а)за Ачкгинъ. |

**Ш**то всказывал к намъ через васъ, своихъ пословъ Боранчеемъ а Ѓкгунъкеемъ,<sup>3</sup> | припоминаа перьвые дела, какъ *отецъ* нашъ, корол(ь), его м(и)л(о)сть, дадю его, | кн(а)за Тимира, *приятелемъ* собе держал. А *он* с нами<sup>7</sup> по тому *ж* *хочетъ быти* | *приятелю* нашомъ *приятелемъ*, а *неприятелю* *неприятелемъ*, и *напротивъ* всакого *неприятела* нашего *хочетъ* с нами быти *заодин*. | *Ино* мы емъ, *приятелю* нашомъ, за то дакъдемъ и *напередъ* съ<sup>8</sup> нимъ, *приятелемъ* нашимъ, *хочомъ* быти в *приязни* по тому *ж*, какъ *отецъ* нашъ, | король, его м(и)л(о)сть, был з дадею его, кн(а)земъ Тимиромъ, в *приязни*. | А послали есмо до него, *приятела* нашего, на *има* Баираша, его здо|ровье видети, а свое ему поведаа. |

*Примечания.* <sup>1</sup>Буквы де написаны по смыслу тексту <sup>2</sup>Над словом помета теми же (?) чернилами <sup>3</sup>Над словом помета теми же (?) чернилами <sup>4</sup>Слово написано над строкой <sup>5</sup>Буквы шимъ написаны в правом нижнем углу <sup>6</sup>Буква е исправлена из и <sup>7</sup>Буква н исправлена из м <sup>8</sup>Буква ъ исправлена из другой

**Ѓ**тказъ послу великоз(о) кн(а)за Ивана Васил(ь)евича |  
Ивану Телешевъ. |

**Ш**то еси намъ говорил *от* брата и *твста* нашего, великого кн(а)за Ивана | Васил(ь)евича, што писал к немъ *грамотъ* его *посол* Михаило Плещеевъ, | *который* был *от* него в *цара* тѣрецького с <sup>1</sup> *посол(ь)ствомъ*, и *приехал* | к *нашому* *городъ* Пѣтивлю. И *наместникъ* нашъ *пѣтивльскый*, кн(а)зь | Богдан Ѳедоровичъ, его *посла* и *гостей* его, *которые* з нимъ были, | и *заморскихъ* *гостей*, не *пропѣстил*. *Ино* намъ *то* *ведомо*.

**П**исаль | *о* томъ к намъ нашъ *наместникъ*, кн(а)зь Богданъ, што *ж* его *посол* | Михаило Плещеевъ *приехал* к Пѣтивлю и с *тыми* *гостями*, а с *ними* *полсполу* *многие* *люди* *татарове* *пришодши* и въ *земли* *нашей* по *вкраинамъ* *великие* *шкоды* *починили* *намъ*, и *он* был его *дла* *того* *позадержал*, *покъде* мы его *навѣчимъ* *о* том. И мы до него *отписали*, *абы* его | *пропѣстил*, и *он* его *того* *ж* *часу* и *гостей* *тыхъ*, *которые* *приехали* съ | нимъ, *пропустилъ*.

**П**ро *то* *нехаи* *бы* *брат* нашъ, *великий* кн(а)зь, *сам* *того* || л. 77 *об.* и *посмотрел*, *гараздо* *л(ь)* *то* *послы* его *чинат*, што *паганство* *татар* *наводат* на *наши* *земли* а *гостей* *кѣпцов* *проводат* съ собою *мимо* *наши* | *головные* *мыта*. А тамъ, в *нашоу* *земли*, в *Киеве* и въ *Луцкѣ*, *склады* *издавѣна* *бывали* *всакимъ* *купцомъ* *заморскимъ*. **П**ро *то*, *штобы* *брат* нашъ, | *великий* кн(а)зь, *приказывал* *своимъ* *посломъ*, *ажъбы*

ездили обычаиными дорогами. А которые бы купцы его а либо заморскии с ними | ездилы, ажбы мытъ нашихъ не об(ъ)ежчали, и, где здавна гостем | склады бывали, тут бы и тепер(е) были, какъ жо и в докончаньи межи | нась ѿ томъ записано, што гостем нашимъ добровол(ь)но ездити | на обе стороне по нашим землам старыми обычаиными дорогами, | а мыта и пошлыны везде платити по-старомѸ, а новыми дорогами | мытъ не объежчали. |

*Примечание.* <sup>1</sup>Слово вписано в пробел

## № 58

[1498 г. февраля 17. Городно.]

Посол(ь)ство до великоз(о) кн(а)за Ивана Васил(ь)евича Бокеем | на первеі поклон, а потом здоров(ь)е наведити. |

Алекъсандръ, бож(е)ю м(и)л(о)стью, великии княз(ь), всказал. |

Што еси, брат нашъ, посылашь своего посла Михаила Плещеева до турецкого цара и <sup>1</sup>перекопского, и Мендли Кгиреи, царь перекопскии, присылал | к нам своего гонца и въсказал к намъ, абыхъмо томѸ твоему послѸ, МихаилѸ Плещееву дали листь нашъ и пристава черезъ нашѸ землю ехати | до тебе добровол(ь)не.

И мы тебе, дела брата нашего, то вчинили, | листь нашъ и пристава твоему послѸ дали через нашу землю ехати | до тебе добровол(ь)но. |

*Примечание.* <sup>1</sup>Слово вписано в пробел

## № 59

[1498 г. марта 19. Пуня.]

Посол(ь)ство до великоз(о) кн(а)за Ивана Васил(ь)евича | Васком Дорошковичомъ. |

Г(о)с(по)д(а)ръ нашъ, великии княз(ь) Алекъсандръ, тебе, братѸ и цтю своему, великому кн(а)зю ИванѸ Васил(ь)евичѸ, велел говорити.

Жаловали намъ мещане смоленские на има<sup>1</sup> и [с] своими товариши на твоего наместника ваземского, на Ивана ШадрѸ<sup>[1]</sup>: какъ приехали къ Ваз(ь)ме с товаром, и он || <sup>л. 78</sup> в нихъ товар пограбил, а всего товарѸ взал в нихъ на сем(ь)сот копъ.

А поведаючи, иж за то грабил ихъ, што<sup>2</sup> наши слѸги Борисъ Семенович, а мытникъ | нашъ смоленскии, а Васко Сопежичъ, а слѸга ѿкол(ь)ничого смоленского Ивашиковъ Кошъчинъ, пограбили мещанъ ваземских товары, «и я деи тых мещан | смоленских за то порѸбилъ». |

Алекъсандръ, бож(е)ю м(и)л(о)стью, всказал. |

Ино такъ намъ поведено, што ж тые мещане ваземские объехали нашо | мыто смоленское новыми дорогами, кѸды ж николи гости не<sup>2</sup> ежъчивали. И наши слѸги взали в нихъ тотъ товар за промытѸ. Какъ | же и самому тебе, братѸ нашомѸ, ведомо, по всим землам такии обычаи есть, по хрестаньскимъ и по поганьским, которыи гость, где промьытит с а, мыто проедет, не заплативъши, тотъ товар свои тратит. | А въ докончаньи с тобою, братом нашимъ, межи нами ѿ томъ записано, што<sup>2</sup> гостем нашимъ ездити старыми дорогами по нашим землам, а мыта наши платити, где здавна мыта бывали, по-старомѸ. |

Алекъсандръ, бож(е)ю м(и)л(о)стью, великии княз(ь), всказал. |

Про то, штобы еси, брат нашъ, подле нашего с тобою докончанья, | на тое дело сослал своего суд(ь)ю на рѣбеж, а мы з свое стороны своез(о) | сдью хотимъ сослати, нехай бы, зъехавши се, наши суд(ь)и томѣ | делѣ право вчинили подле нашего с тобою доконченья, по хрестному | целованью. Бѣдут наши слѣги твоих вазъмичъ не гараздо грабили, | и мы то своим велим справа ѿдати, а ты б, брат нашъ, нашим купьцомъ ихъ товары велел вернуть, абы правые не гинѣли, а виноватыи бы не користовали сѧ, а в том бы гостем нашим межи нас | порѣбокъ не было. |

*Примечания.* <sup>1</sup>Так в тексте <sup>2,2</sup>Буква ш исправлена из другой <sup>3</sup>Слово написано по смытому тексту

## № 60

[1498 г. июля 27. Троки.]

Ѡтказ послѣ московскомѣ Ѡлешы | Голохватовѣ.

То справа при Ивану Ёдцьковичѣ Владыце, июл(ь) 27 ден(ь), индикт 8<sup>1</sup>. |

Што еси г(о)с(по)д(а)рѣ нашомѣ, великомѣ кн(а)зю, правил посол(ь)ство ѿт великого | кн(а)за Ивана Васил(ь)евича, ѿт брата и тѣста его м(и)л(о)сти, што ж сестрениц<sup>[1]</sup> | его, княза великого(о) <sup>2</sup>, княз(ь) резаньскийи, бил чолом, и теж слуга его, кн(а)зь Иванъ || л. 78 об. Белевский<sup>3</sup>, и купьцы можайчи и тѣеричи, и Великого Новагорода, жаловали | на его м(и)л(о)сть люди, на мецнан и на рылан, и на пѣтивлан, и на смол(ь)нанъ, и на | полочан, и жбы имъ ѿт тыхъ его м(и)л(о)сти люди кривды великие стали сѧ | в боех и в порѣбехъ, и в грабежах, и въ иных многих речах. |

Г(о)с(по)д(а)рѣ нашъ, его м(и)л(о)сть, на твоём посел(ь)стве и на тых спискохъ жалобных | всим тымъ речам гараздо зрозѣмель. |

Г(о)с(по)д(а)рѣ нашъ, его м(и)л(о)сть, своим врадникомъ вкраинымъ такихъ дель починати | не велить, а того его м(и)л(о)сть не сведом, какъ сѧ будут тьи дела стали. | И ныне его м(и)л(о)сть до тых своихъ врадниковъ, до городовыхъ ѣкраинныхъ | посылает безъ мешканья, и кажет его м(и)л(о)сть всихъ тых дель доведати сѧ достаточне. Бѣдѣт ли люди его м(и)л(о)сти то вделали, и его | м(и)л(о)сть взад тое велит ѿдати, а которые то чинили, тыхъ его м(и)л(о)сть | кажет сказнити, абы вперед того не было. |

Такежъ г(о)с(по)д(а)рѣ нашъ, великии княз(ь), ѿ иных, ѿ великихъ делехъ обидныхъ, ѿ землѧх и ѿ водахъ, до великого кн(а)за, до брата и тѣста своего, ѣсказал | своими послы, маршалкомъ паномъ Станиславомъ Петровичомъ | а писаромъ Ивашкомъ Сопегию. |

*Примечания.* <sup>1</sup>Так в рукописи, следует <sup>2</sup>Буква о исправлена из другой <sup>2</sup>Исправлено, в рукописи Бебелевскийи

## № 61

[1492 г. июля 20 — 1501 г. декабря 12.] Троки.

<sup>1</sup>В Троцах<sup>1</sup>. Посол(ь)ство з Ѡрды заволское  
ѿт Ши Ахмата цара. |

Братѣ нашему, великому кн(а)зю Алекъсандру, поклон. Слово то есть. |

Ещо ѿт великого цара Батья с вашими предки и ѿтцомъ вашимъ нашъ ѿтец | в братстве и приязни бывали. Ѡдин час на московского Ивана розгневали | сѧ и рокъ

были межи собою дали с одного на него поити. Нашъ же ѿтець на конь ъсъсел, а вашъ не ъсъсел<sup>[1]</sup>. А и ты по тому *ж* Халецкимъ | к намъ ъсказывал ѿ Мендли Кгирета, цара перекопского, што быхмо | на него пошли, бо нам неприател(ь) ѿнь ѿбема. Ино мы со кн(а)зами, ѡлапны порадивъ, и к тому были есмо делѡ пристѣпили. Хотели есмо | на него поити, и до васъ есмо ѿ том послы свое послали. И вы на своемъ | слове не стали и хотели есте послов своих не с которыми речми к нам | прислати, и вы не прислали.

Ино мы ныне к вам вашего зъдоровья || <sup>л. 79</sup> видети, а свое вамъ поведати пословъ своихъ послали есмо на има Гѡким хождѡ а чорного Гѡбъдѡлу. И вы бы, не мешкаѡ, нашихъ послов ѡтпѣстили, а к ним своихъ приставили пословъ. И мы хотим с вами противку приатела вашо(о) | приателемъ быти, а против неприатела неприателемъ быти.

А гонцомъ | своимъ, Гѡлышикомъ, тое *ж* пишет. |

*Примечание.* <sup>1-1</sup>Вписано перед писарским заголовком у левого поля

## № 62

[1494–1501 гг. декабря 12.]

От Ши Ахъмата цара. |

Братѡ нашому, великомѡ кн(а)зю Алексъандру поклон.

Отецъ вашъ з нашимъ | ѡтцемъ въ братстве и в приазни бывали, а што надобе межи собою дрѡгъ дрѡга прошивали. Ино ѡ за брата своего, Шамахииского | кн(а)зѡ, дочьку поймаю<sup>[1]</sup>, и васъ есми послал на свад(ь)бу звать богомол(ь)ца | своего, Тѡдзѡка Хаджеѡ. А прошѡ вашей м(и)л(о)сти, абы ваша м(и)л(о)сть | помогли мне, што на тѡю свад(ь)бу. А в том приател(ь) нашъ радовати сѡ | будет, слышавшы, а неприател(ь) боѡти сѡ бѡдет. |

А што царевъ слѡга Кѡлукъ принесъ ѡрлыкъ, ино по тому *ж* писано, | тол(ь)ко упоминает тое: «Што отецъ нашъ посылывал до вашего ѡтца | Тагира с надобными речми, и ѡ по тому *ж* к вам, брату нашомѡ, | слѡгу своего, Кулука, послал и напотом бѡдѡ посылати, бо ѡн слѡга | добрыи и вамъ, и намъ». |

А княз(ь) Ачъжикга<sup>[2]</sup> ѡрлыкъ свои пишет по тому *ж*, какъ и царъ писал. |

## № 63

[1494 г. — 1501 г. декабря 12.]

От Мортѡзы. |

Братѡ нашомѡ, великомѡ кн(а)зю Алексъандрѡ, ѡт Мортѡзы цара поклон. | Слово то есть.

З вашимъ ѡтцемъ наши ѡтци въ братстве и в приазни были, | а и с нами въ братстве были. А и ѡт васъ братства и приазни в надеи есмо. И, ваша м(и)л(о)сть, даите мне где на въкраине хлебоѡкормленье, || <sup>л. 79 об.</sup> ѡ зъ братомъ своимъ<sup>[1]</sup> и з детьми своими противъ вашего неприатела стоѡтати не ленивъ есми. А дѡла того слѡгу своего на има Магнѡта послали | есмо зъ легькимъ поминькомъ а с тѡжкимъ поклономъ. Ино будете л(ь) мене братомъ мети, к моемѡ послѡ Магмѡтью, приставилъ своего человека, | к намъ пришлите, тое ваше приазни знаеомст(ь) к намъ бѡдет.

Твоѡ б(о) | м(и)л(о)сть тое словомъ говорил: «Всхочешъ ли братства и житья с нами, | пошли к намъ пословъ своихъ добрыхъ, не мешкаѡ, а не всхочешъ ли пословъ |

послати, и ты намъ *откажи*, а моих пословъ *борзо*, безъ мешкан(ь)а *отпѣсти*. А самъ здоровъ, весел живи на своем паньстве, а я *такеж* на своем | паньстве». |

## № 64

[1499 г.] мая 14. Вильна.

Посол(ь)ство до великоз(о) кн(а)зѧ Александра *от* воеводы волоскоз(о) по Журжом дворником и Матышшом писаром |

При Ёднушку писарѧ у Вильни, м(е)с(а)ца маѧ 14 день. Индикт 2. |

Што твоѧ м(и)л(о)сть прислал еси своих пословъ, маршалька своего Воитеха | Кѧчуковина, наместника волковыиского, и чашника своего пана Ѳедка Гавриловича, межи нами мирѧ вечного делати и записы чинити и межи нашими землами, *тако са* и годит(ь) межи двема г(о)с(по)д(а)рема хрестиянскима. |

И *такеж* и сват нашъ, великии кн(а)зь московскии Иванъ Васил(ь)евичъ, тесьт вашее | м(и)л(о)сти, прислал до насъ своих пословъ *о* томъ, абыхмо са с *вашею* м(и)л(о)стью | поток мели и мир вечныи *взали*. | И на то мы с<sup>1</sup> *тymi* *вашею* м(и)л(о)сти послы, которые были в насъ, *говорили* | есмо вси наши<sup>2</sup> *потребные* речи и списки имъ *вказали*, и *вашею* м(и)л(о)сти | по нихъ *всказывали*. | *Пакъ* теперь г(о)с(по)д(а)ръ нашъ, Стеѧнъ воевода, насъ до *вашею* м(и)л(о)сти прислал | с *всеми* *тymi* *ж* речами, с *тymi* *ж* списьки. |

Про то жъ г(о)с(по)д(а)ръ Стеѧнъ воевода нами *вашою* м(и)л(о)сти приказал, | абы *ваша* м(и)л(о)сть емѧ запись *вписали* по сему списку, што до *вашею* | м(и)л(о)сти по насъ прислал, и на <sup>3</sup>то бы<sup>3</sup> есте, *ваша* м(и)л(о)сть, емѧ *прислѧ* *вделали* перед нами, и *тот* листъ *прислѧ* *нами* дали. | И *ваша* м(и)л(о)сть *такеж* своих пословъ *пошлите* *поспол(у)* з *нашими* | до г(о)с(по)д(а)ра нашего, до Стеѧна воеводы. | И г(о)с(по)д(а)ръ нашъ Стеѧнъ воевода *такеж* *мает* *вашею* м(и)л(о)сти по тому *ж* || <sup>а. 80.</sup> запись *вписати* и *прислѧ* *перед* послы *вашею* м(и)л(о)сти *вделати*, и тотъ | запись *вашимъ* *посломъ* дати. |

*Такеж* г(о)с(по)д(а)ръ нашъ велел тебе, *приятелю* своему, *поведити*, *иж* *послалъ* | своих пословъ великих до *цара* *турецкого*, <sup>4</sup>*па(на)* *лагаѧета*<sup>4</sup> своего и иных | пановъ. И естли *похочете*, *в(а)ша* м(и)л(о)сть, мир и запись к намъ *вделати*, | намъ г(о)с(по)д(а)ръ нашъ велел до себе *о* томъ *ведати* дати *четвертого* *надцатого* днѧ, ачъ *пакъ* *хота* и *тых* *пословъ* *от* себе *отпѣстиль* | *будет*, и *он* ихъ *назад* *может* к себе *вернути*. |

*Такеж* *тymi* *часы* г(о)с(по)д(а)ра нашего *люди* *пришли* с *Тѧрецкое* *земьли*, | а *иные* з *Басарабьское*, и *поведили* г(о)с(по)д(а)реви *нашому*, ажъ што тамъ | *слышали*, в *земли* *Тѧрецкой* и в *Басарабьской*, што *ж* *езде*, по *всимъ* | *городом* и по *местомъ*, *кличут*, *ижбы* *добрые* *юнаки* и *люди* *вси*, | *которые* *дѧжы*, на *кони* *всести*, *кони* *бы* *добрые* и *зброи* *держали*. | И *какъ* *тепльо* *бѧдет*, *мают* на *кони* *всѣсти* и *потагнути*, естли са | г(о)с(по)д(а)ръ нашъ *помирят* з *вашою* м(и)л(о)стью и *запишет*, *тогда* *они* *конечнo* *мают* *потагнути* в *землю* г(о)с(по)д(а)ра *нашого*. Естли *пакъ* *ваша* | м(и)л(о)сть з г(о)с(по)д(а)ремъ *нашим* не *запишете* са в *мирѧ* и *приязни* *быти*, | *тогда* *о* то там *такъ* *слышати*, што *ж* *мают* *тые* *люди* *тагнути* | *любо* на *королевѧ* *землю*, *брата* *вашею* м(и)л(о)сти, *або* на *вашу* м(и)л(о)сть, | *ѧ* *вашѧ* *землю*. |

Примечания. <sup>1</sup>Слово *вписано* в *пробел* <sup>2</sup>Буква *е* *вписана* в *пробел* <sup>3-3</sup>*Написано* по *смытому* *тексту*  
<sup>4-4</sup>*Буквы* *па* *Лаг* *написаны* по *смытому* *тексту*

## № 65

[1499 г.]

Ѓтказ послом Стеѡана воевода волоского | Дчуржѡ дворникѡ  
а Мат(ы)ѡшѡ писарѡ. |

Што г(о)с(по)д(а)рѡ вашѡ, Штеѡан воевода, всказал через васѡ к нашему г(о)с(по)д(а)ру, | ажбы его м(и)л(о)сть мир вечныи взал з вашимѡ г(о)с(по)д(а)ремѡ и записы бы | вделаны были на ѡбе стороне подлугѡ давного обычаѡ, какѡ | *первеи* того здавна бывало, за предковѡ его м(и)л(о)сти, межи Великимѡ князьством, ѡтчиною его м(и)л(о)сти, и землю Молдавскою. |

Ино г(о)с(по)д(а)рѡ нашѡ, его м(и)л(о)сть, то вчинил на жеданье г(о)с(по)д(а)ра вашего, || <sup>л. 80 об.</sup> *хочеть мир вечныи мети съ г(о)с(по)д(а)ремѡ вашим, какѡ то припателем своим, | и запись его м(и)л(о)сть казал вделати подлугѡ обычаѡ. И тот запис его | м(и)л(о)сть шлет вами къ г(о)с(по)д(а)рю вашему с печат(ь)ю его м(и)л(о)сти тежѡ и с пѡчат(ь)ми пановѡ рады его м(и)л(о)сти. И пословѡ своих<sup>1</sup> его м(и)л(о)сть шлет къ г(о)с(по)д(а)рѡ | вашомѡ безѡ мешканья. |*

А вы бы тежѡ присагѡ свою перед его м(и)л(о)стью вделали, ажбы | г(о)с(по)д(а)рѡ вашѡ запись свои дал посломѡ его м(и)л(о)сти таким же обычаем | а под тыми словы, и перед его м(и)л(о)стью послы рачил бы сѡ *ѡтвердити | къ его м(и)л(о)сти присагою своею и з сыномѡ своим, и со всеми паны | Радою своею. |*

*Примечание. <sup>1</sup>Слово вписано над строкой*

## № 66

[1499 г.]

Посел(ь)ство великомѡ кн(а)зю Александрѡ ли(то)вскомѡ, |  
ѡко мает правити Иван Исаевич и Тома. |

Г(о)с(по)д(а)рѡ мои, Стеѡанѡ воевода, велел намѡ твоеи м(и)л(о)сти говорити.

Прислал еси до насѡ своих пословѡ пана Петра, кухмистра, а пана Ѳед(ь)ка | Гавриловича, абьмо дали нашѡ листь твоеи м(и)л(о)сти и под нашею | присагою кѡ против листѡ твоеи м(и)л(о)сти, которого еси нам дал | и прислал, твоѡ м(и)л(о)сть, нашими послы, Дчѡржею и Мат(ы)ѡшомѡ. А твоѡ | м(и)л(о)сть не дал еси намѡ листа по тому копию, ѡко есмо были исток | мели и с первыми послы твоее м(и)л(о)сти, с паном Воитехом Кѡчуковичом | и с паном Ѳедьком Гавриловичомѡ, и ѡко есмо послали такое жѡ | копие и з нашими послы, сѡ Дчѡржею и Матиашом. Але видимѡ, ѡ томѡ листѡ твоее м(и)л(о)сти много речеи приложено, ѡко | мы не жедали такового листѡ ѡт твоее м(и)л(о)сти. И имели есмо | ѡ томѡ много речеи и с послы твоее м(и)л(о)сти, с паном Петром и с паномѡ Ѳедкомѡ, мы то знаемѡ, аже они роскажѡт твоеи м(и)л(о)сти. | Але напоследѡ изъмовили есмо и втокѡ мели есмо и с послы твоеи | м(и)л(о)сти, абьх ѡчинил твоеи м(и)л(о)сти нашѡ листь и под нашею присагою, але по *первому* копию. Але абьх послал *тот мои* листь пос(по)лу з листомѡ твоее м(и)л(о)сти моим послом до твоее м(и)л(о)сти. Ино || <sup>л. 81</sup> *есми ѡчинил мои листь твоеи м(и)л(о)сти и под великою нашею печат(ь)ю, и пѡчатѡ сына нашего Богдана, и печати пановѡ наших радных и присегал есми самѡ и сѡ сыном нашимѡ, Богданом, и со всеми паны нашими на сватои Евангелии и на кресту божим. И на том листе при | тою, которою намѡ дали послы твоеи м(и)л(о)сти, тою присагою и есми присагали твоеи м(и)л(о)сти и паномѡ*

твоеи м(и)л(о)сти, и землям твоєи м(и)л(о)сти. И послали есмо *тот* листь до твоєи м(и)л(о)сти | нашим послом Иваномъ Исаевичомъ и Томою листь дати. |

Г(о)с(по)д(а)рь мои, Стеѡан воевода, прошал твоєе м(и)л(о)сти, яко приателѧ своєго милого, штобы еси намъ дал, твоѧ м(и)л(о)сть, листь кѧ против | нашего листьѧ, яко есмо и первєи жадали *от* твоєи м(и)л(о)сти и тепер(е) | просимо також твоєи м(и)л(о)сти, и абы еси нам потвердилъ присагою, | твоѧ м(и)л(о)сть, абыхмо могли веровати, ажъ еси намъ со всею прав|дою, твоѧ м(и)л(о)сть. |

Г(о)с(по)д(а)рь мои, Стеѡан воевода, велел намъ твоєи м(и)л(о)сти говорит(и). Естли пак | видит сѧ тѧжко твоєи м(и)л(о)сти ѧ другое намъ листа дати, яко первєи | есмо просили и тепер(е) просимо *от* твоєи м(и)л(о)сти и ѧ другое присагати, а твоѧ м(и)л(о)сть намъ даи *оплат(ь)* листь твоєи м(и)л(о)сти, што *ест* | под присагою твоєи м(и)л(о)сти и рады твоєи м(и)л(о)сти. Мы хочемо его | принати и держати на миръ вечныи, | и пришли его намъ, твоѧ м(и)л(о)сть, нашими жъ послы. А твоѧ м(и)л(о)сть, держы | *такеж* нашъ листь, што есть под нашою присагою и сына нашего, и ѧсих | панов наших, абы сѧ не розышла наша присага, што еси намъ присагал, | твоѧ м(и)л(о)сть и мы *такеж* твоєи м(и)л(о)сти есмо присагали, але бѧ м(и)л(о)стивыи | богъ потвердилъ наши присаги, д(е)нь *от* днєи напред межи нами и межи нашими землями, абы видели ѧси наши межи яши<sup>1</sup>, | аже есми всимъ приателем твоєи м(и)л(о)сти приатель, а неприателемъ | всим твоєи м(и)л(о)сти и землямъ твоєи м(и)л(о)сти неприател(ь), чом на то есмо | присагали. Г|дко и сами ѧзърите, ваша м(и)л(о)сть, штобы богъ дал наши ворозе под нашими ногами и под нашими шаблами. ||<sup>л. 81 об.</sup>

*Примечание.* <sup>1</sup>Далее в строке вычеркнуто же есми

№ 67

[1499 г.]

Отказ послом Стеѡана воеводы волоского, | Иванѧ питарю  
а Томашѧ дьякѧ. |

Што есте намъ говорили *от* приателѧ нашего, Стеѡана воеводы волоскѧго, ѡ запись нашъ, што *ж* ему в том нашомъ запису некоторые члонки были сѧ не сподобали, и *тот* нашъ запись есте принесли, абыхмо казали | его переписать. Ино на чомъ есмо слово наше мовили и ему присагали<sup>1</sup> | с паны Радою нашею, в том и стоим, и то ему бѧдемо держати. А *тот* | нашъ *первыи* запись вами *ж* к нему шлем под тою *ж* присагою нашою, а што | есте его запись *от* него к нам принесли, и мы тотъ запис есмо принали. |

А *далєи* што есте нам говорили, коли похочет Стеѡанъ воевода; або | тыми разы, кого *всхочет* своих пословъ послати до свѧта своєго, великѧго кн(ѧ)зѧ Ивана Васил(ь)евича, наведити зѧдоров(ь)ѧ дочки своєе, великое | кн(е)гини, и вьнука своєго, абыхмо его послом давали добровол(ь)ное проеханье через нашу землю до Москвы и *оттул(ь)* за сѧ до его земли. И мы то | на жеданье его, приателѧ нашего, делаем, даем его послом добровольное проеханье через нашѧ землю и *оттуль* за сѧ до его земли | з нашими приставами. |

А што есте намъ говорили ѡ дела пограничныи, абыхмо приказали нашим наместникомъ, што сѧ *дотычет* тат(ь)бы и розбоевъ, *аж*бы лихихъ людеи за то карали, а *от* поличного бы трет(ь)его то не брали, | и брали бы десѧтое, а *он*



також хочет приказати въ своеи земли | своим буркѣлабом<sup>[1]</sup>, ажъбы нашимъ людямъ справедливость по томѣ жъ | делали. И мы хочомо ѿ томъ до наместниковъ нашихъ пограничныхъ | писати, ажъбы лихихъ людей за то карали и ѿтъ поличного бы десалтое брали. |

Такожъ што есте намъ говорили, которые его люди до нашеи земли | приехали, абыхмо тыхъ людей въ земли нашеи не деръжали подлугъ записовъ нашихъ, и которого есмо человека ведали въ нашеи земли, што | ему добра не хотелъ, а какъ с нимъ миръ вземъши, того есмо тогды жъ<sup>2</sup> || л. 82 изъ земли нашеи выслали. А иные которые его земли люди добровол(ь)не к намъ | приехали, а въсхотѣли за сѣ к нему поехати, и мы ихъ добровол(ь)не хочемъ | ѿтпѣстити. |

*Примечание.* <sup>1</sup>Буквы ѡгали написаны по смытому тексту

## № 68

[1504 г.] октября 19. Краков.

Ѣписан(ь)е мовы, ѡкое <sup>1</sup>с посла<sup>1</sup> сына цара тѣрецького. |

Шеѡха Зада коѡинский велель королю поклонити сѣ, жадаеть с нимъ | ѣ приазни жити. |

Дла того хочетъ жити, што есть его ѡколицы за нимъ панства тогды | не маетъ жадець чоловекъ шкодити земли королевы. |

А рекъ такъ: «Ѣткол(ь)кѣ деи летъ тую землю Коѡинскую деръжѣ, а ни ѡдинъ | листъ ни ѡ чомъ ѿтъ корола ко мне не былъ. А коль бы которыи листъ ѿтъ | корола ѣ мене был<sup>а</sup>, земли бы его шкоды не было». |

А посолъ рекъ: «Боже ми не помози, коли быхъ неправдѣ говорил. Голворѣ | приказанье, слово г(о)с(по)д(а)ра моего, верную правдѣ». |

Рекъ деи царевичъ тое слово: «Ѣтецъ деи мои, царь турецкий, што мовилъ, | в томъ стоитъ. А ѡ, сынъ его, в томъ же стою». |

И мовилъ деи царевичъ, г(о)с(по)д(а)рь мой: «Нехаи деи корол(ь) листы свои под | своими печат(ь)ми до ѡтца моего и до мене пришлетъ ѡ всихъ своихъ делехъ. Ёа деи безъ всѣкоего его шкоды тые листы своимъ посломъ до цара пошлю. И хочу все | доброе ѣсправити ѣ ѡтца моего королю, чога жъ нихто не можетъ | ѣсправити, миръ и вечное докончанье». |

И рекъ тотъ посолъ: «Нехаи г(о)с(по)д(а)рь корол(ь) тые свои листы под | своими печатками | до цара и до царевича, г(о)с(по)д(а)ра моего, много шлетъ, ѡ хочѣ в томъ веръне | имъ послѣжити. А взавши ѣ г(о)с(по)д(а)ра моего листы, хочѣ и до цара поити с тыми листы. А коли дасть богъ здорово, ѡттоле ѡплатъ | ѿтъ г(о)с(по)д(а)ра моего тѣтъ ѣ корола будѣ. Тогды г(о)с(по)д(а)рь корол(ь) ѣзнаеть | приазнь царевѣ и г(о)с(по)д(а)ра моего, и мою послугѣ. Бо которые послы | передъ тымъ ѿтъ цара тутъ бывали, нихто правды тое тамъ не поведалъ<sup>2</sup> царѣ, какъ ѡ тутъ тепере вижѣ, то говорѣ верну правдѣ || л. 82 об. подъ присагою моею и книгѣ на томъ целѣю». |

Тому жъ послу ѡ листы | г(о)с(по)д(а)рьские и до кн(ѡ)за, воеводы киевского<sup>[1]</sup>, до Черкасъ, до кн(ѡ)за Васильѡ | ѡ перевоз(е) и ѡ подьводы.

Писанъ в Кракове, ѡкѣтебра 19 дна. |

*Примечания.* <sup>1-1</sup>Вписано надъ строкой теми же почеркомъ и чернилами <sup>2</sup>Буква п подчеркнута синими чернилами

С Кракова. Посел(ь)ство до Мендли Кгиреа, |  
цара перекопског(о), Л(ь)вом Тишкевичом. |

**От** Александра, короля и великого кн(а)за, братѣ нашему Мендли Кгирею, великое **Срды** царѣ, поклон.

Што еси *перво* сего многокротъ до нас *своими* послы и гонцы всказывал, а и нашими *теж* послы | и гонцы к намъ и къ паномъ Радам нашим наказывал, хотачи с нами *быти* | в братѣстве и в приязни, ѿдинъ дрѣгого приател(ю) приателемъ | былъ, а неприател(ю) неприателем, и частокротъ насъ ѿ том впоминал, | абыхмо в *той* речи к тебе, брату нашему, воеводѣ нашего киевского, | кн(а)за Дмитрея, послали, через которого жъ посол(ь)ство мел *межи* | нами стати сѧ вечныи миръ и братьская ласка, и всякаа доброта. | И естли бы вола на то наша была, абыхмо к тебе ѿ том нашим *чоловеком* | *ведан(ь)е* дали, и ты мел прислати Бахтияра мурзѣ Довлетковича | на змешканье до<sup>1</sup> Киева<sup>2</sup>, поки кн(а)зь Дмитрей *от* тебе к намъ *зъездит*. | А по та места дети и люди твои вжо не мели нашим ѣкраинном | шкоды чинити, а котораа шкода граничником нашимъ ѿтъ нихъ | стала сѧ, *тот* полон<sup>3</sup> бравшы, мел еси тым *чоловеком* к намъ *отослати*, | даючи знама *верного* братства и *сердечное* приязни.

И мы, *верачи* | *твоему*, брата нашего, *царскому* слову и листом к тому есмо зволили | послали до тебе нашего слугѣ доброго, Ѳедора Колонѣтаева, полведаючи тебе, што *ж* с тобою братѣства и приязни, вечного миру *хочемъ* и посла своего, кн(а)за Дмитрея, воеводѣ киевского, со *всими* добрыми речьми шлемъ. И всказали есмо к тебе тым нашим | слѣгою Ѳедоромъ, абы вжо того часѣ, ничего не мешкаючи, с ним | Бахтияра мурзѣ и с полоном к намъ до Киева прислал еси, которого | *днѧ* Бахтияр мурза до Киева бы *приехал*, того часу воевода киевскіи съ Киева || <sup>л. 83</sup> до тебе поехал.

И какъ есмо с тыми речьми до тебе послали, | ѿ томъ *вести* *от* тебе *никоторое* не слышавшы, и мы другого нашего слѣгу, Петра Ѳурса, послали к тебе, дивѣючи сѧ, што жъ в так | *доброи* речи того слѣгу нашего, Колонтаева, такъ долго еси в себе *задержал*, а напоминаючи тебе, абы еси подле своего слова, без *каждо*го ѿмешкан(ь)я, Бахтияра мурзѣ до Киева *отпѣстил*.

Ино тыми | *разы* *от* тебе, брата нашего, слуга нашъ Ѳурсъ *приехал* с твоим *чоловеком*. И *пишешъ* к намъ, што *ж* в *той* речи *стоишъ* и *приязни* с нами | *хочешъ*, и *дла* того еси *при* себе слѣгу нашего, Колонтаева, на *малыи* | *часть* ѿставил, хотачи его *посполѣ*, без *каждо*го вмешканья, | *зъ*<sup>4</sup> Бахтияромъ мурзою и с кн(а)земъ Карачи Беемъ к намъ *отпѣстити*. | Сими пакъ часы слугѣ нашего, Колонтаева, к намъ еси *отпѣстил*, а с ним | *чоловека* своего, Хежамъ Бердеа, прислал. И ими еси к намъ *всказаль* | и в *листѣ* своимъ *писал*, што *ж* *перъво* сего нашего слѣгу, Петра | Ѳурса, к намъ *был* еси *послал*, а с нимъ своего *чоловека* и *зъ* солтана | *каѳиньского* *чоловеком*, и з многими *кѣпцы* *каѳиньскими*, даючи нам | *через* нихъ *розѣмети* свою *кѣ* приязни *доброю* волю.

И *после* *тог(о)*, | какъ вжо их *отпѣстил*, *вѣсть* *пришла* к тебе, што *ж* *злые* люди | *козаки* на *перевозе* *лихое* дело *вчинили*, *кѣпцовъ* и *пословъ* *розогнали*, | и *скарбы*, и *товары* ихъ *побрали*. И вы, *тое* *послышавшы*, Бахтияра мурзѣ *задержали*. И к намъ

еси, брат нашъ, писал и всказывал, абыхмо тых лихих людеи, зыскавшы, и казнили<sup>5</sup>, а товары купьцом | поотдавали, и к тебе о томъ веданье дали.

Ино поведаем тебе, | братѣ нашему, што *ж*, послышавъши таковую пригодѣ, велико того жаловали есмо. И писал к намъ о томъ наместникъ *нам* | черькаскаи, што *ж* много тых лихих людеи поималъ и перед твоими | послы и кѣпцы казил, а за иными послал. И в таковых делех | послали есмо к тебе, брату нашему, с тою сивинчою<sup>[1]</sup> слугѣ нашего Л(ь)ва Тишковича, даючы ведати, што *ж* тамъ до Киева и до | Черкасъ, того часу, какъ скоро послышали, послали есмо, приказѣючи воеводе киевскому кн(а)зю Дмитрею и наместникѣ черькаскаомѣ кн(а)зю Васил(ь)ю, абы они останокъ тых лихих людеи головами | доставали и товари в них поотнимали, и тым кѣпцомъ поотдавали, || <sup>л. 83 об.</sup> чии были, а самыхъ шиами казнили. И тыхъ вашихъ пословъ, которые тыми | разы в насъ были, к вамъ без мешкан(ь)я отпѣскаемъ, а с ними того слугѣ | нашего доброго Оедора Колонтаева к тебе, брату нашему, шлемъ. |

И ты б, братъ нашъ, по своему слову Бахтияру мурзе приказал, абы | вготове был. И какъ скоро нашъ слуга, Оедоръ Колонътаевъ, з вашими | люд(ь)ми к вамъ приедетъ, и ты бы того часу, ничего не мешкаючи, ему | казал на кон(ь) всести и до Киева к намъ приехати. И которого часу Бахътияр мурза до Киева приедет, того дна кн(а)зю Дмитрею к тебе от нас | со всеми добрыми делы с Киева выедет, без жадного вмешкан(ь)я будет, | бо вжо кн(а)з(ь) Дмитрею давно мешкаеть в Киеве, ждѣчи его.

Теж бы, | братъ нашъ, того слѣгу нашего, Льва, в себе <sup>б</sup>не задерживал<sup>6</sup>, вбордзе | к намъ отпѣстил еси, о тых делех к намъ отпѣстил тежъ, што еси писал | поспол(у) солтаномъ каѳинскимъ о товаръ Ахматовъ, абыхмо подали | тот товар Алакозѣ. Ино мы на ваше жеданье то вчинили, тот товар | Алакозѣ казали в рѣки поотдавати того часѣ, какъ до Киева приедет, перед тымъ же двораниномъ нашим.

Теж еси, братъ нашъ, по кол(ь)кѣ летъ и сего лета по кол(ь)кокром до насъ присылал, поведаючи, што *ж* | хочешъ с нами в братстве и в приязни быти, тот полон, которыи | в нашихъ земляхъ побранъ, мель еси, собравшы на одно место, и к намъ | отослати двораниномъ нашимъ, Оедоромъ Колонътаевымъ, и иными. Ино | в тыхъ словехъ твоихъ люди твои нашимъ землямъ шкоды какъ делаютъ, | такъ делаютъ.

Про то жедаетъ тебе, брата нашего, абы еси, подле своего царского слова, всежгодныи и нинешныи полон, весь собравши на | одно место и к намъ отослал тымъ же двораниномъ нашимъ, Львомъ | Тишковичомъ, а штобы еси того дворенина нашего в себе не задержывал, отпѣстил его к намъ без мешканья.

Теж жедаетъ тебе, брата нашого(о), абы еси по тые часы, поки межи нами вечнымъ миръ станеть с, | людеи своихъ встакнулъ и того постерегъ, абы граничныхъ земель | нашихъ не казили, какъ жо и самъ многокром о томъ к намъ писывал | еси, и послы и гонцы наказывал еси. Тежъ што есмо перво сего до | тебе, брата нашего, послали дворенина нашего Грицка, и ты || <sup>л. 84</sup> и до сихъ часовъ его к намъ не отпустил.

Про то жедаетъ тебе, брата | нашего, абы еси того дворенина нашего без мешкан(ь)я к намъ отпѣстил, бо мы твоихъ гоньцовъ николи в себе не задержываем, ихъ | завжды от насъ без кажъдого вмешкан(ь)я. И ты бы, братъ нашъ, по | тому жъ чиниль, нехай бы послы и гонцы наши не задерживаны | были, абы тымъ дела наши не вѣмешканы были. |

Примечания. <sup>1</sup>Буква о исправлена из другой <sup>2</sup>Буква и исправлена из другой <sup>3</sup>В рукописи поклон <sup>4</sup>Слово вписано в пробел <sup>5</sup>Буквы ън исправлены из других <sup>6-6</sup>Написано по смытому тексту

Посел(ь)ство до Мендли Кгирея, цара переколского Оедором Колонтаевым с Кракова, м(е)с(а)ца | окътебра 26 дна.  
Индикть 8. |

Алекъсандрь, корол(ь) и великии княз(ь) велел тебе, брату своемъ, говорити. |

Што перво сего всказал еси к нам своим человекомъ на има Довлет хо|жею<sup>1</sup>, а въ царьлыку своемъ о томъ еси к намъ писал, и нашимъ двораниномъ Петромъ Оурсомъ к намъ отказал, што ж в той речи такъ стоиш(ь), | што с|а тычетъ братства и вечное приязни промежкъ насъ. И для | того еси дворенина нашего Оедора Колонтаева на малыи часть при собе оставилъ, хотячи его безъ каждаго вмешкан(ь)я поспол(у) з Бахтиаромъ | мурзою а с княземъ Карачи беемъ к намъ отпѣстити со всакими добротами. Сими пакъ часы Колонтаева к намъ еси отпѣстил а с нимъ человека своего Хожам Бердея прислал. И ими еси к намъ всказалъ и в листу | своемъ писал, што жъ перво сего нашего слугѣ Петра Оурса к намъ еси послал а с нимъ своего человека Довлет хожд, и з солтана каѳиньского ч(о)л(о)в(е)комъ | и з многими кѣпъцы каѳинскими, даючи намъ черезъ нихъ роздмети свою | кѣ приязни добрѣю волю.

После того, какъ вже еси ихъ отпѣстил, | весть пришла к тебе, што жъ злые люди козаки на перевозе лихое | дело счинили, кѣпъцовъ и пословъ розогнали и скарбы и товары ихъ | побрали. И вы, послышавши тое, Бахтиара мурзѣ задержали. И к намъ | еси братъ нашъ отписал и всказал, абыхмо тыхъ людей зыскавши, сказнили, товары купцомъ поотдавали и к тебе о томъ ведан(ь)е дали.

Ино | мы, хотячи слову своемъ досыт вчинити, которое жъ тебе, братѣ | нашему, есмо рекли, маючи волю с тобою быти въ ратстве и в приязни, || <sup>л. 84 об.</sup> того жъ часу до Киева и до Черкасъ есмо послали и обыскъ великии толмѣ казали есмо вчинити. И какъ ваши послы до Киева от насъ приедѣт, и мы тые товары, которие<sup>2</sup> жъ на тотъ часть были от(ь)исканы, передъ тыми | твоими послы казали поотдавати кѣпъцомъ вашимъ. А лихихъ людей, которые державцомъ нашимъ тамошнимъ могли в рѣки впасти, казали | есмо передъ ними жъ шию карати. А которые козаки з рѣкъ людямъ нашимъ | и с товари повтекали, ино мы заплакою<sup>3</sup> нашою<sup>3</sup> за то вашимъ кѣпъцомъ | досыт вчинили, такъ, какъ имъ не жал(ь) стало. Также по ихъ листе, братъ | нашъ, лепи пороздмеешь и<sup>4</sup> отъ самыхъ ихъ сѣстне слышишь. |

Алекъсандрь, корол(ь) и великии княз(ь). |

Нишли томѣ, брате, велико с|а дивуемъ, што жъ ты, братъ нашъ, самъ жо насъ | перво сего неоднократно черезъ паны Радѣ нашѣ и черезъ свои послы и гонци припоминал, хотячи быти с нами въ ратстве и в приязни, и жо|даючи по насъ, абыхмо в той речи послали к тебе воеводѣ нашего киевского, кн(а)з|а Дмитрея. А ты Бахтиара мурзѣ мелъ прислати не | мешкаѣ на змешканье до Киева, поки онъ приедет. И тыми разы | для такъ малое речи тако вже великое дело еси опѣстил, Бахтиара мурзѣ задержалъ и своемъ царскому слову досыт не вчинил. |

Алекъсандрь, корол(ь) и великии княз(ь). |

Ино мы в той речи за с|а того дворенина нашего Оедора Колонтаева | к тебе, брату нашему, послали, а и твоимъ человекомъ о томъ к<sup>5</sup> тебе наказали, | абы еси бол(ь)шии того неприятелемъ нашимъ радости, а приятелемъ | жалости не чинил, подле своего

слова Бахътиара мурзѣ с тым нашим двораниномъ до Киева послал. И которого часу он до Киева приедет, того дня воевода кн(а)зь Дмитри с Киева к тебе, брату нашему, | поедет з братствомъ и приател(ь)ством и всакими добротами, абыхмо были с тобою в любви и докончаныи, по томѣ, какъ отецъ наш, | корол(ь) и великии кн(а)з(ь) Казимер, с твоимъ отцомъ, Акжии Кгиреемъ царемъ, | везде противѣ всакому неприателю заодин.

Тежъ жадаем тебе, брата нашего, абы еси подле своего царского слова, какъ еси многократ до насъ самъ всказывал<sup>6</sup>, хотячи полонъ вес(ь) отдати, || л. 85<sup>к</sup> которыи ѣв обезпеченыи твоихъ пословъ побранъ, томъ весь полонъ собравшы на одно место и к намъ отослал. И коли то вчинишь, ино то первое знама бѣдетъ братское ласки и сердечное межи насъ приазни. |

*Примечания.* <sup>1</sup>Буква ю исправлена из другой <sup>2</sup>Буква и исправлена из другой <sup>3</sup>Буква ю исправлена из другой <sup>4</sup>Вписано в пробел более темными чернилами <sup>5</sup>Вписано в пробел теми же почерком и чернилами <sup>6</sup>Первая буква в исправлена из другой

## № 71

[1504 г. декабря 25 — 1506 г. августа 19.]

От кн(а)зеи нагаискихъ посел(ь)ство. |

Королю от Давлет солтана, царицы поклон.

Мои г(о)с(по)д(а)рь, Ахмет цар(ь), а ваш | братъ был, ино над нимъ божья се вола стала<sup>[1]</sup>. Дла васъ деле ино | теперь дети наши мовили: «Отъ васъ<sup>1</sup> з нашимъ отцомъ его отецъ брат(ь)нъ | была, а мы тежъ братья ему, и за то отъ стол(ь)ца своего щасливого | отлѣчили с а васъ дела». Ино тепер(е) дети мои до тебе пошли<sup>[2]</sup>. Ино естли | бога познаете, а к намъ ихъ отошлете, вы ведаете. А тежъ прошу т а | мне, вдове, двоимомока пришли<sup>[3]</sup>, ѣ плачѣ мене, вдовы, не оставъ и тежъ | ихъ з полонениковъ не держи, ижъ т а бога с а боавъ, жалован(ь)е свое вчинил, | естли ихъ к намъ отпѣстишь, вы ведаете.

А тежъ Абъдыл Керим царь, | а Муртоза царь, а Сеид Махъмуд царь, а Багатур царь<sup>[4]</sup>, тые чотыри мовлат: «Брата мы своего отыщемъ», на то стоять, але на то се надеюм: «Поехалъ он до короля, брата своего, до насъ в почестности его отпѣститъ», на то надеа с а, стоят. И на то пил(ь)но стоят: «Отчины своее | хочемъ от(ь)искати. К намъ корол(ь) брата нашего борздо отпѣститъ», ѣ то | жадают.

А послала есми з листомъ Мамчича Такалдыа.

Под печат(ь)ю. |

Вол(ь)номѣ королю, его м(и)л(о)сти, от Аличера мурзы от многа многии поклон. |

Слово то стоит.

Отъ цара турецкого пришолъ былъ листь до брата | нашего и они тамъ поехали, ино тамъ на томъ не стало. И онъ до васъ | поехал, иже корол(ь) мои братъ естъ. Ино естли намъ братство || л. 85<sup>об</sup> вчинишь, того брата нашего к намъ пришлешъ, нехай з нами се видитъ хочемъ | отчину отискѣвати. Ажъ богъ дасть, и малыи и великии з насъ заодно есмо | стали дла его отчины, все есмо пил(ь)но стали. А тежъ королю звездама | бѣдъ твоимъ приателю приатели, неприателю неприатели. | Есмо хто неприател(ь) будетъ и вы Ши Сѣхмата цара воземены оттула, а мы отсюла поидем. Ажъ богъ дасть и ѣ приазнь от сего часу и тамъ | и самъ межи насъ люди добрые

бѣдутъ ездити, зимовищо нашо | блиско будетъ, не мешкаѣ к намъ пришлите с тыми карлыки посланъ на има Ѡразлыемъ. |

Королю, его м(и)л(о)сти, ѿт Солтана Ѡхмета кн(а)зѣ низьскии поклон.

Зведома буд(ь) слово то стоитъ.

Приятелю вашему приятели, а неприѣтелю вашомѣ неприатели есмо. А с которое стороны неприател(ь) вашъ з вами бѣдетъ валчити, и вы к намъ вестъ дайте, | естли ж не дасте, то з насъ доловъ. А естли к намъ кого пришлете, | и вы Ѡбрагима пришлите, приязни знама то будетъ, любе | Богатыромъ. Послал есми листь под печатью, ажте бы есте | моего слѣгу не мешкаѣ ѿтослали и с Тенсѣбеемъ. |

Королю, его м(и)л(о)сти, ѿт Солтана Ѡхмета кн(а)зѣ звезомо буд(ь) слово то есть. |

И зъ Ки Ѡхметомъ царомъ мы еси приятели и тепе|ре приятелю его приятели, а неприателю неприатели есмо, | ажте послали есмо до Ладское земли Ъмькурчеѣ а Келдыхочѣ, | ино приязни знама то будетъ, естли з Ладское земли мне посла пришлете. |

Королю, его м(и)л(о)сти ѿтъ Исакъ мурзы низьскии поклон.

Зведомо | будъ слово то стоитъ.

Приятелю вашомѣ приятели, неприѣтелю вашомѣ неприатели есмо. С которое стороны | валечныи вашъ неприател(ь) бѣдетъ, намъ вестъ дайте. А мы теж | старшими з молодшими на то готови бѣдемъ стояти. А послал | есмо Кертычигана и зъ Акъ Ѡтрѣсом з листомъ под печат(ь)ю. || <sup>л. 86</sup>

*Примечание.* <sup>1</sup>Буква в исправлена из другой

## № 72

[1504 г.]

Посел(ь)ство ѿт корола и великого кн(а)зѣ, его | м(и)л(о)сти, до Махмет солтана, царевича пере|копьского, кн(а)земъ Глебомъ Пронскимъ. | После поклона мовити. |

Алекъсандръ, корол(ь) и великии кнѣз(ь), велелъ тебе говорить. |

Што перво многократъ братъ нашъ, ѿтецъ твои, Мендли Кгиреи, цар | перекопскии своими послы и гонцы и многими иными людьми | к намъ и к паномъ радамъ нашимъ всказывал, хотачи с нами быти | ѣ верномъ братстве и ѿ сердечной приязни, по томѣ, какъ были пролмежѣ себе ѿтецъ нашъ Казимир корол(ь) зъ его ѿтцомъ Анжи Кгиреемъ | царемъ, ѿдин дрѣгого приятелю былъ приятелемъ, а неприѣтелю неприателемъ, и на всакого своего недрѣга везде посполите были заодинъ. |

Алекъсандръ, корол(ь) и великии кнѣз(ь), всказал. |

Мы, вспоманувшы дрѣжбу ѿтцовъ нашихъ, тое приязни братѣ нашому Мендли Кгирею царѣ не ѿтмовили есмо, а и перед | тымъ завжды ѣ верномъ братстве с нимъ жити хотели | есмо. И в тыхъ делехъ послали есмо дворенина нашего доброг(о) | Ѡедора Колоньтаева и иныхъ добрыхъ слугъ нашихъ, и<sup>1</sup> мы к ц(а)ру | наказали есмо, абы братъ нашъ, ѿтецъ твои, подле своего царьского слова, которые жъ черезъ свои и наши послы к намъ всказывал, то намъ пополнил, Бахътиѣара мурзѣ к намъ прислалъ. | Нехай бы в насъ зъмешкал до тыхъ часовъ, поки воевода нашъ киевскии кн(а)зъ Дмитреи Пѣтѣичъ ѿт него к намъ зъездит. |

Алексъандрь, корол(ь) и великии княз(ь), велел тебе говорить. |

Тыми пакъ разы недавно брат нашъ, Мендли Кгирей цар, того | нашего дворянина Федора Колонтаева к намъ отпустилъ, | и с нимъ своего ч(о)ловека<sup>2</sup> на имя Хожам Бердеа к нам прислал, | и словом ими всказалъ и въ ярлыкѣ своем к<sup>3</sup> намъ писал, ижъ || <sup>л. 86 об.</sup> вжо был в тыхъ делех Бахътияра мурзѣ к намъ отпѣстилъ, | ино пришла к нему весть, ижъ безименные люди козаки на перевозе | лихо вчинили, нашего слѣгу Петра Оурса зъ его и зъ каѳинского | солтана послы и з многими кѣпцы розьгромили и скарбы и с товары их побрали. И он дла такового дела Бахтияра мурзу | не хотел к намъ пѣстити. И всказал до насъ, абыхмо кн(а)зю Дмитрею и кн(а)зю Васил(и)ю, [наместнику] черкаскому, приказали ѿ том деле пил(ь)ность великѣю мети, тыхъ козаковъ доставши, за таковыи ихъ выступъ карати, а товари купьцом ихъ поотдавати. Ино первей, нижъли Федор Колонътаевъ с Хожам Бердеем | к намъ приехал, наместникъ нашъ черкаский кн(а)зъ Василей | тыхъ людей многих поймавши, шию казнил. И которые | товары могли были тогды поотниманы быти, тые товары тым | кѣпцам казали есмо поотдавати, чии были. А винныхъ, кото(р)ыхъ ещо не карано, тых и достол(ь) казали есмо сказнити, того бѣдѣтъ заслѣжили. |

Алексъандрь, корол(ь) и великии княз(ь) всказал. |

И ѿпат(ь) того часѣ безъ каждаго вмешкан(ь)я слѣгу нашего Федора Колонтаева с Хожам Бердеемъ до брата нашего, отца твоего, в тых | делех есмо отпѣстили, тую речь ему поведаючи и жадаючи | его, абы крепкое свое царское слово, которое ж многократ через | наши и свои послы к намъ всказывал, нам пополнил дла братства | и доброго пожит(ь)я, к намъ Бахътияра мурзѣ прислал, которыи бы мел в насъ змешкати, поки кн(а)зъ Дмитрей, межи насъ добрые дела справивши, за се к нам вернуть с.а. |

Алексъандрь, корол(ь) и великии княз(ь) всказал. |

И какъ есмо тых наших пословъ к братѣ нашомѣ Мендли Кгирею | царѣ отпѣстили, прислал к намъ воевода киевский князъ Дмитрей Пѣтатичъ, намъ, што ж цар твои, цар Мендлы | Кгирей || <sup>л. 87</sup> прислал к немѣ своего чловека на имя Чакаказа и въ ярлыкѣ к нему | писал, поведаючи, што ж вжо ему естъ ведомо, ижъ наместник | нашъ черкаский кн(а)зъ Василей Дашъкевич, вседши на кон(ь) и за тыми | лихими люд(ь)ми гонал, и многихъ поймавши, шию казнил, а и иныхъ | до сихъ часовъ в нетстве держить, и многихъ кѣпцовъ товари поотбрал. И он, порозѣмевши, што ж таковаа лихаа пригода | стала с.а безъ воли нашею и державецъ нашихъ ведома, послал | к намъ Бахътияра<sup>4</sup> мурзѣ и Корача кн(а)за и многии полон<sup>5</sup>, даючи | знама початку братства и верное приазни. |

Алексъандрь, корол(ь) и великии княз(ь). |

И далеи брат нашъ Мендли Кгирей цар въ ярлыкѣ своемъ до кн(а)за воеводы пишет, што ж прислал к нему великий княз(ь) московский ч(о)л(о)в(е)ка своего. А в листу своемъ к нему писал, поведаючи ему, што ж двухъ сынов | своих послал подъ нами Киева добывати и жадаючи его | ѿ помочъ напротивкѣ намъ. И пишет царъ што жъ в тыхъ речахъ | послал къ московскому своему ч(о)л(о)в(е)ка, даючи емѣ ведати, што ж | не тол(ь)ко на насъ, брата своего, помагати ему не хочеть, але естли бы | ѿ того дети свои повстагнути не хотел. И он прислал тебе сына своего з многими люд(ь)ми того замку нашего ѿ нихъ постелречи и намъ в томъ приазнь свою и верное братство вказати. |

Алексъандрь, корол(ь) и великии княз(ь), всказал. |

Ино мы, бачачи такову доброт(у) брата нашего Мендли Кгирея цара за то ему велико дакъем и часомъ хотим емѸ, где бы | с(а) пригодило, противу его неприателем тою ж мерою помочни | быти. А тыми разы того не есть нам потреба, зануж з великим | князем маем мирь. Теж и тебе, братѸ нашему, Махметъ Кгирию | солтану по тому ж дакъемъ, иж ты на росказан(ь)е цара своего дла нас, | на свои конь въседъши, если бы была тог(о) потреба, противу | нашомѸ неприателю намъ помощон быти хотел быти. || <sup>л. 87 об.</sup>

Алекъсандръ корол(ь) всказал. |

Тежъ поведемъ тебе, братѸ нашему, што ж вже тыми разы | поспол(у) с тобою послали есмо до брата нашего, цара твоего, | воеводѸ киевского кн(а)з(а) Дмитрея ПѸтатича ѿ добротах, ѿ братствѣ, ѿ приазни. Ино какъ тамъ ѿв отца своего будешъ, и ты бы | и самъ на то стоѸл, абы брат нашъ Мендли Кгирей царь лихих людей не | слѸхал и новых приателеи не искалъ, впоманувши жит(ь)е ѿтцов н(а)ших, | Казимира корола с Одча Кгиреем царемъ, какъ ѿни были промежску себе въ вернои приазни, до живота ѿдин другого приателю | былъ приателем, а неприателю неприателемъ. СѸн бы с нами | по тому ж был, штобы тое слышачи, приатели наши радѸвали с(а), а неприателе боѸали се. |

Тежъ поведем тебе, братѸ нашему, што ж розѸмеючи сказѸ Киевское земли ѿт ваших же людей, ижъ тамъ Бахтияра мурзѸ и людем, | которые с нимъ, дла спѸстен(ь)Ѹ земли поживеньѸ не здостатчит, | всказали есмо до него, абы ничего не мешкаючи, к нам ехал. А мы его | вдачне хотим принати и почтивѣ<sup>6</sup> при насъ заховати, | и ласкою и даниною нашою ѿсмотрети и надарити, Ѹко слушим | на великого чоловека и царева з(а)та. А про то жадаем тебе, | абы еси, брат и приатель нашъ, и самъ к тому причинил с(а), и Бахтияра мурзѸ на то вел, абы тамъ пѸстымъ местцѸ<sup>7</sup> не | мешкал, а к намъ тымъ борздеи ехал, зануж того шкоден не будеш. |

*Примечания.* <sup>1</sup>Слово написано дважды <sup>2</sup>Исправлено, в рукописи ч(о)ловева <sup>3</sup>Исправлено, в рукописи и <sup>4</sup>Исправлено, в рукописи Бахъмиара <sup>5</sup>Исправлено, в рукописи полел <sup>6</sup>Исправлено, в рукописи поттивѣ <sup>7</sup>Буква є исправлена из и

#### № 73

[1504 г.]

Тое<sup>1</sup> посел(ь)ство ѿт корола, ег(о) м(илос)ти,  
къ Бахтыяр мѸрзе. |

Алекъсандръ, корол(ь) и великии княз(ь), г(о)с(по)д(а)рѸ наш, велел тебе говорити. |

Писал к намъ воевода киевскии княз(ь) Дмитрей ПѸтатич, поведаячи | намъ, иж брат нашъ Мендли Кгирей, царь перекопскии, хотачи | своему царскому слову досыть вчинити, которое ж многокром || <sup>л. 88</sup> к намъ своими послы всказывал, маючи волю быти с нами в братстве | и в приазни по тому, какъ ѿтцы наши были промежску себе, Казимир корол(ь) | со Ачжи Кгиреем царемъ, везде ѿдинъ дрѸгого приателю приателем, | а неприателю неприателем. Твои царь, хотачи с нами быти в тым | же братстве, жадал насъ, абымо послали к нему воеводѸ нашего киевского кн(а)з(а) Дмитрея ПѸтатича ѿ мирѸ и ѿ добротахъ. И поки | кн(а)зѸ Дмитрей ѿт него к намъ зъездыт, брат нашъ, цар Мендли Кгирей, | прислал тебе на зъмешкан(ь)е в нашу землю до Киева. |



Г(о)с(по)д(а)ръ нашъ Алексъандръ, корол(ь) и великии князь, велел тебе говорити. |

Ино какъ пришла к намъ *от* кн(а)за Дмитрея таковаа вестъ, тому | есмо вдачни стали, што *ж* брат нашъ, *отп*дствившы л[ь]стивые приѣтели и вроздмевши нашу правдѣ к нему, *от* сего часу *хочет* с нами | в любви и в правде жити. |

Алексъандръ, корол(ь) и великии княз(ь) велел тебе говорити. |

Про то жадаем тебе, яко приателя нашего, абы еси того часѣ, | ничего не мешкаючи, к намъ ехал и намъ о здоров(ь)и брата нашего | поведил и слово, которое *будет* тобою к нам наказаль, нам донесъ. | А мы тебе, приателя нашего, вдачне хотим принати и почтиве при насъ заховати и ласкою и даниною нашою осмотри | и надарити, яко слѣшит на знаменитую радѣ и зата брата | нашего. А послали есмо к тебе наместника бобруиского кн(а)за | Глеба Юр(ь)евича Пронского, а при нем и иных дворанъ наших, абы везде | по дорозе тебе и всим людемъ, которые *будут* с тобою самыи, | достатки давати ести и пити, а конемъ сена и овса, почон | *от* Киева ажъ до насъ. |

*Примечание.* <sup>1</sup>Слово вписано на поле

#### № 74

[1504 г. до декабря 25.] Краков.

Посел(ь)ство *от* короля, его м(и)л(о)сти, до |  
царя Ши Ахмата с Кракова Матовым. |

Г(о)с(по)д(а)ръ нашъ Александръ, корол(ь) и великии княз(ь) велел тебе, брату своему, говорити. |

Перво сего нашими и своими послы *мног*(о)кром еси к нам всказывал, || *л. 88 об.* жадаючи по насъ, абыхмо сѣ с тобою на которомъ местцѣ видели, где *ж* бы ѣстне некоторые речи с нами розмовити хотел | еси. А и сами того велико хотели есмо. И дла многих справъ, | которые *ж* есмо ажъ до тых часовъ в панствахъ наших Корѣны Пол(ь)ское мели, тое виденье наше с тобою, братомъ нашимъ, *отдалило*, ажъ до тых часовъ. |

Алексъандръ, корол(ь) и великии княз(ь) всказал. |

Ино поведеамъ тебе, братѣ нашомѣ, што *ж* тыми разы на | свѣто наше Трех Крелевъ маем быти ѣ *вотчине* нашои, Великомъ | князстве Литовском, в Мел(ь)никѣ<sup>[1]</sup>. Тамъ же с тобою, братомъ нашимъ, | ажъ дасть богъ, ѣвидимъ сѣ. И видело сѣ намъ, абы еси вжо | тыми разы з Вил(ь)на рушил сѣ до Городна и тамъ змешкал, поки | тебе, брата нашего, обошлемъ, и дла того вже писали есмо | до пана Воитеха Ивашковича и до маршалька нашего, наместника | мошюкгол(ь)ского и дѣбиницкого пана Бартоша Таборовича, и до | пана Мардоса, и до наместника ошменьского кн(а)за Аньдрея | Прихабьского, и до наместника кревского Кн(а)за Сестренъца, | и до тивѣновъ, и до городничихъ, и ключниковъ виленских и троцких, | абы они вси к тебе, брату нашомѣ, не мешкаючи приехали | и с тобою вжо к Городну ехали, и был бы еси, брат нашъ, в Городне на Бож(е)е Нароженье. И тамъ конемъ опочинешъ, поки мы до | Мел(ь)ника приедем. Тамъ же врадникомъ нашимъ городеньским | приказали есмо, абы тебе, брату нашомѣ, и всимъ, которые с тобою, достатокъ всего дали, стации, спижи, конемъ коръмъ, сена<sup>1</sup> и овса, во вси тые дни, поки тамъ змешъкаешъ. |

Алекъсандръ корол(ь). |

И какъ скоро до Мел(ь)ника приедемъ, того часу без всакого ђмешканья мы тебе, брата нашего, обошлем, штобы еси в нас | был, абыхмо вжо оное жеданье наше пополнили, што жъ | оуть многихъ летъ волю мели<sup>1</sup> есмо с тобою, братом ||<sup>л. 89</sup> нашьмъ, обличне видети с а и ѿ всакомъ нашомъ деле ђстыне | розъмовити. |

*Примечание.* <sup>1</sup>Буква е исправлена из и

№ 75

[1504 г. после декабря 5. Москва.]

**Ѡ**твет Иоана, божею м(и)л(о)ст(ь)ю г(о)с(у)дара всеа РѠси и великого кн(а)з а, Александра, корола пол(ь)ского | и велико[го] кн(а)з а литовског(о), дьякѠ ЗлоцкомѠ. |

Иоан, божею м(и)л(о)ст(ь)ю г(о)с(у)д(а)р(ь) всеа РѠси и великии княз(ь) велел тебе | говорить.

Привез еси к намъ грамотѠ от брата нашего и з а т а | Алекъсандра, корола пол(ь)ского и великого кн(а)з а литовского, а пишет в неи, что его ѡкол(ь)ничии смоленскии Борыс Семенов пограбил | нашихъ кѠпцьовъ на дорозе безъвинно. И намъ бы с нашими купцы | послати в Смоленскъ къ его наместнику<sup>1</sup> своего человека, а он | приказал наместнику своему смоленскомѠ в том грабежи нашимъ | купцьомъ з Борисомъ ђправу вчинити перед нашимъ человеком. | Ино то брат нашъ и з а т (ь) Алекъсандръ корол(ь) делаетъ гораздо, что нашьмъ купцьомъ велель з Борисомъ в том деле ђправу вчинити. | И мы велим ѡкол(ь)ничому нашомѠ, наместнику ваземскому Ивану | Васил(ь)евичу послати человека с теми нашими кѠпцы въ Смоленскъ къ его наместнику къ Юр(и)ю, ино бы тымъ нашимъ купцьомъ ђправа | была безъволокинно. |

Г(о)с(у)д(а)р(ь) велел тебе говорить.

Да говорил еси к нам ѡ ѡбидныхъ | делех, да и списки жалобные подал, что будто нашъ слуга княз(ь) | Семен Иванович Бел(ь)скии да иншии наместники<sup>2</sup> дорогобужские и ваземские | поимали земли и воды, которые писаны в перемирныхъ грамотахъ въ его стороне, да будто много ѡпроче того ѡбид починило с а его людемъ от нашихъ наместников<sup>3</sup> от дорогобужскихъ и от | ваземскихъ. И намъ бы по перемирнымъ грамотамъ въ его земли вступати с а не велети. А ѡ ѡбидныхъ бы намъ делех его людемъ велети ђправу чинити. ||<sup>л. 89 об.</sup>

Г(о)с(у)д(а)р(ь) нашъ велел тебе говорить.

Ино мы того не ведаем, во што будет | нашъ слуга кн(а)з Ѡ Семень и наши люди въ его земли вступили с а | черезъ перемирные грамоты. И мы там пошлем, велимъ того посмотрети, | да во што будѠтъ наши люди вступили с а въ его земли, кои писаны | в перемирныхъ грамотахъ въ его стороне, и мы своимъ людемъ в тые | его земли вступати с а не велимъ. |

Да говорил еси намъ, что будѠтъ наши люди его людемъ многие ѡбиды починили. Ино мы и перед того лиха не хочивали, и ныне не хочемъ. И з а т (ь) бы нашъ Алекъсандръ корол(ь) тымъ своимъ людемъ велель | ити к нашему наместнику дорогобужскому, ко кн(а)зю Ѡедору Юр(ь)евичѠ къ Прозоровскому. А мы своему наместникѠ дорогобужскому | и наперед того несоднова приказывали, а и ныне ѡ томъ к нему | есмо приказали, ѡ какихъ ѡбидныхъ делех приидѠтъ к нам Алек(с)андровы

королевы люди з жалобою на наших людеи, и он бы им | в тых делех суд и шправу даль по перемирнымъ грамотам. |

Да говорил еси намъ что в Гаврила Полтева побегло дванадцать | головъ его челеди в Серпеескъ, и съ Серпеиска их ему не выдадѣт | и сѣда на них не дадѣт. И мы къ своему слѣзе, ко кн(а)зю Василью | Ивановичѣ к Шемачичу пошлемъ и велимъ на тых людеи Полтевѣ | сѣдъ и шправу дати. |

Г(о)с(у)д(а)рѣ нашъ велел тебе говорити.

А намъ, приходѣ, наши многие | люди бьют чолом а сказывають, что имъ в литовскои земли | многие обиды починили сѣ. И они сказывають, наместником | брата нашего били чоломъ, да иных, сказывають, перед его | наместники в томъ и втагивали, и наместники деи им с ними | в томъ шправы не чинают.

И братъ бы нашъ и зать Александрѣ, корол(ь) и великии кн(а)зь, также приказал своимъ наместником шкраиннымъ, смоленскому и иным своим наместником, | чтобы нашим людем во въсехъ обидных делехъ суд и шправу | давали безпереводно<sup>4</sup>. || л. 90

*Примечания. <sup>1</sup>Буква є исправлена из и <sup>2</sup>Исправлено, в рукописи помочники <sup>4</sup>Исправлено, в рукописи помесников <sup>2</sup>Далее лист прочеркнут вишнеткой*

## № 76

[1481/82 г. — 1504 г. января 25]

## Подарки, татаром даные. |

Цару шѣба собол(ь)ѣ, охъсамитомъ рытымъ волочена<sup>[1]</sup>, шолкъ белыи а синии | а шѣба кунья, адамашкою рѣдожолтою крита<sup>[2]</sup>. А тые шубы | были посланы царевѣ<sup>1</sup> брату Кит Магметю<sup>2</sup>.<sup>[3]</sup> Шѣба завыиковаѣ<sup>[4]</sup> голаѣ, котораѣ была послана Бибѣ<sup>3</sup> Солтану<sup>[5]</sup>. А чотыри сукна люньских<sup>[6]</sup>, две черленых а две зеленых, которые были посланы двум | царицам Мит Магметовыми. А два сѣкна жолтыхъ з другое девети, | что была послана брату цареву Китмагметю. |

Братѣ цар(е)вѣ Хожакъ Солтану шуба собол(ь)ѣ, охсамитомъ рытымъ | волочена, шолкъ белыи а синии. Шѣба кунья, одамашкою зеленою | волочена. А тые были шѣбы ему посланы. А шуба завыиковаѣ | голаѣ, котораѣ была послана Итбакъкитю<sup>[7]</sup>. А три сукна люньских, | две черленые, а синее, и жолтое колтышское<sup>[8]</sup>, которые были посланы Хожакъ Солтану. А чотыри колтышскихъ синих, которые были посланы 8 Дрѣи девати Хожакъ Солтану. |

Халекъ Солтану<sup>[9]</sup> шѣба завыиковаѣ, а сукно люньское черленое, а навогонское<sup>[10]</sup> черленое, а то было ему ж послано. |

Тахътамышъ кн(а)зю шѣба завыиковаѣ голаѣ а сукно люньское | черленое. Кѣтлу Хажи кн(а)зю шуба завыиковаѣ голаѣ а сѣкно люньское черленое. Бѣранъдѣку Влану шѣба завыиковаѣ | голаѣ а сукно люньское черленое. Пѣпарберъдею кн(а)зю шѣба завыиковаѣ голаѣ а сукно люньское черленое. А тые шѣбы и сукна посланы были чотыром братомъ Гагир мурзыным. Чѣюнчи кн(а)зю | шѣба завыиковаѣ а сукно люньское черленое. А таѣ шѣба и сукно в дарех Исакъ мурзыныхъ. Бавъбек кн(а)зю шѣба завыиковаѣ | голаѣ а сѣкно люньское черленое. Шѣба в дарех Касар мурзы, а сукно | в дарех Исакъ мѣрзы. Кѣдабакты кн(а)зю шѣба завыиковаѣ голаѣ а сукно люньское черленое. Шуба в дарех Алимъ мурзы, || л. 90 об. а сѣкно в дарехъ Касим мурзы. Буранчи Солтану<sup>[11]</sup> шѣба завыиковаѣ голаѣ а сѣкно люньское черленое. Шуба в дарех Гагир мурзыных в первой девати, | а сѣкно тамъ жо. Пѣнгадыкъ<sup>4</sup>

мурзе а К8садыкъ мурзе по сукну | люнскому черленом8 а по сукну колтышъскому черленым. А тые с8къна | были посланы двама жонамъ Исакъ мурзынымъ. |

*Примечания.* <sup>1</sup>Буквы в8 исправлены из других <sup>2</sup>Далее пропуск в 4–5 букв <sup>3</sup>Буквы ибе написаны по смытому тексту <sup>4</sup>Буква ь написана по смытому тексту

## № 77

[1501 г. до 12 мая]. Ганязь.

Справа межы паном Воитъком ІѦновичом | а п(а)ном  
Довоиновичом ѿ некоторые люди | и земли 8 Волковыиском  
повете. |

Стояли перед нами в праве в Ганазі маршалокъ нашъ, ѿхъмистръ нашое великое кн(е)гини, наместникъ ковенский пан Воитъко ІѦнович с паном | ІѦномъ Довоиновичомъ.

Жаловал намъ пан ІѦнъ на пана Воитъка, рекучи: | «Выпросил еси в г(о)с(по)д(а)ра, его м(и)л(о)сти, подо мною люди мои и землю мою, которые жъ люди и земли держали предкове мои». И пан Воитко рекъ: «Не просил та в г(о)с(по)д(а)ра, его м(и)л(о)сти, люди твоих и земли твоее, просил есми въ его | м(и)л(о)сти земли его м(и)л(о)сти, бо то естъ земля г(о)с(по)д(а)рская здавна, которое ж | та просил 8 Волковыиском повете на има Моркелевщина. А поведашъ, | иж предкове твое тую землю держали. Ино коли держали предки твои | люди г(о)с(по)дарские<sup>1</sup> на има Верещичи, а Хорошевичи, и Степановичи<sup>11</sup>, а Бубновичи и иншие люди, тогды и тые земли предкове твои держали. | И корол(ь), его м(и)л(о)сть, тые люди вси и земли в предковъ твоих ѿтнал. И коли | ѿтец твои<sup>2</sup>, панъ ІѦнъ держал ѿт корола, его м(и)л(о)сти, Волковыескъ, и какъ | ѿтец твои посватал сѧ с паном ІѦном Шематовичом падчерицою его, | дочкою пана Михна Головичовича за тебе, и ѿн тогды ему люди | наши вернулъ. А и наши люди и тепере господар8 сл8жать». И ѿ том | пан Воитко послал сѧ на боар волковыискихъ и на люди наших волковыанъ. || <sup>л. 91</sup>

И пан ІѦнъ рекъ: «Будет ли корол(ь), его м(и)л(о)сть, которые люди, а <sup>3</sup>любо хотѧ ѿдного<sup>3</sup> | ч(о)л(о)в(е)ка предковъ моих в тѣстѧ моего, або в тещи моеѧ ѿнимал, нас тобою | со ста р8блев грошеи г(о)с(по)д(а)ру, его м(и)л(о)сти, и до твоих светковъ.

И пан Воитко | с ним приставил.

И мы на том завазали, доведет ли пан Воитко на нег(о), | што ж корол(ь), его м(и)л(о)сть, в предковъ его, въ тѣстѧ, або в тещи его тые | люди ѿтнал, ино панъ Воитъко во всем прав<sup>4</sup>, а на пане ІѦне сто р8блев грошеи. А естли панъ Воитко того на него не доведет, будет ли корол(ь), его | м(и)л(о)сть, тых людей в предковъ ег(о)<sup>2</sup> не ѿнимал, ино на пане Воитъку сто р8блев | грошеи намъ.

И дла того послали есмо там дворенина нашего Грицка | Воинловича ѿпытати боар волковыиских и людей волковыанъ, и нам | ѿказати. А пану Воитъку, а пану ІѦну казали есмо имъ ѿбема пѣред нами стати 8 Вил(ь)ни лони по Велице дни, в тыдень<sup>12</sup> под страчнѣмъ права, хто бы на том рокъ перед нами не стал, том право втратит.

И Грицко там ездил, и тых боар и людей наших ѿпытываль, | и нам ѿтказал, што ж корол(ь), его м(и)л(о)сть, тые люди Верещичи, а Хорошовичи, и иншие ѿтнал, и потом, какъ ѿтец его пан ІѦнъ посватал сѧ с паном | ІѦном Шематовичом, за пана ІѦна, сына своего, и пан | ІѦнъ Довоиновичъ, ѿтец его, тые люди Г8бичи а Долговичи вернул | тещи сына своего. А потом панъ Воитко тые светки перед нами |

ставил на тот рокъ по Велице дни в тыдень, и они тое ж светчили, | што и Грицко намъ отказывал.

А пан Іднь Довоинович на тотъ рокъ | положонны перед нами не стал.

И мы в том пана Воитка справили, | а пан Іднь остал нам в сту рублех грошеи винень. |

*Примечания.* <sup>1</sup>Буква е дописана в строке более светлыми чернилами <sup>2</sup>Слово вписано над строкой более светлыми чернилами <sup>3-3</sup>Написано по смытому тексту <sup>4</sup>Написано над строкой; в строке вычеркнуто а на

## № 78

[1503 г.] апреля 1. Вильна.

Справа межи боары слонимскими <sup>1</sup>Соколовским  
и Ганусовичом<sup>1</sup> и боаринею слонимскою жъ ѿ именье  
Деревное. |

8 Вил(ь)ни, април(ь) 1 день. Индикть 6. |

Жаловали с(а) г(о)с(по)д(а)ру королю, его м(и)л(о)сти, боаре слонимские на  
има Соколовский а Беинар Ганусовичъ на боариню слонимскую на Юшковую || <sup>а. 91 об.</sup>  
Милевича, на Марину.

Искали они под нею именья на има Деревное близкости жонь своих. И она поведила, што ж тот муж ее Юшко оставил | ее на томъ именью на вдовьем стол(ь)цы и записал<sup>2</sup> ей на томъ именьи | вена двесте копъ грошеи. И на тот часъ того записъ при себе не мелла и поведила, ижъ тот записъ в пана ѿхмистра и рекла его | тогда перед королеми, его м(и)л(о)стью, положить, какъ пан ѿхмистръ з Москвы приедет. А естли с(а) над нею бож(е)на вола станет, | поки того запису мѣжа своего не положит, тогда по ее животе вена ничего на том именьи ей не будет, бы и записъ мужа | ее на то был. А тое именье ближнимъ, бо она, не ѿсперши ихъ | правом, не мает никому своим ближнимъ на том имен(ь)и тых п(е)н(е)зи двухсот копъ грошеи отписывати.

А при его м(и)л(о)сти в тот час были | подчашии пан Николаи Николаевич, а Богданъ Кореивичъ, а Кн(а)зь Тѣрь. |

*Примечания.* <sup>1-1</sup>Вписано под строкой более темными чернилами <sup>2</sup>Буква з вписана в строке более светлыми чернилами; первая буква а исправлена из и

## № 79

[1501 г.] мая 22. Вильна.

Справа межи паном Іднои Довоиновичом а паном | Воитьком  
Ідновичомъ ѿ тѣю жъ землю. |

М(е)с(а)ца маѣ 22 день. Индикть 4.

8 Вил(ь)ни, по Велице дъни на шостои недели в среду | жаловал намъ<sup>[1]</sup> пан Іднь Довоинович на пана Воитка Ідновича ѿ тую жъ | землю. И пан Воитько рекъ: «Просил еси въ г(о)с(по)д(а)ра, его м(и)л(о)сти, земли его м(и)л(о)сти, а таа земля здавна г(о)с(по)д(а)рская». И он рек: «Пожогъ | ми еси на той земли люди». И панъ Воитько рек: «Кол(ь)ко я твоих людей | пожог?» И он рекъ: «Пожогъ ми еси сорокъ человек». И потом онъ | положил листь великого кн(а)за Жикгимонта. И в листу

стоит, иж | предкомъ его дано девет(ь) ч(о)л(о)в(е)ков подле его двора, а имени тые люди | не писаны. И панъ Воитко рекъ: «Даны люди предкомъ твоимъ | подле двора твоего, а таа земля зо всеми селы госпо|дарскими мало не в двѣ милах отъ твоего двора». И ещо ему ||<sup>л. 92</sup> рекъ панъ Воитко: «Маешъ ли ты границѣ, або рѣбежи съ г(о)с(по)д(а)рьскими | люд(ь)ми?» И он рекъ: «Маю рѣбежи з г(о)с(по)д(а)рьскими людьми». |

## № 80

[1497 г.] июня 4. Вильна.

Вол(ь)ность мешаномъ киевѣскимъ | от даванья мыта  
вечност(ь)ю. |

Алекѣсандръ, бож(е)ю м(и)л(о)стью великии княз(ь) литовскии, рѣскии, жомоитскии и иных. |

Чинимъ знаменито сим нашимъ листом, хто на него посмотрит, або чу|чи его слышит, кому будетъ потребъ того ведати.

Били намъ | чолом воит места Киевского, и бурмистры, и радцы, и вси мешане о том. | З божего допущенья месту ихъ от паганства татар впад великии | каждого годѣ, и не мают, чимъ поживити сѧ и въспомочи. И били нам | чолом, абыхмо им отпѣстили мыто нашо по всеи отчине нашои.

Ино! мы дла такового их впадѣ отпѣстили имъ мыто нашо вѣчно<sup>1</sup> | веки веком по всему нашему панству, Великому княз(ь)ству Литовскому, и Рѣскому и Жомоитскому сухим пѣтемъ и водою. Ино | в которых мешанъ киевѣских з ратѣша киевского бѣдет<sup>2</sup> листь под их | печат(ь)ю местьскою, тым мешаном не надобе мыта давати | нигде по нашимъ мытом по кн(а)зским, и по панским, и по боярским, | и по дѣховнымъ, и по светскимъ, и везде, сѣхим пѣтемъ и водою. |

А коли дасть богъ место их ѣспоможет сѧ, и они мают нам | плату нашего повышати такъ, как намъ вжиточно.

А при | том были наместникъ полоцкии пан Юреи Пацовичъ а маршалокъ нашъ, охѣмистръ наше великое кн(е)гини, наместник | ковенскии панъ Воитехъ Ёдновичъ.

А на твердость того и печат(ь) нашу казали есмо привесити к сему нашему листу.

Писан ѣ Вил(ь)ни, в лѣто 7015<sup>3</sup>, м(е)с(а)ца июня 4 день. | Индиктъ 8. ||<sup>л. 92 об.</sup>

Примечания. <sup>1</sup>Буква ѣ исправлена из и <sup>2</sup>Слово вписано над строкой более светлыми чернилами другим почерком <sup>3</sup>Буква і (10) исправлена из другой, верная дата 7005

## № 81

1494 г. июля 9. Троки.

Потверженье Сенку Плешкинѣ на тры | сел(ь)ца въ  
Смоленскомъ повете, Шев|нинское а Радивоноовское,  
а Селивестров|ское вечностью. |

Алекѣсандръ, бож(е)ю м(и)л(о)стью. |

Наместнику смоленскому пану Юр(и)ю Глебовичу и иным наместником | нашим, хто потом будетъ отъ насъ Смоленскѣ держати.

Бил | намъ чолом дворенин нашъ Сенько Плешкин, што жъ перьво сего дали | есмо ему в Смоленскомъ повете в Дѣбровенскомъ пѣти три сел(ь)ца | на имѧ Шевнинское,

а Радивоновское, а Селивестровское. И просил | насъ, абыхмо ему тые сел(ь)ца потвердили нашим листом.

Ино мы | тые три сел(ь)ца з бортноу землею и со всим с тым, што к тым сел(ь)цом | здавна слѣшало, потвержаемъ сим нашим листом ему, и его жоне, и их | детемъ, и на потом будѣчим ихъ щадкомъ вечно. Не надобе ему, и его | жоне, и их детем, и их щадкомъ с тых селец дани давати и слѣжобъ | таглых слѣжити, нижъли мает нам он с тых селец боѣрскую службу | слѣжити, какъ инъшии боѣаре смоленские.

А на твердость того | и печат(ь) есмо нашѣ казали приложити к сему нашему листу.

Писан | в Троцох, в лето 7002, м(е)с(ѧ)ца июл(ь) 9 ден(ь). Индикт 12. |

Пр(а)в(ил) во(е)в(ода) вил(енский) пан | Мик(олаи) Рад(ивилович), кан(цлер). |

## № 82

1494 г. июля 14. Троки.

Потверженъе Андрею Свиридонову<sup>1</sup> | на половинѣ двухъ сел  
в повете | Смоленскомъ, Мелеховског(о) а Хлоповског(о). |

Алекъсандръ, бож(е)ю м(и)л(о)стью. |

Наместнику смоленскому пану Юр(и)ю Глебовичу и иным наместником | нашим, хто потом будетъ от насъ Смолен(с)къ держати.

Бил нам чолом | дворенин нашѣ Андреи Свиридонов а поведал нам, иж тетка его, боѣарина смоленская Евдотья Васил(ь)ева жона Маринича, взяла || <sup>л. 93</sup> его себе за сына место и записала ему двух сел половину в Смоленском | повете на има Мелеховского а Хлоповского<sup>[1]</sup>, што она зыскала прѣвом передъ отцомъ нашимъ, королем, его м(и)л(о)стью, на Ивашку Серивцы, и чога | она была сама в держанью. И листъ судовый отца нашего и ее, што она | ему записала, передъ нами вказывал и просил насъ, абыхмо то ему потвердили нашим листом.

Ино мы тых двух сел, Мелеховског(о) а Хлоповског(о) половину потвержаемъ сим нашимъ листом ему и его ближним | вечно, со всим по тому, што к тому прислѣхает. Нехаи он тых дву сел | половину держит, а нам с того служить, по тому, какъ и иные боѣаре | нам слѣжать.

А на твердость того и печат(ь) нашу казали есмо приложит(ь) к сему нашему листѣ.

Писан в Троцох, в лет(о) 7002, м(е)с(ѧ)ца | июл(ь) 14 день. Индиктъ 12. |

Пр[и] т(ом) [был] во(е)в(ода) вил(енский), кан(цлер) | пан Мик(олаи) Рад(ивилович). |

Примечание. <sup>1</sup>Буквы в и д исправлены из других

## № 83

1494 г. июня 29. Пеняны.

Потверженъе Тимирчычом Ил(ь)ѧсѣ а Абрагиму на землю  
Трепунскѣю. |

Алексаандръ, бож(е)ю м(и)л(о)стью. |

Били намъ чолом Тимирчины дети Ильѧс а Абрагимъ з братаничи | своими, с Хыдыревыми дет(ь)ми<sup>1</sup>, иж отецъ нашѣ, корол(ь), его м(и)л(о)сть, | дал отцу ихъ

третью часть земли Трепункское, Жвиевѣщину, а поѣтом дал брату их Хидыру тое земли Трепункское <sup>2</sup>две часѣти<sup>2</sup>. А поведали намъ, иж со всее тое земли Трепѣнское здавна кормливали три кони, Жбис коня кормливал а Рѣсилось с Убочом коня | кормливал, а Юватыс з брат(ь)ею коня кормливал. И тые деи ѡтчичи | с тое земли розышли се прочь еще за ѡтца нашего. И ѡтец нашъ | тую землю Трепункскѣю имъ дал. И просили насъ, абыхмо им тую | землю потвердили нашим листом.

Ино коли ѡтец нашъ, корол(ь), его | м(и)л(о)сть, им тую землю дал, и мы им тую землю потвержаем сим нашим || <sup>л. 93 об.</sup> листомъ, и их жонамъ и их детемъ вечно со всим по тому, што к тои | земли здавна слѣшало. Нехаи ѡни тую землю держать, а нам с нее | слѣжат. А коли тых земель ѡтчичы приидѣтъ, и ѡни нехаи их за собою посажают, и ѡни нехаи им жо служат.

А на твердость того | и печат(ь) нашу казали есмо приложити к сему нашему листѣ. |

Писан в Пенанох, в лето 7002, м(е)с(а)ца июн(ь) 29 ден(ь). Индикт 12. |

При т(ом) был мар(шалок), нам(естник) | ѡник(штенский) пан Гр(игории) Ёстик(ович). |

*Примечания.* <sup>1</sup>Далее в строке зачеркнуто детми <sup>2-2</sup>Написано по смытому тексту

## № 84

[1494 г.] июля 17. Троки.

Привилеи панѣ Александрѣ Монкгирдовичѣ | на дворец  
Гринковъский до воли и ласки.

Самъ Александръ, бож(е)ю м(и)л(о)стью. |

Воеводе троцкому, маршальку земскому пану Петру Ёдновичу.

Бил | намъ чолом панъ Александро Монкгирдовичъ и просил в насъ | подле Козелкишокъ дворца на има Гринковского, которыи твою м(и)л(о)сть держал к Трокомъ.

И мы ему тот дворец Гринковский дали | до наше воли з людми и со всим тымъ, што к тому дворцу здавна прислѣхает.

Писан в Троцох, июл(ь) 17 ден(ь). Индикт 12. |

Пр(авил)<sup>1</sup> воев(ода) вил(енский), кан(цлер) | пан Мик(олаи) Рад(ивилович). |

*Примечание.* <sup>1</sup>Возможна реконструкция Пр(иказал)

## № 85

[1494 г.] июля 22. Троки.

Справа боар витебских Л(ь)вовичовъ с поддаными |  
их ѡтчизными ѡ выламыван(ь)е им з держан(ь)а. |

Алекъсандръ, бож(е)ю м(и)л(о)стью. |

Смотрели есмо того дела.

Жаловали нам боаре витебские | Ѳед(ь)ко и з братьею Л[ь]вовичи, што ж люди их на има Радивонько | Василевич зъ братаничи своими | почали с.а в них ѡтнимати, а бѣдѣчи || <sup>л. 94</sup> ихъ люди ѡтчизные. И мы тые люди казали перед нами поставити. | И стояли перед нами ѡчевисто. И мы тых людей спытали: «Почоуму с.а вы в них



отнимае?» И они рекли: «Мы люди вол(ь)ные». И мы их | спытали: «А дед ваш комѣ служил?» И они рекли: «Дед нашъ зашол за его | отца и слѣжил отцѣ их до своее смерти». А далеи испытали есмо их: | «А отецъ вашъ кому служил?» И они рекли: «И отецъ нашъ отцу их служил». | А потом спытали есмо их: «А вы давньо л(ь) почали отнимати сѧ от них?» | И они рекли: «В семи летех от сих мечь».

И Оедко з брат(ь)ею Л[ъ]вовичи положили перед нами лист, иж за отца нашего, корола, его м(и)л(о)сти, они | почали сѧ были в них отнимати от сих мечь за сем(ь) летъ. И отецъ наш, | корол(ь), его м(и)л(о)сть, межи ними ѿ том смотрел, и Львовичов в том правых знашол, и лист свои сѣдовыи на том дал, подлугъ листу великог(о) | кн(а)за Витол(ь)га, и тым людем<sup>1</sup> казаль им служити.

И мы ѿ том досмотревши, казали есмо тым людемъ за сѧ имъ слѣжити подлугъ листу | великого кн(а)за Витовта и подле отца нашего сѣдового листу, подлугъ их самых поведан(ь)я, што ж дед их и отецъ ихъ отцу их слѣжили | ажъ до смерти.

Писан в Троцох<sup>2</sup>, июл(ь) 22 ден(ь). Индикть 12. |

Приказал мар(шалок), нам(естник) мер(ецкии) | пан Стан(ислав) Глебович. |

*Примечания.* <sup>1</sup>Слово вписано в строку и над строкой <sup>2</sup>Исправлено, в рукописи Торох

## № 86

[1494 г.] июля 22. Троки.

Михну Ивановичѣ на некоторые пашни | ѣв Олитскомъ повете  
къ пашни его | Клешишинскои. |

Самъ Алексъандръ, бож(е)ю м(и)л(о)стью. |

Кѣхмистру нашему, наместнику олитскому и немоноитскому пану | Петрѣ  
Глехновичу.

Што перво сего дали были есмо пашню ѣв Олитском повете тивунѣ троцкому и высокодворскому Михну Ивановичу | на имѧ Клешишиньски, и поведал нам Михно, иж таа пашница мала, ино | деи там против тое пашни, едѣчи от Глиты къ Симну, налеве подле | дороги, селан наших и олитских пашни, и конюха нашего Андрицова и Миткусова, и брат(ь)и его и Довнюсова, и Довлидова. И просил насъ, абыхмо || <sup>л. 94 об.</sup> емѣ тых людеи наших пашни дали къ его пашни. А и ты нам поведал, | иж того немного.

И мы ему тых людеи наших пашню дали, какъ они | держали. И ты бы тым нашимъ людемъ против тое ихъ земли пашное тол(ь)ко ж дал земли отмену ѣ Кукове, ѿстрове нашом.

Писанъ | в Троцох, июл(ь) 22 день. Индикть 12. |

## № 87

[1494 г.] июля 28. Ейшишки.

Привилеі Мацку Кунцевичѣ на ѿсмъ служобъ еикгирданцовъ  
на вечность. |

Самъ Алексъандръ, бож(е)ю м(и)л(о)стью. |

Биль намъ чолом слѣжебникъ воеводы троцкого, маршалка земског(о) | пана Петровъ Іѣновича Мацко Кунцевичъ, што дали были есмо | ему люди наши

бобровники 8 Высокодворской волости и оплат(ь) | есмо тые люди взяли на насъ. И просил насъ, абыхмо ему напро|тивъ того дали ѿсмы служобъ еикгирданъцов.

И мы ему тую | ѿсмы чловековъ дали на има Кгирятуса, а Юхна, а Нарушиса, | а Монковую вдову, а Домонта, а Станкѣла, а Гѣцкую вдову, а Кголивоита. А дали есмо ему тые люди со всимъ по тому, как | и намъ служили, вечно.

Писан въ Еишишьках, июл(ь) 28 день. | Индиктъ 12. |

## № 88

[1494 г.] августа 22. Дорогичин.

Татаром Алым8 а Ахметю Вруслано|вичомъ на 12 чловековъ  
Бриданцов<sup>1</sup> | в Керновском повете<sup>1</sup>. |

Алекъсандръ, бож(е)ю м(и)л(о)стью. |

Тивуну керновскому Водорадскому.

Што перво сего дали есмо | татаромъ<sup>2</sup> нашимъ Алым8 а Ахметю Вруслановичом в Керновскомъ повете землицы, што держал(и) Довнар а Зутко<sup>3</sup>, а потом | тые землицы держал Стирпеико без данины ѿтца нашог(о) и нашое. || <sup>а.</sup> 95 И тыми разы придали есмо имъ к тым землицамъ там жо дванадцат(ь) | ч(о)л(о)в(е)ковъ служобъ на има Бриданцовъ и з землами ихъ. И ты бы им в тые | люди 8взаванье дал.

Писан в Дорогичине, августъ 22 день. | Индиктъ 12. |

Пр[авил]<sup>4</sup> м(а)р(шалок) дв(орный), нам(естник) ѿн(икштенский) | п(а)н Григ(ории) ГѸсти(кович). |

*Примечания.* <sup>1-1</sup>Притисано другим почерком <sup>2</sup>Исправлено из татариниом <sup>3</sup>Буква з исправлена из б <sup>4</sup>Возможна реконструкция Пр[иказал]

## № 89

1494 г. сентября 14. Каменец.

Привилеі Ѳедку Гавриловичу на именье | Микѣличи  
на вечность. |

Самъ Александръ, бож(е)ю м(и)л(о)стью. |

Чиним знаменито сим нашим листомъ, хто на него посмотри, або | чтучи его вслышит, кому ж будет того потребъ ведати.

Бил нам | чолом чашник нашъ Ѳедко Гаврилович и положил перед нами лист ѿтца | нашего, короля, его м(и)л(о)сти, которым ему дал и дозволил выкупити | имен(ь)е на има Микуличы<sup>[1]</sup> 8 Дмитра Хольневского, што была ему | жона его записала 8 своем вене<sup>1</sup> в ст8 копах. А ближнихъ к том8 | имению никого не мела. И тое именье спало на ѿтца нашего. И ѿтец нашъ, его м(и)л(о)сть, з ласки своее надал Ѳедку Гавриловичу за его | службу плат(ь)десат копь грошей на том имен(ь)и. А сто копь велел заплатити | тому Дмитру Хольневском8<sup>2</sup> вено, што ему жона его<sup>3</sup> записала. И в том | полтор8ст8<sup>4</sup> копь грошей дал ему тое имен(ь)е до его живота. А по его | животе в жоны его и в дети нихто не мел того имен(ь)иа выкупати, | нижли ѿтец нашъ, его м(и)л(о)сть, коли бы его ему потребъ.

И бил нам чолом | Ѳедко Гавриловичъ, абыхмо ему тое имен(ь)е дали вечно в тых п(е)н(а)зех его. |

И мы, вбачивши верную службу его к нам, тое именьє на *има* Микуличи | дали ему, и его жоне, и их детем, и потом будѣчим ихъ счадомъ | вечно и непорушно на веки вечные со всим тым, што к тому именью | здавна слѣшало<sup>5</sup>, съ селищи, и с поли, и зъ дѣбровами, какъ сѧ мает | в своих границахъ, со всеми вжитъки, платы и доходы, какъ | предкове его тое именьє деръжали <sup>6</sup>и вживали<sup>6</sup>.

А на твердость тог(о) и печат(ь) || л. <sup>95</sup> об. нашу казали есмо привесити к сему нашомѣ листу.

Писан в Каменци, | в лет(о) 7003 м(е)с(а)ца сентѣбра 14 день. Индикт 13. |

При том были во(евода) ви(ленский) п(а)н Мик(олаи) | Рад(ивилович), кан(цлер), нам(естник) нов(городский) п(а)н Юр(ии) Пац, мар(шалок) | двор(ный), нам(естник) ѿн(икштенский) п(а)н Гр(игорий) Ъс(тикович), мар(шалок), нам(естник) | мерец(кий) пан Стан(ислав). |

*Примечания.* <sup>1</sup>Слово написано по смыслу текста <sup>2</sup>Буква е исправлена из ѣ <sup>3</sup>Слово вписано над строкой <sup>4</sup>Обе буквы ѣ исправлены из других <sup>5</sup>Буква ѣ исправлена из другой <sup>6-6</sup>Вписано над строкой

## № 90

[1494 г.] октября 6. Меречь.

Мартину Іакубовичу на дворец Векшневский | и на пѧт(ь) человек в Жомоити в повете Поlvонденскомъ. |

Самъ Александръ, бож(е)ю м(и)л(о)стью. |

Старосте жомоитскому <sup>1</sup>панѣ Станиславу<sup>1</sup> Іановичу.

Бил намъ чолом дворенин нашъ Марѣтинъ Іакубовичъ а просил в насъ в Жомоити ѣ повете Повондѣнском дворца на *има* Векшневского а пѧти ч(о)л(о)в(е)ков того ж дворца. |

И мы тебе приказали того доведати сѧ и к нам ѿтписати. | И ты к нам ѿ том деле ѿтписал, иже первѣи сего тот дворец и люди тые его ж предкове держали. А тыми разы то на нас спало. | А намъ то нешкодно.

И мы ему тот дворец Векшневский и люди | того дворца пѧт(ь) человек дали со всим с тым, што здавна к томѣ дворцѣ прислѣхало.

Писан ѣ Меречи, октябрь 6 ден(ь). Индиктъ 13. |

*Примечание.* <sup>1-1</sup>Вписано под строкой

## № 91

[1494 г.] сентября [20–30]. Городно.

Панѣ Ѡедкѣ Хребтовичѣ на именьє | Сенно в повете Новгородском до воли. |

Самъ Александръ. |

Наместнику новгородскому пану Юр(и)ю Пацовичу.

Бил нам чолом || л. <sup>96</sup> подскарбии нашъ дворный панъ Ѡедко Богдановичъ Хребтовича и просил в насъ именья в Новгородском повете, двора нашего новгородского | на *има* Сенна. И мы ему тое именьє, двор нашъ Сенно, дали до нашею | воли и до лепшого доведан(ь)на со всеми люд(ь)ми и со всеми землами, | со всим по томѣ, што здавна к тому именью слѣхало.

А звазати | его в тот нашъ двор послали есмо дворенина нашего Григорья | новгородца.

Писан в Городне, сентябрь<sup>1</sup> ден(ь). Индикт 13. |

Правил м(а)р(шалок), н(а)м(естник) ѿн(икштенский) п(а)н | Григ(ории) Стан(кович) Ёсти(кович). |

*Примечание.* <sup>1</sup>Далее оставлено место для числа

## № 92

[1494 г.] октября 14. Пуня.

ПанѸ Миколаю РадивилѸ на десеть | човековъ къ дворцѸ его  
на Вел(ь)и въ Жижмор|скои волости. |

Самъ Александръ. |

ПисарѸ нашому, тивуну жижморьскомѸ Ёднушку.

Просил в нас пан | Миколаи Радивилевичъ, воевода виленьский, канцлеръ нашъ, в Жижмор|рскои волости<sup>1</sup> десяти човековъ къ своему дворцу на Вельи на има | МицѸса Кголминовича, а СирховѸта Петровича, а Лаврина Станевича, а Юр(и)а Жоковича, а ЮшѸка Татариновича, а Римовида | Жидивилевича, а Невра Биркгеловича<sup>2</sup>, а МацѸса и брата его, | а БудѸка Миколаевича, а ЁднѸка<sup>3</sup> Милевича.

И мы тые люди, десат(ь) | ч(о)л(о)в(е)ковъ, дали емѸ зъ ихъ землами, со всим по тому, какъ намъ служили. |

И ты бы в тые люди его звезал.

Писан в Пуни, окѸт(а)брь | 14 день. Индиктъ 13. |

Прав(ил) м(а)р(шалок) Гр(игории) Стан(кович) Ёстик(ович)<sup>4</sup>. |

*Примечания.* <sup>1</sup>Написано по смътому тексту <sup>2</sup>Буква р исправлена из другой <sup>3</sup>Буква Ѹ исправлена из другой, буквы ка вписаны над строкой <sup>4</sup>Слово залито чернилами, плохо читается

## № 93

[1494 г.] октября 16. Биришаны.

Привилеи МихнѸ ИвановичѸ на три чоло|веки ѿлитскихъ  
и на инѸю землю вечно. |

Самъ Александръ. |

Бил намъ чоломъ тивунъ троцкии и високодворскии Михно Иванович || л. 96 об. и просил в насъ трох ч(о)л(о)в(е)ковъ ѿлитскихъ подле своего дворца межѸ его людеи, которые есмо первеи емѸ дали, на има Миколаи ДегѸтара, а БуткѸса, а ПраткѸса з братомъ его зъ Ёдвилтомъ.

И мы ему тые люди | дали зъ ихъ землами со всимъ такъ, какъ намъ слѸжили. Также | што перво есмо ему дали нашѸ пашню ѿлитскую подле дороги | Ёлитское, што идетъ к Симну, еда ѿт Ёлиты направо, на има | Спиминишки. А на концы тое пашни стали были люди наши | и розѸпахали, на има ДовѸнюк, Доулих а Андреи конюх, и ихъ брат(ь)иа безъ нашого дан(ь)иа.

И слали есмо маршалка нашего, пана Григор(ь)иа Станковича, того доводати с.а. И поведили емѸ ѿсочники, што тые | люди стали и роспахали<sup>1</sup> на тои земли безъ нашего данья нашѸ | пѸщѸ. Ён намъ то ѿтказал, и мы ему тую землю дали, што |

тые люди роспахали, конец его поля Кгоиминишского подле тое | дороги Ёлитское по речьку Плебанскую, котораа идет с озера Плевбаньского 8в озеро 8<sup>2</sup> Плавне.

А дали есмо ему тые люди и земли | вечно.

А приказали есмо ловчому нашему Левк8 Великневичу его | в тые люди 8взати. И землю тую казали есмо ему завести | и заграничити и въвзати его.

Писан 8 Бирштанех, октабр(ь) | 16 день. Индикт 13. |

Прав(ил) пан Гр(игории) Ст(а)н(кович), мар(шалок). |

*Примечания.* <sup>1</sup>Буква р исправлена из другой <sup>2</sup>Буква 8 исправлена из другой

## № 94

1494 г. октября 26. Ковно.

Потвержен(ь)е Глеб8 Ёстаёевич8 на тры | именья, 8зд8,  
а Гатово, а Закревье | на вечность. |

Самъ Александрь. |

Бил намъ чоломъ боарин полоцкии Глебъ Ёстаёевич и поведил | перед нами, што ж понал дочку Васил(ь)еву Корсаковича на има Настас(ь)ю. | А после Васил(ь)я остали были на именья один сынъ его Аньдреи | с нею, своею сестрою. И тот брат ее Аньдреи вмерль, а жона после | него остала одна, а дети приплодку по нем не остало ничего. | И таа невестька жоны его пошла за Бориса Семеновича. И Глеб || <sup>а. 97</sup> Ёстаёевич со своею жоною дали ей вено, именье и п(е)н(а)зи. И которые | имен(ь)я ныне держитъ Глебъ Ёстаёевич съ своею жоною на има 8зду, а Гатово, а Закревье, отчину жоны своее, бил намъ чолом Глебъ, | абыхмо ему тые имен(ь)я подтвердили нашим листом.

Ино мы тые | три именейца, отчину жоны его, подтверждаем ему сим нашим листомъ | вечно ему, и его жоне, и их детям, со всим по том8, какъ держал тые | именейца шдрин его Аньдреи Васил(ь)евичъ Корсоковича.

А на твердость того и печат(ь) нашу казали есмо приложити к сему нашому лист8.

Писан в Ковне, в лето 7003, м(е)с(а)ца октебра | 26 день. Индиктъ 13. |

Прав(ил) воев(ода) вил(енский) п(а)н Мик(олай) | Рад(ивилович), кан(цлер), а п(а)н Стан(ко) Кос(тентинович), нам(естник) ков(енский). |

## № 95

1494 г. октября 26. Ковно.

Потвержен(ь)е Борис8 Семеновичу на именья | Старинки,  
жомоитские люди и бобруиские | данники на вечность. |

Алекъсандрь, бож(е)ю м(и)л(о)стью. |

Бил намъ чоломъ дворанинъ наш Борисъ Семенович и поведил педред нами, што ж понал за себе Аньдреев8 жону Васил(ь)евича Корсоковича, | и той жоне его муж ее первыи, Андреи, записал был на том имен(ь)и отчинномъ вено п(е)н(а)зи. И тое вено мел платити ему боарин полоцкии | Глебъ Ёстаёевичъ, бо мает за собою дочку Васил(ь)еву, сестр8 | Андрееву з ыменьем ее отчинным. И вступили межи собою въ еднан(ь)е | в тых п(е)н(а)зех в вено, и конецъ межи собою вчинили, и перед нас пришли, и нам то 8зъявили. И повелили перед нами, иже таким обычаем

зъеднали с.а. Глебъ съ своєю жоною постѣпили с.а. Борису и его | жоне именеицо 8 Красном Селе на им.а Старинки. И в тых теж Старинках дали ем8 Михайлов8 Корсоковича дел(ь)ниц8, и теж жомоитские | люди и бобрѣиские данники к том8 именеиц8 придали ем8 и его | жоне.

И бил намъ чолом Борис Семенович, абыхмо тые именеица || л. 97 об. подтвердили ему нашим листом.

Ино мы тые именеица верхѣписаные | вси подтверждаемъ ем8 сим нашимъ листом вечно ему, и его жоне, | и их детем со всим по тому, какъ держал тые именеица Аньдреи | Васил(ь)евич Корсоковича.

А на твердость того и печат(ь) нашу казали | есмо приложити к сему нашему листѣ.

Писан в Ковне, в лет(о) | 7003, м(е)с(а)ца октебра 26 день. Индиктъ 13. |

Прав(ил) воев(ода) вил(енский) пан Мик(олаи) Рад(ивилович), кан(цлер), а н(а)м(естник) к(о)в(енский) пан Стан(ислав) Косте(нтинович). |

## № 96

[1495 г.] февраля 22. Вильна.

Зен(ь)ку Евлашкович8 на два братеники | въ Новгородскомъ повете 8 Полѣж(ь)и, | любецкихъ люди. |

Алексъандръ, бож(е)ю м(и)л(о)стью. |

Наместнику новгородскому пану Юр(и)ю Пацевичу и иным наместником | нашим, хто потом будет от насъ Новгородокъ держати.

Бил | намъ чолом наместникъ торопецкий Зенько Евлашкович а просил | в насъ дв8 братениковъ Радивоновичовъ, Дорошовых а Ивановых дети, в Новгородскомъ повете 8 Полѣж(ь)и, любецкихъ люди. А поведаль намъ, штожъ с нихъ одна служба и дакло | оодно. А и ты ѿ томъ самъ передъ нами поведилъ, што ж | с нихъ служба и дакло оодно.

И мы ему тые два братеники | дали и зъ ихъ землами, што здавна они держивали, 8 ѿ(т)чину. | И ты бы ему ѿвзаные далъ 8 тые два братеники.

Писан | 8 Вил(ь)ни, феврал(ь) 22 день. Индиктъ 13.

Пр(а)в(ил) пан в(и)л(енский), н(а)м(естник) г(о)р(оденский)<sup>1</sup> кн(а)з(ь) Ал(е)к(сандр) | Юр(ьевич) а н(а)м(естник) нов(городский) пан Юр(ии) Пац(евич). || л. 98

Примечание. <sup>1</sup>Исправлено, в рукописи чр

## № 97

[1495 г.] марта 11. Вильна.

Вырок боѣром полоцким Васк8, Гаврил8 | а Богдан8 Сен(ь)ковичом Радковичом с подаными | ихъ свиланы<sup>1</sup> ѿ выламованье се<sup>2</sup> имъ з держан(ь)я. |

Самъ Александръ, бож(е)ю м(и)л(о)стью. |

Смотрели есмо того дела с паны радою нашою.

Жаловали нам боѣаре полоцкие Васко а Гаврило а Богдан Сен(ь)ковичи Радковича, што | ѿтец нашъ, корол(ь), его м(и)л(о)сть, дал деду их Грицку, а потом сыну его, ѿтц8 | их, Сеньк8, ѿсмъ чоловеков свиланъ в Полоцкомъ повете. А далеи

отец | же нашъ, корол(ь), его м(и)л(о)сть, и достол(ь) тых людеи все село Свиило дал | дед8 ихъ и отцу их со всимъ тым, што к тому селу здавна прислухало, и с к8ницами и з бобровыми гоны. И они почали с.а были в них | отнимати с.а, таким обычаемъ рекома, бы их в них отнал пан Аньдреи | Саковичъ, коли держал Полтескъ от<sup>2</sup> отца нашего.

И стоали ѿ том перед | нами очевисто. И Васко а Гаврило, а Богдан положили перед нами | листы отца нашего и теж пана Сен(ь)ковъ Дедикголдовича листъ, | иж ѿ том межи ними смотрел и тых людеи свилан всех выдал имъ. | И п(а)на Аньдреев Саковича лист теж перед нами положили, што в них людеи тых не отнимал.

И мы, ѿ том межи ними досмотревши, тые люди свилане прис8дили есмо Васку а Гаврилу а Богдану Сен(ь)ковичом | Радковича со всимъ тым<sup>1</sup>, што к тому селу здавна прислухает, с куницами | и з бобровыми гоны вечно подлугъ листовъ отца нашего и п(а)на | Сенькова Дедикголдовича и пана Аньдреева Саковича. Нехаи они | имъ сл8жать по тому, какъ в листех отца нашего выписано, | и вс.акую дачк8 дают.

Писан 8 Вил(ь)ни, марца 11 день. | Индикть 13. |

При т(ом) был п(а)н Ёдн Юр(ьевич), | пан троц(кии), нам(естник) полоц(кии). ||.л. 98 об.

*Примечание.* <sup>1</sup>Слово вписано над строкой

## № 98

[1495 г.] марта 14. Вильна.

Вырок межи паном Александром Ходковичом | а межи кн(а)зем Семеном Володимировичом | ѿ дел(ь)ниц8 кн(а)за Өедора Володимеровича, | до Москвы збеглого. |

Самъ Алексьандръ, бож(е)ю м(и)л(о)стью. |

Смотрели есмо того дела с паны радою нашою.

Жаловал намъ | пана Иванов сын Ходковича пан Алексьандро на дадка своего, на кн(а)за | Семена Ивановича Володимеровича ѿ отчину матки своее, ѿ дел(ь)ниц8 кн(а)за Өедорову Ивановича, рек8чи такимъ обычаемъ: «Коли брат | его а дадко мои, князь Өедор, зъехал до Москвы<sup>1</sup>, и кн(а)зь Семень | отчину матки моее, дел(ь)ниц8 его, побрал за себе ѿдин, и тепер(е) держит | без данины корола, его м(и)л(о)сти, отца вашео м(и)л(о)сти».

И стоали | перед нами<sup>1</sup> очевисто.

И кн(а)зь Семень перед нами рекъ: «Коли брат | мои, кн(а)зь Өедор, збегъ до Москвы, ино г(о)с(по)д(а)рь корол(ь), его м(и)л(о)сть, | отецъ вашео м(и)л(о)сти, тые именья, дел(ь)ницу его, взал на себе, а потом | его м(и)л(о)сть тые именья, дел(ь)ницу брата моего, кн(а)за Өедорѿв8, з ласки своео дал мне, и листы на то отца вашео м(и)л(о)сти в себе | маю».

И мы, ѿ томъ межи ними досмотревши, врадили такъ. | Которыи коли зрадца втечет от г(о)с(по)д(а)ра, чоломъ не вдаривъши, | ни на кого его именья по близкости не спад8тъ, только на г(о)с(по)д(а)ра. | Өставили есмо при тых именьях, при дельници кн(а)за Өедорѿвои, брата его, кн(а)за Семена Ивановича Володимеровича | подлугъ данины отца нашего, корола, | его м(и)л(о)сти. А пан Алексьандро | тых именей, дел(ь)ницы кн(а)за Өедоровы, под кн(а)земь Семеном не доискал с.а.

А при том были панове рада наши, княз(ь) Воитех билскѣпъ виленский, воевода виленский панъ Миколаи Радивиловичъ, | канцлер, панъ виленский, наместникъ городенский князь Александро | Юр(ь)евичъ, воевода троцкии, маршалокъ земский панъ Петръ Ёдновичъ, ||<sup>л. 99</sup> панъ троцкии, наместникъ полоцкии панъ Ёднъ Юр(ь)евичъ, староста жомоитский панъ Станислав Ёдновичъ, наместникъ новгородский панъ Ёднъ Пацевичъ и иные панове рада наша.

Писан 8 Вил(ь)ни, марта 14 ден(ь). | Инъдиктъ 13. ||<sup>л. 99</sup>

*Примечание. <sup>1</sup>Буква и полусмыта*

№ 99

[1495 г.] марта 29. Вильна.

Потвержен(ь)е Микѣле Рачиничу<sup>1</sup> на имен(ь)я Немковици,  
землю Нивковщинѣ и кѣплю его в повете Менскомъ  
Ѓтичаровское на вечность. |

Самъ Алексѣандръ, бож(е)ю м(и)л(о)стью. |

Чинимъ знаменито сим нашим листом, хто на него несмотрит, або чутичи его вьслышит, кому *ж* того будетъ потребъ ведати.

Бил намъ | чолом боарин нашъ Микѣла Радчичъ и клал перед нами листь отца н(а)шого, | корола, его м(и)л(о)сти, што *ж* призволил дадиной его Грин(ь)кови Микулича | Сон(ь)це его за сына место себе взати. А велел емѣ опекаати сѧ | ею в том именъи в Немковичох до ее живота, которое *ж* имен(ь)е дал | был первомѣ мужѣ ее Васку Чазе великий княз(ь) Жикгимонт вечно. |

А к тому отец нашъ, корол(ь), его м(и)л(о)сть, придал ему *ж* землю Нивковщинѣ, теж ѣ вотчину. А по дадиной его животе отец нашъ, корол(ь), тое | именъе Немковичи дал ему ѣ вотчину со всим тымъ, што к тому имен(ь)ю | здавна слѣшало, какъ держал Васко Чага, перьвыи муж дадиное | его, а потом и дадко его, Гринько Микулич. И просил насъ, абыхмо то | ему подтвердили нашимъ листом.

Ино мы тое именъе Немковици а тую землю Нивковцину со всим, што к тому имен(ь)ю здавна прислѣхаеть, какъ держал Васко Чага а Грин(ь)ко, подтверждаемъ сим нашимъ листомъ, ему, и его жоне, и их детем, и потом будѣчим их щадком, | вечно на веки вечные. Воленъ он тое именъе продати, и отдати, | и заменити, и к своемѣ лепьшому обернути, какъ сам налепеи роѣзмеючи.

И теж бил намъ чолом и положил перед нами листь | кѣпчи, што *ж* купил именъе в Менскомъ повете в п(а)ни Ивашковое ||<sup>л. 99 об.</sup> Алексѣандровича подскарбего, дочки княза Васил(ь)я Збарзьского, отчину ее на има Ѓтичаровское вечно. И к тому теж в ынѣших боар | прикупил землици и сеножати вечно *ж*. И просил насъ, абыхмо и тое | ему призволили, и нашимъ листом то ему подтвердили.

Ино коли он | то купил вечно отчину ее, и мы то ему призволаем и подтвержаемъ симъ нашимъ листом, теж вечно, воленъ он то отдати и продати.

А на твердость того и печат(ь) нашу казали есмо привесити | къ семѣ нашому листу.

Писан 8 Вил(ь)ни, в лето 7003, м(е)с(а)ца марта, 29 день. Индиктъ 13. |

Прик(азал) воев(ода) вил(енский) панъ Мик(олаи) | Радив(илович), канцлеръ. |

*Примечание. <sup>1</sup>Буквы чинич написаны по смытому тексту*



## № 100

[1495 г.] апреля 7. Вильна.

МаршалкѸ татарскому КелдыярѸ КуръевичѸ | на две службы  
людеи Ѹ Новгородскои волости. |

Наместнику новгородскомѸ пану Юр(и)ю Пацевичу и иным наместникомѸ  
нашимѸ, хто потом будет ѿ насъ Новгородок держати. |

Бил намѸ чолом маршалокѸ татарский Келдыяр Куръевич а просил в насъ двѸ  
человековѸ Ѹ Новгородскои волости на имѸ Ивана и з брат(ь)ею РѸсиловичовѸ.  
А поведал намѸ, што *ж* тых людеи две службы. |

Ино мы тые люди, две службы, дали ему со всеми их землами. | И ты бы дал ему  
в тоѸ ѡвазанье.

Писан Ѹ Вил(ь)ни, април(ь) 7 | ден(ь). Индикть 13.

Прик(азал) пан Гр(игорий) Стан(кович), | мар(шалок), нам(естник) мерец(кий). |

## № 101

[1495 г.] апреля 27. Вильна.

Кназю БогданѸ ИвановичѸ ЖаславъскомѸ | на четырнадцать  
слѸжобѸ в Красносел(ь)скомѸ повете. |

ТивѸну красносел(ь)скому Михну АнѸдреевичу.

Бил намѸ чолом кн(а)зь | БогданѸ Иванович Жаславъский а просил в насъ людеи  
в Красносел(ь)скомѸ повете на имѸ ПенчанѸ, тых, которые перво сего || <sup>л. 100</sup> держал  
ЮшкѸ Працькович, чотырнацат(ь) служобѸ.

Ино мы тые | люди на имѸ Пенчане дали емѸ со всеми их землами, со всим |  
по тому, какѸ держал тые люди ЮшкѸ ПрацьковичѸ. А ты бы ему | в тые люди дал  
ѡвазанье.

Писан Ѹ Вил(ь)ни, април(ь) 27 день. | Индикть 13. |

Приказ(ал) воев(ода) вил(енский) | пан Мик(олаи) Рад(ивилович), кан(цлер). |

## № 102

[1495 г.] мая 18. Вильна.

Привилеи неѸкомѸс(ь) Миките на имен(ь)е в Черкасах |  
по жоне его Ѳедковои Рачковича. |

СамѸ АлексъандрѸ, бож(е)ю м(и)л(о)стью. |

Биль намѸ чоломѸ Микита а поведал намѸ, што *ж* он перво | слѸжил наместнику  
черкасскому пану Кмите Алексъандровичу, | а потом в ЧеркасахѸ поналѸ вдовѸ  
с ыменьем на имѸ Ѳедковую РачѸковича. А к тому деи | именью ближнихѸ никого нетѸ.

И просиль | насъ, абыхѸмо ему дозволили то именье держати, а нам | с него<sup>1</sup>  
слѸжити.

Ино коли к тому именью нетѸ ближнихѸ никог(о), | и мы ему дозволили тоѸ  
имен(ь)е держати. Нехаи он тоѸ имен(ь)е дерѸжитъ со всим по томѸ, какѸ и родковѸ  
его держали, а нам с того | службу служит.

Писан Ѹ Вил(ь)ни, маѸ 18 ден(ь). Индикть 13. |

Примечание. <sup>1</sup>Слово написано по смытому тексту

## № 103

[1495 г.] июня 5. Вильна.

Привилеи пану Воитку ІѡновичѸ на две землицы, І Коптевшину  
а Палковщину къ сел(ь)цѸ его Дорогичан|скому в повете  
Волковыискомъ. І

Самъ Александръ, бож(е)ю м(и)л(о)стью. І

Бил намъ чоломъ наместникъ 8тенский пан Воитко Іѡнович, што || <sup>л. 100 об.</sup> перво  
сего дали есмо ему селцо з люд(ь)ми и з землями в повете Волковыиском І на имѧ  
Дорогичанцы. Ино того ж сел(ь)ца землицы две пѣстовщине, І здавна лежали пѣсты,  
на имѧ Копътевшина а Палковщина. И пан І Іѡнъ Шемет и инышие боаре тые две  
пѣстовщины ещо за отца І нашего, корола, его м(и)л(о)сти, розобрали.

И просил насъ Воитко Іѡнович, І ажъбыхмо ему и тые землицы две пѣстовщине,  
Копътевшину І а Палковщину, дали.

Ино коли тые две землицы пѣстовщине Коп|тевшина а Палковщина того ж  
сел(ь)ца Дорогичанского были, и мы І емѸ тые две землицы пѣстовщыны со всем,  
што к тым двумъ І землямъ слѣшало, дали.

Писан 8 Вил(ь)ни, июн(ь) 5 день. Индикт 13. І

## № 104

[1495 г.] июня 26. Вильна.

Сороце а СестренцѸ на два ѳол(ь)варки жидовских І  
в Луцком повете. І

Александръ, бож(е)ю м(и)л(о)стью. І

Старосте луцкому, маршалку Волинское земли кн(а)зю Семену Юр(ь)евичу. І

Били намъ чолом дворане наши Сорока а брат его Сестренец, сестрен|цы писара  
нашого Ѳед(ь)ковы Григор(ь)евича, и просили в нас двух І ѳол(ь)варковъ жидовских  
в Луцкомъ повете Енькова Момотливого І а Ицха Калевонovich<sup>1</sup> на имѧ Боротинов.

И мы имъ тые два ѳол(ь)варки дали. А 8взати их в тые два ѳол(ь)варки дыака  
нашого Игнаґа.

И ты бы сѧ им тых ѳол(ь)варковъ поступил, бо дали есмо І имъ 8 вотчину  
со всем с тым, што к тым ѳол(ь)варкомъ здавѣна при|слѣхало.

Писан 8 Вил(ь)ни, июн(ь) 26 день. Индикт 13. І

При т(ом) был(и) воев(ода) вил(енский), кан(цлер) І пан Мик(олаи) Рад(ивилович),  
мар(шалок) двор(ный), І нам(естник) мер(ецкий) и он(икштенский) п(а)н Гр(игории)  
Стан(кович). || <sup>л. 101</sup>

Примечание. <sup>1</sup>Буквы ал написаны по смыслу текста

## № 105

1495 г. июня 26. Вильна.

Потвержен(ь)е кн(а)зю Юр(и)ю ЧетвертенскомѸ третее І части  
имен(ь)ѧ, ему от брата его кн(а)зѧ Александрѧ записаного. І

Самъ Александръ, бож(е)ю м(и)л(о)стью. І

Бил намъ чоломъ кнѧз(ь) Юрии Четвертиньскийи, а поведал намъ, што жъ І брать  
его кн(а)зѧ Александрѧ дал и записал ему третюю часть дел(ь)ницы своее имениѧ

отчинного своего з нашимъ призволенъемъ вѣчно. И листь свои [с] съвоею печат(ь)ю на то ему дал. И тот листь брата своего, кн(а)з(а) Алексѣандровъ, и нашъ листь, которыи мы ему призволили трет[ь]ю часть брату своему, кн(а)зю Юр(и)ю, записати, перед ними вказывал. И просил насъ, абыхмо то ему потвердили нашимъ листомъ.

Ино коли брать его княз(ь) Алексѣандро дал и записал ему третюю часть дел(ь)ницы своее имениа своего отчинного з нашимъ | призволенъемъ вечно и листь свои [с] своею печат(ь)ю на то ему дал, и мы | то потвержаемъ симъ нашимъ листомъ ему, и его жоне, и ихъ детемъ, | и потомъ будѣчимъ ихъ счадомъ вечно.

А на твердость того | и печат(ь) нашу казали есмо приложити къ сему нашомъ листѣ. |

Писанъ 8 Вил(ь)ни, в лет(о) 7003 м(е)с(а)ца июн(ь) 26 ден(ь). Индиктъ 13. |

Приказалъ воев(ода) вил(енский) пан Микол(аи) Рад(ивилович), канцлер. |

## № 106

[1494/1495 г. января или декабря] 25. Вильна.

Позволен(ь)е сынѣ п(а)на Солтана Александровича | замену чинити имен(ь)емъ его Рудниками на имен(ь)е | на Нивицы в Мел(ь)ницкомъ повете. |

Самъ Алексѣандръ, бож(е)ю м(и)л(о)стью. |

Билъ намъ чоломъ маршалокъ нашъ, наместникъ слонимский панъ | Литавор Хребтовичъ а поведал намъ, што *ж* небожчикъ дада его, || *л. 101 об.* панъ Солтанъ Алексѣандровичъ, змовилъ былъ зъ ст[р]елцомъ нашимъ з Низкимъ | именеицомъ своимъ в Дорогицкомъ повете Рѣдники менити на его именеицо в Мел(ь)ницкомъ повете на имя на Нивицы. И поведал намъ пан | Литавор, што *ж* вжо Низкий и к нему в той речи приездчал, а с ним | наконецъ змовилъ тымъ своимъ именеицомъ Нивицами в Мел(ь)ницкомъ | повете менити на Рудники, подлугъ того, какъ былъ змовилъ з небожчикомъ паномъ Солтаномъ.

И билъ намъ чоломъ, абыхмо ему призволили з Низкимъ менити Рѣдники на его именеицо на Нивицы, | на пана Солтанова сына к Волчину.

Ино мы ему дозволаемъ Рудники в Дорогицкомъ повете з Низкимъ менити на его именеицо на | Нивицы в Мел(ь)ницкомъ повете к Волчину, на пана Солтанова сына | къ Волчину, по тому, какъ былъ змовилъ с тымъ Низкимъ небожчикъ | панъ Солтанъ.

Писанъ у Вил(ь)ни, 25 день<sup>1</sup>. Индиктъ 13. |

При т(ом) былъ воев(ода) вил(енский) пан Мик(олаи) | Рад(ивилович), канцлер. |

Примечание. <sup>1</sup>Месяц не указан

## № 107

[1495 г.] июня 20. Вильна.

Позволен(ь)е Сен(ь)ку на кѣпен(ь)е землицы | 8 боар еишишскихъ. |

Алексѣандръ, бож(е)ю м(и)л(о)стью великий княз(ь) литовский. |

Билъ намъ чоломъ служебникъ наместника новгородского пана Юр(ь)я | Паевича Сенько а поведал намъ, што *ж* кѣпилъ землицѣ 8 в Еишишскомъ повете

в боаръ въ Іднѣка а въ Довѣта Доцевичов, мате|ризу их на има Задѣмблю<sup>[1]</sup>. А таа деи земляца не дакол(ь)наа, боар|скаа. А тые боаре опришние земляцы мають, с чога нам зем|скю службу заступати. И просил насъ, ажбыхмо ему призволили в тых боар тѣю землицѣ кѣпити.

Ино коли таа земляца не | дакол(ь)наа, а тые боаре зем|лицы опришние мають, | с чога намъ службѣ зем|скую заступати, и мы ему призволили || <sup>л. 102</sup> в тых боар тѣю землицѣ купити вечно.

Писан 8 Вил(ь)ни, июн(ь) 20 дени. Индикть 13. |

Пр(авил)<sup>1</sup> охмис(тр), нам(естник) ѣтен(ский) | пан Воит(ех) Іднов(ич). |

*Примечание.* <sup>1</sup>Возможна реконструкция Пр(иказал)

#### № 108

[1495 г.] июля 8. Вильна.

Привилеі Саве кушнерѣ на дворец | въ Троках Шломинскии  
на вечность. |

Алекѣсандръ, бож(е)ю м(и)л(о)стью. |

Биль намъ чоломъ кѣшнеръ нашъ Сава и просил в насъ дворѣца | в Троцох, што жидъ Шлома держалъ.

И мы ему тои дворец | Шломинскии дали и съ животиною, што в томъ дворѣцы | есть, и зъ житомъ и со вѣсимъ с тымъ, какъ Шлома держал, | вечно.

Писан 8 Вил(ь)ни, июл(ь) | 8 день. Индикть 13. |

Пр(авил)<sup>1</sup> мар(шалок), нам(естник) слон(имский) | пан Литавор Хребтов(ич). |

*Примечание.* <sup>1</sup>Возможна реконструкция Пр(иказал)

#### № 109

[1495 г.] июля 13. Вильна.

Потвержен(ь)е боаринѣ полоцкому Сеньку Григор(ь)евичѣ  
на некоторые земляцы, купли его, | на Вѣсвай<sup>1</sup> etc. |

Самъ Алекѣсандръ, бож(ь)ю м(и)л(о)стью. |

Биль намъ чоломъ боарин полоцкии Сенько Григор(ь)евичъ, а поведал | намъ, што ж покѣпил земляцы в слугъ наших путных на Вѣсвай<sup>[1]</sup>, в Макѣ|сима Ѣсиповича а въ Еремеѣ Ідкимовича, а в братанича его, в Хар|пы Ідкововича, а в Харпа, а во Ѣксентеѣ Демидовичов, а в Гришка | Ѣмел(ь)ѣновича, а въ Петра Игнатовича, а въ Дорошѣка, а въ Ідкова, | а въ Еремеѣ Ідкимовичовъ, а въ Кѣприана Ѣеодоровича Аристовича, а в Лѣки Проѣевича, а в Сидора, а въ Левона Ѣльяновичовъ, а в Семена Микѣлича Павловича, а в Павла Прокоѣевича, | а в братанича его Ѣлѣера, а в Ыисаѣ Трухоновича, и въ его бра|таничовъ || <sup>л. 102 об.</sup> с призволеньем небожчиковъ пана Ѣлехна Сѣдимонтовича а пана Богдана Аньдреевича, какъ держали ото оица нашего, корола, его | м(и)л(о)сти, Полтескъ. А потом деи отец нашъ, корол(ь), его м(и)л(о)сть, тые земляцы ему подтвердилъ своимъ листом.

Ино коли он бѣдет тые земляцы | покупил с призволеньем наместниковъ оица нашего, пана Ѣлехна | Сѣдимонтовича, а пана Богдана Аньдреевича, какъ держали отъ его | м(и)л(о)сти Полтескъ, а отец нашъ теж будет ему тые земляцы

потвердилъ листом своим, ино мы ему то подтверждаем симъ н(а)шим | листомъ. Нехаи он тые землицы держит, а нам с того служит, как | и перво с тых земль служба шла.

Писан 8 Вил(ь)ни, июль | 13 день. Индиктъ 13. |

*Примечание.* <sup>1</sup>Слово написано другим почерком

## № 110

[1495 г.] июля 14. Вильна.

Позволен(ь)е ІѦнѦ КотовичѦ а Миколаю Зави|шичѦ опекати с а имен(ь)ями дочок пана ІѦна | Мишковича ІѦковича, покѦль замуж поидѦть. |

АлекѦсандрѦ, бож(е)ю м(и)л(о)стью. |

Били намъ чоломъ дворане наши ІѦнѦ Котович а Миколаи Зави|шичѦ, а поведали намъ, што ж змовили за себе дочки пана ІѦновы Мишковича<sup>1</sup> ІѦковича, старшую змовил Миколаи ЗавишичѦ, | а мен(ь)шую змовил ІѦнѦ КотовичѦ. Нижтли деи ещо тые девкы | лет не доросли, а имени их опекает с а дадо их Станько Юр(ь)евич. | И просили насъ, абыхмо тые имен(ь)я, отъчину тых девокъ, | полецили<sup>2</sup> Ѧв опеку им<sup>3</sup> до тых местъ, поки с а Ѧни с тыми девками<sup>4</sup> поимуть. А Ѧни мают нам с тых именеи службу земьскую | застѦпати<sup>5</sup> по Ѧсми коней Ѧ зброах.

Ино коли Ѧни нам с тых именеи | слѦжбѦ застѦпати<sup>5</sup>, и мы им тые имен(ь)я полецили<sup>6</sup> Ѧв опеку. Нехаи Ѧни | тые именья Ѧ своеи опеце мають до тыхъ местъ, поки с а с тыми девками поимуть. А коли с а Ѧни с тыми девками поимѦтъ, и Ѧни тогды тые именья | межи собою поделать. А Ѧвзати ихъ в тые именья ||<sup>а</sup>.<sup>103</sup> послали есмо дворенина нашего Сенька Котовича.

Писан 8 Вил(ь)ни, июл(ь) 14 день. Индиктъ 13. |

При т(ом) был м(а)р(шалок), н(а)м(естник) слон(имский) пан | Лит(авор) Хреб(тович), мар(шалок), нам(естник) моишо(гольский) | и дуб(енский) пан Бар(тош) Табо[рович]. |

*Примечания.* <sup>1</sup>Первая буква и написана по смытому тексту <sup>2</sup>Буква е исправлена из другой <sup>3</sup>Буква м написана по смытому <sup>4</sup>Буква в написана по смытому тексту <sup>5-5</sup>Написано на нижнем поле со знаком вставки <sup>6</sup>Буква е исправлена из другой

## № 111

[1495 г.] июля 15. Вильна.

Кназю ВоитехѦ, бискупу виленьскомѦ | на дома в месте  
ГороденскомѦ жидо|вьские и на Ѧол(ь)варки. |

Самъ АлекѦсандрѦ, бож(е)ю м(и)л(о)стью. |

ПанѦ виленьскому, наместнику городеньскомѦ кн(а)зю Александру | Юр(ь)евичѦ.

Дали есмо дома в месте ГороденьскомѦ жидо|вские и Ѧол(ь)варьки ихъ Богданьцовъ Хацьковича <sup>1</sup>а Ил[ь]и<sup>1</sup> Жи|лкѦнчича кн(а)зю ВоитехѦ, бискупу виленьскому, зъ землями и с селножат(ь)ми, и со всимъ тым, што к тымъ Ѧол(ь)варкомъ здавна прислѦхает, вечно.

Писан 8 Вил(ь)ни, июл(ь) 15 день. Индиктъ 13. |

Прик(азал) пан вил(енский), нам(естник) гор(оденский) | кнз(ь) Алек(сандр) Юр(ь)еви[ч]. |

*Примечание.* <sup>1-1</sup>Написано по смытому тексту

## № 112

[1495 г.] июля 23. Вильна.

Потвержен(ь)е Васил(ь)ю Хребътовичу купли его | на имен(ь)е  
Конюхи, Защитов, Белое Поле. |

Алекъсандръ, бож(е)ю м(и)л(о)стью. |

Биль намъ чолом наместникъ володимерский Василеи Хребътович | а поведал намъ, што *ж* он купил сельцо на има Конюхи, а Защитов, | а Белое Поле в земах володимерскихъ. И просиль насъ, абыхъмо | то емъ призволили кѣпити и потвердили нашимъ листом. |

Ино коли онъ тое сельцо кѣпилъ в земахъ володимерскихъ | вечно, а не <sup>1</sup>в смердовъ<sup>1</sup>, и мы призвамъ ему тое сел(ь)цо || л. 103 об. Конюхи, а Защитовъ, а Белое Поле кѣпити. И потвержаемъ то | ему симъ нашимъ листом.

Писанъ 8 Вил(ь)ни, июл(ь) 23 день. | Индиктъ 13. |

*Примечание.* <sup>1-1</sup>Буквы в см написаны по смытому тексту

## № 113

[1495 г.] июля 25. Вильна.

Миколаю Юндилъ на пѣстовщинъ | въ Волковыискомъ повете  
Нероновскую | Колышчича. |

Самъ Алексъандръ, бож(е)ю м(и)л(о)стью. |

Маршалку нашему, наместникъ волковыискому пану Воитехъ Кучѣковичу.

Биль намъ чолом кухмистръ великое кн(е)гини наше, тивун | коневский и дѣбицкий Миколаи Юндилевичъ и просил в насъ 8 Волковыискомъ повете над своимъ прудомъ пѣстовщины на има Нероновое Колышчичина, пол(еи) и сеножатеи.

И мы ѿ том до тебе писали, | ажъ бы еси ѿ той пѣстовщине доведал с а и до насъ отписал. И ты | ѿ томъ до насъ писал и <sup>1</sup>самъ еси<sup>1</sup> очевисто намъ поведил, што *ж* | таа пѣстовщина лежит давно пѣста, а наследка к ней никого | нет.

И мы ему тую пѣстовщину Нероновскую Колышчича дали | со всим, с пол(ь)ми и съ сеножатъми, по тому, какъ тот Нерон держаль | вечно.

Писанъ 8 Вил(ь)ни, июл(ь) 25 день. Индиктъ 13. |

При(т)омъ был мар(шалок) двор(ный), нам(естник) | мер(ецкий) и оник(штенский) пан Гриз(орий) Стан(кович). |

*Примечание.* <sup>1-1</sup>Написано по смытому тексту

## № 114

[1495 г.] июля 27. Вильна.

Кнзю Богданъ Оедоровичу на именеицо в Мен(скомъ) повете  
Кратовича а Котевича. |

Самъ Алексъандръ, бож(е)ю м(и)л(о)стью. |

ДворанинѸ нашомѸ кн(а)зю ЛьвѸ.

Што дали есмо тебе именеицо | в Менскомъ повете Кгиартуовича а Кготевича, ино просил || <sup>л. 104</sup> в насъ того именеица намѣстникъ пѣтивльскии кн(а)зь Богдан Ѡедорѡвичъ и мовил перед нами, ижъ хочет ѡ том с тобою згодити сѧ | и хочет тебе до смерти твоее ховати. Про тож, штобы еси с ним | в том згодил сѧ, нехаи он тое именьє з ласки наше держить, а тебе | до смерти твоее ховает и по смерти дѣшею сѧ<sup>1</sup> твоею печалует. Веджо, | ѡднако, жоны и дети не маешъ, а тое именеицо естъ в нашей воли. |

А если бы еси не хотел в том зъ нимъ згодити сѧ, и мы ему тое именеицо дали по твоем животе.

Писан Ѹ Вил(ь)ни, июл(ь) 27 день. | Инъдиктъ 13. |

Прик(азал) воев(ода) вил(енский) пан | Мик(олаи) Рад(ивилович), кан(цлер). |

*Примечание.* <sup>1</sup>Слово вписано над строкой

№ 115

[1495 г.] июля 28. Вильна.

МанцѸ КалѸсовскомѸ на тры дворища | села Вербичъна  
Ѹ Володимерскомъ повете. |

Самъ Алексѧндръ, бож(е)ю м(и)л(о)стью. |

Наместнику володимерского пану Васил(ь)ю Хребътовичу.

Бил нам | чоломъ дыкъ нашъ Манецъ КалѸсовскии, а поведал намъ, што жъ | кѣпил был землю в Дорогицкомъ повете в Лутове на има Локво. | Ино тую землю его место наше новое Высокое посело<sup>1, [1]</sup> и на волюки померили. И просил в насъ противъ тое земли ѡтмены трех | дворищъ, села на има Вербичъна Ѹ Володимерскомъ повете в Тѣрису.

И мы ему тые три дворища, село Вербичну и з люд(ь)ми дали, | а полаты и подводы ѡтпѣстили есмо ему. А дали то есмо | ему до нашего ѡсмотренья. А ѡвзати его казали есмо | в тые дворища дворенину нашомѸ Сенюте.

Писан Ѹ Вил(ь)ни, | июл(ь) 28 день. Инъдиктъ 13. || <sup>л. 104 об.</sup>

*Примечание.* <sup>1</sup>Слово написано по смытому тексту

№ 116

[1495 г.] июля 27. Вильна.

Кназю БогданѸ ѠедоровичѸ на села | Бобровое, а ГолѸбеевъ  
а Родивоѡново в Киевском повете и в Черкасех. |

Самъ Алексѧндръ, бож(е)ю м(и)л(о)стью. |

Биль намъ чоломъ намѣстникъ путивльскии кн(а)зь Богдан Ѡедорѡвичъ, поведал намъ, што жъ кн(а)зь Глел(ь)ко и кн(а)зь Семень подавали ѡтцѸ его, кн(а)зю ѠедорѸ, села в Киевском повете ѡв Олевъскои волости | на има Бобровое, а в Завскои волости ГолѸбеевъ, а въ Черкасехъ | Радивоново. А потом деи и ѡтецъ нашъ, корол(ь), его м(и)л(о)сть, тые села | ѡтцѸ его и ему потвердилъ и дал им на то листь свои на паркгамеѡне с привесистою печатью. И как деи Киевъ татарове сожгли, ино | деи тотъ привилеи тогды жъ в Киеве згорел.

И просил насъ, абыхмо | тые села потвердили нашим листом. Ино на тотъ часть тых книг | при насъ не было, в которых книгах тое привил(ь)е записано, колгорымъ привил(ь)емъ отец нашъ, корол(ь), его м(и)л(о)сть, | потвердилъ.

И мы ему на то дали сесь нашъ листь. Нехаи он тые | села держить по томъ, какъ княз(ь) Глел(ь)ко и княз(ь) Семен отцъ его | подавали. А коли тые книги при насъ будѣть, и мы ему тые | села с того списка, што с привил(ь)я вписано в книги, потвердимъ нашим листомъ.

Писанъ 8 Вил(ь)ни, июл(ь) 27 день. | Индиктъ 13. |

Прик(азал) воев(ода) вил(енский) кан(цлер) | пан Мик(олай) Рад(ивилович). |

## № 117

[1495 г.] июля 27. Вильна.

Лист кн(а)зю Богданъ Оедоровичъ до наместника | черкаского ѿ несужен(ь)е слуг и людеи его. |

Самъ Александръ, бож(е)ю м(и)л(о)стью. |

Наместнику черкаскому пану Кмите Александровичу.

Говорил || <sup>л. 105</sup> намъ наместникъ пѣтивльскии кн(а)зь Богдан Оедорович, што ж там слуги | и люди ег(о) в Черкасах живут, и ты деи тые слуги и люди его судии и радиии | и вины, и пересѣды на них берешъ. Ино вед(ь) мы на то вам право нашо | дали, всеи земли Киевскои, што врадникъ нашъ не мает слугъ и людеи | кн(а)зьских, и паньских, и боарских ни сѣдити, ни радити, а ни вин, а ни пересѣдовъ на них брати, ни жили коли з нашим чоловеком пригодить сѧ | князьскомъ, або панскому чоловеку, а любо боарскому право мет(и), | ино тогды враднику нашему сѣдити его чоловека зъ его суд(ь)ею. А коли | бѣдет нашъ ч(о)л(о)век<sup>1</sup> винен, ино з него намъ вина. А коли княз(ь)скии, або панскии | чоловекъ, а любо боарскии чоловекъ будет винен, ино вина тому, чии | чоловек.

Про то ж приказѣмъ тебе, ажъ бы еси слугъ и людеи | его ни сѣдил, ни радил и винъ и пересудов на них не брал, подлугъ | права вашого, што есмо вам дали в сеи земли Киевскои.

Писан | 8 Вил(ь)ни, июл(ь) 27 день. Индиктъ 13. |

Прик(азал) воев(ода) вил(енский) пан | Мик(олай) Рад(ивилович), кан(цлер). |

Примечание. <sup>1</sup>Слово вписано над строкой

## № 118

[1495 г.] июля 27. Вильна.

Борисъ Семеновичъ на слободкѧ | в Смоленском повете. |

Александръ, бож(е)ю м(и)л(о)стью. |

Наместнику смоленскому, пану Юр(и)ю Глебовичъ.

Бил намъ чолом дворецнинеи нашъ Борисъ Семеновичъ, а поведал нам, што ж менѧ | имельне з небожчикомъ кн(а)земъ Михаилом Ивановичом Одоевским. Кн(а)зь | Михаил дал емъ именье свое на имѧ Жаринъ кром(е) Слободки, што | к Жаринъ слѣшало, ни жили тол(ь)ко записал емъ дань медовую съ | Слободки. А Борисъ емъ дал именье свое на имѧ Тариев. И лист | на то кн(а)за Михайловъ перед нами



вказывал и просил нас, абылмо емѣ тѣю Слободкѣ и з слѣжѣбами, и з иньшими пошлинами дали. |

И мы емѣ тѣю Слободкѣ съ службами и з иньшими пошѣлинами | дали, со всим с тым, какъ держал князь Михаило. А дали то || л. 105 об. есмо емѣ до нашего ѿсмотрен(ь)я. А ѡвзати его послали есмо в тую | Слободку дворенина нашего Аньдреѣа Семеновича.

Писан ѣ Вил(ь)ни, | июл(ь) 27 день. Индиктъ 13. |

Приказал воев(ода) вил(енский) пан | Мик(олаи) Рад(ивилович), кан(цлер). |

## № 119

[1495 г.] августа 11. Вильна.

Городничому смоленскому Ѳедорѣ Полтевичу | на землю Колѣпаевщину а Ивановѣ стры|менников<sup>1</sup> въ Смоленску <sup>2</sup>уво Ѣзариничох<sup>2</sup>. |

Александрѣ, бож(е)ю м(и)л(о)стью. |

Наместнику смоленскому пану Юр(и)ю Глебовичу и иньм наместником | нашим, хто будет потомъ ѿт насъ Смоленскѣ держати.

Бил намѣ | чолом городничии смолен(ский)<sup>3</sup> Ѳедор Полтевичъ и просил в нас землицы | в Смоленску на има Колѣпаевщины а брата его Ивановы стримен|никовъ ѡво Ѣзариничох<sup>1</sup>. А поведал намѣ, што ж с тол(ь)ю земли | хоживало намѣ по десатерѣ стримен в кажды год.

И мы ему тую | землицѣ Колѣпаевщину а брата его Иванову дали вечно.

Писан | ѣ Вил(ь)ни, август 11 день. Индикт 13. |

Приказал воев(ода) вил(енский) пан | Мик(олаи) Рад(ивилович), кан(цлер). |

Примечания. <sup>1</sup>Буква о исправлена из и <sup>2-2</sup>Написано по смытому тексту <sup>3</sup>Далее смыто 2–3 буквы, читается юр

## № 120

[1495 г.] августа 10. Вильна.

Дьякѣ Сысою на ѡл(ь)варокѣ Конюковичовѣ  
в Городенскомѣ повете. |

Самъ Александрѣ, бож(е)ю м(и)л(о)стью. |

Пану виленьскому, наместнику городенскомѣ кн(а)зю Александру | Юр(ь)евичѣ и иньм наместником нашимъ, хто потомъ будет ѿт насъ | Городен держати.

Бил намѣ чолом дьякѣ нашѣ Сысой и просил | в насъ ѡл(ь)варка в Городенскомѣ повете Конюковичовѣ Богданова<sup>1</sup> || л. 106 а Кишлова<sup>2</sup>, а Шломина, а Нахимова, а Мошеева, а Ко|зел(ь)ского, всих шести братениковѣ.

И мы тот ѡл(ь)варокѣ их ѡтчизный, | и што теж будут ѡни к тому ѡл(ь)варку прикѣпили вечно земель, и сеножатеи, и гаевъ, емѣ дали вечно со всимъ с тым, што здавна к тому | ѡл(ь)варкѣ прислѣхает. Нижъли што будут тые Конюковичи земель | и сеножатеи к томѣ ѡл(ь)варкѣ в люди наших позакѣпали не вечно, | тые земли и сеножатеи люди наши мают за са взати, а п(е)н(а)зи мают | намѣ ѡтложити.

Писан ѣ Вил(ь)ни, августъ 10 ден(ь). Индикт 13. |

Примечания. <sup>1</sup>Слово написано дважды <sup>2</sup>Обе буквы в исправлены из других

## № 121

[1495 г.] августа 19. Вильна.

Городничому смоленскомѸ ѲедорѸ ПолтевичѸ | на сел(ь)цо  
въ Смоленскомъ повете. |

АлексъандрѸ бож(е)ю м(и)л(о)стью. |

Наместнику смоленскому пану Юр(и)ю Глебовичу.

Бил намѸ чолом городничии смоленьскии Ѳедор ПолтевичѸ а просил в насѸ села з людьми | в Смоленскомъ повете Максимовское волости на има Ѳедоса Маллахова, а Иванька Полбянова з братьею, а Гуртемовых дети | и з ихъ потужниками. А поведал намѸ, што ж тол(ь)ко с тых людееи одна | слѸжба идет побережнаа.

И мы емѸ тое сел(ь)цо с тыми люд(ь)ми и з | ихъ потужники дали. И ты бы ему в тое село ѡвзаные дал.

Писан | 8 Вил(ь)ни, августъ 19 день. Индикть 13. |

Прик(азал) воев(ода) вил(енский) пан | Мик(олаи) Рад(ивилович), кан(цлер). |

## № 122

[1495 г.] августа 17. Вильна.

Привилеі кн(а)зю ИванѸ ДашковичѸ на именеицо Гостомль  
в Киевскомъ повете. |

АлексъандрѸ, бож(е)ю м(и)л(о)стью. |

Биль намѸ чоломъ дворенинѸ нашѸ кн(а)зѸ Иван Дашкович | просил || л. 106 об. в насѸ именеица в Киевскомъ повете на има Гостомля, што дал был | панѸ Юреи Пацович Сеньку Володковичу ещо за оцѸца нашего, короля, его м(и)л(о)сти, какъ держаль оцѸ его м(и)л(о)сти КиевѸ.

И мы ему тое именеицо Гостомль дали зѸ землями, и сѸ сеножат(ь)ми, и з бобровыми | гоны, и со всѸми с тым, што к томѸ именеицѸ здавна прислухает. |

ПисанѸ 8 Вил(ь)ни, августъ 17 день. Индикть 13. |

Прик(азал) воев(ода) вил(енский) пан | Мик(олаи) Рад(ивилович), кан(цлер). |

## № 123

[1495 г.] августа 10. Вильна.

Вырок межи кн(а)зем Костентином Крошинским | а Борисом  
Семеновичом ѡ примовкѸ ѡдномѸ ѡт дрѸгоз(о). |

АлексъандрѸ, бож(е)ю м(и)л(о)стью. |

Стояли перед нами в праве казначеи смоленьскии княз(ь) Костантин | Крошиньскии з наместникомъ деменьским з Борисомъ Семеновичом. |

Жаловал намѸ княз(ь) КостантинѸ Крошинский на Бориса: «Зваль ма, | г(о)с(по)д(а)рѸ, БорисѸ татем. БѸдѸчи в СмоленскѸ абых ја сем(ь)<sup>1</sup> волостеи | твоеи м(и)л(о)сти, г(о)с(по)д(а)ра моего, закрал безѸ данины оцѸца вашео м(и)л(о)сти | и вашео м(и)л(о)сти, г(о)с(по)д(а)ра моего, и теж абыхъ переписан былѸ | в него в мошне, а мель<sup>2</sup> того на мене перед вашею м(и)л(о)стью, г(о)с(по)д(а)рем | моимѸ, довести».

И много ѡ томѸ перед нами мовили межи | собою. И мы Бориса Семеновича пытали: «Маешь ли какии на нег(о) | довод, абы он семѸ волостеи наших закрал?»

И Борисъ перед нами | рекъ: «Мовил деи есми ему против его словъ, што ма ѿн назвалъ | лихого бат(ь)ка сыном, зрадчичомъ». И Костантинъ рекъ: «Што ѿ | тебе рекъ, то и тепер(е) мовлю, хочѣ того на тебе довести, | а рекъ ѿ то тебе, коли мовил, назвал татем, ажбых ѿ г(о)с(по)д(а)рьских | семь волостей закрал и сежѣ в тебе в мошне, переписан, тогдым то тебе рекъ, и тепер(е) то тебе знаю».

И много сѧ ѿ то || <sup>л. 107</sup> спирали. Борисъ мовить: «Ты ми первей примовилъ». А Костантинъ | мовить: «Ты ма *первей* назвал татем». И сослал сѧ Костантин ѿ то | на пана Юр(и)ѧ Глебовича, наместника смоленского, и на боѧр, котрых к немѣ ѿ томъ слове посылал. «И ты ми деи, Борисе, тыми | боѧры ѿтказал, што с то на мене мовил и далеи хотел еси мовит(и)». И Борисъ сѧ на пана Юр(и)ѧ и на боѧр не послать.

И мы Бориса спытали: | «Мовил ли еси на него тые слова, же бы ѿн семь волостей нашихъ | закрал?» И Борисъ перед нами ѿ томъ на него жадного доводѣ не | даль.

И мы кн(а)зѧ Костентина в том ѿправили.

А потом Борис | мовил перед нами на кн(а)зѧ Костантина, иж бы ѿн боѧр наших смоленских Бубна а Дѣденка Сѣморока, а Моревича земли<sup>[1]</sup> моцно | за себе забрал. А с того нам жадное службы нет.

И княз(ь) Костантин | перед нами рекъ: «Правда есть, слѣжать в мене боѧре смоленские | Бубень а Дѣденковъ Сѣморокъ добровол(ь)но съ сукни без именеи, | <sup>3</sup>а з их имен[ей]<sup>3</sup>, што под г(о)с(по)д(а)ремъ мают, сполна г(о)с(по)д(а)ру, его м(и)л(о)сти, служба идет. Нижли | што се тычет Моревича, в того есми купил землю с призолен(ь)емъ | и потверженьем г(о)с(по)д(а)ра корола, его м(и)л(о)сти».

И мы Бориса Семеновича пытали: «Маешъ ли ты, Борисе, ѿ том на него довод, штобы | ѿн наши боѧре забрал моцне за себе съ имен(ь)и, и нам службы не | было?» И Борисъ перед нами на него ѿ том доводѣ никакого не вчинил.

И мы в том кн(а)зѧ Костантина ѿправили и при чести есмо | его ѿставили.

А далеи Борисъ примовил кѣ ч(е)сти дедѣ, и ѿтцѣ, и матце кн(а)зѧ Костантиновича, и широко ѿ том перед нами межжи собою розъмовляли. Потом Борисъ того ничего на него | не довел.

И мы в том кн(а)зѧ Костентина ѿправили и деда, и ѿтца | его, и маткѣ его, и его самого при чести есмо zostавили<sup>4</sup>.

А далеи Борисъ на кн(а)зѧ Костантина перед нами рекъ: «Ведаю бо ѿ | ещо на тебе и иных речей много, але какъ того часъ будет, | тогды будѣ мовити». И кн(а)зѧ Костантинъ перед нами рекъ: || <sup>л. 107 об.</sup> «Ведаешъ ли на мене што, мовъ тепер(е) перед г(о)с(по)д(а)ремъ, его м(и)л(о)стью, и ѿ сѧ рад того | всего перед его м(и)л(о)стью справит(и). А потомъ ты можешъ приятелей моихъ направити, або накѣпити на мене, а мовити на мене, што хотѧ».

И мы Бориса вспытали: «Ведаешъ ли што на него, какие речи, мовъ на него теперо, перед нами». | И Борисъ перед нами иншого ничего не мовил и доводѣ не вчинил.

И мы ему приказали, абы далеи на честь его не стагал, и дал ему в томъ покои. И во всем есмо кн(а)зѧ | Костантина, ѧко слѣгу нашего верного, ѿправили. И деда, и ѿтца его, и маткѣ | его, и его самого при чести zostавили.

Писан ѣ Вил(ь)ни, августъ 10 ден(ь). | Индиктъ 13. |

Примечания. <sup>1</sup>Слово написано по смытому <sup>2</sup>Буква є исправлена из и <sup>3-3</sup>Написано на правом поле <sup>4</sup>Буквы ли написаны по смытому тексту

## № 124

[1495 г. августа 15–26]. Вильна.

Зоставен(ь)е княжен Мстиславских на Мстиславли, | отчине их, покул(ь) замѣж поидѣт. |

Какъ были княжны Мстиславьские, княжна Настас(ь)я а княжна Ъльяна, ѣ г(о)с(по)д(а)ра, | его м(и)л(о)сти, ѣ Вил(ь)ни ѡ Матѣце бож(е)и первой индикта третего надесѣт(ь) и били | его м(и)л(о)сти чолом ѡ отчине своем, ѡ Мстиславли и ѡ иных городех и ѡ волостех Мстиславьских.

Ино г(о)с(по)дарь, его м(и)л(о)сть, великии княз(ь) отказал имъ через пана Николая | Радивиловича, воеводѣ виленского, таким обычаем. Ажъ бы княжны, их м(и)л(о)сть, | поехали за сѣ до Мстислава и мешкали на Мстиславли и на всеи отчине своем, | што держал дед ихъ, кн(а)зь Юрей, и отец ихъ, княз(ь) Иван, вымена, што будет отец | его м(и)л(о)сти, корол(ь), придал кн(а)зью Юр(и)ю а кн(а)зью Ивану именеи и людеи. Тую данину отѣца своего его м(и)л(о)сть г(о)с(по)дарь берет к своеи воли.

А княжнамъ, их м(и)л(о)сти, казал мешкати | на отчине своем, пока их м(и)л(о)сти дасть богъ ѡблюбенцовъ. А коли им богъ даст | ѡблюбенцовъ княжат, которые будѣт ровни имъ, тогда его м(и)л(о)сть | г(о)с(по)дарь хочет ѡ их м(и)л(о)сти мыслити, а их не хочет | ѡпѣстити, тако кровных своих. |

А богаром всим казал их м(и)л(о)сти послѣшнымъ быти во всем, какъ то го(сподаринь) своихъ. || *л. 108*

## № 125

[1495 г.] августа 22. Вильна.

Привилеі кн(е)гини Анъне Ѳедоровои | на именье Черевачичи а Грѣшовѣю | до живота. |

Алекѣсандрь, бож(е)ю м(и)л(о)стью. |

Была намъ чолом кн(е)гини Ѳедороваа Ивановича, кн(е)гиня Анъна, а поведала нам, | што жъ matka ее, кн(е)гини Семеноваа Романовича, кн(е)гини Ульяна, записала ей ѣ вене своем | именье, дворец свои Черевачи а Грѣшовую по своем животе со всим, з люд(ь)ми и з данью, | со всимъ с тым, што здавна к томѣ дворецѣ Черевачичом а к Грѣшовои прислухаетъ. | И листь матки своее перед нами вказывала, и просила насъ, абхмо ей тот дворец | Черевачи и Грѣшовѣю дали подлугъ записѣ матки ее.

Ино мы ей тот дворец Черевачи | а Грѣшовую дали после матки ее живота до ее живота со всим с тым, што к тому | здавна прислѣхает, какъ ей matka ее записала.

А пану Юр(и)ю Пацовичѣ и сестре | ее кн(е)гини Ивановои в тот дворец Черевачи а в Грѣшовѣю не надобе встѣпати. А естли бы сестра ее хотела в том дворци дел(ь)ницѣ мети, и она ей мает ѡтложити | тые п(е)н(а)зи, што ей matka ѡтписала на тых именьях.

А на твердость того | и печат(ь) нашѣ казали есмо приложити к сему нашомѣ листѣ.

Писан ѣ Вил(ь)ни, | авгѣсть 22 день. Индик[г]ѣ 13. |

## № 126

1495 г. сентября 24. Городно.

Потвержен(ь)е панѠ ЛитаворѠ ХребтовичѠ на именеица  
на Жагереве в Сверженском повете и на имен(ь)е  
Полонку etc., | кѠплю его. |

АлекѠсандръ, бож(е)ю м(и)л(о)стью. |

Биль намѠ чоломѠ маршалокѠ нашѠ, наместникѠ слонимьскии пан ІѠнь  
Литавор Хребтовичъ и положил перед нами листъ отца нашего, корола, его  
м(и)л(о)сти, || л. 108 об. што ж его м(и)л(о)сть дозволил писарѠ своемѠ, ПетрашкѠ  
ѠминичѠ Любича, кѠпити | именье в Сверженском повете на има Жатеревъ, што  
жъ держал ІѠнько, кн(а)за | Николаевъ брат, бискѠпа виленского. А давал тые  
п(е)н(а)зи за тое именье с корола, | его м(и)л(о)сти, приказанья кн(а)зю АнѠдрею  
небожчикѠ, бискѠпу виленскомѠ. И ПетрашкѠ тое свое имен(ь)е Жатеревъ продал  
емѠ вечно.

И теж положил перед нами лист | отца нашего, корола, его м(и)л(о)сти, на  
дворец Гармановский<sup>[1]</sup> городничого виленского | на Жатереве въ Сверженском  
повете, што был его м(и)л(о)сть дал тот дворец Еску | ДмитровѠ з дет(ь)ми. И он  
тот дворец Гармановский на Жатереве, данину отца | нашего, кѠпил въ Ескова сына  
Дмитрова, в БѠхона, теж вечно.

А ч(о)л(о)в(е)ка зъ землею | слѠжбѠ кѠпил въ Сверженском же повете в кн(е)гини  
Маиковое АсанчѠковича на има | ИсѠповѠщинѠ.

И теж отец нашѠ, корол(ь), его м(и)л(о)сть, дал был озеро подле Троковъ | жидѠ  
троцкомѠ ЗѠбьчѠ ѠтабеевичѠ на има ѠпѠвѠшиѠ. И он тое озеро кѠпил | в сына его,  
в ЗѠбца, в жида.

Також кѠпил село в боар новгородских, в Коташа | Беликовича, а в ПѠтаты  
Климовича, а въ КопѠта Васковича, а в Матецкого ТишѠковича на има ПолонкѠ  
з люд(ь)ми и з землями вечно. И всех тыхъ вышеписанных | листы кѠпѠчие перед  
нами вказывал, и бил нам чолом, абымо то ему призволили | покѠпити и потвердили  
нашимъ листом.

И мы емѠ призволаем покѠпити | и потвержаемъ симъ нашим листом вечно емѠ,  
и его жоне, и их детем, и ближним | их, и потом бѠдѠчим ихъ счадкомѠ.

А на твердость того и печат(ь) нашу казали | есмо приложити к семѠ нашемѠ  
листѠ.

Писан в Городне, в лет(о) 7004, | м(е)с(а)ца сентебра 24 дна. Индиктъ 14. |

При т(ом) бил во(е)в(ода) тр(оцкии), мар(шалок) | зем(ский) пан Пет(р)  
ІѠнович. |

## № 127

[1495 г.] октября 2. Городно.

Потверженье ІѠкубу КунцевичѠ купли | его на земљу  
и човека на Сомаве. |

АлексанѠдръ, бож(е)ю м(и)л(о)стью. |

Бил намѠ чолом ІѠкубъ Кунцевичъ и вказывал перед нами листъ, што жъ кѠпилъ ||  
л. 109 в боарина нашего, в Петра Мицевича, землю его отчизнѠю и ч(о)л(о)в(е)ка

теж *отчинного* | на *има* Роста а *Пет(ь)ка* и з ихъ *дет(ь)ми* на *Сомаве*. И просил нашь, абыхмо емѣ тѣю землѣю и того ч(о)л(о)в(е)ка призволили кѣпит(и) и подтвердили нашим листом.

Ино коли | *тот* *Петръ Мииковичъ* продал емѣ землю свою *отчинную* и ч(о)л(о)в(е)ка теж *отчинного*, | и мы емѣ призволаем тую землю и того ч(о)л(о)в(е)ка *Роста а Петка* и з ихъ *дет(ь)ми* | кѣпит(и). И подтверждаем то емѣ сим нашим листом.

Писан в *Городне*, *октебра 2* | *ден(ь)*. *Иньдиктъ 14*. |

## № 128

[1495 г.] *октябрь 2*. *Городно*.

*Вырок панѣ Воиткѣ Ёновичѣ* з *боѣрми волко|выискими*,  
з *Довѣкгирдомъ а Ёнушком Пашковичами*, | *ѡ* землѣю  
*Малковщинѣ а Палковщинѣ*. |

*Алекѣсандръ*, *бож(е)ю м(и)л(о)стью*. |

Смотрели есмо того дела.

Жаловал нам *ѡхмистръ* великое кн(е)гини наше, *наместникъ Ѣтеники пан Воитко Ёновичъ*, на *боѣр волковыиских*, на *Довкгирда* а на *Ёнѣшка Пашковичов*, тѣмъ *обычаем* рекѣчи: «Тѣе Пашковичи *держат* под собою | *селища* мои, *пола* и *сеножати* земли моее *Малковщины*, што *ваша м(и)л(о)сть*, | *г(о)с(по)д(а)рь* нашъ, мене пожаловали *землѣю Малковщину*». И тѣе Пашковичи рекли: | «Мы тѣю землѣю выменали в *людеи* в *Малковичов*, какъ ещо тѣе люди были | за *г(о)с(по)д(а)рем* *королем*, его *м(и)л(о)стью*». И *Воитко* рекъ: «Вы *деи* тѣмъ *людем* дали земли своее | мало, а *тое деи* земли *Малковщины* за себе есте *взали* много».

И мы пытали | *тых Пашкевичовъ*: «С *призволеньем* ли есте<sup>1</sup> *ѡтца* нашего абы нашим с тѣми *люд(ь)ми* | *землами* *менали*?» И они *перед* нами того не *поведили*, абы с *призволеньемъ* | *ѡтца* нашего абы нашим тѣми *землами* с тѣми *люд(ь)ми* *менали*.

И мы того | *межи* ними *досмотревши*, и *вчинили* есмо такъ. Тѣмъ *Пашковичом*, казали | есмо свою землѣю *держати*, што они были *променили* *Малковичаномъ*, | а тѣю *Малковщинѣ* *всю*, *селища*, и *сеножати*, и *пола*, и што к *той Малковщине* *прислѣхаеть*, *прислѣдили* *Воиткѣ*. А тѣмъ *Пашковичом* не *надобе* *черелс* то *встѣпати* сѣ в тую *Малковщину*.

Тежъ жаловал нам *Воиткѣ* || <sup>л.109 об.</sup> *Ёновичъ* на *тых жо боѣр*, на *Долкгирда* а на *Ёнѣшка Пашкевичовъ*, рекѣчи: «Тѣе | *Пашкевичи* посажали *люди* свои на *моеи* земли на *има* на *Палковщине*».

И тѣе | *Пашкевичи* рекли: «*Таѣ* *земла* *Палковщина* в *нашь* в *пѣназех*, *позакѣпали* есмо | тѣю землѣю в *людеи*».

И мы того *смотревши*, и тѣю землѣю *Палковщину* *прислѣдили* *Воиткѣ*. А тѣмъ *Пашковичом* казали есмо *п(е)н(а)зеи* своих *постигати* на *тых* | *исдох*, в *кого* они тѣю землѣю *закѣпили*.

Писан в *Городне*, *октябрь 2* | *день*. *Индиктъ 14*. |

*Примечание*. <sup>1</sup>*Слово* *вписано* *над* *строкой*

## № 129

1495 г. октября 4. Городно.

Потвержен(ь)е Ѡед(ь)кѠ ІѠнѠшовичѠ на ставѠ, | млыны, земли и сеножати на реце на МѠхав|цѠ жидовскіи ЕньковичовѠ кѠ имен(ь)ю его Грышину | в Берестеиском повете. |

АлекѠсандрь, бож(е)ю м(и)л(о)стью великии княз(ь). |

Биль намѠ чоломъ писар нашѠ, наместникѠ жиѠморскіи Ѡед(ь)ко ІѠнѠшковичѠ, што | *перво* сего дали есмо емѠ ставѠ и млыны на реце на МѠхавцы въ Берестеиском | повете, што жидова берестеискіе держали, Данко, Лазар а Песах Еньковичи. | А *тот* ставѠ они были заставили къ его *ж* людем и берегѠ к Грышинцом, которые есмо емѠ дали *перво* того. А противѠ того ставѠ земли, сеножати | тых людеи его, ТришинцовѠ, они были забрали. И он перед нами с ними Ѡ то | *мовил* Ѡчевисто. И мы казали были тамѠ выехати наместникѠ берестеискомѠ панѠ СенькѠ СѠлизаровичѠ а ключникѠ берестеискомѠ ЛевкѠ Боговити|новичѠ и того межи ними досмотрети. И они тамѠ не успели ехати, а того | межи ними не смотрели. И коли есмо казали жидовѠ зѠ земли нашое *вон* | выгнати, и мы з ласки нашое *тот* ставѠ, и млыны, и тѠю землю, и сеножати | емѠ дали по речкѠ тѠю, што под Ранковскіи дворец бежить. А потом тотѠ | Ранковскіи дворец и тых Еньковичов Ѡол(ь)варокѠ, ДанковѠ, а ЛазаревѠ, а Песахов | дали есмо дворанинѠ нашомѠ Немири<sup>1</sup> ГрималовичѠ. И он был с тых Еньковичов Ѡол(ь)варькѠ за тѠю речкѠ, покѠл(ь) были есмо емѠ границѠ выписали | в нашем *первомѠ* листе, почал въ его землю и в сеножати вступати с а и Ѡ том || <sup>1. 110</sup> с нимѠ *мовил* перед нами Ѡчевиото, рекомо бы он в насѠ за мало прохал, а бол(ь)шѠ | того взал.

И мы им на тое дело казали были межи собою езѠдоков взати, | а жѠ бы межи ними на Ѡбе стороне того досмотрено было.

И потом бил | намѠ чолом писар нашѠ Ѡед(ь)ко ІѠнѠшковичѠ, а жѠбыхмо его подлугѠ нашое *первое* | данины при всем том Ѡоставили, какѠ в *першомѠ* нашом листе граница выписана.

И мы на его челобит(ь)е то вчинили, *тот* ставѠ и млыны на МѠхавцы, землю | и сеножати тых Еньковичов по речкѠ тѠю, што под Ранковскіи дворец бежить, | даем и потвержаем емѠ сим нашим листом вечно и непорѠшно, его жоне, и их детем, | и их счадкомѠ. А Немири в то вжо не надобе ѠстѠпати с а, бо то было все в нашей | воли. А наша данина Ѡбема имѠ и Ѡед(ь)кѠ ІѠнѠшковичѠ, и Немири.

А на твердоствѠ того и печат(ь) нашѠ казали есмо приложити к семѠ нашомѠ листѠ.

Писан | в Городне, в лет(о) 7004, м(е)с(а)ца Ѡктября 4 день. ИндиктѠ 14. |

При т(ом) бил мар(шалок) наш, | [наместник] слон(имскіи) пан Лит(авор) Хреб(тович). |

*Примечание.* <sup>1</sup>Первая буква и исправлена из е

## № 130

1495 г. октября 23. Городно.

Потвержен(ь)е ИвашкѠ СопежичѠ на села в Смоленском пов[ете]<sup>1</sup> | Ѡ Ел(ь)нои матки его и кѠпли на вечность. |

АлекѠсандрь, бож(е)ю м(и)л(о)стью. |

ЧинимѠ знаменито симѠ нашим листом, хто на него посмотритѠ, або чтѠчи Ѡслышит, комѠ бѠдет потребѠ того ведати.

Бил намъ<sup>2</sup> чоломъ писар нашъ Ивашко | Сопежичъ и клал перед нами листь матки своее Настасьи Сопежиное, игѣмен(ь)и | полоцкое, што *ж* она емѣ записала сел(ь)ца свои вси Еленьские<sup>[1]</sup>, которие *ж* покѣпила ѣ ел(ь)нан ѣ Гидеиковыхъ дети на има в Левона, а въ брата его Лукьянка, и въ | дадковичовъ их, ѣ Ереминыхъ пасынковъ, ѣ Гюнона, а в Ывана, а в Гриши, а въ Лавра. |

И теж другое сел(ь)цо, што кѣпила в Олѣерька на тои же ретце Еленце, и теж тые | сел(ь)ца записала емѣ, што *еи* дал, пѣстовские два сел(ь)ца, пан Ивашко Ил(ь)инич, | какъ ѣто ѣтца нашего, корола, его м(и)л(о)сти, Смол(ь)нѣнскъ<sup>3</sup> держал, на има Михалково а Ѣодориково.

И теж тот же писар нашъ Ивашко Сопежичъ клаль || л. 110 об. перед нами листь боар смоленских на има Глеба, а Гюлехъна, а Ѣодора Александровыхъ дети Евермова, што *ж* они продали емѣ ѣтчинное и дединное ѣ Ел(ь)нои | село свое на има Захаровское со всим, што к томѣ селѣ прислѣхает.

И тежъ | клаль перед нами листь наместника смоленского пана Юр(ь)евъ Глебовича, што *ж* | он дал емѣ сел(ь)цо там жо въ Ел(ь)не на има Травькино до наше воли. И он ѣо вси тые | сел(ь)ца бил намъ чолом, абыхмо то емѣ подтвердили нашим листом.

Ино мы дла | его слѣжбы з ласки нашее вси тые вышеиписанные сел(ь)ца подтверждаемъ | симъ нашим листомъ емѣ, и его жоне, и их детем, и на потом бѣдѣчим ихъ | счадкомъ вечно и непорѣшно со всим, што к тым сел(ь)цам прислѣхает, з землами | пашными и бортными, и з сеножат(ь)ми, и з реками, и з езы, и з селищи, и с перевесы. | Воленъ он тые вышеиписанные сел(ь)ца продати, и ѣтдати, и заменити, и къ своемѣ лепышомѣ обернѣти.

А на твердость того и печат(ь) нашѣ казали есмо | приложити к семѣ нашомѣ листу.

Писан в Городне, в лет(о) 7004, м(е)с(а)ца | ѣкѣтебра 23 день. Индиктъ 14. |

Пр(и том) б(ы)л воеводич вил(енский) пан Іѣн Мик(олаевич), подсто[лии] | пан Стан(ислав) Іѣнович Заберезинский. |

*Примечания.* <sup>1</sup>Конец слова срезан при переплете <sup>2</sup>Буквы мѣ написаны по смыслу текста <sup>3</sup>Буква ѣ исправлена из ѧ

## № 131

1495 г. октября 31. Городно.

Потверженъ кн(а)зю Петрѣ Михайловичѣ Мосал(ь)скомѣ на именья Слободкѣ, а Шерепов, | а Заруд(ь)е, а сел(ь)цо на Баловесе на вѣчность | в Черниговскомъ повете. |

Самъ Александръ, бож(е)ю м(и)л(о)стью. |

Биль намъ чоломъ дворенинъ нашъ кн(а)зь Петръ Михайловичъ Мосал(ь)ский и вказывал перед нами листь ѣтца нашего, корола, его м(и)л(о)сти, што *ж* тетка его, матки его | сестра рожонаѣ, была за Ивашькомъ Григор(ь)евичомъ, боариномъ черниговскимъ, | и плодѣ с нимъ дети не мела. И по смерти мѣжа своего взала его себе за сына мѣсто и записала емѣ имен(ь)ѣ мѣжа своего в Черниговскомъ повете на има Слободкѣ<sup>[1]</sup>, | а Шерепѣ, а Заруд(ь)е<sup>[2]</sup>, а сел(ь)цо на Баловесе<sup>[3]</sup>. И ѣтецъ нашъ, корол(ь), его м(и)л(о)сть, то подтвердил емѣ листомъ своимъ вечно. И бил намъ чолом, абыхмо емѣ тые именья, што | тетка ему записала, подтвердили нашим листом.



И мы тые имен(ь)а верьхѸ || <sup>л. 111</sup> писаные, што тетка емѸ записала, со всеми доходы, и платы, и з ловы зверинными и рыбьими, и з бобровыми гоны, какъ держал небожчикъ Ивашко, потверждаемъ симъ нашим листом вечно, подлугъ листѸ отца нашего, ему, и его | жоне, и их детем, и потом бѸдѸчим ихъ счадкомъ. Нехаи он тые именья | держитъ, а намъ с них слѸжбу слѸжить.

А на твердость того и печат(ь) | нашѸ казали есмо приложити къ семѸ нашему листѸ.

Писан в Городне, | в лет(о) 7004, м(е)с(а)ца октебра 31 день. Индиктъ 14. |

## № 132

[1495 г.] октября 31. Городно.

Потвержен(ь)е городничомѸ городенскомѸ ГринкѸ ХодкевичѸ | некоторых земель, купли и мены его. |

Алексъандрь, бож(е)ю м(и)л(о)стью. |

Биль намъ чоломъ городничии городенский Грин(ь)ко Ходкевичъ и вказывал перед нами | листы, што *ж* менал землями пашными съ Некрашом, а Ёкимом, а ЛѸкьяном Тивуновичи. Ёни брали в него земли, и где имъ спорѸчъ, на той стороне Немна. А он теж | себе брал в нихъ земли, где емѸ спорѸчъ, а иное им грошми придавал против | их земли. А они деи намъ с тыхъ земель и тепер(е) слѸжбу слѸжать сполна и даклла дают.

Теж кѸпил отец его Ёгол земли бортное Завекры в Комаровичов.

Такеж | вказывал перед нами листъ, што *ж* кѸпил землю въ Ёковьца а в Леньца Медведевичовъ, дадковщинѸ ихъ, на има Есиповщину. А они деи тѸю землю кѸпили | въ дадка своего вечно, а дадко деи их маеть иньшѸю землю за Немномъ, с чого нам | слѸжбу слѸжит и дакло даеть. И просил в насъ, абыхмо ему то призволили | кѸпити и потвердили нашим листом.

Ино коли намъ с тых людеи, с ким он менал | землями, слѸжба и дакло идеть сполна, а што покѸпил отец его и онъ | землицы в наших людеи вечно, и мы емѸ то призволили менати и кѸпити. | И потвержаем симъ нашимъ листом вечно ему, и его жоне, и их детем, и потом | бѸдѸчим ихъ счадкомъ.

Писан в Городне, октебра 31 день. | Индиктъ 14. |

При т(ом) был пан Ён Мик(олаевич), | наместник вилкеиский. || <sup>л. 111 об.</sup>

## № 133

[1495 г.] ноября 10. Городно.

ПисарѸ ИвашкѸ СопежичѸ на держан(ь)е | Дмитрова до живота его. |

Самъ Алексъандрь, бож(е)ю м(и)л(о)стью. |

ПриказникѸ дмитровскомѸ и всимъ людем дмитровьцом.

Дали есмо от насъ | Дмитровъ<sup>[1]</sup> держати писарѸ нашему Ивашку СопежичѸ до его смерти. И вы бы его во всемъ были послушни, по томѸ, какъ и перьвых<sup>1</sup> наместниковъ наших. А што тамъ з васъ дани наше идеть нам грошеи, и медѸ, и бобровъ, и кѸниц, тѸю дан(ь) казали есмо емѸ, збираючи на васъ, и слати до | скарбу нашего. А Ѹвзати его послали есмо дворенина нашего Богдална.

Писан в Городне, ноа**бр**(ь) 10 день. Инъдиктъ 14. |  
 Прав(ил) воев(ода) вил(енский) пан | Мик(олаи) Рад(ивилович), канцлер. |  
 А дал его м(и)л(о)сть на проз[ь]бу пана воеводы виленского том Дми[т]ровъ  
 Ивашк<sup>8</sup> Сопезе до его живота, а *от* того <sup>2</sup>в него<sup>2</sup> взял п<sup>л</sup>т(ь)де<sup>л</sup>сам золотых<sup>3</sup>.  
 Писан в Городне. |

*Примечания.* <sup>1</sup>Буквы ъвых написаны по смытому тексту <sup>2-2</sup>Буквы в не написаны по смытому  
 тексту <sup>3</sup>Буква х исправлена из другой

## № 134

1495 г. февраля 26. Городно.

Потверженъе Борис<sup>8</sup> Семенович<sup>8</sup> на и<sup>л</sup>менъе Жарин  
 а Слободку в Смоленскомъ | повете на вечность. |

Алексъандръ, бож(е)ю м(и)л(о)стью великии княз(ь) литовский. |

Чинимъ знамени<sup>т</sup>о симъ нашим листом, хто на него посмотрит, або чт<sup>8</sup>чи | его  
 вслышит, ком<sup>8</sup> будет потребъ того ведати.

Бил намъ чолом наместникъ деменский Борисъ Семеновичъ, и поведал перед  
 нами, што *ж* отец наш, | корол(ь), его м(и)л(о)сть, дал ему именье <sup>8</sup> Смоленском  
 повете на *има* Жарин, || <sup>л.</sup> <sup>112</sup> а мы ем<sup>8</sup> дали село и люди на *има* Слободку, тежъ  
 Жаринского повета. И на то лист | перед нами вказывал *отца* нашего, короля, его  
 м(и)л(о)сти, на Жаринъ, а нашъ листь на Слободк<sup>8</sup> тежъ перед нами клал. И бил намъ  
 чоломъ, абыхмо ему тые именьа потвердили | нашим листом.

Ино мы, впамятавши службу его, тые именьа, данину *отца* нашего, | короля,  
 его м(и)л(о)сти, и наш<sup>8</sup> данину на *има* Жарин а Слободку, потвержаем симъ нашим |  
 листом вечно ему, и его жоне, и их детем, и потом буд<sup>8</sup>чим ихъ счадко<sup>м</sup> со всеми  
 люд(ь)ми | и з землами пашными и бортными, и зъ береги бобровыми, со всимъ по  
 тому, што | здавна к тым именьам присл<sup>8</sup>ха<sup>т</sup>.

А на твердость того и печат(ь) нашу казали есмо | привесити к сем<sup>8</sup> нашом<sup>8</sup>  
 листу.

Писан в Городне, в лет(о) 7004, м(е)с(а)ца феврал(ь) | 26 ден(ь). Индиктъ 14. |

Прав(ил) воев(ода) вил(енский) пан Мик(олаи) Рад(ивилович), кан(цлер) |  
 а м(а)р(шалок), н(а)м(естник) мер(ецкий) пан Гр(игории) Ст(а)н(кович)  
 Ёсти(кович). |

## № 135

1496 г. февраля 27. Городно.

Потвержен(ь)е писар<sup>8</sup> татарском<sup>8</sup> Абрагим<sup>8</sup> Тимир|чич<sup>8</sup>  
 на именеицо Саковщину а Ёндреев<sup>8</sup>щин<sup>8</sup> | в Белицкомъ повете  
 на вечность. |

Самъ Алексъандръ, бож(е)ю м(и)л(о)стью. |

Биль намъ чолом писар нашъ татарский Абрагимъ Тимирчичъ и поведал  
 перед нами, што | дали есмо ем<sup>8</sup> именеицо в Белицком повете на *има* Саковщину  
 а Ёндреев<sup>8</sup>щину з люд(ь)ми, и зъ землами, и съ сеножатыми, и с челад(ь)ю  
 невол(ь)ною, котораа в томъ именеицы | была. И на то листь нашъ перед нами вказывал.  
 И бил намъ чолом, абыхмо ему то потвердили нашим листом.

Ино мы тое именеицо Саковщину а Ёндревъщинѣ | з люд(ь)ми, и зь землами и съ сеножатыми, и с челад(ь)ю невол(ь)ною, съ всимъ по тому, как было | держано на отца нашего, короля, его м(и)л(о)сть, подлугъ первого нашего листу потверждаемъ симъ нашим листом вечно емѣ, и его жоне, и их детем, и потомъ будѣчим | ихъ счадомъ.

А на твердость того и печать нашу казали есмо приложити | к семѣ нашему листѣ.

Писанъ в Городне, в лет(о) 7004, м(е)с(а)ца ѳеврала | 27 день. Индиктъ 14. |

Прав(ил) всев(ода) вил(енский) пан Мик(олаи) Рад(ивилович), кан(цлер), | а пан в(и)л(енский), н(а)м(естник) гор(оденский) княз(ь) [Александр] Юр(ь)евич, | а м(а)р(шалок) дв(орный), н(а)м(естник) м(е)р(ецкий) пан Гр(игории) Ст(а)н(кович) Ёсти(кович). || л. 112 об.

## № 136

[1496 г.] февраля 11. Городно.

Андрею Дрожчи на имен(ь)я Слободку а Шереповъ,  
а сел(ь)цо Заруд(ь)е, а слободѣ Новѣю в Черниговском  
повете. |

Самъ Александръ, бож(е)ю м(и)л(о)стью великий княз(ь) литовский. |

Наместникѣ черниговскомѣ кн(а)зю Ивану Борисовичу Глинскому.

Што отец наш | корол(ь), его м(и)л(о)сть, подавал именья в Черниговскомъ повете Ивашковое Цибиное черниговское кн(а)зю Петрѣ Масал(ь)скому на има Слободку, а Шерепи, а сел(ь)цо | Заруд(ь)е, а слободѣ Новую, ино княз(ь) Петрѣ вмер, а жоны и детеи не мел.

И мы тые | именья Слободку а Шерепи, а сел(ь)цо Зарѣд(ь)е, а слободѣ Новую дали дворанину нашоѣмѣ Андрею Дрожчи<sup>1</sup>. Не хаи он тые именья держитъ со всим по тому, какъ держал | Ивашко Цибъ а кн(а)зъ Петрѣ Масал(ь)ский. И ты бы емѣ в тые именья дал ѣвазанье. |

Писан в Городне, ѳеврала 11 ден(ь). Индиктъ 14. |

Приказал воев(ода) вил(енский) пан Мик(олаи) Рад(ивилович), кан(цлер). |

*Примечание.* <sup>1</sup>Буквы жчи написаны по смыслу тексту

## № 137

1496 г. марта 2. Городно.

Потверженье Андрею Дрожчи на имен(ь)е | Слободку,  
а Шерепов, а сел(ь)цо Заруд(ь)е, а слободѣ | Новѣю  
в Черниговском повете на вечность. |

Самъ Александръ бож(е)ю м(и)л(о)стью. |

Чинимъ знаменито симъ нашим листом, хто на него посмотрит, або чтѣчи его слышит, комѣ будетъ потребъ того ведати.

Бил намъ чолом дворанин нашъ Андреи | Дрожча и поведил перед нами, што дали есмо емѣ именья в Черниговском повете | Ивашковое Цибиное, што держал кн(а)зъ Петрѣ Масал(ь)ский, на има Слободку, а Шерепи, а сел(ь)цо Заруд(ь)е,

а слободѣ Новую. И на то листь нашъ перед нами вказывал, и бил | нам чолом, абыхъмо ему тые именья потвердили нашимъ листом.

Ино мы тые | именья Ивашковое Цибиное, што держал княз(ь) Петр(ь) Масал(ь)скии, Слободкѣ, а Шерипи, а сел(ь)цо Заруд(ь)е, а слободѣ Новую со всеми землами пашными и бортными | и съ сеножатыми, и зъ дан(ь)ю, и зъ реками, и з бобровыми гоны, со всим по тому, | што здавна к тымъ именьям прислухаеть, потвержаемъ симъ нашимъ || л. 113 листомъ вечно емѣ, и его детемъ, и ближнимъ его.

А на твердость того и печат(ь) | нашѣ казали есмо привесити к семѣ нашомѣ листу.

Писан в Городне, в лет(о) | 7004, м(е)с(а)ца марта 2 ден(ь). Индиктъ 14. |  
Прик(азал) воев(ода) вил(енский) пан Мик(олай) Рад(вилович), кан(цлер). |

## № 138

[1496 г.] марта 12. Бершты.

Привилеі панѣ Іѣнѣ Юр(ь)евичѣ на именье | Дѣбинѣ  
на вѣчность. |

Алекѣсандрѣ, бож(е)ю м(и)л(о)стью. |

Биль намъ чоломъ панѣ троцкии, наместникъ полоцкии панѣ Іѣн Юр(ь)евичѣ, а просил | в насъ именья, двора на имѣ Дѣбины, которыи же держал кн(а)зь Иванъ Юрьевич | Лыквеневица.

И мы, впамажавшы слѣжбу его, з ласки наше, тот двор Дѣбину дали есмо емѣ со всеми люд(ь)ми, и зъ слѣгами, и з конюхи, и со всеми землами | пашными и з бортными, и з данью, со всимъ по томѣ, какъ держал кн(а)зь Иван | Юр(ь)евич Лыквеневица. А дали есмо тое именье вечно ему и его детем.

А на | твердость того и печат(ь) нашѣ казали есмо приложити к семѣ нашомѣ листу.

Писан в Берштахѣ, марта 12 дна. Индиктъ 14. |

Прик(азал) воев(ода) вил(енский) п(а)н Мик(олай) Рад(вилович), кан(цлер). |

## № 139

[1496 г.] марта 12. Бершты.

Привилеі кн(а)зю Ѳилипу Крошиньскомѣ | и сыномъ его  
на люди в Чернѣтичах в Смоленскомъ повете. |

Самъ Алекѣсандрѣ, бож(е)ю м(и)л(о)стью. |

Биль намъ чоломъ кн(а)зь Ѳилипъ Крошиньскии и его сынове и поведили намъ, | што ж их именья, ѡтчинѣ ихъ, взато за границѣ к земли Московскои. И били нам | чоломъ, абыхъмо их ѡсмотрели и пожаловали именьем. И просили в нас в Смоленскомъ повете люди на имѣ Чернѣтичъ, што держаль кн(а)зь Михаило Иванѡвичъ Ѡдоевскии, а потомъ братъ его кн(а)зь Ѳедоръ.

Ино мы тые люди || л. 113 об. на имѣ Чернѣтичи дали имъ з данью з грошовою и з медовою и з береги бобровыми, и со всимъ по томѣ, какъ тые люди держали кн(а)зь Михаило а князь | Ѳедор Ѡдоевские.

А дали есмо имъ тое именье, люди тые, дотолѣ, поки, | дасть богъ, имъ ѡчистимъ всю ѡтчину ихъ.

Писанъ в Берштахъ, марца | 12 день. Индиктъ 14. |  
 Прик(азал) воев(ода) вил(енский) пан Мик(олай) Рад(ивилович), кан(цлер). |

## № 140

[1496 г.] апреля 27. Меречь.

Іацку Мезю на човека ѿдного во Вруцком | повете,  
 Лазарка Мошкевича. |

Самъ Алексѣандръ бож(е)ю м(и)л(о)стью. |

Наместникъ врѣцкомъ кн(а)зю Григор(ь)ю Глинъскомъ и инымъ наместникомъ |  
 нашимъ, хто потомъ бѣдетъ ѿт насъ Врѣчей держати.

Бил намъ чоломъ | наместникъ звагол(ь)ский Іацко Мезь и просил в насъ  
 во Врѣцком повете ч(о)л(о)в(е)ка | на има Лазарка Мошкевича и з его сынми,  
 и з братаничи его, а поведал намъ, што ж | деи с них ѿдна служба, а дани ѿни  
 дают двадцать ведер медъ и чотыри | ведра, а померного два гроши и подымъщина.  
 А служба деи ихъ тое три | дни сена косать, а три дни жита жнуть, и иные службы  
 слѣжать. |

Ино мы того ч(о)л(о)века Лазарка Мошкевича, и з его сынми, и з его братаничи |  
 дали емъ, и з данью, и со всеми ихъ землами пашными и бортными, со всем | по томъ,  
 што здавна тые люди держали.

Писан в Меречи, апрель | 27 день. Индиктъ 14. |

Прав(ил) пан Гр(игорий) Стан(кович), мар(шалок) двор(ный), нам(естник)  
 мер(ецкий). |

## № 141

1496 г. апреля 26. Меречь.

Потверженъ панъ Петрашкъ Радивиловичъ |  
 на дел(ь)ницъ брата его в ыменью их Василиш|скомъ. |

Самъ Алексѣандръ, бож(е)ю м(и)л(о)стью. |

Биль намъ чолом подкоморий нашъ, наместникъ емшишский<sup>1</sup> пан Петрашко ||<sup>л. 114</sup>  
 Радивиловичъ а поведалъ намъ, што ж ѿтець нашъ, корол(ь), его м(и)л(о)сть, дал ему  
 въ их Василишскомъ имени дел(ь)ницъ брата его Михаилову забитого, которого жъ  
 забиль | братъ его Аньдрей. И подлугъ розказанья ѿтца нашего, короля, его м(и)л(о)сти,  
 в тѣю | дел(ь)ницъ ѡвазал его пан Богданъ Аньдреевичъ, воевода троцкии. И тот листъ  
 ѡважчии | пана Богдановъ<sup>2</sup> перед нами вказывал, и бил намъ чолом, абымо ему на то  
 дали нашъ | листъ, и подтвердили быхъмо емъ то нашимъ листом.

Ино мы тѣю дел(ь)ницъ брата его Михаиловъ забитого подтверждаемъ симъ нашимъ  
 листом всю сполна, как | держаль братъ его Михаило, вечно емъ, и его детемъ,  
 и потомъ бѣдчим его счадом. |

А на твердость того и печать нашъ казали есмо приложити к семъ нашему  
 листѣ.

Писан в Меречи, в лет(о) 7004, м(е)с(а)ца априля 26 ден(ь). Индиктъ 14. |

При т(ом) был п(а)н Гр(игорий) Стан(кович), м(а)р(шалок) двор(ный),  
 нам(естник) мер(ецкий). |

Примечания. <sup>1</sup> Слово написано по смыслу тексту <sup>2</sup> Исправлено из Богдана

## № 142

[1496 г.] апреля 24. Меречь.

Кназю ИванѸ ГлѸшонку на сел(ь)цо Кошавыхъ въ СмоленскѸ  
в МаксимовѸскомъ | повете. |

Самъ Александръ, бож(е)ю м(и)л(о)стью великии княз(ь) литовскии. |

НаместникѸ смоленскому пану Юр(и)ю ГлебовичѸ и инымъ наместникомъ  
нашимъ, | хто потомъ *от* насъ бѸдетъ СмоленскѸ держати.

Билъ намъ чоломъ княз(ь) Иванъ | Ивановичъ ГлѸшонокъ и просилъ в насъ сел(ь)ца  
слугъ смоленскихъ Ѳедорова, а Микитина, | а Аньдреикова Кошавыхъ, на чомъ они  
сами *сѣдат* в МакѸсимовѸскомъ повете. И *теж* | поведалъ намъ, што *ж* позакѸпалъ  
в нихъ того *ж* сел(ь)ца нивы и сеножати, а иные *деи* они | инымъ людемъ нивы  
и сеножати позапродавали. И билъ намъ чоломъ, абыхмо ему тое | сел(ь)цо, на чомъ  
они *сѣдат*, и *теж*, што *он* позакѸпалъ в нихъ того *ж* сел(ь)ца нивы и сеножати, |  
дали.

И мы емѸ тое сел(ь)цо тыхъ Кошавыхъ, на чомъ они сами *сѣдат*, и *теж*, што *он*  
позакѸпалъ | в нихъ того *ж* сел(ь)ца нивы и сеножати, то есмо призволили ему выкѸпити.  
Нехаи *он* тое | сел(ь)цо все держитъ по томѸ, какъ тые Кошавые держали, а намъ  
с него слѸжбѸ | слѸжить.

Писанъ в Меречи, апреля 24 дна. Индиктъ 14. |

При *т(о)м* былъ м(а)р(шалокъ) двор(ный), нам(естник) мер(ецкии) | панъ Гр(игории)  
Стан(кович) СѸстик(ович). || л. 114 об.

## № 143

1496 г. апреля 28. Меречь.

Потверженъе князю СѸлехнѸ Глазыне | на дел(ь)ницѸ брата его  
волость | Мстиславецъ. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотри*т*, или чѸдчи его  
вслышитъ, | кому *ж* того потребъ бѸдетъ ведати.

Билъ намъ чоломъ ѡкол(ь)ничии смоленскии, наместникъ | ЛѸчина Городка кн(а)зѸ  
СѸлехно Васил(ь)евичъ Глазына а поведалъ намъ, што *ж* за *отца* нашего, короля,  
его м(и)л(о)сти, братъ его рожоныи, княз(ь) Иванъ Васил(ь)евичъ, побегъ до Москвы  
и з детьми | своими, ино *деи* вгонили его на дорозе и дети его поимали, а *он* самъ  
таки втекъ до МоскѸквы. И *отец* нашъ, корол(ь), его м(и)л(о)сть, казалъ ѡвзати сѸ  
в дел(ь)ницѸ именеи брата его на себе | воеводе виленьскомѸ, канцлерѸ нашомѸ пану  
Миколаю РадивиловичѸ, какъ держалъ | *от* *отца* нашего СмоленскѸ. И панъ Миколаи  
в дел(ь)ницѸ его именеи ѡвзалъ сѸ на его м(и)л(о)сть. |

А на потомъ княз(ь) СѸлехно билъ чоломъ *отца* нашомѸ, королю, его м(и)л(о)сти,  
ажъ бы тою дел(ь)ницею | именеи и волостью МстиславѸцомъ, што *отец* ихъ, княз(ь)  
Василеи Глазына, выслѸжилъ | на *отцы* нашомъ, королю, его м(и)л(о)сти, его  
пожаловалъ. И *отец* нашъ, корол(ь), его м(и)л(о)сть, впа<sup>м</sup>тавшы службѸ его *верную*,  
дел(ь)ницѸ именеи брата его и волость Мстиславецъ, што | братъ его, княз(ь) Иванъ и *он*  
самъ держалъ, далъ емѸ, *отдалившы* дети кн(а)за Ивановы. И листы | *отца* нашего на  
то *перед* нами *вказывал*.

А потом тыми разы жаловала нам невестка | его, кн(е)гиня Иванова, с сыном своимъ, с кн(а)земъ Юр(и)емъ, и стояли перед нами очевисто. | Искал под нимъ братаничъ его дел(ь)ницы именеи ѿтца своего, ѿтчины своее и волости | Мстиславца.

И мы, посмотревшы в листы ѿтца нашего, иж ѿтец нашъ пожаловал | его тыми имен(ь)и, дел(ь)ницею брата его и волостью Мстиславъцом, што ѿтец ихъ | выслѣжил на ѿтцы нашом, листовъ ѿтца нашего есмо не рѣшили. И дали есмо емѣ | по тому ж тѣю дел(ь)ницѣ брата его именеи и волость Мстиславецъ, выслѣгѣ ѿтца | ихъ, какъ ѿтецъ нашъ его пожаловал со всимъ по томѣ, какъ ѿтец ихъ, княз(ь) Василеи, | и брат его, княз(ь) Иванъ и он самъ держали, и што к томѣ здавна прислѣхало, ѿтдаливши | дети кн(а)за Ивановы, брата его.

И подтверждаемъ то все симъ нашим листом емѣ, | и его жоне, и ихъ детемъ, и потомъ бѣдѣчим ихъ счадкомъ вечно. Воленъ он то | ѿтдати, и продати, и къ своемѣ лепшому ѿберѣнѣти.

А на твердость того || <sup>л. 115</sup> и печать нашѣ казали есмо привесити к семѣ нашомѣ листѣ.

Писанъ в Меречи, | в лет(о) 7004, м(е)с(а)ца апрѣла 28 днѣ. Индикта 14. |

При т(ом) былъ мар(шалок) на[ш] двор(ный), нам(естник) мер(ецкий) пан Гр(игории) Станко(вич). |

## № 144

[1496 г.] июня 18. Вильна.

Вырокъ межи боѣры смоленскими | Иванѣ Костантиновичѣ  
з Олтѣховичомъ | а Аврамом Павловичом ѿ сел(ь)цо  
на Нагати. |

Алексанѣдръ, бож(е)ю м(и)л(о)стью. |

Смотрели есмо того дела.

Жаловал намъ боѣринъ смоленский Иванъ Костантиновичъ на боѣр смоленских на Старого Ёлтѣховича<sup>1</sup> а на Аврама Павловича, и стояли | перед нами очевисто. Тот Старый а Аврамъ искали под тымъ Иваном сел(ь)ца на Нагати | подле Григорова. И тот Иванъ рекъ: «Мне тое сел(ь)цо дали шѣрья мои, Аньдреи а Григоровскийи, за сестрою своею в приданыхъ». И положил перед нами листы, што ещо за | великого кн(а)за Жикгимонта тое сел(ь)цо кѣпилъ поп хроловскийи<sup>2</sup> Борисъ в Бабьских. А по томъ за ѿтца нашего, короля, его м(и)л(о)сти, тое сел(ь)цо кѣпил в того попа владык[а]<sup>2</sup> смоленскийи Мисаило и дал тое сел(ь)цо слѣзе своемѣ, цѣю его, Василью Романовичѣ, | вечно. И теж того Старого листъ, што са емѣ подписаль, иж того сел(ь)ца не мель | искати под нимъ.

И мы тых листовъ ѿсмотревши, и тое сел(ь)цо присѣдили есмо | Иванѣ Костантиновичѣ вечно со всимъ по томѣ, какъ ему шѣрья его Аньдреи а Григоровскийи за сестрою своею дали. А тымъ Ёлтѣховичомъ и Павловичомъ не | надобе под нимъ того сел(ь)ца искати.

Писанъ в Вил(ь)ни, июн(ь) 18 день. Индиктъ 14. |

Прик(азал) мар(шалок), нам(естник) вит(ебскийи) п(а)н Стан(ислав) Глеб(ович). |

Примечания. <sup>1</sup>Буквы ту исправлены из других <sup>2</sup>Исправлено, в рукописи въклады

## № 145

[1496 г.] шоня 10. Троки.

Кназю КостентинѸ ЪстрозскомѸ | на имен(ь)е ВздолицѸ  
а Глинско вечно. |

Самъ АлександрѸ, бож(е)ю м(и)л(о)стью. |

Дали есмо кн(а)зю Костантину Ивановичу ЪстрозскомѸ имениа ВздолицѸ  
а Глинско || л. 115 об. со всимъ по томѸ, какъ небожчикъ панъ ЪлизарѸ ШилевичѸ  
держаль, а потомъ какъ | на отца нашего, корола, его м(и)л(о)сти, и насъ держано  
такъ а по тому со всим с тым, | што к тымъ имениамъ слѣшеть, кн(а)зѸ КостантинѸ  
маеть держати вечно. |

Писан в Троцох, июн(ь) 10 день. Инъдиктъ 14. |

При т(ом) был мар(шалок), нам(естник) слон(имский) п(а)н Лит(авор)  
Хреб(тович). |

## № 146

1496 г. шоня 24. Вильна.

Вырок пани Лодатинои Индриховичовои | Алене з невесткою  
ее п(а)ни Ъновою Кготовтовичовою ѿ имение въ Киевскои  
земли. |

АлександрѸ, бож(е)ю м(и)л(о)стью. |

Смотрели есмо того дела с паны радою нашою.

Жаловала нам пани Лодатиная | Индриховича, пани Алена, на невесткѸ  
свою, на пани ЪновѸю Кготовтовича, | што первеи того была за деверомъ ее, за  
паном ЖикгимонтѸ, рекѸчи: «Пани Ъноваа | держать имение въ Киевскои  
земли, ѿчину матки моее, а къ томѸ права жадного не маеть». И пани Ъноваа  
к томѸ рекла: «На тых имениах ѿставил мене перѸвыи мужъ мой<sup>1</sup>, небожчикъ  
панъ ЖикгимонтѸ». И положила перед нами листы небожчика кн(а)за Семена  
Алельковича, што мѸжѸ ее первомѸ, небожчикѸ ЖикгимонтѸ, | подавал тые имениа  
за его службѸ, а отец нашъ, корол(ь), его м(и)л(о)сть, емѸ то полтвердилъ листомъ  
своимъ. «А ѿт твоее деи матки тые имениа давно ѿтышли». | А потомъ са к томѸ  
приповедали пасынокъ ее Индрих Лодатичъ а дадковичи | его, Ънъ Гинцичъ,  
а Карловичъ, а Балцевичъ, а дадковна ихъ Бобровна, близкостью | по дадку своемъ,  
по пани Жикгимонте.

И мы тых листовъ ѿсмотревши, што небожчикъ кн(а)зѸ Семень дал тые  
имениа пану ЖикгимонтѸ за его слѸжбу, а отец нашъ | был ему потвердилъ листомъ  
своимъ, и врозѸмели есмо томѸ, што ж Жикгимонтъ плодѸ детеи по себе ничего  
не оставилъ, а пани его за дрѸгого мѸжа пошла. И з ласки нашое дали есмо имъ  
тые имениа со всимъ по томѸ, какъ панъ | Жикгимонтъ держаль, и што к томѸ  
здавна прислѸхало вечно, пани Лодатинои и з | ее сынными, и з ее сестричьнами, съ  
Ъдвигою а съ Ъл(ь)габетою, половину всех тых | имении. А ИндрихѸ ЛодатичѸ<sup>2</sup> и  
его дадковичомъ и дадковне дали есмо дрѸгую | половину тых имении. Мають ѿни  
собе вси тые имениа поделити наполю<sup>3</sup> || л. 116 и ѿдна половина межи собою мають тых  
имении поделити по дел(ь)ницамъ свою половину, | а дрѸгаа половина свою половину  
по тому жъ мають поделити по дел(ь)ницамъ жо. |



А на твердость того и печат(ь) нашу казали есмо приложити к семѸ нашомѸ листу.

Писан Ѹ Вил(ь)ни, в лет(о) 7004, м(е)с(а)ца июня 24 день. Индикть 14. |

При т(ом) был кн[А]з(ь) Вои(тех), бис(куп) вил(енский), воев(ода) вил(енский) п(а)н | Мик(олаи) Рад(ивилович), кан(цлер), п(а)н вил(енский), нам(естник) гор(оденский) кн[А]з(ь) Алек(андр) Юр(ьевич), | п(а)н троц(кий), нам(естник) полоц(кий) п(а)н Гдн Юр(ьевич), мар(шалок) двор(ный), нам(естник) | мер(ецкий) п(а)н Гр(игории) Стан(кович), мар(шалок), нам(естник) вит(ебский)<sup>3</sup> п(а)н Стан(ислав) Глеб(ович). |

*Примечания.* <sup>1</sup>Слово вписано над строкой <sup>2</sup>Буква т исправлена из другой <sup>3</sup>Слово написано по смытому тексту

## № 147

[1496 г.] мая 31. Троки.

Справа людеі Клишковых с Клишкомъ Радчичом |  
о выламован(ь)е емѸ з держанья. |

Алексъандръ, бож(е)ю м(и)л(о)стью. |

Смотрели есмо того дела.

Жаловали намъ тые люди, Быкъ а Гридко Мартиновичи, на боарина княжон Мстиславских, на Клишка Радчича, што ж их ищеть за непохожихъ людеи. «А мы деи люди вол(ь)ные, похожие». Ино того Клишъка самого в насъ | не было, нижли была жона его, Барбара.

И мы казали о том ихъ оыпытати, и досмоитрети, и справедливость томѸ вчинити маршалкъѸ нашому, наместнику витебскомѸ панѸ Станиславу ГлебовичѸ а писарѸ нашомѸ, наместникѸ стоклишскомѸ ѲедкѸ Григор(ь)евичѸ. А оыптавшы ихъ и досмотревъши, намъ есмо велели | отказати.

И пан Станиславъ и писар нашъ Ѳедко о том ихъ оыпытывали и смотрели. | И они перед ними мовили, што ж деи «деды, и отцы наши, и брат(ь)я наша и мы сами вол(ь)ные | люди ходачие, нижли деи тол(ь)ко дед и отцы наши и брат(ь)я наша слѣжили князю | Лынквению, а потом кн(а)зю Юр(и)ю, и отцѸ КлишъковѸ, Радцы, слѣжили добровол(ь)но. А после | того и в Кричове есмо жили». И Клишъковаа мовила: «Свекор деи мои Радца выслѣжил | дедовъ и отцовъ ваших и брат(ь)ю вашѸ на кн(а)зи Юр(и)и вечно, и свекрѸ есте моемѸ и мѣжѸ | моему слѣжили вы сами, и отцы ваши, и брат(ь)я ваша таглоу слѣжъбою съ сохою, | и съ серпом, и с косою, и с топором, и инѣю тагль тагнѣли по тому, какъ и иншы | селане. И на делѸ есте мѣжѸ моемѸ достали сѧ, коли дел мел з брат(ь)ею. Нижли деи вжо | при мѣжи моем отбегли были есте до Кричова, а потом до Стародѣа и до сих мест, | есте там жили». И на том сѧ Клишковаа слала на многих боар мстиславских, што ж | деи «деды, и отцы ваши, и брат(ь)я ваша, и вы сами наши люди отчизные тагътые, || л. 116 об. неотожие».

И они всех тых боар выбрали и злюбили на Андрея Корсаковича, аж | они люди вол(ь)ные ходачие, а слѣжили томѸ Андрею по доброи воли, коли он тое имен(ь)е | держаль. И Клишковаа и к томѸ пристѣпила.

И мы были дали рокъ тому Андрею | <sup>1</sup>перед нами стати<sup>1</sup>, а тое сведецство отказати на светого Ил(ь)и день. А их казали были | есмо дати на порѣкѸ до тых мечь, поки тотъ светокъ придет, а нам поведит | свое сведецство.

Ино деи одинъ <sup>1</sup>с них<sup>1</sup> того ж часъ с права втекъ, а други деи, брат | его, самъ сѧ признал, ижъ Клишъковъ ч(о)л(о)векъ непохожи. И бил чоломъ Клишъковой | жоне и присагнул еи на том, што мел отцовъ своих и брат(ь)ю свою к ним привести. | А потом деи после присаги и тот втекъ.

Ино коли они такъ вчинили, пославши сѧ | на свадьцоство, а не дождавшы светъка, сами ж втекли с права, присѧдили | есмо тые люди Клишкѧ. Маеи их Клишко, где знашод, побрати, какъ то люди | свои напохожие, и маеи их держати по томѧ, какъ перед тым отец его и он | самъ их держал.

Писан в Троцох, маѧ 31 дна. Индикта 14. |

*Примечание.* <sup>1-1</sup>Написано по смытому тексту

## № 148

[1496 г.] июня 28. Вильна.

Городничомѧ витебскомѧ Мити<sup>1</sup> Ромеи|ковичѧ на пѧстовщинѧ  
Харковъскѧю | на Засекли ѧ Витебском повете. |

Алекъсандръ, бож(е)ю м(и)л(о)стью. |

Маршалъку нашомѧ, наместникѧ витебскомѧ пану Станиславу Глебовичу.

Бил | намъ чолом городничии витебскии Митѧ Ромеи|ковичъ и просил в насъ пѧстовщини ѧ Витебском повете на има Харковское на Засекли. И поведал нам, што ж | деи таѧ земля вжо с тридцати летъ пѧста лежить, а наследка к неи никого нет. А и ты намъ поведал, што ж таѧ земля пѧста, и вжо еси емѧ | тѧю землю дал.

Ино будет ли такъ, какъ он намъ поведал, а и ты нам поведал, бѧдет ли таѧ земля лежати пѧста, а наследка к неи не будет, а намъ | не шкодно, и мы емѧ тѧю землю дали.

Писан ѧ Вил(ь)ни, июнь 28 ден(ь). | Индиктъ 14. |

Прик(азал) мар(шалок), нам(естник) витеб(ский) пан Стан(ислав) Глеб(ович). ||<sup>а. 117</sup>

*Примечание.* <sup>1</sup>Вторая буква и исправлена из ю

## № 149

[1496 г.] июня 29. Вильна.

Алекъсандръ, бож(е)ю м(и)л(о)стью. |

Митрополитѧ Макара(ь)ю чоловекъ дан в Новгородскомъ повете в Литовъце на има Лев|ковичъ.

ѧ Вил(ь)ни, июн(ь) 29 день. Индиктъ 14. |

Прик(азал) воев(ода) вил(енский) пан Мик(олай) Рад(ивилович). |

## № 150

[1496 г.] июня 29. Вильна.

Вырок панѧ Воитехѧ Нарбѧтовичѧ з боари|нами Василишского  
поветѧ Сватохною а Ма|риною Чижевича ѡ именье  
Заболотье. |

Алекъсандръ, бож(е)ю м(и)л(о)стью. |

Смотрели есмо того дела с паны радою нашою.

Жаловал намъ дворенин нашъ, пан | Воитехъ Наръбѣтовичъ<sup>1</sup>, на боарини<sup>2</sup> Васишишского поветѣ, на сестры Гѣкѣбовы Чижевича, тѣста своего<sup>3</sup>, на Сватохну а на Маринѣ, што *ж деи* они держать *отчину*, имен(ь)е | жоны его на има Заболот(ь)е. И тые боарини, Сватохна а Марина, положили перед нами | листь брата своего, цта его, Гѣкѣбовъ Чижевича, што имъ записал третюю част(ь) | именье свое Заболот(ь)е. И панъ Воитехъ рекъ: «Таа деи третѣя часть тое имен(ь)е Заболот(ь)е, | што вы держите, бол(ь)ши тых обеюх дел(ь)ницъ, што я держѣ».

И мы того досмотревши, | и вчинили есмо так. Казали есмо тые вси именья змешати поспол(у) и поделити зновѣ на три части ровно, и третюю часть казали есмо *отделити* тым боаринам, | Сватохне а Марине, до их живота. Не мают они тое третее части запродавати, | ни жили тол(ь)ко мают того именья съ третее части вживати подлугъ меры до своего | живота, а не шкодити. А две доли пану Воитехѣ и паней его. А по их животе ино | и тѣю третюю часть присѣдили есмо пану Воитехѣ и его паней, *отчичцы*.

Писан | 8 Вил(ь)ни, июн(ь) 29 день. Индиктъ 14. |

При т(ом) бил(и) пан(ы) рада наш(а), кн[а]з(ь) Вои(тех), бис(куп) вил(енский), воев(ода) | вил(енский) пан Мик(олай) Рад(ивилович), п(а)н вил(енский), нам(естник) гор(оденский) кн[а]з(ь) Алек(сандр) Юр(ьевич), | пан троц(кий), нам(естник) полоц(кий) пан Гѣн Юр(ьевич), стар(оста) жом(оитский) | пан Стан(ислав) Гѣнов(ич) и иные панове рада наша. ||<sup>а. 117 об.</sup>

Примечания. <sup>1</sup>Буквы рѣбѣ написаны по смыслу текста <sup>2</sup>Вторая буква и исправлена из другой <sup>3</sup>Буква о исправлена из е

## № 151

[1496 г.] июля 6. Вильна.

Привилеі панѣ Васи(ль)ю Хребтовичѣ на имен(ь)е | Горѣхово<sup>1</sup>  
въ Володимерском повете | до воли. |

Алекѣсандръ, бож(е)ю м(и)л(о)стью. |

Биль намъ чоломъ наместникъ володимерский пан Васи(леи) Хребтовичъ и просил в насъ | именья въ Володимерскомъ повете на има Горѣхова<sup>1</sup>, што спало по небожчикѣ паней | Сѣлизаре Шиловича и по его паней, их *отчина*, на *отца* нашего, корола, его м(и)л(о)сти, и на нас. |

И мы емѣ то именье Горѣховѣ дали со всѣм тымъ, што к томѣ именью слѣшае[т], | какъ держаль панъ Сѣлизар. А дали есмо емѣ до наше воли. |

Писан 8 Вил(ь)ни, июнь | 6 день. Индиктъ 14. |

Приказал воев(ода) вил(енский) пан Мик(олай) Рад(ивилович), кан(цлер). |

Примечание. <sup>1</sup>Буква ѣ исправлена из другой

## № 152

1496 г. июля 1. Вильна.

Кнѣзю Семенѣ Можайскомѣ на город Черниговъ, | а на город  
Стародѣбъ, а на<sup>1</sup> Гомей вечностью. |

Самъ Александръ, бож(е)ю м(и)л(о)стью. |

Биль намъ чоломъ кн[а]з(ь) Семень Можайский и просил насъ, абыхмо его пожаловали каким именьем. И мы з ласки наше пожаловали его и дали есмо

ему город нашъ | Черниговъ со всѣм, што к нему слѣдуетъ. Нижли вынали есмо на насъ бояр наших Аньдрея | Павловича, а братаничовъ его Халецкого а Микол(ь)ского, а ловчого нашего Левъка | Векневича, а дворенина нашего Аньдрея Дрожжича, а Котовиловъ, а Сулдешова, а подключого виленского Богданъца. Тые нам<sup>1</sup> маюу слѣжити с тых именеи своих, што в Черниговском повете маюу. А иные бояре маюу емѣ слѣжити съ своих именеи. А он их | не маеу рѣшити въ их именьях. А тых, што дали были есмо кн(а)зю Иванѣ Борисовичѣ Глинскомѣ данники и люди, что кн(а)з(ь) Алексъандро Чорторыискии садил, и тых п(а)ну | маршалкъ Литаворѣ дали есмо пѣстовъщину там, в Черниговском повете, тые | даньники и люди и тѣю пѣстовщинѣ ему ж есмо дали. А дали есмо емѣ Чернигов | съ слѣгами пѣтными, и с люд(ь)ми даньными и таглыми, и со всеми платы и доходы, и з землями, и з водами, што издавна къ Черниговѣ слѣдуетъ, вечно емѣ, и его | жоне, и их детем.

Тежъ бил намъ чолом, што отец нашъ, корол(ь), его м(и)л(о)сть, подавалъ || <sup>л. 118</sup> отцѣ его, кн(а)зю Иванѣ, город Стародѣбъ а Гомеи ѣ вотчину. И листъ отца нашего перед нами | вказывал. И просил насъ, абыхмо емѣ тые города, Стародѣбъ а Гомеи, подтвердили | нашимъ листом.

И мы емѣ тые города, Стародѣбъ а Гомеи, подтверждаемъ нашимъ | листом тежъ вечно емѣ и его детемъ подле листѣ отца нашего.

А на твердость того | и печать нашѣ казали есмо приложити к семѣ нашомѣ листу.

Писан ѣ Вил(ь)ни, в лет(о) | 7004, м(е)с(а)ца июл(ь) 1 день. Индиктъ 14. |

При т(ом) были бис(куп) вил(енский) кн[а]з(ь) Вои(тех), воев(ода) вил(енский) пан | Мик(олаи) Рад(ивилович), кан(цлер), п(а)н вил(енский), нам(естник) гор(оденский) кн[а]з(ь) Алек(сандр) Юр(ьевич), | пан троц(кий), нам(естник) полоц(кий) п(а)н Ёдн Юр(ьевич), стар(оста) жом(оитский) | пан Стан(ислав) Ёднов(ич), нам(естник) нов(городский) п(а)н Юр(ии) Пац и иные | панове и маршалки рада. |

*Примечание.* <sup>1</sup>Слово вписано над строкой

№ 153

[1496 г.] июля 6. Вильна.

Кн(а)зю Можайскомѣ на Карачов. |

Александръ, бож(е)ю м(и)л(о)стью. |

Кн(а)зю Семенѣ Можайскомѣ Карачовъ до воли.

ѣ Вильни, июля 6 дна. | Индиктъ 14. |

№ 154

[1495 г. августа 26 — 1496 г. июль]

Хребътовичѣ 4 земли в Новгородском повете. |

Алексъандръ, бож(е)ю м(и)л(о)стью. |

Конюшемѣ Мартинѣ Хребътовичѣ чотыри пѣстовъщины земли в Новгородском | повете на Невди Ёсоцкого сорока, што был забрал тые землицы за себе Богдан | Чамъровичъ безъ данины корола, его м(и)л(о)сти, и нашое. |

## № 155

[1496 г.] июля 8. Вильна.

Вырок в справе п(а)на Воитеха К8чуковича | с п(а)ни  
Петковою Раклевою Мариною ѿ имен(ь)е | Ёлжово. |

Самъ Алексѣандръ, бож(е)ю м(и)л(о)стью. |

Смотрели есмо того дела с паны радою нашою.

Жаловал намъ маршалокъ нашъ, наместникъ волковыискии панъ Воитех  
К8чуковичъ на пани Петков8ю Раклев8ю, на пани Малрин8. И стояли перед нами  
ѿчевисто.

Искал пан Воитех на пани Петковой имениа на импа | Ёлжова, тым обычаем  
рек8чи: «Ты тое имяне держишь, а тое имяне тебе не приидет, то моя ѿчина и  
дедина». И пани Петковаа перед нами рекла: «Мне тое имяне | Ёлжово муж мои  
а дед твои, панъ Ёднѣушко, записал за вено вечно». И тот тестаментъ || л. 118 об. пани  
Петковаа м8жа своего Аньц8шков перед нами положила.

И пан Воитехъ тому тестамент8 ганиль: «Не тот деи тестамент, што дед мои  
тобе тое имяне записал, то деи | тестамент ѿл(ь)шиви». И пани Петковаа рекла:  
«Вжо деи ѿ том имении корол(ь), его м(и)л(о)сть, | смотрел мене с отцом твоимъ,  
с паномъ К8чукомъ, и подлуг того тестаменту | мне тое имяне прис8дил, и листъ  
свои его м(и)л(о)сть мне на то дал». И листъ ѿтца нашо8(о) | положила перед нами,  
ижъ ѿтец нашъ ѿ том с нею ѿтца его с8дил, пана Ёдна, и тое | имяне еи прис8дил  
подле тестамент8 м8жа ее, пана Аньц8шкова<sup>1</sup>.

И пан Воитех давал на то светки, иж бы она тот тестамент ѿл(ь)шова по  
животе м8жа своего. | И много ѿ томъ межи собою мовили. А потом пани Петковаа  
рекла: «Хоч8 на то | присагн8ти, иж то тестамент правьи, тот, которыи ми пан мои  
дал». И пан Воитехъ | рекъ: «Присагни з дочкою своею, естли ты того тестамент8  
не ѿл(ь)шова, а дочка | твою не будет сведома того». И пани Петковаа на том  
присагнула и з дочкою, иж она | того тестамент8 не ѿл(ь)шова.

И мы того досмотревши, и тое имяне Ёлжово | прис8дили есмо пани Петковой  
и дочъце ее вечно подлуг того тестамент8 | и листа ѿтца нашего и их присаги.

Писан 8 Вил(ь)ни июл(ь) 8 ден(ь). Индиктъ 14. |

При т(ом) был(и) кн[А]з(ь) бис(куп) вил(енский) Воит(ех), воев(ода) вил(енский)  
п(а)н Мик(олаи) Рад(ивилович), | кан(цлер), п(а)н вил(енский), нам(естник) гор(оденский)  
кн[А]з(ь) Алек(сандр) Юр(ьевич), пан троц(кий), нам(естник) пол(оцкии) | п(а)н  
Ёдн Юр(ьевич), стар(оста) жом(оитский) п(а)н Стан(ислав) Ёднов(ич), нам(естник)  
нов(городский) пан | Юр(ии) Пац и иные панове и маршальки. |

*Примечание.* <sup>1</sup>Первая буква А исправлена из другой

## № 156

1496 г. июля 11. Вильна.

Потвержен(ь)е кн(а)зю Ёлехн8 Глазыне на сел(ь)ца, к8пли  
его, в Смоленском повете, на Кож8хово | а на Вехре,  
а в Розграбовичах, а Немленово, а Нотко|вых. |

Самъ Алексѣандръ, бож(е)ю м(и)л(о)стью. |

Биль намъ чолом ѡкол(ь)ничии смоленских, наместникъ Лѣчина городка княз(ь) Глехъно | Васил(ь)евичъ Глазына, а поведал намъ, што *ж* покѣпил сел(ь)ца в Смоленскомъ повете в Колжиных, в Кѣзмы, а в детеи его, в Микиты а въ Зенова, а в братаничовъ того Кузмы, | в Гридковых детеи Кожиных жо, 8 Агаѡна и въ жоны его Мар(ь)и, а в Ѳедора, а в Ывана, а в Дениса, а въ Левона, а въ Парѡена, а въ Глѡима, а въ Ъкова, а 8в Олисеевых | детеи, 8в Ывана а въ Васи́ла, кѣпил сел(ь)цо на имѣ Кожино на реце на Гпочанце. |

А въ Микитиных детеи Кожѣхова, в Тимошѣка, а въ Семена, а въ Наньи, а в Ывана, || <sup>л. 119</sup> а в братанича их в Савостыана кѣпил сел(ь)цо на Вехре, кѣплю их.

А въ Вокѣлиных детеи | Нетпалскина, 8в Ывана а въ Гверкеа, кѣпил сел(ь)цо в Розграбовичах, две доли ѡтчины | их.

8в Олешка, а въ Ванѣоилата, а въ Гѡона, а въ братаничовъ ихъ, 8 Васи́ла, а въ | Ѳедора, а въ Ил(ь)и, кѣпил сел(ь)цо на имѣ Немленово на реце на Гпочанце под Берез(ь)ю с призволеньем ѡтца нашего, корола, его м(и)л(о)сти, доброе памяти. И листь ѡтца нашего перѣд нами вказывал, што *ж* его м(и)л(о)сть тые сел(ь)ца призволил емѣ кѣпити, и листом | своим то емѣ потвердилъ.

И бил намъ чолом, абыхмо емѣ тые сел(ь)ца теж потвердили | нашимъ листом.

И мы емѣ тые сел(ь)ца потвержаемъ симъ нашимъ листом, и его | жоне, и их детем, и потом бѣдѣчим ихъ счадкомъ вечно.

И далеи бил намъ чолом, што перѣво сего дали есмо емѣ село в Смоленскомъ повете на имѣ Носковых Ѳедоровых и его брат(ь)и. | И листь нашъ на то перѣд нами вказывал. И бил намъ чолом, абыхмо емѣ тое село потвердили нашимъ жо листомъ.

И мы и тое село Носковых Ѳедорово и его брат(ь)и | потвержаемъ симъ жо нашимъ листом вечно емѣ, и его жоне, и их детем, и на потом | бѣдѣчимъ их счадкомъ. Нехаи ѡнъ вси тые села держитъ верхѣписаные вечно. |

А на твердость того и печат(ь) нашѣ казали есмо приложити к семѣ нашему листу. |

Писан 8 Вил(ь)ни, в лет(о) 7004, июль 11 день. Индиктъ 14. |

## № 157

[1496 г.] июля 10. Вильна.

Боаром смоленскимъ Ивашкѣ а Борисѣ | Пѣтати́чом на именье Перемилевское | въ Смоленскѣ в Молоховском повете. |

Самъ Александръ, бож(е)у м(и)л(о)стью. |

Наместникѣ смоленскомѣ пану Юр(и)ю Глебовичу и инымъ наместникомъ нашимъ, хто | потом бѣдет ѡт насъ Смоленскѣ держати.

Били намъ чолом боаре смоленские | Ивашко а Борисъ Пѣтати́чи и поведали намъ, што *ж* сел(ь)цо в Смоленскѣ в Молоховском | повете на имѣ Перемилевское было в п(е)н(ѣ)зех в людеи. А тое деи сел(ь)цо не таглое, | слѣжебное. И ѡни за тое сел(ь)цо свои властные п(е)н(ѣ)зи ѡтложили и просили насъ, | абыхмо им тое сел(ь)цо потвердили нашимъ листом вечно.

Ино коли ѡни за тое сел(ь)цо | ѡтложили свое властные п(е)н(ѣ)зи, и мы им тое сел(ь)це Перемы[лев]ское потвержаемъ | симъ нашимъ листом вечно. Нехаи ѡни тое сел(ь)цо держатъ, а намъ с него слѣжать. |

Писан 8 Вил(ь)ни, июл(ь) 10 день. Индиктъ 14. || <sup>л. 119 об.</sup>

## № 158

1496 г. июля 16. Вильна.

Богданъ Кевъле на землю Кготевъщинъ |  
в Медницкомъ повете. |

Алексъандръ, бож(е)ю м(и)л(о)стью великии князь литовъскии, рѣскии, жомоитскии и иных. |

Конюшомъ троцкомъ, тивѣну медницкомъ Михну Іѣновичъ и иным тивуном | нашимъ медницкимъ, хто потом бѣдет *от* насъ Медники держати.

Бил нам | чолом наместникъ виленскии воеводы виленьского, канцлера нашего, пана Николаев | Радивиловича, Богдан Кевла, што взяли есмо в него подворье на насъ 8 Вил(ь)ни 8 гоґроде, и просил в насъ человека нашего на *има* Томашьца и з братом а земли пѣстовское на *има* Кготевщины, што *тот* же человекъ держитъ в Медницком повете | противъ того своего подвор(ь)я. И мы емъ того ч(о)л(о)в(е)ка Томошца и з братом | и тѣю землю Кготевщинъ дали противъ его подворья вечно его жоне, и их | детям, и потомъ бѣдѣчим их счадомъ.

А на твердость того и печат(ь) нашу казали | есмо приложити к семъ нашомъ листъ.

Писан 8 Вил(ь)ни, в лет(о) 7004, | м(е)с(а)ца июля 16 дна. Индиктъ 14. |

## № 159

1496 г. июля 18. Вильна.

Потвержен(ь)е Ѳед(ь)ку Іѣнѣшковичъ на имен(ь)я | Колодези,  
а Вечин, а Палче, а Мышovy, а Мел(ь)чичи | на вечность. |

Сам Алексъандръ, бож(е)ю м(и)л(о)стью. |

Чинимъ знаменито сим нашимъ листом, хто на него посмотрит, або чтѣчи его | слышит.

Бил намъ чолом писар нашъ Ѳед(ь)ко Іѣнѣшкевичъ и вказал<sup>1</sup> перед | нами листы *отца* нашего, корола, его м(и)л(о)сти, што призволил *отц* его, писаръ | его м(и)л(о)сти Іѣнѣшкъ, понати маткъ его с тыми всеми имен(ь)и, которые муж ее | *первыи*, Ѳед(ь)ко Хоминичъ, держал, именье на *има* Колодези в Перемил(ь)ском повете | и с приселкомъ его Жабьком, а дрѣгие именья Вечин и Пал(ь)че в Лѣцьком повете. |

Такеж поведил перед нами, што *ж* *отец* же нашъ, корол(ь), его м(и)л(о)сть, дал *отц* его | имен(ь)е 8 Володимерскомъ<sup>2</sup> повете на *има* Мышово, што пан Грин(ь)ко Волович | держалъ. И на то перед нами вказывал листъ *отца* нашего.

Теж и то перед нами || л. 120 поведил, што *ж* вже *он* самъ кѣпил село вечно недалеко именья того Мышева на *има* Меньчичи в земанина володимерского, в Страшъка. А *тот* Страшъко такежъ | был тое село кѣпил вечно 8 воччичовъ, в Пашка а въ братанича его в Микиты, | а въ Савьки въ Зазбневичовъ, с призволениемъ *отца* нашего. И *тот* листъ Страшъковъ | перед нами вказывал кѣпъчии, што емъ тое именье вечно продал. И бил нам чолом, | абыхмо тые вси именья, Колодези и Жабъчевичин и Палчо, *отчину* его и мате|ризнъ, такеж и выслѣгу *отца* его, што *он* выслѣжил тое именье Мышево на *нашом* *отцы*,

короли, его м(и)л(о)сти, теж и кѣпленнѣ его, село Менчичи, што он в Страшкѣ кѣпил, потвердили емѣ нашим листомъ.

И мы на его чоломбит(ь)е и дла его служ(ь)бы тое вчинили. Тые вси именья верхдписанные потвержаемъ емѣ симъ | нашим листомъ вечно и непорѣшнѣ, емѣ самому, и его жоне, и их детем, и ближним | их, и на потом бѣдѣчим ихъ счадомъ, со всимъ по томѣ, какъ издавна са бѣдѣтъ ѣ своих границахъ мели, з лесеы, и з дѣбровами<sup>3</sup>, и с пол(ь)ми, и с ставы, и ставищы, и с криницами, и с потоки, и з мыты, и з болоты, и съ сеножат(ь)ми, и з болѣры, и з бортными землями, и з бобровыми гоны, и зь ловы, и з гаи, ничего | на себе не выменѣа. Волен он тые именья ѡтдати, и продати и заменити, | с кимъ его вола, и по дѣши к церкви божеи записати, и кѣ своему лепшому | и вжиточномѣ обернѣти, какъ налепи самъ бѣдет розрѣмети.

А на твердѣсть того тыхъ всихъ речеи писаныхъ к семѣ нашему листѣ и печат(ь) нашу казали есмо привесити.

Писан ѣ Вил(ь)ни, в лет(о) 7004, м(е)с(а)ца июл(ь) 18 ден(ь). | Индиктъ 14. |

Прав(ил) воев(ода) вил(енский) пан Мик(олаи) Рад(ивилович).

Федько писар. |

*Примечания.* <sup>1</sup>Буквы за написаны по смытому тексту <sup>2</sup>Буквы ди написаны по смытому тексту <sup>3</sup>Буквы ва написаны по смытому тексту

#### № 160

[1496 г.] июля 15. Вильна.

### Панѣ Литаворѣ Хребтовичѣ на тры | пѣстовщины въ Троцкомъ повете. |

Самъ Алексѣандръ, бож(е)ю м(и)л(о)стью. |

Бил намъ чоломъ намѣстникъ слонимский<sup>1</sup>, маршалокъ нашъ пан Литавор Хребтович и просил в насъ трехъ земель пѣстовскихъ леитьскихъ в Троцкомъ повете подле своего | двора троцкого на имѣ Гдсвиловщины, а Будковщины, а Гднковщины. И мы емѣ | тые три пѣстовщины дали ѣ вотчинѣ.

Писан ѣ Вил(ь)ни, июл(ь) 15 ден(ь). Индиктъ 14. || л. 120 об.

*Примечание.* <sup>1</sup>Исправлено, в рукописи смоленский

#### № 161

1496 г. июля 21. Вильна.

### Потверженье панѣ Петрѣ Радивиловичѣ | кѣпли его, земли Нартелевщыны на | вечность. |

Алексѣандръ, бож(е)ю м(и)л(о)стью. |

Биль намъ чоломъ подкоморыи нашъ, намѣстникъ еишишьский пан Петр Радивилович | а поведал намъ, што ж кѣпил ѣ пани Юр(ь)евое Ремезовича, в пани Федки, а въ сына ее Криштофѣора землю ихъ на имѣ Нартелевщинѣ, пашни ихъ, и нивы, и нивища, и лесеы, и дѣбровы, и сѣножати вечно. А тѣю землю дал ѣтецъ нашъ, корол(ь), его м(и)л(о)сть, панѣ Ремезу. И листь купчий, | што он ѣ нихъ тѣю землю кѣпил, и ѣтца нашего листь передъ нами вказывал, што ѣтецъ | нашъ, корол(ь), его



м(и)л(о)сть, тѣю землю дал панѣ Ремезѣ. И просил насъ, абымо ему тую | землю призволили в них кѣпити и подтвердили нашим листом.

И мы ему призволаем | тѣю землю в них кѣпити и подтверждаемъ то сим нашимъ листом, ему, и его жоне, и потом | бѣдѣчимъ их счадомъ, и детемъ вечно подлугъ листѣ кѣпѣчого и подлугъ данины ѿтца | нашего.

А на твердость того и печат(ь) нашѣ казали есмо приложити к семѣ нашомѣ | листѣ.

Писан ѣ Вил(ь)ни, в лет(о) 7004, м(е)с(а)ца июл(а) 21 день. Индиктъ 14. |

## № 162

[1496 г.] июля 24. Вильна.

**Вырок Сен(ь)кѣ Володкевичѣ с княземъ Иваномъ | Дашковичомъ Глинскимъ ѿ имени Гостомль | въ Киевскомъ повете. |**

Самъ Александръ, бож(е)ю м(и)л(о)стью. |

Смотрели есмо того дела с паны радою нашою.

Жаловал намъ дворенин нашъ | Сенько Володкевичъ, мстиславецъ, на кн(а)зѣ Ивана Дашкевича Глинского, тымъ ѿбываемъ | рекѣчи: «Выслѣжил был есми на ѿтцы ваше м(и)л(о)сти, короли, его м(и)л(о)сти, в Киевскомъ | повете имени на имѣ Гостомль. И кнѣз(ь) Иванъ тое имени выпросил подо мѣною | ѣ ваше м(и)л(о)сти, г(о)с(по)д(а)ра нашего, тымъ ѿбываемъ, абы на то листу ѿтца ваше м(и)л(о)сти не мелъ». И кнѣз(ь) Иванъ рекъ: «Тое имени Гостомль дал был тебе панъ Юрей Пацевичъ, | наместникъ полоцкии, какъ держалъ ѿт короля, его м(и)л(о)сти, Киевъ. А листѣ короля, | его м(и)л(о)сти, на то не маешъ». И Сен(ь)ко рекъ: «Мел есми на то листѣ короля, его м(и)л(о)сти, | але ми тот листѣ згинулъ». А потомъ панъ Юрей Пацевичъ самъ сознал, ижъ тое имени(ь)е | Гостомль дал былъ Сенькѣ Володкевичѣ без воли короля, его м(и)л(о)сти.

И мы ѿ томъ | межи ними досмотревшы, коли Сенько листѣ ѿтца нашего на то не мелъ, а панъ || <sup>л. 121</sup> Юрей Пацевичъ дал был емѣ тое имени Гостомль без воли ѿтца нашего, короля, его м(и)л(о)сти, | присудили есмо тое имени Гостомль кнѣзю Ивану Дашкевичу Глинскому, по тому, | какъ перво есмо емѣ тое имени дали. Нехай ѿн тое имени держитъ, а намъ с того | слѣжитъ.

Писан ѣ Вил(ь)ни, июл(ь) 24 день. Индиктъ 14. |

При т(ом) былъ воев(ода) вил(енский) п(а)нъ Мик(олаи) Рад(ивилович), кан(цлер). |

## № 163

1496 г., июля 17. Вильна.

**Привилеі мещанинѣ виленскомѣ Матѣею | на землю Воиновщину в Рѣдоминскомъ повете | на вѣчность. |**

Александръ, бож(е)ю м(и)л(о)стью. |

Билъ намъ чоломъ кѣпецъ нашъ, мещанинъ виленьский Матѣеи, и просил в насъ земли | в Рѣдоминскомъ повете на имѣ Воиновщины. И поведал намъ, што жъ тое жъ земли | ѣделил былъ ѿгородецъ тотъ Воинюс Пѣтате, и вжо деи того Пѣтаты в животе не стало.

И мы емѣ тѣю землю Воиновщину всю дали зъ землями с пашьными, | и съ сеножат(ь)ми, и со вѣсим по томѣ, какъ Воинюс держал, вечно емѣ, и его жоне, и ихъ | детемъ.

А на твердость того и печат(ь) нашѣ казали есмо привесити к семѣ нашему | листѣ.

Писан ѣ Вил(ь)ни, в лет(о) 7004, м(е)с(а)ца июл(а) 17 день. Индиктъ 14. |

Прик(азал) воев(ода) вил(енский) пан Мик(олаи) Рад(ивилович), кан(цлер). |

## № 164

1496 г. августа 1. Вильна.

Потвержен(ь)е Пашькѣ на дворец Промадевскіи и на иные  
земли, кѣпли его, вѣчностью. |

Александръ, бож(е)ю м(и)л(о)стью. |

Биль намъ чолом писар небожчика старосты жомоитского, пана Іѣнов Кгезькгаиловича, Пашко и положил перед нами листъ отца нашего, короля, его м(и)л(о)сти. Ино в листѣ | отца нашего стоит, што ж небожчикъ пан Іѣнъ дал емѣ дворец свои Промадевскіи, | што емѣ записала пани Кголтовътоваѣ Талюша, и з люд(ь)ми, и съ челад(ь)ю, и з землями, | и з водами, и съ сеножат(ь)ми, и зъ лесом, и со вѣсим с тым, што к томѣ дворцу здавна прислѣхало, емѣ и его жоне, и их детем, и ближнимъ их вечно и непорѣшно. Волен ѿн тот дво|рец свои отдати и продати, и къ своемѣ лепьшомѣ обернути, как сам налепеи || л. 121 об. розѣмеючи.

А отец нашъ, корол(ь), его м(и)л(о)сть, тотъ дворец емѣ подтвердилъ листом своим, | тежъ вечно и непорушъно.

И просил насъ, абыхмо емѣ тот дворец Промадевскіи потвердили нашим листомъ. И мы тот дворец Промадевскіи з люд(ь)ми, и с челад(ь)ю, и з землями, | и з водами, и съ сеножат(ь)ми, и з лесом, и со вѣсимъ с тым, што к томѣ дворцу здавна прислѣхало, подтверждаемъ симъ нашим листом емѣ, и его жоне, и их детем, и их ближним | вечно и непорѣшно.

А далеи бил намъ чоломъ а поведал намъ, што ж отец нашъ, корол(ь) его м(и)л(о)сть, дал емѣ людци в Пѣтрех и землицы в Промадеве Лѣкшевичъ, и теж дал | емѣ землицы панъ Іѣнъ, Малые Пѣстовщинки, з волею отца нашего. И на то листы | пана Іѣновы мает.

И теж кѣпил в боар ѣ Воиштововича, ѣ Монка а въ Румшевича, | два ч(о)л(о)в(е)ки.

И теж кѣпил землицѣ ѣ Сволкеневицъ и ѣво Ѣжменех, ѣ Воитмина.

И теж выменал землицѣ в Пелдевиц и въ племени ихъ.

И теж выменал землицѣ в Нарейша а въ Милоша и въ брат(ь)и его, Итеву землицѣ. И на все на то пана старостины листы | мает. И просил насъ, абыхмо емѣ тые землицы и людцы потвердили нашимъ | листом.

И мы тые землицы и людци, даные и кѣпленые, подтверждаемъ | симъ нашим листом емѣ, и его жоне, и их детем, и их ближнимъ вечно и непорушъно. |

А на твердость того и печат(ь) нашѣ казали есмо привесити к семѣ нашомѣ | листѣ.

Писан ѣ Вил(ь)ни, в лет(о) 7004, м(е)с(а)ца августа 1 ден(ь). Индиктъ 14. |

## № 165

1496 г. августа 1. Вильна.

Потвержен(ь)е ЁлехнѸ, Николаю а ЁкубѸ | Важевичом  
на имен(ь)е в Смоленском повете | на Словажи. |

Самъ Александръ, бож(е)ю м(и)л(о)стью. |

Бил намъ чолом Ёлехно Ёedorовичъ Важевича а братаничи его Николаи а Ёкубъ | Михаиловы дети, и положили перед нами листь отца нашего, корола, его м(и)л(о)сти, | што ж отец нашъ, корол(ь), его м(и)л(о)сть, дал отцѸ их, ЁedorѸ ВажевичѸ, имен(ь)е Ѹ Смоленском | повете на Словажи, што держаль Дмитрей<sup>1</sup> Непролеевъ. И просили Ѹ нас, абыхмо имъ то потвердили нашим листом.

И мы им тое именье, што Дмитрий Непролеевъ держал, и потвержаем сим нашим листом вечно, им самыи, и их жонам, и их детем, | и их счадком.

А на твердость того и печат(ь) нашѸ казали есмо приложити к семѸ | нашомѸ листѸ.

Писан Ѹ Вил(ь)ни, в лет(о) 7004, м(е)с(а)ца авгѸста 1 | дн. Индиктъ 14. |

При т(ом) были воев(ода) вил(енский) пан Мик(олаи) Рад(ивилович), кан(цлер), а пан | троц(кий) пан Ён Юр(ьевич), а мар(шалок), нам(естник) вит(ебский) пан | Стан(ислав) Глебович. ||<sup>а. 122</sup>

Примечание. <sup>1</sup>Далее в строке полусмытые буквы в (?) ь

## № 166

1496 г. августа 1. Вильна.

Привилеі воитѸ берестеіскомѸ ПавлѸ Чорному | на двор КорницѸ в повете  
БерестеіскомѸ | на вечность. |

Самъ Александръ, бож(е)ю м(и)л(о)стью. |

Биль намъ чоломъ воит места Берестеіского Павел Чорный и просил насъ, абыхмо | придали емѸ кѸ воитовъству берестеіскомѸ какое именъечко на поживенье. |

И мы з ласки наше дали ему двор нашъ берестеіский на има КорницѸ зъ землами пашинными, и съ сеножатыми, и з люд(ь)ми, и с платы со всыми, по томѸ, какъ жид держал | за отца нашего, корола, его м(и)л(о)сти, ничего на себе не выимаа, такъ широко и долго, | какъ с.а тое именье в своих границах маеть. А дали есмо емѸ тое именье вечно | на веки вечные, емѸ, и его детем, и потомъ бѸдѸчимъ ихъ счадкомъ.

А на твердость того и печат(ь) нашу казали есмо привесити к семѸ нашомѸ листу.

Писан | Ѹ Вил(ь)ни, в лет(о) 7004, м(е)с(а)ца авгѸста 1 дн. Индиктъ 14. |

## № 167

[1496 г.] августа 3. Вильна.

Какъ панъ Ёедко з Вил(ь)ни поехал, я, Ёднушько, при великом | кн(а)зи остал и въписал есми въ кн(и)ги листы сѸдовые и данинѸ его м(и)л(о)сти, што комѸ дано. А што я писал почон от | Берестеіского соимѸ, ажъ и до Виленъского соиму, август | 3 день индиктъ 14. |

На памат(ь) г(о)с(по)д(а)рѸ, его м(и)л(о)сти, великомѸ кн(а)зю.

Новии двор, што его м(и)л(о)сть на | себе сѧ [казаль] ѡвезати МиклашѸ Бутковичу Кострине после Николаѧ Жикгимонтовича. |

ПанѸ МихаилѸ Кгол(и)кгиновичѸ ѡзеро Ѣрло, правиль пань Кгаштольть. |

ѢлехънѸ КголикиновичѸ пать чловековъ на има Ил(ь)ко, а Ходана, а Ѣнихим, | а Ивань, а Ѣндреи, чотыри ч(о)л(о)в(е)ки данные, а патыи не даньныи, правил пан Монивид. |

Што ваша м(и)л(о)сть казали мне дакла из Довьское волости къ Троком выгнати, и солбе ваша м(и)л(о)сть казали ѡтповедити, ино вышло 40 без трех дакол. А котоѣры не маюу ничего Ѹ дому, тых сем(ь)десят, а пѣстовъщин сто. || <sup>а. 122 об.</sup>

## № 168

[1496 г.] марта 23. Меречь.

Лист, даныи боѡром радѸнскимъ до намест|ника радѸнского, же бы сена не косили | и дакол не давали. |

Самь Александрь, бож(е)ю м(и)л(о)стью. |

Смотрели есмо того дела.

Жаловали нам боѡаре радунские, Ѣлехно Ѣндреевич, | а АнѢреи Нецевичь, а Нацько и з братьею своею<sup>1</sup>, их всех семь головами<sup>2</sup>, на | наместника радѸнского ЁнѸша Костевича, што *ж* имь велел сено косити и дакла давати, и за то их был самых поимал и въ натѣстве держал, и дома ихь пограбил. А они поведали сѧ, иже из родѸ суть боѡара, сена не кошивали | и дакол не даивали. И перво того такеж искал их приставъ радѸнских и зъ волостью перед воеводою троцкимъ, паномъ АнѢреемъ Саковичом. И пан АнѢреи, | того досмотревшы и достаточне сѧ доведавшы, иже они *сут(ь)* боѡаре, | в том ихь ѡправил и листъ свои имь сѢдовыи на то дал.

И после того их волост(ь) | в дрѸгии разъ искали перед ѡтцемъ нашим, королемъ, его м(и)л(о)стью, рекомо бы | они сено кошивали и дакла даивали. И они перед его м(и)л(о)стью тот лист сѢдовыи пана АнѢреевъ положили. И его м(и)л(о)сть, томѸ сѢду пана АнѢрееву зролѸзмевши, и водле листѸ судового в том их правых нашол.

То пакъ и после того | ѡ томъ же искал ихъ приставъ радунских на има Кирвела перед воеводою троцким, маршалкомъ земьскимъ паном Петром Ённовичом. И они такеж перед ним | вказали<sup>3</sup> листъ сѢдовыи пана АнѢреевъ и листъ ѡтца нашего. И он подлѸгъ тыхъ листовъ их в томъ ѡправил и на то им свои лист дал.

И тыми разы они тые листы сѢдовые пана АнѢреевъ и пана Петровъ перед нами | вказывали, а ѡ листъ ѡтца нашего поведили, иж в них з домомъ згорел. Ино | в листе пана Петровомъ выписеть, иже они ѡ том деле клали перед ним | листъ ѡтца нашего и листъ пана АнѢреевъ.

И мы, по томѸ зрозѸмевшы, | по тымъ листомъ их в томъ есмо ѡправили и на то имь дали сесъ нашъ | листъ. Не надобе имь сена косити и даколь давати, и маюу они нам | слѢжити службѸю тою, какъ и иншыи боѡаре шлахъта. А шѣто ихъ Ёнуш | был за то пограбилъ, тые есмо грабежи вси ѡчевисто казали емѸ || <sup>а. 123</sup> за сѧ имь поотдавати.

Писан в Меречи, марта 23 днѧ.

При том [были] | мар(шалок), нам(естник) слон(имский) Лит(авор) Б(о)г(данович) Хр(ебтович), м(а)р(шалок), н(а)м(естник) вол(ковьиский)<sup>4</sup> п(а)н

Во[итех] К(у)ч(укович)<sup>5</sup>, м(а)р(шалок), н(а)м(естник) м(е)н(ский) п(а)н М(и)к(олаи)  
Ил(ь)нич). |

*Примечания.* <sup>1</sup>Слово написано дважды <sup>2</sup>Исправлено из чоловіки <sup>3</sup>Буквы ала написаны по смытому  
тексту <sup>4</sup>Исправлено, в рукописи вел <sup>5</sup>Исправлено, в рукописи Ки

## № 169

[1496 г.] марта 29. Меречь.

Вырок межи люд(ь)ми Берестейского поветѣ | корничаны  
а бобровникомъ Легоном ѿ землю. |

Самъ Александръ, бож(е)ю м(и)л(о)стью. |

Смотрели есмо того дела.

Жаловали намъ люди наши Берестейского повета корничане на има Васил(ь)  
а Иванъ, а Гюлисеи на бобровника берестейского на Легона, што *ж* держитъ за собою  
их землю ѿчинъную. И тот Леговъ поведил перед | нами, што жъ тѣю землю кѣпил  
в ыншого берестянина на има въ Ецыны | с призволеньемъ пана Гюна Насѣгича,  
какъ [ѿтъ] ѿтца нашего, короля, его м(и)л(о)сти, Берестей держаль. И с тое земли  
слѣжбу ѿсобную слѣжит, и дань давал ажъ и до | тых часовъ. Тежъ поведил намъ, што  
*ж* тые корничане искали тое земли на нем | перед паномъ Сенькомъ Гюлизаровичомъ,  
наместникомъ берестейскимъ, а къ тои земли | блискости ничого не маючи. И пан  
Сенько ему *ж* тую землю присудил и на то | емѣ и листъ свои сѣдовыи дал. И онъ тотъ  
листъ пана Сеньковъ перед нами клал. |

И мы того досмотревшы, тѣю землю томѣ Легону есмо присѣдили подлѣгъ | его  
кѣпли и листа дозволеного пана Гюнова Насѣгича, и тежъ подлугъ листа | сѣдого  
пана Сенькова Гюлизаровича. Нехай онъ тѣю землю держитъ, а нам | с того слѣжбѣ  
ѿсобную слѣжитъ и дань дае по томѣ, какъ и первеі того | с тое земли слѣжна<sup>1</sup> намъ  
шла и дан(ь) даивана.

А тымъ корничаномъ Василю, а Иванѣ, а Гюлисею в то вже не надобе вѣстѣпати с.а.

Писан в Меречи, марьца | 29 дна. Индиктъ 14. |

Пр(авил)<sup>2</sup> м(а)р(шалок) дв(орный), н(а)м(естник) м(е)р(ецкий) п(а)н Гр(игории)  
Стан(кович) Гюс(тикович). |

*Примечания.* <sup>1</sup>Так в рукописи <sup>2</sup>Возможна реконструкция Пр(иказал)

## № 170

[1496 г.] апреля 11. Меречь.

Справа кн(а)зѣ Федора Масал(ь)ского зъ брат(ь)ею его, |  
кн(а)земъ Дмитромъ а княземъ Семеномъ ѿ имениа |  
дадка ихъ. |

Самъ Александръ, бож(е)ю м(и)л(о)стью. |

Смотрели есмо того дела.

Жаловал намъ княз(ь) Федоръ Ивановичъ Масал(ь)ский на брат(ь)ю | свою  
родную, на кн(а)зѣ Дмитреѣ а на кн(а)зѣ Семена, што *ж* дадко его, небожчикъ  
княз(ь) || л. 123 об. Анъдреи Семеновичъ, взалъ былъ его себе за сына мѣсть на вдел свои<sup>1</sup>  
и записалъ ему имен(ь)я | свои. А мелъ онъ мешкати на его имениахъ с кн(е)гинею его,

дадиною своею, до живота ее. И он по ее животе хотел самъ держати тые именья дадка своег(о), | а имь, брат(ь)и своеи, в тых именьях дел(ь)ницы не хотел дати.

И мы, того досмотревши, нашли есмо такъ. Нел(ь)зе было дадкѸ его, кн(а)зю Аньдрею, емѸ ѿдномѸ | тых имении своих ѿтписывати, иншоє брат(ь)и его ѿ того ѿтдалаючи. Нижли | такъ право вѣказѣть, может третью часть имении своих ѿтписати комѸ | бы хотел своеє доброе воли. И казали есмо кн(а)зю ѲедорѸ на тых именьях | дадка своего мешкати з дадиною его, съ кн(е)гинею Андреевою, до живота ее. | А по ее животе тогды он маєт тыми всими имении дадка его з братьею | своею поделити сѧ и поровнати. И теж ѿтчиньными имении такеж маєт с ними | сѧ поделити. Теж таѧ кн(е)гини Аньдрееваѧ, дадинаѧ их, и з братом их, кн(а)зем | Ѳедоромъ, маєт, на тых именьях мешкаючи, их не шкодити, а ни продавати, | а ни записывати никомѸ ѿ них, ѿ ближнихъ.

Писанъ в Меречи, апрѣл(ь) | 11 день. Индиктъ 14. |

При т(ом) б(ы)л м(ар)ш(алок), н(а)м(естник) сл(онимский) п(а)н Л(и)т(авор) Хреб(тович). |

*Примечение.* <sup>1</sup>Исправлено, в рукописи свою

№ 171

[1496 г.] апрѣля 11. Меречь.

Вырок боѧринѸ ковенскомѸ НеверѸ ДовкъшевичѸ | и дадиною его Кголикгиновои с чоловеком рѸмшишским, | с Киркилом, ѿ землю. |

Самъ Александръ, бож(е)ю м(и)л(о)стью. |

Смотрели есмо того дела.

Жаловал намъ боѧрин ковенский Невер Довкъшевич | з дадиною своею Кголикгиновою на чоловека рѸмшишского, на Кирькила<sup>1</sup>, | што ж тот Киркило выпрохал в насъ под ними землю их ѿтчиньную. А поведалъ, | что ж таѧ земля конюскаѧ, а лежит пѣста. И мы того гораздо сѧ не | доведавшы, и на его поведанье тѣю землю емѸ есмо дали были. Тыми | пакъ разы стоѧли перед нами ѿ том ѿчевисто Ѹ праве, и тот Невер поведил | перед нами, што ж ѿ том ихъ вжо смотрел после нашего емѸ данья наместник | ковенский пан Станко Костевич с приставом конюским с Щепаном и с тым | Киркилом, и тѣю землю имь присѣдил, и на то имь и листь свои сѣдовыи далъ. | И тот листь пана Станковъ перед нами вказывали, и въ листь томъ высланы | светъки, которые перед ними светчили, што ж тое земли дедъ их, ТвитрѸст, || л. <sup>124</sup> был в держаньи еще за великого кн(а)зѧ Витовѧ. И затым и тот Киркило перед нами сознал, што ж предки их тѣю землю держали за великого кн(а)зѧ Жикгимонта. Ино коли | предки их <sup>2</sup>были тое земли<sup>2</sup> в держаньи за великого кн(а)зѧ Витовѧ и за Жикгимонта, | нам нел(ь)зе так(их) дел рѣшати.

И мы того досмотревши, и тѣю землю в Киркила | есмо ѿтнали, коли он еє в насъ не гораздо просил, и присѣдили есмо тѣю землю | НеверѸ и его дадиною Кголикгиновои. Нехай они тѣю землю держать по томѸ, | какъ и перво того еє в держаньи были.

Писан в Меречи, апрѣл(ь) 11 день. | Индиктъ 14. |

При т(ом) был к(у)х(мистр), н(а)м(естник) ол(итский) п(а)н П(е)т(р)  
С(у)лех(нович). |

*Примечания. <sup>1</sup>Буквы ъки написаны по полусмытому тексту <sup>2-2</sup>Написано по смытому тексту*

## № 172

[1496 г.] апреля 21. Меречь.

Вырок жижморцомъ НаркѸ а ЮшкѸ Романовичом |  
зъ Миколаем а Нехом<sup>1</sup> Юхновичами ѿ землю | дадка их  
ЕвъкгиндовѸ<sup>2</sup>. |

Александрь, бож(е)ю м(и)л(о)стью. |

Смотрели есмо того дела.

Жаловали намъ тые жижморцы на има Нарько | а Юшько Романовичи на жижморцы жъ, на Миколаа а на Неха Юхновичовъ, што жс | рекомо ѿни держать за собою землю дадка ихъ ЕвъкгиндовѸ. И тот Миколаи | а Нехъ повелили перед нами, што жс Евъкгиндъ имъ дадко жъ был, и детеи в себе | не мел, и взал был ихъ малых себе за сыны мечь. И ѿни в него мешкали тридцать лет, а того Миколаевы а Неховы дрѸгие два братья мешкають | таки на ихъ ѿтчине и слѸжбу слѸжат. И за тым тот дадко их з жоною своею | вмер, а ѿни после дадка своего с тое земли слѸжбу намъ слѸжили и дакло | давали, аж и до тых часовъ.

Ино коли тот Евъкгиндъ, дадко жъ ему был, | а взал ихъ на свою ѿтчинѸ за сыны мечь, а ѿни в него давно мешькали, и тыми разы после него с тое земли службу намъ слѸжат и дакла дают, того | есмо досмотревшы, и тую землю ЕвъкгиндовѸ имъ присудили. Нехаи ѿни | тѸю землю держать, а намъ с того службѸ слѸжать и дакло дают. А томѸ | Нарку а Юшку в тое вже не надобе ѸстѸпати с.а.

Писан в Меречи, април(ь) | 16 д(е)нь. Индикть 14. |

При т(ом) был(и) маршалки, н(а)м(естник) в(и)т(ебский) | п(а)н Ст(анислав)  
Гл(ебович), н(а)м(естник) в(о)л(ковьиский) п(а)н В(ои)т(ех) К(у)ч(укович),  
под(столии), | н(а)м(естник) еишиш(ский) пан П(е)т(р) Ради(вилович). || л. 124 об.

*Примечания. <sup>1</sup>Исправлено, в рукописи Нанехом <sup>2</sup>Буква д написана по смытому тексту*

## № 173

[1496 г.] апреля 21. Меречь.

Позволен(ь)е СтаниславѸ ПацевичѸ на кѸпен(ь)е | земли  
в Нарка Воиштеневица. |

Самъ Александрь, бож(е)ю м(и)л(о)стью. |

Биль намъ чоломъ боаринь жижморский Станиславъ Пацевичъ и повелдил перед нами, што жс хочеть кѸпити землю в боарина жижморского жъ, | в Нарка Воиштеневица. И бил намъ чолом, абыхмо дозволили емѸ тѸю землю | в него кѸпити. А и того теж Нарка перед нами ставил.

И мы ему призволили | тѸю землю в него кѸпити. А ѿн маеть с тое земли службу намъ слѸжити по тому, | какъ и первеи того с тое земли слѸжба намъ шла.

Писан в Меречи, април(ь) 21 | день. Индикть 14. |

## № 174

[1496 г.] апреля 22. Меречь.

Лист, даннѣи подданым перелаиским до тивѣна перелаиского, штобы им кривдѣ не чинил и новин не въводил. |

Самъ Александръ, бож(е)ю м(и)л(о)стью. |

Тивунѣ перелаискомѣ Михаилу Вачевичу и иным тивуномъ, хто и на потом ѿ нас | бѣдетъ Перелаю держати.

Жаловали нам тые перелаичане на има Ямонтъ | Мостевичъ, а Станько Кгирдимонтовичъ, а Яцько Беневичъ, Римкусь Воинбутовичъ, Талкусь Ринкгаиловичъ, што *ж* деи ты имъ кривды делаешъ и новины ѡводишь<sup>1</sup>, велишь деи имъ до своего двора дерево возити, и теж коли с нами ѣ лоуы ездись, кажешъ деи имъ сурбы радити собе и речеи своих стеречи. Такеж | деи приставъ перелаискии новину жъ им ѡводит, правит на них мезлевщины и спижии и сено кажешъ им возити к Троком. А они деи перед тымъ тою службою | не слѣживали и мезлевого не даивали, и сена не воживали, нижи деи служить | намъ службою пѣтною и въ заставѣ ходат и дакло дають.

И ѿ томъ их перво | сего смотрел с тобою и с приставом перелаискимъ воевода троцкии, маршалокъ земьскии панъ Петръ, «*ѡ* их в томъ правых знашол и тые новины имъ | ѿставил, на то имъ и листъ свои сѣдовыи дал». И зъдесе они тот листъ сѣдовыи ||<sup>а. 125</sup> пана воеводинъ перед нами вказывали.

Ино коли вжо тому суд был, а пан воевода их | в том правых нашолъ и листъ свои им на то дал, приказѣмъ тебе, ажъ бы еси | через то кривдѣ имъ не чинил, и новинъ не ѡводил конечно. И приставу бы еси приказал, ижъ бы такеж имъ новины не ѡводилъ и дал бы им впокою. Не хачи они службу | намъ слѣжат пѣтную и въ заставѣ ходатъ и дакло дают подлугъ давного ѡбычаѣ, какъ перед тымъ службѣ слѣживали и дакло даивали.

Писан в Меречи, | април(ь) 22 день. Индиктъ 14. |

Пр(и том) б(ы)л(и) м(а)р(шалки), н(а)м(естник) вит(ебский) п(а)н Ст(анислав) Глеб(ович), | краич(ии) кн(азь) Януш Александрович. |

*Примечание.* <sup>1</sup>Буквы шъ написаны по смытому тексту

## № 175

[1496 г.] апреля 22. Меречь.

Вырок боаром смоленским Ивашкѣ а Гришкѣ | Павловичом зъ Иваном а Григор(ь)емъ Ѳедоровичами Плюско<sup>1</sup> | ѿ дел въ волости в Щучьи. |

Александръ, бож(е)ю м(и)л(о)стью. |

Смотрели есмо того дела.

Жаловали намъ боаре смоленские Ивашко а Гришко з братьею своею Павловичи на брат(ь)ю свою, на боар смоленских, на Ивана а Григор(ь)ѡ Ѳедоровичовъ, и просили в них делѣ въ волости в Щучьи. И Иван а Гришко поведили перед нами, што *ж* деи еще<sup>2</sup> до их памяти был ѿтцѣ ихъ дел зъ их ѡицомъ, и поделлили промежи себе село Долгомостьское, и люди, и челад(ь). А ѿ волость Щучье | врадили промежи себе такъ, што *ж* Ѳедору Плюсковѣ тѣю волость держати, |



а волостеиские доходы с Павломъ напoлы делити. А ПавлѸ в тѸю волость | ЩѸчье не въежъчати, а ни децъких, а ни слугъ своих тамъ не высылати, нижъли | смoтрети Ѹ Ѳедора своее половины серебряное дани. «И тое деи дело тогды | до нашео памати ѡтцы наши врадили и записали межи себе. И того деи врадѸ | держали сѧ, поки ѡтец нашъ Ѳедор был живъ. И после смерти ѡтца нашего ѡтець | вашъ Павел почал ѡ томъ жаловати на насъ королю, его м(и)л(о)сти, и хотел дел тот и запись рѸшити.

И мы положили перед его м(и)л(о)стью тот дел и листь ѡтцовъ н(а)ших. | И корол(ь) деи, его м(и)л(о)сть, выслѸхавшы того делавого листѸ, насъ в том ѡправиль | и того делѸ и врадѸ ѡтцовъ наших не рѸшил. И после того ажъ и до смерти своео ѡтец | вашъ вже бол(ь)ши того в тѸю волостъкѸ ЩѸчье не вѸстѸпал, а ни впоминал сѧ, а ни | там в тѸю волость въежчал, а ни слѸгъ своих всылал, нижъли смoтрел в нас половины дани серебряное, котораѧ жъ идеть с тое волостки».

Ивашко з брат(ь)ею || л. 125 об. своею к томѸ сѧ не знали, поведили, рекомо бы корол(ь), его м(и)л(о)сть, того межи ними смoтрел. И ѡни были ѡ томъ послали сѧ на наместника житомирского пана Сенька | Романовича, ѡн деи <sup>3</sup>в тотъ<sup>3</sup> часъ тот листь дел(ь)чии перед королею, его м(и)л(о)стью, | чол, и емѸ деи таѧ речъ сведома гораздо. И ѡни на Сенька ѡ том не слали сѧ, и над | то еще воевода виленский, канцълер нашъ пан Миколаи Радивилович нам ѡ то поведил, што жъ в том часъ при корoли, его м(и)л(о)сти, был, и какъ его м(и)л(о)сть промежи Павломъ Плюсковым и братаничи его, Иваном а Григор(ь)емъ, смoтрел, и, выслѸхавшы | деи его м(и)л(о)сть делового их запись, Павла ѡпытывал, естъли бы то правыи | был тот запись, которым же ѡн з братомъ своим Ѳедором потвердили дель | свои. И Павел деи перед его м(и)л(о)стью тогды рекъ, што жъ то правыи тот деловыи | их листь, нижъли деи то есми вчинил в молодости своеи, же сѧ есми ему такъ | записал.

И корол(ь), его м(и)л(о)сть, подле их запису и того самого Павла Плюскова | сознанья Ивашка а Григор(ь)ѧ Ѳедоровичовъ в томъ правых нашол и прика|заль ПавлѸ, абы сѧ в тѸю волость Щучье не вѸстѸпал, а ни тамъ въежчалъ, | а ни слугъ своих всылал, нижъли бы смoтрел половины дани своео серебряное, по томѸ, какъ же врадил и записал сѧ з братом своим.

И мы подле суда ѡтца | нашего, короля, его м(и)л(о)сти, и теж какъ ѡ томъ намъ росповедил пан воевода, | Ивана а Григор(ь)ѧ в томъ есмо ѡправили, а Павловичом не казали есмо по тому жъ | в тѸю волостъкѸ Щучье вѸстѸпати сѧ.

И потом тые Павловичи з дѧдковичи | своими, с Ѳедоровичи, въ дрѸгии раз перед насъ ѡ том зазывали сѧ перед наме|стникомъ смоленскимъ паномъ Юр(и)емъ Глебовичом. Иван Ѳедорович на тотъ | рокъ перед нами стал, а Павловичи прислали брата своего, Гришка. И ѡн с Ываномъ перед нами мовил, абы с ними делили тѸю волостъкѸ Щучье. Иванъ | Ѳедоровичъ тот же запись ѡтцовъ их перед нами вказал, и над то слал сѧ на пана | воеводѸ виленского и на Сенка Романовича, ѡн сѧ с ним ѡ то не послал. И мы в томъ | Ивана Ѳедоровича ѡправили.

И потомъ тот Гришко искал на Ивана и на его | брата Григор(ь)ѧ въездѸ в тѸю волость Щучье, рекѸчи, бы ѡтец ихъ и до своего | живота тамъ в тѸю волость въежчал и подводы в них бирал. И теж, што жъ бы | тые люди щѸчане двор ѡтцѸ их, Павлу, в городе рѸбливали. Иван Ѳедоровичъ | поведил, што жъ «ѡтец их, Павел, после сѸда короля, его м(и)л(о)сти, там и до своео смерти | не въежчал, а ни слѸгъ своих всылал, а ни подводъ в них не бирал, а ни хоромов в городе емѸ

не рѣбливали, ни жъли тол(ь)ко смотрел в мене половинѣ дани своее». И надѣто Иванъ Ѳеодоровичъ послал сѧ на его светъки, и тотъ Гришко на то на него жадного || л. 126 доводѣ не вчинил.

И мы во всемъ томъ Ивана Ѳеодоровича и брата его Гришка правыхъ | нашли и сесь нашъ листь на то имъ есмо дали, а Павловичомъ вжо в тѣю волост(ь) Щучье | делити не надобе, а ни тамъ въежчати, а ни слугъ своихъ всылати, а ни подводъ в нихъ | брати, а ни хоромъ ими в городе рѣбити, ни жъли брати имъ половина дани | своее, по томѣ какъ отецъ ихъ бирал. И все подлугъ того записѣ радити, какъ | ѡици ихъ промежи себе записали сѧ.

Писан в Меречи, април(ь) 22 ден(ь). Индикт 14. |

Пр(и) [том] б(ы)л(и) м(а)р(шалки), н(а)м(естник) в(и)т(ебский) п(а)н Ст(анислав) Гл(ебович), краи(чи) | кн(а)з(ь) Гдн(уш) Алексан(дрович), п(а)н Юр(ии) Ил(ь)инич. |

Примечания. <sup>1</sup>Возможно, конец слова обрзан <sup>2</sup>Слово вписано над строкой <sup>3-3</sup>Написано дважды

## № 176

[1496 г.] апреля 22. Меречь.

Андрею Пражовскомѣ на ѡтпѣщен(ь)е людемъ его | Шершневьскимъ ведра медѣ, до ключа Киев(ь)ского даиваного, на вечность. |

Самъ Александръ, бож(е)ю м(и)л(о)стью. |

Ключникѣ киевскомѣ Сенькѣ Полозовичѣ, инымъ ключникомъ нашимъ, хто и на по(т)омъ ѡт насъ бѣдетъ ключъ киевский держати.

Билъ намъ чоломъ земанинъ киевский Андрей Пражовский и поведилъ передъ нами, што жъ люди его въ Завскои волости на имѧ Шершневичи издавна даивали в ключъ киевский ведро медѣ прелсного. И билъ намъ чоломъ, абыхъмо тое ведро медѣ ѡтпѣстили емѣ.

Ино мы дла | сказы ѡт поганства з ласки наше то вчинили и тое ведро медѣ емѣ есмо ѡтпѣстили вечно. Не надобе его людемъ Шершневичомъ того ведра медѣ давати | въ ключъ киевский.

Писан в Меречи, април(ь) 22 день. Индикт 14. |

При т(ом) был(и) под(чашии), нам(естник) б(е)л(ьский) п(а)н Мик(олаи) Мик(олаевич), м(а)р(шалок) | двор(ный), н(а)м(естник) кер(новский) п(а)н Гр(игории) Гдс(тикович), м(а)р(шалок), н(а)м(естник) в(о)л(ковьиский) п(а)н В(оит)т(ех) Куч(укович). |

## № 177

[1496 г. апреля или марта] 27. Меречь.

Вырокъ видбланомъ Гдсташкѣ и брат(ь)и его с котел(ь)ник(ом) витебскимъ Михал(ь)цомъ ѡ землю. |

Александръ, бож(е)ю м(и)л(о)стью. |

Смотрели есмо того дела.

Жаловали намъ тые вит(е)блане на имѧ Гдсташко и з брат(ь)ею | своею, што жъ кнѧз(ь) Иванъ Юр(ь)евичъ, какъ [ѡт] ѡтца нашего, короля, его м(и)л(о)сти,

Витебскъ держал, ѿтнал был в них землю их властнѹю и ѿтдал котел(ь)никѹ<sup>1</sup> витебскомѹ Михал(ь)цѹ. | И они жаловали ѿ том ѿтцѹ нашомѹ, королю, его м(и)л(о)сти. И его м(и)л(о)сть казал ѿ том || <sup>л. 126 об.</sup> межи ними досмотрети кн(а)зю Семенѹ Юр(ь)евичѹ, а панѹ Станкѹ Костевичу, а пану Юр(и)ю | Зеновьевичу. И они ѿ том смотрели, их в томъ правых нашли, и тѹю землю им присѣдиди, и том суд свои ѿтцѹ нашомѹ ѿтказали, и его м(и)л(о)сть на то имъ и свои листъ дал. |

И после того том котел(ь)никъ жаловал ѿтцѹ нашему и поведил перед его м(и)л(о)стью, што ж | они тѹю землю держать за собою ни без чиее данины, а ѿтчичъ тое земли жив | есть. И его м(и)л(о)сть на его поведанье и листъ свои до кн(а)зѹ Ивана ему был далъ, | ажъ бы он держалъ таки тѹю землю. То пакъ тыми разы том котел(ь)никъ перед нами с ними не стоѹл, але тотъ ч(о)л(о)в(е)къ, которыи звал сѹ тое земли ѿтчичомъ, | перед нами с ними ѿчевисто стоѹл и на то доводѹ ни которого не вчинилъ, | ажъ бы была его земля ѿтчиньная.

И мы того досмотревшы, тому Ъстапшкѹ и его брат(ь)и имъ есмо тѹю землю присѣдиди. А томѹ вже котел(ь)нику | Михал(ь)цѹ не надобе в то встѣпати сѹ.

Писанъ в Меречи, 27 день. Инъдиктъ 14. |

Пр[авил]<sup>2</sup> м(а)р(шалок), н(а)м(естник) в(и)т(ебский) п(а)н Ст(анислав) Гл(ебович). |

*Примечания.* <sup>1</sup>Буква о написана по смыслу текста <sup>2</sup>Возможна реконструкция Пр[иказал]

## № 178

[1496 г.]

Справа боаром жижморским Юр(и)ю Нарбѣтовичѹ  
а Станиславѹ Монковичѹ з Векгимон|темъ<sup>1</sup> ѿ подранье  
пъчол. |

Смотрел г(о)с(по)д(а)рь, его м(и)л(о)сть, великии князь того дела.

Жаловали его м(и)л(о)сти боаре | жижморские Юреи Нарбѣтовичъ а Станислав<sup>2</sup> Монковичъ на леитевъ жижморскихъ, | на Вегимонта и на его товаришовъ, што ж они, пришедши кгвалтомъ, в люди их | бчолы подрали. А они ѿтбывали их тымъ обычаем, што ж казал имъ ключник | троцкии Сенько Ъгаѹновичъ тые бчолы в них драли.

И г(о)с(по)д(а)рь, его м(и)л(о)сть, самъ | ключника ѿ том опытывал, и он поведил, што ж сѣдиль их ѿ бчолах с ыншими | боары, а тые боары, Юреи а Станько, в тотъ часъ тамъ же были. И г(о)с(по)д(а)рь, | его м(и)л(о)сть, присѣдил ихъ людям на тых леитехъ за тые бчолы платити, которые бѣдут до ѿстаткѹ выдраны, по полѣкопью грошеи, а которые живые | ѿстали, а подлазъ с них взат, за тые по десати грошеи. И рокъ его м(и)л(о)сть той заплате положил ѿт сее платницы перед светою Троицою<sup>[1]</sup> ѹ чотырех неделѹхъ. | Ино того всего ѿбраховали есмо чотыри копы без двадцати грошеи мают за тые | бчолы платити. Ино леитеве къ двоим сѹ бчолам не знали, и ж бы их с корена выдрали, | ино люди Юр(ь)евы а Стан(ь)ковы мают на том присагнѣти, то они мают им платити | и за тые бчолы, коли присагнут, копѣ грошеи. || <sup>л. 127</sup>

*Примечания.* <sup>1</sup>Исправлено, в рукописи Векгимон|темъ <sup>2</sup>Исправлено, в рукописи Станислав

№ 179

[1496 г.] мая 30. Троки.

**Вырок людем Вилкеиского поветѸ ІѡвкъшѸ | з Кгинеитемъ  
ѡ землю. |**

Алекъсандръ, бож(е)ю м(и)л(о)стью. |

Смотрели есмо того дела.

Жаловал намъ ч(о)л(о)в(е)къ нашъ Вил(ь)кеиского повета на има | Іѡвкъшисъ Миникгиловичъ на богарина вил(ь)кеиского жс, на Кгинеита, што жс он держать | за собою его землю и емѸ сѧ не хочет ее поступити<sup>1</sup>. И тот Кгинеит поведил перед нами, што жс | тѹю землю кѸпил Ѹ воита ковенского, в Нарейка, за десѧт(ь) копъ грошеи, и держать тую | землю вже ѡсмьдесѧт год, а ниhto сѧ емѸ ѡ то не впоминал. Тежъ поведил перед | нами, што жс тот воит Нарейко тѹю землю был кѸпил в ч(о)л(о)в(е)ка вилкеиского жъ на има | в Петера, ѡтчича тое земли, а томѸ ІѡвкъшѸ таѧ земла есть не ѡтчина, нижли | ее ищет по близкости, а свою землю ѡтчинную таки в себе мает.

Ино коли таѧ | земла емѸ не ѡтчина, а он ее искал по близкости, мы в том вол(ь)ни, г(о)с(по)д(а)рѸ. А ч(о)л(о)в(е)кѸ | тагломѸ близкости никоторое нет. Того досмотревъшы, тѹю землю Кгинеитѹ есмо присѸдили. А томѸ ІѡвкъшѸ в то сѧ не надобе вже встѸпати.

Писан в Троцох, маѧ 30 день. Индиктъ 14. |

*Примечание.* <sup>1</sup>Слово написано по смытому тексту

№ 180

[1496 г.] мая 30. Троки.

**Боѧром ѧсвонскимъ з бискѸпом жомоитским | ѡ грабежи  
и ѡ Ѹставы новин. |**

Алекса́ндръ, бож(е)ю м(и)л(о)стью. |

Кназю Мартину, бискѸпу жомоитскомѸ.

Што жаловали намъ ѡчевисто на | тебе боѧре ѧсвонские на има ПетрѸ Вилевич а ІѡкубѸ РачевичѸ, а Павел ДовоиновичѸ, а Монкгаило ДовѸатовичѸ, Витко КондратовичѸ, а Михаило Юр(ь)евичѸ, СтаниславѸ ТитовичѸ з брат(ь)ѧми своими, што есмо дали тебе Іѡсвоину держати | до твоего живота, и ты имъ кривды был поделал, и велел имъ еси на свои | потреби ездити, и дѧа того их еси пограбил. И мовили ѡ том они перед нами | с тобою ѡчевисто. И ты сам сознал, што жс они сѹт(ь) боѧре шлѧхта, нижли дѧа того | их еси грабил, што они не хотели тебе в твоём<sup>1</sup> деле послѸшни быти.

И мы того | досмотревъшы, вѧдили есмо такъ. Маюѹт они намъ слѸжбѹю слѸжити боѧрскѹю, где мы имъ роскажемъ, какъ иные боѧре шлѧхта. А тебе тежс они маюѹт || л. 127 об. послѸшни быти въ наших делех. Такежс коли ѡ котором великом деле они ѡтзовут сѧ | до насъ, до г(о)с(по)д(а)ра, и ты бы им того не заборонал. А ѡ посполитых делех можеши(ь) | и самъ досмотрати межи ними и справедливость чинити. А што был еси пограбил их, и тѹе грабежи приказали есмо тебе ѡчевисто, ажъ бы еси им | за сѧ поѡтдавал. Ино тѹми разы приказѸемъ тебе, штобы еси имъ тѹе | вси грабежи поѡтдавал, а инако бы еси того не вчинил.

Писан в Троцох<sup>2</sup>, маѧ | 30 день. Индиктъ 14. |

*Примечания.* <sup>1</sup>Буквы во исправлены из других <sup>2</sup>Буквы тро написаны по смытому тексту

## № 181

[1496 г.] мая 30. Троки.

Лист, даныі боѳаром ѳсвонскимъ до бискѳпа | жомоитского,  
ѳ некоторые кривды и ѳ грабѳежи. |

Александръ, бож(е)ю м(и)л(о)стью. |

Кн(а)зю Мартину бискѳпу жомоитскомѳ.

Што жаловали намъ на тебе боѳаре | ѳсвонские на имѳ Іѳцус Милошевичъ  
а Евнивил Милмонтовичъ з брат(ь)ею своею, | што есмо дали тебе Іѳсвоину держати  
до твоего живота, и ты им кривды | был поделал, и велел еси им ездити на свои  
потребы, и дла того их еси пограбил. | И мовили ѳ том ѳни перед нами с тобою  
ѳчевисто, и ты сам сознал, што ж ѳни | сут(ь) боѳаре шлахта, нижли дла того их еси  
пограбил, што ѳни не хотели тебе | въ твоємъ деле послѳшны быти.

И мы того досмотревши, врадили есмо | такъ. Мают ѳни намъ слѳжити слѳжъбою  
боѳарскою, где мы имъ роскажем, | какъ иныѳ боѳаре шлахта. А тебе теж ѳни мают  
послушни быти в наших делѳх. | Такеж коли ѳ великомъ деле ѳни ѳтзовуть сѳ до  
насъ, до г(о)с(по)д(а)ра, и ты бы имъ | того не заборонѳл. А ѳ посполитых делѳхъ  
можешъ и сам межи ними досмоѳрати и справедливость чинити. А што был еси их  
пограбил, и тые грабѳежи | приказали есмо тебе ѳчевисто, ажъ бы им за сѳ поѳтдавал.  
Ино тыми | разы приказѳемъ тебе, штобы еси имъ тые вси грабѳежи<sup>1</sup> поѳтдаваль |  
конечно, а инако бы еси того не вчинил.

Писанъ в Троцохъ, маѳ 30 ден(ь). | Инъдиктъ 14. ||<sup>л. 128</sup>

*Примечание.* <sup>1</sup>Слово написано по смытѳму тексту

## № 182

[1496 г.]

На памѳлт(ь), што г(о)с(по)д(а)рь, его м(и)л(о)сть великии князь, казал  
высокодворцомъ ходити на робѳтѳ ѳрати на паренинѳ два дни<sup>1</sup>, а на ѳр ѳрати два  
дни. На паренинѳ бороновати день, а на ѳр бороновати день. Жита жати два дни,  
а ѳр жати два дни. |

*Примечание.* <sup>1</sup>Исправлено, в рукописи двѳ

## № 183

[1496 г.] июня 10. Троки.

Справа боѳарини Самилишъского повета | Николаевои с паном  
Юр(и)емъ Гамшеевичом ѳ пет|десѳт золотыхъ. |

Г(о)с(по)д(а)рь, его м(и)л(о)сть великии княз(ь), смотрел того дела.

Жаловала его м(и)л(о)сти боѳарина | Сомилишъского повета Николаеваѳ на  
пана Юр(и)ѳ Гамшеевича, што ж ѳтец его | винень был небожчикѳ пану Богдану  
Анъдреевичѳ сем(ь)десѳт золотых. А муж ее в тот | часъ ѳтѳѳ его слѳжил. И затым  
ѳтец его послал до пана Богдана тые золотые | мѳжомъ ее не сполна, тол(ь)ко  
двадцѳть золотых. И пан Богдан в достѳли в пѳти|десѳт(и) золотых мѳжа ее поимал  
и в городокъ всѳдил, и ѳн тамъ в на[т]стве | и вмер. И ѳн после смерти мѳжа ее тые

золотые на нем *отправил*. И тот Гамъшевичъ вымовлял се маткою своею, а повелел, иже томъ не сведомъ есть.

И г(о)с(по)д(а)рь, его м(и)л(о)сть, казалъ емъ *матку* его поставити перед собою *от* сее сѣботы за две недели. Если пакъ *матки* своею он на тотъ рокъ не поставит, | тогда маеть тые золотые той Николаевои сам заплатити.

Писанъ | 8 Троцох, июн(ь) 10 день. Индиктъ 14. |

## № 184

[1496 г.] июня 15. Вильна.

Вырокъ бояринъ бранскомъ Митю Есиѳовъ зъ Григор(ь)емъ  
Жиневои ѿ сел(ь)цо Здешичи. |

Самъ Александръ, бож(е)ю м(и)л(о)стью. |

Смотрели есмо того дела.

Жаловал нам боярин бранский Мита Есиѳов | на Григор(ь)я Жинева, што *ж* он держитъ *отчину* жоны его, сельце на имѣ Здешичи. | И Григореи повелел перед нами, што *ж* тое сел(ь)це запродад ему в п(е)н(ѣ)зех Сен(ь)ко, боярин | бранский, и самъ вже умер, а сын его на имѣ Степанец, *отчичь* того сел(ь)ца, жив ѿстал. | И мы того *отчича* казали были перед нами емъ поставити на сему сѣботу | и самомъ стати. И Жиневъ перед нами самъ не стал, а того *отчича* Степанца | и сына своег(о) Сѳоноаса к намъ прислал за себе мовити с ними. И мы сына Женѣва Сѳоноаса пытали, *отчина* л(ь) тое сел(ь)це бѣдет томъ Степанцъ. И онъ || л. 128 об. повелел перед нами, што жъ отец его Сенько кѣпил тое сельцо 8 Ивана Суздаль(ь)цова, в деда жоны того Мити Есиѳова. И мы казали ему листы купчие | на то положити, або которое сведомье дати, и *ж* бы тое сел(ь)це отец | его в того Суздальцова<sup>1</sup> кѣпиль. И он перед нами листовъ на то не положилъ | а ни доводъ ни которого не вчинил.

И мы того досмотревъши, тое сел(ь)це Здешичи Мити Есиѳовъ<sup>2</sup> тое сел(ь)цо есмо присѣдили по близкости жоны его. А Григореи Жинев п(е)н(ѣ)зи своих нехаи смотрит на томъ, комъ их будет давал. А в тое сел(ь)це | Григор(ь)ю и сыном его и томъ Степанцъ не надобе вже вступовати сѣ.

Писанъ | 8 Вил(ь)ни, июн(ь) 15 день. Индиктъ 14. |

*Примечания.* <sup>1</sup>Исправлено, в рукописи Суздальцова <sup>2</sup>Буква 8 написана по смыслу тексту

## № 185

[1496 г.] июня 15. Вильна.

Вырокъ межи земанкою волынскою Красовскою | а межи  
Петрѣшкои Мѣшатичом и братаничом его | ѿ дел имен(ь)я  
мѣжа ее. |

Самъ Александръ, бож(е)ю м(и)л(о)стью. |

Смотрели есмо того дела.

Жаловала намъ земанка волынская Красовская на земелина волынского *ж* на Петрѣшка Мѣшатича и на братанича его Ивашка Аньдрусковца сына. И повела перед нами, што *ж* она была за братомъ его, за тым | Аньдрусковцемъ и сына с нимъ прибыла, и они ее выгнали с имения мѣжа ее | с тымъ дитатемъ. И Петрушко мовил, иже она братъ его Аньдрусковца не венчал(ь)наи была жона. И она дала на то светка, пана Гѣкуба

Монтовътовича, | иже бы емѸ таѸ речъ сведома была, што *ж* *он* на тои свад(ь)бе и на венчан(ь)и был. | И мы казали были того межи ними досмотрети, и его ѿпытати маршалкѸ нашомѸ, наместникѸ витебскомѸ пану Станиславу ГлебовичѸ. И панъ | Станислав пана Ёдкуба ѿ томъ ѿпытывал, и *он* светчил, иже того дела не сведомъ есть, а ни на свад(ь)бе тои, на венчаньи не был. И пан Станислав то намъ перед | ними ѿчевисто ѿтказал.

Ино коли ее *ж* светокъ того не светчиль, и *ж* бы она была АньдрѸшкѸ венчал(ь)наѸ жона, и мы того досмотревши, и въ томъ есмо Петрушка и братанича его Ивашка Аньдрушкова сына правых нашли. И КрасовѸскои приказали есмо, ажъ бы им во всем дала впокои и въ тые сѸ именья их | не встѸповала.

Писанъ 8 Вил(ь)ни, июн(ь) 15 день. Индиктъ 14. |

Пр(авил)<sup>1</sup> м(а)р(шалок), н(а)м(естник) в(и)т(ебский) п(а)н Ст(анислав) Глеб(ович). || л. 129

*Примечание.* <sup>1</sup>Возможна реконструкция Пр(иказал)

## № 186

[1496 г.] июня 24. Вильна.

Вырок боѸринѸ менскомѸ МишкѸ ЗелепѸжичѸ сѸ конюшим виленским<sup>1</sup> Михаилом | ѿ дворец на Коросте<sup>2</sup> 8 Виленскомъ повете. |

Самъ Александръ, бож(е)ю м(и)л(о)стью. |

Смотрели есмо того дела.

Жаловаль намъ боѸринъ менский Мишко ЗелепѸжич, | што *ж* ѿтец его ЗелепѸга продал дворец свои 8 Виленскомъ повете на Коросте | вечно конюшемѸ виленскому пану МихаилѸ, рекомо бы без его ведома. А панъ | Михаило переж сего на тот дворец листь его кѸпъчии перед нами вказывал, и салмого того ЗелепѸгу, ѿтца его, и з братьею его перед нами ставил. И ѿтец его выѸзнал, што пану МихаилѸ вечно тот дворец продал. И мы были то ему и потвер|дили нашим листомъ подлугъ кѸпли его. И тыми разы пан Михаило с тымъ | МишкѸкомъ ЗелепѸжичом ѿ томъ стоѸл перед нами ѿчевисто 8 праве и наш | листь потвержоньи перед нами вказал, што *ж* ѿтец Мишков ЗелепѸга тот | дворец емѸ продал вечно посполѸ и с иными своими.

И мы того досмо|тревшы, тотъ дворец на Коросте пану Михаилу есмо за сѸ присѸдили вечно | подлугъ кѸпли его. А тот Мишко нехаи того ищет на ѿтцы своем, если будет без его ведома продавал.

Писан 8 Вил(ь)ни, июн(ь) 24 день. Индиктъ 14. |

*Примечания.* <sup>1</sup>Первая буква и исправлена из е <sup>2</sup>Буквы росте написаны по смьтому тексту

## № 187

[1496 г.] июня 23. Вильна.

КнѸзю ПетрѸ Головни на две<sup>1</sup> дворища | въ ТѸличеве<sup>2</sup> Андreichовых Тириковича | 8 Володимерскомъ повете 8 двадцати копах. |

Самъ Александръ, бож(е)ю м(и)л(о)стью. |

Наместнику володимерскомѸ пану Васил(ь)ю Хребътовичу и иным наместником нашим, | хто и на потомъ будет ѿт насъ Володимер держати.

Бил намъ чолом дворенин | нашъ княз(ь) Петръ Михаиловичъ Головна и просил в насъ дву дворищъ 8 Володи|мерскомъ повете в Т8личеве на *има* Анъдреиковых Тириковича. А тот Анъдреико | тые две дворища заставил был сл8зе пана С8лизарову Шиловича на *има* Фе|дк8 8 двадцати копах грошеи. И затым тот Фе|д(ь)ко 8мер. И небожчикъ панъ Юрша, | какъ *от* *о*ица нашего, корола, его м(и)л(о)сти, Володимеру держал, 8 тые дворища 8валзал с8 къ Володимеру.

И бил намъ чолом княз(ь) Петръ Головна, абыхмо тые дворища || л. 129 об. в тыхъ п(е)н(а)зехъ дали ем8. И мы ему тые две дворища в Т8личеве Анъдреиковы | дали за его службу в тыхъ двадцати копах грошеи. И ты бы ем8 в тые две дво|рища 8везанье дал. А естли которые ближние тыхъ дворищъ *будут* под нимъ | искати, и они нехаи т8ю двадцать копъ грошеи *от*ложить, а тые дворища | себе буд8тъ м8ти.

Писан 8 Вил(ь)ни, июн(ь) 23 день. Индиктъ 14. |

Пр(и) [гом] был(и) под(часий), нам(естник) бел(ьский) п(а)н Мик(олаи) Мик(олаевич), | м(а)р(шалок), нам(естник) слон(имский) пан Лит(авор) Хреб(тович). |

*Примечания.* <sup>1</sup>Буква е исправлена из другой, вероятно из и <sup>2</sup>Буквы че написаны по смыслу тексту

## № 188

1496 г. июля 4. Вильна.

Потвержен(ь)е князю Иван8 Кропотк8 на *именье* | Еловичи в Луцкомъ повете *вечностью*. |

Самъ Александръ, бож(е)ю м(и)л(о)стью. |

Чинимъ знаменито симъ нашим листомъ, хто на него посмотрит, або чт8чи его | вслышит, ком8 потребъ того *будет* ведати.

Бил намъ чоломъ княз(ь) Иван Дмитриевичъ Кропотка и в8казал перед нами листъ *от*ца нашего, корола, его м(и)л(о)сти, | што *ж* его м(и)л(о)сть даль ему *именье* в Луцкомъ повете на *има* Еловичи с8 приселки и з людьми. И бил намъ чолом, абыхмо то ем8 *потвердили* нашим листом. |

Ино мы тое *именье* Еловичи и тые приселки на *има* Ворсинъ а Чекон(ь), а Котелевъ и зъ люд(ь)ми и с8 всимъ с8 тым, што к том8 *именью* и с8 присельком сл8шает, | и какъ здавна с8 в границах своих мели, *потвержаемъ* симъ нашим листом | *вечно* и *непор8шно* ему *самом8*, его жоне и его детем и на потом *будучимъ* | их *счадомъ*.

И на твердость того и печат(ь) нашу казали есмо привесити к селм8 нашом8 лист8.

Писан 8 Вил(ь)ни, в лет(о) 7004 м(е)с(а)ца июл(ь) 4 ден(ь). | Индиктъ 14. |

Прав(ил) воев(ода) вил(енский), к(а)н(цлер) пан Мик(олаи) Ради(вилович). |

## № 189

[1496 г.] июля 9. Вильна.

Справа Фе|дка Гавриловича а братьи его Гаврила | а Мартина Мелешковичов с8 Фе|дкомъ Шев8ловским | *о* *имен(ь)е* Шев8лово. |

Фе|д(ь)ка Гавриловича дело. |

Стоял перед нами в праве чашник нашъ, городничии городеньский Фе|д(ь)ко Гавриловичъ а братья его Гаврило а Мартинъ Мелешковичи, с Фе|д(ь)ком Шел(ь)вов8скимъ. || л. 130



Искали под нимъ дедины и *отчины* своее, именья на *има* Шел(ь)вова. И мы пытали | Шел(ь)вовъскаго, маеть ли на то данину чию, листы, которые *твердости*. И он поведил, | што *ж* на то листы мел, але ему их татарове побрали, какъ *перезж* сего брали | землю *Волынъскю*. А *Федко* Гавриловичъ и з *брат(ь)ею* своею вказали перед нами на тое | именье Шелвово привилеи великого кн(а)зѧ Жикгимонтовъ и листъ кн(а)зѧ Швитригаилловъ. И *отцѸ* нашомѸ, королю, его м(и)л(о)сти, ѿ томъ многокrotь сѧ *впоминали*. И *пан* | Станько Костевич то перед нами *светчиль*.

И мы тое дело *отложили* до тыхъ часов, | поки сами там на *Волыню* бѸдем. А коли, дасть богъ, на *Волыни* будем, тогда | томѸ делѸ *промежи* них *конецъ* вчинимъ.

Писан Ѹ Вил(ь)ни, июл(ь) 9 ден(ь). Инъ|диктъ 14. |

## № 190

[1496 г.] июля 10. Вильна.

Вол(ь)ность боаром *еишишьским* Стан(ь)кѸ а ТалкѸ |  
Кгиретовичом *от* даванья *дакол*. |

Самъ Александръ, *бож(е)ю* м(и)л(о)стью. |

Смотрели есмо того дела.

Жаловал намъ боаринь *еишишьский* на *има* Станько Кгиретовичъ и з братомъ своимъ роднымъ Тал(ь)комъ на пристава *еишишьского*, што *ж* | имъ велел дакла давати. А они поведили сѧ, *иже* з родѸ *шлѧхта* боаре *сут(ь)*, | *дакол* не даивали. А тѸю землю, которѸю они *держать*, то *деи* «кѸпил *отец* нашъ Ѹ Воидимина Ноневича. А томѸ Воидимину тѸю землю дал был великий кнѧз(ь) Жикгимонтъ | после *Сурконъта*. А тотъ *Сурконътъ* *конокормца* был. И того *Сурконъта* вызволил | с тое слѸжбы великий кнѧзъ Витовтъ, и на то емѸ и листъ свои дал». И вказали перед | нами листъ великого кн(а)зѧ<sup>1</sup> Витовтъовъ, што *ж* ихъ *предка*, того *Сурконта*, с тое *службы* *конокормьское* вызволил. И *от* великого кн(а)зѧ Витовтъа, ажъ и до сихъ часовъ | *дакла* с тое земли не даивано.

Ино коли *будеть* с тое земли *перезж* того *дакла* | не даивано, и тыми разы *подлугъ* листѸ великого кн(а)зѧ Витовтъова не *на|добе* имъ с тое земли *дакла* давати. *Нехаи* они намъ *слѸжбу* *слѸжат* боарскую. |

Писан Ѹ Вил(ь)ни, июл(ь) 10 день. Индиктъ 14. |

*Примечание.* <sup>1</sup>Слово вписано над строкой

## № 191

[1496 г.]

Справа кнѧзю *Андрею* ЛѸкомскомѸ з боары | *Виленского* повета з *Володком* а з *Миколаем* а з *Іѧном* | *Кинвиловичи* ѿ землю и *сеножати*. |

Стоѧл перед его м(и)л(о)стью великимъ кн(а)земъ кнѧз(ь) *Андреи* ЛѸкомьскийи з боары *Виленьского* повета на *има* з *Володкомъ* а з *Миколаемъ* а зъ *Іѧном* *Киньвиловичи* а з *Довѧкидовичи*. || л. 130 об.

Искали они на кн(а)зи *Андреи* земли и *сеножатеи*. И кнѧз(ь) *Андреи* *взѧл* въ его м(и)л(о)сти *ездокѧ* своее *рѸки* *Глеба* СѸстапьевича, а они *взѧли* своее *рѸки* *Стан(ь)ка* *ДѸкурна*. И какъ | тые *суд(ь)и* *рокъ* *положат*, и тамъ *выедѸтъ*, тогда они

мають перед ними к правѣ стати, а тые суд(ь)и мають их мощне сѣдити. А естли бы хто с них на тот | рокъ перед суд(ь)ами не стал, и г(о)с(по)д(а)рь, его м(и)л(о)сть, промежку них заложил виною своєю<sup>1</sup> сто копь грошеи. А жито и сено мають ѡни пожати с obu сторонѣ и на той же | земли поставити до права. |

*Примечание.* <sup>1</sup>Буквы єю написаны по смыслу текста

## № 192

[1496 г.] июля 24. Вильна.

Вырок Сен(ь)кѣ Володкевичѣ мстиславѣ | с князем Иваном Дашковичем ѡ имен(ь)е | Госѣтомль в Киевском повете. |

Алекѣсандрѣ, бож(е)ю м(и)л(о)стью. |

Смотрели есмо того дела.

Жаловал намѣ дворянин нашѣ Сен(ь)ко Володкевичѣ мстиславец на кн(а)зѣ Ивана Дашковича, што *ж* ѡтец нашѣ, корол(ь), его м(и)л(о)сть, дал ему имен(ь)е в Киевском повете на имѣ Гостомль. И ѡн был того имениѣ в держаньи ѡткол(ь)ка летѣ, и затыи ѡт(ь)ехалѣ до Мстиславѣ мешькати. И кн(а)з(ь) Иванѣ Дашкович | приехавши к намѣ и поведил перед нами, што *ж* ѡн<sup>1</sup> мешкает во Мстиславѣли, а с того | имениѣ з боари киевскими службы нашое не служит. И бил намѣ чолом, абыхо | емѣ тое имениѣ дали. И мы за его слѣжбу тое имениѣ Гостомль емѣ есмо дали. |

И здесе ѡни стоѣли перед нами и мовили ѡ томѣ ѡчевисто. И Сенько поведил, што *ж* | тое имениѣ ѡтец нашѣ, его м(и)л(о)сть, ему дал, и листь его м(и)л(о)сти на то в себе поведал. И мы казали емѣ тогѣ листь перед нами положити. И ѡн того листа перед | нами не положил, нижли поведил, што *ж* ѡтец нашѣ, его м(и)л(о)сть, писал до пана Юр(и)ѣ | Пацевича, какѣ ѡт его м(и)л(о)сти Киевѣ держал, ажѣ бы емѣ тое имениѣ дал, а и того | теж листа перед нами не положил.

И мы того досмотревши, коли ѡн тое имен(ь)е | держал, а листовѣ ѡтца нашого на то в себе не маючи, а и самѣ ѡт(ь)ежал до Мстиславѣли и тамѣ два годы мешкал, службы с того имениѣ с кияны не слѣживаль, | тое имениѣ Гостомль кн(а)зю Ивану Дашковичѣ есмо присѣдили подлугѣ *первше* нашое | данины.

И то емѣ потвержаемѣ сим нашимѣ листом со всѣм с тым, што к тому | имению слѣшает, вечно. Нехай ѡн тое имениѣ держитѣ, а намѣ с того службу слѣжит.

Писан 8 Вил(ь)ни, июл(ь) 24 день. Индиктѣ 14. |

Пр(авил)<sup>2</sup> воев(ода) вил(енский), к(а)н(цлер) п(а)н Мик(олай) Ради(вилович). ||<sup>л. 131</sup>

*Примечания.* <sup>1</sup>Слово вписано над строкой <sup>2</sup>Возможна реконструкция Пр(иказал)

## № 193

[1496 г.] июля 24. Вильна.

Справа боарѣ Єишишьских Петка Таливоишевича | и брат(ь) и его с поддаными их ѡ выламован(ь)е | им з держанья. |

Алекѣсандрѣ, бож(е)ю м(и)л(о)стью. |

Смотрели того дела.

Жаловали намѣ люди боарѣ еишишьских Пет[ь]ковы Таливоишевича и его братьи Грин(ь)ковы а Стан(ь)ковы на имѣ Гѣндрѣс<sup>1</sup> и з братьею своєю, што *ж* |

рекомо ѿни забрали их за себе ни без чиее данины и велат имъ собе слѣжити. А ѿни | поведали сѧ наши люди Еишишьское волости. Теж поведали на них, ѿсподарев своих, | иж бы ѿни были люди таглые и дакла даивали посполѣ з волостью к Троком. | И хотели того на них довести книгами первых городничих троцкихъ, што на них | дакла биривали.

И мы казали городничомъ троцкомъ Михну Хребътовичъ пошмотрети в старых книгахъ, даивали л(ь) бѣдут ѿтци ихъ, або ѿни сами дакла | посполѣ з волостью, чи л(ь) не даивали. И городничии<sup>2</sup> ѿтцовъ их [и их] самих въ книгахъ | не нашол. Теж ѿни довод на то добрыи вчинили, што ж тотъ Ѡндрусъ и з братьею | своею их есть люди ѿтчиньные и не похожие.

И мы того досмотревши, того | Пет[ъ]ка а Грин(ь)ка а Станька в томъ есмо правых нашли, и тые люди им прису|дили. А дакол имъ не надобе давати. Нехаи ѿни службою намъ служить боарскою, | какъ иные боаре шлахта.

Писан ѣ Вил(ь)ни, июл(ь) 24 день. Индикть 14. |

*Примечания.* <sup>1</sup>Буквы Ѡнѣд написаны по смътому тексту; буква р исправлена из другой <sup>2</sup>Исправлено, в рукописи городничие

## № 194

[1496 г.] июля 25. Вильна.

Кнегини Дашковойі на манастыр в Овърѣ|чомъ светых  
праведниковъ Иѿакима | и Аньны до живота ее. |

Алексъандръ бож(е)ю м(и)л(о)стью. |

Наместникъ вруцкомъ кн(а)зю Григор(ь)ю Борисовичу.

Бил намъ чоломъ кнѧз(ь) Иван | Дашковичъ и просил в насъ манастыра в Овручомъ светых праведниковъ | Иѿакима и Аньны матце своей кн(е)гини Дашковой, што земанка вруцкаѧ держит на имѧ Ленъковаѧ. А поведил перед нами, што ж таѧ Ленъковаѧ и два манастыри от насъ держитъ, ѿдин манастыр св(е)тое Пречистое, а другии манастыр | светыхъ праведныхъ Иѿакима и Аньны.

Ино досыть ей и того ѿдного | манастыра ѿд насъ держати, светое Пречистое. А тот дрѣгии манастыр, ||<sup>л. 131 об.</sup> светых праведниковъ, матце его, кн(е)гини Дашковой, есмо дали держати до ее | живота. И ты бы ей в тотъ манастыр ѣвезанье дал.

Писанъ ѣ Вил(ь)ни, июл(ь) | 25 день. Индикть 14. |

Пр(авили)<sup>1</sup> воев(ода) вил(енский), к(а)н(цлер) п(а)н Мик(олаи) Ради(вилович), нам(естник) пол(оцкии) п(а)н Юр(ии) Пац(евич). |

*Примечание.* <sup>1</sup>Возможна реконструкция Пр(иказали)

## № 195

[1496 г.] июля 27. Вильна.

Вырок земаном вруцким Васкѣ и братѣ его Рѣсино|вичом<sup>1</sup>  
зъ земанкою вручкою ж Павъловою Доротою | и девером<sup>2</sup> ее  
Михаилом ѿ Ѡстров Литовьскийи. |

Самъ Алексъандръ бож(е)ю м(и)л(о)стью. |

Смотрели есмо того дела.

Жаловал намъ земенинъ вруцкии Васко и з братомъ | своимъ Рѣсиновичи на земанкѣ вруцкѣю на Павловѣю Доротѣ и на сыновъ ее, на | Петра а на Антона а на Андреика и на деверичича ее на Михаила, што *ж* они | держать *отчину* их на *има* Литовскіи Гѣстровъ. И они вказали перед нами | листъ пана Мартиновъ Кгастовтовича, што *ж* деда их Давыда Велавского | з дедомъ Рѣсиновичовъ з Митькомъ Петровичомъ *о* томъ судил з бояри киевскими, и тотъ Гѣстровъ Велавскимъ присѣдил, старины сѣ доведавшы. И тотъ | суд свои *отцѣ* нашомъ, королю, его м(и)л(о)сти, *отписалъ*. И *отецъ* нашъ, его м(и)л(о)сть, | подлугъ сѣда пана Мартинова на то им и листъ свои дал. И тотъ листъ *отца* | нашего перед нами вказывали.

И мы того досмотревши, тотъ Гѣстровъ Литовскіи Павъловои Дороте и детемъ ее и деверичичѣ ее Михаилу есмо присѣдили | подлугъ листу *отца* нашего и сѣда пана Мартинова. Нехаи они тотъ Гѣстровъ | держать со всимъ по томъ, какъ и пережъ того держали, а намъ с того службѣ | слѣжать по-давньомъ. А тымъ Рѣсиновичомъ в то вже не надобе *сѣстѣпати* сѣ.

Писанъ 8 Вил(ь)ни, июл(ь) 27 день. Индиктъ 14. |

*Примечания.* <sup>1</sup>Буква и исправлена изъ <sup>2</sup>Буквы вером написаны по смытому тексту

#### № 196

[1495 г. января — 1496 г. декабря] 1. б. м.

Левонидѣ Семеновичѣ на дел(ь)ницѣ села | Рудницы  
в Смоленскомъ повете. |

Наместникѣ смоленскомъ пану Юр(и)ю Глебовичѣ и инымъ наместникомъ н(а)шим, | хто и на потомъ *от* насъ бѣдетъ держати Смоленскъ.

Што *перво* сего | билъ намъ чоломъ писаръ *отца* нашего, короля, его м(и)л(о)сти, старыи Микита Сычевскіи, абыхмо емѣ *призволили* село его *отчинное* на *има* Рудницѣ<sup>[1]</sup> записати || *л.* <sup>132</sup> сестренцомъ его Митькѣ Пашковичу а Левонидѣ Семеновичѣ. И мы емѣ *дозволили* | тое село тымъ сестренцомъ его записати.

Тыми пакъ разы билъ намъ чоломъ тотъ Левонидъ Семеновичъ и вказалъ *перед* нами тотъ листъ нашъ *дозволены* | и листъ записаны *дадка* своего, Микиты Сычовского, што имъ тое село | записал, и поведилъ намъ, што *ж* тымъ селомъ Рѣдницею <sup>13</sup> Митькомъ<sup>1</sup> Пашкевичомъ сѣ | поделил. И билъ намъ чоломъ, абыхмо тую дел(ь)ницѣ его *потвердили* нашимъ листомъ. |

Ино мы то<sup>2</sup> емѣ<sup>3</sup> *потвержаемъ* симъ нашимъ листомъ *подлугъ* листа нашего *первого* | и *дадка* его записѣ.

Писанъ<sup>4</sup> 1 день. Индиктъ 14. |

Пр(и) [томъ] б(ы)л м(а)р(шалок), н(а)м(естник) в(и)т(ебский) п(а)н Ст(анислав) Глеб(ович). |

*Примечания.* <sup>1-1</sup>Буквы з Мить написаны по смытому тексту <sup>2</sup>Над словом помета 1 <sup>3</sup>Над словом помета 2 <sup>4</sup>В строке оставлено место на 5–6 букв

## № 197

[1496 г.] июля 27. Вильна.

ГришкѸ ПоповичѸ на монастыр в Кieve | светого Михаила  
Золотоверхого. |

Самъ Александръ, бож(е)ю м(и)л(о)стью. |

Воеводе киевскомѸ кн(а)зю Дмитрею ПѸтатичѸ.

Бил намъ чолом Гришко Григор(ь)евичъ Поповичъ с Кieва и просил в насъ монастыра в Кieve светого Михаила Золотоверхого. И поведил перед нами, што *ж* тот монастыр здавна естъ наше подаванье. И ты *деи* тот монастыр дал *от* себе держати старцу какоумусь<sup>1</sup> простомѸ, Ивану смол(ь)нанину, без нашеи воли. И он того монастыра | и надказил. Тежъ есмо здесе пытали *о* томъ наместника полоцкого пана | Юр(и)я Пацевича, естли бы тот монастыр был наше подаванье. И пан Юреи то | перед нами поведил, иже издавна естъ тотъ монастыр наше подан(ь)е.

Ино коли | то естъ наше подаванье, а ты его без нашего ведома дал был тому чернцу, и мы | тотъ монастыр светого Михаила Золотоверхого томѸ ГришкѸ ПоповичѸ | дали держати до его живота. А он маеть тымъ борздеи въ закон пострич(и) с(а).

И казали есмо его в тот монастыр *с*в(а)зати кн(а)зю ИванѸ ДашкевичѸ.

П(и)сан | *в* Вил(ь)ни, июл(ь) 27 день. Индикть 14. |

*Примечание.* <sup>1</sup>Буквы сь написаны по смыслу тексту

## № 198

[1496 г. до августа.]

Справа межи Іа<sup>к</sup>Ѹб(о)м К<sup>н</sup>ицевичом а Іа<sup>ц</sup>ком | Носутковичомъ  
*о* петнадцать коп грошей. |

На памат(ь) Іа<sup>к</sup>Ѹба К<sup>н</sup>ицевича дело, што тивун троикии Ждан Воитковичъ присѸдил емѸ на Іа<sup>ц</sup>кѸ на Носутковичу и на брату его Довкгирду *п*ятнадцать || <sup>л. 132 об.</sup> копъ грошей за тат(ь)бѸ за бчолы, и тот судъ свои г(о)с(по)д(а)рѸ, его м(и)л(о)сти великомѸ князю | *от*казал.

И г(о)с(по)д(а)рѸ, его м(и)л(о)сть, подлугъ суда Жданова казаль емѸ то на них *от*правити дворанинѸ своемѸ ЛавринѸ Юр(ь)евѸ сыну Межиковича.

И то теж | казал *с* книги записати. |

## № 199

1496 г. августа 6. Вильна.

Потвержен(ь)е ключникѸ виленскомѸ Водорад|скомѸ  
на имен(ь)я Миколаевы Кгирстов|товича в Мошокголе  
и въ Свире вечност(ь)ю. |

Самъ Александръ, бож(е)ю м(и)л(о)стью. |

Чинимъ знаменито симъ нашим листом, хто на него посмотрит, або чтѸчи его | *с*слышит, комѸ того потребъ бѸдет ведати.

Бил намъ чолом ключник виленск(и)и Водорадск(и)и и вказал перед нами листъ боярина виленского Миколаевъ Кгир|стовътовича, што *ж* тот Миколаи детеи в себе не мел и с призвоеньем ближнихъ | своих взал его к себе за сына место

и записал емѸ третюю часть именей | своих ѡтчинныхъ и кѸпленину свою, што покѸпил в боѸр и в людеи нашихъ в Мошшогол(ь)скомъ повете и в Локои и въ Свире вечно. Теж поведил перед нами, што ж | тые две части тыхъ именей его после его живота мели спасти на ближнихъ | и братаничовъ его, и ѡн не смел того емѸ записати безъ ихъ воли.

Ино братаничи его на има Станько Венцлавовичъ а братъ его Томько а ІѸн Зимоседовичъ и тые две части тыхъ именей дадка своего, што мели на нихъ спасти | по его животе, ему ж продали вечно, и на то емѸ и листь свои дали. И тот ѡн лист | ихъ перед нами вказывал. И бил намъ чолом, абыхмо тые имен(ь)Ѹ Миколаевы Кгирістовътовича в Мошшоголе и въ Свире подтвердили емѸ нашимъ листомъ.

И подлугъ тыхъ боѸр, братаничовъ его, записовъ, ино мы тые именья вси тые | три части и кѸпленинѸ того МиколаѸ подтверждаемъ симъ нашимъ листомъ | вечно и непорѸшно и емѸ самомѸ и его жоне, и ихъ детем, ихъ ближнимъ, и на потомъ | бѸдѸчимъ ихъ счадкомъ со всимъ с тымъ, што к тымъ именьемъ слѸшает, и какъ | емѸ тотъ МиколаѸ записал и тые братаничи его продали. Волен ѡн тые имен(ь)Ѹ продати и заменити, и кѸ своемѸ лепшомѸ ѡбвернути, какъ самъ налепей бѸдетъ ведати. |

А на твердость того и печат(ь) нашѸ казали есмо привесити к семѸ нашомѸ | листѸ.

П(и)сан Ѹ Вил(ь)ни, в лет(о) 7004 м(е)с(а)ца августа 6 день. Индиктъ 14. |

Прав(ил) воев(ода) вил(енский), к(а)н(цлер) п(а)н Мик(олаи) Ради(вилович). ||<sup>а. 133</sup>

#### № 200

[1496 г.] августа 20. Вильна.

Вырокъ межи князьями Горскими а паномъ | Доброгостомъ НарбѸтовичомъ ѡ четвертую | часть имен(ь)Ѹ въ Горбачеве а в Новоселкахъ<sup>1</sup>. |

Самъ Александръ, бож(е)ю м(и)л(о)стью. |

Смотрели есмо того дела.

Жаловали намъ княз(ь) Дмитрей а княз(ь) СѸлел(ь)ко а княз(ь) Микхаило Горские на пана Доброгоста Нарбутовича, што ж рекомо бы ѡн держал | за собою четвертую часть ѡтчины ихъ в Горбачеве а в Новоселкахъ. И панъ Доброгостъ поведил перед нами, што ж брат ихъ старшии князь Иванъ тѸю четвертѸю часть ѡтчины ихъ продал цтю его, небожчикѸ пану Ивану ИльиничѸ, вечно, | и записъ<sup>2</sup> свои емѸ на то дал. И панъ Иванъ его, зѸта своего, подаровал тою четвѸртою частью ѡтчины ихъ со всимъ с тымъ, какъ Ѹ брата ихъ, в кн(а)за Ивана, | кѸпил.

И теж первѸ того бил намъ чоломъ панъ Доброгостъ, абыхмо емѸ тую | четвертую часть, кѸпленину цѸа его, пана Ивана Ильинича, што ж купил | в брата ихъ, в княза Ивана, в Горбачеве а въ Новоселкахъ, подтвердили ему нашимъ | листомъ.

И мы на<sup>3</sup> его чоломбитье то вчинили, и тѸю четвертую част(ь) ѡтчины ихъ подтвердили емѸ нашимъ листомъ подлугъ данины пана Ивановы такежъ вечно и подлѸгъ записъ брата ихъ, кн(а)за Иванова, какъ записал небожчикѸ | панѸ ИванѸ. И тыми разы ѡн тотъ нашѸ привилей и тотъ записъ брата ихъ | перед нами вказывал.

И мы, того досмотревши, и тѸю четвертую часть | ѡтчины ихъ, што брат ихъ, княз(ь) Иванъ, продал цтю его, панѸ ИванѸ, пану ДоброгостѸ есмо присѸдили. А княземъ Горскимъ в то вже не надобе вступати сѸ. А будетъ ли имъ которое дело

ω той четвертой части до брата | их, кн(а)з(а) Ивана, и они нехаи того на нем ищют, какъ он бѣдет ѿ нихъ, братьи | своее, продавал тѣю их часть.

Пи(и)сан ѿ Вил(ь)ни, август 20 ден(ь). Индикт 14. |

*Примечания.* <sup>1</sup>Буква е исправлена из другой <sup>2</sup>Буквы исъ написаны по смытому тексту <sup>3</sup>Буква а исправлена из и

## № 201

[1496 г. августа 22. Вильна.

Потвержен(ь)е Богданѿ Павловичѿ на имен(ь)е Сибреж | а Заболовес(ь)е и на иные селища в Черниговъскомъ | повете на вечность. |

Самъ Александръ, бож(е)ю м(и)л(о)стью. |

Биль намъ чолом подклучии виленьскии Богдан Павловичъ и поведил перед нами, | што ж ѿтчина его и дедина именья в Черниговъском повете ест на има Сибреж || л. 133 об. а Заболовесье<sup>[1]</sup> з бобровыми гоны ѿв обрѣбе, а селищъ Ръгощъ а Замглаи<sup>1, [2]</sup>, ловище и бортная земля. И бил намъ чолом, абыхмо тые его именья потвердили | емѿ нашимъ листомъ.

И мы<sup>2</sup> тые вси именья, ѿтчину и дедину его, люди | и селища и земли пашные и бортные и бобровые гоны потвержаем ему сим | нашим листом, вечно и непорѣшно и его жоне, их детемъ, их ближнимъ и потом | бѣдѣчимъ их счадомъ со всимъ с тымъ, што к тым его именьем здавна слѣшають, з люд(ь)ми и съ селищи и з землями пашными и бортными, з ловищи, з бобровыми гоны, по томѿ, какъ отец и дед его держаль. Волен он тые именья свои | продати и ѿддати и заменити и по дѣши дати и кѿ своемѿ лепшомѿ | и вжиточномѿ обернути, какъ самъ налепен розѣмеючи.

А на твердость | того и печат(ь) нашѿ казали есмо приложити к семѿ нашомѿ листу.

Пи(и)сан | ѿ Вил(ь)ни, в лет(о) 7004 м(е)с(а)ца авгѣста 22 день. Индиктъ 14. |

*Примечания.* <sup>1</sup>Исправлено, в рукописи Замслаи <sup>2</sup>Буквы и мы написаны по смытому тексту

## № 202

[1496 г.] августа 27. Вильна.

Г(о)с(по)д(а)рь, его м(и)л(о)сть, великии княз(ь) казал на памат(ь) записати, што воеводинаѿ троцкаѿ пани Мартиноваѿ Кгастовътовича дала слѣжебнику пана Юр(ь)еву | Ил(ь)инича Мишкѿ Ивашковичу сто копь грошей через подскаръбего своего Ивашка | Сѣсташковича по Матце бож(е)и первой ѿ полторы недели.

ѿ Вил(ь)ни, августъ 27 | день. Индиктъ 14. |

## № 203

[1496 г.]

Зарѣка межи панею Мартиновою Кгаштоѿтовою а паном Доброгостом Нарбутовичом тисечи | рѣблеи грошей, же бы межи себе крывдъ не чинили. |

Г(о)с(по)д(а)рь, его м(и)л(о)сть, великии князь заложил промежи панеи Мартиновои Кгастовѿтовича а пана Доброгоста Нарбутовича вины своее тисачѿ

р8блевъ грошеи, абы промежи себе кривдъ ни в чом не делали до права, и во въсем бы сѧ прѧвомъ ѡбыходили.

А хто с нихъ<sup>1</sup> будет до права кривды чинити, тотъ | заплатитъ тую вину г(о)с(по)д(а)р8 тисѧчу р8блевъ грошеи. || л. 134

*Примечание.* <sup>1</sup>Исправлено, в рукописи нимъ

#### № 204

1496 г. августа 29. Вильна.

Потверженье кн(ѧ)зю Семен8 Александрович8 | на имен(ь)ѧ Логожескѧ а Ёсташин, а Споровъ, | а Каменеѧ и на иные села вечностью. |

Самъ Александръ, бож(е)ю м(и)л(о)стью. |

Чинимъ знаменито симъ нашим листомъ, хто на него посмотрит, або чт8чи его | слышит, ком8 будет того потребъ ведати.

Бил намъ чолом княз(ь) Семен Александровичъ и повелит перед нами, што *ж* отец его, княз(ь) Александро, высл8жил на отцы | нашомъ, короли, его м(и)л(о)сти, именья на има Логожескѧ, а Ёсташин, а Споровъ, | а Каменеѧ и тые<sup>1</sup> сел(ь)ца, што к Логозск8<sup>2</sup> сл8шают, и што боаре логозские дерлжать, которые отц8 его сл8жили и ем8 тыми разы сл8жат, ѡприше | того именья, што Ил(ь)ѧ а Грин(ь)ко Солтановичи держать, и што отец ихъ высл8жил на его отцы, кн(ѧ)зи Алек8сандре. Какъ же и он листъ свои на то дал брату | их, небожчик8, и имъ, ком8 бы они хотели с тым именьем, том8 добровол(ь)не | бы сл8жили. И мы с тым ихъ именьем на себе вынали, и то имъ нашим листом | потвердили, нехаи они с того именья намъ сл8жать.

Такеж люди Логозсколго жъ повета на има Колодази а Новыи Дворец, што есмо сестре его, кнегини Ёвдотьи, дали держати до живота ее, а по ее животе абыхмо то | за сѧ ем8 привернули къ его именью Логозск8. И бил намъ чолом, абыхмо тые | вси именья Логожескѧ, а Ёсташинъ, а Споровъ, а Каменеѧ, и тые сел(ь)ца, што | боаре его держать, которые отц8 его сл8жили и ем8 сл8жать, и тые именья, | што сестра его держитъ, Колодази а Новыи Дворец, по ее животе потвердили ему нашим листомъ.

И мы на его чоломбитъ то вчинили и тые вси | имен(ь)ѧ верх8писанные потвержаемъ ем8 симъ нашим листом и его жоне, | их детем, их ближним и потом б8д8чим ихъ счадкомъ вечно и непорушнo, со всимъ с тым, што к тым именьем здавна присл8хает, с приселки и з | люд(ь)ми и з землами пашными и бортными, и з сеножатыми и з ловы и сѧ | хмелищи и з озеры, з мыты, сѧ ставы и с ставищи, со въсим по том8, | какъ отец его держаль и какъ сѧ здавна 8 границах своих<sup>3</sup> мели. Волен онъ | тые именья отдати и продати, и по д8ши дати и къ своем8 лепъшому и вжиточному ѡбернути, какъ самъ налепен роз8меючи. || л. 134 об.

А сестры своее, кн(е)г(и)ни Ёвдотьи, с тых именей, што она держитъ, не мает ее р8шити | до живота ее. Алиж по ее животе тые именья мают на него спасти. А ѡна теж не мает их казити и п8стошити.

А на твердость тых всихъ речеи писаныхъ и печат(ь) нашу казали есмо привесити к сем8 нашом8 лист8.

П(и)сан | 8 Вил(ь)ни, в лет(о) 7004 м(е)с(ѧ)ца август 29 день. Инъдиктъ 14. |



Пр(авил)<sup>4</sup> воев(ода) вил(енский), кан(цлер) пан Мик(олаи) Ради(вилович). |  
 Ѓдншко писар. |

*Примечания.* <sup>1</sup>Буквы ые написаны по смыслу текста <sup>2</sup>Буквы огозс написаны по смыслу текста  
<sup>3</sup>Далее в строке вычеркнуто по тому, как | отец его держать и как сѧ здавна ѧ границах своих <sup>4</sup>Возможна  
 реконструкция Пр(иказал)

## № 205

1496 г. августа 25. Вильна.

Потвержен(ь)е Михнѧ Ивановичѧ на две земли | Пилатишку<sup>1</sup>  
 а Милошишкѧ а кѧплю его Жодиш|кѧ ѧ Довѧкговскомѧ повете  
 на вечность. |

Самъ Александрь, бож(е)ю м(и)л(о)стью. |

Биль намѧ чоломѧ тивунѧ виленский Михно Ивановичь и поведил перед нами, |  
 што *жс* отец наш, корол(ь), его м(и)л(о)сть, дал ѡтцѧ его две земли ѧ Довкговскомѧ  
 повете | на има Пилатишки а Милошишки и на то емѧ и листь свои дал. И поведиль, |  
 што *жс* тот листь ѡтца нашего в него з домомѧ згорел. А при том деи был и толмѧ  
 делѧ сведомѧ был конюший троцкий Михно Ѓдновичь, какъ ѡтцѧ его пролхал тѧю  
 землю воевода троцкий пан Радивил Ѓстиковичь ѧ ѡтца нашего, | корола, его  
 м(и)л(о)сти. И ми Михна ѡ томѧ пытали, дал ли бѧдеть ѡтец наш | ѡтцѧ его тые  
 земли. И Михно перед нами светчил, што *жс* на прозбѧ пана | Радивилѡвѧ ѡтец нашь,  
 его м(и)л(о)сть, ѡтцѧ его тые земли даль, нижли имен | им не ведает.

Такѧж поведил намѧ, што *жс* каплан дворный небожчика пана Кгалштовѡтов на  
 има Павел продал ѡтцѧ его землю свою на има Жодишку вечно. А таѧ земля томѧ  
 каплану достала сѧ была ѡт брата его с призолен(ь)емѧ ѡтца нашего. И вказаль  
 перед нами и тот листь кѧпъчии, што *жс* отец | его кѧпил был в того каплана вечно  
 тѧю землю. И бил намѧ чолом, абымѡ | тые земли, данинѧ ѡтца нашего и ѡтца его  
 кѧпленинѧ, подтвердили емѧ | нашим листом.

И мы то емѧ подтверждаемъ сим нашим листом вечно и непоѡрѧшно, и его жоне,  
 их детем, их ближнимъ и потом бѧдѧчим их счадкомѧ. | Волен ѡн тые земли продати  
 и ѡтдати, и заменить, к своемѧ лепшомѧ и вжи|точномѧ обернѧти, какъ сам налепел  
 розѧмеючи.

А на твердость того | и печат(ь) нашѧ казали есмо приложити к семѧ нашомѧ листу.  
 Писан | ѧ Вил(ь)ни, в лет(о) 7004 август 25 день. Индиктѧ 14. ||<sup>а. 135</sup>

*Примечание.* <sup>1</sup>Буква а исправлена из и

## № 206

[1496 г.] августа 31. Вильна.

Вырокъ межи боары <sup>1</sup>пенѧнскими а люд(ь)ми<sup>1</sup> | волости  
 Курклевьское ѡ люди ѡтчинные | ихъ. |

Алекѧсандрь, бож(е)ю м(и)л(о)стью. |

Смотрели есмо того дела.

Вже неоднократно жаловали намѧ боаре пенѧнские Бутримѧ Довкгинтовичь  
 а Григор а Петко Ѓдновичи, што *жс* ѡт них ѡтнимали | сѧ люди ихъ ѡтчинные

на *има* Новмонтъ а Медешко, а Медюлисъ, а Дик и з ихъ | дворомъ *отчиннымъ* на реце на *Глдре*. А поведали сѧ, што *ж* они люди | наши *КѠрклевское* волости. И мы того досмотревши, тые люди имъ присѣдили есмо, и на то имъ листь нашъ сѣдовыи дали. То пакъ после того | пришедши к намъ, люди наши *КѠрклевское* жъ волости и поведили перед нами, | што *ж* они забрали за себе иныише люди наши тое *ж* их волости, а не тые, | которые *ж* есмо имъ присѣдили.

И мы на их поведанье послали были | тамъ дворанина нашего Богдана и казали есмо емѠ в тые люди на нас | ѡвезати сѧ и к волости *КѠрклевской* их привернути. Тыми пакъ разы | тые боаре стояли перед нами с ними очевисто. И поведили намъ, што *ж* | тые люди, которые они в них *отнимают*, дети тых людеи их на *има* Новмонтovy а Медешковы, а Медюлисовы, а Диковы, которых жо есмо им | присѣдили. А тые *кѠрклевцы* поведили, иже тые люди, которых они | под ними ищѣтъ, не их племени есть. И вказали перед нами на то лист *отца* | нашего, корола, его м(и)л(о)сти, и пана *Мартиновъ* *Кгаштовтовича*, иже бы их | с тыми люд(ь)ми смотрел и тые люди рекомо бы къ их волости привернѣлъ.

И мы тым листом порозѣмели, иже есть листы не правные, а оал(ь)шовые и казали есмо их подрати. А тые боаре довод добрыи на то | вчинили перед нами, што *ж* тые люди на *има* *Нетишка*, а *Екѣтисъ*, *Евилосъ*, | а *Жостей*, а *ГѠксеико*, а *Виконтъ*, *Киркосъ*, *Ромеико*, *Юшко*, *Дачус*, *Бѣчус*, *Пѣшкос*, | *Митрос*, *Воидис*, *Кгоикгол*, *Довеишис*, *Воитко*, *Кгоилис*, *Петрашъ*, *Ютко*, *Беивидъ* | сынове тых их людеи, которые *ж* имъ перво того присѣжоны.

И мы | того досмотревши, и тые люди им есмо присѣдили и з дворомъ их | *отчиннымъ*. И казали есмо их в тые люди и Ѡ двор ѡвезати *маршалкѠ* н(а)шомѠ | дворномѠ, *наместникѠ* *мерецкомѠ* пану *Григор(ь)ю* *СтанковичѠ* *ГѠстиковича*. | А на тых *кѠрклевцох* за то и винѠ нашѠ *двадцат(ь)* рѣблев грошеи казали есмо справити. |

П(и)сан Ѡ *Вил(ь)ни*, август 31 ден(ь). Индиктъ 14. |

Пр(авил)<sup>2</sup> *мар(шалок)* двор(ный), нам(естник) мер(ецкий) п(а)н *Гр(игории)* *Стан(кович)* *ГѠстик(ович)*. || <sup>л. 135 об.</sup>

*Примечания.* <sup>1-1</sup>Написано по смытому тексту <sup>2</sup>Возможна реконструкция Пр(иказал)

№ 207

1496 г. августа 31. Вильна.

Потвержен(ь)е панѠ *Юр(и)ю* *Завише* на третюю часть именеи *Мартина* *Микгелько(в)ича*. |

Самъ *Александръ*, бож(е)ю м(и)л(о)стью. |

Биль намъ чоломъ дворанин нашъ панъ *Юрей* *Гдновичъ* *Завиша* и поведиль | перед нами, што *ж* боарин *ковеньский* *Мартинъ* *Микгельковичъ* детеи в себе | не *мел* и принял его собе за сына место. И записал емѠ третюю част(ь) *отчины* | своее и всю *кѠпленинѠ* свою *от* *всих* *от* *ближнихъ* своих. И вказал перед нами | *тот* запись его, и бил намъ чоломъ, абыхмо то емѠ потвердили нашим | листомъ подлѣгъ того *Мартина* запись.

И мы на его чоломбит(ь)е и дла | слѣжбы его то вчинили, и тѣю третюю часть *отчины* того *Мартина* | и всю *кѠпленинѠ* его потвержаемъ емѠ симъ нашим листом вечно.

А на | твердость того и печат(ь) наш8 казали есмо приложити к сем8 нашему | лист8.

П(и)сан 8 Вил(ь)ни, в лет(о) 7004 м(е)с(а)ца август 31 ден(ь). Индикт 14. |

## № 208

1496 г. сентября 29. Бельск.

Потвержен(ь)е пан8 Ивашк8 Сопежич8 на имен(ь)е, | к8плю  
его, на Двине выше города на Болда|вицах вечностью. |

Самь Александрь, бож(е)ю м(и)л(о)стью. |

Чинимь знаменито симь нашим листом, хто на него посмотри|т, або чт8чи | его  
вслышит, кому *ж* будет потреб того ведати.

Бил намь чолом писар нашъ | Ивашко Сопежичъ и поведил перед нами, што *ж*  
старица светого Михаи|ла в Полоцку на има Оетин(ь)я зъ затем своим Волоромеемъ  
и з дочкою своею | Там(ь)яною продала ем8 сел(ь)це на Двине выше города на  
Болдавицах повыше Шеша, которое *ж* сел(ь)це дал *еи* митрополитъ киевский и всея  
Р8си | небожчикъ Иона, б8д8чи еще владыкою полоцким и витебским, к8плю свою, |  
што он к8пил въ |Акова Красчинича. И тот листъ владычными к8пчеи и теж, | што  
она ем8 продала, перед нами вказывал. И бил намь чолом, абыхмо ем8 | подтвердили  
тое сел(ь)це, к8плю его, нашим листом.

И мы дозволяем ем8 в Полоцкомъ повете тое сел(ь)цо мети и подтверждаемь симь  
нашим листомъ | вечно и непорушно, ему самом8 и его жоне и их детем и их ближним  
и на потом<sup>1</sup> || <sup>л. 136</sup> б8д8чим ихъ счадкомъ со всимь с тымъ, што к том8 сел(ь)ц8 здавна  
присл8шало. | Волень он тое сел(ь)це отдати и продати, и заменить, с кимь его  
вола, и к8 своем8 вжиточном8 обернути, какъ самь налепеи роз8меючи. А тым,  
которые | Ионе владыце были продали, и ем8 не надобе вже в тое сел(ь)це самимь<sup>1</sup> |  
имь вст8пати с.а, ни их детемъ, а ни их ближним.

А на твердость тог(о) и пелчат(ь) наш8 казали есмо привесити к сем8 нашом8 лист8.

П(и)сан в Бел(ь)ск8, в лет(о) | 7005 м(е)с(а)ца сен(таб)ря) 29 день. Индиктъ 15. |

Пр(авили)<sup>2</sup> м(а)р(шалок) дв(орный), н(а)м(естник) м(е)р(ецкий) п(а)н Гр(игории)  
Стан(кович) Эстик(ович), | под(часий), нам(естник) б(е)л(ьский) п(а)н Мик(олаи)  
Мик(олаевич), м(а)р(шалок), нам(естник) вит(ебский) п(а)н | [Станислав] Гл(ебович),  
пис(арь) Ив(ан) |Ак(овлевич) Вл(а)д(ы)ка. |

|Ан8шько писар. |

Примечания. <sup>1</sup>Буква и исправлена из ы <sup>2</sup>Возможна также реконструкция Пр(иказали)

## № 209

1496 г. августа 10. Вильна.

Потвержен(ь)е пан8 Воитк8 |Анович8 к8пли его от |  
розных особъ земель и сеножатеи в боар волковы|ских,  
сомилишьских и марковских. |

Александрь, бож(е)ю м(и)л(о)стью. |

Биль намь чоломъ охмистръ нашее великое кн(е)гини, наместникъ 8тенский пан |  
Воитко |Ановичъ, и вказал перед нами листъ отца нашего, короля, его м(и)л(о)сти,

што ж | призволил емѸ в боѸр волковыискихъ в Мишка а в Некраша въ ЕсковичовѸ кѸпити | землю их ѡтчинъную на реце Лопеници всю сполна, вечно. Такжеж вказал перед нами | листы, што покѸпил земли в боѸр волковыиских.

На има Ѹ Ѳедка Дашковича ПѸтаѸтича кѸпил землю, даѸковщинѸ его, в Дорогичанех, два следы на има Есиповщину | а Ѣстапъковщину, а ч(о)л(о)в(е)ка на има Дробыша и з его братьею, которого посадил на той земли. И што теж прикѸпил к той даѸковщине своєї земль в Пашка | Волчковича и въ его дети, а в Реровичох. И тѸю землю всю продал емѸ вечно с чоловеком.

Такжеж кѸпил в боѸр сомилишских<sup>1</sup> на има в Санюса Кловзгаиловича а в | братанича его въ Юшка Петковича землю Ѹ Волковыиском повете на Грузъском, | которѸю ѡни землю зыскали правом под братаничи своими, под ЁѸкѸбом | Довгирдовичом а под Николаем Ромашковичом, всю половицѸ свою и прѸда | половицѸ теж ѡбел(ь) вечно.

Такжеж вказывал перед нами листы, што покѸпил | земли и люди в боѸр наших марковских, въ ЁѸнка Богдановича Кривцевича землю | его ѡтчинную, его дел(ь)ницѸ и люди, которые сѸ емѸ в делѸ достали, и дворецъ | за Ѹшою, и ч(о)л(о)в(е)ка на има Лавринца ѡбел(ь) вечно, а в брата его Юшка Богдановича кѸпил чловека его ѡтчинного на има Ѣнища з жоною и з детьми || л. 136 об. и з землею ѡбел(ь) вечно.

А Ѹ Васил(ь)а ѢѸшковича а в брата его АнѸдреѸ ч(о)л(о)в(е)ка | их ѡтчинного и дединного на Клецкове на има Ил(ь)ю и з его сыном и з Савонцомъ, | и с половиною земли, ѡтчины Ил(ь)ины, и его пашню дворную с припашъми всю | на Клецкове. И тежъ брата своего Волекову землю пашную и сеножати и ѡтменѸ, што Ѹ Плыткутьевич(а) ѡтменали, то все емѸ продали вечно.

А Стан(ь)ко | Ванковичъ продал емѸ ч(о)л(о)в(е)ка своего ѡтчинного на има Ѣсталка ШипѸлича | з жоною и з дет[ь]ми, и з землею пашною, и съ сеножат(ь)ми теж вечно.

А в боѸр рѸдоѸминских Ѹ Ѳед(ь)ка а в Зан(ь)ка Богдановичов сеножат(ь) кѸпил вечно ж.

Такжеж што кѸпил | в людех наших волковыпан, Ѹ Шостаковъ в Семена и въ братаничов и въ даѸковичов | их сеножати на Роси подле великое дороги, што идет дорога з Волковыиска | до Порозова, межи мостѸ и прѸда Кореивичъ и з obu сторон реки Роси.

И ѡн | просил насъ, абыхмо емѸ дозволили на той реце и на сеножатех став засыпати. И мы емѸ дозволили. И прохал насъ, абыхмо емѸ то призволили | и подтвердили нашим листом.

И мы емѸ тые кѸпли вси, што ѡн покѸпил, земли | и люди, в боѸр наших Ѹ Волковыиском повете и в Морковъском, вси подтверждаем | симъ нашим листом вечно емѸ и его жоне и их детям и потом бѸдѸчим ихъ | счадомъ.

А на твердость того и печат(ь) нашу казали есмо приложити | к семѸ нашомѸ листѸ.

П(и)сан Ѹ Вил(ь)ни, в лет(о) 7004, м(е)с(Ѹ)ца август 10 | день. Индиктъ 14. | Пр(авил)<sup>2</sup> воев(ода) вил(енский), к(а)н(цлер) п(а)н Миж(олаи) Ради(вилович). | ЁѸнушко писар. |

Примечания. <sup>1</sup>Буквы ск написаны по смытѸму тексту <sup>2</sup>Возможна реконструкция Пр(иказал)

## № 210

1496 г. ноября 19. Берестье.

Потвержен(ь)е князю Ивану Пяттичю | на две дворища  
Мосори в Мел(ь)ницкомъ | повете на вечность. |

Александръ бож(е)ю м(и)л(о)стью. |

Билъ нам чолом ключникъ луцкии княз(ь) Иван Пяттич и указал перед нами  
листь | нашъ, што есмо перво сего дали емъ две дворищи в Мел(ь)ницкомъ повете  
на има | Мосори до наше воли. И бил нам чолом, абыхмо тые дворища подтвердили  
емъ | на вечность.

Ино мы тые две дворища Мосори подтверждаемъ ему сим нашим | листом вечно  
и непорушно и его жоне и их детем, их ближним и на потом бѣдѣчим их счадком.

А на твердость того и печат(ь) нашъ казали есмо приложити к семъ нашомъ  
листу.

Пи(и)сан в Берест(ь)и, в лет(о) 7005, м(е)с(а)ца нояб(р)а | 19 день. Индиктъ 15. |

Пр(и том) был мар(шалок) двор(ный), нам(естник) мер(ецкий) и он(икштенский)  
п(а)н Григорий Ст(анкович) Стстик(ович). |

Ївѣшко писар. ||<sup>а. 137</sup>

## № 211

[1496 г.] ноября 12. Берестье.

Вырок межи кнегинею<sup>1</sup> Федоровою Соколинскою | и сыном ее,  
а межи паном Богданом Сопежичом | ѿ имен(ь)е Черее  
а Тухачово. |

Александръ, бож(е)ю м(и)л(о)стью. |

Смотрели есмо того дела с паны радю нашою.

Жаловали намъ кн(е)г(и)ни Федороваа | Федоровича Соколинскаа и съ сыномъ  
своим кн(а)земъ Федором Федоровичом Соколинским | на наместника мценского и  
любучкого пана Богдана Сопежича, рекомо бы онъ | их выгнал зыменей их ѿтчинных  
на има с Черее а с Тухачова мощно без каждого | права.

И Богдан перед нами рекъ, што *ж* теща его кн(е)г(и)ни Мар(ь)яа и съ сыномъ  
своим | кн(а)земъ Федоромъ подавали и записали ему тые две имен(ь)и свои вечно  
в чотырохсотъ копах грошеи. Двесте копъ записала ему по дочце своеи а по его  
жоне, | а дрѣгую двесте копъ взяла в него на свои потребности. И тѣю двесте копъ |  
грошеи записала емъ, визнаваючи на тых имениах, ино того всего | чотыриста копъ  
грошеи.

И кн(е)г(и)ни Мар(ь)яа и сынъ ее кн(а)зь Федор к томъ сѧ не знали. | И Богдан  
указал перед нами *тот* запись их на тые имениа. И они томъ записѣ приганили,  
рекли, *и ж* бы *тот* запись был ѿл(ь)шовыи. И Богдан поставил | перед нами на то  
светки, и писара того листа, хто его писал. И мы тыхъ | светковъ ѿпытывали. И светки  
посветчили, што *ж* таа кн(е)г(и)ни перед ними *тот* | запись емъ на то дала, и имена  
их в *тот* листъ ѧписала. А писар *тот* теж к рѣце | своеи сѧ признал.

И кн(е)г(и)ни Мар(ь)яа и съ сыномъ своим кн(а)земъ Федоромъ тым светкомъ на  
том | велела присагнѣти, естли бы то они справне светчили. И тые светки на том |  
присагнѣли.

И мы подлугъ тых светковъ сведоцства Богдана СопегѸ в том | оправили и тые именья присѸдили есмо емѸ подлугъ их записѸ.

И то | ему потвержаемъ симъ нашим листомъ вечно и его жоне, и их детем.

П(и)сан | в Берестьи, нояб(рѧ) 12 день. Индикть 15. |

Пр(и том) был(и) воев(ода) вил(енский), кан(цлер) пан Мик(олай) Ради(вилович), | ст(ароста) жом(оитский) п(а)н Ст(анислав) Гѧн(ович), мар(шалок) двор(ный), | нам(естник) мер(ецкий) п(а)н Гр(игории) Ст(анкович) ГѸст(иковича), м(а)р(шалок), н(а)м(естник) вит(ебский) | пан Ст(анислав) Гл(ебович), м(а)р(шалок), нам(естник) вол(ковьиский) п(а)н Воит(ех) КѸчук(ович). |

Гѧнушко писар. ||<sup>а. 137 об.</sup>

*Примечание.* <sup>1</sup>Слово написано под титлом

## № 212

[1496 г.] декабря 22. Берестье.

Кнѧзю ТимоѸею КапѸсте на двор Лопашъ<sup>1</sup> | а ѿдного чловека  
Сытича Ѹ Браньскомъ | повете. |

Самъ Александръ, бож(е)ю м(и)л(о)стью. |

НаместникѸ бранскомѸ кнѧзю ѸедорѸ ИвановичѸ и иным наместником нашимъ, | хто потом ѿт насъ будет Бранескъ держати.

Бил намъ чолом дворенинъ | нашъ кнѧз(ь) ТимоѸеи Ивановичъ КапѸста и просил в насъ Ѹ Бранскомъ повете | двора нашего на има Лопаша. А поведил перед нами, што *ж* к томѸ дворѸ | ЛопашѸ тагнет тол(ь)ко чотыри ч(о)л(о)в(е)ки. И теж к томѸ просил в насъ ѿдного ч(о)л(о)в(е)ка | данника на има Сытича. И поведил перед нами, что *ж* с того ч(о)л(о)в(е)ка идет кад(ь) медѸ | а ведро ловчое, а сокол на город.

И мы емѸ тот двор Лопашъ и с тыми люд(ь)ми дали | и теж того ч(о)л(о)в(е)ка Сытича дали есмо емѸ з данью, и зовсими землами пашинными и бортными, и сеножатями, и с озеры, и з реками, и з береги бобровыми, | со всим по томѸ, што здавна к томѸ дворѸ ЛопашѸ и к СытичѸ прислухало. | А и поголовшинѸ с тых людей ѿтпѸстили есмо емѸ.

П(и)сан в Берестьи, | дек(абра) 22 ден(ь). Индикть 15. |

*Примечание.* <sup>1</sup>Буква Ѹ исправлена из другой

## № 213

1497 г. января 6. Каменец.

Сен(ь)кѸ ТереховичѸ на села Репинское | а ШѸстово  
вечью в Смоленском повете. |

Самъ Александръ, бож(е)ю м(и)л(о)стью. |

НаместникѸ смоленскомѸ пану Юр(и)ю Глебовичу и иным наместником нашимъ, | хто потом ѿт насъ бѸдет Смоленскъ держати.

Бил намъ чолом писар | воеводы виленского, канцлера нашего пана Николаев Радивиловича Сенько | Тереховичъ и поведил перед нами, што *ж* кѸпил в мещанина смоленского | Ѹ Васка Лещика село, кѸплю его, што кѸпил Ѹ Хоти Алексина сына Бахорева, и теж што кѸпил Ѹв Ъивана ТѸргенева и в сыновъ его в Мартина а в |

Каспора, а в Степана село их *отчиньное* на *има* ШѠстово *обел(ь)* вечно. И листы их кѠпчие на то *перед* нами *вказывал*. И бил намъ *чоломъ*, абыхмо || л. 138 тые села Репинское а ШѠстово *призволили* емѠ *купити* и *потвердили* быхмо емѠ *нашим* | *листомъ*.

Ино мы тые села Репинское а ШѠстово зъ *землами* *пашными* и з *бортными*, | и сь *сеножатями*, и с *прѠды*, и сь *сады*, и со *всимъ* с *тымъ*, што *здавна* к *тымъ* *селом* | *прислѠхает*, *призволили* емѠ *кѠпити*. И *потвержаемъ* симъ *нашим* *листом* *вечно* емѠ | и его *жоне*, и их *детемъ*, и *потомъ* бѠдѠчим ихъ *счадомъ*.

А на *твердость* того и *пелчат(ь)* нашѠ *казали* есмо *приложити* к *сему* *нашомѠ* *лиштѠ*.

П(и)сан в Каменцы, | в *лет(о)* 7005, м(е)с(а)ца *ген(вара)* 6 *день*. *Индиктъ* 15. |

Пр(и том) *был(и)* м(а)р(шалок) *двор(ный)*, *нам(естник)* *мер(ецкий)* п(а)н *Гр(игории)* *Стан(кович)* *СѠсти(кович)* | а *мар(шалок)*, *нам(естник)* *лид(ский)* *пан* *Стан(ислав)* *Петраш(кович)*. |

## № 214

1497 г. марта 17. Витебск.

Привилеі *владыце* *смоленскомѠ* *ИюсиѠ* на *сто* | и *двадцат(ь)* *чоловеков* за *Рачовою* до *церкви* *соборное* | *Светое* *Пречистое* 8 *СмоленскѠ*. |

*Александръ*, *бож(е)ю* м(и)л(о)стью. |

*Чинимъ* *знаменито* симъ *нашим* *листом*, *кто* на *него* *посмотрит*, *або* *чтѠчи* *его* *вслышит*, *кому* *ж* *того* *потребъ* бѠдет *ведати*.

Што *перво* сего *многократ* *жаловывали* *отцѠ* *нашомѠ*, *королю*, *его* м(и)л(о)сти, и *намъ*, *какъ* *сели* есмо на *отчине* *нашои*, на | *Великом* *кнзстве* *Литовском*, *староста* *места* *Смоленского* и *вси* *мещане* на *владыкѠ* *смоленьского* на *ИюсиѠа*, *ажъ* *бы* *он* *много* *людеи* в *месте* *нашом* за *собою* | *мел*, а в *том* *бы* *местѠ* *нашомѠ* *школа* *была*. *Ино* *какъ* есмо *были* в *СмоленьскѠ* | и *владыца* *смоленьский* сь *окол(ь)* *ничими*, и с *кнззи*, и з *боиари* *смоленскими*, и *старостою* | *места* *Смоленского*, и зъ *мещаны* *просили* *насъ*, *ажъ* *быхмо* *дали* к *церкви* *божеи* *соборнои* *Пречистои* в *городе* на *владычнем* *дворе*<sup>[1]</sup> и *владыце* *смоленскомѠ* *вроком* | *кол(ь)* *ко* *людеи* *числом* *мети*<sup>[2]</sup> *Ѡв* *одномъ* *месте* *посполѠ*. А *тых* *людеи*, *которыхъ* | *перед* *тымъ* *церковъ* *бож(е)и* и *владыки* *смоленские* *мели*, *предки* *его*, в *Патницкомъ* | *коньцы*, а в *Кринешовском* *концы*, а на *Васил(ь)* *евскои* *горе*, а за *Днепромъ*, *намъ* к *местѠ* | *нашому* *отступил* *с.а*. И *мы* на *его* *прозѠ* и на *окол(ь)* *ничих*, и на *кн(а)* *зеи*, и на *боиар* | *смоленьских*, и на *старосты* *места* *Смоленского*, и *мещан* *чоломъ* *бит(ь)* *е*, *не* *рухаючи* *права* *их*, *маестатѠ* *отца* *нашого*, *корола*, *его* м(и)л(о)сти и *предковъ* *его* м(и)л(о)сти, | *вчинили* есмо зъ *их* *прозбы*, *не* *хотечи* *видети* *звады* *межи* *церковью* *божею* | и *владыкою*, *напротивкѠ* *тых* *звечных* *церковных* *людеи* *местъ* *земли* *церковное* *дали* есмо къ *церкви* *божои* *Пречистои* *соборнои* и *владыце* *местцо* *землю* | сь *Ѡдного* къ *его* *людем* *тым*, *которые* *седат* за *Рачовою*, *почонши* *от* *реки* *Бол(ь)* *шое* *Рачовы* *Ѡбапол(ь)* *дороги* *великое*, што *идет* к *перевозѠ*, *Ѡб* *однѠ* *стороны* || л. 138 об. *дороги* до *Днепра*, *Ѡб* *дрѠгую* *стороны* *дороги* и *Ѡверхъ* *Днепра* за *МалѠю* | *Рачовку* до *ВорѠ*, *где* *вола* *седит* *нашое* *великое* *кн(е)г(и)* *ни* *СѠлены*, и с *тыми* *н(а)* *ши|ми* *люд(ь)* *ми*, *которые* *там* в *томъ* *Ѡбрубе* *тыми* *разы* *седат*, *естли* *всхотат* | *емѠ* *слѠжити*. А *не* *всхотат* *емѠ* *служити*, и *они* *нехаи* с *тых* *местъ* *идѠтъ* за *нас*. |

А всего того на томъ местци в томъ обрѣбе дали есмо церкви божи Преѣчистои и владыце мети и с тыми его люд(ь)ми, которые тепер(е) там седят, | сто и двадцать ч(о)л(о)в(е)ковъ дворов посадити прихожими люд(ь)ми москвичи, | тверичи, а не нашими люд(ь)ми. А бол(ь)шии того емѣ там дворовъ и людеи не мети. |

А к томѣ еще в городе дали есмо церкви божи и владыце мети осмь двоѣровъ его людеи церковныхъ звечныхъ. Такъже в Крынешовскомъ концы на Днепре на пристани есть мѣстцо церковное звечное, и человекъ седит на томъ | местци. И просил насъ владыка, абыхмо емѣ к томѣ ег(о) мѣстцѣ нашо мѣстцо пѣстое Семеново Мишонева сына придали. И мы емѣ того ч(о)л(о)в(е)ка | на томъ местци призволили мети, и тое нашо<sup>1</sup> мѣстцо<sup>2</sup> пѣстое Семеново | дали емѣ. Маеи он на томъ мѣстцы пѣстомъ ч(о)л(о)в(е)ка собе посадити.

И все то | верхѣписаное маеи мети церковь бож(е)ѣа и владыка, и его потомъ бѣдѣчие наслѣдки вечно и непорѣшно. А тыхъ его людеи нашомѣ наместнику смоленскомѣ а ни окол(ь)ничимъ не сѣдити а ни радити, а ни которыхъ пошлин с нихъ | не брати на себе. Низли коли положимъ серебщинѣ на все место, тогды | посполѣ з мѣстомъ маютъ тые его люди намъ давати побор и иные подаѣчки, по томѣ, какъ первеи сего издавна люди владычные, которыхъ есмо взяли | на насъ, даивали намъ.

А при томъ были панове рада наша, воевода | виленский, канцлеръ нашъ пан Николаи Радивилевичъ а маршалокъ нашъ дворный, | наместникъ мерецкий пан Григорей Ѡстикевичъ.

А на твердость того | и печат(ь) нашѣ казали есмо привесити к семѣ нашомѣ листѣ.

П(и)сан | ѣ Витебскѣ, в лет(о) 7005 марта 17 ден(ь). Индиктъ 15. |

Примечания. <sup>1</sup>Над словом помета <sup>2</sup>Над словом помета 1

#### № 215

1497 г. марта 19. Витебск.

Привилеѣ боѣаромъ киевскимъ Дебрѣ Калениковичѣ, | а Михаилѣ Гагинѣ, а Ѡедкѣ Голенчичѣ, а Кѣнцѣ Сенковичѣ на именья Мужечъ, а Милолюб(ль), а Ѡскол, а Ёдревыцы, а Берково вѣчьностью. |

Самъ Александръ, бож(е)ю м(и)л(о)стью. |

Били намъ чоломъ боѣаре киевские Дебрѣ Калениковичъ а Михаилло Гагинъ, || л. 139 а Ѡед(ь)ко Голенчичъ, а Кѣнца Сеньковичъ, а поведали намъ, што ж даѣко жонъ ихъ, княз(ь) Роман | Ёголдаевичъ ѡднѣ дочкѣ в себе мел, и таѣ его дочка была за кн(а)земъ Юр(и)емъ Борисовичомъ | Вяземскимъ. И княз(ь) Романъ записалъ былъ тои дочке своѣи именья свои ѡтчинные на илма Мѣжеч, а Милолюбль, а Ѡскол, а Ёдревыцы, а Берково в Киевскомъ повете а въ | Пѣтивльскомъ. И кн(а)за Романова дочка з мѣжомъ своимъ зѣхали до Москвы. Ино тые | именья вси кн(а)за Романовы спали были на насъ, на г(о)с(по)д(а)ра. И били намъ чоломъ Дебрѣ | Калениковичъ, а Михаилло Гагин, а Ѡедко Голенчичъ, а Кунца Сеньковичъ, абыхмо | тые имен(ь)ѣа даѣка жонъ ихъ кн(а)за Романовы имъ дали по близкости жонъ ихъ. |

И мы то з ласки нашеи вчинили, тые имен(ь)ѣа кн(а)за Романовы Мѣжеч, а Милолюб(ль), | а Ѡскол, а Ёдревыцы, а Берково по близкости жонъ ихъ дали



чотыром им по дел(ь)ницам вечно, со всимъ по томъ, какъ кн(а)зь Роман держал и што к тым именьям | здавно прислѣхало, и их жонам, и их детемъ, и потом бѣдѣчим их счадомъ.

А на | твердость того и печат(ь) нашѣ казали есмо приложити к семѣ нашему листу. |

П[и]санъ ѣ Витебскѣ, в лет(о) 7005, м(е)с(а)ца марта 19 день. Индиктъ 15. |

Пр(авил)<sup>1</sup> воев(ода) вил(енский) пан Мик(олай) Ради(вилович), кан(цлер). |

*Примечание.* <sup>1</sup>Возможна реконструкция Пр(иказал)

## № 216

[1497 г.] марта 5. Смоленск.

Кн(а)зю Костантинѣ Крошинскомѣ вол(ь)ность | людем его волости Кременои и бѣгородцомъ | ѿт даван(ь)я стацыи и ѿт чиненья становъ. |

Александръ, бож(е)ю м(и)л(о)стью. |

Наместникѣ смоленскомѣ<sup>1</sup> панѣ Юр(и)ю Глебовичѣ и инымъ наместникомъ нашимъ, хто потом | бѣдет ѿт насъ Смоленскѣ держати.

Што дали есмо з ласки наше казна|чею смоленскомѣ князю Костантинѣ Крошинскомѣ за его верную службу волост(ь) | на има Кремандю<sup>[1]</sup> а ч(о)л(о)века слѣжбѣ в Бугородской волости<sup>[2]</sup> на има Лукьяна а Петрища з брат(ь)ею Некрасовых. И бил намъ чоломъ княз(ь) Костантинъ, абыхъмо | ему ѿтпѣстили, штобы таа его волостка Кременаа и тые его люди буиго|родцы Лѣкьянъ а Петрищо з братьею становъ на нас и на послы наши | не радили и стацыями насъ и пословъ наших не поднимали.

И мы кн(а)зю Костантинѣ и его жоне, и их детемъ ѿтпѣстили вечно тои его волостце Кремандои и тым его людем, бѣгородцомъ Лѣкьяну а Петрищѣ з брат(ь)ею, не надобе | на нас и на пословъ наших и стацыями насъ и пословъ наших не поднимати | вечно, бо то есмо емѣ дали за его слѣжбѣ.

П(и)с(а)н ѣ Смоленску, мар(та) | 5 день. Индиктъ 15. |

Пр(авил)<sup>2</sup> воев(ода) вил(енский) пан Мик(олай) Ради(вилович), кан(цлер). || л. 139 об.

*Примечания.* <sup>1</sup>Слово вписано над строкой <sup>2</sup>Возможна реконструкция Пр(иказал)

## № 217

[1497 г.] марта 17. Смоленск.

Привилеі владыце смоленскомѣ Иоуиѣ | на землю, люди и дѣвор в Чѣриловичох на Горах. |

Александръ, бож(е)ю м(и)л(о)стью. |

Биль намъ чоломъ владыка смоленский Иоуиѣ, што перво сего и не ѿднокрот нам | жаловывал ѿн на кн(а)зѣ Ивана а на кн(а)зѣ Глел(ь)ка, а на кн(а)зѣ Дмитрея, а на кн(а)зѣ Михаилла Васил(ь)евичов Горскихъ, што ж ѿни емѣ делают великие кривды в земли, и в людех, и в грабежах, и в ыных во многих речахъ в Чѣриловичох на Горах, и двора | емѣ себе забороняют ставити там на церковной властной своей земли.

И мы были | то *отложили* до нашего *приехан(ь)я* к СмоленскѸ. И какъ есмо *приехали* к СмоленскѸ, и княз(ь) Иванъ а князь *Ѓлел(ь)ко*, а княз(ь) *Дмитрей Горские* сами собою, | насъ не допѸскаючи, владыкѸ *ИюсиѸа* перееднали за себе и за брата сволего кн(а)зѸ *Михаила*, што *ж* брат их княз(ь) *Михаило* не мает того взрѸшити. И так | с нимъ *вмовили*, што заборонали емѸ двора себе ставити в *ЧѸриловичох* | на *Горах*, ино *вжо* мает владыка там себе двор ставити въ *своеи* земли, где | *всочет*, и люди мает садити. А им лововъ своих не мети во *владычней* земли. | А и того двора емѸ себе ставити и *людеи* садити не заборонати ему им, | а и *шкод* никоторых дворѸ и людем его не *мают* чинити.

И запис *свои* на то | владыце дали, што *ж* *вжо* имъ с того *врадѸ* своего не *выстѸпити* под | *закладом* нашим, под стѸ рѸбли *грошеи*. И *тот* запись их владыка *перед* | нами *покладал* и *бил* намъ *чоломъ*, *аж* *быхмо* на то емѸ дали нашъ *листь*. |

И мы емѸ на то *сесь* нашъ *листь* дали. *Мает он* тѸю *землю* *заведати* подлѸгъ их *записѸ* и под *тою*<sup>1</sup> *нашою* *виною*.

П(и)сан в СмоленскѸ, *мар(та)* | 17 *день*. *Иньдиктъ* 15. |

Пр(авил)<sup>2</sup> *воев(ода)* *вил(енский)* *пан* *Мик(олай)* *Ради(вилович)*, *кан(цлер)*. |

*Примечания.* <sup>1</sup>*Буква т написана по смьтому тексту* <sup>2</sup>*Возможна реконструкция* Пр(иказал)

#### № 218

[1497 г.] *марта* 17. *Витебск.*

**Владыце** *смоленскомѸ* на *присажен(ь)е* *людеи* | до *тых же* *людеи* *церковных* за *Рачовою*. |

*Александръ*, *бож(е)ю* *м(и)л(о)стью*. |

*НаместникѸ* *смоленскомѸ* *панѸ* *Юр(и)ю* *ГлебовичѸ*, и *владыце* *смоленскомѸ* || <sup>л. 140</sup> *ИюсиѸѸ*, и *окол(ь)ничимъ* *смоленскимъ*, и *старосте* *места* *Смоленского*, и *всим* *мещаномъ*. |

Што *еси*, *владыко*, *бил* намъ *чолом*, а и *вы*, *окол(ь)ничие*, *били* нам *чоломъ*, а и *ты*, *старосто* | з *мещаны*, *теж* *били* *есте* намъ *чоломъ*, што *быхмо* дали *церкви* *божои* и *владыце* *смоленскомѸ* *мети* *кол(ь)ко* *людем* *врокомъ*<sup>[1]</sup> *Ѹв* *одномъ* *месте* с *одного*. И мы | на *вашо* *чоломбитье* дали *церкви* *божои* и *владыце* *место* *люди* *садити* в *Крыношовом* *концы* за *Рачовою* *речкою* *обрѸбомъ*. И *казали* есмо емѸ на *том* *местцы* | *посадити* *людеи* *сто* и *двадцать* *ч(о)л(о)в(е)ковъ* *дворовъ*. И на то есмо дали *церкви* *божои* и *владыце* *листь* *наш* на *парькгамене* с *привесистою* *нашою* *печат(ь)ю*, *выписавши* *обрѸбъ* *томѸ* *местѸ*.

И *просил* насъ *владыка*, | *аж* *быхмо* *дозволили* ему к *тым* *людем* его што *присадити* *сѸседцовъ* | на *том же* *месте* за *Рачовою*, што есмо емѸ дали *место* за *одными* *вороты* *Ѹв* *однои* *избе* *тол(ь)ко* *мѸжа* з *жоною* и з *детми*. И мы емѸ *дозволили* | *присадити* к *тым же* *людем* его по *сѸседцѸ* *мѸжа* з *жоною* и зъ *дет(ь)ми* за *одными* *вороты* *Ѹв* *одну* *избѸ*, *если* *бѸдет* намъ и *местѸ* *нашомѸ* не *шкодно*.

И на то емѸ есмо дали *сесь* нашъ *листь* под *нашою* *печат(ь)ю*.

П(и)сан въ *ВитебскѸ*, *марца* 17 *день*. *Индиктъ* 15. |

Пр(авил)<sup>1</sup> *воев(ода)* *вил(енский)* *пан* *Мик(олай)* *Ради(вилович)*, *кан(цлер)*. |

*Примечание.* <sup>1</sup>*Возможна реконструкция* Пр(иказал)

## № 219

[1497 г. апреля 5. Полоцк.]

Потверженъе ѠедкѠ Григор(ь)евичѠ кѠпли его | земли  
и сеножати на Просмужцы и на село | Доложцо на реце на Ѡле. |

Самъ Александръ, бож(е)ю м(и)л(о)стью. |

Биль намъ чоломъ писар нашъ Ѡед(ь)ко Григор(ь)евичъ а поведал намъ, што *ж*  
кѠпиль | в боар(ы) полоцкии в Петрашка ПолѠпатинича<sup>1</sup> а в братанича его Ивашка  
землю | и сеножати подле города на Просмужци Ѡбел(ь) вечно.

И теж кѠпил в мещанина | полоцкого в Микиты Кожъчича и въ его сыновъ  
в Богданца а в Ѡеденька, а Ѡ | Васенка село на реце на Ѡле на *има* Доложцо теж вечно.  
И просил насъ, ажбыхмо | то емѠ призволили кѠпити и потвердили нашимъ листом.

Ино мы тую | землю, што *он* кѠпил подле города в Петрашка и в братанича его  
Ивашка и теж | тое село Доложцо, што кѠпиль в Микиты Кожчича и въ сыновъ его,  
призводемъ емѠ кѠпити. И потвержаемъ то симъ нашимъ листом | емѠ и его жоне,  
и ихъ детемъ и потомъ бѠдѠчим ихъ счадомъ || <sup>л. 140 об.</sup> вечно.

А на твердость того и печат(ь) нашѠ казали есмо приложити к семѠ нашему |  
листѠ.

Пи(и)сан в Полоцку, в лето 7005, м(е)с(а)ца апрел(ь) 5 ден(ь). Индикт 15. |

При(и) томъ был(и) воев(ода) вил(енский) пан Мик(олаи) Ради(вилович), кан(цлер), |  
мар(шалок) двор(ный), нам(естник) мер(ецкий) пан Гр(игории) Стан(кович). |

*Примечание.* <sup>1</sup>Первая буква п написана по смыслу текста

## № 220

[1497 г.] апреля 9. Полоцк.]

Боарини полоцкои Ѡндреевои Селавинои и сыномъ ее на люди  
Сел(ь)чане вѣчностью. |

Александръ, бож(е)ю м(и)л(о)стью. |

Смотрели есмо того дела.

Жаловали намъ тыи люди на *има* Сел(ь)чане на боариндю полоцкую на Ѡндреевдю  
Селавиную на Ѡпреню и на детеи ее, на Андреа | а на Ивана, а на Васил(ь)я, а на  
Юхна, тыи обычаемъ рекѠчи: «Держать насъ за собою | без данины Ѡтца твоее  
м(и)л(о)сти. А мы люди твоее м(и)л(о)сти, г(о)с(по)д(а)рьские». И пани | АнѠдреева  
Ѡгрена<sup>1</sup> з дет[ь]ми своими положила перед нами лист Ѡтца нашого(о), | короля, его  
м(и)л(о)сти. И в томъ листѠ *стоит*, што *ж* ещо Ѡтецъ нашъ, бѠдѠчи великимъ кн(а)зем,  
дал дедѠ тыхъ детеи тые люди Сел(ь)чане. И *он* на томъ сел(ь)цы и двор | собе наредил  
на *има* Видиничи. И мы казали Ѡ томъ межи ними досмотрети воеводе виленскомѠ,  
канцлерѠ нашомѠ панѠ Миколаю Ради(виловичѠ). И пан воевода Ѡ томъ смотрел, и тые  
люди сами перед нимъ | признали сѠ, што *ж* оны даны дедѠ тыхъ детеи. И ныне деи  
пани ихъ вдова, | «а дети ее малы, некомѠ насъ Ѡт кривдъ боронити».

И мы подлугъ Ѡтца | нашего листа, ихъ самыхъ сознанья, тые люди Сел(ь)чане  
АнѠдреевои Селавинои Ѡгрени и детемъ ее АнѠдрею а Ивану, а Васил(ь)ю, а Юхну  
присѠдили. | И потвержаемъ то имъ симъ нашимъ листомъ вечно. Нехаи тые люди  
Сел(ь)чане | слѠжатъ имъ по томѠ, какъ дедѠ ихъ и ѠтцѠ ихъ слѠжили подле данины |  
Ѡтца нашего.

П(и)сан в Полоцкѣ, април(ь) 9 день. Индикть 15. |  
 Пр(авил)<sup>2</sup> воев(ода) вил(енский) пан Мик(олай) Ради(вилович), кан(цлер). |

*Примечания.* <sup>1</sup>Исправлено, в рукописи Сѳреня. <sup>2</sup>Возможна реконструкция Пр(иказал)

№ 221

[1496 г.] августа 26. Вильна.

Привилеі дѣякѣ Сысою на ѳол(ь)варок Хац|ковъщинѣ  
 въ Городенском повете. |

Сам Александръ, бож(е)ю м(и)л(о)стью. |

Билъ намъ чоломъ дѣякъ нашъ Сысои и просил в насъ ѳол(ь)варка и земли || л. 141  
 Хацковщины в Городенскомъ повете, Конюковичовъ а Говашевичовъ Богданова, |  
 а Кишлова, а Шломина, а Нахимова, а Машеева, а Козел(ь)ского, всих шести  
 братѣльниковъ.

И мы тот ѳол(ь)варокъ и землю Хацковщину, их ѳтчизну, и што теж будут они |  
 к томѣ ѳол(ь)варкѣ в людеи наших прикѣпили вечно землю, и сеножатеи, и гаевъ, | емѣ  
 дали вечно ѣв ѳтчизну, и его детем, и потом будѣчим их счадомъ со всим с тым, |  
 што здавна к томѣ ѳол(ь)варку прислѣхает. Нижли што будут тые Конюковичи | и  
 Говашевичи<sup>1</sup> землю и сеножатеи к томѣ ѳол(ь)варку в людеи наших позакѣпали не |  
 вечно, тые земли и сеножати люди наши мают за ся взят(ь), а пенѣзи мают емѣ |  
 ѳтложити. А поки тые п(е)н(ѣ)зи ѳтложать, дотолѣ ѳн мает тые их земли пахати  
 и сеножати косити.

А на твердость того и печат(ь) нашу казали есмо | приложити к семѣ нашомѣ листѣ.  
 П(и)сан ѣ Вил(ь)ни, август 26 день. | Индикть 14. |

*Примечание.* <sup>1</sup>Исправлено, в рукописи Повашевичи

№ 222

1497 г. апреля 9. [Полоцк.]

Потвержен(ь)е панѣ Ивашкѣ Сопежичѣ на дво|рецѣ Мѣравскіи  
 ѣ Браславскомъ повете. |

Александръ, бож(е)ю м(и)л(о)стью. |

Чинимъ знаменито симъ нашим листом, хто на него посмотрит, або чтѣчи  
 ѣслышит, комѣ будет потребъ того ведати.

Бил намъ чолом писар нашъ Ивашко Сопежичъ, што дали есмо емѣ ѣ Браславском  
 повете землицѣ на има Мѣравскѣю съ ч(о)л(о)в(е)ком Парѳеномъ и его брат(ь)ею.  
 И ѳн подле того кѣпил сел(ь)цо Дво|рецѣ ѣ Васка подконюшого, а здавна деи тоѣ село  
 тоѣ ж Мѣравское земли. | И тот лист кѣпчили на тоѣ сел(ь)цо перед нами клал.

И мы того листѣ выслушавши, | над то есмо ѳпытали наместника браславского  
 пана Юр(и)ѣа Зеновѣвича. | И ѳн перед нами поведил, што ж тоѣ сел(ь)цо, которое  
 ж ѳн кѣпил ѣ Васка подконюшого, здавна тоѣ ж Мѣра[в]ское земли, которѣю ж  
 есмо емѣ первеи сего дали. | И бил намъ чоломъ, абыхмо емѣ тые землицы потвердили  
 нашимъ | листом.

Ино мы з ласки наше дла его слѣжбы того ч(о)л(о)в(е)ка Парѳена з брат(ь)ею  
 Мѣравиных и теж тоѣ сел(ь)цо, што ѳн кѣпил ѣ подконюшого Васка и з ихъ | землями

пашными и бортными и сеножат(ь)ми, со всим по томѸ, как оны сами | держали, со всими нашими пошлинами даем писарѸ нашомѸ ИвашкѸ Сопезе | и подтверждаем сил нашим листом вечно емѸ и его жоне и их детем Ѹ вотчинѸ.

П(и)сан | в лет(о) 7005 април(ь) 9 день. Индикть 15. |

Пр(и) [том] был(и) нам(естник) брас(лавский) Юр(ии) Зено(вьевич), м(а)р(шалок), нам(естник) вит(ебский) | п(а)н Ст(анислав) Гл(ебович), подс(толии) п(а)н Ст(анислав) Ён(ович) Забер(езинский). || *л. 141 об.*

## № 223

1497 г. апреля 10. Полоцк.

Мещаном и волощаном полоцким ѿ бобровые | гоны в реках  
межи их кгрунтами, за што певныи плат кож дог(о) | годѸ  
постѸпили etc. |

Александрь, бож(е)ю м(и)л(о)стью. |

НаместникѸ полоцкомѸ пану Юр(и)ю ПацовичѸ и иныи наместником нашим, хто по том будет ѿт насъ ПолтескѸ держати.

Што перво сего жаловали ѿтцѸ нашему, | королю, его м(и)л(о)сти вси мещане полоцкие, и дворане городские, и вси волостные люди | ѿ том деле, што ж по их землях были реки его м(и)л(о)сти гонные<sup>1</sup> бобровые. И коли шкоды деивали с а на березех бобровых, коли пожаром берегъ погорит и теж коли | хто дерево на берегѸ порѸбаеть, а любо лубье з дерева хто коли сымывал, дла того владники его м(и)л(о)сти тамъ ездоковъ высыывали и вины з них | бирали и проезды великие. И в том с а имъ великие шкоды и продажи деивали. И били его м(и)л(о)сти чо[ло]мъ, ажъбы им самым дозволил в тых реках въ их землях | гонныхъ бобры гонити и ловити, абы вжо владники его м(и)л(о)сти дла тыхъ | дел къ имъ ездоковъ и сѸдеи не высыывали, и штобы вжо з них проездовъ и винъ | великих не брали. И злюбили его м(и)л(о)сти за тые бобры на каждыи год давати | навеки по двесте рѸблев грошеи широкохъ, рѸбль по стѸ грошеи. И его м(и)л(о)сть | на их чоломъбитье з ласки своее то им был вчинил, дозволил им тые реки, што | въ их землях реки гонные, бобры<sup>2</sup> гонити и ловити им самымъ на себе. А рок | имъ был его м(и)л(о)сть положил тые гроши давати до скарбу его м(и)л(о)сти на Громницы, на Встретен(ь)е<sup>[1]</sup>.

И тыми разы били нам чолом, што ж имъ тажско, не могут того | сполнати навеки, ажъбыхмо им полегхили и нешто им ѿтпѸстили.

И мы з ласки | нашео то вчинили, ѿтпѸстили есмо им сто рѸблев грошеи вечно. А дрѸгое | сто рѸблев грошеи, рѸбль по стѸ грошеи мают нам сами, а по них дети их и навеки в каждыи годъ давати до скарбу нашего на Встретен(ь)е, на Громницы без | каждого замешканыя.

Такеж по которым рекам бобровыи и по озеромъ | владыки полоцкого и игѸменъи полоцкое, и боар полоцкихъ ѿтца нашего и наши бобровники бобры гонивали и бивали на его м(и)л(о)сть и на нас, ино и ныне мещане полоцкие по тым рекам мают на себе бобры гонити и бити по | томѸ, какъ и по нашим рекамъ. А владыце и игѸмен(ь)и, и боаром, и людем их | в тых реках и озерах и в зереманех бобровых шкоды не делати и не пустошити. || *л. 142* А которые бы в тых рекахъ и в зереманех шкодѸ чинили, ино с тыми им суд и право и вина подле давнего обычаа, в тую ж сто рѸблев грошеи, што мают намъ | мещане давати в год, по томѸ, какъ перед тымъ

сами ѿни, мешане и двоѣране городские<sup>3</sup> и вси волостные люди ѿ томъ деле, коли которые ч(о)л(о)в(е)къ | в их земли намысломъ намъ вделаеи и сам жо владником его м(и)л(о)сти на городе | ѿб(ь)явить, иж бы поклажеи вынати, и владники деи з города ездоков выслали | и их в томъ продаивали, и вины з них бирали без кажъдого доводъ и права, | и его м(и)л(о)сть был то им ѿтложил.

И били намъ чолом, ажбыхмо им вчинили по | тому ж, какъ ѿтец нашъ, корол(ь), его м(и)л(о)сть, им то ѿтложил. И мы им по тому ж то ѿтложили про то, штобы есте без доводъ и права в таких делех винъ на них | не брали и продажи им не чинили. На кого бы таковое дело повели, и вы бы | суд и право делали з доводом подлугъ обычаа и вставы земьское.

А на | твердость того и печат(ь) нашъ казали есмо привесити к семъ нашомъ | листъ.

П(и)сан в Полоцку, в лет(о) 7005, м(е)с(а)ца април(ь) 10 ден(ь). Индикт 15. |

П(ри) [том] был воев(ода) вил(енский) пан Мик(олаи) Ради(вилович), кан(цлер). |

*Примечания. <sup>1</sup>Буквы гонн написаны по смьтому тексту <sup>2</sup>Буквы ры написаны по смьтому тексту <sup>3</sup>Исправлено, в рукописи городенские*

№ 224

[1497 г.] апреля 11. Полоцк.

**Вырок Васкъ Сопежычъ на некоторые села | в Смоленском повете 8 Мошинскои волости. |**

Александръ, бож(е)ю м(и)л(о)стью. |

Смотрели есмо того дела.

Стояли перед нами очевисто. Жаловал нам тот ч(о)л(о)в(е)къ | машинец на има Аньтонец Юденюкъ на дворанина нашего Васка Сопежича и поведил | намъ, што бы он выпросил в насъ село за пѣста, не поведаючи ѿтчичовъ, 8 Смоленском | повете 8 Мошинскои волости на има Щербиново а Свирково, а землю бортную и съ селищомъ на има Безменовским. А тыи деи селом есть ѿтчичи, два браты на има Созоник | а Ёксен. И тых людей Васко Сопега на тые сел(ь)ца лист нашъ положил, што ж мы тые | сел(ь)ца вышеиречоные дали емъ противко его ѿтчины, што ж ѿтчина его за Вгрою | в Опакове мало не вса к Москве ѿтошла, а и листом<sup>1</sup> своим тые сел(ь)ца емъ потвердили. | А над то ещо с тыми люд(ь)ми, которые са менили, ѿтчичи тыи сел(ь)цомъ, послал | са на приказника и на всю волост(ь) Мошинъскю, што ж тот Созоникъ а Ёксен не ѿтчичи | тыи сел(ь)цам.

И мы приказника машинского и всех старых мѣжеи машинцов | ѿ том ѿпытали, если бы тот Созонец а Ёксен были ѿтчичи тыи сельцомъ. | И приказникъ и вси мѣжи посветчили, што ж тые сел(ь)ца давно ѿпѣстели, || л. 142 об. а тые люди Созонец а Ёксен тыи сел(ь)цомъ не ѿтчичи, а иных ѿтчичов неть.

Тежъ | тот Аньтонец поведил намъ, што ж бы Васко Сопега иные наши села забрал в Машини | на има Почернино а Местово без данины наше и листовъ наших. И Васко Сопега полложил перед нами листъ нашъ, што ж есмо емъ дозволили кѣпити сел(ь)ца пѣтныи | не таглые 8 Смоленскомъ повете. А тые деи «есми сел(ь)ца кѣпил 8 путных слугъ, | в Ёрола а в Малеа, а в Гриди Власова и 8 его брат(ь)и и 8 его детеи». И тые листы | кѣпчие перед нами клал. И над то есмо ѿпытали приказника и мѣжеи, какие | бы то были сел(ь)ца, што Васко покѣпил, пѣтныи л(ь), або таглые.

И приказник | з мужми намъ поведил, што *ж* тые вышеиречоные сел(ь)ца, што Васко купил, звечные | пѣтные сел(ь)ца, а не таглые.

И мы вси тые сел(ь)ца, данинѣ нашѣ, што есмо емѣ | дали противкѣ его *отчины* Сѣпаковское, што къ Москве *отошла*, и теж што *он* | з нашимъ дозволениемъ ѣ тых слѣгъ пѣтныхъ кѣпил, присѣдили есмо Васкѣ Солпезе ѣ *отчинѣ*.

П(и)сан в Полоцкѣ, април(ь) 11 день. Индиктъ 15. |

Кн[а.]з(ь) Іѣну(ш) Алек(сандрович), краи(чий), нам(естник) брас(лавский) пан Юр(ии) Зенов(ьевич). |

*Примечание.* <sup>1</sup>В рукописи лилтом

## № 225

1497 г. мая 12. Вильна.

Потвержен(ь)е Станкѣ Дѣкурнѣ на кѣпли его |  
Вазкгирдовѣщинѣ а въ Кѣшланех. |

Александръ, бож(е)ю м(и)л(о)стью. |

Билъ намъ чоломъ Стан(ь)ко Дѣкурно а поведал намъ, што *ж* кѣпил в Михаила а въ Іѣкѣба, а в Матера Іѣкинтовичовѣ дадковщину их за тридцать копѣ грошеи, их трех | братов дел(ь)ницѣ на има Вазкгирдовщину<sup>1</sup> зъ землями пашными, и съ сеножат(ь)ми, и со всимъ с тым, какъ они сами держали, обел(ь) вечно, ѡпроче четвертоз(о) | их брата Андрѣшковы дел(ь)ницы. И положил перед нами листъ, которымъ листомъ *он* тую землю в нихъ кѣпил. И в томъ кѣпчомъ листѣ *стоит*, коли Анѣдрушко | *отдасть* Станкѣ десат(ь) копѣ тыхъ жо тридцати копѣ грошеи, тогда маеть | *прийти* къ дворной пашни к половине, ѡпроче двѣ следов, Милеиковщины а Челеевщины.

Теж положил перед нами листъ, што *ж* кѣпил ѣ *Анны*, Витохныны дочки в Кѣшланех ее дел(ь)ницѣ *отчины* со всимъ с тым, какъ сама она дерѣжала, теж обел(ь) вечно. И просил насъ, ажбыхмо то призволили емѣ кѣпити<sup>2</sup> и потвердили нашимъ листомъ.

Ино мы | *призволаем* ему кѣпити<sup>2</sup> и *потвержаем* то симъ нашимъ листомъ, емѣ и его жоне, и ихъ детемъ, и потомъ бѣдѣчимъ ихъ | *счадомъ* вечно.

П(и)сан ѣ Вил(ь)ни, в лет(о) 7005, м(е)с(а)ца мая 12 день. Индикт 15. |

Пр(авил)<sup>3</sup> воев(ода) вил(енский) пан Мик(олаи) Радивилович, кан(цлер). || л. 14<sup>3</sup>

*Примечания.* <sup>1</sup>Буква ѣ исправлена из ѣ <sup>2-2</sup>Написано с выносным знаком в левом нижнем углу более светлыми чернилами <sup>3</sup>Возможна реконструкция Пр(иказал)

## № 226

1497 г. мая 15. Вильна.

Потвержен(ь)е панѣ Миколаю Радивиловичѣ | на третью часть  
именеи Богдана Раѣчевича. |

Самъ Александръ, бож(е)ю м(и)л(о)стью. |

Билъ намъ чоломъ подчашии нашѣ, наместникѣ бел(ь)скийи пан Миколаи Миколаевич Радивиловича и положил перед нами листъ боѣрина нашего Богдановѣ Рачевича, што *ж* записал именеи своихъ всихъ, своее *отчины* и материзны | трет[ъ]ю част(ь) подле обычаю права земского ѡ ближнихъ своихъ, бо деи детеи | *плодѣ* з жоною

своею не маеть<sup>1</sup>, по своем животе и по животе своее жоны | люди, и з землями пашными и бортными, з ловы и з ловищи, и съ озеры и съ ставы, | и с ставищи, и со всеми платы и приходы, какъ сам держаль и какъ њ границах своих | здавна с.а мают, вечно и непорѡшно, емѡ самомѡ, и его паней, и их детем, и потомъ | бѡдѡчимъ их счадкомя. И просил насъ, ажбых мы то призволили и потвердили | нашимъ листом емѡ.

И мы, видевшы листь боарина нашего Богдановъ | Рачевича, што ж он своео доброе воли записал емѡ именеи своих всех, отчизны | и материзны, третью часть по своем животе и по жоны своео животе, | призволаемъ и потвержаемъ то емѡ и его паней, и их детем и потомъ | бѡдѡчимъ их счадкомя вечно и непорѡшно.

А на твердость того и печат(ь) | нашѡ казали есмо приложити к семѡ нашомѡ листѡ.

П(и)сан ѡ Вил(ь)ни, | в лет(о) 7005, м(е)с(а)ца маѡ 15 день. Инъдиктъ 15. |

*Примечание.* <sup>1</sup>Буквы ма написаны по смътому тексту

№ 227

1497 г. мая 24. Вильна.

**Потверженье Кгетовѡ Калениковичѡ на кѡпли его, на имен(ь)е Петровское на Вазыни а на Сѡуходолы, вѡчностью. |**

Сам Александръ, бож(е)ю м(и)л(о)стью. |

Биль намъ чоломъ Кгетовѡ Калениковичъ<sup>1</sup> и положил перед нами лист, што ж | кѡпил в кн(е)гини Ивановое в Ѳедки Ѣлешковны а в зата ее Ѣлешка а в дочки<sup>2</sup> ее | Настасьи имен(ь)е на Вазыни на има Петръковское, отчинѡ и дединѡ ее, з людми и з землю пашною и бортною, и з дѡбровами и съ сеножатыми, и з водами, || <sup>н. 143 об.</sup> и з бобровыми гоны, и со всеми приходы по томѡ, какъ сама она держала, ѡбел(ь) | вечно.

Теж поведал намъ, што ж кѡпил в Мишка Сѡетича именеицо на има Сѡхѡдолы со всемъ по томѡ, какъ он самъ держал, теж ѡбел(ь) вечно. И просил нас, ажбыхмо призволили емѡ кѡпити и потвердили нашимъ листом.

Ино мы призволаемъ емѡ кѡпити и потвержаемъ то сим нашимъ листом емѡ и его жоне, | и их детем, и потом бѡдѡчимъ их счадкомя вечно. Волен он то продати и отдати, и заместити, и къ своемѡ вжиточномѡ ѡбернѡти, такъ, как сам налепеи розѡмеючи.

А на твердость того и печат(ь) нашѡ казали есмо приложити к семѡ нашомѡ листѡ.

П(и)сан ѡ Вил(ь)ни, в лет(о) 7005, м(е)с(а)ца маѡ | 24 день. Инъдикт 15. |

*Примечания.* <sup>1</sup>Буква а исправлена из и <sup>2</sup>Исправлено, в рукописи чодки

№ 228

[1497 г. сентябрь 11.] Браславль.

**Ѳед(ь)кѡ Козаковичѡ на дадковъщинѡ его на Новоселки а Ворсичи | в Житомирскомъ повете. |**

ѡ Браславли. |

Ѳедько Козаковичъ бил чоломъ г(о)с(по)д(а)рѡ, его м(и)л(о)сти, ѡ дадковщине своеи в Житомирскомъ повете, што дадко его Ивашко Гвоздь держаль, на има



Новоселки | а Ворсичи, ино тепер(е) то держить Мишко Затыка, а жоны ни детеи не мает, | а по животе Мишкове онъ есть к тымъ именьямъ ближшии. |

## № 229

[1496 г.] мая 20. Троки.

Потвержен(ь)е панѸ Григор(ь)ю ѠстиковичѸ | на именья боарина жижморского Романа Кгиновича на реце на Ломене. |

Александръ, бож(е)ю м(и)л(о)стью. |

Биль намъ чоломъ боарин нашъ Жижморского поветѸ Романъ Кгинович, и поведил перед нами, что *ж* детеи не мает. И просил насъ, абыхмо емѸ дозволили взати | собе за сына место маршалка нашего дворного, наместника мерецкого и Ѡникштенского пана Григор(ь)я Станкевича Ѡстиковича. И мовил перед нами с нимъ | очевисто, иж спѸстил емѸ все свое именье, ѠтчинѸ свою, што мел Ѡт братьи | в делѸ, на реце на Ломене, своею доброю волею со всим с тым, как самъ держал. | А онъ его маеть ховати, кормити и поити до его живота. А што бѸдет | тое его земли Ѡтчизное попродано, а любо в п(е)н(а)зехъ позаставлено, без нашего призволен(ь)я, и мы ему дозволили выкѸпати. И бил намъ чолом, абыхмо || <sup>л. 144</sup> то емѸ потвердили нашимъ листомъ.

Ино мы з ласки наше потвержаем то емѸ | симъ нашимъ листомъ и его жоне и ихъ детемъ вечно.

А на твердость того и печать | нашѸ казали есмо приложити к семѸ нашомѸ листѸ.

П(и)сан в Троцох, маѸ | 20 день. Индиктъ 14. |

## № 230

[1496 г. сентября 1 — 1497 г. августа 31.] Луцк.

ПанѸ МартинѸ ХребтовичѸ на два чловеки | Ѡсецкого десѸткѸ въ Новгородскомъ повете. |

Александръ, бож(е)ю м(и)л(о)стью. |

ПанѸ троцкомѸ, наместникѸ новгородскомѸ пану Гдану Юр(ь)евичѸ и инымъ наместникомъ нашимъ, хто потомъ [будетъ] Ѡт насъ Новгородок<sup>1</sup> держати.

Бил намъ чоломъ | конюшии нашъ дворныи, наместникъ избланский пан Мартинъ Хребтович | и просил в насъ двухъ ч(о)л(о)в(е)ковъ в Новгородскомъ повете Ѡсецкого десѸткѸ на имѸ БѸгѸа а Дробышъца.

И мы тые два ч(о)л(о)в(е)ки и з ихъ жонами и з ихъ детьми | и зъ ихъ землями и съ сеножат(ь)ми и со всими ихъ дачками и со всимъ по тому, какъ | самимъ намъ слѸжили, дали емѸ и его жоне и ихъ детемъ и потомъ бѸдѸчимъ ихъ | счадкомъ вечно и непорѸшно.

А на твердость того и печат(ь) нашѸ казали | есмо приложити к семѸ нашомѸ листѸ.

П(и)сан в ЛуцкѸ<sup>2</sup>. | Индиктъ 15. |

Пр(авил)<sup>3</sup> пан Лит(авор) Хреб(тович), мар(шалок), нам(естник) слон(имский). |

Примечания. <sup>1</sup>Исправлено, в рукописи Довгородок <sup>2</sup>Далее в строке оставлено место для 6–8 букв <sup>3</sup>Возможна реконструкция Пр(иказал)

## № 231

1497 г. сентября 11. Браславль.

Кн(а)зю Тимоѡею Капѡсте не села Лопашъ | а Брачово а Ревен  
а данника Сытича в Бран|скомъ повете. |

Сам Александръ, бож(е)ю м(и)л(о)стью. |

Наместникѡ браньскомѡ<sup>1</sup> кн(а)зю Ѳедорѡ Ивановичѡ и иным наместникомъ нашим, хто потомъ будетъ ѡт насъ Бранескъ держати.

Перво сего | бил намъ чолом дворанинъ нашъ княз(ь) Тимоѡеи Ивановичъ Капѡста<sup>2</sup> и просил | в насъ сел(ь)ца в Бранскомъ повете на има Лопаша<sup>3</sup>. И мы были емѡ<sup>4</sup> тое сел(ь)цо Лопашъ<sup>3</sup> | дали. А потомъ ты, кн(а)же Ѳедоре, поведил перед нами, што ж бы княз(ь) Тимоѡеи Капѡста многие земли наши бранские к томѡ Лопошѡ забрал без наше | данины.

И мы ѡ томъ опытывали боѡр бранскихъ Богдана Григор(ь)ева а Ѳедо|ра Колонтаева а Григор(ь)ѡа Бородовичонка а Степана Совина. И ѡни повелили || <sup>л. 144 об.</sup> перед нами, иж в томъ Лопоши не было ни людеи, а ни пашное земли, ни жли княз(ь) Иванъ Анѡдреевичъ привернулъ к томѡ Лопошѡ боѡрское село Тѡѡановское на има Брачово | с пашною землею, и посадил на тои земли шесть ч(о)л(о)в(е)ковъ семьи и дворъ былъ себе на томъ | и пашню нарадил, а и ныне деи на тои земли шесть жо<sup>4</sup> слѡжобъ седит. И тежъ перво | сего дали есмо емѡ к тому ж сел(ь)цѡ Лопошѡ ч(о)л(о)в(е)ка данника на има Сытича с кад(ь)ю | медѡ и с ыншою подан(ь)ю, какъ намъ слѡжил и дан(ь) давал, и со всеми его входы и приходы, и с озеры, и з реками, з бобровыми гоны.

А тыми разы бил намъ чоллом и просил в насъ сел(ь)ца в Бранскомъ жо повете на има Ревен, а поведил намъ, што ж | здавна тые Ревны городские бывали, а не боѡрские. И мы тых жо боѡр | бранскихъ верхѡписанныхъ пытали, и ѡни повелили нам, што ж княз(ь) Иванъ Анѡдреевичъ тые Ревны привернулъ былъ к тому ж Лопошѡ, а слѡжобъ деи тол(ь)ко | ѡдна естъ<sup>5</sup> в тых Ревнах, и тепер(е) тамъ седѡт шесть ч(о)л(о)в(е)ковъ, служба с тых | людеи идетъ ловецкаѡ, звер(ь) сочатъ.

И мы ему тые вси сел(ь)ца вышеиписанные, | Лопошо а Брачово, а Ревны, а данника Сытича, дали с пашными землями | и з бортными, и съ сеножат(ь)ми, и з бобровыми гоны, и з реками, и с озеры, | и со всеми входы и приходы, и со всемъ с тымъ, какъ княз(ь) Иванъ Анѡдреевичъ дерѡжал. А дали есмо то емѡ ѡ вотчинѡ.

А на твердость того и печат(ь) нашѡ ка|зали есмо приложити к семѡ нашомѡ листѡ.

П(и)санъ в Браславли, в лет(о) | 7006, м(е)с(а)ца сен(т)абра | 11 день. Индиктъ 1. | Прав(ил) гетманъ кн[а.]з(ь) Костѡн(тин) Ивановичъ Ѣстрозск(ий)<sup>6</sup>. |

*Примечания.* <sup>1</sup>Буква ѡ написана по смыслу текста <sup>2</sup>Первая буква а исправлена из 8 <sup>3</sup>Буква а исправлена из другой <sup>4</sup>Слово вписано над строкой <sup>5</sup>Исправлено, в рукописи шесть <sup>6</sup>Буквы троз написаны по смыслу тексту

## № 232

[1497 г. сентября 11. Браславль].

Александръ, бож(е)ю м(и)л(о)стью. |

Їднѡчинскомѡ дано селищо в Браславльскомъ повете на има Кропивную. | Просилъ за пѡсто, а ни ѡтчица не поведал. |

Прик(азал) панъ Лит(авор) Хреб(тович), мар(шалок), нам(естник) слон(имский). |

Кн(а)зю КостантинѸ СтрозскомѸ дано ставокъ на<sup>1</sup> Аровицы в Луцку а млын | под Стачиковым ѿл(ь)варкомъ. |

Ѳед(ь)кѸ ЕньковичѸ дано селищо в Браславли Христановцы. |

Левку БоговитиновичѸ даны две селища в Браславли, ШѸровцы а Ѳоминцы. || <sup>л. 145</sup>

*Примечание.* <sup>1</sup>Буква н написана по смыслу текста

## № 233

1497 г. октября 2. Походовичи.

Потвержен(ь)е князю БогданѸ ГлинскомѸ на розные | именья, выслуги, кѸпли ѿтца его и его, вечностью. |

Сам Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотрит, або чтучи | его вслышит, комѸ потребъ будет того ведати.

Бил намъ чоломъ наместникъ | пѸтивльскии княз(ь) Богданъ Ѳедоровичъ Глинскии, а поведал намъ, што *ж* ѿтець его, | княз(ь) Ѳедор, выслѸжил на кн(а)зи Александре а на кн(а)зи Семене село Боровое во Слевскои волости, п<sup>а</sup>т(ь) ч(о)л(о)в(е)ковъ данныхъ.

И теж ѿтец жо его выслѸжил на кн(а)зи Александре *ж* а на кн(а)зи Семене селищо в Черкаскомъ повете на им<sup>а</sup> Родивоново на Т<sup>а</sup>л<sup>с</sup>мени и с пасаками, а озера и лѸки на Днепре и со всеми входы и приходы и ш<sup>то</sup> к томѸ селищѸ здавна прислѸхало.

А далеи ѿтец жо его, княз(ь) Ѳедоръ, | выслѸжил на ѿтцы нашом, короли, его м(и)л(о)сти, ГолѸбеа в Завскои волости, а в том | ГолѸбе ѿдин ч(о)л(о)в(е)къ данъныи. И теж ѿтец жо его кѸпил Некрашов в Киевском повете | на Краснои реце.

И што теж самъ княз(ь) Богдан выслѸжил на нас именье<sup>1</sup> в Менском | повете на им<sup>а</sup> Гармановское а Кирятово.

И теж княз(ь) Богдан жо кѸпил в Романа Есковича<sup>2</sup> половинѸ ЖѸкина<sup>3</sup> на Десне реце з нашимъ призвоеньем.

А поведал намъ, што *ж* на все тое, на выслѸгу ѿтца его и на куплю, што ѿтец его на | кн(а)зи Александре и на кн(а)зи Семене и на ѿтцы нашом, короли, его м(и)л(о)сти, выслѸжил | и теж, што кѸпил и што теж самъ княз(ь) Богдан на насъ выслѸжил и што теж | кѸпил половинѸ ЖѸкина з нашимъ призвоеньем, листы мел. Ино коли поганство татарове замокъ нашъ Киевъ сожгли, тогды тые листы на выслѸгѸ ѿтца его и на куплю в Киеве погорели. Нижли тол(ь)ко на то листы наши | мает, што на нас княз(ь) Богдан выслѸжил, и теж кѸпчи листъ, што половину ЖѸкина кѸпил з нашимъ призвоеньем.

И бил намъ чолом, абыхмо то емѸ все выше|писанное, выслѸгу ѿтца его, што выслѸжил на кн(а)зи Александре а на кн(а)зи Семене | и на ѿтцы нашомъ, короли, его м(и)л(о)сти, и кѸплю, што ѿтец его кѸпил, и што теж | самъ княз(ь) Богдан на насъ выслѸжил, и што теж кѸпил половинѸ ЖѸкина | з нашимъ призвоеньем, подтвердили нашимъ листом.

И мы все то вышеписанное | подтверждаемъ имъ нашимъ листомъ емѸ и его жоне, и ихъ детем, и потомъ будѸчимъ | ихъ счадомъ вечно и непорушно, с пашными землями, и з бортными, и с подлазными, || <sup>л. 145 об.</sup> и съ сеножатыми, и с озерами, и з реками,

и з бобровыми гоны, и зъ езы, и с перевесы, | и з болони, и з ловы, и з даньми грошовыми и медовыми, и со всеми входы, и при|ходы, и платы, што к тому всемѸ здавна прислѸхало.

А на твердость | того и печат(ь) нашѸ казали есмо привесити к семѸ нашомѸ листу.

П(и)сан | в Походовичох, в лет(о) 7006, м(е)с(а)ца октебра 2 ден(ь). Индикт 1. | Пр(авил)<sup>4</sup> воев(ода) вил(енский) пан Мик(олай) Ради(вилович), кан(цлер). |

*Примечания.* <sup>1</sup>Слово написано по смытому тексту <sup>2</sup>Буква и написана по смытому тексту <sup>3</sup>Буква 8 исправлена из и <sup>4</sup>Возможна реконструкция Пр(иказал)

## № 234

[1497 г.] сентября 6. Сосница.

ПанѸ СтаниславѸ ПетрашковичѸ на люди | Сонковичи  
в Лидскомъ повете. |

Сам Александрь, бож(е)ю м(и)л(о)стью. |

МаршалкѸ нашомѸ, наместникѸ лидскомѸ панѸ СтаниславѸ ПетрашковиѸ.

Што еси бил намъ чолом а просил еси в нас в Лидском повете людеи на има | Ходорца, а Ёстакка, а Мит(ь)ка, а Песонковичовъ, а ТимоѸея Кондровича, а брата его Долбеньки. А поведал еси перед нами, што *ж* с тых с Онковичъ идет | дакло одно овсѸное, а житного дакла не дают, а дают за то белки. А ТимѸеи з братом своим з Долбенькою дают дакла бочкѸ жита а бочкѸ | овса. А с тых людеи слѸжбы две идѸт.

Ино мы тебе тые люди дали | со всеми их землами и со всеми подачками, со всем по томѸ, какъ нам слѸжили.

П(и)сан на стане на Сосници, сен(т)абра) 6 день. Индикть 1. |

Пр(авил)<sup>1</sup> мар(шалок), нам(естник) сл(онимский) п(а)н Лит(авор) Хреб(тович). |

*Примечание.* <sup>1</sup>Возможна реконструкция Пр(иказал)

## № 235

1497 г. октября 6. Овруч.

Владыце смоленскомѸ ИоѸсиѸ на имен(ь)е | Ёдрковичи и двор  
в Смоленскомъ повете. |

Сам Александрь, бож(е)ю м(и)л(о)стью. |

НаместникѸ смоленскомѸ пану Юр(и)ю ГлебовичѸ и иным наместникомъ | нашим, хто потом ѿт насъ будет Смоленскъ держати.

Бил нам чоломъ | владыка смоленский ИоѸсиѸ <sup>1</sup>а поведал намъ, што *ж* кѸпил<sup>1</sup> в дворанина | нашего Ѹед(ь)ка Шостова именье в Смоленскомъ повете на има Ёдрковичи, | двор, што Семен МикѸлин держал с пашными землами и з бортными, | и з люд(ь)ми, и с челѸд(ь)ю невол(ь)ною, и со всеми с тым, што к томѸ имен(ь)ю здавна | прислѸхало, што был Ѹтец нашъ, корол(ь), его м(и)л(о)сть, томѸ Ѹедку дал, а по томъ и мы ему на то нашъ листь дали.

И просил в насъ владыка, абыхмо || <sup>н. 146</sup> призволили емѸ тое имен(ь)е в Ѹедка кѸпити, и потвердили быхмо то емѸ нашим листом. |

Ино мы емѸ призволаем в него тое имен(ь)е Ёдрковичи, двор с пашными землами | и з бортными, и з люд(ь)ми и с челад(ь)ю невол(ь)ною, и со всим с тымъ, какъ Семен Микулин держал, | и што здавна к томѸ именью прислѸхало, кѸпити. И потвержаемъ то ему симъ | нашим листомъ вечно, нижли не мает того имен(ь)ѧ владыка к церкви привлащати | а ни записати. А мает намъ с того именьѧ земскѸю слѸжбу справити такѸю, | какъ и перед тымъ с того именьѧ слѸжба бывала.

А на твердость того и печат(ь) нашѸ казали есмо приложити к семѸ нашомѸ листѸ.

Пи(и)сан во ВрѸчомъ, | в лет(о) 7006, м(е)с(а)ца ѡк(табра) 6 день. Индиктъ 1. |

*Примечание.* <sup>1-1</sup>Вписано в строке другим почерком

## № 236

1497 г. октября 13. Мозырь.

Привилеі ДанилѸ ДедковичѸ на имен(ь)ѧ КѸчѸково | а Лодыжичи<sup>1</sup> а Теремцы а Белки вечностью. |

Сам Александръ, бож(е)ю м(и)л(о)стью. |

Биль намъ чолом земаиниъ киевѸский Данило Дедковичъ, а поведал намъ, штож понал | боарина киевского СтепановѸ жонѸ Мутишича на имѧ Мар(и)ю, а в тое деи Мар(и)и | было с тым Степаном двое дети, сын а дочка. Ино деи тот сынъ Степанов втонул, | а дочка вмерла, нижли тол(ь)ко ѡдна дочка того Степана, первое его жоны, на имѧ | Настасья ѡстала сѧ, и слѸжит кн(е)г(и)ни Семеновои Ёлел(ь)ковича Пинской. И просил нас, | абыхмо тые имен(ь)ѧ, што Степан МѸтишич держал, дали емѸ на имѧ КѸчуковъ | а Лодыжичи, а Теремцы, а Белки и иные сельца и што здавна к тому прислухало.

Ино, мы, не хотачи были по близкости Степановое дочки первое | жоны ѡт тых именеи ѡтдалити, а казали есмо емѸ с тою Степановою дочкою | первое жоны зъеднати сѧ. И ѡн сѧ с нею поеднал и выправу еи с тых именеи дал, | и долги ѡтца ее поплатил и много деи накладовъ на тые именьѧ наложил<sup>2</sup>. | А ѡна ему всех тых именеи и селец вышеписанных, што ѡтец ее держал, вырекла | сѧ, и запис свои емѸ на то дала. И тот ее запись перед нами вказывал.

Ино коли сѧ | ѡна емѸ вырекла и запис свои емѸ дала, и мы вси тые имен(ь)ѧ вышеписаные з ласки нашео дали ДанилѸ ДедковичѸ вечно и непорѸшно емѸ и его жоне, | и потом бѸдѸчим ихъ счадкомъ, с пашными землами и з бортными, и з дан(ь)ми, и съ ѡзеры и з реками, и з бобровыми гоны и зъ езы, и съ сеножат[ь]ми, | и со всеми входы и приходы, и со всимъ с тымъ, што здавна к томѸ | прислѸхало, и какъ Степанъ МѸтишич держал.

А на твердость того || <sup>л. 146 об.</sup> и печать нашѸ казали есмо приложити к семѸ нашомѸ листѸ.

Пи(и)сан в Мозыры, | в лет(о) 7006, м(е)с(а)ца ѡк(табра) 13 день. Индиктъ 1. |

Пр(и) [том] был(и) стар(оста) жом(оитский) пан Стан(ислав) Ёнов(ич), мар(шалок) двор(ный), | нам(естник) мер(ецкий) пан Григ(орий) Стан(кович), мар(шалок), нам(естник) слон(имский) пан | Лит(авор) Хреб(тович). |

*Примечания.* <sup>1</sup>Буквы Ло написаны по смытому тексту <sup>2</sup>Буквы вал написаны по смытому тексту

## № 237

[1497 г.] октября 28. Новгородок.

Привилеі панѸ БыкѸ АлександровичѸ | на именьє Брылево  
в Житомирскомъ | повете. |

Александръ. |

Биль намъ чолом панъ Бык Александровичъ а поведал намъ, што отец нашъ, | корол(ь), его м(и)л(о)сть, дал емѸ именьє в Житомирскомъ повете на има Брылево, што | держал Кичькирь. А тот деи Кичькир тоє именьє выслѸжил на кн(а)зи Семене Слел(ь)ковичи и вмер. А детеи ничего з жоною своею не мел, а ни ближнихъ, тол(ь)ко деи одна | жона его остала са. И отец деи нашъ тоє именьє дал был емѸ по животе | Кичкиревы жоны а еє велел емѸ ховати до еє живота. И поведил нам, што ж | сьазывал его в тоє именьє наместникъ полоцкии пан Юреи Пацовичъ, какъ держал [от] отца нашего Киевъ. А тот деи листь отца нашего згорел в него. И мы ѿ том | пана Юр(и)а пытали, и пан Юреи перед нами поведил, што ж он его в тоє именьє | сьазывал подлуг листь отца нашего. И бил намъ чолом, абыхмо на тоє именьє | емѸ нашъ листь дали.

Ино коли был отец нашъ емѸ тоє именьє дал, а тот | листь в него згорель, а пан Юрии Пацовичъ то перед нами поведил, што ж он | его в тоє именьє сьазывал подлгъ листу отца нашего, и мы емѸ тоє | именьє Брылево дали по животе тоє Кичкиревы жоны со всим с тым, | што здавна к томѸ именью прислѸхало, вечно емѸ и его жоне, и их детеи, | коли к томѸ ближнихъ никого не бѸдет.

П(и)сан в Новогородку, октабр(ь) | 28 день. Индиктъ 1. |

## № 238

1497 г. декабря 20. Городно.

Потвержен(ь)е ИвашкѸ СопежичѸ на розные | имень(ь)а, дворы,  
данины и кѸпли его вечностью | въ Смоленском, в Полоцкомъ  
и въ Брасловском повете. |

Сам Александръ, бож(е)ю м(и)л(о)стью. |

Во има всесил(ь)ного бога. Амин(ь).

Чиним знаменито симъ нашим листомъ, || л. 147 хто на него посмотрит, а любо  
чтѸчи его вслышит, кому ж того потребъ будет ведати. |

Бил намъ чоломъ писар нашъ Ивашко Сопежичъ и просиль насъ, абыхмо емѸ  
потвердили вси тые села, которые ж он на насъ выслѸжил, в Смоленскомъ повете село,  
в Болваницкомъ повете<sup>[1]</sup>, Мартиново Болваницкого на има Смолин Конец, которое  
ж тот Мар|тинъ выслѸжил на наместникѸ смоленскомъ на пане Иване Важевичи, зъ  
землами | пашными и бортными, и съ сеножатъми, и з люд(ь)ми. И теж, што томѸ  
МартинѸ | придали княз(ь) Михаило а княз(ь) Оедор СѸдоевские, какъ от отца  
нашого, короля, | его м(и)л(о)сти, Болваничи держали, землю бортную з бобровыми<sup>1</sup>  
гоны и съ сеножат(ь)ми в Белицкои волости<sup>[2]</sup> на има в Чепиничохъ, которѸю ж  
землю от того Мар|тина держаль ч(о)л(о)в(е)къ ис трети на има СѸноореец, с которе  
ж земли идет Мар|тину кад(ь) медѸ пресного а двадцат(ь) грошеи. И теж што те ж  
кн(а)зи СѸдоевские | придали емѸ пашни своеє двора Болваницкого на има Селищо,  
а к томѸ сеножать ЮрцевскѸю.

Теж клал перед нами листь нашъ, што есмо перво сего дали | емѢ двор с клетками кн(а)за Михайловъ Дмитреевича Ваземского в СмоленскѢ | на Торговищи подле Днепрскихъ ворот.

И теж клал перед нами листь матки | своее Настасьи Сопежиное, игѢмен(ь)и полоцкое, што жъ она емѢ записала | сел(ь)ца свои вси Еленскіи, которіи жъ покѢпила Ѣ ел(ь)нанъ Ѣ Ѣвдеиковыхъ детеи на има | в Левона а в брата его ЛѢк[ъ]іана и в дадковичов их, Ѣ Ереминыхъ пасынковъ Ѣ Ѣваналса а в Ывана, а в Гришии, а в Лавра.

И теж дрѢгое сел(ь)це, што кѢпила в ОлѢерка на тои | же речце Еленце, и теж тые сел(ь)ца записала<sup>2</sup> емѢ, што еи дал пѢстовские два | сел(ь)ца панъ Ивашко Ил(ь)ничъ, какъ Ѣт Ѣтца нашего, корола, его м(и)л(о)сти, СмоленскѢ дерѢжал, на има Михалково а Ѣедориково.

И теж клал перед нами листъ боуаръ смоленскихъ на има Глеба а Ѣлехна, а Ѣедора Александровыхъ детеи Ѣеремова, што жъ | они продали емѢ Ѣтчинное и дединное село свое Ѣ Ел(ь)нои на има Захаровское | со всимъ, што к томѢ селѢ прислѢхает.

И теж клал перед нами листь намѢстника смоленского п(а)на Юр(и)іа Глебовича, што жъ онъ дал емѢ сел(ь)цо там же въ Ел(ь)не на има | Травкино до нашее воли.

И теж клал перед нами листъ матки своее Настас(ь)и Сопежиное, игѢмен(ь)и полоцкое, што жъ она записала емѢ сел(ь)цо, кѢплю свою в Смоленскомъ повете на Есенои, на има Чаикино з люд(ь)ми и со всимъ, што к томѢ сел(ь)цѢ прислѢхает, все тое, што кѢпила в Чаики и во владыки смоленского в Мисаила, | записала емѢ ѢдномѢ, кроме иныхъ детеи своихъ, брат(ь)и и сестрѢ его.

И теж повѢдил перед нами, што жъ старица Светого Михаила в Полоцку на има Ѣетин(ь)іа | зъ затемъ своимъ ВолѢромеемъ и з дочкою своею Там(ь)іаную прода[ла] емѢ сел(ь)цо на ДѢвине выше города на Болдавицахъ повыше Шоша, которое жъ сел(ь)цо дал еи || л. 147 об. митрополитъ киевскіи и всеа РѢси небожчикъ Иона, бѢдѢчи ещо владыкою полоцкимъ и витебскимъ, кѢплю свою, што онъ кѢпилъ въ ЪѢкова Красчинича. И тотъ | листь владычныи кѢпчи и теж, што она емѢ продала, перед нами вказывал.

И теж повѢдил перед нами, што жъ з дозволенья намѢстника полоцкого п(а)на | Юр(и)іа Пацовича покѢпилъ онъ сел(ь)ца в Полоцкомъ повете в полочан на има в Михаила ѢлтѢшкова сына Левковича и въ его сыновъ Хрола а в Семена и теж въ ГалѢона ПрокопѢева сына Посадниковича а в Гридка Васковича ѢлтѢшевича на | БерезѢи и за БерезѢемъ зъ землями пашными и бортными, и з сеножат(ь)ми, | и со всимъ тымъ, што здавна к тымъ сел(ь)цомъ слѢшало, и какъ они сами ихъ держали. | И тотъ листь пана Юр(ь)евѢ Пацевича дозволеныи и теж тыхъ полочанъ кѢпчие листы | перед нами онъ вказывал.

И теж клал перед нами листь полочаниновъ на има ВолѢромеевѢ Ходотова сына Есковича, што жъ онъ и з жоною своею и з детьми | записал емѢ дворъ свои и з землю на има БезѢмовскіи подле церкви Пречистое | богоматери в Полоцку блиско двора игѢмен(ь)ина.

И теж клал перед нами листъ нашъ, | што есмо дали емѢ в Браславскомъ повете землю на има МѢравскю з люд(ь)ми | и с ч(о)л(о)в(е)комъ ПарѢеномъ и зъ его брат(ь)ею.

И теж што былъ тое земли МѢравщины | подкѢнющіи браславскіи Васко кѢпилъ в того жъ ПарѢена и в брата его ЛѢкыана | и на тои кѢпли своеи справилъ былъ дворецъ и людцы чѢтыри ч(о)л(о)в(е)ки посадилъ | и за сѢ ИвашкѢ Сопезе продал. И тотъ листъ его кѢпчи перед нами вказывал.

И к томѸ тот жо Васко продал емѸ двор свои в месте Браславском на имѸ ШѸстиковскии, | и он и тот лист его кѸпчии перед нами вказывал.

Теж клал перед нами лист брата | своего Васил(ь)евѸ Сопежича, што жс он променил емѸ всю свою ѿтчинѸ ГѸпаков, што | было емѸ ѿт брат(ь)и его в делѸ сѸ достало, на Щокино, што он на нас выслѸжил, а к томѸ принал в него сто копь грошей.

Теж клал перед нами листы | брат(ь)и своее Богдана и Юр(и)Ѹ а Васил(ь)Ѹ, што жс они спѸстили и записали емѸ | вечно дел(ь)ницы свои на городищи ГѸпаковском и на посаде ГѸпаковскомъ. |

Теж бил намѸ чолом и просил в насѸ сел(ь)ца там жо в Болваницком повете на имѸ | Багриновского, которое жс сел(ь)цо дал был кнѸз(ь) Михаило Иванович ГѸдоевскии | слѸзе своемѸ ГримѸ, и тот Грим спѸстил был без нашего дозволен(ь)Ѹ тое | сел(ь)цо за долгѸ боѸринѸ смоленскомѸ БогданѸ Григор(ь)евичу. И мы тое сел(ь)цо | Багриновское на насѸ взяли и дали есмо Ивашку Сопезе.

Ино мы вси тые || л. 148<sup>1</sup> верхѸписанные села и дворы, которые жс он на насѸ выслѸжил, и теж, што емѸ матька ел(о) | записала, и што он самѸ за свои п(е)н(Ѹ)зи покѸпил з землами<sup>3</sup> пашными и бортными, | и сѸ сеножат(ь)ми, и со всим тымѸ, какѸ сѸ тые верхуписанные села и дворы в собе мают, | потвержаем ИвашкѸ СопежичѸ вечно и непорѸшно, емѸ и его жоне, и их детемѸ | и на потом бѸдѸчим их счадкомѸ. Волен он все то продати, и ѿтдати, и заменить, | и кѸ своемѸ вжиточномѸ ѿбвернути.

А на твердость того казали есмо и печат(ь) нашѸ привесити к семѸ нашомѸ листу.

П(и)сан в Городне, в лето 7006, | м(е)с(Ѹ)ца дек(абра) 20 день. Индикть 1. |

Пр(и том) был(и) пан вил(енский), нам(естник) город(енский) кн[Ѹ]з(ь) Алек(сандр) | Юр(ьевич) а нам(естник) полоц(кий) пан Юр(и)и Паць. |

*Примечания.* <sup>1</sup>Буква в исправлена из другой <sup>2</sup>Последняя буква а исправлена из другой <sup>3</sup>Буква з исправлена из другой

## № 239

1498 г. января 20. Городно.

МлынарѸ ГѸнискѸ ПашковичѸ на два | млыны, ѿдин в ЛѸцку з домом, а дрѸгии в Голешеве вечностью. |

Сам АлександрѸ, бож(е)ю м(и)л(о)стью. |

Старосте лѸцкомѸ, маршалкѸ Волынское<sup>1</sup> земли кн(Ѹ)зю СеменѸ Юр(ь)евичу и иным | старостам нашим, хто потом бѸдет ѿт насѸ ЛѸческѸ держати.

Бил нам чолом млынар нашѸ на имѸ ГѸниско ПашковичѸ и просил в насѸ двѸ млынов в ЛѸцкѸ, ѿдин млын | Станиславовскии в ЛѸцкѸ з домом, а дрѸгого млынѸ в Голешеве.

И мы ему тые | два млыны, што в Луцку Станиславовскии, и з домом, што к томѸ млынѸ | прислѸхае, а дрѸгии млын в Голешеве, дали емѸ и его братѸ КѸньюку, и его жоѸне, и их детем, и на потом бѸдѸчим их счадкомѸ вечно и непорѸшно со всим с тым, | што здавна к тым млыномѸ прислѸхало.

А на твердость того и печат(ь) | нашу казали есмо приложити к сему нашомѸ листу.

П(и)сан в Городне, | в лет(о) 7006, м(е)с(Ѹ)ца ген(вара) 20 день. Индикть 1. |

*Примечание.* <sup>1</sup>Исправлено, в рукописи Волковыское



## № 240

[1498 г.] января 20. Городно.

**Вырок межи Еском Юр(ь)евичом а княземъ | Иваном  
Іѧрославовичом ѿ землю. |**

Сам Александръ бож(е)ю м(и)л(о)стью. |

Смотрели есмо того дела.

Жаловал намъ тот богарин Еско Юр(ь)евич Павлюковича || л. 148 об. на кн(а)зѧ Ивана Ерославича, тымъ обычаем рекѡчи: «Держить землю мою ѿтчизнѧю | безвинно». И княз(ь) Иванъ Ерославичъ положил перед нами лист братьи его. Ино в листе | том стоит, што ж они тѧю землю кѡпили в того Еска, брата своего<sup>1</sup> вечно. А княз(ь) | Иван тѧю землю кѡпил в брат(ь)и его теж вечно.

И мы ѿ том межи ними досмоутревши и врадили такъ. Коли тот Еско тѧю землю продал брат(ь)и своеи вечно, | а брат(ь)ѧ его продали тѧю землю кн(а)зѧ Ивану Ерославичѧ теж вечно, присѡдили | есмо тѧю землю кн(а)зѧ Ивану Ерославичѧ вечно. А Ескѧ томѧ вжо не надобе | в тѧю землю встѡпати сѧ. А которое бы ѡн мел к той земли дело, и ѡн нехаи постигает себе правом на брат(ь)и своеи.

П(и)сан ѡ Городне, ген(вара) 20 ден(ь). | Индикть 1. |

*Примечание.* <sup>1</sup>Буквы сво вписаны над строкой

## № 241

1498 г. января 24. Городно.

**Привилеі воитѧ лѡцкомѧ Трѡшѧ на ѡл(ь)варок под местом  
Лѡцкимъ на вечность. |**

Сам Александръ бож(е)ю м(и)л(о)стью. |

Биль намъ чолом воит места Лѡцкого Трушъ и просил в насъ ѡл(ь)варка под местомъ Лѡцкимъ, што ѡтец нашъ, корол(ь), его ми[ло]сть, дал был тот ѡл(ь)варокъ мелщанинѧ лѡцкомѧ Лѡце до своее воли. И тот мелщанин вмер, нишли тол(ь)ко дети | сѧ его ѡстали.

Ино вжо тот ѡл(ь)варокъ в нашої воли. И мы тот ѡл(ь)варокъ | з ласки нашеое дали воитѧ места Лѡцкого Трѡшу с пол(ь)ми, съ сеножатьми, | и съ ставы, и со всим с тым, какъ Лѡка держал, и што здавна к томѧ ѡл(ь)варкѧ | прислѡхало, вечно емѧ и его жоне, и их детем и на потом бѡдѡчим их счадкомъ. |

А на твердость того и печат(ь) нашѧ казали есмо приложити к сему нашомѧ | листу.

П(и)сан ѡ Городне, в лет(о) 7006, м(е)с(а)ца ген(вара) 24 день. | Индикть 1. |

## № 242

1498 г. февраля 6. Городно.

**Привелеі мелщаном лѡцким <sup>1</sup>на вол(ь)ност(ь)<sup>1</sup> ѡт даван(ь)ѧ |  
мыт новых, подвод и сыпан(ь)ѧ ставѧ. |**

Сам Александръ, бож(е)ю м(и)л(о)стью. |

Били намъ чолом воит места Луцкого, и бурмистры, и радцы, и вси мелщане, || л. 149 што ѡтец нашъ, корол(ь), его м(и)л(о)сть, смотрел их со кн(а)зи и паны, и богары,

и земаны Волынское земли ѿ новые мыта, где на них новые мыта бирали. И отец нашъ тые | новые мыта имъ ѿтложил, нижли казал им мыта платити, где з век8 ѿни мыта | плачивали. И лист ѿтца нашего на то перед нами вказывали.

И теж били нам чоломъ, | какъ держал ѿт ѿтца нашего, корола, его м(и)л(о)сти, Лѣчоскъ небожчикъ пан Иван Ходкевич<sup>2</sup> | и ѿвел был имъ новину. Коли ежчивал на воину, и ѿн бирал в них з места подводы з воізы. И отец нашъ и то им ѿтложил. И листъ ѿтца нашего<sup>3</sup> на то перед нами<sup>3</sup> вказывали.

А далеи били намъ чолом, какъ держал ѿт ѿтца нашего, корола, его | м(и)л(о)сти, Лѣчоскъ небожчикъ пан Сѣлизар Шиловичъ, и ѿвел был им новину, велел был имъ | ставъ сыпати и гатити на Стырѣ. И отец нашъ и то им ѿтложил. И на тое лист | ѿтца нашего перед нами вказывали.

И били нам чоломъ<sup>4</sup>, абыхмо им тые новины | ѿтложили, што в листех ѿтца нашего выписаны, и лист быхмо им на то наш дали. | И мы им тые новины ѿтложили, што в листех ѿтца нашего выписаны, и лист | есмо им сесь нашъ на то дали. Не надобе им нигде новых мыт платити, где | были почали на них новые мыта брати. Мают ѿни мыта платити, где | ѿни звек8 мыта плачивали, и подвод имъ не надобе под старосты лѣцкіе з возы з места давати, а и ставу теж им не надобе сыпати и гатити | на Стырѣ.

И подтверждаемъ то им сим нашим листом подлугъ листов ѿтца н(а)шого, | корола, его м(и)л(о)сти, вечно.

А на твердость того и печат(ь) нашѣ казали есмо | приложити к семѣ нашомѣ листу.

П(и)сан ѣ Городне, в лет(о) 7006 м(е)с(ѣ)ца | ѿеврала 6 день. Индиктъ 1. |

*Примечания.* <sup>1-1</sup>Вписано над строкой <sup>2</sup>Буква є исправлена из о <sup>3-3</sup>Написано по смыслу текста <sup>4</sup>Буквы чо вписаны в строку

## № 243

1498 г. февраля 5. Городно.

Лист, даныі попом виленскимъ до митрополита | киевского, же бы имъ кривдѣ не чинил и новин | не вводилъ. |

Александръ, бож(е)ю м(и)л(о)стью. |

Томѣ, комѣ ажъ богъ дасть митропол(и)ю киевскѣю и всея Руси, и иным | митрополитом киевскимъ и всея Рѣси, по нем бѣдѣчим.

Жаловали нам вси свещенницы места Виленского, што ж деи небожчикъ Макареи, митрополит киевский и всея Рѣси, ѿвел был имъ многие новины, почал был на них соборные | кѣнцы непомерно брати. А за первых деи митрополитов бирали на | них соборные кѣнцы по дванадцати грошей за кѣницѣ. И листы на то || л. 149 об. первыхъ митрополитовъ в себе мели, ино коли церковь горела, тогда деи и листы тые в них погорели.

И теж деи хто коли вписывает в церковь дѣши родителеи своих в поминал(ь)никъ, и ѿн деи того вписѣ бирал на себе половину. А за пер(ь)вых деи митрополитовъ то все на попы хоживало.

А далеи, коли деи хто | дасть на мол(е)бень золотыи, и попы деи то межи собою поделат по грошѣ, а што сѣ деи ѿстанокъ того золотого ѿстанет, и ѿн то на себе биралъ. | А первые деи митрополиты того на себе не бирали, то все за попы хоживало.

Такеж деи на кождыи приездъ, коли до Вил(ь)ни приедет, бирал на них бездное | не по мере. А здавна деи митрополиты онова на год к ним приежчивал(и) | и бирал(и) на них 8 зъездъ по золотом8 а по бочце мед8.

А потом деи даль | был от себе в месте Виленскомъ наместничество архимандрит8 св(е)тое Троицы. А за первых митрополитов они, крилошане, наместнич[е]ство от митрополитовъ держивали, а троецкие архимандриты наместничества | не держивали.

И теж деи коли са хто всхочет в соборной церкви положить, | ино деи первые митрополиты бирали в тях на себе от места вк8пъ. | А чим б8дет гробъ прикрит, ка[м]кою л(и), с8кномъ ли, то все на попы хожиwвало. И Макареи деи и того бирал в них на себе половин8. А того деи за первые митрополиты не бывало.

И били нам чолом, абыхмо им тые новины | вси отложили, што небожчикъ Макареи был им 8вел.

И мы им тые новины | вси верх8писанные отложили, казали есмо им за к8ниц8 соборную по дванадцати грошеи платити. А хто коли д8ши в церковь впишет, тые вписы казали есмо им на себе брати. А хто коли дасть им на молебень | золотыи, а любо кол(ь)ко грошеи, то казали есмо имъ на себе ж8 брати. А 8лезд8 казали есмо им вамъ давати на год золотыи а бочк8 мед8. А наместничество 8 Вил(ь)ни нехаи от вась держать попы соборное церкви. И теж | хто са коли в соборной церкви положит и чим б8дет гробъ его прикрит, | то казали есмо попом на себе ж8 брати, по тому, какъ и за первых митрополитов бывало, бо мы старины не р8шаем а новины не 8води́м. И вы бы их по том8 держали, какъ в семь нашом листе выписано, а новин бы есте им не 8водили.

П(и)сан в Городне, в лето 7006, м(е)с(а)ца | оев(рала) 5 день. Индикть 1. || л. 150

## № 244

1498 г. марта 2. Городно.

Потвержен(ь)е пан8 Миколаю Юндилович8 и брат(ь)и | его на землю и сеножати къ двор8 их Къремани|цы а на имен(ь)е Б8саж, а на дворец на Пелесе. |

Сам Александръ, бож(е)ю м(и)л(о)стью. |

Чинимъ знаменито симъ нашим листом, хто не него посмотри́т, а любо чт8чи его | вслышит, кому ж8 того потребъ б8дет ведати.

Бил намъ чолом кухмистръ н(а)шое | великое кн(е)гини, наместникъ д8бичкии и коневский пан Миколаи Юндилович и съ своею | брат(ь)ею, а поведали нам, што ж8 дед ихъ, пан Рачко, и бабка их, пани Рачковая, | и отец их, панъ Юндило, и matka их пок8пили в боар и в людеи наших 8 Волковыи|скомъ повете к двор8 своем8 ко Креманицы пола и сеножати и гаи. И теж | отец ихъ высл8жил на отци нашом, короли, его м(и)л(о)сти, дворец в Слонимском повете | на има Б8саж<sup>[1]</sup>, а др8гии дворец<sup>2</sup> 8 Василишском повете на Пелесе<sup>[2]</sup>. И теж отец ихъ и matka | их пок8пили к тым дворцомъ в боар наших и в людеи пола, и сеножати, и гаи. | И листы на то отца нашего перед нами вказывали. И мы отца нашего листовъ высл8хали.

И били нам чоломъ, абыхмо имъ тые к8пли, што б8дет дед их | и бабка их, и отец ихъ и matka их в боар и в людеи наших пол(ь), и сеножатеи, и гаев | пок8пили,

и выслѣгу *отца их*, што выслѣжил на *отцы* нашом дворец в Слонимскомъ повете Бѣсѣж а ѿ Василииискомъ повете дворец на Пелесе потвердили | нашим листом.

И мы тые кѣпли деда их, и бабки их, и *отца их*, и *матки ихъ* | и выслѣгу *отца их* вышеписанные вси потвержаем сим нашим листом вечно | имъ, и их жонам, и их детем, и потом бѣдѣчим их счадомъ, подлугъ листов | *отца* нашего, короля, его м(и)л(о)сти, и со всим с тымъ, што здавна к тому прислѣхало. Вол(ь)ни они то *отдати* и продати, и заменити и к церкви записати, | какъ сами налепеи розѣмеючи.

А на твердость того и печат(ь) нашѣ казали | есмо привесити к семѣ нашомѣ листѣ.

П(и)сан в Городьне, в лет(о) | 7006, м(е)с(ѣ)ца мар(та) 2 день. Индикть 1. |

Пр(и) [том] был(и) пан вил(енский), нам(естник) гор(оденский) | кн[а]з(ь) Алек(сандр) Юр(ьевич), мар(шалок) пан | Ёдн Петр(ашкович). || л. 150 об.

*Примечания.* <sup>1</sup>Буквы пел написаны по смытому тексту <sup>2</sup>Исправлено, в рукописи вдорец

#### № 245

[1498 г.] марта 14. Меречь.

Панѣ Ивашкѣ Сопежичѣ на именеицо | Погостъ  
ѣ Браславскомъ<sup>1</sup> повете. |

Сам Александръ, бож(е)ю м(и)л(о)стью. |

Наместникѣ браславскомѣ панѣ Юр(и)ю Зеновьевичѣ.

Бил намъ чолом писаръ | нашѣ Ивашко Сопежичъ и просил насъ, абыхмо его пожаловали именеицом | ѣ Браславском повете на има Погостом. А поведал намъ, што *ж* тые люди наши погощане дани медовое нам дают тол(ь)ко пат(ь) пѣдвовъ медѣ а патъ кѣницъ. | А всих деи тепере людеи на том Погосте ѡстало са тол(ь)ко з двенадцать | ч(о)л(о)в(е)ковъ, а пѣстовщинъ деи ѡс്മьнадцать, а два ѡзера.

Ино естли будеть | такъ, какъ он намъ поведал, и мы емѣ тотъ Погостъ дали ѣ *отчину* з люд(ь)ми, и з данью медовою и кѣничною, и с тыми ѡс്മьнадцат(ь)ма пѣстовщицами, и съ ѡзера, и со всимъ, што здавна к томѣ Погостѣ прислѣхало. | И ты [бы] емѣ в тое именеицо в Погостъ ѣвезан(ь)е дал.

П(и)сан в Меречи, мар(та) | 14 день. Индикть 1. |

Пр(и) [том] был(и) мар(шалок) двор(ный), нам(естник) мер(ецкий) и он(икштенский) | пан Григ(ории) Стан(кович), писар, нам(естник) сток(лишский) Ѡед(ко) Григ(орьевич). |

*Примечание.* <sup>1</sup>Буквы славъ вписаны над строкой

#### № 246

1498 г. апреля 7. Вильна.

Вырок панѣ Григор(и)ю Ѡстиковичѣ з наместником ковенским  
с паном Станком Костевичом ѡ люди его кгекгѣжинские. |

Александръ, бож(е)ю м(и)л(о)стью. |

Смотрели есмо с паны радою нашою.

Жаловал намъ маршалок нашѣ двор(ный), | наместникъ мерецкий и оникштенский пан Григорей Станкевичъ Ѡстиковича [на] наместника ковенского на пана Станка

Костевича, што дали есмо ем<sup>8</sup> двор нашъ | Кгек<sup>8</sup>жины, што *первеі* того держал пан Мордасъ и сын его пан Стас со всим | по том<sup>8</sup>, какъ они держали. То пакъ деи пан Станко того двора Кгек<sup>8</sup>жинского *отнал* в него люди и превернулъ къ Ковн<sup>8</sup>, на има Миколаю, а Ликгеика, | а Ёцка, а Стана, а Ёна, а Мартина, а Ётовта, а Милошов<sup>8</sup>ю вдов<sup>8</sup>, а Бартоша, а Довкш<sup>8</sup>са, а Еньк<sup>8</sup>са, а Ёна Кловс<sup>8</sup>тевича, а Петраша Кгинковича, || <sup>л. 151</sup> а Б<sup>8</sup>тыса, а Васка, а брата его Билюса Д<sup>8</sup>яковичов.

И мы пана Станка спытали: | «Которым ты обычаем тые люди в пана Григор(ь)я *отнал* а к Ковн<sup>8</sup> прил<sup>8</sup>чил»? И пан | Станько рекъ, *иж* «то люди звечный ковенский. Коли небожчикъ, отецъ ваше м(и)л(о)сти, | корол(ь), дал дворец Жеименский, што сл<sup>8</sup>шал [к] Кгек<sup>8</sup>жинам, цара Шидихматов<sup>8</sup> | сын<sup>8</sup> з двадцат(ь)ма ч(о)л(о)в(е)ки и з дворною пашнею, а тьи люди ковенский были прил<sup>8</sup>чоны к том<sup>8</sup> двор<sup>8</sup>». И панъ Григореи поставил перед нами того Источ царевича. И тот царевич положил перед нами лист *отца* нашего. И в лист<sup>8</sup> *отца* нашого *стоит*, што *ж* дал ем<sup>8</sup> тот дворец Жеименский з двадцат(ь)ма ч(о)л(о)в(е)ки и з дворною пашнею. А што были прил<sup>8</sup>чоны люди кгек<sup>8</sup>жинский к тому двор<sup>8</sup>, тых его м(и)л(о)сть людеи ем<sup>8</sup> не дал.

И мы том<sup>8</sup> подл<sup>8</sup>гъ лист<sup>8</sup> *отца* н(а)шог(о) | пороз<sup>8</sup>мевши, *иж* то люди не ковенский, але кгек<sup>8</sup>жинский, и присудили | есмо тые люди вышеписаныи пан<sup>8</sup> Григор(и)ю маршалк<sup>8</sup> к тому его имен(ь)ю, которое есмо ем<sup>8</sup> дали, Кгек<sup>8</sup>жинам, подл<sup>8</sup>гъ дан(ь)я и привил(ь)я нашого.

Таке<sup>8</sup> жаловал нам маршалокъ нашъ пан Григореи, што *ж* деи там некоторы бо<sup>8</sup>аре наши ковенский и люди наши Ковенского повет<sup>8</sup> *седат* близко его ловищъ кгек<sup>8</sup>жинских и пашни свои пашут под его ловы. И мы о том так *врадили*. | Которы бо<sup>8</sup>аре и люди наши *седат* под его ловищи, *аж* бы старыи свои | розпаша пахали, а ново его ловищъ не припахивали, покул(ь) б<sup>8</sup>детъ были | ловы кгек<sup>8</sup>жинский за пана Мордаса и за сына его пана Стаса, где | ловливал пан Мордасъ и сын его пан Стасъ.

А на твердость того и печат(ь) | наш<sup>8</sup> казали есмо приложити к сем<sup>8</sup> нашом<sup>8</sup> лист<sup>8</sup>.

П(и)сан 8 Вил(ь)ни, | в лет(о) 7006 м(е)с(а)ца април(ь) 7 день. Индикть 1. |

Пр(и) [том] были стар(оста) жом(оитский) пан Стан(ислав) Ёнов(ич), | мар(шалок), нам(естник) лид(кии) пан Стан(ислав) Пет(рашкович), мар(шалок), нам(естник) слон(имский) пан Литав(ор) Хреб(тович). |

*Примечание.* <sup>1</sup>Слово вписано под строкой

**Вырок** межи паном Григор(ь)емъ Ёстиковичом | а люд(ь)ми к<sup>8</sup>рменгол(ь)цами о перевоз(е). |

Александръ, бож(е)ю м(и)л(о)стью. |

Смотрели есмо с паны радою нашою.

Жаловал маршалокъ наш дворныи, || <sup>л. 151 об.</sup> наместникъ мерецкий и оникштенский пан Григореи Станкевичъ Ёстиковича на | людеи наших на курмекгол(ь)цовъ, што *ж* деи они ново вчинили были под своим селом | под

Курмекгол(ь)ци новии перевоз, и гости на том перевозе перевозивали, и мыто | из них бирали. А здавна деи там николи перевоза не бывало, нижли деи здавна | перевоз бывал Кгекг8жинский под Лепники, на двор Кгекг8жинский половина | а лепницкимь боаром половина с того перевоза хоживала. И положиль | перед нами лист с8довыйи наместника ковенского пана Станка Костевича, | што ж вжо ѿ том перевозе с приказанья ѿтца нашего, корола, его м(и)л(о)сти, | смотрел тив8на кгекг8жинского Михна Ёновича, какъ ѿн держал Кгекг8|жины [ѿт] ѿтца нашего, и боар лепницкихъ. Ино в лист8 с8довом пана Станковом стоит, | из Михна Ёновича, тив8на<sup>1</sup> кгекг8жинского, и боар | лепницкихъ правых нашол, и казал ем8 перевоз мети под Лепники по-сталром8, поспол(у) з боары лепницкими. А к8меркгол(ь)цом не казали под своимь | селом перевоз мети. А мытником нашимъ ковенским не надобе в тот перевоз вст8пати с.а. А естли бы ѿни хотели через то перевоз мети под | своим селомъ, и ѿн на нас заложил вины двадцат(ь) р8блевъ грошеи.

И мы том8 пороз8мевшы, што ж тые курмекгол(ь)цы ново были себе перевоз под | своимъ селом мети, казали есмо перевозъ мети пан8 Григор(и)ю под Лепники | на пол(ы) з боары лепницкими подлугъ давнего обычаа. И лист есмо им с8довыйи нашъ на то дали.

А на твердость того и печат(ь) наш8 казали есмо | приложити к сем8 нашом8 лист8.

П(и)сан 8 Вил(ь)ни, в лет(о) 7006, м(е)с(а)ца | април(ь) 7 день. Индикть 1. |

Пр(и) [том] был(и) мар(шалок), нам(естник) | лид(ский) пан Стан(ислав) | Пет(рашкович), мар(шалок), нам(естник) слон(имский) пан Лит(авор) Хреб(тович). |

*Примечание.* <sup>1</sup>Слово в рукописи написано дважды

#### № 248

1498 г. апреля 28. Вильна.

Воит8 володимерском8 Өедк8 Л8дович8 | на дворище Зжарки  
8 Володимерскомъ | повете. |

Сам Александръ, бож(е)ю м(и)л(о)стью. |

Наместник8 володимерском8 пан8 Васил(и)ю Хребтович8 и иным наместникомъ нашим, хто потом ѿт насъ б8дет Володимир держати.

Бил нам | чолом воит места Володимерского и литовижскийи Өед(ь)ко Л8дович и просил || л. <sup>152</sup> 8 насъ дворища 8 Володимерскомъ повете близко Литовижа на им.а Зжарок. | А поведал намъ, што ж тое дворище зап8стело за небожчика Немер8, Воинина | ѿтца.

И мы ем8 тое дворище Зжарки дали с пашными землами, и съ сеножат(ь)ми, и съ всим с тым, што здавна к том8 дворищ8 присл8хало, и его жоне, | и их детемъ и потом б8д8чимъ их счадкомъ вечно. И теж ѿтп8стили есмо | ем8 и его жоне, и их детемъ и потом б8д8чимъ их счадкомъ с того дворища на Воин8 не ходити, ни иное никоторое сл8жбы не сл8жити.

А на | твердость того и печат(ь) наш8 казали есмо приложити к сем8 нашом8 | лист8.

П(и)сан 8 Вил(ь)ни, в лет(о) 7006, м(е)с(а)ца април(ь) 28 ден(ь). Индикт 1. |

## № 249

[1498 г.] апреля 28. Вильна.

Вырок Ёпрани, жоне Ивана Новокрещеног(о) | з боарином  
пѣтивльским Сенком Жеребатичом | ѿ имениа Везена  
а Беловежъкы и ѿ селища. |

Сам Александръ, бож(е)ю м(и)л(о)стью. |

Смотрели есмо того дела.

Жаловал намъ Иван Новокрещеныи на боарина | пѣтивльского на Сенка Жеребатича, што понал за себе Ивашкову жонѣ | Розцинича. А в того Ивашка ѿстало две дочки, Ёпрана а дрѣгаа Ђлыана. Ино тѣю Ёпранию понал за себе Иванъ Новокрещеныи, а Ђлыана ещо не | замѣжом, а мешкает во Ивана ж. И Сенко деи з жоною своею не хочет им ѿтчизны | их дати на има Везена<sup>[1]</sup> а Беловежокъ<sup>[2]</sup> и съ селищи, и с пашными землами, | и з бортными, и ѿзер Любишна а Ётросна<sup>1</sup>, и всихъ входов, и приходов и кѣпли, | што бѣдет Ивашко Розциничъ прикѣпил, и што здавна к тым имениам | прислухало.

И стоали ѿ том перед нами ѿчевисто. И мы ѿ том межи ними | досмотревши и вразѣмели есмо томѣ, иж тые имен(ь)я Ивановои жоне Ёпрани а свести его Ђлыане ѿтчизна, а Сенькѣ ничим, а ни жене его, не приидѣт, | присѣдили есмо тьи имен(ь)я вышеписанныи Везена а Беловежки и с селищи, и с пашными землами, и з бортными, и съ ѿзером(и) з Любином а с Троиством, и с всеми входы, и приходы, и с кѣплами, што будет Ивашко Розциничъ покѣпил, и што здавна к тым имениам прислѣхало, и как Ивашко Розциничъ держал, Ивановои жоне Ёпрани а сестре ее Ђлыане, напол(ь) им вечно и непорѣшно.

П(и)сан ѣ Вил(ь)ни, април(ь) 28 день. Индиктъ 1. |

Пр(и) [том] были мар(шалок) двор(нии), нам(естник) мер(ецкии) и ѿн(икштенскии) пан | Григ(ории) Стан(кович), мар(шалок), нам(естник) слон(имскии) пан Лит(авор) Хреб(тович). || л. 152 об.

Примечание. <sup>1</sup>Буква ѿ вписана над строкой

## № 250

1498 г. мая 1. Вильна.

Потвержен(ь)е князю Костентинѣ Ёстрозскому | на имен(ь)е Шепле  
и иные приселки, кѣплю его на Волынью. |

Сам Александръ, бож(е)ю м(и)л(о)стью. |

Биль намъ чолом гетман нашъ, наместникъ брасловьскии и звинигородскии, и велницкии княз(ь) Костантин Иванович Ёстрозьскии и поведил перед нами, штож кѣпил | в земаи вольнскихъ в Николаа Бернатовича имение его ѿтчизное, дел(ь)ницѣ его, | што сѣ ему ѿт брата его Юхна на делѣ достало на има Шепле и съ приселки | зъ Заболотци, а съ Сел(ь)цомъ, а Змеинцомъ, а с Черниковым с пашными землами, и с | ставы, и з млыны, и с половиною мытом, и з дѣбровами, и з гаи, и съ сеножат(ь)ми, и съ всеми входы и приходы, и што здавна к тому прислѣхало, | и какъ сам тот Николаа держал и володел. А в брата его Юхна Бернатовича ж | кѣпил в том же имении в Шепле половинѣ мыта его, што сѣ емѣ ѿт | брата его Николаа на делѣ достала, ѿбел(ь) вечно.

И тые землане | очевисто перед нами поведили, што *ж* то они все вышеписаное | продали кн(а)зю Костантину обел(ь) вечно. И Миколаи именье свое *от*чизное, дел(ь)ниц8 свою, што с*а* ем8 *от* брата его Юхна на дел8 достало, Шепле, и сь приселки, и з Заболоци, а сь Сел(ь)цомь, а Змеинцомь, а с Черниковым | с пашными землами, и сь ставы, и зь млыны, и с половиною мытом, | и з д8бровами, и з гаи, и с сеножат(ь)ми, и сь всеми входы и приходы, и ш<sup>то</sup> здавна к том8 присл8хало, и какь сам держал и володел, а Юхно | половин8 мыта своего в том же именьи в Шепле, што с*а* ем8 *от* брата его Миколаа на дел8 достало, своею доброю волею без каждого | нагабан(ь)я.

И просил насъ князь Костантин, абыхмо призволили ем8 | в них то к8пити и потвердили быхмо то ем8 нашим листом.

Ино мы | ем8 призволаем то все вышеписаное в них к8пити и потвержаем то все | ем8, и его жоне, и его дет<sup>ам</sup>, и потом б8д8чим их счадкомь сим нашим | листом вечно и непор8шно.

А на твердост(ь) того и печат(ь) нашу казали | есмо приложити к сем8 нашом8 листу.

П(и)сан 8 Вил(ь)ни, в лет(о) 7006 | м(е)с(а)ца маа 1 день. Индикть 1. |

Пр(и) [гом] были мар(шалок) двор(ньи), нам(естник) мер(ецкий) и он(икштенский) п(а)н | Гр(игории) Стан(кович), мар(шалок), нам(естник) слон(имский) п(а)н Лит(авор) Хреб(тович). || <sup>г. 153</sup>

## № 251

[1498 г.] мая 14. Вильна.

Привилеі князю Богдан8 Глинском8 на село | Т8любле  
въ Киевском повете вечностью. |

Александрь, бож(е)ю м(и)л(о)стью. |

Бил намъ чоломь наместникъ п8тивльскіи княз(ь) Богдан Оедоровичъ Глинскіи | и просил в насъ села в Киевском повете на *има* Т8любла. И мы ем8 тое село Т8люблем дали вечно и непор8шно со всем с тым, што здавна к тому село | присл8хало.

П(и)сан 8 Вил(ь)ни, маа 14 день. Индикть 1. |

## № 252

1498 г. мая 16. Вильна.

Привилеі боаром смоленским Оедк8 а Гришк8 | а Потап8  
Миш8тичом на село Тенковское | 8 Смоленском повете  
вечностью. |

Сам Александрь, бож(е)ю м(и)л(о)стью. |

Били намъ чолом боари смоленскіи Оед(ь)ко, а Старыи, а Гришко, а Потапъ | Миш8тиничи и просили в насъ села 8 Смоленскомъ повете на *има* Тенковского. И мы им то село дали вечно непор8шно со всем с тым, што к тому | сел8 здав[н]а присл8хало. А што были есмо *перво* сего тое село дали | боарин8 смоленском8 Мит(ь)к8 Телиб8к8, и листь есмо ем8 на то нашъ дали, | ино мы ем8 *тот* нашъ лист зламали.

А на твердость того и печать | наш8 казали есмо приложити к сем8 нашом8 лист8.

П(и)сан 8 Вил(ь)ни, | в лета 7006 маа 16 день. Индикть 1. |



## № 253

[1498 г.] апреля 1. Вильна.

Привилеі Микѣле Радчиничѣ на имен(ь)а Пацолтовские, | близкост(ь) жоны его, той жене его и сестре ее Андреевой Стецкевича | належачие, ѣво Мстиславском повете. |

Сам Александръ, бож(е)у м(и)л(о)стью. |

Биль намъ чоломъ Микѣла Радчиничъ а поведал намъ, што *ж* понал дочкѣ Пацолтовѣ, сестрѣ Ивашка Пацолтовича, на има Ѳедкѣ, и тестъ | его Пацолтъ ѣмер. А шѣрина его Ивашка Пацолтовича татарове | вбили, а тот Ивашко мел дочкѣ. <sup>1</sup>И опосле<sup>1</sup> его живота кн(е)г(и)ни Мстиславская || л. 153 об. не хотела жоны его к тым именьям припѣстити. И отецъ нашъ, корол(ь), его м(и)л(о)сть, | дал *ей* во вси тьи именья ѣвезанье, што муж *ее* держал, дла того, и *ж* она | з мѣжом своим мела дочкѣ, тым именьям отчичкѣ. А потом таа жона Ивашкова пошла замѣжъ за Сен(ь)ка Ѡл(ь)гишевича, а дочка его вмерла. И просил насъ, | ажбыхмо жону его и сестрѣ жоны его Андреевѣ Стецковича на има | Ганкѣ по близкости припѣстили к тым именьям, къ их отчине.

Ино коли | тестъ его Пацолтъ и шѣрин его Ивашко Пацолтович и дочка шѣрина | его Ивашкова вмерла, и мы по близкости к тым ко всим именьям, | што держаль Пацолтъ, жонѣ его Ѳедкѣ и сестрѣ [жонѣ] его Ганкѣ припѣстили. | Нехай они тьи имен(ь)а держать, и по них дети их и ближнии ихъ, а нам | с тых имении поспол(у) зо мстиславцы слѣжбѣ земьскѣю застѣпають. |

И послали есмо в тые во вси именья ѣвезати дворанина нашего Ивашка Скипорева.

П(и)сан ѣ Вил(ь)ни, април(ь) 1 день. Индикт 1. |

Пр(и) [том] были панов(е) рада, кн[а.]з(ь) Вои(тех) бис(куп) вил(енский), пан Мик(олай) | Ради(вилович) кан(цлер), пан вил(енский), нам(естник) гор(оденский) кн[а.]з(ь) Алек(сандр) Юр(ьевич), пан | троц(кий), нам(естник) нов(городский) п(а)н Ёдн Юр(ьевич), стар(оста) жом(оитский) п(а)н Стан(ислав) | Ёдн(ович), мар(шалок) двор(ный), нам(естник) мер(ецкий) и он(икштенский) пан Григ(ории) Стан(кович) | Ѡстик(ович), м(а)р(шалок), н(а)м(естник) слон(имский) п(а)н Лит(авор) Хреб(тович) и инии. |

Примечание. <sup>1-1</sup>Буквы и ѡ вписаны в строку

## № 254

1498 г. июня 13. Вильна.

Привилеі князю Ѡлехнѣ Глазыне на село | Щербинино, а Козлово, а Чулково въ Смоленском повете на вечность. |

Сам Александръ, бож(е)у м(и)л(о)стью. |

Наместникѣ смоленскому пану Юр(и)ю Глебовичѣ и иным наместником | смоленскимъ, хто потом от насъ бѣдет Смоленскъ держати.

Бил | намъ чолом ѡкол(ь)ничии смоленский, наместникъ Лѣчина городька | княз(ь) Алехно Васил(ь)евичъ Глазына и просил в насъ сел(ь)ца в Смоленском повете | в Дѣбровенском пѣти на има Щербинина, а Козлова, а Чѣлкова. А поведал | нам, што *ж* тое сел(ь)цо панцирное, а не данное, а ни таглое, а ни посошинное, | нижли деи

тол(ь)ко хоживало нам с того сел(ь)ца панцирнаѧ служба ѡдна, || л. 154 а к томѧ на третии год даивали намъ по карабел(ь)никѧ.

И мы тое сел(ь)цо Щербинино, | а Козлово, а Чулково дали емѧ вечно, и его детем, и потом бѣдѣчим ихъ счадкомъ. | А ѡн мает намъ с того сел(ь)ца панцирную слѣзбу застѣпати, а карабел(ь)ника ему | намъ не надобе на третии год давати.

А на твердость того и печат(ь) | нашѧ казали есмо приложити к семѧ нашомѧ листу.

П(и)сан ѧ Вил(ь)ни в лето | 7006, м(е)с(а)ца июн(ь) 13 день. Индиктъ 1. |

Пр(и) [том] были кн[а]з(ь) Воит(ех) бис(куп) вил(енский), воев(ода) троц(кий), | мар(шалок) зем(ский) пан Ёдн Юр(ьевич), стар(оста) жом(оитский) пан | Стан(ислав) Ёдн(ович), нам(естник) смол(енский) пан Юр(ии) Глеб(ович). |

## № 255

[1498 г.] июня 19. [Вильна].

Ѓтложен(ь)е рокѧ кнежне Пинскои з братом ее ѡ Слуцкѣ. |

Индикта 1, июн(ь) 19 день. |

Г(о)с(по)д(а)рь, его м(и)л(о)сть великии княз(ь), велел про памѧт(ь) записати.

Што жаловала его | м(и)л(о)сти княжна Пинская на брата своего на кн(а)зѧ Семена Михаиловича Слуцкоз(о) | ѡ слѣчоскѣ и ѡ инии имен(ь)ѧ, и его м(и)л(о)сть на тотъ часть того не смотрел и ѡтложил на инииши часть. И иишимъ часомъ его м(и)л(о)сть того хочет смотрети. | А по кн(а)зѧ Семена его м(и)л(о)сть дал кн(а)жне<sup>1</sup> Пинскои позовѣ. |

Примечание. <sup>1</sup>Буква є исправлена из и

## № 256

[1498 г.] апреля 26. Вильна.

Ѓлизарѧ Петрашковичѧ Тресце на два дворища в Лѣцком | повете ѡтменною против приселка имен(ь)ѧ Здолбицкоз(о) Ѓкунина. |

Александрь, бож(е)ю м(и)л(о)стью. |

Биль намъ чоломъ гетман нашъ, наместникъ браславский и веницкий княз(ь) Костантинъ Ивановичъ Ѓстроцкий, што держаль именье на има Здолбицѧ небожчик | пан Ѓлизар Кирдеевичъ, староста луцкий. И того имен(ь)ѧ приселокъ на има Ѓкѣнини дал слѣзе своемѧ, земанинѧ волинскомѧ Ѓлизарѧ Петрашковичу Тресце за его слѣзбѧ. Ино тое имен(ь)е пана Ѓлизарово Здолбица на нас спѧло. И мы тое имен(ь)е Здолбицѧ дали кн(а)зю Костантинѧ со всеми приселки | и со всим с тым, што к тому имен(ь)ю здавна слѣшало.

И бил нам чолом князь || л. 154 об. Костантинъ, абыхмо где дали ѡтменѧ за тое имен(ь)е Ѓкѣнинъ Тресце. И мы | на его чоломбилье то вчинили и дали есмо за то ѡтменѧ Тресце, две дворищи в Лѣцком повете в Городени на има Кракосовское а Лашовское вечно, ему салмомѧ, и его жоне, и их детем, и на потомъ бѣдѣчим их счадкомъ со всим по томѧ, | што здавна к тым дворищом слѣшало.

А на твердость того и печать | нашу казали есмо приложити к семѧ нашомѧ листу.

П(и)сан ѧ Вил(ь)ни, | апрѣл(ь) 26 день. Индиктъ 1. |

Ёднѧшко. |

Вырок земаном волынскимъ Петрѣшкѣ | Мѣшатичѣ а Богданѣ  
Холоневскомѣ и брат(ь)и | ихъ зѣ Іѣкимомъ Жасковскимъ  
ѡ имениѣ Бородчичи. |

Александрѣ. |

Смотрели есмо того дела с паны радою нашою.

Жаловали нам земане | волынскіи Петрѣшко Мѣшатичѣ а Богдан Холоневскіи з брат(ь)іями своїми на земенина волынскогѣ *ж* на Іѣкіма Жасковскогѣ, што *ж* ѡн держит под | собою имен(ь)е, ихъ близкость, на има Бородчичи. И Іѣкимъ поведил перед нами, | што *ж* тое имениѣ Бородчичи записала емѣ сестра его Демикатиная ѣ вѣне своем, в стѣ копах и в двадцати копах грошеи. А *перви* того таѣ Демикатиная била намѣ чолом и жаловала на брата Петрѣшкова, на небожчика | Анѣдрѣшка Мѣшатича, што *ж* ѡн тое имен(ь)е в нее ѡтнимал. И вказывала пѣред нами привилеи кн(а)зѣ Швитригаиловѣ, што *ж* мѣжа ее ѡтцѣ Демикатину | кн(а)зѣ Швитригаило тое имениѣ дал. Теж вказывала перед нами запис Сен(ь)ка | Збѣннинскогѣ, што *ж* того имен(ь)ѣ Бородчичѣ под нею ѡн искал по близкости жоны | своеи. И она рекомо бы з дрѣгим мѣжом своим Ламаномъ Сыропатовичомѣ | заплатила емѣ двадцать копѣ грошеи, иж бы ѡн того имен(ь)ѣ под нею не искал. И Сенко Збѣннинскіи с того сѣ вырекѣ, и на то *еи лист* свои записныи дал, штож | того имен(ь)ѣ под нею не мел искати ѡн.

И мы *перво* сего подлугѣ привил(ь)ѣ кн(а)зѣ | Швитригаилова и подлугѣ того записѣ Збѣннинскогѣ на тое имениѣ Демикатино и *лист* нашѣ были дали, што *ж* она мела тое имен(ь)е Бородчичи держати || <sup>а. 155</sup> в томѣ вѣне своем в стѣ копах и вѣ двадцати копах грошеи. А записѣ мѣжа своего | Демикатина тогды она перед нами не вказывала, што *ж* бы ѡн *еи* на том имен(ь)и | своем тое вѣно *еи* записал, и за тѣмъ сама *вмерла*, а тое имен(ь)е братѣ своемѣ Іѣкимѣ записала.

Тѣми пакѣ разы Петрѣшко Мѣшатич и Богдан Холоневскіи | и брат(ь)ѣ ихъ, и Грицко, зат(ь) ихѣ, зѣ Іѣкимомѣ Жасковскимъ стоѣли перед нами ѡчѣвисто и ѡ томъ мовили. И мы казали Іѣкимѣ тот привилеи кн(а)зѣ Швитригаиловѣ и тот записѣ Демикатин перед нами положити, што *ж* *будет* ѡн жене | своеи а сестре его на том имен(ь)и вѣно *еи* записал. И ѡн того привил(ь)ѣ кн(а)зѣ Швитригаилова и записѣ Демикатина перед нами не вказал, а поведил, што *ж* ихъ | и в себе не маѣт, нижли тол(ь)ко положил перед нами записѣ Сенковѣ Збѣннинскогѣ, | што *ж* сестре его Демикатинои с того сѣ имен(ь)ѣ вырекѣ з жоною своею.

И мы | того досмотревши, коли ѡн того привил(ь)ѣ кн(а)зѣ Швитригаилова и записѣ Демикатина перед нами не положил, тое имениѣ Бородчичи Петрушкѣ | Мѣшатичѣ а Богданѣ Холоневскомѣ и ихъ брат(ь)и есмо присѣдили. А Іѣкимѣ Жасковскому в то вѣже не надѣбе вѣстѣпати сѣ. Нижли поведил | перед нами Петрѣшко Мѣшатичѣ а Богдан Холоневскіи, штож тое Демикатиное вѣна на том имен(ь)и тол(ь)ко было сорокъ копѣ грошеи, што *ж* *еи* мѣжѣ | ее, а ихъ брат ѡтказал, а тѣхъ двадцати копѣ грошеи, поведѣют, иж таѣ Демикатиная Сенкѣ Збѣннинскомѣ не давала.

И мы казали посмотрѣти в *тот* | записѣ Збѣннинскогѣ, ино в записѣ светки написаны, которыи при томѣ | были, намѣстникѣ кремѣнецкии кн(а)зѣ Андреи Александрович а писар нашѣ Ѣед(ь)ко Іѣнѣшкович. И мы тѣхъ светковѣ ѡпытывали, сведома л(ь) им

таѣ речъ, | платила л(ь) бѣдет таѣ Демикатинаѣ тѣю двадцат(ь) копь грошеи Сенку Збунинскомѣ. И оѣни перед нами поведили, што ж тол(ь)ко видели, оѣдну пѣлт(ь) копь | грошеи таѣ Демикатинаѣ з мѣжом своим Ламаном Збунинскому заплатили, | а достали п(е)н(ѣ)зи не видели даючи. И чоѣго тѣе светки не видели своими оѣчиѣма, | того есмо теж не сѣдрили. И того всего полпат(н)адцать<sup>1</sup> копь грошеи маюѣтъ | емѣ платити.

И мы тѣю полпат(н)адцать копь грошеи <sup>2</sup>казали имѣ, | ꙗкимѣ Жасковскомѣ заплатити<sup>2</sup>. А оѣни вѣе маюѣтъ в тоѣе сѣѣ именѣе, | ѣ свою близкостѣ, | ѣвѣзати и вечно его | держати.

П(и)сан ѣ Вил(ь)ни, апрѣл(ь) 28 день. Индикѣтѣ 1. |

ꙗнушко. |

Пр(и) т(ом) был(и) кн[ѣ]з(ь) Вои(тех) бис(куп) вил(енский), стар(оста) лѣщ(кии), | м(а)р(шалок) В(о)л(ь)нскои зем(ли) кн[ѣ]з(ь) Сем(ен) Юр(ьевич), п(а)н тр(оцкии), н(а)м(естник) нов(городский) п(а)н ꙗн | Юр(ьевич), мар(шалок) двор(ньи), н(а)м(естник) мер(ецкий) и оѣн(икштенский) п(а)н Гр(игорѣи) Ст(анковѣи) Ѡс(тиковѣи), мар(шалок), нам(естник) | [сл]оѣн(имский) пан Лит(авор) Богдан(овѣи) Хрѣбтов(ѣи). || л. 155 об.

*Примечания. <sup>1</sup>Букѣвы адѣ написаѣуѣ по смѣтому тексту <sup>2-2</sup>Вписано в строкѣ по смѣтому тексту болѣе светлѣыми чернилами*

#### № 258

[1498 г.] мая 20. Вильна.

**В**ырок межѣ земѣны бел(ь)скими Брезинскими | и Брозками Пашковичами ѣ имен(ь)е Средницѣ, куплю | их, etc. |

Сам Александрѣ, бож(е)ю м(и)л(о)стью. |

Смотрѣли есмо того дела.

Жаловали нам земѣне бел(ь)ский Матеи а Паѣшекѣ Брезинский на даѣдка своего на Станислава Брозкѣ и на сына его и на брата | своего стрѣечного на ꙗна Пашковича, што ж ѣтец ихѣ Григор тому Станиславу был роженѣи брат, и кѣпили вси три поспол(у) имен(ь)е Средницѣ в земѣнина ѣ Влодка, и то | в книги земский записали. И оѣни тоѣе имен(ь)е сами держатѣ, | а им в том третѣе части не хотѣт дати.

И тот Станиславѣ а ꙗн Пашковичи | ѣтѣбывали их перед нами тѣм обычаѣм и поведили, што ж ѣтец ихѣ Григор | с ними поспол(у) тоѣе именѣе сторговаль и задаток даль, то | в книги земский | записали. Нижли оѣни за тоѣе имен(ь)е коли п(е)н(ѣ)зи давали, ино ѣтец ихѣ с того сѣѣ | был вырекѣ, и тѣх п(е)н(ѣ)зи с ними поспол(у) не давал з брат(ь)ею своею.

Ино перво | сего смотрѣл их ѣ том именѣи подчашии нашѣ, наместникѣ бел(ь)ский пан Миколаи Миколаѣвич Радивѣловича и пытал того Станислава а ꙗна Пашковича, которѣи бы оѣни над то довод мѣли, ажбы Матеев а Пашковѣ ѣтец | Грегор с того сѣѣ вырекѣ и тѣх п(е)н(ѣ)зи посполѣ с ними не платил за тоѣе | именѣе. И оѣни перед нимѣ почали довод на то давати. И пан Миколаи казал | имѣ самыи и светком их подлугѣ права их тамошнѣе земѣли пол(ь)ского присѣгнути на том само семѣм, обравши людеи добрых земѣн. Естли будѣт | ѣтец Матеев а Пашков Грегор с того сѣѣ торгѣ вырекѣ, и с ними тѣх | п(е)н(ѣ)зи не платил за тоѣе имен(ь)е, и тоѣе присѣги их казал был досмотрѣти | подсудкѣ бел(ь)скомѣ Лѣбе. Ино иншиѣ светки чѣтыри

присагнули, а палтыи светок *от* них *отступил* и не хотел присегати, а поведил, што *ж* тотъ | Григорец, отецъ Матеев а Пашков, с ними посполѣ тое именье сторговаль | и п(е)н(а)зи платил за тое имень(ь)е. И пан Миколаи томѣ делу конца межи ними | не вчинил, и то до нас *отложил*, и перед нами *тот* суд свои *отказал*.

И мы того | досмотревши подлугъ их тамошнего права, коли *тот* светок семьи || л. 156 *от* нихъ *отступил*, а не хотел присагати, таковыи в тых провех пол(ь)ских трагит. И томѣ Матееу а Пашкѣ того имень(ь)я Средници, кѣпленины их третью част(ь) во всем есмо им присѣдили. И казали есмо их тым именьем на трое | поделити сѣдьи бел(ь)скому Стецкѣ Цибул(ь)це а подсудкѣ Лѣбе.

П(и)сан ѣ Вил(ь)ни, | маѣ 20 день. Индикть 1. |

Пр(и том) был под(чашии), нам(естник) бел(ьский) пан Мик(олаи) Мик(олаевич). |  
Гданшко писар. |

## № 259

[1493 г. августа 7 — 1499 г. марта 21]. Вильна.

Лист до наместника торопецкого в справе | мещан торопецких з старцом и с поддаными | Старцовое волости, etc. |

Сам Александръ. |

Наместнику торопецкомѣ панѣ Зенькѣ Евлашковичѣ и иным наместником | нашим, хто и на потом *от* насъ *будет* Торопец держати.

Смотрели | есмо того дела.

Жаловали намъ мещане торопецкии и вси мѣжи торопчане | на старца Старцовое волости и на всих мѣжеи, што перво сего *отлѣчили были* | есмо ихъ *от* Торопца, и листъ нашъ на то имъ заочныи дали были. И тыми | пакъ разы обои они, торопчане и Старцова волост(ь) стояли перед нами *очелвисто*. И вказали перед нами листъ *отца* нашего, корола, его м(и)л(о)сти, торопчане, што *ж* был отецъ нашъ, корол(ь), его м(и)л(о)сть, *отлѣчил* их *от* Торопца, а потом | за сѣ их прилѣчил к Торопцѣ.

Ино мы тыми разы вчинили межи ними | так. Старец Старцовое волости и мѣжи мают двор тивунскии тыми разы | в городе поспол(у) с торопчаны нарядити. А потом, коли *тот* двор любо | згниеть, а любо *опадет*, а любо, боже того не *даи*, згорить, тогды | вже *один* старец з мужми *тот* двор тивунскии мают радити навеки. А коли | вышлем писара нашего к Торопцѣ, дани нашее недо[пол]нковъ правити, | и они мають на писара нашего стан радити и стациями его и подводами наполю с торопчаны поднимати, кол(ь)ко торопчаны дней, | тол(ь)ко и Старцова волость. И теж, кол(ь)ко торопчане подвождь дадѣтъ, | тол(ь)ко и Старцова волост(ь). А мают его поднимати и *отлазити* старец со *всими* люд(ь)ми в том дворе тивунском в городе. А торопчаном и соцким || л. 156 об. торопецкимъ не надобе в них встѣпати сѣ, заведати их старцѣ. И дан(ь), и сѣребшину, и тивуньшину збирати самим имъ, *опроч(ь)* торопчанъ. А город им | с торопчаны рубит(и) и сторожѣ на город давати по-давномѣ. А судити | их и радити тебе, наместникѣ нашомѣ торопецкомѣ, або тому таковому жъ, комѣ после тебе дамо *от* насъ Торопец держати. А коли дамо | *от* насъ Торопец держати тамошнемѣ их мещанину або волостному чоловекѣ торопецкомѣ, томѣ их не надобе ни сѣдити, ни радити, мает их | сѣдити и радити их старец. И теж кого вышлем коли сѣребщины нашее | на них правити, и торопчане мают две доли сѣребщины платити,

и стаццями и подводами две доли давати. А Старцова волость со ѡброчники третюю част(ь) маю*т* платити серебщины и стаццями и подводами поднимати. В том же дворе тивунскомъ в городе по тому *жс*, как | и дан(ь), и серебщинѸ, и тивунщину сами собою маю*т* збирати и ѡтлазити. | А соцькимъ торопецкимъ и торопчаном в то с*а* не встѣпати.

А то есмо | вчинили межи ними непорѣшно под нашую виною под стѣ рѣбли грошеи и подлѣгъ листѣ ѡтца нашего, корола, его м(и)л(о)сти.

И листь есмо на то | нашъ Старцовой волости дали. А што были есмо им *перво* того *наш* листь | дали, што были есмо их ѡтлѣчили ѡт торопчан, *тот* нашъ листь зламали | есмо *им*. Теж, што торопчане того годѣ стацци на писара нашего | давали, и што *им* тое стацци и проторѣ вышло, Старцова волость | в том *им* не маю*т* помогати, бо ѡни ѣ своеи волости *такежс* писара | нашего поднимали. А и вперед после того сѣда нашего не надобе *им* | с торопчаны посполъ стацци и проторовѣ ѣ волость метати. | Маю*т* ѡни ѡсобно свои стацци и проторы въ свою волость сами | розметывати.

П(и)сан ѣ Вил(ь)ни. |

Їднушко. || <sup>л. 157</sup>

№ 260

[1498 г.] мая 9. Вильна.

**Вырок боѡаром белицким Шимкѣ а Бартошѣ Ганѣ|совичом  
з Германом Детриховичом ѡ двор | Ѣвѣдовъский. |**

Александръ, бож(е)ю м(и)л(о)стью. |

Смотрели есмо того дела.

Жаловали нам боѡаре белицкии Шимко а Бартошѣ Гану|совичи на Гармана Детриховича, што *жс* ѡн держитъ за собою двор ихъ ѡтчиныи | извечныи на им*а* Ѣвдово и не *хочет* имъ того двора постѣпити с*а*. И стоѡали | перед нами ѡчевисто и ѡ том мовили. И Гаръман поведил, што *жс* *тот* их двор | рекомо бы дал емѣ ѡтец нашъ, корол(ь), его м(и)л(о)сть, а *им* дал за *тот* двор землю ѣ Волковыискѣ ѡтмену. Ино *первеи* того поведано нам на тых боѡар белицкихъ, | што *жс* ѡни тую землю ѣ Волковыискѣ держали без данины ѡтца нашего, корола, его м(и)л(о)сти, и нашее.

И мы казали были *им* на тѣю землю листы перед | нами положити. И ѡни листовъ перед нами на тую землю не положили. | И мы тѣю землю в них ѡтнали и дали ее ѡхмистрѣ нашее великое кнеѣгини, наместникѣ ѣтенскомѣ панѣ Воиткѣ ѣдновичѣ. Тыми пак разы тыи | боѡаре белицкии жаловали намъ на Гармана, што *жс* *тот* двор ихъ ѡтчиньныи | ѡн держитъ, и Гарманъ напротив томѣ ѡтпорѣ имъ ничего не вчинилъ. |

И мы того досмотревши, *тот* двор ѣ Белици Ѣвдово тым боѡаром Шимкѣ | а Бартошу есмо присѣдили, ѡтчину их. А Гарману Детриховичѣ в то вже | не надобе ѣстѣпати с*а*.

П(и)сан ѣ Вил(ь)ни, мая 9 день. Индикт 1. |

Пр(авил)<sup>1</sup> ѡх(мистр), нам(естник) ѣт(енский) пан В(ои)т(ех) Їдн(ович). |

Примечание. <sup>1</sup>Возможна реконструкция Пр(иказал)

## № 261

[1498 г.] мая 8. Вильна.

**ВаскѸ КолонтаевѸ на данника в Бранском повете а на землю  
ЗвонковѸ. |**

АлександрѸ. |

НаместникѸ браньскому<sup>1</sup> кн(а)зю ѲедорѸ ИвановичѸ.

Бил нам чолом дворанин нашѸ Васко КолонтаевѸ и просиль в насѸ данника в Бранском пове|те на има Илеики з брат(ь)ею его. И поведил перед нами, што *ж* тот данникѸ дани | нам дает ѿднѸ кад(ь) медѸ пресного а бобра. И теж просил в нас землици пѸстое | боуарское Ѹ П[ь]янове на има Звонковы. А поведил, што *ж* таа земляца давно || л. 157 об. лежит пѸста, а наследка в нее никого нет.

Ино естли бѸдет такѸ, какѸ он нам поведил, бѸдет ли тотѸ данникѸ дани намѸ давал ѿдну кад(ь) медѸ а бобра, а таа | земляца бѸдет ли лежати пѸста, а наследка в ее не бѸдет, и мы ему тую | земляцѸ ЗвонковѸ и того данника и брат(ь)ю его дали со всею дан(ь)ю и пошли|нами волостел(ь)скими, што он даивал. И ты бы емѸ в того данника | и в тѸю земляцѸ Ѹвезанье даль.

П(и)сан Ѹ Вил(ь)ни, маа Ѹ день. | Индикть 1. |

Прав(ил) гет(ман), нам(естник) брас(лавский) и вен(ицкии) кн(а)з(ь) Кос(тантин) Иван(ович) | Ѹстрозский. |

ЇднѸшко. |

*Примечание.* <sup>1</sup>Буквы ньско написаны по смьтому тексту

## № 262

1498 г. мая 22. Вильна.

**Потвержен(ь)е панѸ ЇднѸшкѸ Костевича | на шесть следовъ  
в РаднѸнском повете. |**

Сам АлександрѸ. |

Чинимъ знаменито сим нашим листом, хто на него посмотрит, а любо чтучи | его вслышит, комѸ бѸдет потребѸ того ведати.

Бил намѸ чолом наместник | радунский пан ЇднушѸ СтанковичѸ Костевича, што есмо дали емѸ земли | пѸстыи в РаднѸнском повете шесть следов на има Жостовтишки, а ГлебовѸщинѸ, а МатеиковѸщинѸ, а МелевѸщинѸ, а НарейковѸщинѸ, а НаротовѸщину. И бил | намѸ чолом, абыхмо тѸю шест(ь) следов подтвердили емѸ на вечност(ь). А поведил | перед нами, што *ж* тых следов нивы суть роспаши в пѸщи нашоу.

Ино | мы тѸю шест(ь) следов в Радунскомъ повете подтверждаем симъ нашим листом | вечно и непорѸшно емѸ самомѸ, и его жоне, и их детем, и на потом бѸдѸчимъ | их счадомъ, з гаи, и с сеножат(ь)ми, и з роусты, и з водами, и з реками, и с прѸды, | и со всим по томѸ, какѸ и предкове его тые следы держали и заведали, и што | к тым следом здавна слѸшало. А што нивы тых следов в пущи нашоу, тые | нивы мает он пахати старьи роспаши, а нового лесу нашего не маеть | приробливати к тым нивам, и пѸщи нашее шкодити. Волен он тьи следы | и с тыми нивами продати и ѿтдати, и заменити, и кѸ своемѸ лепшому и вжи|точномѸ ѿбернѸти, как сам налепеи розѸмеючи.

А на твердость того и пелчат(ь) нашѸ казали есмо привесити к семѸ нашомѸ листу.

П(и)сан Ѹ Вил(ь)ни, в лето | 7006 м(е)с(а)ца маа 22 ден(ь). Индикт 1. |

Пр(и) [том] б(ы)л м(а)р(шалок), н(а)м(естник) слон(имский) п(а)н Лит(авор)  
Б(о)л(данович) Хреб(тович). |  
Гданушко. || л. 158

## № 263

[1498 г.] мая 28. Вильна.

Ивашк8 Пышневич8 на п(а)т(ь) дворищъ | в Песочномъ  
в Мел(ь)ницкой волости. |

Александръ. |

Биль намъ чолом дворанинъ нашъ, Ивашко Пышневич, и просил в нас чотырех  
дворищъ з люд(ь)ми в Песочном в Мел(ь)ницкой волости, а патого дворища служебного |  
з люд(ь)ми жъ. И повелел перед нами, што ж ты дворища суть данныи, а даи(ва)ли намъ  
дани чотыри ведра мед8 пресного. А с того патого дворища п8тнаа сл8живана.

И мы ему т8ю п(а)т(ь) дворищъ в Песочномъ | в Мел(ь)ницкой волости з люд(ь)ми  
дали и стою дан(ь)ю медовою, што нам даи(ва)ли, до нашее воли и нашего осмотрен(ь)а.

П(и)сан 8 Вил(ь)ни, маа 28 | день. Индикть 1. |

Пр(авил)<sup>1</sup> гет(ман), нам(естник) брас(лавский) и вен(ицкий) кн[а]з(ь)  
Кост(антин) Иван(ович) Строз(ский). |

Гданушко. |

Примечание. <sup>1</sup>Возможна реконструкция Пр(иказал)

## № 264

[1498 г.] мая 29. Вильна.

Привилеі кн(а)зю Андрею Сонк8шковичу | на двор Серники  
в Луцкомъ повете. |

Александръ. |

Биль намъ чоломъ наместникъ креманецький кн(а)з(ь) Анъдреи Александровичъ  
Сонкгуш(ковича) и просил в насъ двора нашего в Луцкомъ повете на им(а) Серникъ. |

И мы ему тотъ нашъ дворъ Сер(ь)ники дали с приселком Кн(е)г(и)нином и с тыми  
люд(ь)ми, што к том8 двору здавна сл8шали, сопричеи данников наших Повор(ска).

П(и)сан 8 Вил(ь)ни, маа 29 день. Индикть 1. |

Гданушко. |

## № 265

[1498 г.] июня 2. Вильна.

Привилеі пан8 Бык8 Александрович8<sup>1</sup> на човека Мар(тинца)  
П8нковича<sup>2</sup> во Вруцкомъ повете. |

Александръ. |

Биль намъ чоломъ пан Быкъ Александрович и просил в нас ч(о)л(о)в(е)ка во  
Вруцком повете || л. 158 об. на им(а) Мартинца П8нковича и его двох братовъ на им(а)  
Слешка а Сидора. И повелел перед нами, што ж тот Марцинец з братьею своею  
сл8жбу нам одн8 панцир(ную) сл8живали.



И мы емѸ того ч(о)л(о)в(е)ка Мартиньца дали зь его братьею | и со всеми землами пашными и бортными.

П(и)сан Ѹ Вил(ь)ни, июнь | 2 день. Индикть 1. |

Прави(ли) гет(ман), нам(естник) брас(лавский) и вен(ицкии) кн[а]з(ь) Кос(тантин) Иван(ович) | Ёстроз(ский), мар(шалок) двор(ный), нам(естник) мер(ецкии) и он(икштенский) пан Григ(ории) | Ст(анкович) Ёст(икович), мар(шалок), нам(естник) слон(имский) пан Лит(авор) Бог(данович) Хреб(тович), | мар(шалок), нам(естник) лид(ский) пан Стан(ислав) Петь(рашкович). |

ЃнѸшко. |

*Примечания.* <sup>1</sup>Исправлено, в рукописи ПѢтковича <sup>2</sup>Слово вписано над строкой другим почерком

№ 266

[1498 г.] июня 4. Вильна.

БоаринѸ полоцкомѸ БогданѸ ЁстаѳевичѸ на землю |  
Проселкову а Мартинцову боар его, etc. |

Александръ. |

Биль намъ чоломъ боарин полоцкии Богданъ Ёстаѳевичъ, што *ж* есмо сѸдили | его з Мартинцом Ѳедковымъ сыном. Искал он того Мартиньца за непохожого слѸгу. | И тот Мартинец мовил перед нами, што *ж* отец его, Ёстаѳеи, дал емѸ листь свои | и подлѸгъ листа отца своего Богдан Ёстаѳевичъ свои листь на то емѸ дал. | И тот листь он перед нами вказывал. И в тых листех стоит, естли бы он не хотел емѸ слѸжити, тогда ему вол(ь)но пойти от него прочь, и комѸ хотел, томѸ | бы слѸжил. А таа земля, што отец его дал томѸ ПроселкѸ, мела Богдану ѳстати. |

И мы ѳ том межи ними досмотревши, и того Мартинца есмо ѳправили и | приказали есмо Богдану ЁстаѳевичѸ, абы емѸ в том дал впокои, вол(ь)но ему ко мѸ хочет, томѸ слѸжит.

Тежь жаловал намъ тот Мартинец на Богдана, | што *ж* деи онъ въ его невестки, Ѹ Проселковы жоны, пограбил челаѸ(ь) и иныи | статки домовыи.

И мы ѳчевисто приказали БогданѸ, абы то все им | поѳтдавал. И тѸю землю ПриселковѸ а МартинцовѸ, што отец его, Ёстаѳеи, | дал томѸ ПроселкѸ, присѸдили есмо БогданѸ ЁстаѳевичѸ имети.

П(и)сан Ѹ Вил(ь)ни, июн(ь) 4 день. Индикть 1. |

ЃнѸшко. || <sup>л. 159</sup>

№ 267

[1498 г.] июня 8. Вильна.

Справа межи князем Семеном Александрѳвичом а князем  
Ѳедором Михайловичом Чорторыским | ѳ половину  
ѳтчины его. |

Самъ Александръ. |

Смотрели есмо того дела с паны радою нашою.

Жаловаль намъ княз(ь) Семень | Александровичъ на кн(а)з(а) Ѳедора Михайловича Чорторыского, искал под нимъ половины ѳтчины его. И мовили перед нами ѳ

том очевисто. Кн(а)зь Федоръ пове|диль, што *ж* отец его *ѿ* тот дель его *ѿ*тцѸ не впоминал с.а. И кн(а)зь Семень рекъ, што *ж* | отец его кн(а)за Федорову *ѿ*тцѸ *ѿ* тот с.а дел впоминаль за *ѿ*тца нашего, коро|ла, его м(и)л(о)сти.

И мы пытали княза Семена, комѸ бы таа речь сведома была | паномъ раде *ѿ*тца нашего, што *ж* бы отец его кн(а)за Федорову *ѿ*тцѸ *ѿ* тотъ | с.а дель впоминал. И онъ на то доводѸ никоторого не вчиниль.

Тежъ повелили | перед нами панове рада наша, панъ виленъскии, наместникъ городеньскии князь | Александро Юр(ь)евичъ и воевода троцккии, маршалокъ земъскии панъ ІѦн Юр(ь)евичъ, | што *ж* отецъ кн(а)за Семеновъ *ѿ* тот дель кн(а)за Федорову *ѿ*тцѸ не впоминал | за *ѿ*тца нашего, корола, его м(и)л(о)сти.

Ино коли отец его *ѿ* то с.а его *ѿ*тцѸ не впоминал, а то такъ с.а вдавнило, а *ж* и до тых часовъ, и мы, того досмотревши, | кн(а)за Федора Михайловича в том правого нашли. Нехаи он тѸю свою | *ѿ*тчинѸ всю сполна держить и заведает по-давномѸ, а кн(а)зь Семень Александровичъ *ѿ* тот дель не маеть ему вже впоминати с.а, а ни дети его на нем | того искати навеки.

П(и)сан Ѹ Вил(ь)ни, июн(ь) Ѹ. Индикт 1. |

При т(ом) был(и) кн[а]з(ь) Вои(тех) бис(куп) вил(енский), п(а)н вил(енский), нам(естник) гор(оденский) | кн[а]з(ь) Алек(сандр) Юр(ь)евич, воев(ода) троц(кий), мар(шалок) зем(ский) п(а)н ІѦн | Юр(ь)евич, стар(оста) жом(оитский) пан Стан(ислав) ІѦнов(ич) и инии | панове рада. |

ІѦнѸшко. || л. 159 об.

№ 268

1498 г. июня 5. Вильна.

Потвержен(ь)е князю КостантинѸ Ъстрозскому на двор в месте Луцкомъ Атачиковскии и ѿл(ь)варокъ за млыномъ. |

Самъ Александръ. |

Чинимъ знаменито симъ нашимъ листом, хто на него посмотрит, а любо чтѸчи | его вслышит, комѸ будет потребъ того ведати.

Бил намъ чоломъ гетман нашъ, | наместникъ brasлавскии, звингородскии и веницккии князь Костантинъ Ивановичъ | Ъстрозскии, што есмо дали емѸ двор жидовскии в месте Луцкомъ на има Атачиковскии и ѿл(ь)варокъ его з дворцомъ и съ хмел(ь)никомъ, и ставъ нашъ со млыном, | што есмо емѸ дали на Юровици. И просил насъ, абыхмо тот его двор и подвор|ника его вызволили *ѿ*т платов местъскихъ и *ѿ*тъ подводъ и *ѿ*т работы | городовое.

Ино мы з ласки наше то вчинили, тотъ его дворъ Атачиков|скии<sup>1</sup> и подворника его вызволили *ѿ*т всихъ платовъ местскихъ и *ѿ*т подвод | и *ѿ*т работы городовое.

Тежъ билъ намъ чолом, абыхмо тот двор Атачы|ковскии<sup>1</sup> и ѿл(ь)варокъ его з дворцомъ и съ хмел(ь)никомъ, и ставъ нашъ со млыном | на Юровицы потвердили ему нашимъ листом на вечность.

Ино мы тот его | двор Атачиковскии в месте ЛѦцком и ѿл(ь)варокъ его з дворцомъ и съ хмел(ь)ником, | и став со млыномъ и со всимъ с тымъ, што к томѸ двору и к томѸ ѿл(ь)варкѸ | слѸшает, потвержаемъ симъ нашимъ листомъ вечно и непорушно ему само|мѸ, и его жоне, и их детем, и на потомъ бѸдѸчим их счадкомъ. Волен онъ тот | двор и ѿл(ь)варокъ з дворцомъ и съ<sup>2</sup> хмел(ь)никомъ и став со млыномъ продати, |

и отдати, и заменити, и къ церкви записати, и къ своемѹ лепшомѹ и вжи|точномѹ оберънѹти, какъ самѹ налепеи розѹмеючи.

А на твердо|сть того и печать нашѹ казали есмо привесити к семѹ нашомѹ листѹ.

П(и)сан ѹ Вил(ь)ни, в лето 7006, м(е)с(а)ца июнь 5 день. | Индикть 1. |  
 ІѢнѹшко. || л. 160

*Примечания.* <sup>1</sup> Буквы Атачы написаны по смытому тексту <sup>2</sup> Слово вписано в строку другим почерком

## № 269

[1498 г.] июня 17. Вильна.

**Привилеі панѹ ІѢнѹшѹ Костевичѹ на два | человеки  
 в Радѹнскомѹ повете. |**

Александрѹ. |

Биль намѹ чоломѹ наместникѹ радѹнскіи панѹ ІѢнушѹ Станьковичѹ Костевича | и просил в насѹ двѹ ч(о)л(о)в(е)ковѹ в Радѹнском повете на има Римѹса а Мартина Кги|нелевичовѹ. И поведил перед нами, што жѹ тые люди наши леутеве сѹтъ. |

И мы тыи два ч(о)л(о)в(е)ки, Римѹса а Мартина, дали и з ихъ землями вечно. |

П(и)сан ѹ Вил(ь)ни, июн(ь) 17 день. Индикть 1. |

Прик(азали) воев(ода) вил(енский) п(а)н Мик(олаи) Ради(вилович), кан(цлер), воев(ода) | троц(кий), м(а)р(шалок) зем(ский) п(а)н ІѢн Юр(ьевич), п(а)н вил(енский), наместник | гор(оденский) кн[а.]з(ь) Алек(сандр) Юр(ьевич), ста(роста) жом(ойтский) п(а)н Ста(нислав) ІѢнов(ич). |

ІѢнѹшко. |

## № 270

1498 г. июня 6. Вильна.

**Вырок межи землянином дорогицкимѹ Водынскимѹ | а паном  
 Воитехом Кѹчѹковичомѹ ѿ именье Кго|щи а Ростокѹ  
 в Дорогицком повете. |**

Александрѹ. |

Смотрели есмо того дела.

Жаловаль намѹ земанинѹ дорогицкии Водынскии | на маршалка нашего, наместника волковыиского пана Воитеха Кѹчуковича, | искал под нимѹ именья в Дорогицкомѹ повете на има Кгощи а Ростокѹ, | а рекѹчи: «ІѢ к томѹ именью близкии».

И панѹ Воитехѹ перед нами поведиль, | и жѹ тое именье есть в него ѹ стѹ копахъ грошеи и в чотырнадѹцати копахъ. И вказываль перед нами листѹ ѿтца нашего, короля, его м(и)л(о)сти. В том | листѹ написано, што жѹ ѿтцѹ пана Воитеховѹ, панѹ ІѢнѹ, слѹжилъ земенин | дорогицкии Кгостскии и вкрал в пана ІѢна скриню с коштовными речми и втек. | И пан ІѢнѹ его иналь, и ѿтец нашѹ, король, его м(и)л(о)сть, ѿ томѹ ихъ сѹдилъ | и того Кгосцкого панѹ ІѢнѹ выдал, и ѿнѹ емѹ иные речи поплатил. | А в стѹ копахъ и в чотырнадѹцати копахъ грошеи подал емѹ именье свое || л. 160 об. Кгощи а Ростьки на роки, поки бы близкии его тое именье выкѹпили.

И отец | нашъ, король, его м(и)л(о)сть, писал до наместника дорогийского, до пана Юр(и)а | Аньдреевича Немировича, абы он приказалъ близкимъ того Кгостского | тое именье выкѣпить на тьи роки, пак ли бы не выкѣпили, и отец нашъ, | король, его м(и)л(о)сть, призволилъ тое именье панѣ Іѣну продати в тых своих | п(е)н(а)зехъ обел(ь), комѣ его вола, або собе вечно мети.

И тотъ листъ ѿтца нашего, корола, его м(и)л(о)сти, передъ нами вказывалъ. Ино тьи роки минѣли, а близкий того именьа на тьи роки не выкѣпили. И такъ давню вже того именьа панѣ Воитехъ в держаньи былъ, ажъ и до сихъ | часовъ.

И Водынский перед нами мовиль, абыхмо дозволили емѣ по близкости тое именье мети, а тьи п(е)н(а)зи хотел панѣ Воитехѣ ѿдати. |

Ино коли они близкий того Кгостского на тьи роки минѣли того именьа не выкѣпили, а такъ давню вже панѣ Воитехъ того именьа в держаньи былъ, и мы ѿ томъ межи ними досмотрели. И подлѣгъ ѿтца | нашего, корола, его м(и)л(о)сти, листѣ присудили есмо тое именье Кгощи | а Ростки панѣ Воитехѣ вечно емѣ. Воленъ онъ тое именье продати, и замѣнити, и къ церкви записати, и къ своемѣ лепшомѣ и вжиточному оберлѣнѣти, какъ самъ налепи розѣмеючи.

А на твердость того и печать | нашѣ казали есмо приложити къ семѣ нашому листѣ.

П(и)сан ѣ Вильни, | в лето 7006, м(е)с(а)ца июнь 6 день. Индиктъ 1. |

При т(ом) были кн[а]з(ь) Вои(тех) бис(куп) вил(енский), воев(ода) вил(енский), кан(цлер) пан | Мик(олаи) Ради(вилович), пан вил(енский), нам(естник) гор(оденский) кн[а]з(ь) Алек(сандр) Юр(ьевич), воев(ода) | троц(кий), мар(шалок) зем(ский) п(а)н Іѣн Юр(ьевич), стар(оста) жом(ойтский) п(а)н Ст(анислав) Іѣн(ович). |

Іѣнѣшко. |

№ 271

1498 г. июня 21. Вильна.

Потвержен(ь)е подскарбиной земскои пани Андреевои  
Александровича пани Анне на дворец | Кореивишки  
вечностью. |

Сам Александръ. |

Чинимъ знаменио симъ нашимъ листом, хто на него посмотри, а любо || л. 161  
чтѣчи его вслышитъ, комѣ будетъ того потребъ ведати.

Била нам чоломъ | подскарбинаа земскаа пани Аньдрееваа<sup>1</sup> Александровича, пани Анна, и пове|дила перед нами, што ж панѣ ее, панѣ Аньдреи, записал еи дворец, кѣпленину свою, | на имѣ Кореивишки, што кѣпил в наместника brasлавского, в пана Юр(и)а Зенов(ь)евича, вечно, и с тыми землами и водами, што к томѣ дворцу Кореивишкамъ | прикѣпил. И вказала перед нами тотъ запись его. И била намъ чолом, абыхмо | тотъ дворец Кореивишки с тыми землами и з водами, што пан ее, панѣ Аньдреи, | прикупил к томѣ дворцѣ, подтвердили быхмо еи нашимъ листомъ.

Ино | мы на ее чоломбит(ь)е то вчинили, и тотъ дворецъ Кореивишки, што еи записал | пан ее, панѣ Аньдреи, и с тыми землами и з водами, што онъ прикупил к томѣ дворцѣ, подтверждаемъ еи симъ нашимъ листом вечно и непорушно, еи самои | и ее детемъ, со всим с тым, што к томѣ дворцѣ прислѣшаеть, съ ставы | и съ сеножат(ь)ми и какъ пан ее тотъ дворец держалъ и заведal. Вол(ь)на она тотъ | дворец свои продати,

и отдати, и даровати, и къ церкви записати, и къ своему | лепшомѸ и вжиточномѸ обернути, какъ сама налепеи розѸмеючи, подлугъ | записѸ мѸжа ее.

А на твердость того и печат(ь) нашу казали есмо привелсити къ семѸ нашомѸ листу.

Пи(и)сан Ѹ Вил(ь)ни, в лето 7006, м(е)с(а)ца | июн(ь) 21 день. Индиктъ 1. |

ГѸндѸшко. |

*Примечание.* <sup>1</sup>Буквы дре написаны по смѸтому тексту

## № 272

[1498 г.] июня 21. Вильна.

Кн(а)зю КостентинѸ КрошинскомѸ на двор Болваничи |  
и волостку Белицкую в Смоленском повете. |

Г(о)с(по)д(а)ръ, его м(и)л(о)сть великии кн(а)зь, казал в книги записати.

Што просил въ его м(и)л(о)сти | казначеи смоленскии княз(ь) Константинъ Крошиньскии двора его м(и)л(о)сти в Смоленском повете на имѸ Болваничъ а волостки Белицкое<sup>[1]</sup>, и с тыми сел(ь)цы Болваницкими и з люд(ь)ми: сел(ь)це ГѸсташково<sup>[2]</sup>, сел(ь)це ГѸниконово, сел(ь)це Васил(ь)а ПолѸева<sup>[3]</sup>, сел(ь)це Степанково, сел(ь)це Совостьяновых дети, сел(ь)це Глебово, сел(ь)це | Хомкино, сел(ь)це Тычкиныхъ, сел(ь)це Мочалково<sup>[4]</sup>, а томъ Мачалков непохожи | болваницкии, а сел(ь)це Васил(ь)ко на ГородкѸ<sup>[5]</sup>, а сел(ь)це ГѸсташковское, а Ѹколи чотыри ч(о)л(о)в(е)ки: Иванко, а ГѸкимко, а ГѸкраец, а ГѸстанѸ ДѸнаев. Тыи не мають || <sup>л. 161 об.</sup> пашни ничего, дано имъ было дворное пашни немного. Сел(ь)це ГѸковълево, што | былъ тивѸномъ за пана Ивана Важевича. А которыи люди на вроце<sup>[6]</sup> | седѸт, ГѸнчикъ з брат(ь)ею дають четверы колеса, Миколаико з братьею дають | Ѹшатки а ведра, Иваньковы дети Бабина заведѸютъ землю бортьную | болваницкѸю. Сел(ь)це КѸръкинское, на томъ посажон ч(о)л(о)в(е)къ на жалобе, слѸги | конныи Игнатъ Елковъ, Моисеи ЕѸановъ, Лаша КѸръчъ Воронинъ, Пашко КѸприѸановъ з братомъ, тыхъ КѸприѸановыхъ посадил кн(а)зь Михаило на дворной пашни, а кѸзнецъ посажонъ на дворной пашни. Всихъ тыхъ людей болваницкихъ двадцать и чотыры ч(о)л(о)в(е)ки, а люди вол(ь)ныи, а дачеи и пошлннъ | с нихъ нетъ никоторыхъ.

Белицкии сел(ь)ца, а с тыхъ белицкихъ людей посолщина хоживала подлугъ земли Смоленское обычаѸ. А тымъ сельцомъ | имена белицкимъ: Климиъ Шевелевъ з братаничи<sup>[7]</sup>, Апанас Мицковъ з братомъ, | ГѸлешко Головачовъ з братомъ, Дорох Ворошиловъ з братаничи<sup>[8]</sup>, а сел(ь)це | Пьянково Малецъ Ѹ БеликѸ, Трухонъ Паньковъ, Грид(ь)ко въ Дертне<sup>[9]</sup> з братомъ. | Тыхъ сем(ь) тѸглеи, а люди непохожи, которыи люди вол(ь)ныи. Приказникъ | з братомъ, Ананка в БеликѸ, Гаврилко СѸхоплачовъ, Сопронъ, Сопрыка. Тыхъ | шесть ч(о)л(о)в(е)ковъ. А два слѸги конныхъ Климишины а Кононовы. Ино со всихъ | тыхъ людей Белицкихъ дани грошовое пѸт(ь) копъ и ѸдиннаѸцѸт(ь) грошеи, | а медѸ три кади и два пѸды.

А што запѸстело КѸдинова тѸгль | и ГѸбѸхова, ГѸдонъева, МѸтѸеикова Глебовыхъ въ сел(ь)цы Дем(ь)Ѹановыхъ, а што | ГѸгримъ москвитинъ держалъ две тѸгли в Ареховское а Михалево, и княз(ь) | Ѹедоръ Мезецкии тыи села былъ на себе Ѹвазалъ. И тыми разы тыи села | за сѸ к Болваничомъ привернѸты, ино тыхъ пѸстыхъ Ѹсемь тѸглеи. А дани | с нихъ бывало три копы и десѸт(ь) грошеи, а медѸ семъ кадеи и два пѸды. | А што кн(а)зи ГѸдоевскии, княз(ь) Михаило а княз(ь) Ѹедоръ и матька ихъ, Ѹтписали | дани

на церкви з Ворошиловых две кади, а з Дертны за кад(ь) медѣ копа | грошеи. И поведил княз(ь) Костантин г(о)с(по)д(а)рѣ, его м(и)л(о)сти, иж того бол(ь)ши неть, ни жили | так, какъ г(о)с(по)д(а)рѣ, его м(и)л(о)сти, он поведал.

И его м(и)л(о)сть тот двор Болваничи и Велик | со всем дал и привил(ь)емъ своим то емѣ ствердил.

П(и)сан ѣ Вил(ь)ни, июн(ь) 21 | день. Индиктъ 1. |  
 Іѣнушко. || л. 162

## № 273

1498 г. июня 22. Вильна.

Привилеі князю Костантинѣ Крошинскому | на двор  
 Болваничи и волосткѣ Белицкѣю | въ Смоленскомъ повете  
 на вечность. |

Самъ Александръ, бож(е)ю м(и)л(о)стью. |

Чинимъ знаменио симъ нашим листом, хто на него посмотрит, алю[бо] чтѣчи его вслышитъ, комѣ того потребѣ бѣдет ведати.

Билъ намъ чолом казначеи смоленскіи княз(ь) Костантинъ Ѳедоровичъ Крошинскіи и просил в насъ двора нашего въ Смоленскомъ повете на има Болваничъ и з волосткою Белицкою.

И мы дла его верное слѣдѣобы на его чоломбилье то есмо вчинили, и тот двор нашъ Болваничи и с сел(ь)цы болваницкими и с тою волосткою Белицкою дали есмо вечно и непорѣшно ему | самомѣ, и его жоне, и их детемъ, и на потомъ будѣчимъ их счадомъ, [с] слѣгами и з люд(ь)ми таглыми и з данными, и с челад(ь)ю невол(ь)ною, на нас ничего не оставляючи, и зь землами бортными и пашными, и з лесеы, з дѣбровами, | и з ловищи, и зь бобровыми гоны, и з озеры, и з реками, и сь ставы, и сь ставищи, и с сеножат[ь]ми, и з данью грошевою и медовою, и з бобры, и сь кѣницами, и со всеми платы, и с тымъ со всем, што к тому дворѣ Болваничом | и къ той волостце здавна слѣшало, какъ есмо сами тотъ двор деръжали. | Волень онъ тот дворъ свои, и с тою волосткою, и с тыми сел(ь)цы продати, | и отдати, и заменити, и даровати, и къ церкви записати, и кѣ своему лепшому и вжиточномѣ оберънѣти, какъ самъ налепеи розѣмеючи.

А на твердѣсть того и печать нашѣ казали есмо привесити к семѣ нашомѣ | листѣ.

П(и)сан ѣ Вил(ь)ни, в лето 7006, м(е)с(а)ца июнъ 22 | день. Индиктъ 1. |  
 Іѣнѣшко. || л. 162 об.

## № 274

[1498 г.] июня 23. Вильна.

Привилеі татаринѣ Маикѣ Асанчѣковичѣ | на сем(ь) слѣжобѣ  
 з люд(ь)ми Кѣмеланы а землицѣ болярскѣю Богдана  
 Некрашевича въ Кревскомъ | повете вечностью. |

Сам Александръ, бож(е)ю м(и)л(о)стью. |

Билъ намъ чоломъ татаринъ нашъ, кн(а)зъ Маико Асанчѣковичъ, и просил в насъ | семи слѣжоб з люд(ь)ми въ Кревскомъ повете кѣмелан на има Іѣнѣка, а Мартина, а Сѣхты, а Юшка, а Монѣса, а Мелешка Пѣпошина, а Тинка, а Мотѣса Сидовича,

а Гндр҃са, а Станиса, а землицы боарское Богдана Некрашевича, што | тот Богданъ  
отчинѣ свою всю розпродал, а самъ вси ж годъ не был с нами на | службе нашей.

И мы емѣ те<sup>1</sup> семь служобъ и с тыми людьми и тѣю землицѣ Богдановѣ  
Некрашевича дали вечно.

Пи(и)сан ѣ Вил(ь)ни, июнь 23 день. | Индикть 1. |

*Примечание.* <sup>1</sup>Исправлено, в рукописи тю; вторая буква написана неразборчиво

## № 275

1498 г. июня 27. Вильна.

Потверженъе паном Нарибѣтовичом на розные люди | и земли  
на Грнанах, и Колтананах, и ѣ Лынкгменской волости, etc. |

Самъ Александръ, бож(е)ю м(и)л(о)ст(ь)ю. |

Били намъ чоломъ панъ Доброгость, а Станиславъ, а Миколаи, а Воитех  
Нарибѣтовичи и повелили перед нами, што ж великии княз(ь) Жикгимонт дал отцу  
их | панѣ Нарибѣту даньники на има Грнана а Колтанана и з лукном меду. И теж |  
великии князь Жикгимонт пану Нарибѣту дал чотыри ч(о)л(о)в(е)ки ѣ Лынкгменех<sup>1</sup> |  
на има Скитане, а Моста, а Кѣзмѣ, а Садеика, и землю на Дѣдерец(е). Такежъ |  
отец нашъ, корол(ь), его м(и)л(о)ст(ь), дал панѣ Нарибѣту сем(ь) ч(о)л(о)в(е)ковъ  
ѣ Лынкгменской волости на има Важа Колтананского, а Еискирта, а Бенюта,  
а Шеимонта, а Гѣкѣбовича, а Тила, а Стропа Кѣхтеневича стекголонцовъ и з данью  
медовою, а прѣдицо на има Сворле на реце на Юсине.

И на вси тьи люди, и на дани, и на земли перед нами вказывали листы великого  
кн(а)зя Жикгимонтовы || <sup>л. 163</sup> и отца нашего, корола, его м(и)л(о)сти.

И отец нашъ, корол(ь), его м(и)л(о)ст(ь), тьи их люди и земли | взѣл был на себе.  
И они били нам чоломъ, абыхмо к нимъ ласку нашу вчинили, а тьи | быхмо люди имъ  
за сѧ отдали.

И мы, выслухавши и ѡсмотревши листовъ | великого кн(а)зя Жикгимонтовыхъ  
и отца нашего, корола, его м(и)л(о)сти, тьи люди, и дани, и земли вышеписаныи  
дали есмо им подлугъ листов великого кн(а)зя | Жикгимонтовыхъ и отца нашего,  
корола, его м(и)л(о)сти. А дали то есмо имъ | вечно и их жонам, и их детем.

А на твердость того и печать нашу казали есмо | приложити к сему нашомѣ листѣ.

Пи(и)сан ѣ Вил(ь)ни, в лет(о) 7006, м(е)с(а)ца | июн(ь) 27 день. Индикть 1. |

*Примечание.* <sup>1</sup>Буквы ѣм исправлены из других

## № 276

1498 г. сентября 12. Троки.

Ивашкѣ Владыце на тры ч(о)л(о)в(е)ки къ дворцѣ  
его Римови|довскому ѣ Волковыискомъ повете. |

Самъ Александръ, бож(е)ю м(и)л(о)ст(ь)ю. |

Биль намъ чолом писар нашъ Ивашко Гѣцковичъ Владыка а просил в насѣ ѣ  
Волковыиском повете трех ч(о)л(о)в(е)ков на има Гннихима, а брата его Грина,  
а братани|чов их, Гѣцковых детеи. А повелил намъ, што ж они сѣдѧт на Римовидовской  
земли | подле его дворца Римовидовского, што перво сего есмо дали ему, а перед

тым | служивали к тому его дворцу Римовидовскому. А и ты сам нам поведиль, | што ж ѿни сѣдѣт на тои Римовидовскои земли.

Ино мы тыи три ч(о)л(о)в(е)ки | дали ему и зъ их дет(ь)ми, и со всеми их землями, и с сеножат(ь)ми, со всим по тому, | што ѿни здавна держали. А дали то есмо вечно ему, и его жоне, и их дѣтем, и потом будѣчим их счадкомя.

А на твердость того казали есмо | и печат(ь) нашу приложити к сему нашему листу.

Писан 8 Търцохъ, | в лето 7007, м(е)с(а)ца сен(табра) 12 день. Индикть 2. |

Пр(и) [том] был мар(шалок), нам(естник) вол(ковьиский) п(а)н Воит(ех) Куч(укович). || л. 163 об.

## № 277

[1498 г.] ноября 2. Ковно.

**Ивашк8 Нетевич8 на сем(ь) ч(о)л(о)в(е)ков Ёдсвонского повета | а две землицы. |**

Самъ Александръ, бож(е)ю м(и)л(о)стью. |

Наместнику ясвонскому п(а)ну Воитех8 Нарбутович8.

Бил намъ чолом боѣрин наш | Ивашко Нетевич и клал перед нами листь ѿтца нашего, корола, его м(и)л(о)сти, што ж | ѿтец нашъ, корол(ь), его м(и)л(о)сть, дал тьстю его Довкгину з брат(ь)ею сем(ь) ч(о)л(о)в(е)ковъ | Ёдсвоинского повета на имѣ Трункиса, а Сонкгута, а Вилеика, а Можбутѣ, а Довкгеинтѣ, а Товтмина, а Преибутѣ, а две землицы въ Ёдсвонском же повете | под Евнивидом<sup>1</sup> а под Жедеиком<sup>1</sup>. И после Довкина, тста своего, поведает ѿн, тыи | люди и тыи землицы по жоне своеи, дочце Довкгинове, держал. Ино деи кн(а)зь Мар(тин), бискупъ жомоитский, какъ держаль Ёдсвоину, тыи люди и тыи две землицы в него ѿтнал, и тепере деи таки и ты тыи люди и тыи две землицы къ двору нашему Ёдсвонскому держишь, а ему са не поступиши(ь). А ѿн естъ | к тому по жоне своеи и дочце Довкгинове близкий.

Про то ж, штобы еси | ему тую сем(ь) ч(о)л(о)в(е)ков и тыи две землицы ѿтдал и через то вже в то са не вступал. Нехаи ѿн тую сем(ь) ч(о)л(о)в(е)ковъ и тыи две землицы держитъ по тому, | как же ѿтец нашъ, корол(ь), его м(и)л(о)сть, тьстю его, Довкгину, и его братыи | дал.

П(и)сан в Ковне, ноѣбр(ь) 2 день. Индикть 2. |

Пр(и) [том] был(и) воев(ода) вил(енский), кан(цлер) п(а)н Мик(олаи) Ради(вилович), а нам(естник) | ков(енский) п(а)н Ст(анислав) Кос(тантиневич), а м(а)р(шалок) двор(ный), нам(естник) мер(ецкий) и ѿник(штенский) п(а)н Гр(игорий) | Стан(кович) Ёст(иковича), а нам(естник) брас(лавский) пан Юр(ии) Зенов(ь)евич. |

Примечание. <sup>1,1</sup> Слово подчеркнуто теми же чернилами

## № 278

[1492 г. июля 20 — 1501 г. декабря 12.]

**Сведѣцтво кнегини Пинское ѿ имен(ь)ѣ ѿтчизные | дворенина г(о)с(по)д(а)р(ь)ского Русина. |**

Жаловал г(о)с(по)д(а)ру великому князю дворенинъ его м(и)л(о)сти Русин ѿ именья свои || л. 164 ѿтчинъныи въ Кieve ѿ Мещер8, што Солюнчичъ держитъ,



а во Вручом Татариннови, што Бардичь держить, в Комчишоохъ, а сел(ь)цо Михаило Волчковичь держит. | А выпросили они то 8 корола за пѣсто, а его, отчича, не поведаячи. И он | бил чоломъ великомъ кн(а)зю, абы его м(и)л(о)сть послал до кн(е)гини Пинское того | опытати, бо ее м(и)л(о)сть томъ добре ведома<sup>1</sup>, ижъ то его отчина. «А кн(а)зь Семень, | его м(и)л(о)сть, какъ Киевъ держал, 8в отца моего и в мене тых имени не отнимал». |

И великии кн(а)зь послалъ до кн(е)гини Семеновое дѣака своего Богѣша. И кн(е)г(и)на | Семенова отказала тымъ обычаемъ: «Правда деи есть, м(и)л(о)стивыи г(о)с(по)даръ, коли | небожчикъ, кн(а)зь мои, Киевъ держалъ, и въ тотъ часъ Рѣсиновъ отецъ тый имениа держалъ и вмер на тых имениахъ и съ своею жоною». |

*Примечание.* <sup>1</sup>Слово вписано над строкой

## № 279

1499 г. февраля 13. Городно.

**Потвержен(ь)е кн(а)зю Иванъ Жославскомъ и сыномъ его на розные имен(ь)а, мены и купли его. |**

**Федко Пандшевич, писар, справлал в Городне, м(е)с(а)ца фев(рала) 13 ден(ь). Индиктъ 2. |**

Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотрит, а любо чутичи его слышит, кому ж то будетъ потребъ ведати.

Бил намъ чоломъ кн(а)зь Иванъ | Юр(ь)евичъ Жославский и з своими сынами, съ кн(а)земъ Михаиломъ, а кн(а)земъ Федоромъ, а кн(а)земъ Богданом, и поведил перед нами, што ж он з дозволениемъ отца | нашего, корола, его м(и)л(о)сти, селомъ своимъ на има Лососою, што емъ достало с а по его кн(е)г(и)ни, мена с кн(а)земъ Аньдреемъ <sup>1</sup>и Л(ь)вомъ<sup>1</sup> Козечичом на его землю отчинную, | што на Рши, Ро[ш]скою землею. И придал кн(а)зю Аньдрею а Л(ь)ву къ своемъ селу к Лолсосне пал(ь)десат копь грошей без трех копь грошей.

Тежъ бил намъ чоломъ, што ж | он и [с] своими сынами з дозволениемъ отца нашего, корола ж, его м(и)л(о)сти, имен(ь)а мои своими отчинными, два ч(о)л(о)в(е)ки и з землями их на има Петрашковою а | Монковою, што в старине с кн(а)земъ Иваномъ Козечичом и его сыномъ съ кн(а)земъ | Гелехномъ [менал] на их отчину, на третюю их часть, што с а им достало оприч(ь) || <sup>а. 164 об.</sup> его братьи.

Такежъ билъ намъ чоломъ, што ж онъ з дозволениемъ тежъ отца нашего, корола, его м(и)л(о)сти, 8 боар наших на има 8в Бивашка а в Стан(ь)ка а в Михаила въ Юр(ь)евичовъ и въ их дети и кѣпилъ обел(ь) вечно землю их отчинную на има Гшеикова а Литовское.

И на тый на вси земли листы призволеныи отца н(а)шого, | корола, его м(и)л(о)сти, перед нами вказывали. И тежъ тый два листы меновныи | кн(а)за Андреевъ а Львовъ Козечичовъ а кн(а)за Ивановъ Козечича, а третии листъ | кѣпчи Ивашковъ а Станковъ а Михайловъ Юр(ь)евичовъ и их дети перед нами | вказывали. И били намъ чоломъ, абыхмо им то потвердили нашимъ листомъ. |

Ино мы тое имение, што на Рши, Роскю землю, што в кн(а)за Аньдрея а Л[ь]ва | выменил, и дрѣгю землю, третюю часть, што выменил 8 кн(а)за Ивана Козечича и въ

его сына, въ кн(а)за Глехна, и третью землю на има Глшеиковѣ а Литовскѣю, што кѣпил ѣ Юр(ь)евичовъ подлѣгъ отца нашего, короля, его м(и)л(о)сти, листовъ и теж подлугъ тых меновных листовъ и кѣпчого листу, тыи | вси земли и ловы<sup>2</sup>, и озера, и бортныи земли, и сеножати, и реки, и езы потвержаемъ то сим<sup>3</sup> нашим листом, емѣ самомѣ и его сыном, кн(а)зю Михаилу | а кн(а)зю Федорѣ, а кн(а)зю Богданѣ и их детемъ и на потом бѣдѣчимъ | их счадкомъ. Вол(ь)ни они тыи именья и земли продати и заменити, | и отдати, и къ церкви божи записати, и къ своемѣ вжиточномѣ и лепшомѣ | обернути, какъ сами налелеи розѣмеючи.

А на твердость того и печат(ь) | нашѣ казали есмо привесити к семѣ нашомѣ листѣ.

П(и)сан в Городне, | в лето 7007, м(е)с(а)ца феврал(ь) 13 день. Индиктъ 2. | Глнушко писар. |

*Примечания.* <sup>1-1</sup>Вписано над строкой <sup>2</sup>Буквы ло исправлены из других <sup>3</sup>Буква с полусмыта

№ 280

[1499 г.] февраля 15. Городно.

**Вырок межи кричовланкою Зѣвою а Сен(ь)комъ Поповичомъ  
о селище земли. |**

Александръ, бож(е)ю м(и)л(о)стью. |

Смотрели есмо того дела.

Жаловала намъ таѣ кричовланка || <sup>л. 165</sup> на има Зѣваѣ и с сыньми своими на мешанина кричовского Сен(ь)ка Поповича, што ж | он держитъ за собою селище, землю еѣ отчиньную. А Сенько Попович первей сего | бил намъ чолом и вказывал перед нами листъ отца нашего, короля, его м(и)л(о)сти, | што ж его м(и)л(о)сть тоѣ селище дал емѣ за пѣсто. И мы подлугъ листѣ отца нашего тоѣ селище потвердили емѣ нашим листом. То пакъ после того таѣ Зѣваѣ жаловала намъ на того Сен(ь)ка о том же селищи. И мы тоѣ селище Зѣво Сен(ь)кѣ жъ есмо дали и на то емѣ и листъ нашъ дали. А до наместника | кричовского писали есмо, аж бы тои Зѣвои и детемъ еѣ, обыскавши, иншее | какое селище напротивъ того дал. Ино <sup>1</sup>после вж<sup>1</sup> того, какъ сего лета посылали есмо писара нашего Фед(ь)ка Глншковича на волости Поднепръский | данеи наших и серебицины правити, и таѣ Зѣваѣ приходила к намъ | и поведила перед нами, што ж тот Сен(ь)ко тоѣ селище в короля, его м(и)л(о)сти, не глраздо выпросил, а детем еѣ отчина естъ. И мы писали до писара нашего | Федка Глншковича, ажбы о том достаточно сѣ доведѣл, тоѣ селище отчина л(ь) бѣдетъ детемъ еѣ. И Федко Глншковичъ о томъ межи ними смотрел | и в тоѣ Зѣвое пытал на то доводѣ, иж бы тоѣ селище детем еѣ отчина | была. И она на то доводѣ некоторого не вчинила. И он пытал доводѣ | в того Сен(ь)ка, што ж бы тоѣ и не отчина была. И Сенько перед нимъ дал на то | светковъ двадцати и двух ч(о)л(о)в(е)ковъ, мешан кричовских и волостных людей. | И писар нашъ Федко Глншковичъ тых светков опытывал. И они перед | ним поведили, што ж тот Зѣи, муж еѣ, ч(о)л(о)в(е)къ былъ прихожи и тѣю землю | держалъ, а емѣ была не отчина, тоѣ селище кричовца жъ Пеничино было. И Федко Глншковичъ, того досмотревши, тѣю землю Сен(ь)кѣ присудил | подлугъ листа отца нашего и наших листовъ. И на то емѣ и свои листъ сѣдовыи дал.

Тыми пакъ разы тот Сенько Поповичъ и таа Зѣваа и с сынами | своими стоади перед нами ѿчевисто. И мы казали ѿ томъ межи ними | наконецъ досмотрети ѿхмистрѣ наше великое кн(е)гини, наместникѣ | ѣтенскомѣ панѣ Воиткѣ Іѣновичу и писарѣ нашомѣ Ѳедкѣ Іѣнѣшковичѣ. | И тот Сен(ь)ко въказал перед нами листь ѿтца нашего, короля, его м(и)л(о)сти, и наши листь подтвержены на тое селище и теж листь сѣдовыи Ѳедков || л. 165 об. Іѣнѣшковича, што ж она доводѣ никоторого не вчинила, иж бы то еи ѿтчина была. И ѿни, того досмотревши, то намъ ѿтказали.

Ино нам ѿтца н(а)ш(о)го | данины и листовъ нашихъ подтверженных нел(ь)зе было рѣшити, тое селище | и землю Зѣевскѣю Сеньку Поповичѣ есмо присѣдили подлугъ листь ѿтца | нашего, и наших листовъ и листа сѣдоваго писара нашего. Нехаи ѿн | тое селище держитъ, а намъ с того кѣниѣ дает и службу слѣжитъ | по тому, какъ и перед тымъ с того селища служба бывала и кѣница | даивана. А тои Зѣевои и детем ее в то вже не надобе встѣпати с.а.

П(и)сан в Городне, ѡев(раль) 15 день. Индиктъ 2. |

Іѣнѣшко писар. |

*Примечание.* <sup>1-1</sup>Буквы ѡ в исправлены из и

№ 281

[1499 г.] февраля 15. Городно.

**Вырокъ межи Игнатомъ карломъ<sup>1</sup> а Ѳед(ь)комъ Колонтаевымъ  
ѿ село Башово, а Ѡзарчичи, а пашенкѣ Цепковѣ. |**

Александръ, бож(е)ю м(и)л(о)стью. |

Смотрели есмо того дела.

Жаловал намъ карел нашъ Игнат Юшковичъ | Кѣшкикина на боарина бранского Ѳед(ь)ка Колонтаева, што ж ѿн держитъ | за собою село его ѿтчинное Башово, а Ѡзарчичи, а пашенкѣ Цепково<sup>2</sup>. И мы казали того межи ними досмотрети ѿхмистрѣ наше великое кн(е)гини, | наместникѣ ѣтенскомѣ панѣ Воиткѣ<sup>3</sup> Іѣновичѣ и писаремъ нашимъ Ѳедкѣ | Іѣнѣшковичѣ а Ивашкѣ Сопезе. И ѿни того межи ними смотрели, и Ѳедко Колонтаевъ поведил перед нами, што ж тое село кѣпил в матки его и въ | брат(ь)и его, в Бориса и в Степана, з нашимъ призволеньемъ. И въказаль<sup>4</sup> перед | ними и тот листь ихъ кѣпчии и нашъ листь дозволеныи и подтверженыи. | Тежъ въказывал нашъ листь, што ж мы тое село подтвердили <sup>5</sup>брату его<sup>5</sup> | на има Борисѣ, на его ѿднаго парсунѣ. А Игнат карел <sup>5</sup>то перед ними сказывал<sup>5</sup>, | што ж в тотъ часъ мешкал в писара нашего Ѳедка Григор(ь)евича, и просил | Ѳедка з братомъ своимъ Борисомъ, ижъ бы в насъ печаловал ѿ брате его. И мы | подлугъ писара нашего Ѳедка печалованья ѿдномѣ брату его<sup>6</sup> старшомѣ<sup>7</sup> || л. 166 Борисѣ подтвердили то нашимъ листомъ на его ѿднаго парсуну, ѿприче ихъ, братъи | его. И ѿни, того досмотревши, и то намъ ѿтказали.

Ино коли Ѳедко Колонтаевъ | тое село кѣпил в его матки и в братъи его з нашимъ призволеньемъ, а тотъ | Игнат карел того сведомъ был, и ѿ то с.а емѣ ничего не впоминал, и еще за братомъ | своимъ просил Ѳедка, писара нашего, ижъ бы емѣ в насъ листь подтверженыи выпросил на его ѿднаго парсуну ѿприче ихъ, брат(ь)и его, тое село Башово, | а Ѡзарчичи, а пашенкѣ Цепково Ѳедкѣ Колонтаеву есмо присѣдили

подлѣгъ | купи его и листа нашего дозволеного и потверженого вечно емѣ самому, | и его жоне, и их детем со всим с тѣм, што к томѣ селѣ здавна слѣшало. А тои мѣ Игънату карлѣ и брат(ѣ)и его в то вже не надобе вѣстѣпати сѣ.

П(и)сан | в Городне, ѡв(раль) 15 день. Индиктъ 2. |

Їднушко писар. |

*Примечания.* <sup>1</sup>Буква к исправлена из другой <sup>2</sup>Буквы пков написаны по смытому тексту <sup>3</sup>Буква к написана по смѣтымъ буквам ех <sup>4</sup>Буквы аль написаны по смѣтому тексту <sup>5-5</sup>Написано другим почерком <sup>6</sup>Слово написано другим почерком <sup>7</sup>Слово написано другим почерком

№ 282

[1499 г.] февраля 15. Городно.

**В**ырок межи князем Андреем а князем Иваном |  
Семеновичами з дадкою их, князем Иваном Трѣбѣцкимъ,  
ѡ имениа Трѣбѣцкие. |

Александръ, бож(е)ю м(и)л(о)стью.

Смотрели есмо того дела.

Жаловали нам дворане наши, кн(а)зь Аньдреи а кн(а)зь | Иван Ивановичи Семеновича, на дадка своего, на кн(а)за Ивана Юр(ѣ)евича Трубецкокого, што *ж* им не хочет ровного делѣ дати ѣ отчине ѣ Трѣбѣцку и во всех имениах | Трѣбѣцкихъ. А дед их зъ его отцемъ и отец ихъ с ним промежи себе не дел(ѣ)ни | были ѣ отчине. И стоаили перед нами ѡчевисто и ѡ том мовили.

И кн(а)зь Иван | повелит перед нами, што *ж* ѡ том делѣ ничего не ведает, нижли перво сего отец его, княз(ѣ) Юреи, от(ѣ)ездил к Москвѣ, и в тот часъ тѣю его дел(ѣ)ницѣ держал | от отца нашего, короля, его м(и)л(о)сти княз(ѣ) Иванъ Чорторыиский. А после кн(а)за Ивана | тую *ж* дел(ѣ)ницѣ держаль в держанье конюшии отца нашего, пан Грин(ѣ)ко Волович. И потом, какъ пан Гринко вмер, и отец их, з Москвы приехавъши, | бил чолом королю, его м(и)л(о)сти, ѡ тѣю свою отчину, што держал кн(а)зь Иван Чорто(р)ы(и)ский и пан Гринко Воловичъ. И отец нашъ, его м(и)л(о)сть, дал отцѣ его, кн(а)зю | Юр(и)ю, и ему самомѣ тѣю дел(ѣ)ницѣ, половину Трѣбѣцка. И на то им и лист || л. 166 об. свои дал.

И кн(а)зь Иванъ после того бил намъ чолом, абыхмо тѣю дел(ѣ)ницѣ, половину | Трубецка, потвердили емѣ нашим листом подлугъ листѣ отца нашего.

И мы | емѣ тѣю дел(ѣ)ницѣ потвердили нашим листом водле листа отца нашего, ко(р)оля, его м(и)л(о)сти. И мовил кн(а)зь Иван, што *ж* ѡ том делѣ дед кн(а)за Аньдреевъ и кн(а)за Иваиновъ и отец ихъ, кн(а)зь Иван, а ни они сами ничего не впоминали за короля, его | м(и)л(о)сть.

И кн(а)зь Аньдреи а кн(а)зь Иван рекли, што *ж* отец ихъ неѡднокрот ѡ тот дель | впоминал сѣ при отци нашом, короли, его м(и)л(о)сти. И после отца нашего, какъ мы | ѡстали г(о)с(п)о(д)а(р)емъ на отчине нашои, на Великом князстве Литовском, и они намъ | ѡ том сѣ дел впоминали. И мы казали были их тою отчиною наполю поделити и поровнати наместнику бранскомѣ кн(а)зю Ѳедорѣ Ивановичу и ѡкол(ѣ)ничомѣ смоленскомѣ Борисѣ Семеновичу. И кн(а)зь Иванъ перед тѣми дел(ѣ)чиими сѣ не становил и тою отчиною с ними сѣ не хотел делити.

И мы тѣми разы казали кн(а)зю Иванѣ положить перед нами листъ отца нашего | и нашъ листъ потвержены. И он листовъ отца нашего перед нами не положил,

нижли положил нашъ листь подтверженыи. И в нашем листѣ подтвержономъ стоить написано, што *ж* отецъ нашъ, корол(ь), его м(и)л(о)сть, дал *отца* его и емѣ салмомѣ листь свои на половину Трѣбца, а мы емѣ то подтвердили были нашимъ листомъ подлѣгъ листу *отца* нашего.

Ино коли *отец* ихъ *о томъ* сѣ делъ впоминалъ *отца* нашомѣ, королю, его м(и)л(о)сти, а они тежъ после *отца* своего *о томъ* делу | намъ сѣ впоминали, а кн(а)зь Иванъ, дадо ихъ, доводѣ на то никоторого не вчинилъ, | *и*жъ бы дедъ ихъ со *отцомъ* его промежи себе делъ мели *ѣв отчине* своеи в Трѣбцу и во всехъ имениахъ трѣбцкихъ, и мы, того досмотревши, кн(а)за Анѣдреа | а кн(а)за Ивана Ивановичовѣ в томъ есмо правыхъ нашли. И присѣдили есмо, и казали тыи вси имениа трѣбцкии, змешавши посполѣ, кн(а)за Ивановы, | и кн(а)за Александровы, и кн(а)за Анѣреевы и брата его, Ивановичовѣ, розделити | наполю и поровнати. И дел(ь)чихъ есмо на то имъ дали кн(а)за Дмитрея Васил(ь)евича Горского, а дворянина нашего Капѣсту, а казначеа бранского Григор(ь)я | Жинева. И казали есмо имъ самыи Трубъческѣ и вси имен(ь)я трѣбцкии, наполю | поделивши, и жеребьи кинѣти, которымъ сѣ достанетъ котораа половина, || *л. 167* тыи маюти того в держаньи быти. И рокъ есмо томѣ делѣ положили светого | Юр(и)я день. Естли пакъ кн(а)зь Иванъ и братъ его кн(а)зь Александро не въсхотѣтъ передъ | тыми дел(ь)чими стати а тою сѣ *отчиною* делити, и мы казали тымъ же | дел(ь)чимъ тыи вси имениа, *отчинѣ* ихъ, наполю поделивши и поровнавши, и в *однѣ* половину кн(а)за Анѣдреа а кн(а)за Ивана *моцно ѣвзати* кн(а)зю Капѣсте.

П(и)санъ | в Городне, *ѣв(р)аль* 15 день. Индиктъ 2. |

Идушко писар. |

№ 283

1499 г. февраля 16. Городно.

Потвержен(ь)е Ѡедкѣ Колонтаевѣ на село | Митковское,  
а селище Стрыговнѣ, а сел(ь)ца | Башово, а Ѡзарчичи,  
а пашенку Цепковѣ. |

Александрѣ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотриетъ, а любо чтѣчи его *ѣслышитъ*, кому *ж* того потребѣ будетъ ведати.

Билъ намъ чоломъ бояринъ | бранскѣи Ѡедко Колонтаевъ, што *ж* отецъ нашъ, корол(ь), его м(и)л(о)сть, далъ емѣ *ѣ* Бранскѣ село на имѣ Мит(ь)ковское и зъ землю бортною и со всимъ съ тымъ, што к томѣ селѣ слѣшало.

И тежъ далъ его м(и)л(о)сть емѣ селище на имѣ Стрыговну.

Такежъ | што онъ кѣпилъ *ѣ* бояръ бранскихъ, *ѣ* Бориса а въ Степана въ Юшковичовъ три | сел(ь)ца на имѣ Башово, а Ѡзарчичи, а пашенкѣ Цепковѣ и зъ землю бортною и зъ лѣгомъ и зъ дѣбровою. И карелъ нашъ, братъ ихъ, Игнатъ Юшковичъ тыхъ трехъ селецъ | подъ нимъ передъ нами искалъ. И мы тыи три сел(ь)ца, Башово, а Ѡзарчичи, а пашенкѣ Цепковѣ, присѣдили Ѡедкѣ Колонтаевѣ подлѣгъ его кѣпли. И билъ | намъ чоломъ, абыхмо ему тѣю данинѣ *отца* нашего, короля, его м(и)л(о)сти, и тую | его кѣплю подтвердили нашимъ листомъ.

Ино мы тыи села Митковское и селище на имѣ Страговну и кѣплю его, што онъ кѣпилъ *ѣ* брат(ь)и карловое, три | сел(ь)ца, Башово, а Ѡзарчичи, а пашенкѣ

ЦепковѸ, и з землею бортною, и з лѣгом, | и со всеми с теми, што к теми ко всемъ селом слѣшало, потвержаемъ то сим нашим | листомъ вечно емѸ самомѸ, и его жоне, и их детемъ, и на потомъ их | будѸчимъ счадомъ. Воленъ онъ тыи села *отдати* и продати, и *заменить*, || <sup>л. 167 об.</sup> и к своемѸ вжиточномѸ и лепшомѸ *обернути*, какъ самъ *налепи розѣмеючи*. |

А на твердость того и *печат(ь)* нашѸ казали есмо привесити к сему нашомѸ | листу.

П(и)сан в Городне, в лето 7007, м(е)с(а)ца *ѳев(раль)* 16 день. | Индикть 2. |  
 Ёднушко писар. |

## № 284

1499 г. марта 15. Вильна.

При *Ѳед(ь)кѸ* писари. | *Потвержен(ь)е ѲедкѸ ЁднѸшковичѸ*  
 на *ѳол(ь)варок Ёнтокол(ь)ню* и на иные земли. |

Сам Александръ, *бож(е)ю м(и)л(о)стью*. |

*Чинимъ* знаменито симъ нашим листомъ, хто на него *посмотрит*, а любо | *чтѸчи* его *вслышит*, кому *ж* того *будет* *потребъ* ведати.

Бил намъ *чоломъ* | *писар* нашъ, *наместникъ жижморьскии Ѳед(ь)ко Ёднушковичъ* и *поведил* *пе|ред* нами, што *ж* *кѸпил дворец ѳол(ь)варокъ* <sup>1</sup>на *реце Ваце* на<sup>1</sup> *има Ёнтокол[ь]ню* | *8* *мещанина виленского 8 Станка Волоховича* вечно и з землею с тою, што *ж* он | *купил 8* *дадка* своего, *8* *ч(о)л(о)в(е)ка вакиницкого Троцького повета, в Гануса | Довкгиловича* з нашим *призволеньем*. *Теж* и *иныи нивы* и *сеножати*, *которыи ж* | *онъ покѸпил* и *выменал* в наших *людеи*. И *тот* его *листъ* *кѸпчии* и *нашъ листъ* | *дозволеныи* и *иныи листы* *кѸпчии* и *меновныи*, што *ж* *Станко кѸпил* и *вы|менал* в наших *людеи*, *перед* нами *8* *казывал*. *Теж* *поведил* намъ, што *ж* с того | *дворца со Ёнтокол(ь)ни* и с *тое* *земли*, што *Станко кѸпил 8* *дадка* своего, | *въ Гандса Довкгиловича, службы* намъ до *Трокъ* *слѣживаны* и *дакла* *даливаны*.

И бил намъ *чолом*, *абыхмо* то *дозволили* емѸ в него *кѸпити* и *потвер|дили* то емѸ нашим *листом*. И *тыи службы* и *дакла* *абыхмо* емѸ *отпѸстили*.

Ино мы *дла* его *службы* *тое* *вчинили*, *дозволили* есмо емѸ *тот* | *дворец Ёнтокол(ь)ню* и с *тыми землами* в *того Станка кѸпити*. И *тыи службы* и *дакла* есмо емѸ *отпѸстили* с *того дворца Ёнтокол(ь)ни* и с *тое* *земли*, | што *Станко в Гандса Довкгиловича кѸпил*. Не *надобе* емѸ нам *слѣжоб* до | *Троковъ* *слѣжити* и *дакол* нам *давати*.

И *потвержаемъ* *тот дворец Ёнтокол(ь)ню* || <sup>л. 168</sup> и со *всеми* с *тыми землами* вечно и *непорушно*, *ему самому*, и *его жоне*, и *их детемъ*, | и на *потом ихъ будѸчимъ счадомъ*. *Волен он* *тое* *продати*, и *заменить*, и *къ церкви* | *божеи* *записати*, и *къ своему вжиточному* и *лепшому* *обернути*, и *как самъ* *налепи розѣмеючи*.

А на *твердость* того и *печат* есмо *нашу* *приложили*.

П(и)сан 8 *Вил(ь)ни* в лето 7007, м(е)с(а)ца *мар(та)* 15 день. *Индикть* 2. |

При *том были* *кн[а]з(ь) Богдан Иванов(ич) Жеслав(ский) а нам(естник) 8тен(ский) кн[а]з(ь) Мих(аил) | Львов(ич) Глин(ский), писар* нашъ *Ѳед(ь)ко*. |

*Примечание.* <sup>1-1</sup>*Подчеркнуто теми же чернилами*

№ 285

[1499 г.] марта 14. Вильна.

**Потвержен(ь)е боюарину смоленскому Васил(ь)ю Мирославичю |  
на две сеножати на реце на Нераде. |**

Александрь, бож(е)ю м(и)л(о)стью. |

Биль намъ чолом боюарин смоленский Василеи Мирославич и с своими детьми | а поведал намъ, што *ж* купил в боюар смоленских ю Васил(ь)ю Данил(ь)евича и в его жоны, | и в их дети, в Бориса а в Грицка, а ю Глешка, а ю Васка сеножат(ь) отчинную и дединную их на реце на Нераде за полтину грошей, обел(ь) вечно.

А ю брата его, ю Оедора, и ю его жоны, и ю их дети, ю Михаила а ю Богдана, теж купил сеножат(ь) | отчинную и дединную их на той же реце на Нераде за два рубли грошей и за деяс(ь) грошей, обел(ь) вечно. И листы их купчии на то перед нами юказывали. | И вина в том на нас, на г(о)с(по)д(а)ра, записана, естли бы Василеи Данил(ь)евич, а любо | брат его Оедор, а любо жоны их, або дети их тых сеножетей на Васил(ь)и Мирославичи и на его детех поискивали<sup>1</sup>, и тот мает нам тую вину заплатити, | котораа на нас в листех ихъ кѣпчих записана.

И бил нам чолом, абыхмо ему | тьи сеножати потвердили, и его жоне, и их детем нашим листомъ.

И мы | ем ю тьи сеножати верхъписанныи его жоне и их детемъ потвержаем | сим нашим листом обел(ь) вечно подлугъ кѣпчих его листов под тою *ж* виною | нашою, какъ са сами в листех своихъ кѣпчих записали.

П(и)сан ю Вил(ь)ни, | мар(та) 14 день. Индикть 2. || л. 168 об.

*Примечание.* <sup>1</sup>Первая строчная буква и и буква л написаны по смыслу текста

№ 286

1499 г. марта 12. Вильна.

**Потвержен(ь)е кн(а)зю Богдану Жаславскому на люди |  
Пенчане ю Красносел(ь)ском повете. |**

Самъ Александрь, бож(е)ю м(и)л(о)ст(ь)ю. |

Чинимъ знаменито сим нашим листомъ, хто на него посмотри, а любо чтучи его | вслышит, кому *ж* того будетъ потребъ ведати.

Бил намъ чолом кн(а)зь Богдан Иваинович Жаславский, што *ж* дали есмо люди ю Красносел(ь)ском повете на има Пенчан, | тых, которыхъ первей сего держал Юшко Пратковичъ, чотырнадцат(ь) служобъ | со всеми их землами. И бил намъ чолом, абыхмо ему то потвердили другим | нашим листом.

Ино мы тые люди в Красносел(ь)ском повете на име Пенчанъ, чотырнадцать служоб со всеми их землами, со всем по тому, как держал тьи люди | Юшко Пратковичъ, потвержаем симъ нашимъ листом вечно и непорушно, | ему самому, и его жоне, и их детемъ, и на потом будѣчим их счадомъ. Волен | он тьи люди отдати и продати и заменить и къ церкви божеи запи(с)ати и къ своему вжиточному и лепшому обернути, какъ сам налепеи розвмеючи.

А на твердость того и печат(ь) нашу казали есмо привесити к сему нашему листу.

П(и)сан ю Вил(ь)ни, в лето 7007, м(е)с(а)ца мар(т) | 12 день. Индикть 2. |

Идишко писарь. |

## № 287

1499 г. марта 16. Вильна.

Присужен(ь)е плебану моишакгол(ь)скому кн(а)зю Юр(и)ю и сестре | его половицѸ дому, купли их. Подобно Ѹ Вил(ь)ни. |

Александрь, бож(е)ю м(и)л(о)стью. |

Смотрели есмо того дела.

Жаловал нам плебан моишокгол(ь)ский князь Юрей и с | сестрою своею, Анною Станиславовою жоною Золотаревою, на кухара нашого, на МашицѸ, рекучи тымъ обычаем: «Купил есми съ сестрою своею Анною | половину дому в Барбари Миколаевое дочки подле светого Іѡна вечно. А дрѸгѸю половицѸ того ж домѸ кѸпил, местце пѸстое, в сестры в Барбарини, | в Кахны в Миколаевое ж дочки, Марьтинець швецъ, теж вечно. И на ратѸши || <sup>л. 169</sup> то в книгах записано». А Машица был тот домѸ в насъ за пѸсто выпросилъ. |

И стоѸли ѿ том перед нами ѿчевисто. И мы казали ѿ том mezi ними до|смотрети и справедливость томѸ вчинити ѿхмистрѸ наше великое | кн(е)гини, наместникѸ ковенскомѸ панѸ ВоиткѸ Іѡновичу.

И пан Воитко ѿ том | mezi ними смотрел и суд свои намѸ ѿтказал и списокъ с книгъ ратушных | перед нами Ѹказывал, ижъ тот домѸ на ратѸшу записан.

И мы ѿ томъ | mezi ними досмотревши и врадили такъ, што княз(ь) Юрей съ своею селстрою Анною кѸпил половину того домѸ в Барбари вечно и в книгах то | на ратѸши записано, присѸдили есмо тѸю половину того дому кн(а)зю | Юр(и)ю и сестре его Анне вечно, им и потом бѸдѸчим их близким. А што Марци|нец швецъ того ж домѸ половицѸ купил, местце пѸстое, в Кахны, в Барбарини сестры, теж вечно, тую половину есмо того домѸ присѸдили | томѸ МартиньцѸ теж вечно. А Машицы вжо не надобе в тот домѸ | встѸпати сѸ.

П(и)сан Ѹ Вил(ь)ни, марта 16 день в лет(о) 7007-е. | Индикть 2. |

## № 288

1499 г. марта 16. Вильна.

ПрисѸжен(ь)е МартинѸ шевьцѸ половины домѸ | подле светого Іѡна, купли ж его. Подобно Ѹ Вил(ь)ни. |

Александрь, бож(е)ю м(и)л(о)стью. |

Смотрели есмо того дела.

Жаловал намѸ Мартинець швецъ на кѸхара | нашего на МашицѸ<sup>1</sup>, рекучи тымъ обычаем: «КѸпил есми в Кахны, в Миколаевое дочки, половину домѸ подле св(е)того Іѡна вечно, местцо пѸстое, | а другѸю половину того ж домѸ кѸпил в сестры Кахнины, в Барбари Миколаевое дочки, плебан моишокгол(ь)ский княз(ь) Юрей и съ сестрою своею Анною вечно. И на ратѸши то в книгах записано. А Машица был тот дом в нас за пусто | выпросил. И стоѸли ѿ том перед нами ѿчевисто.

И мы казали ѿ том mezi | ними досмотрети и справедливость томѸ вчинити ѿхмистру нашого великое кн(е)гини, наместнику ковенскомѸ пану Воитку ІѡновичѸ. || <sup>л. 169 об.</sup>

И пан Воитко ѿ том mezi ними смотрелъ и суд свои намѸ ѿтказал. И списокъ с книг | ратѸшных перед нами Ѹказывал, ижъ тотъ дом на ратуши в книгах записан. |



И мы ѿ том досмотревши и вradiли такъ. Што Мартинецъ швецъ кѣпилъ | половину того ж домѣ в Кахны в Барбарыны сестры вечно, и в книгах то | на ратѣши записано, присѣдили есмо тѣю половину того дому Мар|тинцѣ швецѣ и его жоне, и их детем вечно, и потом будѣчим их ближнимъ. | А што кнѣз(ь) Юрей и съ сестрою своею Анною того ж домѣ половиноѣ кѣпили | в Барбары, Кахнины сестры, теж вечно, тую половину того домѣ присудили есмо кнѣзю Юр(и)ю и сестре его Анне, теж вечно. А Машицы вжо | не надобе в том домѣ встѣпати сѧ.

А на твердость того и печать | нашѣ казали есмо приложити к семѣ нашему листѣ.

П(и)сан ѣ Вил(ь)ни, | в лето 7007-е, м(е)с(а)ца марта 16 день. Индикт 2. |

*Примечание.* <sup>1</sup>Буква ш написана по полусмытой букве р

## № 289

[1499 г.] марта 26. Вильна.

Привилеі панѣ Кmite Александровичѣ | на село Коростешово  
а на данники | ѣ Житомирскомъ повете. |

Самъ Александръ, бож(е)ю м(и)л(о)стью. |

Биль намъ чолом пан Кмита Александровичъ и просил в насъ села ѣ Житомирскомъ повете на има Коростешова и данниковъ наших Гѣрина | а Василя и их товаришовъ. И поведил перед нами, што ж тыи даньники | дают намъ дани тол(ь)ко пол трета ведра медѣ а ѿсмъ ведеръ полюдыа.

Ино мы тое село Коростешово и тых даньниковъ Гѣрина а Василя и их товаришов емѣ дали со всеми ихъ землями и зъ данью | и со всимъ с тым, што здавна к томѣ селу Коростешову слѣшало. |

П(и)сан ѣ Вил(ь)ни, мар(та) 26 день. Индиктъ 2. |

Гѣнушко писар. ||<sup>а. 170</sup>

## № 290

[1499 г.] марта 21. Вильна.

Сен(ь)кѣ Плешкинѣ на волость ѣ Смоленскѣ | до трех летъ. |

На памат(ь).

Биль<sup>1</sup> чоломъ г(о)с(по)д(а)рѣ, его м(и)л(о)сти великомѣ кнѣзю, дворанинъ его | м(и)л(о)сти Сенько Плешкин и поведил перед его м(и)л(о)стью, што ж ѿтец его, король, | его м(и)л(о)сть, и самъ его м(и)л(о)сть, г(о)с(по)д(а)рѣ, подавали емѣ п(е)н(а)зи на квитацияхъ | за его службу. Ино того ему ничего не выдано. И всег(о) того ѿбличил его м(и)л(о)сть | данины ѿтца своего и своее семьдесѧт копь безъ трех копь грошей. А<sup>1</sup> тыи | квитации велел его м(и)л(о)сть подрати. И за то его м(и)л(о)сть даль емѣ волост(ь)<sup>2</sup> | ѣ Смоленскѣ держати Демену на тры годы после ѿкол(ь)ничего смоленского Бориса Семеновича.

П(и)сан ѣ Вил(ь)ни, мар(та) 21 день. | Индик(т) 2. |

Гѣнушко писар. |

*Примечания.* <sup>1</sup>Слово написано по смытому тексту <sup>2</sup>Буквы ол написаны по смытым иль

## № 291

[1499 г.] марта 22. Вильна.

Потвержен(ь)е владыце смоленскомѸ | ИосиѸ на сел(ь)цо  
Ханютино вечностью. |

Александръ, бож(е)ю м(и)л(о)стью. |

Биль намъ чоломъ владыка смоленскии ИосиѸ, нареченыи митрополить киевскии и всеа Руси, што перед тымъ дозволили есмо ему кѹпити | Ѹ дворенина нашего, Ѹ Ѳедька Шостаковича, данинѸ ѿтца нашего, корола, его м(и)л(о)сти, село ЇѢрковичи. И листом нашимъ то есмо ему подтвердили на вечность и дозволили есмо емѸ тое село продати и ѿдати. Ино тыми разы тое село ЇѢрковичи спѣстил ѿнъ з нашимъ призволеньемъ боарину смоленскомѸ Богдану Григор(ь)евичу, а противъ того села взал в него | сел(ь)цо его ѿтчинное Ханютино. И бил намъ чоломъ, абыхмо ему тое село | Ханютино подтвердили листомъ нашимъ.

И мы емѸ то подтверждаем | сим нашимъ листомъ вечно. Волен ѿнъ тое село продати и ѿдати, и к ц(е)ркви || <sup>л. 170 об.</sup> божеи записати и ко всемѸ пожиточномѸ своемѸ привернути. А службу нашѸ земьскѹ маеть с того села ЇѢрковичъ и зѸ ѿтчины ихъ, з Бол(ь)шого | Села, служити Богдан Григор(ь)евичъ такъ, какъ и перед тымъ бывало. |

П(и)сан Ѹ Вил(ь)ни, мар(та) 22 день. Индик(т) 2. |

## № 292

[1499 г.] марта 22. Вильна.

Потвержен(ь)е БогданѸ Григор(ь)евичѸ на село | ЇѢрковичи  
вечностью. |

Александръ, бож(е)ю м(и)л(о)стью. |

Биль намъ чолом владыка смоленскии ЪсиѸ, наречоныи митрополить киевскии и всеа Руси, што перед тымъ дозволили есмо емѸ купити | Ѹ дворанина нашего, Ѹ Ѳед(ь)ка Шостаковича, данину ѿтца нашего, корола, его м(и)л(о)сти, село ЇѢрковичи. И листомъ нашимъ тое есмо емѸ подтвердили на вечность, и дозволили емѸ тое село продати и ѿдати, | нижли тол(ь)ко не мелъ къ церкви божии привлащати для наше службы | земское.

Ино тыми разы тое село ЇѢрковичи спѣстил ѿнъ боарину смоленскомѸ Богдану Григор(ь)евичѸ, а противъ того села взал в него сел(ь)цо | его ѿтчинное Ханютино. И бил намъ чоломъ, абыхмо то Богдану подтвердили листомъ нашимъ.

И мы то емѸ подтверждаемъ симъ нашимъ листомъ | и его жоне, ихъ детемъ и ихъ счадомъ. Волен ѿнъ тое село продати, ѿтдати и къ своемѸ пожиточномѸ обернути, нижли тол(ь)ко с того села | слѣжбу земьскѹ мает намъ слѣжити такъ, какъ и перед тымъ с того | села слѣжба намъ бывала.

П(и)санъ Ѹ Вил(ь)ни, мар(та) | 22 день. Индик(т) 2. || <sup>л. 171</sup>

**Вырок в справе владыки смоленского Иоусиѡа | съ кн(а)з(а)ми Горскими ѡ починен(ь)е розных кривдъ | в ымен(ь)ах церковных в Чуриловичах и на Горах, etc. |**

Самъ Александръ, бож(е)ю м(и)л(о)стью. |

Смотрели есмо того дела.

Жаловал намъ наречоныи митрополит киевскии | и всеа Рѣси владыка смоленскии Иоусиѡъ на кн(а)з(а) Ивана, а на кн(а)з(а) Алел[ъ]ка, | а на кн(а)з(а) Дмитрея, а на кн(а)з(а) Михаила Васильевичов Горскихъ, што *ж* | *деи* они емѸ великии кривды поделали в ыменью его церковномъ, | в ЧѸриловичах на Горах в земли черезъ суд пана ГѸкѸба Раловича, што *перво* сего ѡтец нашъ, корол(ь), его м(и)л(о)сть, казал того емѸ досмотрети | съ предкомъ его, владыкою смоленскимъ Мисаиломъ. И тогды пан | ГѸкубъ того межи ними смотрел и во всемъ нашолъ владыкѸ правого, в земли и въ ловехъ, и листъ емѸ свои сѸдовыи на то дал. И тотъ | листъ сѸдовыи владыка перед нами въказывал. И они хотели *тот* | суд пана ГѸкѸбовъ ни за што мети дла того, *иж* после того сѸ на владыкѸ жаловали королю, его м(и)л(о)сти. И мы ѡ томъ и ѡ иных делех досмотревши и во всемъ есмо владыкѸ нашли правого, и листъ нашъ судовыи на то есмо емѸ дали.

И врадили есмо межи ними такъ, што *ж* они | мают держати сѸ суда пана ГѸкѸбова подле листѸ его сѸдового. И казали есмо им суд(ь)и побрати, штобы они там выехали и то поправили, хто *будет* черес тьи грани перестѸпилъ пана ГѸкѸбовы, | и ѡ инышии дела, ѡ которыи *ж* жаловал намъ владыка, казали есмо | имъ всего того межи ними наконецъ досмотрети.

И кн(а)зи взали в нас | съ своее рѣки сѸдыями наместника смоленского пана Юр(и)ѡа Глебови[ч]а а кн(а)з(а) Дмитрея, а кн(а)з(а) Богдана СѸдинцевичовъ. А владыка своее | рѣки<sup>1</sup> взал пана Доброгоста Нарбутовича а ѡкол(ь)ничого смолен[с]кого кн(а)з(а) СѸлехна Глазынича, а казначеа смоленского кн(а)з(а) Костантина | Крошинского, а конюшого смолен[с]кого Васил(ь)ѡа Полтева. И они на *тот* || *л. 171 об* рокъ тамъ выехали и того межи ними смотрели, што сѸ дотыкало | сѸда пана ГѸкѸбова и иных *деи*, в том во всемъ нашли владыку правого. И листъ свои сѸдовыи на то емѸ дали. И *тот* листъ владыка | перед нами въказывал. И в том листѸ написано, где они имъ грани | поклали и тесни потесали, и вжо было черес тьи грани во владычнѸю сторону кн(а)земь самымъ и людемъ ихъ вступу жадного не ме[т]и, а никоторого пожиткѸ, ни ловов, ни дровъ, а ни дерева на хоромы | брати, нижли мает то владыка заведати и люди его по тые грани. |

И тьи кн(а)зи того сѸда не слѸхали, какъ они промежи них врадили. | И ѡ том дрѸгии разъ стоали перед нами ѡчевисто кн(а)зи Горскии, кн(а)зъ | Иванъ а кн(а)зъ Дмитрей. И мы казали имъ *брат(ь)ю* свою поставити, | кн(а)з(а) Алел(ь)ка а кн(а)з(а) Михаила. И они *брат(ь)и* своее не постановили, и салми за свою братью встѸпили сѸ со владыкою в право. И рекли | перед нами: «Мы того сѸда держим сѸ и черес тьи грани, кѸда они | намъ поклали, не встѸпаем сѸ, а ни люди наши. И ѡ *вси* тьи дела, ѡ колторыхъ тьи судьи промежи насъ смотрели, с того не выступаемъ, какъ межи насъ врадили». И мы и в том нашли владыку правого, и через тьи *ж* грани во владычнѸю землю не казали есмо имъ | ни во што сѸ встѸпати, а ни людемъ ихъ. Нижли то владыка

маеть | мети во впокои. А хто бы мель во владычную сторону въезжчати | и мы емѸ дозволили того боронити и людем его.

Тежъ жаловал | намъ владыка, што они емѸ иньи кривды там же починили | опрочъ суда пана Ёдкубова 8 гонех бобровых и в землях и въ инших | делех, и в право ему в тых делех подле приказанья нашего перед | тыми суд(ь)ями не хотели встѸпити, бо есмо приказали были | всех тыхъ дел наконецъ межи ними досмотрети.

И тьи суд(ь)и | подле приказанья нашего в тьи бобровьи гоны и в земли Ѹва|занье владыще дали. И они деи *от* него то мощно *от*нали.

И кн(а)зи рекли: «Мы с.а тепер(е) в тое не встѸпуюм нижи *о* том намъ суда не | было с нимъ а ни с предки его». И мы промежку их врадили такъ. Естли | будет кн(а)зем того жал(ь), и они владыще маюу заплативши тьи || <sup>л. 172</sup> шкоды, што емѸ на том роз[ь]езде стало с.а, и там суд(ь)и повести.

Такежъ | жаловал намъ владыка, што жъ которьи с.а там(ь)бы становат *от* людеи | ихъ, и они на сок людеи их зовут, и они не ходат. И мы промежи нихъ | то врадили. Какъ же и сами с.а они промежи себе записали с.а, | што жъ маюу с обу сторон на сок людеи своих и паробков посылати там, | где с.а шкода станем<sup>2</sup>, хто не выидеть, тот безъ сѸда виноват. А школдѸ маюу платити. А коли владыще которое дело бѸдет до кн(а)зеи, | а любо кн(а)земъ до владыки, або людем ихъ, и они маюу на обе сто|роне право давати безъ перевода. А хто бы не хотел права дати, | ино наместникъ смоленский мает их листомъ своим обослати, и там | боарина послати. И естли черес то они не всхотат права дати, | и он мает то мощно *от*правити томѸ, которьи же чога на ком ишчет. | А што тьи суд(ь)и владыще *от*(ь)ехали пашные земли, што они за|нали чересь пана Ёдкубовъ суд, и они деи до тых пашен не хот.а|ть | емѸ дороги дати.

И мы *о* то такъ нашли. Што они маюу ему до | тых пашен дорогѸ дати, и тым людем, которь он тамъ посадить, | и што суд(ь)и дорогу владыще присудили *от* двора его, *от* Чуриловичъ, | къ Смоленску мимо Дмитриевъ дворъ под церковью Пречистую болгоматерь, и тот мость, што под тою церковью, маюу они жъ мо|стит(ь) и люди их. И иньи мосты, которьи жъ по той дорозе ест, | што перед тымъ люди их мо|щивали. И мы такежъ врадили | водле сѸда их, што жъ они не маюу владыще тое дороги и людем | его боронити и тьи мосты мостити. Мает владыка сам тою | дорогою ездити и люди его. А люди свои владыка и кн(а)зи маюу, | с обу сторонъ рокъ положивши, людеи своих к приса|зе дати ко *о*количномѸ целованью подле права земли тамошнее. А хто на тот | рокъ не станет, тот без суда виноват и мает шкоды платити.

Тежъ | жаловал намъ владыка, што жъ деи он со кн(а)зем Юрьем Шишевскимъ | на Березове мость мостат на Великои дорозе. А тыми разы не смолстат. И мы очевисто приказали кн(а)земъ Горскимъ и князю || <sup>л. 172 об.</sup> Юр(и)ю ШишевскомѸ, абы тот мость мостили.

Такежъ жаловал намъ владыка, што жъ деи слѸги и люди ихъ к людем его 8 пиво мощно ходат и имъ | шкоды великии делаютъ. И мы *о* том имъ очевисто приказали, што жъ | люди ихъ безъ званья къ его людемъ не маюу ходити, нижи коли | позовут, какъ же и перед тымъ полюбовныи их суд(ь)и то межи нихъ | врадили. А по полемъ своим кн(а)зи ходити людем владычнымъ | не маюу боронити до своего дерева бортного. А на слуги и на люди его не маюу похвалати с.а и их бити, нижи маюу правом с.а | *о*быходити, какъ 8 верхѸ выписано. Тежъ коли межи себе владыка змовит со кн(а)зьми, а любо люди их к исповедной поити, и они маюу ходити исповедную

ести до Смоленска до бол(ь)шее церкви | до Пречистое богоматери въ ен епискупи.  
А при чемъ епископи | 8 иншоу епискѣпъи исповедное не маюу ести.

А хто с того выступит, тотъ нам мает дати вины нашее двесте рѣблевъ грошеи. |

Пи(и)сан 8 Вил(ь)ни, април(а) 6 день. Индик(т) 2. |

При том были кн[а]з(ь) Вои(тех) бис(куп) вил(енский), а во(е)вода киев(ский) | кн[а]з(ь) Дм(итрей) Пут(а)тич, а стар(оста) л(у)ц(кий) м(а)р(шалок) Вол(ынской) зем(ли) | кн[а]з(ь) Сем(ен) Юр(ьевич), а мар(шалок) п(а)н Бар(тош) Таб(орович). |

*Примечания. <sup>1</sup>Перед словом прочерк теми же чернилами по смытым 3–4 буквам <sup>2</sup>Буква т написана по смытой букве*

## № 294

[1499 г.] апреля 6. Вильна.

**В**ырок в справе того ж владыки смоленског(о) | съ кн(а)зем Юр(и)емъ Шишовским ѿ починен(ь)е кривдъ | в ыимен(ь)ю церковномъ на Сове и ѿ границы, etc. |

Александръ, бож(е)ю м(и)л(о)стью великии княз(ь) литовскии. |

Смотрели есмо того дела.

Жаловал намъ владыка смоленскии Июсиѣв, нареченыи митрополит киевскии и всея Руси, на кн(а)за Юр(и)а Михаиловича Шишевского, што ж он ему кривды великии починил в ыименьи | его церковномъ на Сове<sup>1. [1]</sup>. И ѿ томъ смотрели межи их суд(ь)и полюбовный, кн(а)зь Глежно Глазыничъ а пан Богдан Сопежичъ. И в том во всемъ | нашли владыкѣ правого, и грани поклали. И листъ свои сѣдовыи на то | емѣ дали.

И потомъ деи кн(а)зь Юрии черес тьи грани переступилъ. | Ино какъ есмо въ Смоленску были, и он хотел намъ на него жаловати, || л. 173 и он его переспросил, и того всего сѣ постѣпил, што был черес тьи грани | перешол. И листъ записныи на себе емѣ дал. И тотъ его листъ записныи | владыка перед нами вказывал.

Ино в томъ его листе стоит такъ, што | тьи суд(ь)и ихъ полюбовный присѣдили владыце въ кн(а)за Иванове земли | ѿт реки ѿт Пропости съ старыхъ поль владычных, што был перешоль он, | просте в лес поити, и теж што владыце ѿт(ь)ехали ѿт кн(а)за Юр(и)а ѿбапол(ь) | дороги Шишевское, ѿлиж до самого Ржавца.

И кн(а)зь Юрии мовил: «Ѣа и тепере держѣ сѣа того сѣда полюбовныхъ нашихъ судеи и своего запису».

И мы | есмо промежи нихъ врадили, што ж и тепере мает заведати владыка | смоленскии Июсиѣв по тьи гранемъ, которыи ж имъ положили тьи | суд(ь)и ихъ полюбовный во впокои. А в то сѣа кн(а)зю Михаилѣ не встѣпати, | и людем его водле сѣда полюбовныхъ ихъ сѣдеи и его запису.

И теж жаловал | намъ владыка, што ж деи люди его Собака а Верещака в людеи его кони | и животину и клети покрали и кол(ь)косъ бчол выдрали: «И Ѣа деи в него | на тьи злодеи право просил. И он ми права не дал. И Ѣа ихъ емѣ заповедал | под виною нашею 8 сту рѣблевъ грошеи, аж бы ихъ к праву поставил. И онъ | и потомъ казал ихъ повешати, а права ми с ними не вчинил. И статки | ихъ вси собе побрал».

И кн(а)зь Юрии рекъ: «То есми в него не слышал, абы он | в мене на нихъ права просил и ихъ ко мне не приповедал». И владыка | почал на то сведецство чинити, и почал сѣа на тьи светки слати, которыхъ | он ѿ томъ праве до него посылал. И он сѣа на тьи светки не послалъ. |

И мы есмо в том владык<sup>8</sup> правого нашли, такъ врадили, што *ж* владыч<sup>н</sup>нии люди на чом присагнут на своих шкодах, то мает<sup>2</sup> кн(а)зь Юрей им платити.

И теж жаловал намъ владыка, што *ж* деи людеи его люди его, имаючи | на добровол(ь)нои дорозе, бьютъ и соромот<sup>ат</sup> и граб<sup>ат</sup>. И мы то межи них | нашли, какъ владыка кн(а)зь Юр(и)я обошлет, и он маеть того часу, ничего | не мешкаа, право дати на тьи свои люди. И наперед есмо имъ приказали, абы промежи собе ни в чомъ кривдъ не чинили и право давали | з об<sup>8</sup> сторонъ. А хто бы не хотел ком<sup>8</sup> в чомъ права дати, ино наместникъ смоленский маеть того листом своимъ обослати и боарина || <sup>л. 173 об.</sup> послати к нем<sup>8</sup> ѿ томъ того досмотрети. И хто бы черес тое не хо<sup>т</sup>ел права дати, и он мает на томъ то мощно ѿправити тому, кото<sup>р</sup>ыи чого на ком будет искати.

А хто с тых речеи верх<sup>8</sup>писаных выступит, тотъ намъ мает заплатити вины<sup>3</sup> нашее сто р<sup>8</sup>блев грошеи.

П(и)сан 8 Вил(ь)ны, април(а) 6 день. Индикть 2. |

*Примечания.* <sup>1</sup>Слово написано по смытому тексту <sup>2</sup>Буква е написана по смытой букве <sup>3</sup>Буквы вин написаны по смытому тексту

## № 295

1499 г. апреля 9. Вильна.

Потвержен(ь)е Мик<sup>8</sup>ле Радчинич<sup>8</sup> и жоне его, также | сестре жоны его Андреевои Стецковича на имен(ь)а | Пацолтовские во Мстиславском повете. |

Самъ Александръ, бож(е)ю м(и)л(о)стью великии княз(ь) литовскийи. |

Чинимъ знаменито симъ нашим листомъ, хто на него посмотри<sup>т</sup>, а люб<sup>о</sup> чт<sup>8</sup>чи его слышит, ком<sup>8</sup> будет потребъ того ведати.

Бил намъ | чоломъ Мик<sup>8</sup>ла Радчиничъ и поведил перед нами, што *ж* пон<sup>а</sup>л дочку Пацол<sup>т</sup>ову, сестр<sup>8</sup> Ивашка Пацолтовича на им<sup>а</sup> Ѳедк<sup>8</sup>. И тестъ его Пацол<sup>т</sup>ъ | ъмер, а ш<sup>8</sup>рина его Ивашка Пацолтовича татарове вбили. А тот Ивашко | мел дочку, и после его живота кн(е)г(и)на Мъстиславскаа не хотела жо<sup>н</sup>ы его к тымъ именьям прип<sup>8</sup>стити.

И отец нашъ, корол(ь), его м(и)л(о)сть, во | вси тьи имен(ь)а дал *еи* ѡвезанье, што муж *ее* держаль, дла того, иж она | з м<sup>8</sup>жомъ своимъ мела дочк<sup>8</sup>, тымъ именьям *от*чичку. А потом таа | жона Ивашкова пошла заму<sup>ж</sup> за Сенька Г<sup>8</sup>л(ь)гишевича, а дочка его вмер<sup>л</sup>а.

И перве<sup>8</sup> сего бил намъ чоломъ Мик<sup>8</sup>ла Радчиничъ, абыхмо жон<sup>8</sup> его | и сестр<sup>8</sup> жоны его, Андреев<sup>8</sup>ю Стецковича на им<sup>а</sup> Ганку по близкости | прип<sup>8</sup>стили къ тымъ именьям, къ их *от*чине в тотъ часъ, какъ после | кн(е)гини Мъстиславское Мъстиславль на насъ спал. И мы жону его Ѳедку | и сестр<sup>8</sup> жоны его Ганк<sup>8</sup> прип<sup>8</sup>стили к тымъ именьям, какъ еще есмо | Мстиславла не *от*дали кн(а)зю Михаил<sup>8</sup> Иванович<sup>8</sup> Жеславскому. И казали есмо ем<sup>8</sup> с тых имении нам сл<sup>8</sup>жити и службу земьск<sup>8</sup>ю заступати | поспол<sup>8</sup> со мстиславцы. То пакъ вже после того кн(а)зю Михаил<sup>8</sup> Ива<sup>н</sup>ович<sup>8</sup> Мъстиславль есмо дали, и казал был ему княз(ь) Михаило с тыми || <sup>л. 174</sup> имении собе сл<sup>8</sup>жити.

И он ѿ то бил намъ чоломъ, абыхмо ем<sup>8</sup> не казали | кн(а)зю Михаил<sup>8</sup> сл<sup>8</sup>жити, и тые именья, *от*чину жоны его и сестре | жоны его Ганце потвердили быхмо имъ на вечность.

И мы казали есмо | посмотриети в нашъ *первыи* листь, ино в нашом *первомъ* листе стоить, | што есмо имъ на тыи имениа дали с тых имении, жоны его *отчины*, | емъ намъ слѣжити и служба земская с того намъ застѣповати | посполѣ со мстиславцы. И на его чоломбитье тое есмо вчинили.

И то | им *потвержаемъ* симъ нашим листомъ, и тыи вси имениа *верхѣ* писаны вечно и непорѣшно имъ самымъ и их детям, и их ближнимъ, | и на потомъ бѣдѣчимъ ихъ счадомъ и з слѣгами, и з люд(ь)ми, и челад(ь)ю невол(ь)ною, и з землями пашными, и з бортными, и з реками, и зъ озеры, | и з ловы, и з бобровыми гоны, и дѣбровами, з лесеы, и з боры, и з | сеножат(ь)ми, и съ ставы, и съ ставищи, и со всимъ по тому, какъ здавна в границахъ сѧ своихъ мели, какъ Пацолтъ держал и сын его Ивашко. | Вол(ь)ни они тыи имениа *отдати* и продати, и заменити, и къ церккви записати, и къ своемъ лепышому и вжиточномъ обернути, | какъ сами налелеи розмѣючи. Не хаи они тыи имениа *держать*, | а намъ слѣжат и службѣ земскую застѣпают посполѣ со мстиславцы. Кн(а)зю Михаилу Ивановичу в тыи имениа и в люди <sup>1</sup>не надобе<sup>1</sup> | встѣпати сѧ.

А на твердость того печат(ь) нашу казали | есмо емъ привесити к семъ нашомъ листу.

Пи(и)санъ 8 Вил(ь)ни, в лето | 7007, април(а) 9 день. Индик(т) 2. |

*Примечание.* <sup>1-1</sup> Фраза написана дважды

## № 296

1499 г. апреля 9. Вильна.

Потверженье панѣ Іанѣ Ѡлехновичѣ | на имяне Болванишъки и на иньшые | земли къ томъ имениу вѣчностью. |

Александръ, бож(е)ю м(и)л(о)стью. |

Чинимъ знаменито симъ нашим листом, хто на него посмотрит, а любо || л. 174 об. чтѣчи его вслышит, кому жъ того потребъ бѣдет ведати.

Говорил нам княз(ь) | Воитехъ, бискупъ виленский, што *ж* небожчикъ панъ Ганус Дакгирдович | кѣпилъ имяне на има Болванишки, а потомъ сынъ его, небожчикъ пан | Іакубъ тое имяне, кѣпленину *отца* своего, Болванишки, и тежъ кѣплю свою, | што онъ после *отца* своего к томъ имениу прикупил, *отхода* сего свеѣта, дал и записаль кн(а)зю Воитехѣ, бискупу виленскому, вечно на его парлсѣну, не кѣ костелови. Волен то онъ *отдати*, и продати, и къ своему вжиточномъ обернути, нижли казал кн(а)зю бискупѣ за тое имяне | дати сем(ь)десятъ копъ грошей на клаштор светого Бернадына. И князь | Воитехъ тыи п(е)н(а)зи на клаштор светого Бернадына дал, а тое имен(ь)е | *перворечоное* Болванишки дал и записал брату своему, Іану Ѡлехновичѣ, вечно. И пришедши передъ насъ и просилъ насъ, абыхмо тое имен(ь)е | братѣ его Іанѣ потвердили нашим листом.

И тежъ просилъ насъ Іанъ | Ѡлехновичъ, што *ж* какъ дал емъ тое имяне братъ его, кн(а)зъ бискупъ, | и онъ прикѣпилъ к тому имениу в боѧр нашихъ Ѡшменского поветѣ, | въ Іакуба а в Черкаса Ежевичовъ а в Желеиковъ земли пашныи гаи вечно, | абыхмо то призволили и то потвердили нашим листом.

Ино мы тое | имяне Болванишки, што кн(а)зъ Воитехъ, бискупъ виленский, братъ его, | далъ и записаль емъ, кѣплю небожчика пана Ганусову Дакгирдовича

и сына его, пана Іа́кѡба, и тежъ кѡплю его, што самъ Іа́нъ к томѡ имению прикѡпилъ, потвержаемъ емѡ и жене его, І ихъ детемъ и потомъ бѡдѡчимъ ихъ счадко́мъ вечно симъ на́шимъ листомъ, з людьми, с пашными землами и з гаи, и съ сено́жатями, и со всимъ с тымъ, што к томѡ здавна прислѡхало. І

А на твердость того и печат(ь) нашѡ казали есмо привесити к се́мѡ нашомѡ листѡ.

П(и)сан ѡ Вил(ь)ни, в лет(о) 7007-е, м(е)с(а)ца Іаприл(а) 9 день. Индиктъ 2. ||<sup>л. 175</sup>

## № 297

[1499 г.] апреля 25. Вильна.

Потвержен(ь)е пани Юхновои Ремезовича и сынѡ ее І Криштоѡѡ на люди данники в Троцкомъ І повете вечно́стью. І

Самъ Александръ, бож(е)ю м(и)л(о)стью. І

Была намъ чоломъ пани Юхноваѡ Ремезовича Ѳедка и съ сыномъ своимъ І Криштоѡѡмъ и положила перед нами листь великого кн(а)з(а) Жикгимонта. И в том листу стоить, што *ж* великии кн(а)з(ь) Жикгимонт даль І свекрѡ ее, небожчикѡ Ремезѡ, чотыри ч(о)л(о)в(е)ки, што на него земли І седа́т в Троцкомъ повете на *има* Коишѡтевича, а Еитигаиловича, І а Сонкгова, а Пѡна. И тежъ положила перед нами листь *отца* нашего, І корола, его м(и)л(о)сти. А в томъ листѡ *отца* нашего стоить, што *ж* отецъ І нашъ дал свекрѡ ее, небожчику Ремезѡ, дес(а)т(ь) ч(о)л(о)в(е)ковъ данниковъ на *има* І Сокеика а Тешѡса<sup>1</sup> и их товаришовъ, што блиско его живут, а дани І даю́т лунко патипудное. И была нам чолом, *аж* бѡхмо *еи* и сыну ее тыи І люди потвердили нашим листомъ.

Ино мы *еи* и сыну ее тыи люди потвержаемъ симъ нашимъ листомъ, вечно имъ и ихъ счадко́мъ.

А на твердость того и печать нашѡ казали есмо приложити к се́мѡ нашомѡ листѡ.

П(и)санъ ѡ Вил(ь)ни, април(а) І 25 день. Индик(т) 2. І

При т(ом) были мар(шалок) двор(ный), нам(естник) І мер(ецкий) и ѡн(икштенский) пан Григ(ории) Сѡстик(ович) І а ѡх(мистр), нам(естник) ков(енский) пан Воитех Іа́нов(ич). ||<sup>л. 175 об.</sup>

*Примечание.* <sup>1</sup>Буквы са написаны по смьтому тексту

## № 298

[1499 г.] апреля 26. Вильна.

Лист жидовце новокрещенои Іа́хновои Анне І на землю в Дорсѡни[ш]скомъ повете. І

Самъ Александръ, бож(е)ю м(и)л(о)стью. І

Мечномѡ нашомѡ, наместнику дорсунишскомѡ и езденомѡ пану Вои́техъ Ивашковичу и инымъ наместникомъ нашимъ, хто потомъ ѡтъ нас І *будет* Дорсунишки держати.

Была намъ чоломъ Іа́хноваѡ Анна и пове́дила намъ, што *ж* мужъ ее Іа́хно закѡпил был в нашего ч(о)л(о)в(е)ка в Дорсунишскомъ І повете на *има* въ Іа́на<sup>1</sup> Іа́внеиковича



половину земли. И какъ | есмо выслали зъ земли нашею жидовъ, и она покрестила сѧ в нашу | веру римскую. И мы были казали ближнимъ за тѣю землю п(е)н(ѧ)зи | отложити, а землю себе взати. И тыми разы была намъ чоломъ, | абыхмо не казали в нее тое земли откѣпати. И просила насъ, абыхмо еи тѣю землю дали и теж, абыхмо еи и другѣю половину тое | земли дали.

Ино мы еи всю тую землю, што в п(е)н(ѧ)зехъ в нее была, | и другѣю половину тое земли дали за их шкоды, што в нихъ побрално. Нехаи она всю тѣю землю, што | ѿн держаль, держитъ вечно, а нам | с нее конемъ слѣжитъ пѣтною службою. А даколь еи с тое земли | не надобе давати, а ни иныхъ некоторыхъ слѣжобъ слѣжити. |

П(и)санъ 8 Вил(ь)ни, април(ѧ) 26 день. Индик(т) 2. |

Пр(и) [том] были мар(шалок) двор(ный), нам(естник) мер(ецкии) | и оник(штенский) пан Григ(ории) Стан(кович) а ох(мистр) | вел(икое) кнез(ини), нам(естник) ков(енский) п(а)н Воит(ех) | ѿнович. ||<sup>л. 176</sup>

*Примечание.* <sup>1</sup>Далее в строке въ |ѿна; буквы въ |ѿ зачеркнуты более светлыми чернилами

## № 299

[1501 г.] января 10. Мельник.

## 3 стороны записан(ь)ѧ.

Ѹт Богѣша жоне своеи ста коп грошей на Козерадех. |

В Мел(ь)никѣ, м(е)с(ѧ)ца ген(вара) 10. Индик(т) 4. |

Перед Ѹедькомъ писаремъ Григор(ь)евичомъ розмовал дьякъ королев | Богушъ з отцем своимъ паномъ Богушомъ тым обычаемъ: «Записал деи твоѧ м(и)л(о)сть паней своеи, а нашои мачосе именье свое Козерады 8 двустѣ копах». И онъ рекъ: «|ѿ деи знаю, ижемъ записал | 8 сту копах, а бол(ь)шемъ еи не записаль».

И при томъ были Старый Закон | а Сысои, а Тюнкель, а Сенюта, а Сестренець. |

## № 300

[1499 г.] мая 2. Вильна.

## Привилеі князю Семенѣ Юр(ь)евичѣ на яр|маркъ в месте его Степаню. |

Александръ, бож(е)у м(и)л(о)стью великии княз(ь). |

Биль намъ чоломъ староста луцкии, маршалокъ Волынское земли | кн(ѧ)зь Семень Юр(ь)евичъ и просил в насъ, абыхмо емѣ дозволили ярмарок | мети въ Степани. И поведил перед нами, што ж месту нашему Луцколмѣ не шкодно естъ. И мы на его чоломбит(ь)е то вчинили и тот ярмарокъ | в месте его въ Степани призволили есмо емѣ мети на светого | Спаса день ѡдинаво в годѣ.

П(и)санъ 8 Вил(ь)ни, маѧ 2 день. | Индик(т) 2. |

При т(ом) были кн[ѧ]з(ь) Вои(тех) бис(куп) вил(енский), воев(ода) вил(енский), | кан(цлер) пан Мик(олаи) Ради(вилович), пан вил(енский), нам(естник) город(енский) | кн[ѧ]з(ь) Алек(сандр) Юр(ьевич), стар(оста) жом(оитский) пан Станислав | |ѿн(ович) и инии панове рада. ||<sup>л. 176 об.</sup>

## № 301

[1499 г.] мая 3. Вильна.

Привилеі князю СеменѸ Юр(ь)евичѸ на плац | в месте  
Виленскомъ вечностью. |

Сам Александръ, бож(е)ю м(и)л(о)стью. |

Биль намъ чоломъ староста лѣцкии, маршалокъ Волынское | земли кн(а)зь Семень Юр(ь)евичъ и просил в насъ местца Ѹ Вил(ь)ни на лѣце | блиско реки Вел(ь)и, где бы мел дворъ собе справити. И мы казали того местца Ѹсмотрети и емѸ завести городничому виленьскомѸ ЗанькѸ. И Занько того местца Ѹсмотрелъ и ему завел | по реку Вел(ь)ю а по дорогѸ, што идет Ѹтъ Солтановского дворца | Ѹт Шешкина, всего того местца какъ бы на бочкѸ жита, и то нам | Ѹтказал.

И мы тое местце дали есмо емѸ вечно по томѸ, какъ Зан(ь)ко | городничии емѸ завел. Нехаи Ѹн тамъ собе двор справит.

П(и)санъ | Ѹ Вил(ь)ни, маѸ 3 день. Индик(т) 2. |

При т(ом) был кн[а]з(ь) Мих(аил) Л[ь]во[вич] Глин(ский). |

## № 302

[1499 г.] мая 17. Вильна.

Вырок межи писаром короля, его м(и)л(ости), Петрашком |  
а Григор(ь)ем новгородцом и жоною его Ѹ некоторые | речи  
рѸхомые и грошы. |

Александръ, бож(е)ю м(и)л(о)стью. |

Смотрели есмо того дела.

Жаловал намъ писар Ѹтца нашего, короля, его м(и)л(ости), Петрашко, а инако ПерѸиреи, на Григор(ь)Ѹ новгородца | и на его жону и на свою теж<sup>1</sup> первую жону Мар(и)ю, искал на них грошей многих и сѸдѸ серебряного и ииших речей и статковъ своих. И поведиль | перед нами Петрашко, што жс вже з нашего полецан(ь)Ѹ хотел их || <sup>а. 177</sup> Ѹ то смотрети нареченыи митрополит киевский и всеѸ Руси, владыка | смоленский ИоосиѸ. И при владыце в тот часъ пригодил ся писар нашъ Ѹедко | Ёднушковичъ, а наместникъ молодеченский Богдан Кореивичъ, а МикѸла РадѸичъ, иных людеи много при нем было. «И почали ма Ѹ то перед владыкою еднати. И давали ми полчетвертаста копь грошей широкихъ, а ковьшь великии серебряныи, а под тымъ десат(ь) ковшовъ серебряныхъ же, | а кѸбокъ серебряныи позолочаныи. И хотели ми вси иишии мои речи | и статки поѸтдавати. И Ѹа к тому не пристѸпил дла того, што жс ми | грошей моих давали мало и сѸдѸ серебряного». И Григорей съ жоною своєю к тому не признали сѸ.

И мы казали стати перед нами владыце | и пытали есмо его Ѹ томъ, смотрел ли бѸдет того межи ними, и было л(ь) тое еднанье перед нимъ. А писар нашъ Ѹедко ЁднѸшковичъ тут же | при нас был, и Богданъ Кореивичъ. И митрополит поведил перед нами, | и жс была розмова ПетрашкѸ перед ними и еднанье. И списокъ митрополитъ положил перед нами, што Григорей съ своєю жоною давал ПеѸтрашкѸ гроши и сребро, и статки его, и то светчиль.

И мы порозѸмевши по томѸ списку и пытали есмо Петрашка, приступае[т]<sup>2</sup> ли | к томѸ, какъ было еднанье межи них, и въ списку митрополитовом | написано. И Петрашко с ними <sup>3</sup>персе Ѹ томъ много а<sup>3</sup> поѸтом<sup>4</sup> пристѸпил.

И мы подлугъ того еднанья, какъ в списку митропол(ь)емъ написано, присѣдили есмо ПетрашкѸ. Маеѣ Григореи | и съ своею жоною дати емѸ полчетвертаста копь грошеи широких | подлугъ еднанья своего, а ковшъ серебряный великий, а под тымъ | десять ковшовъ серебряныхъ же, а кѸбокъ серебряный позлочивалныи, а ризницѸ его со всимъ, и сватости, и кн(и)ги. А к томѸ маюѣ емѸ | поотдавати всю его челад(ь), и зброи, и шаты, и кони, и свирепы, и што | естъ в них его статковъ и иньшихъ речеи, то все маюѣ емѸ поотдавати, | на што ѿн доводъ вчинить. И ѿ тыхъ грошех, ѿ полчетвертаста | копь, приказали есмо маршалку нашомѸ, наместнику мерецкому || *л. 177 об.* и ѿникштенскомѸ пану Григор(ь)ю Станковичу Ѹстиковича роки вделати, | абы то поотдавано емѸ было до годѸ. А ковши и ризницу со всимъ, и сватости, и зброи, и челад(ь), и шаты, и кони, и свирепы, и жеребата, и вси | его статьи маюѣ ему ѿтдати тыми разы передъ нашими вижи, | передъ Богданомъ Кореивичомъ а передъ Ѳедькомъ Ёдцковичомъ, владыкою | теж.

И ѿ иньи речи жаловалъ намъ Петрашко на Григор(ь)я и на его | жону. И мы ѿ томъ наконецъ казали ѿ томъ межи ними досмотрети и справедливость томѸ вчинити маршалку нашомѸ | пану Григор(ь)ю СтанковичѸ Ѹстиковича.

П(и)санъ 8 Вил(ь)ни, маѣ | 17 день. Индик(т) 2. |

При т(ом) были воев(ода) ки[евский] кн[а]з(ь) Дм(итрии) Пу[татич], | м(а)р(шалок) двор(ный), нам(естник) мер(ецкий) и ѿн(икштенский) п(а)н Григ(орий) | Стан(кович) Ѹс(тиковича), ѿх(мистр) вел(икое) кн(е)з(ини), н(а)м(естник) ков(енский) п(а)н Во(итех) Ёдн(ович). |

*Примечания. <sup>1</sup>Слово вписано над строкой <sup>2</sup>Буква е исправлена из другой <sup>3-3</sup> Написано другим почерком <sup>4</sup>Буквы по написаны другим почерком*

**Лист** до воита и мещан киевскихъ з стороны | пожитковъ з места Киевског(о), воеводе киевскомѸ | прыходачыхъ. |

**Сам** Александръ, бож(е)у м(и)л(о)стью великий кназ(ь) литовский. |

**ВоитѸ** места Киевского, бурмистром и радцомъ, и всимъ мещаномъ.

Што | жаловалъ намъ очевисто на васъ воевода киевский кн(а)зъ Дмитреи ПѠтатичъ, што *ж* которыи врады и пошлины городский | первыи воеводы заведали, и тыи врады роздаивали и пошлины | биривали на город. Ино какъ есмо дали вамъ право немецкое, и вы *деи* | вси врады и пошлины городский за себе забрали. И мы казали ѿбо ѿс(их) тыхъ речахъ межи вами досмотрети кн(а)зю ВоитехѸ, бискупу виленскомѸ, и панѸ виленскомѸ, наместникѸ городенскомѸ кн(а)зю АлександрѸ Юр(ь)евичѸ, и старосте жомоитскомѸ пану Станиславу ЁдновичѸ. И они ѿ томъ межи вами смотрели и то намъ ѿтказали.

Напервеи || *л. 178* што жаловалъ кн(а)зъ Дмитреи на васъ, што *ж* коли которыи кѸпцы а любо казаки | приходѣѣт до Киева и становѣѣт сѣ в мещан на подворьи, и тыи мещане ѿбѣщивали ихъ воеводе киевскомѸ. И вы тыми разы *тот* врадъ за себе были взяли. | И мы тое дело вранили подъ тою мерою. Коли которыи кѸпцы а любо ко/заки приходѣѣт до Киева а в которого мещанина стануть на подворьи, *тот* | мещанинъ маеѣ ихъ ѿбѣстити воеводе киевскому, або наместнику его, | подлугъ давнего ѿбычаѣѣ. А естли бы которыи з васъ мещанинъ не хотель | кѸпца або козака воеводе ѿбѣстити, на томъ воеводе киевскому двѣнадцать копь грошеи вины.

Такеж дрѣгии члонокъ, што сѧ дотычет ѡсмьництва. Перед тымъ тотъ врадъ воевода даивал слѣгамъ своимъ, тое ѡсмьництво держати. Ино коли которого кѣпца христианина, або мешчанина, або козака застанетъ ѡсмьникъ, непочестныи речи делаючи зъ белыми головами, тогда на том<sup>1</sup> наместникѣ<sup>2</sup> митрополичомѣ хоживала | впрочемъ вина. А воевода таковыхъ чимъ хотелъ, тымъ каривалъ. И мы и тое | дело врадили такъ. Коли ѡсмьникъ воеводинъ застанетъ которого мешчанина, або кѣпца, а любо козака христианина, зъ белыми головами непочестныи речи делаючи, ино наместнику митрополичому съ того | впрочемъ вина, а воеводе съ того вины копа грошей. А коли застанеть | ѡсмьникъ въ таковыхъ речахъ госта турчина, або татарина, а любо ѡрманина, тогда воеводе съ такового вины дванадцать копъ грошей. |

Тежъ которыи козаки зъ верху Днепра и съ ыншихъ сторонъ ходѧтъ водою | на низ до Черкасъ и далеи, а што тамъ здобудутъ, съ того со вьсего воеводе десятое маютъ давати. А коли рыбы привозѧтъ зверхѣ або знизѣ | просол(ь)ныи и валыи до места Киевского, тогда маетъ ѡсмьникъ воеводинъ то ѡсмотрети и ѡбмытити, и маеть на городъ взяти ѡтъ бочки | рыбъ по шести грошей, а ѡтъ валыхъ рыбъ и свежихъ десятое. А коли привезѣтъ до места Киевского рыбу свежью ѡсетры, тогда не маютъ | ихъ цел(и)комъ продавати, алижъ мѣсить ѡсмьникъ ѡтъ каждаго ѡсетра | по хребтине взяти, а любо ѡтъ десяти ѡсетровъ десятого ѡсетра. || л. 178 об.

Такежъ которыи перекудники на радѣ седѧтъ и хлебы продаютъ и иныи ярины, тыи вси мають давати ѡсмьнику воеводину въ каждью субботу ѡтъ | товарѣ по ден(ь)зе. А которыи ч(о)л(о)в(е)къ похочеть новотныи на раду сести, | и тыми стравьными речами торговати, тотъ маетъ дати ѡсмьникѣ кѣпцу дванадцать грошей.

Тежъ естли на берегѣ на реце котофраѧ сѧ комѣ там(ь)ба станетъ въ чомъ, какъ бы ѡтъ берега палицею докинѣти, тогда такову татьбу побережнью маеть ѡсмьникъ | сѣдити воеводинъ.

Такежъ коли хто въ кого покрадетъ платье белое, | або жонка и зъ жонкою поб(ь)еть сѧ, таковое дело маеть сѣдити ѡсмьникъ воеводинъ зъ наместникомъ митрополичимъ.

И ѡ тыхъ ѡбо вьсехъ рѣчахъ и врадахъ и доходехъ ѡпытывали есмо наместника полоцкого | пана Юр(и)ѧ Пацевича, какъ ѡтца нашего, короля, его м(и)л(о)сти, Киев | держалъ. И онъ того дела вьсего ведомъ былъ, какъ издавна бывало. | И панъ Юрии передъ нами поведилъ, што жъ издавна тыи вси врады и пошлыны и доходы къ городѣ слѣшали, и то заведывалъ ѡсмьникъ | воеводинъ, какъ въ семъ нашомъ листе вышешъ выписано.

Про то жъ и тыми разы приказѣмъ вамъ подъ виною нашою сто копъ грошей, ажъ | бы есте въ тыи ѡбестьки<sup>3</sup> и въ тое ѡсмьництво не вступали сѧ | и дали емѣ въ томъ впокою. Нехай тыи врады, ѡсмьницт[в]о и тыи вси | пошлыны заведаетъ ѡсмьникъ воеводинъ подлугъ давного ѡбычаѧ. |

Тежъ поведалъ намъ панъ Юрей Пацевичъ, што жъ которыи кѣпцы коли | едѣтъ съ Киева и возы свои товаромъ т.ажко накладывають для мыта, ижъ бы воевъ мен(ь)шеи было, и въ которого кѣпца возъ поломитъ сѧ | съ товаромъ на ѡднѣ сторону по Золотыи ворота, а на дрѣ[гу]ю сторону по Погаину рекѣ, ино тотъ возъ съ товаромъ биривали на воеводѣ киевского. И мы и тое врадили по-старому, какъ и передъ тымъ бывало.

Такежъ што лѣчники киевскыи даивали воеводе лѣки къ Велико дню и къ Божемѣ Нароженью, тыми разы и тыхъ лѣковъ не хотели емѣ давати. И мы и то врадили по-давномѣ. Маютъ лучники || л. 179 тыи лѣки воеводе давати къ Велико дню и къ Божемѣ Нароженью, какъ и передъ | тымъ даивали.

Тѣм ковали и чоботари мают воеводе давати топоры и чоботы подлугъ давнего обычаю. И вы бы и въ тыи доходы | не встѣпали сѧ конечно.

П(и)сан 8 Вил(ь)ни, маѧ 14 день. Индик(т) 2. |

Правили кн[А]з(ь) Вои(тех) бис(куп) вил(енский), воев(ода) вил(енский), | кан(цлер) п(а)н Мик(олаи) Ради(вилович), п(а)н вил(енский), нам(естник) гор(оденский) кн[А]з(ь) | Алекс(андр) Юр(ьевич), стар(оста) жом(оитский) п(а)н Стан(ислав) Ёдн(ович), нам(естник) пол(оцкии) | пан Юр(ии) Пац(евич), мар(шалок) двор(ныи), нам(естник) мер(ецкии) и ѿн(икштенский) пан | Григ(ории) Стан(кович) Ёсти(кович) и иныи панове рада. |

Ёднушко писар. |

Примечания. <sup>1</sup>Над словом помета схожими чернилами 2 <sup>2</sup>Над словом помета схожими чернилами  
<sup>1</sup> Буквы обе исправлены из других

№ 304

[1499 г.] мая 8. Вильна.

**В**ырок межы сотниками бранскими и наместни|ком бранским  
 ѿ некоторые крѣвды и новины, etc. |

Александръ, бож(е)ю м(и)л(о)стью великии княз(ь). |

Смотрели есмо того дела.

Жаловали намъ сотники бранский на наместника бранского на кн(А)за Ѳедора Ивановича Жеславского, што *жс деи* «ѿн | *делает* намъ великии крѣвды и новины *ѡводит*». Коли ездит со Бранска на | нашѡ слѡжбу, або на свои потребности до своих именеи, и «берет деи в насъ | подводы и велит намъ на себе станы справлати и стацями поднимати. А здавна деи мы наместником бранским подвожд не давали | и становъ на них не справливали и стацями их не поднимывали». | И мы казали ѡ том межы ними досмотрети и справедливость вчинити воеводе виленскомѡ, канцлерѡ нашомѡ пану Николаю Радивилловичѡ. И пан воевода ѡ томъ межы ними смотрел. И княз(ь) Ѳедор перед | паном воеводою жадного доводѡ на них на то не вчинил, *и жс* бы ѿни здавна | наместникомъ бранскимъ, коли на службу нашѡ ездѧт, або до своих | именеи, подводы давали и станы справлали и стацями их | поднимывали<sup>1</sup>. И тыи сотники ѡ том слали сѧ на боѡр бранских и на всю || <sup>л. 179 об.</sup> волость Бранскѡю, што *жс* то им новина, а здавна того не бывало. И кн(А)з(ь) | Ѳедор ѡ то не послал сѧ. И пан воевода того межы ними досмотревши, и их в том правых нашоль, и *тот суд* свои намъ ѡтказал.

И мы ещо над то | ѡ томъ опытали воеводы киевского кн(А)за Дмитрея Пѡтатича, как | ѿт ѡтца нашего, короля, его м(и)л(о)сти, Бранскѡ держал, какии обычаем таѧ | сѧ речъ мела. И кн(А)з(ь) Дмитреи перед нами поведил, што *жс* какъ ѿн ежчивал со Бранска на нашу службу, або до своих именеи, и ѿни давали емѡ | подводы до перемены. И ѿни мовили, што *жс* кн(А)з(ь) Дмитреи то был | имъ новину ѡвел, «а здавна деи есмо таки подвожд под наместники не | давали и станов на них не справливали».

Ино коли то им новина, а здавна ѿни наместником бранскимъ подвожд и стации не давали, и мы | подлугъ сѡда пана воеводина такъ врадили. Наместником бранским, | коли ѿни поедѡтъ на нашѡ службу, або до своих именеи на свои потребы, не надобе им подвожд давати и станов на них справлати и | стацями их поднимати, бо мы никомѡ новины не въводимъ | а старины не рѡшаем.

П(и)сан 8 Вил(ь)ни, маа 8 ден(ь). Индик(т) 2. |  
 Приказ(ал) воев(ода) вил(енский), кан(цлер) пан Мик(олаи) Радивило(вич). |

*Примечание.* <sup>1</sup>Буквы ыва исправлены из других

## № 305

[1499 г.] мая 16. Вильна.

Вырок межи татары Довлетияром | а Бахтияром Сеитовичы  
 а паном Ёдном | Петровичом ѿ люди Скорбеевичи. |

Сам Александръ. |

Смотрели есмо того дела.

Жаловали нам ѿчевисто татарове н(а)ши | Довлетияр а Бахтияр Сеитовичи на маршалка нашего, наместника | марковского на пана Ёдна Петровича, што *ж* он посотнимал в них люди | их *отч*иньнии, выслугъ *отца* их, што *отец* ихъ выслѣжил тьи люди на *отцы* нашом, короли, его м(и)л(о)сти, на *има* Скорбеевичи, што предокъ || <sup>л. 180</sup> ихъ Исупъ держалъ.

И пан Ёднъ перед нами поведил, што *ж* тьи люди ег(о)<sup>1</sup> праде|дина ест, а держалъ их прадед его, пан Петрашъ Монкгирдовичъ к двору своємѣ Кнежичом, и дед пана Ёдновъ, и *отец* его тых *людеи* был в держаньи. | И тьи Сеитовичи вказали перед нами листь *отца* его<sup>2</sup>, пана Петров, | воеводы троцкого, што панъ Петръ тых *людеи* имъ постѣпил с.а. Теж | вказывали листь *отца* нашего, корола, его м(и)л(о)сти, што *ж* был прадед пана | Ёдновъ, панъ Петрашъ Монкгирдовичъ, тьи люди Скорбеевичи за себе забрал, а предку их Исѣпу дал был напротив того стрел(ь)ника новгородского | Хилимона. И какъ панъ Петрашъ з Новагородка зъехал на Полтеско, и Исупъ | того стрел(ь)ника самъ покинул, и *оплат*(ь) тьи свои люди Скорбѣевичи собе възал. И *отец* нашъ, корол(ь), его м(и)л(о)сть, в того стрел(ь)ника казал ѣвезати с.а к Новугородку. И мы над то еще писали до городничого новгородского Гринка | Масковича, и дворанина нашего Васка Ивашковича посылали и казали | есмо ѿ том ѿпытати старых *людеи* ѿбапол(ь)ныхъ, какъ им тое дело | сведомо. И Гринко Масковичъ ѿ том ѿпытывал тых старых *людеи*, | шести ч(о)л(о)в(е)ковъ. И ѿни перед нимъ поведили, што *ж* таа речъ такъ с.а | мела, какъ в листех *отца* нашего, корола, его м(и)л(о)сти, выписано. И онъ | ѿ тое дело до нас *отписал* и дворанином нашимъ *отказал*.

И мы того | досмотревши, тых татаровъ Довлетияра а Бахтияра Сеито|вичовъ в томъ правых нашли, и тьи люди Скорбеевичи имъ есмо | присѣдили. А панѣ Ёдну воеводичѣ в то вже не надобе встѣпати с.а. | И казали есмо их в тьи люди ѣвзати тому *ж* дворанину нашомѣ Валску. Такеж што *которыи* ч(о)л(о)в(е)къ тых же Скорбеевичовъ *сидит* на пана | Ёднове земли Кн(а)жицькои, и мы и того ч(о)л(о)в(е)ка казали с тое земли звелсти тому *ж* дворанину нашомѣ со всеми *статки* его и подати тым | Сеитовичомъ. А што бѣдет пан Ёднъ в тых *людеи* их пограбил, и тьи | вси грабежи казали есмо пану Ёднѣ им поотдавати.

П(и)сан 8 Вил(ь)ни, | маа 16 день. Индик[т]ъ 2. |

Пр(и) [том] был(и) пан вил(енский), нам(естник) гор(оденский) кн[а.]з(ь) | Алек(сандр) Юр(ьевич), стар(оста) жом(оитский) пан Ст(анислав) Ёдн(ович). || <sup>л. 180 об.</sup>

*Примечания.* <sup>1</sup>Слово вписано над строкой <sup>2</sup>Слово написано по смытому тексту

## № 306

[1499 г.] апреля 29. Вильна.

Потвержен(ь)е пан8 Ивашк8 Сопежич8 на | п8стовщин8  
Земцов8 и местцо Рев8товское 8 Браславскомъ повете  
вечност(ь)ю. |

Самъ Александръ, бож(е)ю м(и)л(о)стью. |

Биль намъ чоломъ писар нашъ Ивашко Сопежичъ и клал перед нами лист | наместника браславского, пана Юр(и)а Зеновьевича, што *ж* онъ дал ем8 пустошину 8 Браславском повете близко озера Икажна на има Земцов8. И теж | поведил намъ, што *ж* ч(о)л(о)в(е)къ нашъ браславец на има Ревут и з дет(ь)ми своими | переп8стили ем8 землицы свои на селид(ь)бу над озеромъ Икажномъ. |

И бил намъ чолом, абыхмо ем8 тую вышеписаную п8стовщину Земцовщину и тое местцо, што ем8 Ревут переп8стил, потвердили | нашим листом.

Ино мы ем8 тую п8стовщину Земцову и местцо | Ревутовское, што ем8 он на селид(ь)бу его двора дал, потвержаемъ Ивашку Сопезе и его детемъ вечно.

П(и)сан 8 Вил(ь)ни, април(а) 29. Индик(т) 2. |

При т(ом) б(ы)л кн(а)з(ь) Мих(аил) Глин(ский), писар латин(ский) Еразмус. |

## № 307

1499 г. мая 16. Вильна.

Привилеи тому *ж* пан8 Ивашк8 Сопезе на дом | и корчму  
в месте Браславском. |

Сам Александръ, бож(е)ю м(и)л(о)стью. |

Чинимъ знаменито симъ нашим листомъ, хто на него посмотреть, | а любо чт8чи его вслышит, кому будет потреб того ведати.

Бил нам | чолом писар нашъ Ивашко Сопежич и поведил нам, што *ж* к8пил домъ | 8 месте Браславском 8 подкониюшого браславского 8 Васка. И просил | насъ, абыхмо дозволили ему 8 том дому мети корчму, пиво и мед, || <sup>а. 181</sup> с которое *ж* корчмы плат тотъ доп8стили быхмо на церковь бож(е)ю Св(е)того Д8ха | на Икажно давати въ каждыи год.

Ино мы дозволяемъ ему 8 том его дом8 [8] Браславском нашом месте корчму мети, пива, и мед, и тот плат корчомныи, всю капъщину пивную и медов8ю даемъ церкви божи, Светому Д8ху на Икажне вечно, | непор8шно на веки векомъ, как<sup>1</sup> плебана корчмиты плебаном браславским дають. | А наши наместники браславский и теж дворане наши тыи, которых посылаем по плат корчомныи до Браслава, с того дому зъ его корчмита не мають никоторое капъщины брати. Теж наместником браславским<sup>2</sup>, хто коли от насъ будет Браславль держати, не надобе с а имъ в того его корчмита церковного | вст8пати с а, а ни его с8дити, ни радити, а ни сл8гамъ его теж не надобе | въ его подворьи становити с а.

А на твердость того и печат(ь) нашу казали | есмо приложити к сем8 нашом8 листу.

П(и)сан 8 Вил(ь)ни, в лето 7007-е, | м(е)с(а)ца маа 16 день. Индик(т) 2. |

При т(ом) был(и) воев(ода) вил(енский), канцль(ер) пан Мик(олаи) Ради(вилович), | м(а)р(шалок) двор(ный), нам(естник) мер(ецкий) и оник(штенский) п(а)н Григ(ории)

Ѓр(стикович), ѡх(мистр) вели(кое) | кн(е)г(ини), нам(естник) ковен(ский) пан  
Воит(ех) Ѓдновичъ. |

*Примечание.* <sup>1</sup>Слово вписано над строкой

## № 308

1499 г. мая 31. Вильна.

Вырок, ал(и)бо потвержен(ь)е Корнил8 а Ивашк8 |  
Андреевичом на имен(ь)а т8ровские З8бачи, Лит|виновичи,  
Клюковичи, Микшичи, Полвиц8, Ломную, | Н8рец,  
Ѓтолчичи, Пореч(ь)е, Полкотичи, Могил(ь)ную, Глинную,  
Перковичи, etc. |

Самъ Александръ, бож(е)ю м(и)л(о)стью. |

Чинимъ знаменито сим нашимъ листомъ, хто на него посмотри<sup>т</sup>, або | чтучи его  
вслышит, кому будет потребъ того ведати.

Смотрели | есмо того дела с паны радою нашою.

Жаловала намъ пани Ѓрославоваѡ Волчковича на дворан наших, на брат(ь)ю  
свою, на Корнила а на Ивашка Анд<sup>р</sup>еевичов, што *ж* ѡни не хотѡт *еи* дел(ь)ницы  
дати в ыменьѡх, въ материзне || <sup>н. 181 об.</sup> *ее*, на *има* въ З8бачох, а в Литвиновичах, въ  
Клюковичох, в Микъшичох, в Полвицы, | въ Ломнои, в Нурци. И Корнило а Ивашко  
поведили перед нами, што *ж* ѡтец | нашъ, корол(ь), его м(и)л(о)сть, ѡтц8 ихъ,  
Андрею, призволил понѡти дочку в Ту|ра и с тыми именъи. И после Турова живота  
его м(и)л(о)сть тьи вси именъѡ ѡтц8 их далъ за его службу, и на то ем8 и листь свои  
дал. И вказывали | перед нами тотъ лист ѡтца нашего. Теж поведали перед нами,  
што *ж* тую | сестру их, панюю Ѓрославовую, матка их, ѡтдаючи заму<sup>ж</sup>, вывеновала  
ее | с тыхъ именей и выправила всеми речами. И ѡна и сама к тому сѡ признала, што  
*ж* матка ее с тых именей вывеновала и выправила.

Ино коли ѡтец *наш*, | корол(ь), его м(и)л(о)сть, ѡтцу их, Андрею, призволил в Т8ра  
дочк8 понѡти с тыми имен(ь)ѡ | и по Т8рове животе листь свои ем8 дал на тьи вси  
имен(ь)ѡ за его службу, а матка их т8ю дочк8 свою, их сестру, всеми речами выправила  
и вывеновала, | и мы того досмотревши, Корнила а Ивашка Анд<sup>р</sup>еевичов в томъ  
есмо прѡвѡх нашли. И тьи вси имен(ь)ѡ, высл8гу ѡтца их, Зубачи, а Литвиновичи,  
а Клюковичи, а Микшичи, а Полвиц8, а Ломную, а Нурец имъ есмо присудили подлугъ  
листь ѡтца нашего, короля, его м(и)л(о)сти. А *тои* сестре ихъ, паней Ѓрославовои,  
паней Ганне, и иным сестрам ихъ в то вже не надобе вступати | сѡ и вена своего на них  
не искати. И вси тьи именъѡ, выслуг8 ѡтца их, чого *ж* | ѡна под ними искала, и теж  
именъѡ их ѡтчинъни, што в Пинском повете, | на *има* Ѓтолчичи, а в Поречъи две  
дворища, а в Полкотичах дворище, а в Могил(ь)нои две дворища, а в Глиннои<sup>1</sup> половина  
села, а Пирковичи, вси потвержаем | сим нашим листом вечно и непор8шно им самым,  
их жонам, и их детемъ, | и их ближнимъ, и на потом будущим их счадкомъ, и з люд(ь)ми  
служебными, и тѡглыми, и данными, и з землами пашными и бортными, и з ловы,  
и зъ ловищи, и з бобровыми гоны, и з лесы, и з д8бровами, и з боры, и з болоты, |  
и сѡ сеножат(ь)ми, и з гаи, и сѡ хворосты, и з ѡзеры, и зъ реками, и зъ речками, |  
и с криницами, и сѡ ставы, и сѡ ставищи, и з млыны, и сѡ сажавками, и сѡ спѡлстовники,  
и з данью грошовою<sup>2</sup> и медовою, и со всеми платы, и доходы, | и подат(ь)ми, и со



всим по томѸ, какъ тыи вси именья отец ихъ держал || <sup>н. 182</sup> и какъ издавна въ границах сѧ своих мели. Вол(ь)ни оѡни тыи именья свои | отдати, и продати, и заменити, и по дѸши дати и даровати, кого хотѧ|чи, и кѸ своему лепшомѸ и вжиточному ообрнути и ро[с]ширити, как сами | налепи розѸмеючи.

А на твердость того и печат(ь) нашу казали есмо привесити к семѸ нашомѸ листу.

Пи(и)сан Ѹ Вил(ь)ни, в лето 7007, м(е)с(а)ца | маѧ 31 день. Индик(т) 2. |

При том были кн[а]з(ь) Вои(тех) бис(куп) вил(енский), воевод(а) вил(енский), | кан(цлер) п(а)н Мик(олаи) Ради(вилович), п(а)н вил(енский), нам(естник) гор(оденский) кн[а]з(ь) | Ал(ександр) Юр(ьевич), ст(ароста) жом(оитский) пан Стан(ислав) Ёдн(ович), гет(ман), нам(естник) брас(лавский) | и вен(ицкии) кн[а]з(ь) Кос(тантин) Иван(ович) Ёстроз(ский), мар(шалок), нам(естник) вит(ебский) | пан Стан(ислав) Глеб(ович) и иныи панове рада. |

*Примечания. <sup>1</sup>Слово написано по смытому тексту <sup>2</sup>Буквы во вписаны более светлыми чернилами*

## № 309

[1499 г.] июня 12. Вильна.

**Вырок** межи князѧми Ёдинцевичами | ѡ скарбѸ матъки ихъ. |

Сам Александръ. |

Смотрели есмо того дела.

Жаловали нам кн(а)зѸ Дмитрей, а кн(а)зѸ Богдан, | а кн(а)зѸ Григорей Ёдинцевичи на брата своего, на кн(а)зѧ Ивана, што *ж* он не | *хочет* имѸ дел(ь)ницы дати в скарбе матки ихъ. И кн(а)зѸ Иванъ | *перед* нами поведил, што *ж* матка их вси скарбы свои и челад(ь) *отписала* дочце своеи и сестре | их, кн(а)жне Мар(и)и. И таѧ сестра их мешкала въ брата своего, въ кн(а)зѧ Ивана, *аж* до смерти своее. И *вмираючи*, тыи вси скарбы и челад(ь), материзну свою, *отписала* кн(а)зю Ивану, братѸ своему, в дѸховницы. И тую дѸховницѸ он *перед* нами *вказывал*.

И кн(а)зѸ Дмитрей, а кн(а)зѸ Богданъ, | а кн(а)зѸ Григорей рекли, што *ж* тых скарбовѸ матъки их не тол(ь)ко было, але бол(ь)шеи того, *нижли* в дѸховницы написано. И кн(а)зѸ Иван к *инымѸ* || <sup>н. 182 об.</sup> речам сѧ признал, а к *иномѸ* сѧ не знал.

И мы того *смотревши*, *врадили* есмо | такъ. Што *ж* которыи скарбы княжна Мар(и)ѧ брату своему, кн(а)зю Ивану, *отписала* в дѸховницы *своеи*, то *мает* таки он держати, а къ чомѸ князѸ | Иванъ и къ которым речам сам признал сѧ, што в дѸховницы не написано, то *мает* и з брат(ь)ею своею на четверо делити. А къ которым речам не признал | сѧ, на то *мает* присагнути, што тых речеи в себе не *мает*.

Пи(и)сан Ѹ Вил(ь)ни, | июн(а) 12 день. Индик(т) 2. |

## № 310

[1499 г.] июня 13. Вильна.

**Вырок** межи паном Шандром, а паном Петром, | а паном Ивашком Котовичами с паном Ёдном | а паном Воитехом Новосиловскими ѡ землю | ГорскѸю. |

Сам Александръ, бож(е)ю м(и)л(о)стью. |

Смотрели есмо того дела с паны радою нашою.

Што перво сего жаловали | намъ пан Шандро, а панъ Петръ, а панъ Ивашко Котовичи на пана Ёдна | а на пана Воитеха Юр(ь)евичовъ Носиловских, рекъчи тым обычаем, што *ж* дед | их, пан Аньдреи Исаковичъ, зашол землю их людеи *от*чинъную Горскую с ыменья своего с Погорелого. И панове Котовичи вziali в нас на тое дело | съ своеи рѣки суд(ь)ю, писара нашего, наместника стоклишского Ёедка | Григор(ь)евича. А панове Юр(ь)евичи вziali в насъ на тое дело съ своеи руки судью | наместника молодеченского Богдана Кореивича. И тыи суд(ь)и там выездили | и по границам ездили, почонши *от* Добреицы реки и до болота Розсохи, и рубежовъ осматривали и светковъ ихъ со *обу* сторон *опы*тывали. И што чии светки светчили, и они тое сведецтво их пописали и намъ *от*казали.

И тыми разы стоали перед нами очевисто | *о* томъ. И панове Котовичи мовили перед нами тым обычаем: «Дед | деи вашъ, Андреи (И)саковичъ сил(ь)но в нас тую землю зашол». А панове Юр(ь)евичи | мовили: «Дед деи нашъ, пан Аньдреи, тѣю землю изыскал правомъ || <sup>л. 183</sup> на деде вашомъ, на пане Коте. А выезчал деи тамъ маршалокъ земский корола, его м(и)л(о)сти, пан Петрашъ Монкгирдовичъ, и тѣю деи землю присудил дедъ | нашомъ, пану Андрею. И листь есмо его на то судовыи мели, нижли коли | дом нашъ горел, тогда и тот листь згорел. А вы *от* тых месьт и до тых | месьт *о* том намъ не впоминали, а перед тым ни дедъ нашому, а ни | *от*цѣ нашомъ *о* томъ не впоминали».

И мы тых судеи речи выслухавши и тых списковъ, што с *обу* сторон светки светчили, и порозъмели есмо, ижъ панов Юр(ь)евичовъ светки сѣтъ лепышии. А панове Котовичи | *от* тыхъ месьт, какъ панъ Петраш там выездил и рѣбежи зарѣбал, ещо | за *от*ца нашего, корола, его м(и)л(о)сти, коли ехал со Бранска, *о* том не впоминали с*а* и сведоцства на то не подали, естли бы с*а* дедъ, або *от*цѣ ихъ напоминали *о* том. | А тое земли пан Аньдреи и *отец* ихъ, панъ Юрии, и они после *от*ца своего, аже | до тых месьт были<sup>1</sup> в держаньи. Тѣю землю присудили есмо паном | Юр(ь)евичомъ по тот рѣбеж пана Петрашка Монкгирдовича, почон *от* речки Добреицы, ажъ до болота Розсохи. А паномъ Котовичом в тую землю | через тот рубеж не встѣпати с*а*.

П(и)сан ъ Вил(ь)ни, июн(а) 13 день. Индик(т) 2. |

При нас были мар(шалок), нам(естник) вит(ебский) пан Стан(ислав) Глеб(ович), | мар(шалок), нам(естник) нов(городский) и слон(имский) пан Лит(авор) Хребтович. |

*Примечание.* <sup>1</sup>Слово написано дважды

Привилеі преорѣ светое Троицы городенскомъ на озеро  
Брожино. |

Александръ, бож(е)ю м(и)л(о)стью. |

Биль намъ чолом преор з Городна светое Троицы кн(а)зь Ёдкубъ и просиль | в насъ озера в Переломскомъ повете на има Брожина. И мы емъ тое озеро | Брожино дали къ церкви бож(е)и вечно.

А на твердость того и печат(ь) нашу казали есмо приложити к сему нашомъ листу.

П(и)сан ъ Вил(ь)ни, в лето 7007 | м(е)с(а)ца июн(а) 14 день. Индик(т) 2. |

Прав(ил) нам(естник) ѣте(нский) кн(а)з(ь) Мих(аил) Л(ь)в(ович) Глин(ский). || <sup>л. 183 об.</sup>

Вырок межи паном Іѧном а паном Воитехом | Юр(ь)евичи  
Саковичами зъ Радивоном Трепаловичом ѿ землю ихъ  
Саковскю. |

Александрь, бож(е)ю м(и)л(о)стью. |

Смотрели есмо того дела.

Жаловали намъ пан Іѧнъ а пан Воитех Юр(ь)евичи Саковича на Родивона Трепаловича и повелили перед нами, иж «ѿн за собою | держитъ землю и люди, ѿчину нашѸ, данину деда нашего, пана Андрееву | Саковича», а с того нам не служить. И Родивон мовил, што ж «тую землю корол(ь), | его м(и)л(о)сть, дал ѿтцѸ моемѸ Трепалу, и ꙗ тыми часы с тое земли служу вашою м(и)л(о)сти». И мы его пытали: «Маешъ ли на тую землю листъ ѿтца | нашего, корола, его м(и)л(о)сти, иж бы ѿтец нашъ, корол(ь), его м(и)л(о)сть, тѸю землю ѿтцѸ твоємѸ дал»? И ѿн рекъ: «Мел есми на тую землю листъ корола, его м(и)л(о)сти, | и тот ми листъ з домоу згорел». Теж Радивонъ мовил пану Іѧну а пану ВоитехѸ: «Маете л(ь) пакъ вы на тую землю и люди которыи листы и твердоусти?». И они мовили: «Мы на то листовъ не маемъ, ни жили ѿтец твои и ты | самъ с тое земли слѸжил дедѸ нашомѸ, пану Андрею Саковичу<sup>1</sup>, | и коли ѿтец нашъ, панъ Юрии, делил сѧ з брат(ь)ею своею, с паном Богданом | а с паном Михаиломъ, боѧрскими землами, тогды тую землю в дел ставили, и таа земля ѿтцѸ нашомѸ на делу достала сѧ. А ты тогды был | того в молчаньи, и с тою землею ѿтцу нашомѸ служил, и после ѿтца | нашего намъ еси слѸжил, а ѿт насъ не ѿнимал сѧ, ни жили тыми разы, не ведаемъ, которымъ обычаемъ въ нас сѧ ѿнимаешъ и нам слѸжити не хочеш, а землю | нашѸ и люди держишъ».

И мы томѸ порозѸмели, што жъ то дело есть | давное, а ѿн с тою землею слѸжил еще дедѸ их, пану Андрею СаковичѸ, | а потом пан Юрии и зъ брат(ь)ею своею тую землю ставил Ѹ дел с ыншими боѧрскими землами, а ѿн того был Ѹ молчаньи и листовъ на тую землю | ѿтца нашего, корола, его м(и)л(о)сти, не мает, иж бы то была его м(и)л(о)сти | данина ѿтцѸ его ТрепалѸ. И тую землю и люди, што ѿтцѸ его панъ || л. 184 Аньдреи Саковичъ продавал, присудили есмо пану Іѧну а пану ВоитехѸ, а што | ѿн будетъ прикупил своими п(е)н(ѧ)з(ѧ)ми земли, то маеть себе мети. И теж што | будетъ тамъ мети Ѹ том своем дворцы на тои земли, людеи своихъ | непохожих, и челади невол(ь)ное, и домовых статковъ, жита на поли сеѧного и ѧрин, конеи и животины и иных речей, тое все мает себе побрати | и выжити. А што будетъ хоромъ збудовал, и тыи мает хоромы звозити, | и с тым со всем кому Ѹсхочет, тому нехаи слѸжит.

П(и)сан Ѹ Вил(ь)ни, июн(ѧ) 19. | Индик(т) 2. |

Пр(и) [том] б(ы)л(и) п(а)н Ст(анислав) Іѧн(ович), ст(ароста) ж(о)м(оитский), ап(а)н Юр(и)и П(а)ц(евич), нам(естник) | п(о)л(оцкии), ап(а)н Гр(игории) Ст(анкович), м(а)р(шалок) дв(орный), нам(естник) м(е)р(ецкии) и ѿник(штенский), а п(а)н Л(и)т(авор) Хреб(тович), м(а)р(шалок), н(а)м(естник) нов(городский) и слон(имский), а п(а)н Воит(ех) Куч(укович)<sup>2</sup>, м(а)р(шалок), н(а)м(естник) волко(выиский). |

Примечания. <sup>1</sup>Далее в строке вычеркнуто теми же чернилами и коли <sup>2</sup>Исправлено, в рукописи Кун

## № 313

[1499 г.] апреля 10. Вильна.

Привилеі князю ИванѸ а князю ТимоѸею Крошинскимъ  
на село Бабиничи | въ Смоленскомъ повете. |

АлександрѸ, бож(е)ю м(и)л(о)стью. |

Били намѸ чолом дворане наши, кн(а)зь ИванѸ а кн(а)зь ТимоѸеи ОулипоѸвичи Крошинский и поведили перед нами, што *ж* Ѹтчина их к Москве Ѹтошла. | И просили в нас села в Смоленскомъ повете в ДѸбровенскомъ пѸти на има | Бабинич и з люд(ь)ми на има Ивана Мормыла, а Першыса, а Корта, а Рода | и зъ братом ихъ Трохимомъ, а Ънан(ь)и, а Скробота, а ЪгоѸонца, а Степанца, | и Занца и з братьею их, и зъ братаничи их, и со всеми их потѸжники. А поведили намѸ, што *ж* тыи люди нам дают кад(ь) медѸ пресного, а патнадцат(ь) | грошеи, а посошину, а кѸницу, а носадкѸ медѸ, а другѸю пива, а меру жита | и иныи подати. И мы были им тое село и з людьми дали за их Ѹтчину. |

И после того писал до нас наместник смоленский пан Юрии Глебович, поведаючи, што *ж* Ѹтчина их вса цела есть, и къ Москве ничего не Ѹтошло. | И мы были тое село Бабиничи в них Ѹтнали. И послали есмо там на вкраины || л. 184 об. дворенина нашего Барана и казали емѸ са того доведати достаточне | и Ѹсмотрети, што будет их Ѹтчины к Москве Ѹтошло.

И дворанин наш | тамѸ ездил и того са доведал и Ѹсмотрел, и то нам Ѹтказал, што *ж* имен(ь)я | их Ѹтчиньныи на има Мошков, а Вол(о)ста<sup>[1]</sup>, а Тешинов<sup>[2]</sup> к Москве Ѹтошло.

И мы того са достаточне доведавшы, тое село Бабиничи и с тыми люд(ь)ми и з брат(ь)ею тых людей, и с потѸжники их, и землами пашными и з боѸртными, и з данью грошевою и медовою, и зъ бобровыми гоны, и со | всем с тым, што здавна к томѸ селу прислѸхало, за са есмо им дали | за их Ѹтчину. Нехаи Ѹни то держать до тых часов, поки тѸю Ѹтчину их | имѸ Ѹчистим Ѹт великого кн(а)зя московского.

П(и)сан Ѹ Вил(ь)ни, април(а) | 10 день. Индик(т) 2. |

## № 314

[1499 г.] июля 1. Вильна.

Справа межи панею Юр(ь)евою, воеводича | троцкого пани Людмилою, с паном Петром | Ълехновичом Ѹ именья. |

Сам АлександрѸ, бож(е)ю м(и)л(о)стью. |

Смотрели есмо того дела.

Жаловала нам пани Юр(ь)еваѸ Ъновича, воевоѸдича троцкого, пани Людмила, на кухмистра нашего, наместника | Ѹлитского и немоноиского, на пана Петра Ълехновича, рекѸчи тым Ѹбычаем: «Ты бол(ь)шии держишь именеи Ѹтчизны нашее, нижли я з мѸжом моим». | И пан Петръ рекѸ: «Муж твои, своѸк мои пан Юрии, розделил со мною тыи имен(ь)я, Ѹтчину вашѸ, вечно. А коли есмо розделили тыи имен(ь)я, а ты вжо | венчала са з мѸжом своим, с паном Юр(и)емѸ. И листь дел(ь)чии мѸжа твоего маю». | И положили перед нами листы свои дел(ь)чии с обу сторон за печатьми | воеводы виленского, канцлера нашего, пана МиколаѸ Радивиловича |

и воеводы троцкого, маршалка земского, пана Петра Ёдновича и старосты | жомоитского, пана Станислава Ёдновича и за своими.

И мы тых листов | их дел(ь)чих<sup>1</sup> ѿсмотрели и выслѣхали. Ино в листех ихъ дел(ь)чих стоит, што *ж* || <sup>л. 185</sup> они розѣделили тьи именья межи собою вечно, и детем ихъ, и внучатом | их того не взрѣшивати. И заклад на насъ написан в тыхъ листех дел(ь)чихъ тисача рѣблевъ грошеи. А сами на себе написали заклад п<sup>л</sup>м(ь)сотъ рублев | грошеи, хто бы з них тот дел порѣшил, тотъ мает тьи заклады пла|тити.

И мы тых листовъ их дел(ь)чихъ не рѣшили. И приказали есмо им так. | Коли *ж* ты хочеш мѣжа своего дел рушати, и з листа мѣжа своего высту|паешъ, в которого листа печать мѣжа твоего, а мѣжа своего не жалѣбешъ, нехай же муж твои наперед заклад нашъ нам заплатити. И кулмистрѣ | нашомѣ его заклад заплатит подлугъ своего записѣ. И заплатившы заклады, дели тьи именья ѣ другое зновѣ. А естли муж твои закладов | тыхъ верхѣписаных не всхочетъ платити, и мы делѣ того, што | муж твои розделил с паном Петромъ вечно, не рѣхаемъ. Нехай тот дель | будет держанъ межи ними вечно подлугъ их записовъ.

А на то есмо | пану Петрѣ, и его жоне, и их детем, и потом будѣчи[м] их счадомъ | и листъ нашъ дали з нашоу печат(ь)ю.

Пр(и)сан ѣ Вил(ь)ни, июл(а) 1 день. | Индик(т) 2. |

Пр(и)[том] был под(чашии), нам(естник) бел(ьский) пан Мик(олаи) Мик(олаевич). |

*Примечание.* <sup>1</sup>Буква х исправлена из и

#### № 315

1499 г. июня 26. Вильна.

### Потвержен(ь)е Ѳедкѣ Еловичѣ на имен(ь)е | Бѣкоимѣ в Луцкомъ повете. |

Сам Александръ, бож(е)ю м(и)л(ос)т(ь)ю. |

Чинимъ знаменито сим нашим листомъ, хто на него посмотрит, або чу|чи его вслышит, кому будет потреб того ведати.

Бил нам чолом дворалнин нашъ Ѳед(ь)ко Елович, што есмо дали емѣ именье наше в Луцкомъ повете | на има Бѣкоимѣ и з люд(ь)ми. И бил нам чолом, абыхмо тое именье Бѣкоимѣ | потвердили емѣ привильем нашим на вечность.

Ино мы з ласки нашее | дла его слѣжбы то есмо вчинили и тое именье Бѣкоимѣ потвержаемъ сим нашим листом вечно и непорушно емѣ самомѣ, и его жоне, и их || <sup>л. 185 об.</sup> детем, и их ближнимъ, и на потом будѣчимъ их счадомъ, з люд(ь)ми, и з землами паш|ными и бортными, и з дѣбровами, и з лесы, и зъ луги<sup>1</sup>, и з гаи, и сеножат(ь)ми, | и з ловы, и з ловищи, и зъ реками, и з речками, и з лѣками, и съ ставы, и съ | ставищи, и з млыны, и з их вымелками, и з данью грошовою и медовою | и со всеми платы и цинши, и доходы, и со всем по томѣ, какъ издавна | тое именье въ границах са своих мело. Волен ѿн тое свое именье Бѣкоимѣ ѿтдати, и продати, и заменити, и по дѣши дати, и къ церкви божеи | записати и кѣ своему лепшомѣ и вжиточному ѿб<sup>е</sup>рнути и розширити, | какъ сам налепеи розмѣючи.

А на твердость того и печат(ь) нашу ка|зали есмо привесити к семѣ нашему листѣ.

П(и)сан 8 Вил(ь)ни, в лето | 7007, м(е)с(а)ца июн(а) 26 день. Индик(т) 2. |  
Правил гет(ман), нам(естник) брас(лавский) и вен(ицкии) кн(а)з(ь) Кос(тантин)  
Иван(ович) Ъс(трожский). |

*Примечание.* <sup>1</sup>Слово написано по смытому тексту

## № 316

[1499 г.] шюля [1–30]. Вильна.

Потвержен(ь)е пан8 Станислав8 Ёнович8 | некоторых  
кгрунтов от сел Любошанское волости, | Д8блан а Должан  
отграничоных. |

Александрь, бож(е)ю м(и)л(о)стью. |

Бил намь чоломь пана Ёновъ сын ловчого пан Станиславъ и положил |  
перед нами листь писара нашего, небожчика пана Ивановъ Ёцковича, | што ж  
с приказанья отца нашего, короля, его м(и)л(о)сти, доброе памяти, | с8дил людеи  
наших Любошанское волости на има Д8блан а Должанъ | зь его люд(ь)ми на има с  
Пилшачаны в земли пашной и в бортной и в озере | в Ълени. А тыи люди его искали  
тое земли под нашими люд(ь)ми, под | Д8бланы и под Должаны, поспол8 с пани  
Ивановое Ходкевича люд(ь)ми | а сь кн(е)гини Мит(ь)ковое З8бревицкое люд(ь)ми,  
сь кн(е)гини Оедоровое Мошковское люд(ь)ми, што ж были наши люди любошанцы  
отнали в них земли | их звечный пашный селища, перешодши старьи звечный  
р8бежи, | который были за великого кн(а)за Витовъта и Жикгимонта. И р8бежи || <sup>а. 186</sup>  
были показали на има Колодази а К8пичово болото, олиж до Рехты реки, а от |  
Рехты по болот8 по Лоп8ню, и до речки до Лоп8ни, до мост8, где здавна | мощивали  
мось поспол8 наши люди зь их люд(ь)ми 8 Великое дороги гон8ное.

И досмотревши в том межи ними, конец вчини[л] и тую землю присудил | его людем  
посполу с пани Ивановое Ходкевича люд(ь)ми, а с кн(е)гини Митковое | З8бревицкое  
люд(ь)ми, а с кн(е)гини Оедоровое<sup>1</sup> Мошковское люд(ь)ми по дел(ь)ницам, | подлугъ  
старых р8бежовъ. И рубежи покляль от реки Лоп8ни а от мост8 болотом до речки  
Рехты, а от Рехты в К8пичово болото Колодаз(ь)ми до озера Ълена. И вину в том  
заложил пал(ь)десат р8блев грошеи, аж | бы и наши люди, ани их люди через тыи  
р8бежи не перест8пали на | обе стороне.

А потом положил др8гии листь писара отца нашего, пана Иванов жо Ёцковича,  
што теж с приказанья отца нашего, короля, | его м(и)л(о)сти, смотрел людеи его  
Чичевлан з нашими люд(ь)ми Любошанское ж | волости, з Должаны, што были им  
кривд8 вделали в бортной земли, перешодши через извечный рубез, через речку  
Веприню. И сами себе были новьи | р8бежи положили, и половину были в них тое  
земли отнали.

И он в том | межи ними смотрел и конец том8 вчинил, и тую землю Чичевланом  
бор | прис8дил по речку по Веприню. А на концы того бору лес, и он тот лес прис8дил  
нашим людемъ Должаном, почонши от болота Мглое до речки Веприни. И р8бежи  
имъ положил, и Чичевланом не велел<sup>2</sup> 8ступати са в тот лес по | конец бору через тотъ  
рубез. А Должаном в бор под тою ж виною под пати[десат] (ь)ма р8бли грошеи.

И просил насъ, абыхмо ем8 на тыи листы п(а)на | Ивановы дали нашъ лист  
потверженыи.

И мы ему на то наши листь дали. | Нехаи люди его тьи земли держать вечно, какъ ѿ том пан Иван сдидил | и рѣбежи поклат.

П(и)сан 8 Вил(ь)ни, июл(а)<sup>3</sup> день. Индик(т) 2. |

Пр(и) [том] бил(и) мар(шалок) двор(ньи), нам(естник) мер(ецкий) и он(икштенский) п(а)н | Гр(игории) Стан(кович), мар(шалок), нам(естник) нов(городский) и слон(имский) пан Лит(авор) | Хреб(тович), мар(шалок), нам(естник) вол(ковьиский) пан Воит(ех) Кѣчу(кович)<sup>4</sup>. || л. 186 об.

Примечания. <sup>1</sup>Буквы Ѳедор написаны по смытому тексту <sup>2</sup>Буквы лел вписаны над строкой <sup>3</sup>Далее оставлено место для числа <sup>4</sup>Исправлено, в рукописи Кѣнц

## № 317

1499 г. июля 6. Вильна.

Потвержен(ь)е пан8 Петр8 Гѣлехнович8 | на сеножати  
над рекою Гѣшменскою веч|ностью. |

Самъ Александръ, бож(е)ю м(и)л(о)стью. |

Биль намъ чолом кухмистръ нашъ, наместникъ олитский и немоноитский пан | Петръ Гѣлехнович и вказывал перед нами листь боѣрина ѿшменского Гѣнков | Богдановича, што ж продад ему сеножати свои ѿтчизный звечный над рекою | Гѣшменскою подле двора Гѣнова Воиштовтов[и]ча ѿбел(ь) вечно, и его жоне, и их | детем, и потом будѣчим их счадкомъ. А тьи деи п(е)н(а)зи беручи в него за тьи | сеножати, и платил вѣно дадиной своей. И бил нам чолом, абыхмо призволили | ем8 тьи сеножати в того Гѣнка кѣпити и потвердили быхмо то ему | нашим листом вечно.

Ино коли тот Гѣнко тьи сеножати свои ѿтчизный | извечный продад ем8, и его жоне, и их детем, и потом будѣчим их счадкомъ | ѿбел(ь) вечно и листь его на то мает, и мы тьи сеножати верхуписаны | призволаем ем8 в него кѣпити и потвержаем то симъ нашим листом, ему, | и его жоне, и их детем, и потом будѣчим их счадкомъ вечно и непорѣшно. |

А на твердость того и печат(ь) наш8 казали есмо приложити к сему налшом8 лист8.

П(и)сан 8 Вил(ь)ни, в лет(о) 7007-е, м(е)с(а)ца июл(а) 6 | день. Индик(т) 2. |

## № 318

[1499 г.] июля 12. Вильна.

Вырок ал(и)бо постановен(ь)е промежи боѣр | и мещан  
полоцких з стороны судов и иных | порядковъ, etc. |

Сам Александръ, бож(е)ю м(и)л(о)стью. |

Смотрели есмо с паны радою нашою промежи боѣр полоцких и мещан || л. 187  
ѿ томъ деле.

Што есмо дали мещаном полоцкимъ и путным людям право немецкое, речное маитбарское, и вынали их с права городского и дали им воита, | которыи же мает их сдидити з бурмистры и з радѣцы тым правомъ | маитбарскимъ, вынавшы земланого права, што сѣ тычет земли. Того | есмо въ их право не вписали, абы их воит сдидил ѿ земланом деле и ѿ иных | члонкохъ, которыи прислѣхают к городском8 праву,

наместника нашего полоцкого, которые *от* насъ город держить. Тыи члонки вси выписали есмо | в сем нашем листе, какъ сѧ мают боаре полоцкии и з мещаны полоцкими | радити до того часѧ, коли тое дело межи ними на конец поставимъ, | на мере не рѣхаючи права на обе стороне.

Напервей што сѧ тычетъ | права земланого. Комѧ бы до кого дело было ѿ земли, буд(ь) боарину | до мещанина, а любо до путника, а любо мещанину, а любо путникѧ | до боарина, тыи сѣды мает сѣдити наместник нашъ полоцкии съ старшими боары полоцкими подлугъ давного обычаѧ. И теж которые | бы сѧ дела пригодили в границах земланных, хто бы комѧ границѧ | сказал, то теж мает наместникъ нашъ полоцкии ехати, а любо боарь | сослати того дела сѣдити подлугъ давного обычаѧ на роз(ь)езди. И пролездъ мают брати по-давномѧ, але вина мает брана на насъ, | на г(о)с(по)д(а)ра.

А коли *от*коле послы приедѧт ѿ обидных делех земьских | з Новагорода, со Пьскова, з Лукъ, або з Немец, ино наместнику нашомѧ полоцкому [с] старшими боары полоцкими, призвавши к собе воита и старших | мещан, будет ли сѧ што тыкати дела местцкого, пословъ принати и *от*править, какъ и перед тымъ бывало.

Тежъ што боаре полоцкии держат волосткѧ Дрисецкѧю, по годом сѣдѧт и радѧт, ино которые путники | в той волости живут, а бѣдут их боаре сѣживали, хто тѣю волосткѧ | держит, ино и ныне боаре, которые будѧт тѣю волосткѧ держати, | их сѣдили по-давно[му]. Але не мают их драпежити по-давному. А хто бы | хотел люди наши драпежити, тогда их за то маем карати.

А што боаре покѣпили будѧт села в мещан полоцкихъ и в путныхъ людех и двоѣры, и земли в городе и на месте за *от*ца нашего, корола, его м(и)л(о)сти, и за нас, || *л. 187 об.* а любо *от*чинныи дворы и земли их бѣдѧтъ в городе и на месте, в тыи | их дворы и в земли воиту и мещаномъ не встѣпати сѧ. А што будут мещане и пѣтныи люди в боар покѣпили земли и дворы, то маемъ на обе | стороне держати, не рѣхаючи подлугъ их моистатѧ, что сѧ стало до | права немецкого, хто будет што в кого кѣпил.

А коли пошлем посла нашоз(о) | которого дворанина, а любо боарина полоцкого, а любо наместник | нашъ полоцкии з нашего приказанья, до Новагорода, до Пьскова, до Лук | або до Риги ѿ земьских делех обидныхъ, тогда пѣтники мают имъ | кони давати по-давномѧ. А дворане городский мают с ними ездити | подлугъ давного обычаѧ.

А которые люди боарский живут в городе и на месте на их землях *от*чизных, а любо на кѣплах, будѧтъ ли | сѧ которые торгомъ ѿбыходити, и они мают з мещаны серебщину | и иньи полатки нам платити. А воит и мещане не мають их сѣдити | и в право немецкое писати.

Теж деи тамъ ѣставил воит и мещане пѣревозъ на наших людех и на боарскихъ тыми разы на Двине, а перед тым | деи перевозники даром воживали, бо деи перевозники с того нектоѣрыи плат берут по волостех сторожовщину по всеи земли Полоцкои | в каждыи год. Ино естли бы и ныне тот платъ брали по земли, и они | бы тое брали, а перевозъ не надобе брати, выменяѧ гостѧ, по-давномѧ.

Теж перед тымъ деи боаре спѣскивали до Риги жито и крѣпы, и попел и смолѧ. Ино и тепер(е) | свое властное жито и крѣпы, и попел | и смолѧ, не перекѣпаючи ни в кого, призволаем имъ слати до Риги. А попел и смолу мают жечи въ своих пущах, а не в наших а ни в местскихъ.



А кото|ромъ бы мещанину або путному ч(о)л(о)в(е)кѣ было дело до бо|arina, а любо и до его ч(о)л(о)в(е)ка ѿ котором деле, ино ѿ том мает наместник наш | полоцкии сѣдти в городе з бо|ары городским правом, а воит и мещане мають при том же быти. А коли бо|арину а любо на|шомъ ч(о)л(о)в(е)кѣ а любо бо|арскомъ ч(о)л(о)в(е)ку которое ѿ чом будет дело | до мещанина а любо до путников, кроме земельного дела, ино || л. 188 маеть его воит сѣдти на ратѣши своимъ правомъ немецкимъ. А наместник | наш маеть за нашим ч(о)л(о)в(е)ком послати суд(ь)ю. А бо|арин теж мает любо самъ | поити за своимъ ч(о)л(о)в(е)ком, а любо сѣд(ь)ю жь послати до воита. А чии ч(о)л(о)в(е)кѣ бу|дет виноват, ино вина его г(о)с(по)д(а)ру подлугъ моистату.

А ѿ то, што са | тычет долговъ платити пану Юр(и)ю Зеновьевичу, и иных долговъ, што бо|аре з мещаны мели платити посполѣ, а вагѣ и ѣзвозъ<sup>1</sup> перед тым | на|пол(ы) з мещаны держивали. И мы мещаномъ, права немецкого | не ламаючи, какъ есмо дали им право, и вагу, и ѣзвозъ<sup>2</sup> там вписали, по | томъ имъ и держимъ. И коли бо|аре половины своее ваги и ѣзвозѣ | не хот|ат мети, и мещане бы вагѣ и ѣзвозъ всю сполна мели а тьи | долги вси платили. А бо|аром с ними не потребъ тых долговъ платити | и серебщины, и даров, коли приедем до Полоцка, с ними не надобе нам | давати.

Такеж што жаловали бо|аре полоцкии на воита и на мещан, | што ж холоп(ь)я ихъ невол(ь)ная, и роботы, и иньи люди, в п(е)н(а)зех бѣдѣчи, втекают до воита и до мещан, и они их имъ не выдають, а хот|ат их правомъ немецкимъ сѣдти. И мы ѿ том такъ врадили. Иж воить | и мещане не мають ихъ холопьи невол(ь)ное и робѣ, и людеи в п(е)н(а)зех прии|мати а ни сѣдти ихъ ѿ томъ немецкимъ правомъ. Маеть | ихъ ѿ томъ сѣдти наместникъ нашъ полоцкии городскимъ | правомъ.

П(и)сан ѣ Вил(ь)ни, июля 12 день. Индик(т) 2. |

При т(ом) был мар(шалок) двор(ный), нам(естник) мер(ецкий) и он(икштенский) п(а)н Григ(ории) Стан(кович) Сѣстик(ович)<sup>3</sup>. || л. 188 об.

Примечания. <sup>1</sup>Слово исправлено из другого <sup>2</sup>Далее смыта буква <sup>3</sup>Оставшаяся пустой часть листа прочеркнута виньеткой

**Владыце и бо|аром полоцким ѿ привернен(ь)е | дворов и земля их, через воита забранных. |**

Александръ, бож(е)ю м(и)л(о)стью. |

Воитѣ места Полоцкого и бурмистромъ, и радцамъ, и всим мещаном. |

Говорили намъ владыка полоцкии Лѣка и бо|аре полоцкии, што ж деи | воит места Полоцкого Радвань посотнимал был в них дворы их, и земли | отчинныи, и кѣпли их, и теж пола и сеножати ѿколо города.

И мы имъ | тьи дворы их, и земли отчинныи, и кѣпли их, и теж пола и сеножати | ѿколо города за са вернули. И казали есмо владыкѣ полоцкого и бо|ар | в тьи их дворы, и в земли отчинныи, и в купли их, и теж в полѣ, и в | сеножати ѿколо города ѣзвзати дворанину нашему Яцкѣ | Полозовичѣ.

П(и)сан ѣ Вил(ь)ни, июл(а) 14 день. Индик(т) 2. |

Пр(и) [том] был мар(шалок) двор(ный), нам(естник) мер(ецкий) | и он(икштенский) пан Григ(ории) Стан(кович). |

## № 320

[1499 г.] июля 17. Вильна.

Земаном берестейским ѿ держан(ь)е | некоторых волосток  
берестейских. |

Александръ, бож(е)ю м(и)л(о)стью. |

Наместнику берестейскомѸ пану Станиславу ПетковичѸ и иным наместником  
нашим, хто потом ѿт насъ бѣдет Берестей держати.

Били | нам чолом землане берестейский Паношка Барсобичъ а Васко Громъ |  
ѿто всех землан берестейских, кром тых землан, которые врады | ѿт нас мают,  
а поведали нам, што ж тол(ь)ко в них ѿдна чотыри волостки || л. 189 данничое,  
а житщина, а бобровщина, а ловчое. А с тых со всех волосток на год | приходит  
с тридцать копь грошей, мало л(ь) бол(ь)ши. И мы тьи волостки | даивали двораном  
нашим литовским и иным земланомъ, а они иншии | исьстареет сѧ, а тых волостокъ  
не держал. И били намъ чолом, абыхмо | ѿднымъ имъ тьи волостки дали по годом  
держати, ѿдному подле | дрѣгого колею.

И мы тьи волостки ѿднымъ земланом берестейским | дали по годом межи  
собою брати, ѿдномѸ подле дрѣгого колею, | кромъ владниковъ, которые землане  
берестейский врады ѿт насъ | мают. Нехаи себе тьи волостки промежи  
собою по годом держать, ѿдин | подле дрѣгого колею. А двораном нашим  
литовским и земланом не надобе тых волостей держати никомѸ, мимо землан  
берестейских. |

П(и)сан Ѹ Вил(ь)ни, июл(а) 17 день. Индик(т) 2. |

Пр(авил)<sup>1</sup> воев(ода) троц(кии), мар(шалок) зем(ский) | пан Ёдн Юр(ь)евича. |

Примечание. <sup>1</sup>Возможна реконструкция Пр(иказал)

## № 321

1499 г. июля 22. Вильна.

Привилеі панѸ ВоитехѸ КѢчѢковичѸ | на ѿсмъ пѣстовщинъ  
конюшъских | Ѹ Еишишъскомъ повете. |

Сам Александръ, бож(е)ю м(и)л(о)стью. |

Биль намъ чолом маршалокъ нашъ, наместникъ волковыиский пан Воитех |  
КѢчуковичъ и просил в нас ѿсми пѣстовщинъ Ѹ Еишишъском повете, Еилюшова  
десѧтка конюшских, на има Соибѣтишокъ, а Мѣстовътишок, а Библикишок,  
а Евнивидишокъ, а Ровкишокъ, а Молдѣтишокъ, а Билитишокъ, | а Кловъсишокъ.  
И мы емѸ тую ѿсмъ пѣстовщинъ за его службу верную дали | с пашными землами,  
и з гаи, и съ сеножат(ь)ми, и з болоты, и со всим по тому, | што здавна к тым  
земламъ прислѣхало. И какъ сѧ тьи земли, и гаи, | и сеножати, и болота в границах  
своих мают.

И подтверждаем то емѸ, и его | жоне, и их детем, и потом будѣчим их счадкомъ  
вечно и непорѣшно | сим нашим листомъ. Волен то ѿн ѿтдати, и продати, и заменить,  
и к своему || л. 189 об. вжиточномѸ ѿвернути, какъ сам налепеи розѣмеючи.

А на твердость | того и печат(ь) нашу казали есмо приложити к семѸ нашомѸ  
листѸ. |

П(и)сан Ѹ Вил(ь)ни, в лет(о) 7007-е, м(е)с(а)ца июл(ь) 22 ден(ь). Индик(т) 2. |

Пр(и) [том] были воев(ода) троц(кий), мар(шалок) зем(ский) п(а)н Ёдн Юр(ьевич), | пан троц(кий), стар(оста) жом(ойтский) пан Стан(ислав) Ёдн(ович), | подчаш(ий), нам(естник) бел(ьский) п(а)н Мик(олай) Микол(аевич) Радн(ивлович). |

## № 322

[1499 г.] июля 23. Вильна.

**Вырок** зема<sup>н</sup>ом берестейским Ивашк<sup>8</sup> и Петр<sup>8</sup> | Тишковичом  
з некоторыми повинными их | ѿ люди и земли в Каменецком  
повете. |

Александръ, бож(е)ю м(и)л(о)стью. |

Смотрели есмо того дела.

Жаловала нам зема<sup>н</sup>ка берестейская | Ѳед(ь)кова<sup>а</sup> Александровна съ сыном своим Юр(и)емъ а з дадковичи своими, | з Дашком а з Васком Ёлизаровичи, а съ Ивашком а з Лен(ь)комъ Васковичи на | дадковичи свои, на Ивашка а на Петра Тишковичов, рекдчи тым обычаем: «Што ж<sup>с</sup> ѿтец мои, дадко их, Александро, продал ѿтыц<sup>8</sup> их, брат<sup>8</sup> | своему<sup>8</sup>, Тишк<sup>8</sup>, выслдгу свою в Каменецкомъ<sup>1</sup> повете», што выслджил на ѿтцы нашом, короли, его м(и)л(о)сти, чотыри ч(о)л(о)веки на има Стрыгович<sup>и</sup>, а Микдл(ь)чичи, а тры жеребьи пдстых, Дремаевский<sup>2</sup>, а Бразковский, | а Иевовский, с призвоеньем ѿтца нашего, короля, его м(и)л(о)сти. И листь призвоеньи ѿтца нашего на то Тишковичи перед нами дказывали и теж | листы сдвовы пана Ёднов Насдгича, а пана Пацковъ Ходкевича, | а пана Ёдк<sup>8</sup>бовъ Немировича, а Левков Боговитиновича.

Теж жаловали нам ѿ выслдгу, што выслджил Тишко на ѿтцы нашом, короли, его | м(и)л(о)сти, в Камфницкомъ<sup>3</sup> жо повете селища Степановский, дворища | Стрдковское, а Ёсеневици, а Ёхремово, а Ёдимово, а Добровтричи, а Голтаевичи. И Тишковичи на то лист ѿтца нашего, короля, его | м(и)л(о)сти, перед нами дказывали, што ѿтец ихъ то на ѿтцы нашом || <sup>л. 190</sup> выслджил. И сдвовы листь ѿтца нашего, тбю кдплю и выслдгу ѿтца | своего, мели.

А Ѳед(ь)кова<sup>а</sup> съ сыном своим и з дадковичи своими листы | ѿтца нашего и нашъ сдвовы перед нами дказывали. Ино и в тых листех | стоит, иж ѿтц<sup>8</sup> ее, дадк<sup>8</sup> их, Александр<sup>8</sup>, в тьи кдпли и выслдгу не встдпати с<sup>а</sup>.

И стоали ѿ том перед нами ѿчевисто. И мы ѿ том казали межи ними досмотрети и справедливость том<sup>8</sup> вчинити маршалк<sup>8</sup> | нашом<sup>8</sup> дворном<sup>8</sup>, наместнику мерецком<sup>8</sup> и ѿникъштенском<sup>8</sup> пан<sup>8</sup> | Григор(ь)ю Станкевич<sup>8</sup>. И ѿн ѿ томъ межи ними смотрел и суд свои нам ѿтказал, што ж<sup>с</sup> сынъ Ѳед(ь)ковое, Юр(и)и, перед нимъ самъ с<sup>а</sup> признал, ижъ тот листь | ѿтца нашего сдвовы, што Тишко на тбю свою кдплю и выслдгу мел, коли | слджил в писара нашего, Ѳед(ь)кова Григор(ь)евича, въ Ёдцка дыака содрал.

И мы | дла лучшее справедливости ѿ том писара нашего Ѳед(ь)ка пытали. И ѿн | перед нами поведил, што ж<sup>с</sup> то и ем<sup>8</sup> звездомо, коли тот Юрии слджилъ | в дыака его Ёдцка, и ѿн тогды тот листь содрал, бо деи мы казали были | ем<sup>8</sup> тотъ листь ѿтца нашего ѿтц<sup>8</sup> их потвердити.

И мы ѿ том межи ними | досмотревшы и подлугъ сведоцства писара нашего Ѳед(ь)кова тбю куплю, | што Тишко кдпил в брата своего Александра, и теж выслдгу его, што | выслджил на ѿтци нашом, короли, его м(и)л(о)сти, присддили<sup>4</sup> есмо Тишковым | детем Ивашку а Петр<sup>8</sup>, и их брат(ь)и, и потом бдддчим их счадкомъ.

И по̀твержае́мъ то им симъ нашим листом вечно и непорѣшно.

П(и)санъ | 8 Вил(ь)ни, июл(а) 23 день. Индик(т) 2. |

*Примечания.* <sup>1</sup>Буква є исправлена из и <sup>2</sup>Буквы ае исправлены из других <sup>3</sup>Буква ъ исправлена из и <sup>4</sup>Буква р исправлена из другой

№ 323

1499 г. июля [1–30]. Вильна.

Потвержен(ь)е Каспорѣ Гавриловичѣ | на двory Чеплаев, а Кокотов, а подвор(ь)е | в городе и на месте въ Мстиславлю. |

Александръ, бож(е)ю м(и)л(о)стью. |

Чиним знаменито сим нашим листом, хто на него посмотрит, а любо чтучи || л. 190 об. его вслышит, кому бѣдет потребъ того ведати.

Бил намъ чолом Каспор Гавриловичъ и повелит намъ, што небожчикъ княз(ь) Иван Юр(ь)евичъ Мстиславский подавал емѣ именья в повете Мстиславском за его службѣ на има двор свои | городский Чеплаевъ, а дрѣгий двор Кокотово, и подворье в городе призволил емѣ нарадити и на месте двор(а) небожчика Васил(ь)а Глизаровича. | И коли небожчикъ кн(а)зь Иван с того света зшол и отец нашъ, доброе памети корол(ь), его м(и)л(о)сть, казал емѣ с тыми имен(ь)и собе слѣжити, и листы свои емѣ на то подавал. И он тьи листы перед нами вказывал. А потом, какъ кнегини Ивановое в животе не стало а Мстиславль спал на насъ, и мы з ласки нашее Мстиславль дали кн(а)зю Михаилѣ Ивановичѣ Жославскомѣ за его слѣжбѣ, и дочку кн(а)за Ивановѣ Юр(ь)евича княжнѣ Злыану призволили есмо емѣ понат(и) за себе. А коли | есмо емѣ давали Мстиславль, а Каспара есмо с тыми именья | вышеписанными вынали, и казали есмо емѣ с тых именей слѣжити | намъ. И в привилыи кн(а)за Михайловъ то есмо указали вписати.

И просил насъ Каспор, абымо емѣ тьи вышеписанныи именья, Чеплаево а Кокотово, и тьи двory в городе и на месте потвердили | нашим листом. И мы ему подлугъ листовъ отца нашего и наших | тьи именья вышеписанныи и двory потвержаем и вечно даемъ емѣ и его жоне, и их детемъ и потом бѣдѣчим их счадомъ зъ землями пашными, и съ сеножат(ь)ми, и з людьми, которые прислѣхают к тьи именьям, и з ихъ службами, и з дан(ь)ми медовыми и грошовыми, и со всеми платы и доходы, и з гаи, и з реками, и з речками, | и з млыны, и з ихъ вымелки, и з лесы, и з боры, и з ловы бобровыми, | и пташими, и зверинными, и со всим тым, што к тьи именьямъ<sup>1</sup> прислѣхает, такъ широко и долго, какъ емѣ небожчикъ княз(ь) Иван Юр(ь)евичъ дал, | и чога он был в держаньи, почонши от кн(а)за Ивана, и до тых местъ маеть то держати и володети вечно и навеки вечныи он сам, и его | жона, и ихъ дети, и потомъ бѣдѣчий их счадки.

А на твердость | того и печать нашѣ казали есмо привесити к семѣ нашему листѣ. || л. 191

А при том были панове рада наша, кн(а)зь Воитехъ бискупъ виленский, воевода | виленский, канцлеръ пан Николаи Радивиловичъ, пан троцкий, староста | жомойтский пан Станислав Гдановичъ и инии панове.

П(и)санъ 8 Вил(ь)ни, | в лет(о) 7007-е, м(е)с(а)ца июл(а). Индик(т) 2. |

*Примечание.* <sup>1</sup>Исправлено, в рукописи именнымъ

## № 324

[1499 г.] июня 25. Вильна.

**Потвержен(ь)е панѠ ВоиткѠ НарѠшевичѠ | на некоторые люди  
и земли в Ошменском | повете, куплю его. |**

Александрь, бож(е)ю м(и)л(о)стью. |

Биль намъ чолом пань Воитко НарѠшевич и поведил нам, што *ж* покѠпил в боар ошменских Ѡв Ыльаша, и в Михаила, и въ Ёна Милошевичовъ земли их *отчиньныи* извечныи. И теж в того *ж* Ильаша кѠпил ч(о)л(о)в(е)ка | на той же земли въ его дел(ь)ницы. И листы их кѠпчи на то перед нами | Ѡказывал.

Такеж кѠпил в боар ошменских жо, в НиколаѠ Алехновича | а Ѡво АндреѠ Милошевича землицы их, дел(ь)ницы *отчиньныи* извечныи. |

А к томѠ кѠпил в боар ошменских жо Ѡ Визкгирдовое и в детеи ее землицѠ БѠвидовщину с человеком.

А в сестреницы ее кѠпил, в Грин(ь)ковое ДовѠкшевича в Барбары, землицѠ жъ их *отчинныи* звечныи.

И бил нам чоломъ, | абыхмо призволили ему тыи землицы и людцы вышеписанныи | в тых боар и боарин(ь) кѠпити и потвердили быхмо то емѠ нашим | листом вечно.

И мы емѠ тыи землицы и людцы в тых боар и въ боарин(ь) | *отчиньныи* их властныи вышеписанныи призволаем кѠпити и потвержаемъ то симъ нашим листом емѠ, и его жоне, и их детем, и потом | бѠдѠчим их счадкомя вечно и непорѠшно.

Пи(и)сан Ѡ Вил(ь)ни, июн(а) 25 ден(ь). | Индик(т) 2. || *л. 191 об.*

## № 325

1496 г. августа 1. Вильна.

**Привилеи ЗанкѠ, городничомѠ виленскомѠ, | на люди Межанцы  
в Неменчинской волости. |**

Самъ Александрь, бож(е)ю м(и)л(о)стью. |

Чинимъ знаменито сим нашимъ листом, хто на него посмотрит, або чутичи его услышит, комѠ будет потребъ того ведати.

Бил нам чоломъ | дыакъ нашъ, городничии виленскии Занко и просил в насъ люди наших на имѠ | Межанцовъ в Неменчиньской волости Виленского повета, што была Богданова жона Анъна ПѠтиловская взяла их за себе и держала без данины *отца* нашего, корола, его м(и)л(о)сти, и без наше. Ино воевода виленскии, | канцлер нашъ пан НиколаѠ Радивилович, и маршалокъ, наместник менскии пан НиколаѠ Ильиничъ, и мечныи нашъ, наместник дорѠнишскии | пан Воитех Ивашковичъ Ѡ тыи люди Межанцы смотрели тое Анны | с тивѠном виленскимъ, с Михномъ Ивановичомъ, и присудили тыи люди | на нас к тивѠнствѠ, подлѠгъ сведоцства первого тивуна виленского | Ёна Ёцковича. А той Анне не велели в тыи люди встѠпати са.

И теж | к томѠ просил в насъ трех земль пѠстовских конокормьских тых | жо волостеи наших, што тивун заведает, на имѠ ДровѠшокъ, а КелтуѠтишокъ, а БѠтеикишокъ.

И мы тыи люди Межанцы, што была | взяла за себе таѠ БогдановаѠ Анна ПѠтиловская, со всеми их | землями, какъ они здавна держали и намъ слѠжили, и тыи три | земли пѠстовскии конокормьскии, и ДровѠшки, а КелтѠтишки, а БѠтеикишки

со всеми тыми землами, какъ сѧ оѡни здавна аж до тыхъ | часовъ в собе мели, дали вечно емѧ и его жоне, и их детем, и потомъ | бѧдѧчим их счадомъ. Волен оѡн то ѡтдати, и продати, и заменить, | и ко своемѧ вжиточномѧ обернути, какъ налепи сам розѧмеючи. || <sup>л. 192</sup>

А естли тьи люди, ѡтчичи тыхъ пѧстовщинъ, приидѧтъ на тьи свои | ѡтчины, або оѡн самъ где их знаидеть, и оѡни нехаи емѧ слѧжат вечно. |

А на твердость того казали есмо и печат(ь) нашѧ привесити к семѧ | нашому листѧ.

П(и)сан ѧ Вил(ь)ни, в лето 7004, м(е)с(а)ца авгѧста 1 | день. Индик(т) 14. |

Прав(ил) воев(ода) вил(енский) пан Мик(олаи) Ради(вилович), канцлер. |

№ 326

[1499 г.] августа 17. Вильна.

**В**ырок межи старостою менским кн(а)зем Богданом |  
Жеславским а воитом и мещаны менскими | ѡ некоториѧ  
пожитки старостинские. |

Александръ, бож(е)ю м(и)л(о)стью. |

Смотрели есмо того дела.

Жаловал намъ наместникъ меньский кн(а)зь | Богдан Ивановичъ Жаславский на воита менского, на бурмистров, и радеи, | и на всех мещан, што ж мы дали им право немецкое в месте Менском мети, | и два п(е)н(а)зи з вин мещскихъ на нас есмо взяли, а воитови третии п(е)н(а)зь | дали и тьи два п(е)н(а)зи наместникѧ нашомѧ князю Богдану есмо | дали. И казали есмо воитѧ, бурмистром и радцам наместника его | при каждыхъ сѧдех мещскихъ при себе мети. И оѡни наместника его | на сѧдех при собе не хотели мети, и тыхъ двѧ п(е)н(а)зи з вин не хотели | ему давати.

И ѡ том стоѧли перед нами ѡчевисто и мовили. И мы<sup>1</sup> казали | имъ тоѧ право наше, которое ж есмо им дали, перед нами положить.

Ино | в том праве нашомъ стоитъ написано, што ж воитѧ наместника его при | собе мети на всакихъ правехъ и каждое вины два п(е)н(а)зи давати, а третии пенѧз(ь) на воита.

И мы того досмотревши, врадили есмо такъ. | Маѧтъ воит, бурмистры и радцы наместника его при собе мети | при малыхъ сѧдехъ и при великихъ. А без него не маѡтъ каждого дела сѧдити. | З великое вины маѡтъ наместникѧ нашомѧ давати два гроши, | а воитѧ третии грошь. А з малое вины наместникѧ два п(е)н(а)зи, а воитѧ | третии п(е)н(а)зь.

Такѧж жаловал нам, што ж мещане не хотѧтъ млына | городского ѡправлати и гребли сыпати по-давномѧ. И мы тоѧ || <sup>л. 192 об.</sup> дело врадили под тою мерею: маѡтъ мещане тотъ млын городской роубити и ѡправлати и дерево на тотъ млын возити и греблю | сыпати подлугъ давного ѡбычаѧ.

Тѧж жаловал нам кн(а)зь Богдан, што ж котории ремесники, золотари, кравцы, кѧшнери, ковали, | чоботари и инии ремесники под присѧдомъ городскимъ мешкаѡтъ, | и нароги, и серпы, и зацепки, и сокеры, и инии речи на двор нашъ даѡтъ, и тьи вси реместники воит и мещане за себе забрали. И мы | того досмотревшы на тьи реместники казали есмо воитѧ и радцамъ<sup>2</sup> платнадычат(ь) дворовъ дати мещскихъ, где оѡн маѧтъ реместники | мети и где оѡни маѡтъ мешкати.

Такеж жаловал нам, которыи | злодеи с поличным приводат до места Менского, або которыи клалчи а любо животино прибуднаа, то воит все себе бирал, а ем8, наместник8 нашом8, до двора нашего ничего не даивал.

И мы под тою | мерою встановили. Воитови в то не надобе вст8пати с.а, мает тое поличное и прибудное давано быти на двор наш8 ем8, наместник8 нашому.

Теж которыи люди мешкают под прис8дом городским, тыи люди воит и мешчане за себе были забрали в право | местское. И мы того досмотревши, врадили так. Которыи | люди похотат с права местского поити в городскии присуд, тых8 | маеть наместник8 наш8 с8дити и радити, а воиту и мешчаном | в тыи люди не надобе вступати с.а.

Такеж приказали есмо | воит8, бурмистром, и радцамь, и всим мешчаном, аж бы наместника | нашего во всем послушни были в наших делех по том8, какь и салмих нас8. А естли бы они не всхотели [на]мест[ни]ца нашего послушни | быти в наших делех, и в тыи врады в наместничии, и в пошлины, и в доходы городскии вст8пали с.а, тогды заплатат | нам вины нашее двесте р8блевь грошеи.

П(и)сан 8 Вил(ь)ни, август(а) | 17 день. Индик(т) 2. || л. 193

Примечания. <sup>1</sup>Слово написано по смытому тексту <sup>2</sup>Окончание слова написано под титулом

#### № 327

[1499 г.] сентября 7. Вильна.

Потвержен(ь)е Миколаю Юндилович8 | некоторых людеи  
и земля, купли его. |

Самь Александрь, бож(е)ю м(и)л(о)стью. |

Биль намь чолом кухмистрь нашее великое кн(е)г(и)ни, наместьникь д8бцикии | и коневскии Миколаи Юндылович и поведил перед нами, што ж к8пил въ Шимка | Г8новича два ч(о)л(о)в(е)ки на им.а Дробыша Сидоровича а Ил(ь)ка М8жиловича, а чо(т)ыри земли, поле на им.а Дылевское, а Побоевское, а Безведное, а Мацковщи(н)у, а Б8дикговщи(н)у и з д8бровами, и сь хворосты. А тыи люди и земли | тому Шимьку Г8нович8 дал за его служб8 небожчикь пан его, пань Миколаи | Жикгимонтовичь. И записаль ем8 тыи люди и земли тым обычаем, | што ж он то волен отдати, и продати, и с тым сл8жити, ком8 бы | хот.а. И вказал перед нами тоть листь его к8пчи и тоть запис п(а)на | Миколаа Жикгимонтовича. И бил намь чоломь, абыхмо тыи люди и земли дозволили ем8 в него к8пити и подтвердили быхмо то ему нашим | листомь на вечность.

Ино мы тыи люди и земли призволаем ему | в того Шимка к8пити. И подтверждаемь то сим нашимь листомь вечно и непор8шно ем8 самом8 и его жоне, и их детемь и на потом б8д8чим их счадкомь, со всимь по том8, какь он в него к8пил тыи люди и зь землями, | и з гаи и з д8бровами, з лесы и сь сеножат(ь)ми, и сь хмел(ь)ники подлугь запису | небожчика пана Миколаева Жикгимонтовича и подлугь к8пли его. Волен он тыи люди и земли, к8пленину свою, продати и отдати, и залменити, и к церкви записати, и по д8ши дати, и кь своем8 лепышом8 | и вжиточном8 оберн8ти, как самь налепи роз8меючи.

А на твердост(ь) | того и печат(ь) наш8 казали есмо приложити к сем8 нашом8 листу.

П(и)сан | 8 Вил(ь)ни, сен(т)абра 7 ден(ь). Индик(т) 3. |

Пр(и) [том] был ѡх(мистр) вели(кое) кн(е)з(ини), нам(естник) ков(енский) п(а)н Воит(ех) Гѣн(ович). || л. 193 об.

## № 328

[1499 г.] сентября 18. Ораны.

Потвержен(ь)е князю Юр(и)ю Четвертиньскомѣ | на именье  
Рогачовкѣ в Лѣццькомѣ повете | вечностью. |

Александрь, бож(е)ю м(и)л(о)стью великии княз(ь). |

Биль намъ чолом кн(а)зь Юрии Ивановичь Четвертенъскии, што есмо дали ему | именье наше в Луцкомѣ повете на има Рогачовкѣ и з люд(ь)ми до наше воли. | И бил намъ чолом, абыхмо тое имен(ь)е Рогачовкѣ подтвердили емѣ нашим | привилеєм на вечность.

Ино мы тое именье Рогачовкѣ подтверждаемъ | сим нашим листом вечно и непорѣшно емѣ самомѣ и его жоне, и их детем | и на потом бѣдѣчим их счадьком, и з люд(ь)ми слѣжебными и данными, | и з землами пашными и борьтными, и з леси и з дѣбровами, и з боры | и з ловы, и зь ловищи зверинными и пяташными, и зь реками и з речками, | и з береги бобровыми и з ѡзеры, и съ ставы и съ ставищи, и зь млыны | и з ихъ вымелками, и съ криницами и съ сажавками, и съ сеножат[ь]ми | и з лѣсками, и зь пастовники и зь хворосты, и з данью грошовою и медовою, и со всеми платы и доходы, и подат(ь)ми, и со всемъ по томѣ, што | здавна к томѣ слѣшало, и какъ тое именье изстародавна ѣ границах | сѣ своих мело. Волен ѡн тое свое именье Рогачовкѣ ѡтдати, и продаѣти, и заменити, и по дѣши дати, и къ церкви записати, и къ своемуѣ | лепышомѣ и вжиточномѣ ѡбернути, какъ сам налепеи розѣмеючи. |

А на твердость того и печат(ь) нашѣ казали есмо приложити к семѣ | нашомѣ листѣ.

П(и)сан ѣв Оранех, сен(табра) 18 ден(ь). Индик(т) 3. || л. 194

## № 329

[1499 г.] сентября 12. Ораны.

Привилеі ѣрсѣлѣ Волошинѣ на село Славатичи  
ѣ Берестеискомѣ повете. |

Самъ Александрь, бож(е)ю м(и)л(о)стью великии княз(ь). |

Биль намъ чолом дворанинъ нашъ ѣрсуль Волошинъ и просил в насъ села нашего | данного в Берестеискомѣ повете и з люд(ь)ми, на има Славатичь. И мы ему тое | село Славатичи и з люд(ь)ми дали, и зь данью грошовою и медовою, и со всем по | томѣ, какъ издавна тое село ѣ границахъ сѣ своих мело и што здавна | к томѣ слѣшало.

П(и)сан ѣв Оранех, сен(табра) 12 день. Индик(т) 3. |

## № 330

[1499 г.] сентября 12. Ораны.

Привилеі Воикѣ Волошинѣ на поло|винѣ села Заболотья  
в Берестеі|скомѣ повете. |

Сам Александрь, бож(е)ю м(и)л(о)стью великии княз(ь). |

Биль намъ чоломъ дворанинъ нашъ Воико Волошинъ и просиль в насъ половины | села нашего данного в Берестеиском повете на има Заболотья и з люд(ь)ми.



И мы ему половину того села дали Заболотья и з люд(ь)ми | и з данью грошевою и медовою и со всимъ по томъ, какъ изъстародавна тое село въ границахъ сѧ своих мело, што здавна къ томъ слышало.

П(и)сан ѡв Орланехъ, сен(та)бра 12 день. Индик(т) 3<sup>1</sup>. || л. 194 об.

*Примечание.* <sup>1</sup>Далее лист прочеркнут виньеткой

## № 331

[1499 г.] сентября 12. Ораны.

Привилеі Ѳедоръ Волошинъ на | половину села Заболотья  
в Берестейскомъ повете. |

Сам Александръ, бож(е)ю м(и)л(о)стью. |

Биль намъ чолом дворанинъ нашъ Ѳедоръ Волошин и просил в насъ половины села нашего данного в Берестейскомъ повете на има Заболотья | и з люд(ь)ми.

И мы ему половину того села Заболотья дали и з люд(ь)ми и з | данью грошевою и медовою и со всим по томъ, какъ изъстародавна | тое село ѡ границахъ сѧ своих мело и што здавна к томъ слышало. |

П(и)сан ѡв Орланехъ, сен(та)бра 12 день. Индик(т) 3. |

## № 332

1499 г. сентября 21. Ораны.

Привилеи панъ Григор(ь)ю Ѳстиковичъ | на ѡбрѡбъ пѡщи  
при немецкой границы | на реце Сюсаи и на некоторые  
ропашы и люди | при той пѡщи вечност(ь)ю. |

Сам Александръ, бож(е)ю м(и)л(о)стью великии князь(ь) литовскии. |

Во има бож(е)е стан(ь) сѧ.

Чинимъ знаменито тым то нашим листомъ, хто на него | посмотрит, або чтѣчи его слышит, кому будет потребъ того | ведати, або слышати.

Иже ѡбачивши есмо верную службу | к намъ и николи не вмешканью слыги нашего верного пана Григор(ь)я Станковича Ѳстиковича, маршалка нашего дворного, наместника мерецкого и оникштенского, даем и дарѡемъ его пѡщею нашею, котораѧ ж лежит на Немецкой границы на реце Сюсаи на Воишвилтовой границы, которѡю ж границѡ положил Воишвилтъ Сюсаю рекою промежи ѡтчины нашею, Великого князь(ь)ства, и земли Лиѡлатское за предковъ | наших. И той пѡщи границѡ положили есмо ѡт наших земель ракишских || л. 195 и пенанскихъ, где Ѳлсинта река въпала въ Сюсаю рекѡ, котораѧ ж вышѡла | з Олсинта ѡзера, ѡ Прѡдѡпью рекѡ, где вѡстала Прѡдуп(ь). А ѡт Прѡдуп(ь)и въ Сербинѡ реку, а Сербинѡта речка где впаала въ Юдѡпъ рекѡ, а зъ Юдѡпи реки ѡ Вижинѡ рекѡ, а зъ Вижоны<sup>1</sup> Кгинтенем руч(ь)емъ въ Чадесо ѡзеро, а сѧ Чадеса речкою Миневкою, а з Миневки ѡ Болтю рекѡ, а з Болти реки мимо | наше поле логом въ Нереты болото, а зъ Нереты з болота рекою | Неретою ѡ Малыи рѣчи в Неретѡкъ, а Малою Нереткою ѡ Скордѡпни ручей, | а сѧ [С]кордѡпня рѣчья за сѧ въ Сюсаю рекѡ ѡ Воишвилтовѡ границѡ.

Такежъ | ѡ той пѡщи и в границы верхѡ выписанои люди наши сѡдѧтъ Ѳникъштенского | повета Ракишского дворца и люди Пенанского повета Чадеского дворца, | которыи ж

слѣжили къ дворцѣ нашомѣ Ракишьскам и к Чадесомѣ, и дан(ь) даивали | грошовѣю и медовую и дакла. Теж што к той пѣщи розъробили были наш | лесъ боѣарин куркле夫斯基 Ганушь Кгоилиминовичъ и съ сынами своими и боѣарин | ѿникъштенский Римько и з братом своимъ Мацьком Гдановичи без призволен(ь)а | ѿтца нашего, корола, его м(и)л(о)сти, и нашего, и дворцы собе там были поделали. И мы тот дворец Ганусовский и з людьми нашими, которые ж он был | за собою посадилъ, пану Григор(ь)ю дали. А што его люди были властныи, | и мы тыи люди казали емѣ с тое земли прочъ звести.

Такеж | тот Ганушь за тою ж границую в Ракишьском повете роспахал пѣщѣ нашѣ | и люди наши ж и свои посадил за Вижною рекою. И мы и тыи его распаша | з нашими люд(ь)ми ему ж дали есмо. А што Ганѣсовы люди на тых распашехъ | седили, тых казали есмо емѣ ѿтул(ь) звести. И тымъ распашем Ганусовым | граница есть з нашими люд(ь)ми из Вижны реки в Ылкѣпись рѣчи, а з Ылкгун(ь)а рѣчья в Лосиныи тамы, а з Лосиных тамѣ ѣ болото, а з болота ѣ тѣю | границѣ, што ч(о)л(о)в(е)къ нашъ Нелюбъ зъ Ганусом собе был положил, а тою границею за сѧ ѣ Вижну рекѣ.

Теж што тотъ Римько з братомъ своимъ | Мацьком розробили нашъ лесъ в той пѣщи, ино панъ Григореи за тое | их ѣсил(ь)е п(е)н(а)зи им ѿложил, а они теж и то сами перед нами сознали, иже | в него за тыи распаша п(е)н(а)зи побрали.

Такеж тѣю пѣщѣ нашу, котораѧ ж есть ѣ той границы выписана, даем и дарѣем его. И дали || л. 195 об. есмо з ласки наше, и потвержаемъ то емѣ симъ нашим листом вечно и непорѣшно, и его жоне, и их детем, и на потомъ ѣдѣчим ихъ счадкомъ, и с тыми нашими люд(ь)ми, которые ж ѣ той пѣщи сѣдѣть, и с тыми дворцы, | и з люд(ь)ми, и з распашьми боѣарскими, и с пашьными ихъ землами и з борѣтными, и з ловы, и з ловищи звериньными и пѣташьными, и з бобровыми гоны, и з водами, и зъ озеры на имѧ Ёлсинто, а Неквас, а Дѣмьблис, | а Минавка, а Нестрепос, а Балтись, и съ иншими озеры, которые ж | на той границы сѣтъ, з реками, и з речками, и с криницами, и зъ руч(ь)и, | и с потоками, и съ ставы, и съ ставищи, и з млыны, и з ихъ вымелками, | и с сажавками, и з рыбники, и з рыбьными вловки, и з болоты, и съ сеножат(ь)ми, и с хворосты, и съ пастовники, и з лѣсками, и з данью грошовою | и медовою, и зъ даклы, и со всеми платы, и з мыты, и доходы, | и вжитьки, ничего на себе а ни на потомъ ѣдѣчимъ платовъ и вжитковъ не ѿставляючи.

Теж з особое ласки наше даем и даруемъ | и дозволили есмо емѣ место собе садити в той пѣщи люд(ь)ми прихожими и замокъ зѣдовати, где сѧ емѣ ѣдет видети и которым | именем наименовати и назвати, и торгъ и ѧрмарьки в том месте мѣти, и со всеми пожитки ѧрмарьскими и с торговыми, и со всеми | ихъ платы и тамъ склад кѣпцомъ мѣти, и корчмы и платы корчомьныи.

А которыи гости кѣпцы чѣжеземцы будѣтъ приѣжѣчати с товари своими до того его места, с тых маеть он мыто | собе брати ѿт воза по два гроши. А которыи теж ч(о)л(о)в(е)къ чѣжеземец | приидеть до того его места, маеть ѿбестити сѧ емѣ самому, | або его наместникѣ.

Такеж волен он и инде в той пѣщи люди собе садити, и розширити, и розмножити, и прибавити, как же | таѧ граница верхѣ выписана<sup>2</sup> есть, и продати, и ѿдати, и даровати, | и заменити, и по дѣши дати, и къ церкви записати, и къ своемѣ | лепышомѣ и въжиточномѣ ѿбърнути, какъ самъ налепеи роздѣлючи.

Теж пришедши перед насъ мѣщанин виленьский Воитко Шлахта || л. 196 и зъ шур(ь)ею своею и зъ свестми своими. Такежъ пришел перед насъ боѣарин наш | Дашко, и з братом своимъ Ёлехьномъ, и з братаннами своими, и з зѣтьми своими. И повелили перед нами, што ж продали емѣ дворцы свои ѣ Судеревскои | волости и

з землами, и з людьми, и с чела<sup>д</sup>(ь)ю невол(ь)ною. Теж два ч(о)л(о)в(е)ки, | которые ж он к<sup>б</sup>пил в Панцовичовъ 8 Ларивона а в Миколаа, и з ихъ землами, и поле их дворное. А бояринъ нашъ Богдос ч(о)л(о)в(е)ка своего и з землю | ем<sup>8</sup> продал. И вси тиии приходши перед насъ явно сознали, иже | ничим не прип<sup>д</sup>жены, а никотороу зрадоу зведены, але своею доброю волею и приателеи своихъ порадую то продали пану Григор(ь)ю Станковичу Өстиковича.

И мы то слышачи, таковыи их торгъ | добровол(ь)ныи, што ж они тии свои дворцы и земли со всим ем<sup>8</sup> продали | и его жоне, и их детем, и потом<sup>3</sup> буд<sup>д</sup>чимъ их счадомъ со всим правомъ, | какъ же и сами они держали, дозволаемъ то ем<sup>8</sup> в них купити и пот<sup>т</sup>вержаемъ сим нашимъ листомъ вечно тии вси к<sup>б</sup>пили его, што онъ | пок<sup>б</sup>пилъ 8 бо<sup>а</sup>р нашихъ и в людеи земли и л<sup>д</sup>ки въ С<sup>8</sup>деревьскомъ | повете, и што на потомъ маеть к<sup>б</sup>пити, и то ем<sup>8</sup> пот<sup>т</sup>вержаемъ вечно. |

Такеж што дали есмо ем<sup>8</sup> пат(ь) ч(о)л(о)в(е)ковъ нашихъ С<sup>8</sup>деревское волости на им<sup>а</sup> | К<sup>8</sup>шлевичовъ, а шостого сл<sup>д</sup>г<sup>8</sup> на им<sup>а</sup> Гацовичовъ з дет(ь)ми, и з землами, и со всеми их сл<sup>д</sup>жбами и податъки<sup>4</sup>, какъ намъ сл<sup>д</sup>жили, малют ем<sup>8</sup> сл<sup>д</sup>жити, и его жоне, и их детем, и на потомъ б<sup>д</sup>д<sup>д</sup>чимъ их счадомъ | вечно и неפורушно.

А на твердость тыхъ всихъ речеи верх<sup>8</sup> писаныхъ | и печат(ь) наш<sup>8</sup> казали есмо привесити к сем<sup>8</sup> нашом<sup>8</sup> листу. |

П(и)санъ 8в Ор<sup>а</sup>нех, в лет(о) 7008, м(е)с(а)ца сен(та)бра 21 ден(ь). Индик(т) 3. |

При томъ были воев(ода) троц(кий), мар(шалок) зем(ский) | п(а)нъ І<sup>д</sup>нъ Юр(ь)евич, м(а)р(шалок), нам(естник) лид(ский) п(а)нъ Ст(анислав) Петраш(кович). |

І<sup>д</sup>н<sup>8</sup>шко писар. ||<sup>л. 196 об.</sup>

*Примечания. <sup>1</sup>Буква о исправлена из 8 <sup>2</sup>Буквы вы вписаны в строку <sup>3</sup>Исправлено, в рукописи на том <sup>4</sup>Буквы ъки написаны по смыслу текста*

## № 333

[1498 г. — 1501 г. декабря 12.]

**Протестація воеводы троцкого | п(а)на І<sup>д</sup>на Юр(ь)евича  
о зг<sup>8</sup>бенъе печати. |**

Г(о)с(по)д(а)ръ, его м(и)л(о)сть великии княз(ь), казаль про памет(ь) записати.

Приходши | перед его м(и)л(о)сть, поведиль воевода троцкии панъ І<sup>д</sup>нъ Юр(ь)евичъ, што ж его | печат(ь) згин<sup>8</sup>ла, и онъ себе казал друг<sup>8</sup>ю печат(ь) вробити. Ино хто бы тую | печать знашол, а некоторые неприател(ь) его хотел бы подступити а тою печатью што запечатати, и мы тое ни за что не маем, | бо онъ то намъ поведил и перед нами о тои печати 8зъявил. |

## № 334

1499 г. сентября 29. Вильна.

**Потвержен(ь)е пан<sup>8</sup> Воитък<sup>8</sup> І<sup>д</sup>нович<sup>8</sup> Клочк<sup>8</sup> | на имен(ь)а  
Деревную, Дорогово и иншие розные земли, | куплю и высл<sup>8</sup>г<sup>8</sup>  
его, вечностью. |**

Сам Александръ, бож(е)ю м(и)л(о)стью. |

Во им<sup>а</sup> бож(е)е стан(ь) с<sup>а</sup>.

Чинимъ знаменито симъ нашимъ листомъ, хто на него | посмотрит, або ч<sup>т</sup>дчи его въслышит, кому будетъ потребъ | того ведати.

Бил намъ чолом ѿхмистръ нашее великое | кнегини, наместникъ ковенский пан Воитко Ёдновичъ, што есмо | дали ему двор нашъ и з люд(ь)ми нашими данными слѣжебными и с Холрошовичи а з Лотъвичи на има Деревную 8 Слонимскомъ повете над релкою Исорокою з ловы и з бобровыми гоны, што по той реце по Исороце и по Деревной по ѿбема берегом.

Такеж што дали есмо емѢ | люди и з землами 8 Волковыискскомъ повете на има Дорогичане а Малковичи, а Пашѣтичи, а Халелечичи, и землю ГовеновъщинѢ, а ӨеневѢю || <sup>л. 197</sup> вдову з дет(ь)ми, котораѢ ж седит на той земли Говеновъскои, къ его двору 8 Волковыискскомъ повете, которыи же он двор и землю кѢпил 8 боѢр нашихъ 8 Шимька | а въ Некраша Есковичовъ, верхъ реки Лопеницы на има ПетѢховича.

И теж, | што придали есмо ему там же к тому дворѢ три земли на има ЗимороѢдовщину а Палковщину а Колтевшину.

Такеж што дали есмо емѢ ѿзера н(а)ши | 8 Переломъском повете за Викгры на има Сурпели, а Ёдсныи, а Долгии, а Къгулбинисъ, а Өвдеиц<sup>1</sup>, и с тыми реками, которыи межи тыи ѿзер идѢтъ. |

Теж што он кѢпил землю 8 боѢр нашихъ сомилишских в Мокловзъкгаиловичов | въ Гана а въ Юшьковича и въ их братоничовъ 8 Волковыискском повете на ГрѢзъском всю сполна, што они держали.

Такеж што он кѢпил двор в панее | Михайловое Нацевича, пана ее первого, пана Ивана Къгощевича, на има | Дорогово з нашимъ призьвольеньем и [с] слѣгами и з боѢр[ски]ми землами и з людъми<sup>2</sup> со всеми платы и з даньми по томѢ, какъ пан Иванъ Къгощевич | держал и пани его.

И бил намъ чолом, абыхмо то потвердили ему нашим | листом на вечность. Ино мы, впамятавъшы службу его к нам верную | и николи не въмешканую, и з ласки нашее то есмо вчинили. И тот двор | Деревную 8 Слонимскомъ повете и з люд(ь)ми данными и съ слѣжебными, и съ Хорлшевичи, и з Ловичи, и з бобровыми гоны, и тыи ѿзера Завикгры, и тот | двор Дорогово<sup>3</sup>, его кѢплинѢ, нашѢ данину, и тыи люди и з землами | 8 Волковыискскомъ повете на има Дорогичане, а Малковичи, и Пашѣтичи, а Өалелечичи, и землю Говеновшину, и Өеневую з дет(ь)ми, и тыи земли ЗимороѢдовщину, а Палковщину, а Колтевшину, и землю на Грузскомъ, его кѢплинѢ, потверждаемъ сим нашим листом, вечно и непорѢшно емѢ самому, и его | жоне, и его детем, и его ближнимъ, и на потом будѢчим его счадкомъ, и з люд(ь)ми | таглыми и данными, и з землами пашными и бортными, и з лѢсы, и з дѢбровами, и з борми, и з гаи, и съ хворосты, и съ сеножат(ь)ми, и з болоты, | и з лѢками, и зъ ловы, и з ловищи, и з зверинными, и пѢташ(ь)ими, и з бобровыми гоны, што по Исороце и по Деревной, и з ѿзеры, и зъ реками, и з речками, || <sup>л. 197 об.</sup> и с криницами, и съ ставы, и съ ставищи, и зъ рыбъники, и з рыбными вловъки, | и зъ млыны, и з ихъ вымелками, и з данью грошовую и медовую, и со всеми | вжитки, и платы, и подат(ь)ми, и доходы, и со всимъ по томѢ, такъ широко, | и долго, и окрѢгло, какъ ис стародавна къ томѢ слѢшало, и какъ тот двор | держал панъ Михайло Нацевичъ, и какъ сѢ само въ себе маеть, и которыи | инъшим именем можеть возъвано быти, ничого на насъ не выимѢчи, а ни | на потом наши бѢдѢщи. Волень он тот двор свои Деревную, и теж тот | двор 8 Волковыискскомъ повете и тыи села, и люди, и земли, нашѢ данинѢ | и кѢплинѢ свою, тот двор Дорогово, ѿдати, и продати, и даровати, | и заменити, и по дѢши дати, и къ церкви записати, и къ своему лепъшомѢ и вжиточному ѿбърнути, и розширити, и прибавити, какъ самъ | розѢмеючи, и какъ сѢ емѢ налепеи будеть видети.

А на твердость | тых всих речеи верх<sup>8</sup> писаных и печать нашу казали есмо привесити | к сем<sup>8</sup> нашом<sup>8</sup> лист<sup>8</sup>.

П(и)сан <sup>8</sup> Вил(ь)ни, в лето 7008, м(е)с(а)ца сен(т)абра 29 | день. Индик(т) 3. |

При том<sup>4</sup> были панове рада наша: кн[а]з(ь) Воит(ех) бис(куп) | вил(енский), воев(ода) вил(енский), кан(цлер) пан Мик(олай) Ради(вилович), пан вил(енский), нам(естник) | гор(оденский) кн[а]з(ь) Алек(сандр) Юр(ьевич), стар(оста) жом(оитский) пан Ст(анислав) Ёдн(ович), мар(шалок) | двор(ный), нам(естник) мер(ецкий) и оник(штенский) п(а)н Гр(игории) Ст(анкович) Ёстикович. |

Ёднуш(ко) писар. |

*Примечания.* <sup>1</sup>Буква ц исправлена из р <sup>2</sup>Далее в строке более светлыми чернилами знак ≡ <sup>3</sup>Далее полусмыта буква е <sup>4</sup>Слово вписано над строкой

## № 335

1499 г. октября 4. Вильна.

Потвержен(ь)е Николаю Михнович<sup>8</sup> Бакалар<sup>8</sup> на люди  
и земли <sup>8</sup> Василишскомъ | повете вечностью. |

Сам Александрь, бож(е)ю м(и)л(о)стью. |

Биль намъ чоломъ дворанин нашъ Николаи Михновичъ Бакалар | и поведил перед нами, што *жс* отец его был в держаньи <sup>8</sup> Василишскомъ повете людеи на има Рост<sup>а</sup> Бланевича а Петра Чижевича а двух | земель, Килеиковщины а Микуловское, при отцы нашомъ, короли, его м(и)л(о)сти. || <sup>л. 198</sup> И затым отец нашъ, его м(и)л(о)сть, тьи люди и земли <sup>8</sup> отца его отнал. Ино мы | ем<sup>8</sup> тьи люди и земли за с<sup>а</sup> дали з ласки нашее. И бил нам чолом, абыхмо | то ем<sup>8</sup> подтвердили нашим листом на вечность.

И мы дла его службы | то есмо вчинили, тьи люди и земли подтверждаем сим нашим листомъ | вечно и непор<sup>8</sup>шно, ем<sup>8</sup> самом<sup>8</sup> и его жоне, и их детем, и на потом буд<sup>8</sup>чим ихъ счадомъ со всимъ по том<sup>8</sup>, какъ тьи люди и земли и отецъ | его держаль и што здавна к том<sup>8</sup> сл<sup>8</sup>шало. Волен он то отдати | и продати, и заменить, и къ церкви записати, и къ своем<sup>8</sup> летьшому и вжи|точном<sup>8</sup> оберн<sup>8</sup>ти, какъ самъ налепеи роз<sup>8</sup>меючи.

А на твердость | того и печат(ь) наш<sup>8</sup> казали есмо приложити к сем<sup>8</sup> нашему листу. |

П(и)сан <sup>8</sup> Вил(ь)ни, в лето 7008, м(е)с(а)ца ок(т)абра 4 ден(ь). Индик(т) 3. |

При т(ом) были нам(естник) пол(оцкии) п(а)н Юр(ии) Пац(евич), мар(шалок), | нам(естник) вол(ковыиский) пан Во(и)т(ех) Куч(укович), ок(мистр) вели(кое) кн(е)г(ини), нам(естник) | ковен(ский) пан Во(и)т(ех) Ёдн(ович). |

Ёднуш(ко) писар. |

## № 336

1499 г. октября 5. Вильна.

Потвержен(ь)е Станислав<sup>8</sup>, Ёдн<sup>8</sup> и Венцлав<sup>8</sup> Андр<sup>8</sup>шко|вичом  
и братанич<sup>8</sup> их на люди и земли <sup>8</sup> Волковы[и]|ском,  
<sup>8</sup> Васили[ш]ском и <sup>8</sup> Ёстрынском повете вечност(ь)ю, etc. |

Самъ Александрь, бож(е)ю м(и)л(о)стью. |

Чинимъ знаменито симъ нашим листом, хто на него посмотрит, или чтучи | его слышит, ком<sup>8</sup> того потребъ будет ведати.

Били нам чолом двораіне наши Станиславъ а Ідн а Венславъ Анѣдрѣшковичи а дадкович ихъ, І Матеи Станковичъ, и въказывали перед нами листы ѿтца нашего, корола, ег(о)<sup>1</sup> м(и)л(о)сти<sup>2</sup>, што ещо дед ихъ, панъ Ивашко Простивилович, выслѣжил на ѿтци нашомъ, короли, его м(и)л(о)сти, люди 8 Волковыискомъ повете на Лопелницы, што 8рнажы<sup>3</sup> держал, а землю Жаворонковичовъ, а ч(о)л(о)в(е)ка данника на има Васил(ь)ца Пробѣдимешковича.

А 8 Василишъскомъ повете І земли<sup>3</sup> на има Сѣлиновъ а Мацкову Сношковича.

А 8в Острынскомъ || л. 198 об. повете люди данники на има Вешкутевичовъ, какъ ещо был великим кн(а)земъ. И били І нам чолом, абыхмо им тыи люди и земли вышеписанныи, што дед их, пан Ивашко выслѣжил на ѿтци нашомъ, короли, его м(и)л(о)сти, подтвердили нашим листом. І

И мы з ласки нашео за их службу верную подтверждаемъ выслѣгу деда их, имъ І и их жонам, и их детем и на потом будѣчим их счадомъ со всим по томѣ, как дед І их пан Ивашко держал, и што издавна к томѣ прислѣхало, сим нашим листом, І вечно и непорушно. Вол(ь)ни ѿни то ѿдати, и продати, и заменити, и къ своемѣ І вжиточномѣ обернути, какъ сами налепи розѣмеючи.

А на твердость І того и печат(ь) нашу казали есмо привесити к семѣ нашомѣ листу.

П(и)сан І 8 Вил(ь)ни, в лет(о) 7007-е, м(е)с(а)ца ѿк(т)абра 5. Индик(т) 3. І

Пр(и) [том] были нам(естник) пол(оцкии) пан Юр(и) Пац(евич), І мар(шалок), нам(естник) вол(ковьиискии) пан Воит(ех) К8ч(укович)<sup>4</sup>. І

*Примечания.* <sup>1</sup>Слово вписано в строку <sup>2</sup>Слово вписано над строкой <sup>3</sup>Перед словом вычеркнуто те <sup>4</sup>Возможно чтение 8наржы <sup>4</sup>Исправлено, в рукописи Кун

#### № 337

1499 г. октября 10. Вильна.

Потвержен(ь)е Ѳедкѣ Григор(ь)евичѣ, писарѣ  
г(о)с(по)д(а)рскомѣ, на село І Кгердѣтишки, выслугѣ его,  
и на розные купли его І в розных поветех. І

Сам Александръ, бож(е)ю м(и)л(о)стью. І

Чинимъ знаменито симъ нашим листом, хто на него посмотрит, або чтучи І его вслышит, кому ж потребъ того будет ведати.

Бил нам чолом писар наш І Ѳедко Григор(ь)евичъ и въказывал перед нами листъ ѿтца нашего, корола, его І м(и)л(о)сти, што ж дал емѣ за его верную слѣзбу сел(ь)цо на има Кгердѣтишки, што І перед тымъ держал писар его м(и)л(о)сти Васко Любич, на реце на Березини І в повете Сѣшменскомъ зъ землами пашными, и съ сеножат(ь)ми, и з люд(ь)ми, І и з ихъ землами, и съ сеножат(ь)ми, и со въсим тым, што к томѣ сел(ь)цѣ прислѣхаеть.

Теж поведил перед нами, иж кѣпил люди близко того ж сел(ь)ца І своего в конюшого нашего вильньского 8во Андреа Дрождчича, чотыры службы в Бакштѣх.

А дрѣгии люди в него ж кѣпил, данники шесть || л. 199 ч(о)л(о)в(е)ковъ на реце на Ідченце з данью грошевою и медовою, и со всеми их вжитки І и пожитки, и зъ землами ихъ пашными и съ сеножат(ь)ми.

А далеи мовил нам, І што ж кѣпил к тому ж сел(ь)цѣ своемѣ Кгердѣтишкам дворец зъ землею пашною І и съ сеножат(ь)ми в писара нашего тотарского, 8во

Абрагима Тимирчича, | в Пожаришох, кѣплю его, на има Титеиковщину, што он кѣпил в кн(а)за Дмитрея Петровича, вечно.

Такеж говорил намъ, иж кѣпил в писара ѿца нашего, корола, его м(и)л(о)сти, в Петрашъка Ѡминича, дворец Телатиновский | з люд(ь)ми, и з землями пашными, и съ сеножат(ь)ми, и з борътным деревом, и пруд | на реце на Качине, и з бобровыми гоны.

А дрѣгии люди кѣпил и земли | пашными, и сеножати, и дерево бортное, и дѣбровы в писара нашего, | в небожчика в пана Ивана Ёцковича, и въ его панее, в пани Марины, на тои | жо реце на Качине.

А потом мовил намъ, што ж кѣпил в мещанина полоцъкого, в Кунцы Евлашковича Кожчича, сел(ь)цо в Полоцкомъ повете на има | Всаю с призвоеньем ѿца нашего, корола, его м(и)л(о)сти. И листы ихъ вси | кѣпчии на все то перед нами вказывал, иж он то покѣпил в них ѡбель | вечно.

И просил насъ, абымо мы тѣю данину ѿца нашего, корола, | его м(и)л(о)сти, тое сел(ь)цо Кгердѣтишки, и тыи кѣпли его вси вышеиписанныи, што он покѣпил в конюшого нашего виленского, ѡво Андрея Дрожчича, а в писара нашего татарского ѡво Абрагима Тимирчича, а в писара ѿца нашего в Петрашъка Ѡминича, а в писара нашего в небожчика в пана Ивана Ёцковича и въ его панее, въ пани Марины, а въ мѣщанина полоцкого в Кѣнцы Евлашковича, ѡбел(ь) вечно подтвердили н(а)шим | листом.

И мы емѣ за его службѣ верную тое сел(ь)цо Кгердѣтишки, данинѣ ѿца нашего, корола, его м(и)л(о)сти, и тыи кѣпли его вси вышеиписанныи призвоаем и подтверждаем тое емѣ и его жоне и их детем и потом | бѣдѣчим ихъ счадкомъ сим нашим листом вечно и непорушно и на веки | вечныи со всѣм с тым, што к томѣ сел(ь)цѣ Кгердѣтишкам и к тым его | кѣплам вышеиписанным здавна прислѣхаеть, з люд(ь)ми, и землями | пашными, и съ сеножат(ь)ми, и з деревом бортным, и зъ лесы, и з гаи, и з дѣбровыми, || <sup>л. 199 об.</sup> и з водами, и з реками, и со ѡзераы, и зъ бобровыми гоны, и з дан(ь)ми грошовыми и мѣдовыми, и со всѣми входы и приходы, и какъ са тое сел(ь)цо Кгердѣтишки и кѣпли его вси вышеиписанныи перед тымъ в границах своих мают.

А при | томъ были панове рада наша, воевода виленский, канцлер нашъ пан Миколаи Радивилович, воевода троцкий, маршалокъ земский пан Ёнъ Юр(ь)евичъ, маршалокъ нашъ дворный, наместникъ мерецкий и оникѣштенский пан Григорей | Станкевичъ Ѡстиковича, маршалокъ нашъ, наместникъ витебский пан | Станиславъ Глебовичъ, ѡхмистръ нашее великое кн(е)гини, ее м(и)л(о)сти, намѣстникъ ковенский панъ Воитехъ Ёновичъ.

А на твердость того и пѣчатъ нашѣ казали есмо привесити к сему нашему листу.

П(и)сан ѣ Вил(ь)ни, | в лет(о) 7008-е, м(е)с(а)ца ѡк(т)абра 10 день. Индик(т) 3. | Ёнушко писар. |

**Вырокъ межи паном Воитехом Кѣчѣковичом | а межи князем Семеном Михаиловичом Слуцким | ѡ именье Жидьковичи<sup>1</sup>. |**

Самъ Александръ. |

Смотрели есмо того дела с паны радюю нашою.

Стояли перед нами | очевисто въ праве маршалокъ нашъ, наместникъ волковыискии панъ Воитех | К8чуковичъ со кн(а)земъ Семеномъ Михайловичомъ Слуцкимъ. Жаловал нам | на кн(а)за Семена, што *жс* отецъ его, кн(а)зь Михаило, отналь въ его отца, въ пана | ІѦна К8чуковича, именье его отчинъное и дединное на има Жидковичи. | И в *тот* часть, какъ отецъ его пан ІѦнъ ездил до Чехъ, и того отецъ и онъ самъ | впомянаны был, ажъ и до тыхъ часовъ и о томъ не молчал. И княз(ь) Семен | передъ нами рекъ, што *жс* отецъ его панъ ІѦнъ того именья Жидковичовъ | николи не былъ в держаньи. И панъ Воитехъ подалъ на то светковъ, боаръ волковыискихъ, еиши[ш]скихъ, радѣнскихъ, двадцати и двухъ ч(о)л(о)в(е)ковъ.

И мы тыхъ | светковъ опытывали, и они передъ нами повелили, што *жс* отецъ п(а)на | Воитеховъ, панъ ІѦнъ К8чуковичъ, того именья Жидковичъ былъ || л. 200 въ держаньи. И то тежъ тыи светки ведали, какъ тыи люди Жидковичи и дан(ь) | воживали къ его дворомъ. И кн(а)зь Семень рекъ, и *жс* бы тыи светки на томъ и присагнули, какъ будетъ панъ ІѦнъ К8чуковичъ того именья Жидковичовъ былъ 8 держаньи. И тыи светки на томъ присагнули.

И мы того досмотревшы, подлугъ тыхъ светковъ сведоцства и водле присаги ихъ, пана Воитеха К8чуковича в томъ правого нашли. И тое именье Жидковичи ем8 есмо присудили | вечно и непорѣшно, ем8 самом8 и его жоне, и ихъ детемъ, и на потомъ будѣчимъ ихъ счадкомъ. А кн(а)зю Семен8 Михайловичу в то вже не надобе вступати с.а.

А на твердость того и печат(ь) нашу казали есмо привесити | к сем8 нашом8 лист8.

П(и)санъ 8 Вил(ь)ни, в лето 7008, м(е)с(а)ца ок(табра) | 10 день. Индик(т) 3. |

При томъ были кн[а]з(ь) Воит(ех) бис(куп) вил(енский), воев(ода) вил(енский), кан(цлер) | п(а)нъ Мик(олаи) Радивил(ович), воев(ода) тр(оцкий), мар(шалок) зем(ский) панъ ІѦнъ Юр(ьевич), | мар(шалок) двор(ный), нам(естник) мер(ецкий) и оник(штенский) п(а)нъ Гр(игорий) Ст(анкович) Ёс(тиковича), мар(шалок), | нам(естник) вит(ебский) панъ Ст(анислав) Глеб(ович), мар(шалок), нам(естник) лид(ский) панъ | Стан(ислав) Пет(рович), ѡх(мистр), нам(естник) ков(енский) панъ Воит(ех) ІѦн(ович). |

ІѦнушко писар. |

*Примечание.* <sup>1</sup>Буквы ѡковичъ написаны по смыслу текста

Потвержен(ь)е пан8 ІѦн8 а пан8 Станислав8 | Шеметовичомъ на именья ихъ отчинъные | Шовканы, Лидованы, Коркланы, Гнезную и Нетечу, etc. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотрит, а любю чтѣчи его въслышит, кому *жс* того потребъ бѣдетъ ведати.

Была намъ | чоломъ пани Миколаеваѡ Шеметовича пани Марина и зъ своими сынами, | зъ ІѦномъ а съ Станиславомъ Миколаевичи, ѡ мѣжа своего, небожчика пана Миколаевы, именья отчинъныи, што в Жомоити, дворъ на има Шовканы. И тежъ |



в том дворе в Шовкьянех, што дали есмо были небожчикѸ пану ее, торгъ | мети и две корчме. И дрѸгии дворы Лидованы и Коркъланы, в Жемои<sup>л</sup>ти ж, || л. 200 об. и Гнезнаа, и Нетеча в Троцкомъ повете. И била<sup>1</sup> нам чолом, абыхмо тыи дворы | *отчинныи* сыном ее потвердили на вечность нашимъ листом.

Ино мы то | на нее челомбитье вчинили, тыи именья, *отчины* мѸжа ее, тотъ двор | Шовкьяне с торгомъ и з двема корчмами, и Лидоване, и Корклане, и Гнезно, | и НетечѸ потвержаемъ то ее сыном ІѸну а Станиславу и их жонам и их | детемъ и на потом бѸдѸчим их счадомъ сим нашим листом вечно и непо<sup>р</sup>Ѹшно и на веки вечныи со всим с тым, што к тым именемъ здавна слушало, з люд(ь)ми, и з землами пашными и бортными, и з сеножатыми, и з лесы, | и зъ гаи, и з дѸбровыми, и з водами, и з реками, и со озеры, и з бобровыми | гоны, и съ ставы, и съ ставищи, и з млыны, и з ихъ вымелками, и съ криницами, и съ сажевками, и з даньми грошовыми и медовыми, и со всеми | входы и приходы, и какъ са тыи именья вышеписанныи вси пѸред тыи въ границах своих мели. Вол(ь)ни сынове ее ІѸнъ а Станислав тыи | вси имен(ь)Ѹ *отдати*, и продати, и по дѸши дати, и къ своемѸ лепышомѸ | и вжиточномѸ обернути, какъ сами налепеи розѸмеючи.

А на твердость тых всих речеи вышеписаных и печат(ь) нашѸ казали есмо привелсити к семѸ нашомѸ листѸ.

П(и)сан Ѹ Вил(ь)ни, в лето 7008-е, | м(е)с(а)ца ок(табра) 20 день. Индик(т) 3. |

Правил мар(шалок) двор(ныи) нам(естник) мер(ецкий) | и соник(штенский) пан Григ(ории) Стан(кович) Ѹстиков(ич). |

*Примечание.* <sup>1</sup>Буквы и, а исправлены из других

#### № 340

1499 г. октября 21. Вильна.

### Привилеи Сенку ЖеребатицѸ на некоторые | земли Ѹ Путивльском повете. |

Александръ, бож(е)ю м(и)л(о)стью. |

Чинимъ знаменито сим нашимъ листом, хто на него посмотрит, або | чтѸчи его слышит, кому будет потребъ того ведати.

Бил нам чолом | дворянин нашъ Сенко Жеребатиц, што есмо дали емѸ земли, кѸпли | Ѹ Путивльском повете на има под Богданом Милковичом дву братов || л. 201 кѸплю, а *отца* его Павла а дадка его Максима. А под Дробышом, жолва[з]кимъ | сотникомъ, на има ПорозѸ кѸплю. А под Ѹлтухомъ Кгиреевскую куплю. А под | ил(ь)иньскимъ попом, што кѸпил Ѹ Бобловича, а подѸ Ѹскеркиничомъ Давыдом | Городиское волости. И теж Нехлебовскую кѸплю Жолвазкое волости. | И тыи земли и кѸпли *первеи* сего потвердили были есмо емѸ нашим листом | на вечность. То пакъ тыи люди н(а)ши<sup>1</sup> пѸтивльцы приходили к нам и жаловали намъ на Сенка, што ж *он* тыи земли их *отчинныи* в насъ выпросил. | Ино хотя быхмо и тыи самыи люди наши даннии ему дали, то есть | в нашей воли г(о)с(по)д(а)рьской, тых людей жалобы есмо выслушавшы, и земль тых, | кѸпел(ь), в Сенка есмо не *отнали*. И еще есмо емѸ к тому придали под Игнато<sup>л</sup>вою, на има Бородавкою землю, кѸплю ее, што она Ѹ мѸжа своего в Ёгната кѸпила.

И подлугъ первого листа нашего для его службы к намъ | верное и з ласки нашее то есмо вчинили. И тыи земли и купли вышепи|саныи потвержаемъ сим нашим листомъ вечно и непорушно емѸ самомѸ | и его жоне, и их детемъ и на потомъ бѸдѸчимъ ихъ счадкомъ, земли пашныи, | и бортныи съ старими знамены и з новыми, и з лесы, и з дѸбровами, | и з сеножат(ь)ми, и з реками, и з речками, и с криницами, и з бобровыми береги, и з ловы, и з ловищи зверинными и пѸташими, и ставы, и ставищи, и з | млыны, и з данью грошовою и медовою, и со всеми платы, и доходы, | и въжитки, и со всемъ по томѸ, што здавна к тымъ землямъ слѸшаетъ и какъ сѸ | в границахъ своихъ маютъ. Воленъ онъ тыи<sup>2</sup> земли, кѸпли, нашу данину, Ѹтдати | и продати, и заменити, и по дѸши дати, и къ церкви записати, и къ своемуѸ | лепшомѸ и вжиточному Ѹбернути и росъширити, какъ самъ налепи | роздмеючи.

А на твердость того и печать нашу казали есмо привелсити къ семѸ нашему листѸ.

П(и)сан Ѹ Вил(ь)ни, в лето 7008, м(е)с(а)ца | Ѹк(т)абра 21 день. Индик(т) 3. |

При т(ом) были воев(ода) тр(оцкии), мар(шалок) зем(скии) панъ | ГѸнъ | Юр(ьевич), мар(шалок) нашъ двор(ныи), нам(естник) мер(ецкии) и он(икштенскии) | панъ Григорей Стан(кович) ГѸстик(ович). || <sup>л. 201 об.</sup>

*Примечания. <sup>1</sup>Слово вписано над строкой <sup>2</sup>Исправлено, в рукописи тыи*

#### № 341

[1499 г.] октября 22. Вильна.

Листъ боѸаромъ полоцкимъ БогданѸ а ГлебѸ ГѸстаѸевичомъ, Михаилу а Ивашку Зенов(ь)евичовъ з стороны робен(ь)а | двухъ городенъ в замку Полоцкомъ. |

Самъ АлександрѸ, бож(е)ю м(и)л(о)стью великии княз(ь). |

НаместникѸ полоцкомѸ пану Юр(и)ю Пацовичу и инымъ наместникомъ | нашимъ, хто и на потомъ Ѹт насъ будетъ Полтескъ держати.

Жаловали намъ боѸаре полоцкии Богданъ а Глебъ ГѸстаѸевичи а Михаилу а Ивашку ЗеновѸевичи и з братьею своею, што жъ какъ перво сего замокъ | нашъ Полтескъ былъ згорелъ, ино з росказанья Ѹтца нашего, корола, его | м(и)л(о)сти, тотъ замокъ робилъ воевода троцкии, маршалокъ земскии панъ | ГѸнъ Юр(ь)евичъ, какъ Ѹт его м(и)л(о)сти Полтескъ держалъ. И новину имъ былъ Ѹвелъ, казалъ имъ рѸбити | Ѹсмь городенъ. А они передъ тымъ издавна робливали тол(ь)ко две городни. | И здесе Ѹ томъ передъ нами поведилъ панъ воевода, што жъ тыи два роды, ГѸстаѸевичи а ЗеновѸевичи, издавна робливали тол(ь)ко две городни, а онъ былъ | имъ в томъ силѸ вчинилъ и новину Ѹвелъ.

И мы Ѹ томъ достаточне | сѸ доведавши, тѸю новину имъ Ѹставили, и въделали есмо по-старомѸ. Мають они тыи свои две городни робити по-старомѸ, | подлугъ давного обычаѸ. А тебе, наместнику нашемѸ, и городничюму полоцкомѸ посокирщины зъ ихъ люди не надобе брати.

П(и)сан Ѹ Вил(ь)ни, | Ѹк(т)абра 22 день. Индик(т) 3. |

При т(ом) были воев(ода) троц(кии), мар(шалок) зем(скии) панъ | ГѸнъ Юр(ьевич), мар(шалок) двор(ныи), нам(естник) мер(ецкии) и он(икштенскии) | панъ Григ(ории) Стан(кович) ГѸстик(ович). || <sup>л. 202</sup>

## № 342

[1499 г. октября 24. Вильна.

**Потвержен(ь)е панѸ Юр(и)ю Зенов(ь)евичѸ<sup>1</sup> на землю | ЩовенскѸю  
а две озера, Щолно а Идолто вечностью. |**

Александрь, бож(е)ю м(и)л(о)стью великии княз(ь). |

**Чинимъ знаменито сим нашимъ листомъ, хто на него посмотри<sup>т</sup>, або чтучи его |  
Ѹслышит, комѸ будет того потребъ ведати.**

Бил намъ чолом наместникъ | браславъскии пань Юреи Зеновьевичъ и поведил перед нами, што *ж* кѸпил землю | в людех наших ПолоцкѸго повета, въ Харпиных детех на има въ Зенова и въ | братьи его, Ѹ Васи<sup>л</sup>а а въ Ёлкова<sup>2</sup> Ѹбел(ь) вечно. А рѸбеж той его кѸпленои земли Щовенское<sup>3</sup> *от* наших браславъских людех, почон *от* Хоробова ГлѸшицею | рекою, а з ГлѸшицы реки въ рекѸ Ѹ Вату. А дрѸгии рѸбежъ той *ж* его земли | *от* людех наших ПолоцкѸго повета Толстым рѸчаемъ въ рекѸ Ѹв ЁдолтицѸ.

Теж в той же его земли Щавенъскои<sup>3</sup> в томъ верхѸписаномъ рѸбежи кѸпил в тых же людех озера две на има Щолно а Идолто. Такжеж в той его земли кѸпленои Щолвенъскои седат сабры тых людех, и што емѸ тьи земли | продали, на има Тречевичи Кгреиты з братом Матеемъ, а Докути, | а Петрь, а Евнеико. И въказывал перед нами тых Харпиных детех и листъ | кѸпчих, што в них кѸпил. И бил намъ чолом, абыхмо ему призволили тьи | земли и озера в них кѸпити и потвердили быхмо то емѸ нашим листом | на вечность.

Ино мы з ласки наше и за его слѸжбу то есмо вчинили | и тую землю Щовенскую дозволили есмо в тых людех емѸ кѸпити, и тьи | сабры тых людех Тречевичовъ. И потвержаемъ то сим нашим листомъ | вечно и непорѸшно, ему самомѸ и его жоне, и их детех и на потом будѸчимъ их счадкомъ, и с тыми озера, и з ловы, и з бобровыми гоны, и со | всимъ по томѸ, какъ тьи Харпины дети тое мели, и какъ он в нихъ | кѸпил, и какъ таѸ граница верхѸ выписана естъ. Волен он тѸю землю | и тьи озера *от*дати, и продати, и даровати, и заменити, и ку своему || *л. 202 об.* лепъшомѸ и вжиточномѸ Ѹбернути, и росширити, и прибавити, какъ самъ налепеи роздмеючи.

А на твердость того и печат(ь) нашу казали есмо привесити | к семѸ нашомѸ листѸ.

П(и)сан Ѹ Вил(ь)ни, в лето 7008, м(е)с(а)ца Ѹк(табра) 24 ден(ь). | Индик(т) 3. |

*Примечания.* <sup>1</sup>Вторая буква е вписана в строку другим почерком <sup>2</sup>Буква к исправлена из другой <sup>3</sup>Буква н исправлена из другой

## № 343

[1499 г.] октября 26. Вильна.

**Потвержен(ь)е панѸ ПетрѸ ѸлехновичѸ | на именье Шпаково  
на вечность. |**

Сам Александрь, бож(е)ю м(и)л(о)стью. |

Биль намъ чоломъ кѸхмистръ нашъ, наместникъ Ѹлитскии <sup>1</sup>и немоноитскии<sup>1</sup> пань Петрь | Алехновичъ и поведил нам, што *ж* братъ его, небожчикъ пань Петрь | Ёдновичъ, воевода троцкии, маршалокъ земьскии, кѸпил именье на Волини в землех

волынскихъ, в Сен(ь)ка, а в Ывашка, а в Харка, а в Оедка Копачевичовъ и въ ихъ | братьи на има Шпаково вечно. А потомъ тое имень Шпаково | дал емѸ теж вечно, и листь свои на то емѸ потвержены с привесистою | печат(ь)ю дал. И он тот листь его потвержены и тых землн листь кѣпъ|чии, которыи они на тое имень небожчикѸ пану ПетрѸ ІѡновичѸ дали, | вказывал перед нами. И бил намъ чолом, абыхмо емѸ тое имень вышеи|писаное, што емѸ брать его, небожчикъ панъ Петръ Іѡновичъ, даль | и листом то емѸ своимъ потвердилъ, теж вечно потвердили нашимъ | листомъ.

И мы тое имень вышеписаное Шпаково потвержаемъ | емѸ, и его жоне, и их детем, и на потом бѣдѣчим их счадкомъ вечно симъ | нашим листомъ со всим по томѸ, какъ тыи земане тое имень сами | держали и какъ в них тое имень кѣпил небожчикъ панъ Петръ Іѡнович, | што со всим с тымъ здавна к томѸ именью прислѣхаеть.

П(и)сан | 8 Вил(ь)ни, ѡк(табра) 26 день. Индик(т) 3. || л. 203

Примечание. <sup>1-1</sup>Вписано над строкой

№ 344

[1499 г.] ноября 9. Новгородок.

Справа межи Оедком Григор(ь)евичомъ | а князем Семеном Чорторыским ѡ полбран(ь)е дерева с пѣщи Любецкое. |

Самъ Александръ, бож(е)ю м(и)л(о)стью. |

Смотрели есмо того дела.

Жаловал намъ писар нашъ, наместникъ стоклишлскии Оедко Григор(ь)евичъ на кн(а)за Семена Чорторыского, што ж он, приехавши сил(ь)но, моцно съ своими люд(ь)ми в ловы его любецкии дерево с пѣщи его брал и волзил къ дворѸ своемѸ къ Сташину. И ѡчевисто ѡ томъ со кн(а)земъ Семеномъ | перед нами мовил. И кн(а)зь Семень перед нами мовил: «И сам то знаю, што ж то | ловы твои любецкии, а в тых деи твоих ловех ч(о)л(о)в(е)ка моего, на има Сметанича Легонова, земля бортная естъ в ѡбрубѣ, и ѡзера, и нивы, и сеножати, | старьи роспашѣ, ещо за великого кн(а)за Витовта, потомѸ мне там вол(ь)но в тои пѣщи дерево брати».

И Оедко писар перед нами рекъ: «Не ѡдномѸ чоловекѸ твоему СметаничѸ в тои земљи ѡбрубной дерево бортное ест(ь), | але и моемѸ ч(о)л(о)в(е)кѸ любчанину, и архимандритѸ Лаврашевскому, и попѸ семеновскомѸ, пана Оедкову подскарбего в тых моих ловех борть. | А дерева на хоромы и на иньи потребы никому не вол(ь)но брати. | Нижли ч(о)л(о)в(е)кѸ твои в тои земли ѡбрубной здавна борть свою хоживал | посполѸ с тыми своими поплечники, а дерева никомѸ не вол(ь)но там | брати в моих ловехъ. Нижли тыми разы ты почал в тых моих ловехъ | дерево брати ктвалтомъ, и в томъ ми еси кривдѸ вчинил, а тыи | твоего ч(о)л(о)в(е)ка поплечники ни ѡдин тамъ дерева не берет и кривды | ми не чинят». И на том слал сѧ Оедко на всих боар новгородскихъ, и на людеи | кн(а)за бискѣпа виленского Бакштынцовъ, и старосты жомоитского | пана Станиславовых Іѡновича, на Налибочан, и на пана Сл(ь)браховых | Мартиновича, и на Тер(е)пичанъ, которыи с ним в границах сѧ мают в тыхъ | ловехъ, што ж то ловы любецкии. А и подскарбии нашъ Оедко Хребътович || л. 203 об. перед нами поведил, што ж какъ ещо Любчо держано на насъ,

ино деи наместники | любецкии по доброй воли даивали дерево к дворѣ его къ Сеньну, на што | было потреба. «А мне деи в ловищах любицкихъ входѣ жадного неть». И поглом князь(ь) рекъ: «То земля бортная, и нивы, и сеножати ч(о)л(о)в(е)ка моего в обрубѣ ѣ твоих ловех».

И мы его пытали: «Хто твоимъ ч(о)л(о)в(е)ку тую | землю обрубывал а чимъ посланьем?» И он того перед нами не поведил | и доводу жадного на то не въделал.

Ино мы ѿ том межи ними досмотревши, и вранили есмо такъ. Што ж кн(а)зю Семену Чорторыискому в ловы любецкии не встѣпати с а и дерева на свои потребы не брати | без его воли, ни жили томъ ч(о)л(о)в(е)ку его Сметаничѣ в том обрубѣ бортъ | заведати поспол(у) с теми поплечники, и нивы старьи, и сеножати, | которые роспаханы за великого кн(а)за Витовта, а черес тое новых | припашей емѣ не припахивати и дерева не вол(ь)но брати. Маеш тыи | ловы писар нашъ Федко во упокои держати подлугъ наше данины. |

П(и)сан в Новгородѣ, ноябр(а) 9 день. Индик(т) 3. |

При том были нам(естник) дор(сунишский) пан Ён Дово(и)н(ович), мар(шалок), | нам(естник) вит(ебский) пан Стан(ислав) Глеб(ович), мар(шалок), нам(естник) нов(городский) | и слон(имский) пан Лит(авор) Хребтович. |

## № 345

[1499 г.] ноября 18. Слоним.

Кн(а)зю Богданѣ Федоровичѣ на данника | въ Киевскомъ повете. |

Александръ. |

Наместникѣ пѣтивльскомѣ кн(а)зю Богдану Федоровичѣ | данникъ дань Сѣхаревицъ в Киевскомъ повете в Завской волости до воли.

В Слониме, ноябр(а) 18 ден(ь). Индик(т) 3. || л. 204

## № 346

[1500 г.] сентября 14. Полоцк.

Привилеі Иванѣ Кошъце на дворец Годѣтишкии  
а на тридцать чоловековъ | ѣ Виленскомъ повете. |

Сам Александръ, бож(е)ю м(и)л(о)стью. |

Биль намъ чоломъ ѿкол(ь)ничии смоленскии, наместник молодеченьскии | Иван Кошка и просил в насъ дворца нашего Виленского повета в Мемижской волости на имѣ Годѣтишокъ.

И мы ему тот дворец Годѣтишкии | дали со всим с тым, што к томѣ дворцѣ слѣшаеть. Теж к тому дворцѣ | придали есмо емѣ людеи наших дакол(ь)ных тридцать ч(о)л(о)в(е)ковъ Мемижской жъ волости и Свираньское, што ѿколо того дворца седат, со всимъ | с тымъ, што тыи люди дакол и податей намъ даивали, до тых часов, | поки ѿтчину его ѿдышчемъ ѿт неприятела нашего, великого кн(а)за | московского. А естли, боже того не дай, смерть с а емѣ пригодит, | або на службе нашей, тогда не маем жоны и детеи его с того рѣшати, | поки ѿтчину его ѿт неприятела нашего ѿчистим.

П(и)сан в Полоцкѣ, | сен(табра) 14 день. Индик(т) 4. |

## № 347

[1500 г.]

Ѓлехну Подъдѣбскому данъ дворец боарина рошского  
Левъшинъ | Терпигорева.

Ѓотьянѣ Шенбелю дан дворец Степана Рогозича, боарина рошского ж. |  
Иванѣ Свиридонову<sup>1</sup> дан дворецъ Семена Чватова. ||<sup>л. 204 об.</sup>  
Андрею Свиридонову данъ дворецъ Неклюдова во Рши. |  
Петрѣ Жабе данъ дворецъ Савы Дѣрова на Рши. |  
Кн(а)зю Семенѣ Жилиньскомѣ дано сел(ь)це Елино. |  
Ѓед(ь)кѣ конюшомѣ витебскомѣ дано Ивашково Чортова. |

*Примечание.* <sup>1</sup>Буквы ву написаны по смытому тексту

## № 348

1500 г. ноября 18. Вильна.

Потвержен(ь)е панѣ Бартошѣ Табаровичѣ на двор Сурвилишки  
на вечность. |

Сам Александръ, бож(е)ю м(и)л(о)стью. |  
Во има бож(е)е. Амин(ь).

Чинимъ знаменито сим нашим листом, хто на него | посмотрит, або чтѣчи его  
ѣслышит, кому ж потребъ того будет | ведати.

Бил намъ чолом маршалокъ нашъ, наместникъ мошюкгол(ь)ский и дѣбницкий  
панъ Бартошъ Табаровичъ и вказал перед нами листь нашъ, | што<sup>1</sup> дали есмо емѣ двор  
нашъ Сурвилишки на Поневежи. И били намъ | чоломъ, абыхмо ему тотъ наш<sup>2</sup> двор  
Сурвилишки подтвердили нашимъ | листомъ.

Ино мы емѣ тотъ двор подтверждаемъ симъ нашим листом | со всеми люд(ь)ми,  
и з землами пашными и з бортными, и съ сеножатыми, | и з реками, и зъ езы, и зъ  
селищи, и с перевесы, и со всим с тымъ, што здавна | к томѣ дворѣ прислѣхало и какъ  
держал панъ Стан(ь)ко Сѣдивоевичъ, | вечно и непорѣшно, емѣ и его жоне, и их детем,  
и потом будѣчим их счадком. | Волен то ѡн<sup>2</sup> ѡтдати, и продати, и къ церкви записати,  
и заменити, и къ своемѣ вжиточномѣ ѡбернѣти, какъ самъ налепеи роздѣючи.

А на тверд(о)сть того и печат(ь) нашу казали есмо привесити к семѣ нашему листу. |

П(и)сан ѣ Вил(ь)ни, в лет(о) 7008-е, м(е)с(а)ца нояб(ра) 18 день. Индик(т) 4. |

Пр(и том) были кн[а]з(ь) Воит(ех) бис(куп) виленский, воев(ода) виленский пан  
Мик(олаи) Ради(вилович), | кан(цлер), воев(ода) троцкии, мар(шалок) зем(ский) пан Ёдн  
Юр(ьевич), пан троцкии, стар(оста) жом(ойтский) пан Стан(ислав) Ёдно(вич). ||<sup>л. 205</sup>

*Примечания.* <sup>1</sup>Слово написано по смытому тексту <sup>2</sup>Слово вписано над строкой

## № 349

[1500 г.] ноября 5. Вильна.

Привилеі старосте жомойтскомѣ | п(а)нѣ Станиславѣ Ёдновичѣ  
на шест(ь)десят | подымеи Котичановъ в Жомоити. |

Сам Александръ, бож(е)ю м(и)л(о)стью. |

Биль намъ чоломъ панъ троцкии, староста жомойтский панъ Станислав |  
Ёдновичъ и просил в насъ людеи в Жомоити на има Котичан. А поведал нам, | што

*ж* всех тыхъ людей, шестьдесят подымеи, которые *ж* люди за его отца, | за пана Ёна Кезкаиловича, какъ был старостою в Жомоити, втекли | до Немец. И немцы в нашоу же земли черес границѸ тьи люди посадили.

И мы емѸ тьи люди на има Котичане, шестьдесятъ подымеи, дали зъ их землами пашьными и съ сеножат(ь)ми, со всим с тым, што они | держать.

П(и)сан 8 Вил(ь)ни, ноаб(ра) 5 день. Индик(т) 4. |

## № 350

[1499 г.] мая 6. Вильна.

**Вырок в справе Ивашковое Ёл(ь)гишевича | с кн(а)зем Михаилом Жеславским ѿ имен(ь)е | Хвостово во Мстисловском повете | с приселками, etc. |**

Самъ Александръ, бож(е)ю м(и)л(о)стью. |

Смотрели есмо того дела с паны радою нашою.

Жаловала нам боярина | мстиславская Ивашкова жона Кахна Ёл(ь)гишевича на кн(а)за Михаила Ивано(в)ича Жославского, што *ж* какъ дали есмо за него князю Мстиславскую и Мстиславль дали есмо емѸ 8 вотчину, и он, приехавши до Мъстиславля, | и въ нее именье на има Хвостово и с приселки отнал. А тое именье даль | свекрѸ ее Васил(ь)ю Ёл(ь)гишевичѸ небожчикъ княз(ь) Юреи Лынквеневиць вечно. И привилеи кн(а)за Юр(ь)евъ на то перед нами вказывала. А потом деи небожчикъ княз(ь) | Иван, сынъ его, после Ёл(ь)гиша тое именье взал быть на себе, а детем || <sup>л. 205 об.</sup> его дал Колтово. И вмираючи деи небожчикъ кн(а)зъ Иванъ приказал кн(е)гини своей, аж | бы тое именье Хвостово отдала Ивашку Ёл(ь)гишевичу. И кн(е)гина деи небожчица | подле слова кн(а)за своего тое именье Ивашку отдала. И он ее понал, и въ тое | именье привел, и дитатко с нею прибыл. А брат его Сен(ь)ко жил на томъ имен(ь)и | на Колтове аж до сих местъ.

А коли она перед нами movила со кн(а)зем Михаилом | ѿ том именья, и он тогды с к томѸ не припоминал. А кн(а)зъ Михаило тое | именье отнал был в нее для того, рекучи: «Теща моя тое имен(ь)е дала | мѸжѸ твоѸ после кн(а)за своего».

И мы ѿ томъ помысливши с паны | радою нашою, и видело с нам и паном раде нашоу, коли бы княз(ь) Михаило | тое именье отнал в мѸжа ее за его живота, то бы была иишаа речь. | Але коли муж ее Ивашко привел ее в тое именье, и дитатко с нею прибыл, | присѸдили есмо тое именье Хвостово с приселки, с Вихторовичи, а съ Славновичи, а з ДѸбасным Логомъ, а съ СавлѸковым, а съ селом Бачинич, и со всимъ | с тымъ, што здавна к томѸ именью Хвостову слѸхало, подлугъ привил(ь)на | и листа кн(а)за Юр(ь)ева, Ивашковоу жоне Ёл(ь)гишевича Кахне и ее дитати вечно, нижли она и дита ее мают с того именья слѸжити кн(а)зю Михаилу | МъстиславскомѸ. А девер(ь) ее Сен(ь)ко к томѸ именью ничего не мает.

П(и)сан | 8 Вил(ь)ни, маа 6 день. Индик(т) 2. |

Пр(и) [том] были кн[а]з(ь) Вои(тех) бис(куп) вил(енский), воев(ода) вил(енский), кан(цлер) | пан Мик(олаи) Ради(вилович), пан вил(енский), нам(естник) гор(оденский) кн[а]з(ь) Алек(сандр) | Юр(ьевич), стар(оста) жомоит(ский) пан Стан(ислав) Ён(ович), мар(шалок) | двор(ный), нам(естник) мер(ецкий) и оник(штенский) пан Григ(орий) Стан(кович) Ёс(тикович)<sup>1</sup>. || <sup>л. 206</sup>

Примечание. <sup>1</sup>Далее лист прочеркнут виньеткой

## № 351

1499 г. ноября 25. Вильна.

Привилеі старомѸ воитѸ луцкомѸ ТрѸшѸ на двадцать бочокъ  
земли в Луцком | повете вечностью. |

Сам Александръ, бож(е)ю м(и)л(о)стью. |

Биль намъ чолом старыи воит места Луцкого ТрѸшѸ и просил в нас землицы | в Луцкомъ повете подле дворца Васил(ь)евского, по дорогу по ПодгаецкѸю | *от* дворца а по границѸ по Волковыеча *от* Стыра. А поведал намъ, што *жс* деи | тол(ь)ко тое землицы на двадцать бочокъ.

И мы *о* том писали<sup>1</sup> до ключника | луцкого до пана Богдана Сеньковича, аж бы са *о* том доведал. И *он* *о* том | до насъ *от*писал, што *жс* то есть так, какъ *он* намъ поведал, и *жс* тол(ь)ко тое землицы мало бол(ь)ши двадцати бочокъ.

И мы емѸ тую землицѸ по дорогу | по ПодгаецкѸю *от* дворца а по границѸ по Волковыеча *от* Стыра дали вечно, и его жоне, и их детем, и потом будѸчим их счадомъ.

А на твердость | того и печат(ь) нашу казали есмо приложити к семѸ нашему листу.

П(и)сан | 8 Вил(ь)ни, в лет(о) 7008-е, м(е)с(а)ца нояб(ра) 25 день. Индик(т) 4. |

Примечание. <sup>1</sup>Слово написано по смытому тексту

## № 352

[1501 г.] февраля 9. Вильна.

Привилеі воитѸ луцкомѸ ІѸнѸ СикгнатерѸ | на село Ставрово  
вечностью. |

Самъ Александръ, бож(е)ю м(и)л(о)стью великии княз(ь) литовскии, рѸскии, жо(мо)итскии и иныхъ. |

Биль намъ чолом воит места ЛѸцкого ІѸнѸ Сикгнатер и просил в нас | села з люд(ь)ми в повете ключництва Луцкого на *има* Ставрова. А поведил перед нами, што *жс* в томъ селе людеи деват(ь) слѸжобъ.

И мы *о* том очевисто опытывали ключника лѸцкого пана Богдана Сен(ь)ковича Гостского. | И *он* перед нами поведил подлугъ того, какъ *он* намъ поведил.

И мы емѸ || <sup>л. 206 об.</sup> тое село Ставрово дали вечно з люд(ь)ми, и з ихъ землями, и со всим с тым, што | к томѸ селу здавна прислѸхало.

П(и)сан 8 Вил(ь)ни, оев(рала) 9 ден(ь). Индик(т) 4. |

## № 353

[1501 г.] марта 18. Троки.

МиткѸ СтавецкомѸ на дворище | Лип(ь)е 8 Володимерскомъ  
повете. |

Алекъсандръ, бож(е)ю м(и)л(о)стью. |

НаместникѸ володимерскомѸ пану Васил(ь)ю ХребътовичѸ и инымъ наместникомъ нашимъ, хто и на потом *от* насъ будет Володимер держаѸти.

Бил намъ чолом земанин володимерскии Мит(ь)ко Ставецкии и просил въ нас | *одного* дворища<sup>1</sup> 8 Володимерскомъ повете в ТѸреискои волости на *има* Лип(ь)я. |



И поведил перед нами, што *жс* на том дворищи ѿден ч(о)л(о)в(е)къ седит. А и ты сам | ѿ том намъ поведал, иже то такъ есть, какъ *ѿн* въ нас просил.

Ино коли | такъ, какъ ты нам поведал, и мы емѸ тое дворище *Лип(ь)е* и того ч(о)л(о)в(е)ка | дали со всим с тым, што к томѸ дворищѸ слѸшает. И ты бы ему в то | Ѹвазанье дал.

П(и)сан в Троцох, мар(ца) 18 день. Индик(т) 4. |

Правил воев(ода) тр(оцкии), мар(шалок) | зем(скии) пан *Гдн Юр(ьевич)*. |

*Примечание.* <sup>1</sup>Слово написано по смытому тексту

## № 354

1501 г. марта 19. Троки.

Потвержен(ь)е ПетрѸшко МѸшати|чѸ на село Свиарино  
вечностью. |

Самъ Александрь. |

Чинимъ знаменито симъ нашим листомъ, хто на него посмотрит, а любо чтучи | его вслышит, комѸ будет потребъ того ведати.

Бил нам чолом городничии луцкии ПетрѸшко МѸшатиц, што есмо дали емѸ село з люд(ь)ми на *има* | Свиарино. А *первеі* того села половина слѸшало к *ЛвѸцкомѸ* поветѸ, | а *другаа* половина слѸшала къ *ВолодимерскомѸ* поветѸ. И бил нам чоломъ, || *л.* <sup>207</sup> абыхмо тое село Свиарино подтвердили емѸ нашимъ листом на *вечност(ь)*.

И мы, | вбачивши службѸ его к намъ верную и з ласки наше то есмо вчинили, и тое | село Свиарино з люд(ь)ми, обе две тьи половины, Луцкого повета и Володимерского, подтверждаем симъ нашим листомъ вечно и непорѸшно емѸ самомѸ, | и его жоне, и их детем, и на потом бѸдѸчим их счадкомъ и з землями пашными | и бортными, и з лесеы, и з дѸбровами, и з гаи, и з хворосты, и з ловы, и з ловищи, | и з сеножат(ь)ми, и з болоты, и з реками, и з речками, и з бобровыми гоны, и з | криницами, и с потоки, и съ ставы, и съ ставищи, и з млыны, и з дан(ь)ми, | и с полазными землями, и с цинши, и со всими платы, и доходы, и подат(ь)ми, и со всим по томѸ, што здавна к томѸ селѸ слѸшало и какъ сѸ Ѹ границах своих мело. *Волен ѿн* тое село *отдати*, и продати, и заменити, и прибавити, и розширити, и кѸ своемѸ лепышомѸ и вжиточномѸ обернути, | какъ сам налепеи роздмеючи.

А на твердость того и печат(ь) нашу казали | есмо привесити к семѸ нашомѸ листѸ.

П(и)сан в Троцох, в лето | 7009, м(е)с(а)ца мар(ца) 19 день. Индик(т) 4. |

Правил воев(ода) троц(кии), мар(шалок) зем(скии) пан *Гдн Юр(ьевич)*. |

## № 355

[1501 г.] марта 18. Троки.

Вырок межи поддаными слонимскими а п(а)ном | *Воитехом*  
*Нарбутовичом* ѿ пѸщѸ межи *ГѸстров|ское* дороги и реки  
*Березое*. |

Самъ Александрь, бож(е)ю м(и)л(о)стью. |

Смотрели есмо того дела с паны радою нашою.

Стояли перед нами очевисто и жаловали намъ люди наши слонимцы на *има Сен(ь)ко Березовьский, | а Ідн Репьничъ, а Роман, а Ремаз, а Кобакъ, а Ёлизар Еилѣтович, а Хома, а Микула | Бардовин, а Мичипор, а Прон, а Пашъ, а Тиш Дем(ь)иановичъ, а Ёртемъ, а Васил(ь) на п(а)на | Воитеха Нарбѣтовича, наместника кавонского, рекѣчи: «Встѣпает се в ловы | ваше м(и)л(о)сти г(о)с(по)д(а)рьский слонимский, межи Ёстровское дороги и реки || л. 207 об. Березое». И пан Воитех рекъ перед нами, *иж* «то ловы здавна в тои граници панов | Порецкихъ, Некрашовы а Кгетковы, а мне са деи тыи ловы достали по | жоне с ыменьем жоннимъ, а на дла того тых лововъ бороною, *иж* то *отчина* жоны моее». И подал на то светковъ добрых людей, дворанъ наших панов Котовичов. |*

И мы тое дело поставили били на тои мере. Панове Котовичи мели, присагнѣвши, посветчити, *иж* бы то ловы были извечныи панов Порецких. Естли *ж* | бы панове Котовичи не хотели присагнути, ино мели люди слонимский, | тыи, которые *верхѣписаныи*, вси присагнѣти на том, *ижъ* то ловы звѣчныи наши слонимский. И положили были есмо рокъ *тои* присаге в трех неѣделах. И порѣчили были есмо то *маршалку* нашомѣ, наместнику слонимскомѣ пану Литаворѣ Хребѣтовичѣ, *иж* бы таа присага была перед | ним. И поведил намъ *маршалокъ* нашъ пан Литавор, што *ж* панове Котовичи | хотели светѣчити без присаги, ино люди наши имъ того не допѣстили, | без присаги светчити. А сами теж на *тот* рокъ *положонныи* не стали, присагнути не хотели, какъ в листе нашом первомъ было выписано. И пан Воитех | хотел мети за изысканое, што *ж* люди наши не присагнѣли.

И как были | есмо лони в Слониме, едѣчи к Берестью, и пан Воитех *оплат(ь)* мовил с тыми | люд(ь)ми нашими перед нами. И мы тым роком никого не обвиноватили, *нижли* | положили есмо рокъ в трех днех. Мели тыи *ж* люди наши *вышеиписаныи* | присагнути на том, што *ж* то ловы наши звѣчныи слонимский. И порѣчили | были есмо тое дело *маршалку* нашому дворномѣ, наместнику *мерецкоимѣ* и *оникштенскомѣ* пану Григор(ь)ю Станковичу а пану Литавору, абы | таа присага перед ними была.

И они нам поведили, што *ж* на *тот* день | *положонныи* там были, на *тот* рокъ на тѣю землю к *тои* присаге поехали. | Ино тыи *ж* люди наши *вышеиписаныи*, которые мели присагнути, | не хотели там ехати, на тѣю землю присагати.

И мы подлугъ того | тѣю землю, ловы межи Ёстровское дороги и реки Березое, присудили | пану Воитехѣ Нарбутовичѣ, коли наши не хотели на том присагнути, | *иж* бы то ловы наши были звѣчныи слонимский.

*Нижли* што будетъ || л. 208 тамъ в тои земли розъробковъ нивъ старого и дерева бортного, што будѣт | люди наши розъробили за великого кн(а)за Витовта, и за Жикгимонта, и за *отца* | нашего, короля, его м(и)л(о)сти, то им и тепере заведати и пахати свое старое | нивье, а борть свою имъ по-старому *ж* заведати, а бол(ь)ши того им ничего нового не прибавлати.

П(и)сан в Троцох, мар(ца) 18 ден(ь). Индик(т) 4. |

Пр(и) [том] были воев(ода) тр(оцкии), мар(шалок) зем(скии) п(а)н Ідн | Юр(ьевич), мар(шалок), нам(естник) вит(ебскии) пан Стан(ислав) Глеб(ович), | мар(шалок), ѡх(мистр) вел(икое) кн(е)г(ини), нам(естник) ковен(скии) пан | Воитех Іднович. |

## № 356

1501 г. марта 24. Троки.

Лист, даныи воит<sup>8</sup> и мещаном пинским, | з стороны даван(ь)а  
подвод державцы | пинскому и врадником ег(о) и о иншие  
долеглости их, etc. |

Александръ, бож(е)ю м(и)л(о)стью. |

Били намъ чолом воить места Пинского и вси мещане, што *ж* кн(е)г(и)на Семеновая Александровича, кн(е)г(и)на Мар(и)я, кривды имъ вчинила и новины | *8*вела. Подводы в них бирала верховный и возовный, и посылавала на свои | дела, где хотела, и корчмы имъ продаивала по полтораста копь грошеи и вышеи, и колед<sup>8</sup> и рал(ь)цы на них бирала. А здавна деи они подвод | возовых и верховыхъ не даивали. А капъщины деи даивали на год с каждое | корчмы по две копе и по двадцати грошеи. А коледы и рал(ь)цы не даивали. | И повелили перед нами, што *ж* наместники пинский за великого княза | Жикгимонта и за отца нашего, корола, его м(и)л(о)сти, их предкомъ почали были | кривды чинити и новин<sup>8</sup> *8*водити. И великий княз(ь) Жикгимонт и отец наш, | корол(ь), его м(и)л(о)сть, писал(и) до них, што *ж* имъ тол(ь)ко давати наместником пинским | гребцов до двунадцати до первого села до обьмены, коли поедет до Кнубова або до Нобла рекою. А наместникомъ их, коли поедуть до дво<sup>8</sup>ровъ пинскихъ *8*смотривати, по чотыри гребцы. А слuze его по два | гребцы. А вышеи того имъ не казано дати. И иных новинъ им ни которых || л. 208 об. не казано *8*водити. И на то листы великого княза Жикгимонтовъ и отца нашего, | корола, его м(и)л(о)сти, перед нами вказывали. И били намъ чолом, абыхмо имъ то по<sup>8</sup>твердили нашим листомъ.

Ино мы то имъ потвержаемъ сим нашим листом. | Нехаи они тол(ь)ко дают до двунадцати гребцовъ по-давном<sup>8</sup>. А наместникомъ по чотыри гребцы. А слuze наместникову по два гребцы до отменны. А вышеи того не мают давати. А конеи имъ *8* подводы не давати, ниж<sup>8</sup>ли тол(ь)ко мают давати под наши гонцы. А корчмы имъ мети и капъщину | давати по-давном<sup>8</sup>. А коледы и рал(ь)цы им не давати. И иных имъ новин | ни которых не *8*водити, подлугъ листовъ великого кн(а)за Жикгимонта | и отца нашего, корола, его м(и)л(о)сти. А г(о)с(п)од(а)ром пинскимъ держати их по том<sup>8</sup>, | какъ бывало за великого кн(а)за Витовта и за Жикгимонта, и перво сего | за отца нашего, корола, его м(и)л(о)сти.

А на твердость того и печат(ь) наш<sup>8</sup> | казали есмо приложити к сем<sup>8</sup> нашом<sup>8</sup> лист<sup>8</sup>.

Пи(и)сан *8* Троцехъ, | в лет(о) 7009-е, м(е)с(а)ца мар(та) 24 день. Индик(т) 4. |

## № 357

[1501 г.] марта 24. Троки.

Сасин<sup>8</sup> *8*едкович<sup>8</sup> на жеребеi | в Калечичохъ Ходосовъскийи  
в Берестеискомъ повете. |

Самъ Александръ, бож(е)ю м(и)л(о)стью. |

Наместнику берестеиском<sup>8</sup> пану Станиславу Михаиловичу Петковича и иным наместником нашим, хто потом *б8дет* от насъ Берестеи | держати.

Бил намъ чолом дворанинъ нашъ Сасин *8*едковичъ и повелил перед нами, што *ж* возныи нашъ Рачко з нашимъ дозволеньем в Берестеиском повете | в Калечичохъ

кѣпил жеребеи земли на *има* Ходосовьскии. Ино того Рачка | забито, а детеи ничего не ошало, нишли одна жона его. И бил нам чоломъ, | абыхмо емѣ той Рачковой дозволили п(е)н(а)зи *отложити*, а *тот* жеребеи | *иж* быхмо емѣ дали. А и ты о том до насъ писал, *ижъ* такъ естъ, какъ *он* | в насъ просил.

И мы емѣ *тот* жеребеи в Калечичох на *има* Ходосовьскии || л. 209 дали. А тыи п(е)н(а)зи, что Рачко за тѣю землищѣ дал, *мает он* жене его заплатити, | на што она довод вчинить.

И *мает онъ* с тое земли службу намъ слѣжити | земскѣю.

И ты бы емѣ в тую землю *свѣзанье* дал.

П(и)санъ 8 Трощех, мар(та) | 24 день. Индик(т) 4. |

## № 358

[1499 г.] ноября 20. Слоним.

**Потверженье** панѣ *Іанѣ* Литаворѣ | *Хребътовичѣ* на *именеи* цо *Пирхалы* и на | *дворец тивѣна* *церынского* *вечностью*. |

*Александръ*, *бож(е)ю* *м(и)л(о)стью*. |

*Биль* намъ чоломъ *маршалокъ* нашъ, *наместникъ* *новгородскии* и *слонимскии* *пан Іанѣ* *Литавор* *Хребътовичѣ* а *поведал* намъ, што *ж* | *кѣпил* *именеи* цо в *земанина* *дорогицкого* *Кнажепол(ь)ского*, *отчину* *жоны* | *его*, на *има* *Пирхалы* *вечно*. *Такеж* *ставил* *перед* *нами* *старого* *тивуна* | *церынского* *Іацка*. И *тот* *Іацко* *поведил* *перед* *нами*, што *ж* *скѣпил* в *боиаръ* | *цериньских* в *кого* *нивкѣ*, а *въ* *кого* *сеножатку*, и *дворец* *собе* *там* *нарадилъ*. | А *нам* *таки* с *тых* *боиар* *служба* *сполна* *идеть*. И *тот* *дворец* *продал* *пану* | *Литаворѣ* *жъ* *вечно*.

И бил намъ чоломъ *панъ* *Литавор*, абыхмо *призволили* | емѣ *тое* *именеи* цо и *тотъ* *дворец* *вышеписаныи* *кѣпити* и *потвердили* *быхмо* *то* емѣ *нашим* *листомъ*.

Ино мы *призволаем* емѣ *тое* | *именеи* цо в *того* *земенина* *дорогицкого*, в *Шимка* *Кн(а)жепол(ь)ского*, *Пирхалы* | и *въ* *того* *Іацка*, *старого* *тивуна* *церынского*, *тот* *дворец* *кѣпити* и *потвержаемъ* *то* *симъ* *нашимъ* *листом* емѣ, и *его* *жоне*, и *их* *детем*, и *потом* | *бѣдѣчим* *их* *счадомъ* *вечно*.

П(и)санъ 8 Слониме, нояб(ра) 20 день. | Индик(т) 3. |

Пр(и) [гом] был мар(шалок) двор(ный), нам(естник) | мер(ецкии) и он(икштенскии) пан Григ(орий) Стан(кович). || л. 209 об.

## № 359

1499 г. ноября 21. Слоним.

**Потверженье** *кн(а)зю* *Богданѣ* *Федоровичѣ* | на *село* *Тѣлюбле* и на *имен(ь)е* *Ировѣ* в *Киевскомъ* *повете* *вечностью*. |

*Сам Александръ*, *бож(е)ю* *м(и)л(о)стью*. |

*Чинимъ* *знаменито* *сим* *нашим* *листом*, *хто* *на* *него* *посмотрит*, а *любо* *чтучи* | *его* *вслышит*, *кому* *ж* *того* *потребѣ* *будет* *ведати*.

*Бил* *нам* *чолом* *наместникъ* *пѣтивльскии* *кн(а)з(ь)* *Богдан* *Федоровичѣ*, што *перво* *сего* *дали* | *есмо* емѣ *село* в *Киевском* *повете* на *има* *Тѣлюблем* *вечно*, и *листь* *нашъ* | на *то* *перед* *нами* *вказывал*. *Теж* *поведал* *намъ*, што *ж* *кѣпил* *именье* в *боиари* на *киевского*, в *Бориса* *Тишковича*, *отчину* *его*, *въ* *Киевском* *повете* *сво* | *Сѣлевскои* *волости* на *има*

Ировѣ, *плат(ь)* потѣговъ на реце Бол(ь)шои на *ѡбор(т)*и на речыце Ировце, тежъ вечно, со всимъ с тым, што здавна к томѣ *именю* прислѣхает. И листь его кѣпчии на то перед нами вказывал. | И бил нам чоломъ, абымо емѣ тѣю нашу данину, село Тѣлюблем, и тое *именъ*, кѣплю его Ирову, потвердили нашимъ листом.

Ино мы з ласки | наше тѣю нашѣ данину, село Тѣлюблем, и тую его кѣплю, Ирову, потверждаемъ ему, и его жоне, и их детем, и потомъ будѣчим их счадомъ | вечно и непорушно сим нашимъ листом с пашными землями и з бортными, | и с припашьми, и з лесеы, и з дѣбровами, и з ловеы, и з лѣги, и з болони, и з рекалми, и со озеры, и зъ водами, и зъ бобровыми гоны, и з даню грошовою | и медовою, и со всеми входы и приходы, што издавна<sup>1</sup> к тому селѣ Тѣлюблю и къ томѣ *именю* Ирову прислѣхало. Волен то онъ *отдати*, и продати, и заменить, и къ своемѣ *вжиточномѣ* обернути, как сам налелеи *роизмеючи*.

А на твердость того и *печат(ь)* нашѣ казали есмо привесити | к семѣ нашомѣ листѣ.

П(и)сан в Слониме, в лет(о) 7008-е, м(ес.л)ца нояб(ра) | 21 день. Индик(т) 3. |

При(т(ом))были мар(шалок) двор(ный), нам(естник) мер(ецкий) и оник(штенский) пан Гриз(орий) | *Сѣстик(ович)*, мар(шалок), нам(естник) вит(ебский) пан Стан(ислав) Глеб(ович), мар(шалок), нам(естник) | *ново(родский)* и слон(имский) пан Лит(авор) Хреб(тович). ||<sup>л. 210</sup>

*Примечание.* <sup>1</sup>Буквы ъ и второе а исправлены из других

#### № 360

[1499 г.] ноября 19. Слоним.

**Вырок** в справе *мещан новгородских* | с *поддаными цыринскими* о стережен(ь)е недели | своее в Новогородку с *подводами*. |

Александръ, *бож(е)ю м(и)л(о)стью*. |

Смотрели есмо того дела с паны радою нашою.

Жаловал намъ *воит новгородский* Свирид и вси мещане новгородские на сорочника *цериньского*, на Сенька, | и мѣже *церинцовъ*, рекѣчи тымъ *обычаем*, што жъ они здавна за великого кн(л)за Витовта и Жикгимонта и за *отца* нашего, короля, его *м(и)л(о)сти*, недели стерегивали | с *подводами* в Новогородку. И мы *церинцомъ* казали перед нами стати и *очелвисто* о томъ с ними перед нами мовили.

И *церинцы* были того *попрели*, | рекѣчи: «Мы николи в Новогородкѣ недели с *подводами* не стерегивали». И *воит* | и мещане положили перед нами листы *сѣдовыи* воеводы *виленского*, *канцлера* нашего, пана Миколаа Радивиловича, и воеводы *троцкого*, *маршалка* *земьского*, пана *Гданов Юр(ь)евича*, какъ держали *от* насъ Новогородок. Ино | в тых их листех *стоит*, што жъ они о томъ *межи* ними смотрели и *конец* | *вчинили* и казали *сорочьникѣ* *цериньскомѣ* и всимъ мѣжомъ недели *стелречи* с *подводами* в Новогородку по-давньомѣ. А *которыи* *будут* *церинцы* | *богарити* с.л, тых *мают* к собе *приискивати*.

И мы о томъ *межи* ними | *досмотревшы*, и *врадили* есмо такъ. *Сорочникъ* *церинский* и вси мѣжи | *церинцы* *мают* *недели* своее с *подводами* *стеречи* в Новогородку по-давньомѣ, какъ бывало за великого кн(л)за Витовта, и Жикгимонта, и за *отца* | нашего, короля, его *м(и)л(о)сти*, и *подлугъ* *сѣдовъ* пана Миколаева<sup>1</sup> Радивиловича

и пана Ёдна Юр(ь)евича. А которыи бы цериньцы боарили сѧ, тых | нехаи собе приискивают.

П(и)сан 8 Слониме, ноѧб(ра) 19 день. Индик(т) 3. |

Пр(и том) были мар(шалок) двор(ный), нам(естник) мер(ецкий) и оник(штенский) пан Гриз(орий) | Стан(кович), мар(шалок), нам(естник) вит(ебский) пан Стан(ислав) Глеб(ович), | мар(шалок), нам(естник) новго(родский) и слоним(ский) пан Лит(авор) Хреб(тович). || л. 210 об.

*Примечание.* <sup>1</sup>Буквы ѡв исправлены из других

№ 361

[1500 г.] марта 18. Городно.

Данил8 Дедкович8 на село Трыпол(ь) | въ Киевскомъ повете. |

Александръ, бож(е)ю м(и)л(о)стью. |

Воеводе киевскому кн(а)зю Дмитрею П8татичу и инымъ воеводам нашимъ, | хто потомъ будетъ ѡт насъ Киевъ держати.

Бил намъ чоломъ земанинь | киевский Данило Дедковичъ и просил в насъ в Киевскомъ повете села на има | Трипола. И поведил перед нами, што ж в томъ селе тол(ь)ко семь ч(о)л(о)в(е)ков служебныхъ | а не данныхъ. И теж поведил перед нами, што ж в томъ селе чотыри озера к замку нашом8, къ Киеву, а лука на реце на Днепре к замку ж нашом8. А дають | деи тыи люди тол(ь)ко тебе, воеводе нашом8 киевском8, на год по две | лисицы а по пати возъ сена косать<sup>1</sup>.

И бил намъ чоломъ, абыхмо ему тое | село дали. Ино естли будетъ такъ, какъ он намъ поведал, ино мы ему тое | село Трипол(ь) и с тыми люд(ь)ми, и со озера, и з л8кою на реце на Днепре | дали. Нехаи тыи люди ем8 тою ж сл8жбою сл8жать, какъ перед | тымъ къ замк8 нашом8 сл8жили. И ты бы ему в тое село 8вазан(ь)е | даль.

П(и)сан в Городне, мар(ца) 18 день. Индик(т) 3. |

Прав(или) кн[а]з(ь) Воит(ех) бис(куп) вил(енский) | а мар(шалок), ѡх(мистр) вели(кое) кн(е)г(и)ни, нам(естник) | ков(енский) пан Воит(ех) Ёднович. || л. 211

*Примечание.* <sup>1</sup>Буква ѧ исправлена из т

№ 362

1500 г. мая 19. Вильна.

Потвержен(ь)е Ёдн8 Климчицком8 на землю, | к8плю ѡтца его, в Дорогицкомъ повете вечностью. |

Александръ, бож(е)ю м(и)л(о)стью. |

Биль намъ чоломъ земанинь дорогицкии Ёднъ Климчицкии и поведил перед | нами, што ж ѡтец его, Петрашко, к8пил землю в людеи нашихъ Дорогицкого | повета, 8 Андреа 8 Голедна, а в Люборозы, а в Щевана, без призволенья ѡтца | нашего, короля, его м(и)л(о)сти. И ѡтец нашъ, его м(и)л(о)сть, т8ю землю в него был ѡтнѧл, | и потомъ после ѡтца его матце его, Петрашковой, тую землю дал. А што с тое | земли дани грошовое и медовое даivano, то казаль его м(и)л(о)сть таки еи давалти. И бил намъ чоломъ, абыхмо т8ю дан(ь) ем8, што с тое земли перед тым | хоживало,

гроши и мед, *отпѣстили*. А *он* подвезал сѧ намъ с тое земли слѣжити | на пяти конех, коли сѧ пригодит где служба наша земская.

И мы на его чоломбѣ то вчинили, и тую дань грошовѣю и медовую, и што и перед тымъ | с тое земли даivano, емѣ есмо *отпѣстили* вечно. А *онъ* маеть с тое | земли слѣжити намъ на пяти конехъ, коли сѧ где пригодит служба | наша земская. И то подтверждаемъ симъ нашимъ листомъ вечно и непорушно | емѣ самомѣ, и его жоне, и их детемъ, и на потомъ будѣчимъ их счадомъ со всимъ | с тымъ, што к тои земли слѣшаеть.

А на твердость того и печат(ь) | нашѣ казали есмо приложити к семѣ нашему листѣ.

П(и)сан ѣ Вил(ь)ни, | в лето 7008, м(е)с(а)ца маѧ 19 день. Индик(т) 3. || л. 211 об.

## № 363

1500 г. мая 20. Вильна.

Привилеі князю Андрею Александровичѣ на именье  
Звиначое | на вечность. |

Александрѣ, бож(е)ю м(и)л(о)стью. |

Во іма бож(е)е, амин(ь).

Абы запоменьа речи с часовъ вделаных не вделало бы | шкоды, слѣшно естъ, ажъ бы вчинки людский, которыи *ж* часомъ *отходать* достаточнымъ и сведоцтвомъ листовъ на потомъ будѣчим, | были бы іавны для того кѣ вечной речи памяти, мы, Александрѣ, | бож(е)ю м(и)л(о)стью великии княз(ь) литовскийи, рѣскийи, жомойтскийи и иных пан и дедич, | чинимъ знаменито тымъ то нашимъ листомъ, которымъ слышатъ всимъ ныне | и потомъ будѣчимъ, которыи же на сѣхъ нашѣ листѣ посмотрит.

Ижъ | обачившы верныйи службыи шляхотне вроженого кн(а)жи Анѣдреѧ Александровича, наместника кремлянецкого на тотъ часъ будѣчого, которыи же службыи намъ гораздо заслѣжилъ естъ, іако же жадалъ насъ и поведилъ передъ | нами, што *ж* отецъ его, небожчикъ кн(а)зь Александро, поналъ паню Анѣдрееву | Волотовича з ыменьемъ Звиначою съ привил(ь)емъ *отца* нашего, короля, его | м(и)л(о)сти. И тое именье его м(и)л(о)сть листомъ своимъ емѣ подтвердилъ на вечность. На томъ именьи первыи мужъ ее, небожчикъ панъ Анѣреѧ, записалъ *ей* | вена шестьсотъ копъ грошей. И того листа *отца* нашего, короля, его м(и)л(о)сти, | подтверженого мачоха его кн(а)зю Анѣрею по смерти *отца* его не дала. | И поведилъ передъ нами, што *ж* тотъ листѣ *отца* его писалъ Богданъ Сопега, | какъ еще былъ писаремъ ѣ *отца* нашего, короля, его м(и)л(о)сти. И мы ѣ томъ опытывали Богдана Сопега, и *он* передъ нами светчилъ, што *ж* отецъ нашъ, | король, его м(и)л(о)сть, *отца* его, кн(а)зю Александрѣ, дозволилъ тѣю паню Анѣрееву понати с тымъ именьемъ Звиначою, и листомъ своимъ его м(и)л(о)сть | тое именье емѣ подтвердилъ на вечность. А *он* тое дело емѣ въ его м(и)л(о)сти | въправлялъ и листѣ тотъ писалъ.

И такежъ поведилъ передъ нами кн(а)зь Анѣреѧ, || л. 212 што *ж* таа мачоха его, кн(е)г(и)ни Александроваѧ, половицѣ того вена, триста | копъ грошей, на томъ имен(ь)и на Звиначомъ записала ему, а другѣю половину | того вена, триста *ж* копъ грошей, записала сестричне своеѧ, кн(е)г(и)ни Юр(ь)евоѧ Четвертенскоѧ. И билъ намъ чоломъ, абыхмо его тымъ именьемъ пожаловали, | *он* тѣю триста копъ грошей хочеть *отложити* кн(е)г(и)ни Юр(ь)евоѧ, што *ей* | записала тетка ее, мачоха его, на томъ именьи.

Ино тое имен(ь)е Звиначаа | есть в нашоу воли, ниhto к томѸ близкии, тол(ь)ко мы, г(о)с(по)д(а)рь, то есмо вчинили | з особное ласки наше, впоматавши к нам службу кн(а)за Аньдрееву, дозволили и казали есмо кн(а)зю Аньдрею тую триста копь грошеи кн(е)г(и)ни Юр(ь)евои | заплатити, што *ж* еи тетъка кн(е)гини Аньдрееваа записала. А *ж* будет тетце | ее панъ Андреи Волотович в тых п(е)н(а)зах тое вышеипсаное именье слушными | а раднымъ обычаемъ записал, а мела бы таковыи праведливыи светки, | которыи *ж* бы тот листь пана Андреевъ подперли.

А тое именье Звиначое | по смерти мачохи его дали есмо вечно емѸ самомѸ, и его жоне, и их делтем, и на потом будущимъ их счадомъ через сесь нашъ листь. Даем и запишемъ со всеми людьми, што к томѸ именью здавна слѸшающими, | и съ селищи, и с сеножатыми, и съ ставы, и съ ставищами, и съ платы, и со всеми пожитки. А то все вышеипсанное через шляхотне врожного кн(а)за | Аньдреа и теж его наследки властныи со всем правом, панством и властностью мает быти держано и поживано спокоине и скромливе. Маеть | быти продано, и заменено, и заставлено, и отдано добровол(ь)не на свои потребы и вжитки, и обернути, какъ емѸ и его властнымъ наследкамъ лепей а вжиточней увидити с а вечно и навеки.

А при том были | и томѸ добре сведоми сут(ь) рада наша, кн(а)зь Воитех, бискупъ виленский, | а воевода виленский, канцлер нашъ пан Миколаи Радивиловичъ, а пан троцкий, | староста жомоитский, пан Станислав ІѸнович, а маршалок нашъ, охмистръ н(а)шое | великое кн(е)г(и)ни, наместник ковенский пан Воитко ІѸнович.

А на которыи *ж* речи и лепшое | сведоцтво и бол(ь)шое потвержен(ь)е и печат(ь) наша есть к сему нашомѸ листу заведшона.

П(и)сан 8 Вил(ь)ни, в лето 7000-е тисачи 8-е, м(еса)ца маа | 20 день. Индик(т) 3. || л. 212 об.

А то аранды, комѸ его м(и)л(о)сть што продал,  
которыи плат або мыто. |

№ 364

[1494 г.] июля 12. Троки.

Аренда корчомъ менъскихъ. |

Сам Александръ, бож(е)ю м(и)л(о)стью. |

Наместнику менъскомѸ пану Николаю Ил(ь)иничу.

Били намъ чолом корчмиты менъский на има Ёсташко, а Микита, а ІѸковъ Жерковичъ, | а Дмитръ Раи, а братъ его Иван, а Иван Домра, а Ходковаа, а МацѸта, а Куз(ь)ма, а Ѳед(ь)ко. А поведали намъ, што *ж* деи в месте нашом Менскомъ корчом много(о), | и дла того они намъ не могут капъщины сполна заплатити, што даи|вали намъ в каждыи год на св(е)того Петра день по шестидесат копь | грошеи.

И мы тыи корчмы менский продали имъ за тую *ж* цену на годъ | по шестидесат копь грошеи.

И они мають намъ дават(и) в каждыи год капъщины на св(е)того Петра день по шестидесат копь грошеи.

Про тожь, | штобы еси самъ и наместникѸ своемѸ приказал, ажь бы в месте н(а)шом | Менскомъ ниhto корчмъ не мел, выменяа тых, которыи есмо продали, | што в сем нашом листе выписаны.

П(и)сан в Троцохъ, июл(ь) 11 ден(ь). | Индик(т) 12. |



## № 365

[1494 г.] октября 1. Городно.

Аренда мыта мостового городенского жидѸ ЕнкѸ ІѸцковичѸ. |

Сам Александръ, бож(е)у м(и)л(о)стью. |

Пану виленскому, наместнику городенскомѸ кн(а)зю АлександрѸ Юр(ь)евичѸ.

Продали есмо мыто мостовое городенское жидѸ городенскомѸ ЕнкѸ ІѸцковичѸ на два годы за сто золотых.

Годъ выдер|жавшы, мает намъ дати пат(ь)десат золотых.

А другии год выдер|жавши, другѸю пат(ь)десат золотыхъ маеть нам дати.

А рокъ емѸ || <sup>л. 213</sup> в тое мыто мостовое Ѹвзати са на Покров св(е)тое пречистое.

Про тож, што|бы еси в тое мостовое не вступал са и наместнику своемѸ не велел встѸпати са, | и от кривдѸ бы еси его боронил, и не дал бы еси ему никомѸ ни в чом кривды чинити. Нехай он тое мыто мостовое берет подле давного обычаа, как бывало перед тымъ за отца нашего, корола, его м(и)л(о)сти, и перво сего за насъ.

П[и]санъ | в Городне, ок(табра) 1 ден(ь). Индик(т) 13. |

## № 366

[1494 г.] октября 14. Пуня.

Аренда мыта берестеиского, доро|гицкого, городенского и бел(ь)ского жидомъ берестеискимъ. |

Сам Александръ, бож(е)у м(и)л(о)стью. |

Продали есмо мыто берестеиское, и дорогицкое, и городенское, и бел(ь)ское жидове берестеискои, Говашу Ѹгроновичу, а ИсѸде, а Рабею, | а Нисану Имшичу, на три годы, на кождыи годъ по семисотъ | копъ грошей. И в том били нам чолом, што мают на листех долгу отца нашего, | корола, его м(и)л(о)сти, абыхмо ласкѸ им вчинили а велели быхмо им за тот | свои долгъ на год брати по двесте копъ грошей.

Ино мы имъ в том ласку | нашѸ вчинили, в каждыи год мают намъ давати по патисотъ коп грошей, | а собе мают брати по двесте копъ грошей за долгъ за свои.

А рокъ имъ | Ѹвзати са в тое мыто за тыдень передо днемъ Шимона Иуды. |

А держати им тое мыто три годы сполна до того ж року.

А продали | есмо им тыи мыта с перевозы, и з вагами, и со всеми доходы, што здавна | к мытѸ им слѸхает. А гостем кѸпцомъ никому мыта не маем отпѸскаати от их товаровъ. А в мыто нашо и в промытѸ не велели есмо вступати са наместником и врдником нашимъ. Ѹни мают ведати мыто | нашо и промытѸ по-давномѸ.

П(и)сан в ПѸни, ок(табра) 14 ден(ь). | Индик(т) 13. || <sup>л. 213 об.</sup>

## № 367

[1494 г.] ноября 12. Троки.

Личба мытником смоленскимъ. |

В Троцох, нояб(ра) 12. Индик(т) 13. |

Панъ Аньдреи, подскарбии, делал личбѸ с Шамаком Даниловичомъ.

Што мы/то смоленское купил на три годы по двесте коп, себе за долгъ | 100 копь, а кн(а)зю великому 100 коп.

Личбы вделал двесте коп, | и 20 коп, и 4 копы.

А на нем ѿстало 70 коп и 6 | копь.

И после тое личбы и тыи п(е)н(а)зи его м(и)л(о)сть в него роздал | смол(ь)нано.

А т8ю личбу с паном Андреемъ делал писар Ивашко | Владыка. |

## № 368

[1494 г.] декабря 24. Вильна.

**Ѓ** долгъ жида л8цкого Алкана. |

8 Вил(ь)ни, дек(абр)а 24 ден(ь). Индик(т) 13. |

Што на ѿтци его м(и)л(о)сти, короли, ѿстало долгу жид8 луцкому Алкане Данилович8 чотыриста копь грошеи и пятнацать копь, | ино его м(и)л(о)сть дал ему за тот долгъ в Берестьи сто копь грошеи | и семдесать копь грошеи, а в Луцк8 сто копь.

А иньи п(е)н(а)зи | ѿттрудилъ его м(и)л(о)сть в него сто копь и полпетадесать копь | дла того, што не готовыми пеназьми давалъ, на квитации. | Того вже не маеть платити. ||<sup>н. 214</sup>

## № 369

[1495 г.] февраля 7, [1494 г.] августа 9.

Личба ключник8 киевском8 Сен(ь)к8 Полозович8 а Самодел(ь)чин8 сын8 з мыта. |

М(е)с(а)ца ѿев(рала) 7 день. Индик(т) 13. |

Пань Аньдреи, подскарбии, а Ивашко Владыка, писар, брали личбу | 8 ключника киевского, 8 Сенька Полозовича, а въ Самодел(ь)чина сына, | што в тыи часы брали мыто после личбы тое, какъ давали личбу 8 Троцех г(о)с(по)д(а)ру великом8 кн(а)зю Александру, | м(е)с(а)ца август(а) 9 день а индик(т) 12.

То ѿни брали, | поки не продано было Пашку, мешанину виленском8.

Дал личб8 | всего сто копь грошеи, и две копе грошеи.

То все роздал на г(о)с(по)д(а)рьский листы, ком8 его м(и)л(о)сть давал.

Назвышь положил квитациы, што выдали своих п(е)н(а)зеи на листы г(о)с(по)д(а)рьский, семдесать | копь, и шесть копь грошеи, и сорок грошеи. |

## № 370

[1493 г. — 1495 г.]

Личьба клучник8 киевском8 Сен(ь)к8 Полозович8 с кл8ча. |

Ключникъ киевский Сенько Полозовичъ делать личбу с ключа. |

Индик(т) 12. Пришло приход8 двесте караиманов и дванацать караиманов медом и грошми со всьих волостей Киевских. |

Розходь тымъ караиманом двесте караимановъ, и 12 | караиманов, и 7 грошеи. Индик(т) 12.

Индик(т) 13. Пришло приход<sup>8</sup> 15 караимановъ. |

Того *ж* индикт<sup>8</sup> розходъ караиманом 15 караиманов. || л. 214 об.

Ключникъ берестемский г(о)с(по)д(а)р<sup>8</sup> личбу делал з восковых грошей.

Што ему дано | на воскъ 2-сте коп, и 70 копъ, и 2 копе, выдал личбу.

На немъ | 11 коп без шести грошей. Апр(ель) 2. Индик(т) 13. |

Маѣ 6. Индик(т) 13. Занько дыак делал личбу с чижового | ковенского <sup>8</sup> Вил(ь)ни.

Положил двесте копъ, и девеносто копъ, и полто|ры копы, и 17 грошей, а золотых 100, и 40, и один золотый, | и корабел(ь)никъ.

Тому расход: 100 коп дал до пана Андрея подскарбего. |

А Гввраму городничом<sup>8</sup> 100 копъ, и 40 коп, и 15 золотых.

А воск<sup>8</sup> | к<sup>8</sup>пил за 50 копъ без трех.

3 копы себе взал, на то листь вкалзал.

А кн(а)зю великом<sup>8</sup> дал 100 золотых, 8, 20 и 6 золотыхъ, | а один корабел(ь)никъ. |

Того *ж* дна Аврамъ, городничии ковенский, делалъ личбу <sup>8</sup> Вил(ь)ни.

Положил 40 копъ, и 50 копъ, и 10 грошей.

С<sup>8</sup>кромя того в Зан(ь)ка взаль | 100 копъ, и полпетадесат копъ, и полкопы.

Росъходъ | Аврамовыхъ за 4 шт<sup>8</sup>ки 100 коп и 70 коп.

А пан<sup>8</sup> | Станьк<sup>8</sup> 20 копъ.

Аврамъ дал чижового 40 | копъ и 7 копъ.

Тымъ грошемъ расходъ.

З<sup>8</sup>бу жид<sup>8</sup> | дал 18 каменей воск<sup>8</sup> сырого.

А соли к<sup>8</sup>пил 100 и 30 бочок. |

Воск<sup>8</sup> прошло черес Ковен без мыта 100 штук, и 20, и 5. |

Аврамъ з мыта ковенского положилъ шестьдесятъ копъ, | и полътрети копы, и десет(ь) грошей приходъ. |

А тым грошомъ розходъ осмьдесать копъ и девать копъ. |

А соли расходъ положилъ полсемадесать бочок. || л. 215

№ 371

[1495 г.] мая 13. Вильна.

Аренда мыта менского мешаном | менскимъ. |

Александръ, бож(е)ю м(и)л(о)стью. |

Маршалк<sup>8</sup> нашом<sup>8</sup>, наместънику менском<sup>8</sup> пану Николаю Ивановичу Ильиничу.

Продали есмо мыто менское мешаномъ менскимъ, <sup>8</sup>Ед(ь)ку | Процкевичу а Евлашку Степановичу на три годы. На год мают намъ давати | по ст<sup>8</sup> копъ и по двадцати копъ грошей широких.

А рокъ мают <sup>8</sup>везати с<sup>8</sup> | в тое мыто перед сею приидучою секою с<sup>8</sup>ботою за три недели. А держалти мают тое мыто три годы до того *ж* року.

А мают намъ давати | на кождый год по ст<sup>8</sup> копъ и по двадцати копъ грошей, на рокъ в трех недел<sup>8</sup>х перед секою с<sup>8</sup>ботою.

Сес(ь) первый год выдержавши, мают нам дати | сто копъ грошей и двадцат(ь) копъ грошей.

А на др<sup>8</sup>гии год по тому *ж* мают | давати.

А на третии год *такеж* мают давати нам сто копь и двадцат(ь) | копь грошеи, выдержавши *остаточный* год.

А мают нам давати все | готовыми грошми. А мы на квитациях в них не маем ником<sup>8</sup> давати. | С того нашего мыта вси тьи гроши мают нам готовыми грошми давати в *наш* скарбъ на тьи роки *верх*писаныи.

Ино штобы еси *8* мыто нашо и *8* промыту не вступал с.а. Нехаи бы они, мытники наши, мыто и промыт<sup>8</sup> заведали по-давном<sup>8</sup>. И штобы еси *от* кривдъ их боронил и во всем бы еси к мыту нашом<sup>8</sup> был помочон, абы мыто нашо не понижило с.а. И штобы еси их ни с<sup>8</sup>дил а ни радил. А и наместникъ бы твои теж | их не с<sup>8</sup>дил а ни радил. И децких бы еси своих на них не давал. А и наместник бы | твои теж на них децких своих не давал. Ком<sup>8</sup> бы до них было дело, ино мы маем *о* том межи ними смотрети в *тот* час, поки выдержат мыто нашо.

П(и)сан | *8* Вил(ь)ни, ма<sup>8</sup> 13. Индик(т) 13. || л. 215 об.

## № 372

[1495 г.] мая 14. Вильна.

Аренда мыта новгородского | Ревею *о*ражин<sup>8</sup>. |

Сам Александръ, бож(е)ю м(и)л(о)стью великии княз(ь) лит(овский). |

Наместнику новгородском<sup>8</sup> пану Юр(и)ю Пацевич<sup>8</sup>, а не будет его *8* Новегородце, ино его наместнику.

Продали есмо мыто нашо новгородское | *о*ражин<sup>8</sup> на им<sup>8</sup> Ревею на три годы. На год мает намъ давати по пяти|дес<sup>8</sup>ать копь грошеи широких.

А рокъ ем<sup>8</sup> *8*везати с.а в тое мыто после | сее семое с<sup>8</sup>боты приид<sup>8</sup>чое в тыден(ь), на р<sup>8</sup>ский зап<sup>8</sup>сты на Петровы. А дер<sup>8</sup>жати мает тое мыто три годы сполна до того *ж* року.

А мает нам давати | на кождыи год по петидес<sup>8</sup>ат коп грошеи.

Сего год<sup>8</sup> *первого* половину выдержавшы, мает нам дати половину тых п(е)н(а)зи, полтрет(ь)адцат(ь) копь грошеи.

А достал(ь) тых пенезеи, др<sup>8</sup>гую полтрет(ь)адцетъ копь грошеи, мает нам дати, | целыи год выдержавши, на рок после семое с<sup>8</sup>боты *8* тыден(ь), на руский | зап<sup>8</sup>сты на Петровы.

А на др<sup>8</sup>гии год *такеж* мает нам дати.

А на третии год | по тому *ж* мает нам дати п<sup>8</sup>т(ь)дес<sup>8</sup>ат коп грошеи широких, выдержавши *остаточный* год.

А маеть нам давати все готовыми грошми. А мы на квитациях *8* него не маем никому давати с того нашего мыта. И вси тьи гроши мает намъ готовыми грошми давати *8* нашъ скарбъ на тьи роки | *верх*писаныи.

А мает он<sup>8</sup> брати мыто нашо по-давном<sup>8</sup>. Ино штобы еси | *8* мыто нашо и промыту не вст<sup>8</sup>пал с.а. Нехаи он<sup>8</sup>, мытник нашъ, мыто и пром<sup>8</sup>ыт<sup>8</sup> заведает по-давном<sup>8</sup>. Ино штобы еси его *от* кривдъ боронил и во | всем бы еси мыт<sup>8</sup> нашом<sup>8</sup> был помочен, абы мыто нашо не понижило с.а. | И штобы еси его ни с<sup>8</sup>дил а ни редил. А и наместникъ бы твои теж его ни с<sup>8</sup>дил а ни радил. И децких бы еси своих не него не давал. А и наместник бы твои | теж децких своих не давал на него. Ком<sup>8</sup> бы до него было дело которое, ино | мы сами *о* том маем межи ними смотрети в тьи часы, поки он<sup>8</sup> выдер<sup>8</sup>жит мыто нашо.

П(и)сан *8* Вил(ь)ни, ма<sup>8</sup> 14 день. Индик(т) 13. || л. 216

## № 373

[1495 г.] мая 17. Вильна.

Аренда мыта крычовского | Шимк<sup>8</sup> Мархаевич<sup>8</sup>. |

Сам Александрь, бож(е)ю м(и)л(о)стью великии княз(ь) лит(овский). |

Наместник<sup>8</sup> крычовском<sup>8</sup>, и старц<sup>8</sup>, и м<sup>8</sup>жом.

Што перво сего продали | есмо мыто крычовское на год жид<sup>8</sup> троцком<sup>8</sup> Симсе Мархаевичу за | полчетвертадцат(ь) копь грошеи, и он того год<sup>8</sup> своего не додержалъ. | И тыми разы он вступил <sup>8</sup> вер<sup>8</sup> христианскую. Ино мы тое мыто кричовское продали тому ж Шимку Мархаевич<sup>8</sup> на три годы.

А рокъ ему <sup>8</sup>велзати с<sup>а</sup> в тое мыто на сего на св(е)т(о)го Ивана день, што придет. А держати | ем<sup>8</sup> тое мыто три годы сполна до того ж року.

Маеть нам давати | в каждыи год по полчетвертадцати копь грошеи.

Первыи год выдержавши, | маеть нам дати на рокъ на светого Ивана день полчетвертадцать | копь грошеи.

А на др<sup>8</sup>гии год такеж маеть нам дати.

А на третии год | мает нам дати по тому ж. А мает намъ давати все готовыми грошми | в нашъ скарбъ.

Ино штобы есте его *от* кривдъ боронили и во всем бы [е]сте | были мыт<sup>8</sup> нашом<sup>8</sup> помочни, абы мыто нашо не понижало с<sup>а</sup>. И штобы есте в мыто нашо и в промыт<sup>8</sup> не вст<sup>8</sup>пали с<sup>а</sup>. Нехаи он, мытник *наш*, | мыто и промыт<sup>8</sup> заведает по-давном<sup>8</sup>. И штобы [е]сте его не с<sup>8</sup>дили, и не | радили, и децкихъ бы есте на него не давали. Ком<sup>8</sup> будет до него кот<sup>8</sup>рое дело, мы его сами маем смотрети.

А што первого год<sup>8</sup> он не додержал, и он таки нехаи додержать того год<sup>8</sup> подлугъ того, как к<sup>8</sup>пил. | А тыи п(е)н(а)зи, полчетвертадцать копь грошеи, мает нам заплатити сполна, того год<sup>8</sup> додержавши.

П(и)сан <sup>8</sup> Вил(ь)ни, ма<sup>8</sup> 17 день. | Индик(т) 13. || <sup>л. 216 об.</sup>

## № 374

[1495 г.] июня 9. Вильна.

Аренда мыта смоленского Мартин<sup>8</sup> Ёнчелевич<sup>8</sup>. |

Сам Александрь, бож(е)ю м(и)л(о)стью великии княз(ь) лит(овский). |

Наместнику смоленском<sup>8</sup> пану Юр(и)ю Глебовичу.

Продали есмо мыто | смоленское мещанину виленском<sup>8</sup> Мартину Ёнчелевичу на три | годы за шестсотъ копь грошеи.

Мает в него брати на год по сту коп грошеи | широких готовыми грошми. А по ст<sup>8</sup> коп грошеи мает он себе брати за долгъ, | бо мы есмо ем<sup>8</sup> винни.

А <sup>8</sup>вззати с<sup>а</sup> маеть в тое мыто сего лета на св(е)того | Петра день, што приидет. И держати мает тое мыто три годы до того жъ | року, до св(е)того Петра дн<sup>а</sup>.<sup>1</sup>

И вжо нам дал на первыи год починьку п<sup>а</sup>т(ь)дес<sup>а</sup>т копь грошеи.

А какъ первыи год выдержать, и он мает нам дати друг<sup>8</sup>ю п<sup>а</sup>т(ь)дес<sup>а</sup>т копь грошеи, а сто копь грошеи мает себе взати за долгъ. |

А на др<sup>8</sup>гии рокъ, какъ половин<sup>8</sup> год<sup>8</sup> выдержать, и он мает нам дати | п<sup>а</sup>т(ь)дес<sup>а</sup>т жо копь грошеи.

А какъ другого год<sup>8</sup> додержать, и он | маеть намъ др<sup>8</sup>гую п<sup>а</sup>т(ь)дес<sup>а</sup>т копь грошеи дати, а себе теж маеть | взати др<sup>8</sup>гую сто копь грошеи за долгъ.

А на третии рокъ такъ жо, какъ | половину годѸ выдержитъ, и онъ маетъ намъ дати пѧт(ь)десѧт копь грошеи. |

А какъ третии год ѡстаточныи выдержитъ, и онъ маеть намъ дати | дрѸгую пѧт(ь)десѧт копь грошеи, а собе третее сто копь грошеи маеть | взати за долгъ.

А маетъ намъ давати все готовыми грошми, а мы на квитѧцѧх Ѹ него не маемъ никому давати с того нашего мыта. А вси тыи | гроши маетъ намъ готовыми грошми давати Ѹ нашъ скарбъ на тыи | роки верхѸписаныи.

А маетъ онъ брати мыто нашо по-давномѸ. Про тожъ, | абы еси Ѹ мыто нашо и въ промытѸ не встѸпалъ сѧ. Нехаи онъ мыто | нашо и промытѸ заведаетъ по-давномѸ. И ѡт кривдъ бы еси его || <sup>л. 217</sup> боронил, и во всемъ бы еси былъ мытѸ нашому помочон, абы мыто нашо не | понижало сѧ. И штобы еси его не сѸдил а ни радил. И наместникъ твои тежъ | бы его ни судил, а ни радиль. И децкихъ своихъ ажъ бы еси на него не давалъ, | и наместникъ твои. А комѸ будетъ до него которое дело, ино мы маемъ сами | ѡ томъ жеи ними смотрети в тотъ часъ, какъ онъ мыто нашо выдержитъ. |

П(и)санъ Ѹ Вил(ь)ни, июн(ь) 9 день. Индик(т) 13. |

*Примечание.* <sup>1</sup>Слово написано подъ титломъ

№ 375

[1495 г.] июля 2. Вильна.

Аренда мыта и корчмы пѸтивльское | ѲеодорѸ НовокрещеномѸ. |

Александръ, бож(е)ю м(и)л(о)стью великии княз(ь) лит(овскийи). |

НаместникѸ путивльскомѸ кн(а)зю Богдану Ѳеодоровичу.

Продали есмо | мыто пѸтивльское и корчму Ѳеодору Новокрещеному а затю его | ПетрѸ на три годы за ѡсмьсотъ копь грошеи широкихъ. И вжо они | намъ дали сорокъ копь грошеи в тую жъ личбу, Ѹ восьмьсотъ коп грошеи.

А рокъ | имъ в тое мыто и в корчмѸ Ѹвзати сѧ на матки бож(е)и день последнее. | А держати имъ тое мыто и корчму до того жъ року, до матки бож(е)и дна | последнее.

А маютъ намъ давати в каждыи годъ по двесте копь грошеи, и по | шестидесѧт копь грошеи, и по шести копь грошеи, и по сороку грошеи. |

Первыи годъ выдержавши, маютъ намъ дати двесте копь грошеи, и шест(ь)десѧт копь грошеи, и шесть копь грошеи, и сорокъ грошеи.

А дрѸгии годъ | выдержавши, маютъ намъ дати тежъ двесте копь грошеи, и шестидесѧт | коп грошеи, и шесть коп грошеи, и сорокъ грошеи.

А третии годъ выдержавши, тежъ маютъ намъ дати двесте копь грошеи, и шестидесѧт коп грошеи, и шесть коп грошеи, и сорокъ грошеи.

Про тожъ комѸ коли в нихъ | подаемъ п(е)н(а)зи на квитѧцѧх з мыта нашего, и тыи бы нехаи року ждали. | А до рокѸ бы ихъ не габали, и силою квитѧцеи на нихъ не наметьвали, и моцно п(е)н(а)зеи в нихъ не брали. Пакъ ли бы которыи хотели, року не дожидѧючи, || <sup>л. 217 об.</sup> в томъ ихъ габати, и силою квитѧцеи на нихъ наметьвати, и моцно п(е)н(а)зи в нихъ | брати, и ты бы ихъ ѡт тыхъ боронил, и не далъ бы еси имъ никому ни в чомъ кривдѸ чинити. И самъ бы еси в мыто нашо и в промытѸ не встѸпалъ сѧ. И наместникѸ своемѸ не казалъ встѸпати сѧ. И не судилъ бы ихъ, ни радил. И наместникѸ своему не казалъ судити ихъ. И во всемъ бы еси былъ мыту нашомѸ помочонъ, | абы сѧ мыто нашо не понижало.

П(и)санъ Ѹ Вил(ь)ни, июл(ь) 2 ден(ь). Индик(т) 13. |

## № 376

[1495 г.] июля 16. Вильна.

## Аренда мыта пѣтивльског(о). |

Александръ, бож(е)ю м(и)л(о)стью. |

Наместнику пѣтивльскому кн(а)зю Богдану Ѳедоровичу.

Што продали | есмо мыто пѣтивльское и корчму Ѳедору Новокрещеному а зятю | его ПетрѸ на три годы за ѿсмысот копь грошей широких, на год по двесте | копь грошей, и по шестидесат копь грошей, и по шести коп грошей, и по сорокѸ грошей. И тыми разы был в нас старым мытникъ пѣтивльским Иван | Новокрещеным а поведал намъ, што *ж* какъ перво того держал ѿт насъ мыто | пѣтивльское и корчмѸ и годов своих не додержалъ, и много есмо емѸ | ѿстали винни. И бил намъ чолом, абыхмо его к ѲедорѸ НовокрещенномѸ а к зятю его ПетрѸ припѣстили, к третей части мыта | пѣтивльского и корчмы.

И мы его к нимъ, к третей части мыта пѣтивльского и корчмы, припѣстили. И ты бы им приказал, абы ѿни полпол(у) с нимъ мыто и корчмѸ держали.

А мает ѿн полпол(у) с ними в тое мыто и корчму ѡвзати с а на матки бож(е)и день последне[е]. Нехай ѿни того | мыта и корчмы заведуют две части, а ѿн третью. А держати ему тое | мыто с ними три годы до того *ж* року, до матки бож(е)и дна последнее. |

А што ѿни мели нам в каждыи год давати по двесте коп грошей, и по шести|десат коп грошей, и по шести копь грошей, и по сорокѸ грошей, и ѿн мает | нам того третью част(ь) давати, што на него приидет. А ѿни две части || <sup>а. 218</sup> тежъ, што на них приидеть. Нижли што есмо ѿстали ему винни за первое мыто и корчму, и мы ему за тот долгъ ѿттрѣтили полтораста копь грошей | в тыи три годы въ его часть мыта и корчмы, на год по патидесат коп | грошей.

Про то *ж*, кому коли в них подаем п(е)н(а)зи на квитациях, тыи бы нехай року ждали, а до рокѸ бы его не габали, и силою квитацием на него | не наметьвали, и моцно п(е)н(а)зи в него не брали. Пак ли бы которыи хотели, рокѸ не дожидаячи, в томъ его габати, и силою квитацием не нег(о) | наметьвати, и моцно в него п(е)н(а)зи брати, и ты бы его ѿт тых боронил. | И сам бы еси в мыто нашо и в промытѸ, што не него приидеть, не вступал с а и наместнику своему не велел встѣпати с а. И ни судил бы еси | его, ни радил и наместникѸ своему не велел сѣдити. И во всем бы еси | мытѸ нашомѸ был помочон, абы с а мыто нашо не понижало. И теж | бы еси ѿт кривдъ его боронил и не дал бы еси ему никому ни в чом кривды | чинити.

П(и)сан 8 Вил(ь)ни, июл(ь) 16 день. Индик(т) 13. |

## № 377

[1496] г. марта 1. Городно.

## Аренда мыта ковенъского | МинцерѸ ШлакгерѸ на три | годы. |

Александръ, бож(е)ю м(и)л(о)стью. |

Наместнику ковенскомѸ пану СтанькѸ Костевичу.

Продали есмо | мыто наше ковенское минцерю ШлакгерѸ на три годы.

В каждыи | год мает нам давати готовизною по полпетаста копь грошей.

А рок | емѢ в тое мыто ѡвзати с.а, на сее серодопостие. И держати емѢ | тое мыто три годы сполна до того ж року.

Первыи год выдержавши, мает нам дати полплатаста коп грошеи.

А дрѹгии год выдержавши, | мает нам дати тол(ь)ко жь.

А третии год выдержавши, такеж<sup>1</sup> маеть нам | дати полплатаста<sup>2</sup> коп грошеи.

Ино штобы еси в мыто нашо и в промытѢ не встѣпал с.а сам, и наместникѢ своемѢ теж не велел бы еси встѣпати с.а. И всем бы еси был мытѢ нашому помочон, и ѡт кривдѣ бы еси боронил. А хто бы хотел мыто нашо ковенское ѡбъежчати || л. 218 об. новыми дорогами, и тых бы еси встѣгал а велель бы еси имѣ ездити ста|рыми дорогами на Ковень, и мыто бы нашо платили по-давномѢ.

П(и)сан | в Городне, мар(та) 1 ден(ь). Индик(т) 14. |

*Примечания.* <sup>1</sup>Слово вписано над строкой <sup>2</sup>Буквы ста вписаны над строкой

## № 378

[1496 г.] апреля 16. Меречь.

Лист в справе арендаров пѢтивльских. |

Самъ Александръ, бож(е)ю м(и)л(о)стью. |

Наместнику пѢтивльскому кн(а)зю Богдану Ѡедоровичу.

Били намѣ | чолом мытники наши пѢтивльскии Иван а Петръ ѡ томѣ, што про|дали есмо им мыто нашо пѢтивльское на три годы за ѡс്മьсот копѣ | грошеи, на год по двесте копѣ грошеи, и по шестьдесѣт копѣ грошеи, и по | шести копѣ, и по сорокѢ грошеи. И жаловали намѣ ѡ том, што ж ещо годѢ | ѡдного сполна не выдержали, а вжо есмо много в них подавали на кви|тациах. И били намѣ чолом, абыхмо в них личбу вziali.

Ино мы с ними | личбу вделали. И положили нам на личбе, што выдали на наши листы пѣтсьогѣ копѣ грошеи, и двадцать копѣ грошеи, и гривну грошеи. Ино то вжо намѣ за два годы заплатили. Тол(ь)ко нам тых дѣвух<sup>1</sup> | годовѣ винни полтретинадѣцѣть копы грошеи, а за третии год | намѣ сполна ещо на нихѣ ѡстали п(е)н(а)зи. Ино рекли есмо имѣ, ѡт сее Матки | божьи последнее, што приидеть, до того жь року, до дрѹгое матки | бож(е)и днѣ не давати на нихѣ п(е)н(а)зи комѢ, бо нам за тьи два годы | заплатили.

Ино хотѣ бы к ним и приехали з нашими листы, и ты | бы в них листов нашихѣ имѣ приимати не велел, а ѡт тых бы еси бо|ронил. Какѣ тьи два годы ѡни сполна выдержать, и ѡни за третии | год мают нам п(е)н(а)зи сполна заплатити подле ѡранды.

П(и)сан в Меречи, | април(ь) 16 ден(ь). Индик(т) 14. || л. 219

*Примечание.* <sup>1</sup>Перед словом полусмытая буква т; буква в вписана в строку другими чернилами

## № 379

[1496 г.] июля 27. Вильна.

Аренда мыта берестейского, дорогицкого, | бел(ь)ского и городенского воитѢ берестейскомѢ ПавлѢ на три годы. |

Александръ, бож(е)ю м(и)л(о)стью. |

Наместнику берестейскомѢ пану СенькѢ СѹлизаровичѢ.

Продали есмо | мыто берестейское, и дорогицкое, и бел(ь)ское, и городенское воиту берестейскомѢ Павлу на три годы, на кождыи год по чотыриста копѣ грошеи.



А рокъ | емѣ в тыи мыта ѡвзати сѧ перед матки бож(е)и днем первое за неделю. А держати емѣ тыи мыта до того ж року, до матки бож(е)и дна первое за неделю ж. |

Про то ж, штобы еси его ѡт кривдъ боронил и не дал бы еси ему никому ни | в чомъ кривды чинити в мыте. А который бы кѣпци хотели мыто ѡб(ъ)лещати новыми дорогами, и ты бы емѣ на тях помоч(ъ) давал. Нехаи ѡн их | встѧгает и мыто на них берет по-давномѣ. И сам бы еси в мыто нашо и в промьтѣ не встѣпал сѧ и наместникѣ своемѣ не велел ѣступати сѧ. Нехаи ѡн | мыто нашо и промьтѣ заведает по-давному. И во всем бы еси был мытѣ | нашомѣ помочон, абы сѧ мыто нашо не понижало.

А дали есмо тое | мыто держати за его долгъ, што есмо емѣ должны полтрети тисачи | золотыхъ. Маеть ѡн в тыи три годы свою полтрети тисачи золотыхъ | бирати, а двесте копь маеть намъ дати, што надвышъ полутрет(и) | тисачи золотыхъ своихъ [в]ѡзмет. А естли бы богъ перепѣстил поветрие | а либо котораѧ иншаѧ речъ пригодила сѧ кѣ переказе емѣ того мыта | в тяхъ техъ годехъ, чога бы быть шкодены, то маем емѣ наполнити. | И въ тяхъ трехъ годехъ не маемъ никому ѣ него на квитѧцахъ давати, поки свои долгъ выбереть.

П(и)сан ѣ Вил(ъ)ни, (и)юл(ъ) 27 день. | Индик[т]ъ 14. || л. 219 об.

## № 380

[1496 г.] августа 20. Вильна.

Ключникъ киевскіи Сенько Полозовичъ личбу делал мне, Ивашку Владыце, | ѣ Вил(ъ)ни, август 20 день. Индик(т) 14. |

Приходѣ положил северское и пол(ъ)ское дани триста судов и 14 судов, | то естъ кораимановъ. |

Росходѣ тое дани положил до твоее м(и)л(о)сти, до г(о)с(по)д(а)ря, ѡтослал до Вил(ъ)ни | двесте сѣдовъ и ѡсмеронадцатеро судов, то северское дани. |

А иное на листы твоее м(и)л(о)сти давал пану Станиславу Глебовичѣ. | А иное выдал кн(ѧ)зю Дмитрею Пѣтѧтичѣ, воеводе киевскомѣ, | а панѣ Сенькѣ Ѡлизаровичѣ<sup>1</sup>, а кн(ѧ)зю Богдану, наместникѣ | путивльскомѣ, 13 сѣдовъ северское дани. А иное давал на рѣскіи церкви и бискѣпу киевскомѣ, и каноникомъ, и иным давал. | Все на личбе сполна положил, триста сѣдовъ и 14 сѣдовъ. | А на все листы вказал. |

Про памет(ъ). Водорацкии вышеш дани взѧл 100 судновъ и судно. Индик(т) 14. | И съ Северскихъ и с Пол(ъ)скихъ волостей всее дани грошовое собрано сумою | 100 и 30 копь грошей. Тыи гроши вси ѡтданы воеводе | киевскомѣ. |

Примечание. <sup>1</sup>Далее пропуск в 6–7 букв

## № 381

[1496 г.] сентября 28. Бельск.

Личба пана Григор(ъ)ѧ Ѡстиковича а пи|сара Ивашка Владыки  
з мытников менских. |

В Бел(ъ)скѣ, сен(тѧбра) 28 ден(ъ). Индик(т) 15. |

Г(о)с(по)д(а)рь, его м(и)л(о)сть, великии кн(ѧ)зь Александро казалъ личбу вделати маршалуку его м(и)л(о)сти пану Григор(ъ)ю Станьковичѣ Ѡстиковича

а мне, писарѣ его м(и)л(о)сти Ивашкѣ Владыце, в мытниковъ менскихъ въ Евлашка | а ѣ Оедора з мыта менского.

Положили на личбе на тры годы | триста копь грошеи и 6 копь безъ осми грошеи.  
А на нихъ ещо || л. 220 остало 8 копь, и 4 копы, и 8 грошеи. |

№ 382

[1496 г.] ноября 10. Берестье.

Личба мытниковъ володимерскихъ. |

Новабра 10 день. Индик[т]ъ 15. |

В Берестьи воит володимерскии Луд, а Сташко Ратѣшныи, а Сѣндрей Хотелчовскии, а Петько личбу делали з мыта володимерского.

Держали полтора года и пamt(ь) недель.

Дали всего полсемадесат копь грошеи и 12 гр(о)ш(еи). |

№ 383

[1496 г.] декабря 22. Берестье.

Личба мытниковъ берестеиских. |

В Берестьи, какъ тыми разы былъ господарь, его м(и)л(о)сть дек(абра) 22 | ден(ь), делал его м(и)л(о)сть личбу с ключником берестеиским Левькомъ Боговитиновичомъ а з Немирею, што держали от его м(и)л(о)сти мыто берестеиское к вернои рѣце.

Приход положили полшестаста копь грошеи и тры | копы грошеи без девети грошеи.

Тол(ь)ко жъ и квитации положили, | на которыи ж роздали, комѣ его м(и)л(о)сть подавал п(е)н(а)зеи в них з мыта. |

№ 384

[1496 г.] декабря 22. Берестье.]

Личба мытников берестеиских. |

Такежъ какъ жыдовъ выслали з Берестьи, ино после них Немира а Левко | держали мыто берестеиское. И положили личбу з мыта берестеиского. |

Сѣма приходѣ 100 копь, и 60 копь, и 4 гроши.

А расходѣ | на квитациахъ положили его м(и)л(о)сти на личбе 100 коп, и 60 коп, | и три гроши. |

№ 385

[1497 г.] мая 15. Вильна.

Ѣ долгъ от мытника путивльског(о), | Шомаку винныи. |

Александръ, бож(е)ю м(и)л(о)стью. |

Што жаловаль намъ Шамакъ Даниловичъ на Оедора, на мытника пѣтивльского, ажбы емѣ былъ винен сто копь грошеи и к томѣ, штобы | его шаты побрал. И мы имъ рокъ положили перед нами стати. И Оедор перед нами на тот рокъ стал, а Шамакъ не сталь.

И мы его в том || л. 220 об. оправили, што Шамакъ самъ на него жаловал и на рокъ не сталь.

П(и)сан | 8 Вил(ь)ни, маѧ 15 день. Индик(т) 15. |

## № 386

[1497 г.] мая 14. Вильна.

## Лист в справе арендаторов пѣтивльских. |

Александръ, бож(е)ю м(и)л(о)стью. |

Наместнику пѣтивльскому кн(а)зю Богдану Ѡедоровичѣ.

Што продали | есмо были мыто пѣтивльское на три годы за осмьсот копь грошеи, на год по двесте копь грошеи, и по шестидесятъ копь грошеи, и по шести | копь, и по сороку грошеи Ѡедору, а Ивану, а Петру Новокрещоньми, и они лоъни намъ личбу выдали з дву годовѣ. А тьми разы были в насъ и выдали намъ личбу с третего годѣ.

И вжо за вси три годы не ѡстали нам | ничего не винни, нижли тол(ь)ко ѡстало на них чотыри копы грошеи и десѧть грошеи. И ѡни мают своих грошеи приложити и пѣшкарем заплатити. А за первыи годы пѣшкаремъ заплатили п(е)н(а)зи. И вжо ни ѡдъного п(е)н(а)за намъ не винни.

Про тожь, комѣ будемъ в них на квитѧцахъ п(е)н(а)зи з мыта подавали, а любо кому бѣдем давати, нехаи | тьи року ждѣтъ. А хто бы хотель на нихъ силою квитѧции | наметьвати и мощно в нихъ п(е)н(а)зи брати, и ты бы ихъ ѡт тых | борониль и не даль бы еси имъ никомѣ ни в чомъ кривды чинити. | Нехаи тьи рокѣ ждѣтъ, поки они третию годъ выдержать.

П(и)сан | 8 Вил(ь)ни, маѧ 14 день. Индик(т) 15. |

## № 387

[1498 г.] марта 15. Меречь.

Аренда корчомъ смоленскихъ | мещаномъ смоленскимъ. |

Александръ, бож(е)ю м(и)л(о)стью. |

Наместнику смоленскомѣ пану Юр(и)ю Глебовичу, и владыце смоленскомѣ || л. 221  
Иѡсифѣ, и ѡкол(ь)ничимъ смоленскимъ, и казначею смоленскомѣ кн(а)зю Костантину  
Крошинскомѣ.

Продали есмо корчмы смоленскии мещаномъ смоленскимъ Василю Кравцу, Пахомѣ Кузмину сыну, а Денису, а Левонидѣ, а Миките, а Ивану, а Захар(и)и, а Василю Варавину, а Данилу маснику, а братѣ | его Миките, а Трухонѣ, а Ермаку Ступину, а Степанѣ Шишкину, а Шан(ь)ку | псарцѣ, а Ивану Изъразовѣ, а Кости колачникѣ, а Кузме Ѡтмывал(ь)нику, а Пролю, а Лѣкошку рѣманечникѣ, а Исакѣ Мал(ь)цову, а Пѣкимѣ Изъразову.

А мают | намъ на год давати по чотыриста копь грошеи полугрошками а любо п(е)н(а)зми дробными, за грошь по два полугрошки, а за грошь по десѧти | п(е)н(а)зи. А и широкими грошми теж маютъ намъ платити, коли будѣт | их мети. А нам грошеи не браковати, нижли бы тол(ь)ко не железо, а не медь, | а не ѡалшь, штобы было серебро, какъ слѣшит на грошь ходѧчии.

А мают | мети мед и пиво в сороку домех, а к томѣ и вино горелое. А не мают вина | горелого з браги делати, нижли с тых жо дрожчеи медовых а пивных | мают

вино жечи. А хто бы з ыншого города а л(ю)бо места вино горелое | до Смоленска привезъ, тот мает въздоимомъ тое вино продати тым | жо корчмитом нашим, а иномъ никому не маеть его продавати мимо них, а ни шинковати им на розно. А болши сорока домовъ корчомъ им | не мети.

А меру им всим, хто будет мед и пиво держати, ровну мети. | А хто бы з них хотел меръ бол(ь)шю а любо меньшую мети, на томъ | казали есмо окол(ь)ничомъ смоленскомъ Ивану Кошчевину нашъ [вину] справити, дванадцать грошеи. А над всими ими казали есмо быти старшим | Василю Кравцъ.

А за то за все за них злюбил нам окол(ь)ничии смоленскии Иван | Кошка, што мают намъ в каждыи год тью чотыриста копь грошеи сполнати, какъ въверхъ выписано.

А рокъ имъ тьи почати корчмы варити, какъ Мартинъ Ёднъчелевичъ свои год выдержитъ, до св(е)того Петра | дна<sup>1</sup> приидъчого. А на светого Петра ден(ь) мают они тьи корчмы почати варити.

А нам мають<sup>2</sup> початькъ дати тогды ж, на светого | Петра день, двесте копь грошеи.

А на бож(е)е нароженье мают намъ || <sup>л. 221 об.</sup> останочнью двесте копь грошеи дати.

А на дрѣгиии год и на третиин, докуль | от насъ тьи будѣтъ корчмы держати, в каждыи год наперед мають | намъ на св(е)того Петра день тую чотыриста копь грошеи давати | сполна.

А иныи ништо не маеть тамъ в Смоленскъ корчомъ держати лише ихъ. А хто бы хотел имъ в тых корчмахъ кривдъ делати, а любо бы хто иныи мимо их корчмы варил, о томъ о всем приказали | есмо окол(ь)ничомъ смоленскомъ Ивашкъ Кошце их от кривдъ боронити и во всем имъ помоч(ь)ю быти, ажъ бы са скарбъ нашъ не понижал. Про то ж, штобы есте имъ ни в чом кривды не чинили и не судили | бы есте их и не радили до тых местъ, докуль будѣтъ они тьи | корчмы от насъ держати. Комъ бы до нихъ которое было дело, | мы маем ихъ сами сѣдити.

П(и)сан в Меречи, мар(та) 15 ден(ь). Индик(т) 1. |

При т(ом) были маршалки пан Григ(ории), пан | Лит(а)в(ор) Хреб(тович), пан Стан(ислав) Петро(вич). |

Тьи корчмы княз(ь) великии выставил за са. |

Примечания. <sup>1</sup>Слово написано под титулом <sup>2</sup>Буквы ають написаны по смытому тексту

### Личба ключника киевского. |

Панъ Литавор, маршалокъ, а Фед(ь)ко писарь брали личбу в ключника | киевского, в Сенька Полозовича и в мытниковъ киевских, в Сан(ь)ка а в | Цибѣли, с полѣтора годъ индикта 15 и 1.

Приходъ шестьсот копь, и пѣт(ь)десѣть копь, и девѣть копь, и грошь, | опрочъ промыты. А промыты, поведають, дали великомъ кн(а)зю пѣт(ь)десѣт копь и тры копы товаромъ.

А росходъ шестьсотъ копь и шестьдесѣть копь, а квитаци дано | имъ десѣть, што ещо спольна не выдали, комъ по половине, | а кому третинъ. || <sup>л. 222</sup>

## № 389

[1497–1498 гг.]

## Личба воита володимерского. |

Өедько писар брал личбу 8 Сенюты а 8 воита володимерского 8 Өедка | Л8довича, индик(т) 15.

Приход8 мыта п<sup>м</sup>т(б)дес<sup>м</sup>т копь, и пол<sup>м</sup>смы копы грошеи, и два гроша, и сем(ь) гарели, то есмо писали, докул(ь) | с<sup>м</sup>а поветрее не почало. А какъ поветрее почало с<sup>м</sup>а вел(ь)ми, *от* последнее Матки бож(е)и, ино дыакъ 8мер, писати было некому.

Ино *от* того | дна до Божего Нарожденья вziali есмо полтрети копы грошеи без | дву грошеи.

А *от* Божяго Нарожен(ь)я до Середопостья мыта вziali | есмо дванадцать копь и осмь грошеи. А тому всему с<sup>м</sup>а сем(ь)дес<sup>м</sup>т копь грошеи и осмь грошеи. А то все роздано.

Индик(т) 1. | Володимерскихъ капныхъ п(е)н(а)зеи и верховщины а циншовыхъ литовижзскихъ п<sup>м</sup>т(б)дес<sup>м</sup>т копь, и чотыри копы, и полтрет(ь)адцать грошеи. | А то все роздано на квитаци. |

## № 390

[1498 г.] апреля 28. Вильна.

Аренда мыта и корчмы п8тивльское Өедор8  
Новокрещеном8. |

Самъ Александръ, бож(е)ю м(и)л(о)стью. |

Наместнику п8тивльском8 кн(а)зю Богдану Өедоровичу.

Продали | есмо мыто п8тивльское и корчму Өедору Новокрещеном8, | а Ивану Новокрещеном8, а Петр8 на три годы за дев<sup>м</sup>т(ь)сотъ коп грошеи, на год по триста копь грошеи.

А рокъ имъ в тое мыто и в корчму | 8в<sup>м</sup>зати с<sup>м</sup>а на матьки бож(е)и день последнее.

А мают намъ в каждыи | год давати по триста копь грошеи.

Первыи год выдержавши, мают | нам дати триста копь грошеи.

А другии год выдержавши, мают нам | дати теж триста копь грошеи.

А третии год выдержавши, || <sup>н. 222 об.</sup> теж мають намъ дати триста копь грошеи.

Про то *жс*, кому коли подаем в нихъ | п(е)н(а)зи на квитациахъ з мыта нашего, тыи бы нехаи року ждали. А до року | бы их не габали, и силою квитациеи на них не намetyвали, и моцно в них п(е)н(а)зеи | не брали. Пак ли *жс* бы которыи хотели року не дожидаячи, в том их габати, | и силою квитациеи на них намetyвати, и моцно в них п(е)н(а)зи брати, и ты | бы их *от* тыхъ боронил и не дал бы еси имъ никому ни в чомъ кривды чинити. А и сам бы еси в мыто нашо, и в промыт8, и в корчму не вступалъ с<sup>м</sup>, | и наместнику своем8 не велел вст8пати с<sup>м</sup>, и ни с8дил бы еси их а ни радил. | И наместник8 своему не вел(ел) ни<sup>1</sup> с8дити а ни радити. И во всем бы еси мыту | нашо8 и корчме был помочонь, абы с<sup>м</sup> мыто нашо и корчма не понижило. И *от* кривдъ бы еси их боронилъ.

И теж што они перво сего держали | *от* насъ мыто нашо и корчму, и они ещо што с<sup>м</sup> мало року своего не додержали, и они мают таки до того року додержати.

И тыми разы был | в нась Иван Новокрешеныи и делал намь с того мыта личбу. И звыш того | выдал нам на новое мыто полтораста копь грошеи без дву грошеи. И мы им | тую полтораста копь грошеи без д[в]8 грошеи *оттр8*дили в тую *ж* личбу, | 8 *девят*соть копь грошеи на новое мыто, што есмо писывали листы | наши, ком8 продамо мыто нашо и корчму п8тивльское.

П(и)сан | 8 Вил(ь)ни, април(ь) 28 день. Индик(т) 1. |

*Примечание.* <sup>1</sup>Слово написано над строкой

## № 391

[1499 г.] января 21. Городно.

## Личба мытников п8тивльских. |

Браль его м(и)л(о)сть личбу 8 мытников п8тивльских в Городне, ген(вара) 21 | ден(ь). Индик(т) 2.

Тогды сл8жебникъ кн(а)за Богданов Сыновец принес тыи квитациеи до его м(и)л(о)сти, а мытников не было.

И положиль<sup>1</sup> на | личбе на квитациах триста коп грошеи, и семдес*ат* коп, и сем(ь) коп, и двадцат(ь) | грошеи.

А перваа полтораста коп грошеи, а п8шкарем двом п8тивльским 12 коп | грошеи, а по ш8бе чамровои, а по сукн8 махал(ь)скому.

С8ма всему 500 коп, и сорок коп, | и 20 грошеи.

А триста коп и 60 коп без 20 грошеи на них ещо *остало*. || <sup>а.</sup> 223

*Примечание.* <sup>1</sup>Исправлено, в рукописи положило

## № 392

[1498 г.] мая 11. Вильна.

## Аренда мыта и ваги луцкое Лерин8 | Гереш8. |

Александрь, бож(е)ю м(и)л(о)стью. |

Старосте луцком8, маршалку Волинское земли кн(а)зю Семену Юр(ь)евичу.

Продали | есмо мыто луцкое и вагу<sup>1</sup> кракованину Лерину Герешу на тры годы за полторы тисачи копь грошеи, на год по п*атисот* копь грошеи.

А рокь ему в тое | мыто и 8 ваг8 *св*азати с*а* на семую с8бо[т]ю, што приидеть. А держати | ем8 тое мыто и ваг8 тры годы до того *ж* року, до семое суботы.

А маеть нам в каждыи год давати по п*атисот* коп грошеи.

Первыи год выдержавши, маеть намь дати п*ат*(ь)соть копь грошеи.

А др8гии год выдержавши, | мает нам дати п*ат*(ь)соть коп грошеи.

А третии год выдержавши, мает намь | дати п*ат*(ь)сот копь грошеи.

А маеть нам вси тыи гроши давати на каждыи год готовизною. А брати ем8 тое мыто и ваг8 по-давному. Про | то *ж* ком8 коли в него подаем п(е)н(а)зи на квитациах з мыта, тыи бы нехаи | рок8 ждали. А до року бы его не габали и силою квитациеи на него не наметывали, и мощно в него п(е)н(а)зи не брали. Пакь ли бы которыи року не дожидаячи, хотели его в том габати и силою на него квитациеи наметывати, и мощно в него п(е)н(а)зи брати, и ты бы его *от* тых боронил. И не дал бы | еси ем8 ником8 ни в чом кривды чинити.

А которыи бы кѣпцы хотели | мыто обьежчати новыми дорогами, аж бы еси емѣ на тых помоч(ь) | давал. Нехаи он их встагает и мыто на них берет по-давномѣ. И сам бы еси | в мыто нашо, и в промытѣ, и ѣ вагу не вступал сѣ, и не судил его, ни радил. | И наместнику своемѣ не казал вступати сѣ и ни судити его, ни радити. | Нехаи он мыто нашо, и промытѣ, и вагѣ ведаеть по-давному. И во всем | бы еси мытѣ нашомѣ был помочон, абы сѣ мыто нашо и вага не | понижало. А которыи бы сѣ кѣпец промытил, то промыта нам с ним | наполо(ы), подлугъ давного обычаа.

А какъ тыи три годы тое мыто || л. 223 об. в вагѣ выдержити, естли бы сѣ полепъшило, тогды мает нам тое цены повышити. А естли бы сѣ, боже вховаи, надказило, тогды мает, три годы выдержавши, нам тое мыто и вагу спѣстити.

А кому коли отпѣстим мыта луцкогю з ласки нашое в тых его трех годах, мает он то записати<sup>2</sup>, штобы | мало того мыта приити, то маем емѣ оттрѣтити в наши п(е)н(а)зи, в тулю ж сѣму.

Пи(и)сан ѣ Вил(ь)ни, маа 11 день. Индик(т) 1. |

*Примечания. <sup>1</sup>Буквы гу написаны по смытому тексту <sup>2</sup>Слово написано по смытому тексту*

### № 393

[1498 г.] мая 27. Вильна.

Аренда мыта берестейского, дорогицкого, бел(ь)ского  
и городенского Гендрыхѣ Карловичѣ. |

Александрѣ, бож(е)ю м(и)л(о)стью. |

Наместнику берестейскомѣ пану Станиславу Петковичу.

Продали | есмо мыто берестейское, и дорогицкое, и бел(ь)ское, и городенское | краковянину Гендрыхѣ Карловичу на тры годы за тисчѣ копѣ грошей | и за чотыриста копѣ грошей.

А рокъ емѣ в тыи мыта ѣвезати сѣ перед | маткою божее днем первое за неделю. А держати емѣ тыи мыта тры | годы до того ж року, до матки божее дна<sup>1</sup> первое за неделю.

Первыи год | выдержавши, маеть нам <sup>2</sup>дати чотыриста<sup>2</sup> копѣ грошей.

А дрѣгии год выдержавши, мает нам дати пѣт(ь)сот копѣ грошей.

А третии год выдержавши, мает намъ дати теж пѣт(ь)сот копѣ грошей.

А маеть нам в каждыи годъ | вси тыи гроши готовизною давати. А брати емѣ вси тыи мыта | по-давномѣ. А которыи бы сѣ кѣпец промытил, то промыта нам | с нимъ наполо(ы) подлугъ давного обычаа.

А естли бы сѣ, боже вховаи, | тыи мыта надказили, тогды мает он первыи год выдержавши, тыи | мыта нам спѣстити. Про то ж, кому коли подаемъ в него пенази | з мыта, тыи бы нехаи року ждали, а до року бы его не габали, | и силою квитаци на него не наметьвали, и моцно в него п(е)н(а)зеи не брали. | Пак ли бы которыи рокѣ не дожидаячи хотели его в том габати, | и силою квитаци на него наметьвати, и моцно в него п(е)н(а)зеи брати, и ты бы его от тых боронил и не дал бы еси емѣ никому ни в чом кривды || л. 224 чинити.

А которыи бы<sup>3</sup> кѣпцы хотели мыта обьежчати новыми дорогами, | ажъ бы еси емѣ на тых помочъ давал, нехаи он ихъ встагаетъ и мыта | на них берет по-давномѣ.

И сам бы еси в мыта наши и в промыты не вступал с а и ни судилъ его, ни радил. И наместнику своему не казал вступати с а | и ни сдиди его, ни радити. Нехай он мыта наши и промыты ведаеть | по-давномъ. И всемъ бы еси мыту нашомъ был помочон, абы с а мыта | наши не понижали.

П(и)сан ѿ Вил(ь)ни, маѿ 27 день. Индик(т) 1. |

*Примечания.* <sup>1</sup>Слово написано под титлом <sup>2-2</sup>Написано по смытому тексту <sup>3</sup>Слово написано над строкой

## № 394

[1498 г.] июля 6. Вильна.

Аренда корчмы вруцкое мещаном | врѣцкимъ. 18 Вил(ь)ни,  
при Ивану Владыце, июл(ь) 6. Индик(т) 1. |

Продана корчма вруцака на год мещаномъ врѣцкимъ Григор(ь)ю, а Коркошце, | и товарищомъ ихъ за сорокъ копь грошеи.

Рокъ имъ ѿвазати с а на св(е)того | Ильи день. А держати имъ до того ж року, до Ил(ь)ина дна.

А мают п(е)н(а)зи | сами отдати. А в них г(о)с(по)д(а)ръ на маеть давати никому. |

## № 395

[1498 г.] июля 13. Вильна.

Аренда мыта менского Мартинъ Ёнчелевичъ. |

Сам Александръ, бож(е)ю м(и)л(о)стью. |

Маршалку нашомъ, наместнику менскомъ пану Николаю Ивановичъ | Ил(ь)инича.

Продали есмо мыто меньское мещанину виленскомъ Мартину Ёнчелевичу на три годы за шестьсот копь грошеи. В каждыи год мает намъ | давати по двесте копь грошеи.

А рокъ емъ в тое мыто ѿвазати с а на | светого Ильи день. А держати маеть тое мыто три годы сполна | до того ж року, до светого Ил(ь)и дна.

Год выдержавши, маеть нам дати | двесте копь грошеи.

А дрѣгии год выдержавши, маеть нам дати другую двесте копь грошеи.

А третии год выдержавшы, мает нам дати || л. 224 об. такеж двесте копь грошеи.

Про то, штобы еси в мыто наше и в промыту | не вступал с а. Нехай онъ, мытникъ нашъ, мыто наше и промыту заведаетъ по-давному. И кѣпцовъ штобы еси встегал и не дал имъ ѿб(ь)ежчасти мыта нашего новыми дорогами, а велел бы еси им ездити старыми | дорогами на Менескъ по-давномъ. И штобы еси от кривдъ его боронилъ | и всемъ бы еси мытъ нашомъ был помочон, абы мыто наше не пониживало с а. И штобы еси его не сдиди а ни радил, и децкихъ на него не давал. | А и наместникъ твои теж бы его не сдиди, и не радил, и децкихъ не него не давал. Кому бы до него было дело, ино мы сами маем ѿ томъ межи ними смотрети в томъ часъ, поки выдержит мыто наше.

П(и)сан ѿ Вил(ь)ни, | июля 13 ден(ь). Индик(т) 1. |



## № 396

[1498 г.] июля 18. Вильна.

Аренда мыта смоленского | Мартин<sup>8</sup> Ёнчелевич<sup>8</sup>. |

Самъ Александръ. |

Наместнику смоленскому пану Юр(и)ю<sup>1</sup> Глебовичу.

Продали есмо мыто | наше смоленское мещанину виленскому Мартину Ёнчелевич<sup>8</sup> на | тры годы за шест(ь)сотъ копь грошей. В каждыи год маеть нам давати | по двесте копь грошей.

А рокъ ем<sup>8</sup> в тое мыто <sup>8</sup>взати с<sup>а</sup> на св(е)того | Ильи ден(ь). А держати маеть тое мыто три годы сполна до того ж | року, до светого Ил(ь)и дна.

Год выдержавшы, маеть нам дати двесте | копь грошей.

А др<sup>8</sup>гии год выдержавшы, мает нам дати друг<sup>8</sup>ю двесте | коп грошей.

А третии год выдержавшы, мает нам дати такеж двесте | копь грошей.

А брати ему тое мыто наше по-давном<sup>8</sup>. Про тож, коли | кому в него подаем п(е)н(а)зи на квитациах з мыта нашего, и тыи бы нехаи рок<sup>8</sup> ждали, а до рок<sup>8</sup> бы его не габали, и силою квитациа на него | не наметывали, и моцно п(е)н(а)зеи в него не брали. Пак ли бы которыи хо<sup>1</sup>тели, року не дожидаячи, в том его габаты, и силою квитациа на него || <sup>а. 225</sup> наметывати, и моцно в нег(о)<sup>1</sup> п(е)н(а)зи брати, и ты бы его от тых боронил и не дал | бы еси ем<sup>8</sup> кривд<sup>ь</sup> никому ни в чом чинити.

А которыи бы купцы хотели | мыто наше об(ь)ежчати новыми дорогами, ажъ бы еси ему на тых по<sup>1</sup>мочь давал. Нехаи он ихъ встагаеть и мыта на них береть по-давном<sup>у</sup>. И всем бы еси был мыт<sup>8</sup> нашом<sup>8</sup> помочон. А и сам бы еси в мыто наше | и в промыт<sup>8</sup> не вступал с<sup>а</sup>. Нехаи он мыто наше и промыту заведаетъ по-давном<sup>8</sup>. И штобы еси его не с<sup>8</sup>дил, а ни радил<sup>ь</sup>, и децких<sup>ь</sup> на нег(о) | не давал. А и наместникъ твои теж бы не судил его, и не радил, и децких<sup>ь</sup> | на него не давал. Ком<sup>8</sup> бы до него было дело, ино мы сами маем межи | ними смотрети в тот часъ, поки выдержит мыто наше.

П(и)сан <sup>8</sup> Вил(ь)ни, | июл(ь) 18 день. Индик(т) 1. |

*Примечание. <sup>1</sup>Слово написано над строкой*

## № 397

[1499 г.] марта 12. Вильна.

Аренда мыта смоленского | <sup>8</sup>Федор<sup>8</sup> а Иван<sup>8</sup> Новокрешоным | а Петр<sup>8</sup>.

Сам Александръ, бож(е)ю м(и)л(о)стью. |

Наместнику смоленском<sup>8</sup> пану Юр(и)ю Глебовичу.

Што есмо продали | мыто смоленское мещанину виленскому Мартину Ёнчелевичу на | тры годы, <sup>8</sup> каждыи год мел нам давати по двесте копь грошей, ино | тыми разы били намъ чолом мытники п<sup>8</sup>тивльскый <sup>8</sup>Федор, а Иванъ | Новокрешеныи, а Петръ и повелили перед нами, што ж кривда и шкода | им дееть с<sup>а</sup> <sup>8</sup> мыте п<sup>8</sup>т[и]вльском. Которыи бы мели ехати на п<sup>8</sup>тивль и мыто давати, тыи деи об(ь)ежчают на Смоленскъ, а им мыта п<sup>8</sup>тивльского не платат. И били нам чолом, абыхмо им и тое мыто смоленское продали а повышили нам триста золотых.

И мы им и тое мыто смоленское продали на тры годы за шест(ь)сот копь грошеи и за трыста золотых. 8 каждыи год мают намъ давати по двесте коп грошеи | и по ст8 золотых. И възю наперед дали нам сто золотых.

А рок им || л. 225 об. 8 тое мыто 8вѣзати сѧ на светого Ил(ь)и день. И держати мают тое мыто | три годы сполна до того ж року, до светого Ильи. А мают тое мыто | брати по-давному.

Первыи год выдержавши, мають нам дати двесте | копь грошеи.

А другии год выдержавши, такеж мают нам дати двесте коп | грошеи и сто золотых.

А третии год выдержавши, по тому ж мают нам дати | двесте копь грошеи и сто золотых.

А вѣвѣзати казали есмо их в тое | мыто казначею смоленскому кн(а)зю Костѧнтину Крошиньскому. И ты бы | в тое мыто Мартину не велел 8ступати сѧ. Про то, коли кому в них | подаем п(е)н(а)зи на квитациах з мыта смоленского, ты бы нехаи року | ждали, а до року бы на них не габали, и силою квитациеи на них не наметывали, и мощно п(е)н(а)зеи в них не брали. Пак ли них бы которыи хотели року | не дожидаячи в том на них габати, и силою квитациеи на них наметывати, и мощно п(е)н(а)зи в них брати, и ты бы их ѿт тых боронил, и не дал | бы еси им кривдѣ никому ни в чомъ чинити.

А которыи бы купьцы | хотели мыто нашо ѿб(ъ)ежчати новыми дорогами, аж бы еси имъ | на тых помоч(ь) давал. Нехаи бы ѿни их встѧгали и мыта на них брали | по-давном8. И во всем бы еси мыт8 нашом8 был помочон. А и самъ бы | еси в мыто нашо и в промыт8 не вступал сѧ. Нехаи ѿни мыто нашо | и промыт8 заведаять по-давному. И штобы еси их не судил, и не | радиль, и децькихъ на них не давал. И наместникъ твои теж бы не судил их, и не радиль, и децькихъ на нихъ не давалъ. Ком8 бы до нихъ | было дело, ино мы сами маемъ межи ними смотрети в тогъ часть, поки выдержатъ мыто нашо.

П(и)сан 8 Вил(ь)ни, мар(та) | 12 день. Индик(т) 2. || л. 226

#### № 398

[1499 г.] марта 18. Вильна.

Аренда мыта крычовьского | мешаном крычовьскимъ. |

Сам Александръ, бож(е)ю м(и)л(о)стью. |

Наместнику крычовском8, старцу и м8жомъ.

Продали есмо мыто кричевское мешаномъ кричевским Левону Демехову, а Гридку 8к8личу, а Болдану Зар8бичу на тры годы за полосмадесаѧ копь грошеи.

А рокъ им 8вѣзати сѧ в тое мыто на сесь Великъ день, што приидеть. А держати имъ | тое мыто три годы до того ж року, до Велико дна. А мают намъ в каждыи год давати по полтрет[ь]адцать копь грошеи.

Первыи год выдержавши, мають нам дати полтрет[ь]адцать копь грошеи.

А др8гии годъ выдержавши, мають нам дати полтрет[ь]адцать копь грошеи.

А третии | год выдержавши, мають нам дати полтрет[ь]адцать же копь грошеи.

А мають намъ давати вси тыи гроши на каждыи год готовизною въ скарбѣ | нашъ. А брати им тое мыто по-давному. Про то ж, штобы есте их ѿт | кривдѣ боронили и во всем бы есте мыт8 нашему помочни были, абы | мыто наше не понижало сѧ. И штобы есте въ мыто наше и въ промыт8 не встѧпали сѧ. Нехаи ѿни, мыт8ники наши, мыто

и промытѣ | заведують по-давньомуѣ. И штобы есте ихъ въ мытъныхъ речах | не судили, ни рѣдили и децъкихъ своихъ на нихъ не давали.

П(и)сан | 8 Вил(ь)ни, мар(та) 18 день. Индик(т) 2. || *л. 226 об.*

## № 399

[1499 г.] марта 20. Вильна.

Аренда мыта речицкого | мещаном речицкимъ. |

Сам Александръ, бож(е)ю м(и)л(о)стью. |

Наместнику речицкому, и старцѣ, и мужем.

Продали есмо мыто н(а)шо | речицкое мещаном речицкимъ Еску Савчичу а Степану Макчеевичу на год | за двенадцать копъ грошей ѿпосле Семена Клыковича а Васил(ь)я Пронича, | какъ они додержатъ годѣ своего, до Филиповыхъ запусъ.

И тыи мытники, | Еско а Степанъ, мають в тое мыто ѣвзати сѧ на рокъ на Филиповыи | запѣсты. А держати имъ тое мыто то того ж року, до Филиповыхъ запусъ.

А какъ они тот год выдержатъ, и они мають нам туя дванадцать | копъ грошей заплатити сполна.

Про тож, абы есте ѣ мыто нашо и в | промытѣ не встѣпали сѧ. Нехаи они, мытники наши, мыто и промытѣ | заведуют по-давнемуѣ.

П(и)сан 8 Вил(ь)ни, мар(та) 20 день. Индик(т) 2. |

## № 400

[1499 г.] июня 16. Вильна.

Аренда корчмы въ Молодечне | Матею Ляхѣ. |

Александръ, бож(е)ю м(и)л(о)стью. |

Наместнику молодеченскому Богдану Кореивичу.

Говорил нам Матею Ляхѣ, | што ж там в Молодечне ѿдна корчма плебанская, а наше корчмы там нет. И просил насъ, абыхмо дали ему там в Молодечне корчму на нас мети.

Ино естли | бѣдет плебану не шкодно там наша корчма мети, и ты бы томѣ Матею | дозволил там на нас корчмѣ, мед и пиво мети.

А он маеть нам в каждыи год | по чотыри копы грошей давати.

П(и)сан 8 Вил(ь)ни, июня 16 день. | Индик(т) 2. || *л. 227*

## № 401

1499 г. июня 18. Вильна.

Потвержен(ь)е бояринѣ витебскомѣ Васкѣ | Гѣлешковичѣ на имен(ь)е Домославль а на | землю Соснинскѣю вѣчностью. |

Самъ Александръ, бож(е)ю м(и)л(о)стью. |

Биль намъ чолом боярин витебскийи Васко Гѣлешковичъ а поведал нам, што ж | купил именьѣ ѣ Витебском повете на имѧ Домославле з люд(ь)ми в писарѧ бывшего ѿтца нашего, короля, его м(и)л(о)сти, в Петрашка Ѡминича и въ его | жоны ѿбел(ь) вечно. А тое именьѣ достало сѧ было Петрашку после дѧдѣка его, Васка Любича. А Васко Любичъ тое именьѣ купил был ѣ боярина витебского, в Богдана, ещо за

отца нашего, короля, его м(и)л(о)сти, с призволеньем отца н(а)ш(о)го, | короля ж, его м(и)л(о)сти, теж обел(ь) вечно. И листы кбпчии и призволеныи отца нашего, короля, его м(и)л(о)сти, на то мел. И теж што дали есмо ем8 землю 8 Витебском же повете на има Соснинскую, и листь нашъ есмо ем8 на то дали. | Нижли коли з допдшенъа божего домъ в него горел, ино тогды и листы | вси 8 него погорели. И повелел перед нами, што ж тыи листы вси звезоми | маршалку нашом8, наместнику витебскому пану Станиславу Глебовичу. | И мы ѿ том пана Станислава пытали. И пан Станислав перед нами повелел, иж вси тыи листы в него видал. И бил намъ чолом, абыхмо ему тое | именье и тую землю вышеипсаное потвердили нашимъ листом.

И мы | тое именье Домославль и з люд(ь)ми, кбплю его, и землю пбстовскую Соснинскую, што мы ем8 дали, потвержаемъ симъ нашимъ листом ему, и его жоне, | и их детем, и потом б8д8чим их счадомъ вечно с пашными землями и з бортными, и з лесы, и з селищи, и з нивами, и з реками, и съ сеножатыми, и зь ловы | зверинными, и со ствпы, и съ пташьими ловы, и з бобровыми гоны, и со въсим | с тымъ, што здавна к том8 именью и къ той земли присл8хало. Волен | то он отдати, и продати, и заменити, и къ своему8 лепшом8 обернуги, какъ самъ налепеи роз8меючи.

А на твердость того и печат(ь) || л. 227 об. нашу казали есмо приложити к сем8 нашом8 листу.

П(и)сан 8 Вил(ь)ни, | в лет(о) 7007-е, м(е)с(а)ца июн(а) 18 день. Индик(т) 2. |

Пр(и) [том] были мар(шалки), нам(естник)<sup>1</sup> вит(ебский) пан Стан(ислав) | Глеб(ович), краи(чии) кн[а]з(ь) Ілнуш Александрович. |

*Примечание.* <sup>1</sup>Исправлено, в рукописи наш

#### № 402

[1499 г.] июля 6. Вильна.

Аренда корчмы вруцкое мешаном вруцкимъ. |

Александръ, бож(е)ю м(и)л(о)стью. |

Наместнику вруцком8 кн(а)зю Григор(ь)ю Борисовичу Глинскому.

Продали | есмо корчму вруцкую мешаномъ вруцкимъ на има Сенку Гредчичу, а Василю Малаеевич8, а Тишку Блишчиновичу, а Ъгаюну Хотеновичу, а Дорошиц8 на год за сорокъ копь грошей.

А мают они 8вазати сѧ тую корчму мелти на рокъ на светого Ил(ь)и день, што приидеть, и до того ж року, до светого Ил(ь)и дня, мают ее держати.

И вжо они нам заплатили тридцать | копь грошей. А какъ они тот год свои выдержать, и они мают намъ заплатити достол(ь) десѧт(ь) копь грошей.

И ты бы их ѿт кривдъ ѿт земан врѣцких боронил и не даль бы еси имъ никому ни в чомъ кривды чинити. |

П(и)сан 8 Вил(ь)ни, июл(ь) 6 день. Индик(т) 2. |

#### № 403

[1501 г.] августа 18. Городно.

Аренда корчмы вруцкое мешаномъ вруцкимъ. |

Александръ, бож(е)ю м(и)л(о)стью<sup>1</sup> великии кнѧз(ь). |

Наместник8 вруцком8 кн(а)зю Григор(и)ю Борисовичу.

Што перво сего кѣпили были в нась корчмѣ вруцкую люди наши на имѣ Конон а Ждан | на год за пѣтьдесѣтъ копѣ грошеи подъ мещаны вруцкими под Ходоромъ, | а под Ивановом Квашою, а под Василемъ, а под Сѣпиханом, а под Головскою, | а под Ивановомъ Куничнымъ, и под их товарищи, ино тыми разы тыи || <sup>л. 228</sup> мещане били намъ чоломъ, абыхмо ихъ *от* тое корчмы не *отдалили*.

И мы на | их чоломъбитѣ то вчинили, тую корчму за сѣ есмо имъ продали на тры | годы. А они мают намъ за тѣю корчму давати в *каждыи* год по пѣтидесѣтъ | копѣ грошеи.

А рокъ им почати таѣ корчма держати на матки бож(е)и день | последнее. А держати им тыи три годы вси сполна до того *ж* року, до | матки бож(е)и дна.

А мети имъ тую корчмѣ тол(ь)ко в двѣ домех. А в тыи три | годы не надобе тамъ никомѣ корчомъ держати, кн(ѣ)земъ, и паном, и боѣлромъ, и двораномъ нашим. А естли бы хто хотел тамъ *оприче* ихъ корчмы | держати, в томъ закладаем на нась вины наше сто рѣблевъ грошеи.

Теж | естли бы хто хотел имъ в чомъ кривды чинити, и ты бы ихъ *от* таковых *от* кривдъ борониль и не дал бы еси никомѣ ни в чомъ имъ кривдѣ чинити. А и сам бы еси в тую корчмѣ нашѣ не встѣпал сѣ и во всем бы | еси дал впокои, абы в томъ тои корчме нашей шкоды не было, и плат | бы нашѣ не понижал сѣ.

П(и)сан в Городне, август(а) 18 день. Индик(т) 4. |

*Примечание.* <sup>1</sup>Слово вписано над строкой

## № 404

[1500 г.] мая 5. Вильна.

Аренда корчмы крычовское | боѣрынѣ крычовскомѣ Иевѣ | Кѣчѣковичѣ. |

Александрѣ, бож(е)ю м(и)л(о)стью. |

Наместнику крычовскомѣ, и старцѣ, и мещаномъ, и всимъ мѣжомъ. |

Продали есмо корчму пивную в месте Крычовском мети боѣрынѣ крычовскомѣ Иеву Кѣчуковичу, на годъ за десѣтъ копѣ грошеи.

А рок | ему почати тѣю корчму варити *от* сее семое сѣботы, аж и до | того жъ годѣ. И вы бы вжо ѣ тѣю корчмѣ не встѣпали сѣ конечно. |

П(и)сан ѣ Вил(ь)ни, маѣ 5 день. Индик(т) 3. |

Ино еще тот Иевѣ ни п(е)н(ѣ)зѣ великомѣ кн(ѣ)зю, его м(и)л(о)сти, тых десѣти коп | грошеи не даль. || <sup>л. 228 об.</sup>

## № 405

[1501 г.] августа 2. Троки.

Аренда мыта и корчмы | мозырское мещаном мозыр|скимъ. |

Александрѣ, бож(е)ю м(и)л(о)стью. |

Наместнику мозырскомѣ, и старцѣ, и мещаномъ места Мозырского, | и всим мѣжом, всее волости Мозырское.

Продали есмо мыто наше | мозырское и корчмѣ мозырскую мещаном мозырскимъ Карпу а Пашку на два | годы, мыто за тридцѣтъ копѣ грошеи, а корчмѣ за полшестѣдесѣтъ коп | грошеи. И вже наперед намъ заплатили полтредѣцѣтъ копѣ грошеи. |

А какъ писар нашъ, Ивашко Сопежич, тамъ в Мозыри будеть, и они мают | емѸ достал(ь) п(е)н(а)зеи заплатити за ѿдин год.

А какъ другии год выдержать, и они мают нам и за тот год заплатити.

А рокъ им почати тое мыто заведати и корчмѸ варити на матки бож(е)и день последнее. И держати имъ | тыи два годы сполна, почон ѿт матки бож(е)и дна, до того ж року, до | матки бож(е)и дна<sup>1</sup>.

А в тыи два годы не надобе там никому корчомъ валрити, кн(а)земь, и паном, и боаром, и двораномъ нашим, которыхъ коли | шлемъ до Мозыра дла наших потребъ и дла ихъ доходовъ.

А и вам | прикажемъ, штобы есте в тое мыто, и в промыту, и в корчму не встѸпали с.а. И еще хто бы хотел мыто нашо проежчати, а мыта нам | не заплативши, або там корчмѸ варити, и вы бы им на таковых и полмочни были, абы в том мыту нашомѸ и корчме шкоды не было, и плат | бы нашъ не понижал с.а. А их бы есте самих не сѸдили а ни радили, и во | всем им дали впокои. КомѸ будет до них которое дело, ино мы сами, г(о)с(по)д(а)рь, | и ѿ том их маем смотрети.

П(и)сан Ѹ Троцех, авгѸсть 2 день. | Индик(т) 4. ||<sup>а</sup>. 229

## № 406

[1500 г.] декабря 17. Вильна.

Аренда мыта лѸцкого и ваги | краковланинѸ ЛеринѸ ГерешѸ. |

Александръ, бож(е)ю м(и)л(о)стью. |

Старосте луцкому, маршалъку Вольнское земли кн(а)зю МихаилѸ Ивановичу | Ѹстрозскому.

Продали есмо мыто лѸцкое и вагѸ краковланину ЛеринѸ ГерешѸ на чотыри годы за две тисачи копь грошеи, на год по патисот | копь грошеи.

А рокъ емѸ в тое мыто и Ѹ вагу Ѹвезати с.а на семую сѸботѸ, | што приидеть. А держати емѸ тое мыто и вагѸ чотыри годы до | того ж рокѸ, до семое сѸботы. А мает намъ в каждыи год давати по патисот | копь грошеи.

Первыи год выдержавши, мает намъ дати п.ат.сот коп грошеи. |

А дрѸгии год выдержавши, мает нам дати п.ат.сотъ копь грошеи.

А третии | год выдержавши, дати мает намъ п.ат.сот коп грошеи.

А четвертыи год | выдержавши, маеть нам дати п.ат.сот жо копь грошеи.

А мает нам вси | тыи гроши давати готовизною. А брати ему тое мыто и вагу по-давному. Про то, комѸ коли подаем в него п(е)н(а)зи на квитациах з мыта, тыи | бы нехаи рокѸ ждали. А до рокѸ бы его не габали, и силою квитациаи | на него не наметьвали, и моцно в него п(е)н(а)зеи не брали. Пак ли бы которыи, | рокѸ не дожидаячи, хотели его в том габати, и силою квитациаи не нег(о) | наметьвати, и моцно в него п(е)н(а)зи брати, и ты бы его ѿт тых борониль | и не дал бы еси емѸ никомѸ ни в чом кривдъ чинити.

А которыи бы куцы | хотели мыто ѿб(ъ)ежчати новыми дорогами, ажъ бы еси ему на таковых помоч(ь) давал. Нехаи он ихъ вст.агаеть и мыто на них берет по-давномѸ. А и сам бы еси в мыто нашо, и в промытѸ, и въ вагу не вступал с.а | и ни судил его, ни радил. И наместнику своемѸ не казал вступати с.а | и ни сѸдити его, ни радити. Нехаи он мыто нашо и промытѸ и вагѸ ве.даеть по-давномѸ. И во всем бы еси мыту нашому был помочон, абы | с.а мыто нашо и вага не понижала. А которыи

бы сѧ кѡпец промытил, || л. 229 об. то промыта намъ с ним напол(ы), подъле давного обычаѧ.

А какъ тыи чоты|ри годы тое мыто и вагѡ выдержать, а если бы сѧ полепъшило, тогды мает намъ тое цены повышити. А естли бы сѧ, боже вховаи, надказило, тогды мает, чотыри годы выдержавши, намъ тое мыто и вагу |спѡстили. А комѡ коли ѡтпѡстим мыта луцкого з ласки наше в тых | чотырех годех, маеть ѡн то записати. И што мало того мыта прии|ти, то маемъ емѡ ѡттрѡтити в тыи наши п(е)н(ѧ)зи в тую ж сѡму.

Пи(и)сан | 8 Вил(ь)ни, дек(абрѧ) 17 день. Индик(т) 4. |

## № 407

[1504 г.] декабря 24. Краков.

Личба мытника лѡцкого и берестейского Лерина Гериша. |

8 Кракове, дек(абрѧ) 24 день. Индик(т) 8. |

Кнѧзь Михаило, маршалокъ, а Ивашко Сапега, а Ивашко подскарбии взяли | личбу 8 мытника луцкого и берестейского, 8 Лериша Гериша, с обеих | мыгъ на тыи минулыи два годы, што прошли ѡт самое сѡботы, | котораѧ была индикта шостого, до самое сѡботы, котораѧ будет | индикта ѡсмого.

Выдал имъ личбу, што давал в тыи два годы кн(ѧ)зем, | паномъ, двораномъ, землѧном, капланомъ, пѡшкарем, работником з роцказанья листов корола, его м(и)л(о)сти.

Ино всего того сѡма две тисѧчи | копъ, и двесте копъ, и шестьдесѧт копъ, и сем(ь) копъ грошеи без двадцѧти грошеи.

## № 408

[1500 г.] декабря 8. Вильна.

Квѧтацыѧ тому ж Леринѡ Герешѡ | з ѡчиненья досыт  
зо аранды мыта | лѡцкого. |

Мытникѡ лѡцкомѡ Алелеринѡ Герешѡ.

Што еси кѡпил в нас мыто | наше лѡцкое на три годы за тисѧчѡ копъ грошеи и за пѧтсот коп грошеи, ино еси за тыи три годы заплатил намъ мыта сполна, тисѧчу копъ грошеи и пѧтсотъ копъ грошеи, и звышь того ещо еси выдалъ || л. 230 на наши потребы шестьсотъ копъ грошеи, и двадцѧть копъ грошеи, и полоѡсмы копы грошеи.

На то тебе даемъ вызнанье, сешь нашъ лист. И ты | бы себе тѡю шестьсотъ копъ грошеи, и двадцѧть коп грошеи, и полоѡсмы копы грошеи взѧл з мыта нашего.

Писан 8 Вил(ь)ни, дек(абрѧ) 8 ден(ь). | Индик[т]ъ 4. |

## № 409

[1500 г.] декабря 31. Вильна.

Аренда корчмы кричовьское | мещаном кричовьскимъ. |

Александръ, бож(е)ю м(и)л(о)стью. |

Наместнику кричевскому, и старцѡ, и мещаномъ места Кричовского, | и вси мѡжем, всеи волости Кричовское.

Продали есмо корчму в мѡсте нашом Кричовском мещаном кричовьским Исаку а Сен(ь)кѡ Епимаховичом, | а Ѳед(ь)кѡ Браниновичѡ, а Кѡзме Карповѡ, а Ришкѡ

Нашѣтичу, а Василю | Сонину, а Грид(ь)кѣ Ѡкѣлину, а Тишкѣ Шошовичѣ, а Роману Кѣприанович(у), | а Сидору, а Ѡндреевичу за сорокъ копъ грошей на год, медовую л(ь) и пивѣную.

А рокъ имъ почати таѣ корчма варити Ѡт запѣстовъ малсных, што приидѣтъ. И держати имъ таѣ корчма весь год спольна | до того ж року, до масных запѣстовъ. А какъ тот год выидет, и Ѡни маюу | намъ тѣю сорокъ копъ грошей заплатити.

И вы бы сѣ в тую корчмѣ не встѣпали сѣ. И еще бы есте корчмы и помочни были, абы в том | намъ шкоды не было и плат бы нашъ не понижал сѣ.

П(и)сан ѣ Вил(ь)ни, | дек(абрѣ) 31 день. Индик(т) 4. |

№ 410

[1500 г.] декабря 31. Вильна.

Аренда комор соленых в Лѣцкѣ, в Белрест(ь)и, в Дорогичине  
мытникѣ луцкомѣ Леринѣ Герешѣ. |

Александръ, бож(е)ю м(и)л(о)стью великии княз(ь) литовскии. |

Чиним знаменито симъ нашим листом, хто на него посмотрит, або чтучи || л. 230 об. его вслышит, кому будетъ потребъ того ведати.

Казали есмо краковѣнину, | мытнику луцкому Лерину Герешѣ и его товарищомъ коморы наши справити соленыи за свои п(е)н(ѣ)зи в местех наших, в Луцку, ѣ Берестьи, в Дорогичине. И мает Ѡн с тых коморъ почати сол(ь) продавати на рокъ на Велик | день, што приидеть. И держати маюу тыи коморы и сол(ь) с нихъ продавати | чотыри годы спольна, до того ж року, до Велико днѣ.

А што Ѡт тое соли прибыткѣ мает приити, того приходѣ половину маюу Ѡни на нас давати, | а дрѣгую половину маюу на себе брати, дѣлѣ того, што Ѡни маюу | за свои п(е)н(ѣ)зи коморы справити. А какъ тыи чотыри годы выидуть | спольна, ино тот прибыдокъ весь Ѡт соли нашъ мает быти. А тыи коморы кому ѣсхочем казати заведати, тому их кажемъ заведати. |

А на твердость того и печат(ь) нашу казали есмо приложити к семѣ нашомѣ листу.

П(и)сан ѣ Вил(ь)ни, дек(абрѣ) 31 день. Индик(т) 4. |

№ 411

[1501 г.] мая 21. Вильна.

Аренда корчмы бобруиское | Ѡнкѣ Грицовичѣ. |

Александръ, бож(е)ю м(и)л(о)стью. |

Наместником бобруискимъ Ѡбеюх половин, виленьское половины и троцкое.

Продали есмо корчму ѣ васѣ ѣ Бобруискѣ мещанину виленскому Ѡнку | Грицевичу за сорокъ копъ грошей на год, и вжо есмо тыи п(е)н(ѣ)зи в него взѣли.

А рок | ему почати таѣ корчма варит(и) на светого Спаса день. И держати ему | тую корчму весь год спольна до того ж року, до светого Спаса днѣ.

А в тот | год не надобе тамъ в Бобруиску никомѣ корчмѣ держати, кн(ѣ)зем, и паном, | и бояром, и писаром, и двораномъ нашим, которых коли шлемъ до Бобруиска дѣлѣ наших потребъ и теж дѣлѣ их доходоу.

П(и)сан ѣ Вил(ь)ни, | мая 21 день. Индик(т) 4. || л. 231



## № 412

[1500 г.] мая 21. Вильна.

## Аренда корчмы речицкое | Ёнк8 Грицевич8. |

Александръ, бож(е)ю м(и)л(о)стью. |

Наместнику речицкому, и старц8, и всимъ м8жомъ.

Продали есмо корчм8 | 8 вас 8 Речицы мещанину виленском8 Ёнку Грицевич8 за трыдцат(ь) копь грошеи.

А рокъ ем8 почати таа кор(ч)ма варити от светого | Спаса дна аж и до того ж год8.

А в тотъ год не надобе тамъ 8 Речицы | ником8 корчомъ держати, кн(а)земъ, и паном, и боаром, и писаремъ, и двора1номъ нашим, которых коли шлемъ до Речицы для наших потребъ и теж | для их доходов.

А тыи п(е)н(а)зи вжо есмо 8 него взяли.

П(и)сан 8 Вил(ь)ни, маа | 21 день. Индик(т) 3. |

## № 413

[1500 г.] мая 22. Вильна.

## Аренды мыта речицкого | Ёнк8 Грицевич8. |

Александръ, бож(е)ю м(и)л(о)стью. |

Наместник8 речицком8, и старц8, и мещаном места Речицкого, и всим м8жомъ, | и всеи волости Речицкои.

Продали есмо мыто наше речицкое мещанину | виленском8 Ёнк8 Грицевич8 за дванадцат(ь) копь грошеи на год.

А рок ем8 | почати тое мыто заведати на Оулиповы зап8сты. И держати ем8 | тое мыто весь год сполна до того ж року, до Оулиповъ зап8стовъ.

И вы | бы ся в тое мыто не вст8пали, и еще бы есте мыт8 нашому и по1мочни были, абы в том намъ и мыт8 нашому шкоды не было и плат | бы нашъ не понижал ся.

А тыи п(е)н(а)зи вжо есмо в него взяли.

П(и)сан | 8 Вил(ь)ни, маа 22 день. Индик[т]ъ 3. || л. 231 об.

## № 414

[1500 г.] мая 21. Вильна.

Аренда мыта мозырского | мещанин8 виленском8 Ёнк8 |  
Грицевич8. |

Александръ. |

Наместнику мозырском8, и старц8, и мещаномъ места Мозырского, и всим | м8жом всее волости Мозырское.

Продали есмо мыто наше мозырское | мещанину виленском8 Ёнку Грицевичу за патнадцатъ копь грошеи, а корчму | за трыдцать копь грошеи на год.

А рокъ ем8 почати тое мыто заведати и корчма варити на светого Спаса день, што приидет. И держати | ем8 тое мыто и корчму весь год сполна до того ж року, до светого Спаса | дна.

А в тот год не надобе никомѣ там в Мозыри корчомъ держати, | кн(а)земь, и паномъ, и боаром, и писаром, и двораном нашим, которых коли шлем | до Мозыра для наших потреб и теж для их доходов.

А тыи п(е)н(а)зи вжо | есмо в него взяли.

И вы бы ся в тое мыто, и в промыту, и въ корчму | не встѣпали, <sup>1</sup>и еще<sup>1</sup> бы есте мытѣ нашомѣ и корчме и помочни были, | абы в том намъ шкоды не было, и плат бы нашъ не понижал с.а.

П(и)сан | 8 Вил(ь)ни, маѣ 21 день. Индик[т]ъ 3. |

*Примечание.* <sup>1-1</sup>Написано по смытому тексту

№ 415

[1501 г.] января 6. Вильна.

Аренда корчомъ смоленскихъ | Ѡнкѣ Грицевичѣ а Ѡедорѣ | Новокрещономѣ. |

Александръ, бож(е)ю м(и)л(о)стью великии княз(ь) литовскии, рѣскии, жомоитскии и иных. |

Наместнику смоленском пану Станиславу Петровичу, и митрополитѣ киевскому, владыце смоленскомѣ Юсиейѣ, и ѡкол(ь)ничимъ смоленским, и казъначею смоленскомѣ кн(а)зю Костянтинѣ Ѡедоровичу Крошинскому.

Продали есмо корчмы смоленскии мещанинѣ || <sup>а. 232</sup>виленскому Ѡнку Грицевичѣ и мытнику смоленскому Ѡедорѣ Новокрещеному | на год за чотыриста копь грошей дробное личбы, за грошь по два полугрошки, або по десети п(е)н(а)зем.

И вжо есмо в них сто копь грошей казали взяти | писарѣ нашомѣ, наместнику жижморскомѣ Ивашку Сопежичу за его | п(е)н(а)зи.

А какъ полгода выидет, и они мают намъ двесте копь грошей заплаћити.

А коли весь год сполна выдержат, тогда и тое четвертое сто | копь грошей мают намъ заплаћити.

А мают мети мед и пиво в кол(ь)ку | хотят домех, а к тому и вино горелое мают жечи. А хто бы з вышого гѣрода або з места вино горелое до Смоленска привез, тот мает вздоимом | тое вино продавати тым же корчмитом нашим, а иному никому не | мает его продавати мимо их, а ни шинковати на розно. А мерѣ имъ | ѡбема ровну держати. А хто бы с них хотел мерѣ бол(ь)шую, або мен(ь)шую | мети, тот намъ заплаћит винѣ нашу, двенадцать рѣблев грошей.

А рок | им почати тыи корчмы варити на масленьи запѣсты, што прыи|дѣт. А держати им тыи корчмы весь год сполна до того ж року, до масленых | запѣстов.

А естли, боже того вховаи, какаѣ бы налога была на тот замок | нашъ ѡт неприятеля нашего, а ѡни того року своего не додержат, ино нам | казати то обраховати, кол(ь)ко ѡни месецы и дъневъ<sup>1</sup> будут меды сыћили и пива варили, и по томѣ маем в них п(е)н(а)зи взят(и). А в тот год иныи | ниhto там в Смоленску корчомъ не мает держать.

А хто бы хотелъ | им в тых корчмахъ кривды делати, а любо хто иныи мимо их | корчмы варил, и вы бы их ѡт таковых ѡт кривдъ боронили, и во всемъ | бы есте имъ были помочни, абы в томъ скарбу нашомѣ шкоды | не было, а плат бы нашъ не понижал с.а. А и сами бы есте кривды не | чинили им ни в чом, ни сѣдили бы есте их, ни

радили до тых часов, поки | они тьи корчмы бѣдут держати. А кому *жс* до них *будет* которое дело | ино мы сами, г(о)с(по)д(а)рь, маемъ их ѿ том смотри. Такежъ естли бы тоз(о) | потреба вказовала, которых кн(а)зеи, и панов, и бояр, и дворан нашихъ | там до Смоленска быхмо послали, тьи приказѣмъ под виною нашою, | под двемасты рѣблевъ грошеи, абы они сами и слѣги их корчомъ там || л. 232 об. не держали. А пак ли бы хто таковыи наидень, того ничим не маем карати, | тол(ь)ко тою нашою великою виною.

П(и)сан ѿ Вил(ь)ни, ген(вара) 6 ден(ь). Индик(т) 4. |

*Примечание.* <sup>1</sup>Буква е исправлена из другой

## № 416

[1501 г.] апреля 15. Вильна.

Аренда мыта новгородского | ѳражинѸ Аравею и сынѸ | его. |

Александръ, бож(е)ю м(и)л(о)стью. |

Гетману нашомѸ, воеводе новгородскому, наместнику каменецкому кн(а)зю | Семену Юр(ь)евичу, а не *будет* его в Новгородку, ино его наместнику.

Продали есмо мыто нашо новгородское ѳражину Аравею а сыну его | Миколаю на пят(ь) год, на год по петидесят копь грошеи.

А рок имъ в тое | мыто ѳвезати сѧ на светого Юр(и)ѧ день. И держати им тое мыто | пят(ь) год сполна до того *жс* року.

А што Аравеи *перво* сего держал *ѿт* насъ | тое *жс* мыто нашо, и мы ему ѿстали винни п(е)нѧз(ь)ми, и *ѿт*трутили есмо ему | в тую *жс* личбу.

Мают они намъ давати в каждыи год по полтрет(ь)ѧдцати | копь грошеи.

А собе мают брати в каждыи жо год по полтрет(ь)ѧдцати *жс* коп | грошеи за долгъ.

А мают они тое мыто брати по-давному. И ты бы | сѧ в мыто нашо и в промыту не вступал. Нехаи они мыто нашо | и промытѸ заведает по-давному. И *ѿт* кривдъ бы еси их боронил, и во ѧсемъ бы еси мытѸ нашомѸ был помочон, абы сѧ мыто нашо не | понижало. И самых бы еси ихъ ни сѣдилъ, ни радил и децъких своих | на нихъ не давалъ. Кому бы которое до них ѿ чомъ дело было, | ино мы сами ѿ том маемъ *межи* ними смотри в тьи часы<sup>1</sup>, | поки они мыто нашо выдержат.

П(и)сан ѿ Вил(ь)ни, апрѧл(ь) 15 | день. Индик[т]ъ 4. |

При т(ом) был подскар(бии) пан ѳедко | Хреб(тович). || л. 233

*Примечание.* <sup>1</sup>Буквы сѧ исправлены из ы

## № 417

[1501 г.] апреля 7. Вильна.

Аренда корчмы борысовское | МартинѸ ГѧнчелевичѸ. |

Александръ. |

Наместнику борысовскому воеводы виленского, канцлера нашего пана | Миколаеву Радивиловича.

Продали есмо корчму борысовскую мѣщанинѸ виленскому Мартину Гѧнчелевичу за сто коп и за двадцат(ь) копь грошеи | на три годы.

И мает он в тую корчму ѳвезати сѧ после Велико дня | Ѹ дву неделѧх. И мает ее держати до того *жс* року.

А как тот рокъ приидеть, | и он маеть нам дати плату *от* тое корчмы сполна, сорокъ копъ грошеи. |

А дрѣгии годъ какъ приидет, и он маеть намъ дати дрѣгую сорок коп | грошеи.

А третии год какъ приидет, и он маеть нам дати тол(ь)ко жь.

И ты | бы самъ тамъ 8 Борисове своее корчмы не держал, а ни слугам своимъ | не казал держати конечно.

П(и)сан 8 Вил(ь)ни, април(ь) 7 день. Индик(т) 4. |

## № 418

[1501 г.] апреля 7. Вильна.

Аренда корчмы свислоцкое | Мартин 8 Ёнчелевич 8. |

Александръ. |

Наместнику свислоцком 8, старц 8 и мѣжомъ.

Што есмо продали | были корчму свислоцкую на год пѣшкар 8 нашом 8 Богданц 8, ино | того плату повышил нам мещанин виленский Мартинъ Ёнчелевич | и закѣпил в нас тѣю корчму на три годы.

Мает нам *от* тое корчмы дати | на год сорокъ копъ грошеи.

И в тѣю корчму мает 8везати с.а по Велице дни 8 дву неделах. И мает держати ее до того ж року.

И как тот рок приидеть, и он маеть дати нам плату *от* тое корчмы сорок коп грошеи. |

А дрѣгии год какъ приидет, и он мает нам дати другѣю сорок коп грошеи. || г. 233 об.

А третии год какъ приидет, и он маеть намъ дати тол(ь)ко жь.

И вы бы | приказали тому пѣшкар 8, ажъ бы с.а вже в тѣю корчму не встѣпал конечно.

П(и)сан 8 Вил(ь)ни, април(ь) 7 день. Индик(т) 4. |

## № 419

[1501 г.] апреля 26. Вильна.

Аренѣда корчмы кричовское | мещаномъ кричовскимъ. |

Александръ, бож(е)ю м(и)л(о)стью. |

Наместнику кричовском 8, и старц 8, и мещаном, и всим мѣжом кричовцом.

Што перво сего продали есмо были корчму 8 вас 8 Кричове медовѣю и пивную на год Заньк 8 Жабе за сорокъ коп, а по том приходши до нас мещане кричовский Исак а Сенько Епимаховичи, | а Ѳедко Бранин, а Кѣзма Карповъ, а Гришко Нашутин, а Васил(ь) Сонин, и съ иными мещаны кричовскими тѣю корчму кѣпили в нас под ним на год | за тую ж цену, за сорокъ же коп грошеи. А потом приехавши до нас Зан(ь)ко | Жаба и тѣю корчму кѣпил в нас на год под ними за пет(ь)десят копъ грошеи, десят(ь) копъ грошеи нам был повышил. И тыми разы были в нас | тыи мещане вышеписаныи и били нам чолом, ижъ им Жаба в тои | корчме кривд 8 чинит.

И мы тыми разы тую корчму продали 8 васъ | мещаномъ кричовским Исаку а Сеньку Епимаховичом, а Ѳедку Бранину, | а Кузме Карпов 8, а Гришку Нашѣтину, а Василю Сонину, а Гридку Гѣкѣлин 8, а Тишк 8 Шошович 8, а Роман 8 Кѣприанович 8, а Сидору Андреевич 8, и всимъ мещаном кричовским на год, пивную и медовую, за п.ат(ь)десят жо копъ грошеи, кром(е) Занька Жабы.

А рокъ им в тую корчму ѡвезати сѧ на Перенесен(ь)е светого Николы день. И держати им тую корчмѸ до того ж року, до Перенесен(ь)ѧ светого Николы дня. А как выдержавши тот год свои, и они маюти нам тѣю пет(ь)десѧт коп грошей заплатити. |

И вы бы сѧ в тѣю корчмѸ не встѣпали, а ни Жабе бы есте не велели | встѣпати сѧ. И во всем бы есте той корчме помочни были, абы сѧ в том | плат наш не понижал. П(и)сан Ѹ Вил(ь)ни, апрѧл(ь) 26 день. Индик(т) 4. || л. 234

## № 420

[1501 г.] июля 4. Вильна.

Аренда корчмы рошское | мещанинѸ виленскомѸ ѠнкѸ  
а Но|вокрещеномѸ ѠедорѸ. |

Александръ, бож(е)ю м(и)л(о)стью. |

Наместнику рошскомѸ кн(а)зю ѠедорѸ ИвановичѸ.

Продали есмо корчмѸ рошскую мещанину виленьскомѸ Ѡнку и мытнику смоленскомѸ ѠедорѸ Новокрещеному на два годы за сто копъ и за двадцѧт(ь) | копъ грошей.

А рокъ ѡвезати сѧ им в тѣю корчму на матки божее день | последнее. А держати им тую корчму два годы до того ж року, до матки | божее дня последнее ж.

А какъ первую полгода выдержавши, маюти намъ | дати тридцѧт(ь) копъ грошей.

А дрѣгую полгода выдержавши, маюти нам | теж дати тридцѧт(ь) копъ грошей.

А третюю полгода выдержавши, | маюти намъ текеж дати тридцѧт(ь) копъ грошей.

А четвертую полгода выдержавши, маюти намъ дати и достал(ь) тых п(е)н(а)зи, тридцѧт(ь) жо коп грошей.

И ты бы сѧ в тую корчму не встѣпал, и никомѸ бы еси не велел ѡступати сѧ, и складовъ бы еси Ѹ месте РошскомѸ не велелъ мети. Нехаи | бы только склады мели врочныи. И слѣгамъ бы еси своимъ не казал | корчомъ мети, и не даль бы еси имъ никомѸ ни в чомъ кривды | чинити конечно. А инако бы еси того не вчинилъ. И во всемъ бы | еси той корчме помочонъ былъ, ажъ бы в томъ платъ наъ | не понижалъ.

П(и)сан Ѹ Вил(ь)ни, июл(ь) 4 день. Индик(т) 4<sup>1</sup>. || л. 234 об.

Примечание. <sup>1</sup>Чистая часть листа прочеркнута вишнеткой

## № 421

1501 г. июля 22. Вильна.

Потверженъе ІѧнѸ, МихнѸ а ПетрѸ | Стан(ь)ковичом  
Держьковича на розные | имен(ь)ѧ, земли и сеножати. |

Александръ, бож(е)ю м(и)л(о)стью. |

Чинимъ знаменито сим нашимъ листомъ, хто на него посмотреть, | або чтучи его ѡслышит, кому ж того потребъ будет ведати.

Били | намъ чолом дворане наши Іѧнъ, а Михно, а Петръ, а Аньдреи Стан(ь)ковичи | Держьковича, што ж перво сего дали есмо ѡтцѸ ихъ и им самымъ дворец | нашъ Ѹ ДорсунишьскомѸ повете на имѧ Еикгинишки.

Теж поведили | перед нами, што ж ѡтец ихъ Станько за ѡтца нашего, короля, его м(и)л(о)сти, | купил Ѹ воита ковенского на имѧ Ѹ Бирила Ѹ Троикомъ повете,

в Жижморской волости имень на имѣ Бирилѣвское. Отец нашъ, корол(ь), его м(и)л(о)ст(ь), | тое имень и листом своим подтвердилъ емѣ.

Такеж поведили, што жь перво сего отец же ихъ кѣпил земли в Жижморскомъ и в Румшискомъ повете в людеи наших и теж иное к тым землям приробилъ въ своии земли бортнои в лесе нашомъ в Повол(ь)и на озерцы на Мири, на реце на Ёнкгинте и дворъ себе поставил. И мы перво сего отцѣ их и имъ самим на то и лист | нашъ дали. И тыи они листы вси, отца нашего и наши, перед нами вказывали.

Теж поведили, што жь отец ихъ кѣпил вечно дѣброву на реце на Лиене в людеи наших в жижморцовъ на имѣ ѣ Трабѣ и въ его племени, и в товаришовъ ихъ, ѣ Сѣданъцовъ.

Такеж в людеи наших дорсунишчанъ на имѣ в Кеистора, и въ его брат(ь)и, и въ братаничовъ, и в Римька, и в Римьголя Петрашковича, а въ Ёна Кинтеиковича, а въ Козбора Билминовича, и въ их товаришов покѣпил обел(ь) землицы и сеножатки.

Теж и въ | боярина в Бартоша Николаевича купил человека зъ землею в Жижморскомъ повете на имѣ Жотѣ.

И били нам чоломъ, абыхмо имъ тот дворец, и имен(ь)е, и земли, вси кѣпли отца их, подтвердили нашим листом.

Ино мы | и з ласки наше то есмо вчинили, тот дворец ѣ Дорсунишском повете на имѣ Еикгинишки, данинѣ нашѣ, и тое имен(ь)е в Жижморскомъ повете || <sup>л. 235</sup> на имѣ Бирилѣвское, и тыи теж земли и кѣпли в людеи жижморскихъ | и въ Рѣмъшишскомъ повете иньи пашни, што они приробили к тым | землям в своии бортнои земли, в лесе нашомъ ѣ Поволи, на озерцы на Мири | а на реце на Ёкгинте, где двор себе зѣдывал, такеж и тыи вси земли, и дѣбровы, и сеножати в Жижморскомъ и въ Дорсунишском повете, што | отец ихъ покѣпил в тых людеи наших верхѣписаных, подтверждаемъ | симъ нашим листом вечно и непорѣшно, им самим, и их женам, и их детемъ, | и на потом будѣчим их счадкомъ со всимъ с тым, такъ широко и так долго | и окрѣгло, какъ издавна и тыми разы тот дворец, и тое имен(ь)е и земли, | купли их, вси в себе сѣ мают. Вол(ь)ни они то продати, и отдати, | и заменити, и прибавити, и розширити, и къ своемъ вжиточному | и лепъшомъ обернути, какъ сами налепеи розѣмеючи.

А на твердость того и печат(ь) нашѣ казали есмо привесити к семъ нашомъ | листѣ.

П(и)сан ѣ Вил(ь)ни, в лет(о) 7009, м(е)с(ѣ)ца июл(ь) 22 ден(ь). | Индик[т]ъ 4. |

Правил мар(шалок), ох(мистр) вели(кое) | кн(е)ги(ни), нам(естник) ков(енский) пан Вои(тех) Ёнов(ич). |

№ 422

[1501 г.] июля 17. Вильна.

Бояринѣ смоленскомъ Копѣтю | Васил(ь)евичѣ на сел(ь)цо  
Шѣматино в Смоленском повете. |

Самъ Александръ. |

Наместнику смоленскомъ пану Станиславу Петровичѣ и инымъ | наместникомъ нашим, хто потом бѣдет от насъ Смоленскъ держати. |

Бил намъ чолом боярин смоленский Копот(ь) Васил(ь)евичъ и поведил перед | нами, што жь отец его, Василеи Иванович, з братом своим, Иванов, выслѣжили |

на отцы нашом, короли, его м(и)л(о)сти, сел(ь)цо пѣстое в Смоленскомъ повете | в Росла[в]ли на имѣ Шѣмѣтин. И мы перво сего тое сел(ь)цо емѣ и листом | нашим подтвердили подлугъ листѣ отца нашего, короля, его м(и)л(о)сти. | И тот деи листъ отца нашего и нашъ ѡкраден в него с кричкою и с ыными речми ѡ слѣжебника маршалка нашего дворного, наместника || <sup>л. 235 об.</sup> ѡтенского кн(а)зѣ Михаилова Львовича на имѣ ѡ Андреѣ Стан(ь)ковича. | И тот Анѣдрей перед нами теж поведил, ижъ таѣ его скринка с тыми | листы и с ыными в него ѡкрадена. И мы ѡ томъ ѡчевисто опы|тывали ѡкол(ь)ничого смоленского, наместника вил(ь)комирского Бориса Семеновича. И он поведил перед нами, ижъ тое сел(ь)це Шѣмѣтино<sup>1</sup> | отцѣ его выслѣга. И бил намъ чоломъ, абыхмо емѣ тое сел(ь)цо подтвердили нашим листом.

Ино мы на тое сел(ь)це Шѣмѣтино дали | емѣ сесь нашъ лист. И подтверждаемъ то сим нашим листом вечно ему | и его жоне, и их детем. Нехаи он то держить и нам с того слѣжить. |

Пи(и)сан ѡ Вил(ь)ни, июл(ь) 17 день. Индик[т]ъ 4. |

Правил мар(шалок) двор(ный), нам(естник) ѡник(штенский) | кн(а)з(ь) Мих(аил) Л(ь)вович Глинский. |

*Примечание.* <sup>1</sup>Буква ѡ исправлена из другой

## № 423

[1501 г.] июля 17. Вильна.

**Потвержен(ь)е** тому ж Коптю Васил(ь)евичѣ | делу отца его имен(ь)ѣми в Смоленском повете | з братом своим. |

Самъ Александръ. |

Наместнику смоленскомѣ пану Станиславу Петровичу и иным наместником нашим, хто и на потомъ от нас бѣдет Смоленскъ держати. |

Бил намъ чолом боярин смоленский Копот(ь) Васил(ь)евичъ и поведил перед нами, | што ж отец его, Василеи, з братом своим, Иваном, поделили отчину свою, | рославское село а ѡргощинское, напол(ы). А Шѣмѣтин отцѣ его спустил и записал вечно. А на Переносне дел(ь)ницѣ третьего брата, Семеновѣ, выкѣпити в жоны его в п(е)н(а)зех ему ж спѣстил, записал вечно. И закладъ | в томъ на нас заложили, ижъ тот Иван и его ближний под его отцом Васил(ь)ем | не мели искати и того делѣ рѣшати. И перво сего тот дел отца его | и тыи сел(ь)ца на Переносне и Шѣмѣтин подтвердили есмо ему нашим | листом. И тот деи нашъ лист, и тыи вси записы в него ѡкрадены с кричкою ѡ слѣжебника маршалка нашего дворного, наместника ѡтенского кн(а)зѣ Михаилова Львовича на имѣ ѡ Андреѣ Стан(ь)ковича. А и | тот Анѣдрей перед нами поведил, ижъ таѣ его скринка с тыми листы || <sup>л. 236</sup> и с ыными в него ѡкрадена.

И мы ѡ том ѡчевисто опы|тывали ѡкол(ь)ничого смоленского, наместника вил(ь)комирского Бориса Семеновича. И он | перед нами поведил, ижъ отец его Василеи з братомъ своим Иваном ѡ рославскомъ селе а во ѡргощине мели дел напол(ы), а половину сел(ь)ца Шуматинского и дел(ь)ницѣ Семенову на Переносне в п(е)н(а)зех записал отцѣ его вечно. И отец его Василеи и он после отца своего был того в держан(ь)и аж и до | сих часов.

И бил намъ чолом, абыхмо емѣ тот дел и тыи сел(ь)ца подтвер|дили нашимъ листом.

Ино мы ему *тот* дел и тые сельца Шѣмалтин а на Переносне дел(ь)ницѣ Семенову потвержаем симъ нашим листом | вечно ему, и его жоне, и их детем. Нехаи он то держить со всим по томѣ, | как того был в держаньи отец его и он самъ.

П(и)сан ѣ Вил(ь)ни, июл(ь) | 17 день. Индик(т) 4. |

Прав(ил) мар(шалок) двор(ный), нам(естник) ѡник(штенский) | кн[а]з(ь) Мих(аил) Л(ь)вович Глинский. |

## № 424

1500 г. августа 6. Обольцы.

Привилеі князю Романѣ Васил(ь)еѡвичѣ на именье Любчо  
вечьност(ь)ю. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотрит, або чтучи | его вслышит, кому *ж* того потребъ будет ведати.

Бил намъ чоломъ | кн(а)зь Роман Васил(ь)евичъ и поведил перед нами, што *ж* староста луцкии, маршалокъ Вольнское земли небожчикъ пан Ѣлизар Шиловичъ записал паней | своим, а его тетце<sup>1</sup>, паней Ѡеди, имен(ь)е свое *отчинное* на имя Любчо. И отецъ | нашъ, корол(ь), его м(и)л(о)сть, то и привил(ь)емъ своим *ей* потвердилъ, *иж* она вол(ь)на | тое имен(ь)е Любчо *отдати*, и продати, и ближнему своемѣ записати. И она тое именье Любчо дала и записала сестренцѣ своемѣ кн(а)зю Богданѣ Васил(ь)евичу, брату его. И отецъ нашъ, корол(ь), его м(и)л(о)сть, на то кн(а)зю Богданѣ и лист свои дал. И тыи он листы вси<sup>2</sup> и привилеи *отца* нашего, короля, | его м(и)л(о)сти, што паней Ѣлизаровои дозволил записати, и запис ее, што | она записала брату его, кн(а)зю Богдану, и дрѣгии лист *отца* нашего, || <sup>л. 236 об.</sup> короля, его м(и)л(о)сти, на то перед нами вказывал. И поведил перед нами, што *ж* | того его брата, кн(а)зя Богдана, в животе не стало. И бил нам чолом, | абыхмо по близкости брата его к томѣ имен(ь)ю Любчю его допѣстили.

Ино мы то на его чоломбит(ь)е вчинили з ласки наше, тое имен(ь)е | Любчо по близкости брата его дали есмо ему со всимъ с тым, што | *здавна* к томѣ имен(ь)ю прислухает. И потвержаем то симъ нашимъ | листомъ вечно и непорушно емѣ самомѣ, и его жоне, и их детем, | и на потомъ бѣдѣчим ихъ счадомъ. Волен он то *отдати*, и продати, | и заменити, и ближнемѣ своемѣ записати, и къ своему лепшому | а вжиточномѣ обернути, какъ сам налепей роздѣмеючи.

А на твердост(ь) того и печат(ь) нашу казали есмо привесити к семѣ нашему листу. |

П(и)сан в Обол(ь)цох, в лет(о) 7008-е, м(е)с(а)ца август 6 день. | Индик[т]ѣ 3. |

Примечания. <sup>1</sup>Буква *ѣ* исправлена из *и* <sup>2</sup>Слово вписано над строкой

## № 425

[1500 г.] августа 7. Обольцы.

Привилеі князю Глазыне на двор | Ѣпѣсѣ в Браславском повете. |

Самъ Александръ, бож(е)ю м(и)л(о)стью. |

Билъ намъ чоломъ окол(ь)ничии смоленский кн(а)зь Глазына и поведил | перед нами, што *ж* его *отчину*, мало не всю, великии княз(ь) московский забрал. | И просил



нашь, ажъ быхмо его пожаловали и дали емѸ именеицо. Ино | мы его пожаловали и дали есмо емѸ в Браславъском повете двор | нашъ ѠпъсѸ со всею челед(ь)ю невол(ь)ною и со въсею волосткою Ѡпскою, и со *всими* | люд(ь)ми пѸтными и тяглыми, и со всеми землями пашными и з борлтными, и с сеножат(ь)ми, и з данью грошовою и медовою, и куничною, со *всми* | по томѸ, што здавна к тому двору прислѸхало и што на нас здавна | шло до скарбу нашего. А если богъ на него допѸстит *смерть* або | поиман(ь)е на *нашой* слѸжбе *от* неприатела нашего, ино намъ его | дочки с того имениа не рѸшати до тыхъ часовъ, поки | ѡтъчину его всю ѡчистимъ. А если жъ его, боже не *даи*, || л. 237 *отчины* его не ѡчистимъ, ино ѡднако жъ намъ дочки его с того имен(ь)а | не рѸшати.

П(и)сан Ѹв Обол(ь)цахъ, август 7 день. Индик[т]ъ 3. |

Прав(ил) пан вил(енский), нам(естник) гор(оденский) пан<sup>1</sup> Алек(сандр) | Юр(ьевич), а воев(ода) тр(оцкий), мар(шалок) зем(ский) пан ІѦн | Юр(ьевич), а пан тр(оцкий), стар(оста) жом(оитский) пан Стан(ислав) ІѦн(ович). |

*Примечание.* <sup>1</sup>Так в рукописи, следует князь

## № 426

1500 г. октябрь 6. Полоцк.

Привилеі Грин(ь)кѸ ЛовеиковичѸ на ч(о)л(о)в(е)ка | а на тры пѸстовщины в Полоцкомъ | повете вечноштью. |

Самъ Александръ, бож(е)ю м(и)л(о)стью. |

Биль намъ чоломъ боаринъ полоцкии Гринько Ловеиковичъ и просил | нашь, абыхмо дали емѸ ч(о)л(о)в(е)ка в Полоцкомъ повете на *имя* Ѡѡанаска | и з его дет(ь)ми и з землю. И теж просил в нас трех пѸстовщин на *имя* Данилковщины, а Дорошковъщины, а Кикговщины.

И мы емѸ того чоловека Ѡѡанаска з детьми и з его землю, и тьи три пѸстовщины, | Данилковъщину, а Дорошковъщину, а Кикговскую, дали вечно ему самоиѸ, и его жоне, и их детем, и на потомъ будѸчим их счадомъ со *всми* с тым, | што здавна тот чоловекъ *держал* и што к тымъ землям пѸстовским | прислухало. Воленъ *он* то *отдати*, и продати, и заменить, и къ своеиѸ вжиточномѸ и лепшомѸ обернути такъ, какъ самъ налелеи роздмеючи.

А на твердость того и печать нашу казали | есмо приложити к семѸ нашомѸ листу.

П(и)сан в Полоцку, | в лет(о) 7009-е, м(е)с(а)ца ѡк(табра) 6 день. Индик[т]ъ 4. || л. 237 об.

## № 427

[1494 г. октябрь — 1501 г. декабрь 12.]

Протестацыа пана Ѡедка Хребтовича на боарына новгородского на ХмарѸ ѡ порѸбан(ь)е езѸ и погонен(ь)е ловъ | бобровых на Немъне. |

Г(о)с(по)д(а)рь, его м(и)л(о)сть великии княз(ь), казаль про *памат(ь)* записати.

Жаловал | его м(и)л(о)сти подскарбии панъ Ѡедко Богдановичъ Хребтовича на боарина новгородского на ХмарѸ, што *ж* емѸ ез на Немене порѸбал | боібровыи

гоны погонил на пана своего, на пана воеводу виленского, | въ его имении в Сенне.

И Хъмара того сѧ прел, а поведиль, што *ж он* | тамъ езд не рѣбал. А ѿ бобровыи гоны рекъ, *и ж* на Немне пана | воеводиных гоновъ бобровых жадных нетъ, а ни пана Ѳедковых, тол(ь)ко *деи* тамъ звечныи гоны бобровыи бывали | на великого кн(а)зи Витовта и на короля.

И г(о)с(по)д(а)ръ, его м(и)л(о)сть, казал | то про памѧт(ь) записати. |

## № 428

[1501 г.] января 9. Вильна.

Справа межи паном Ѳед(ь)ком Гавриловичом | а межи панею Ѳед(ь)ковою Григор(ь)евича | ѿ дел(ь)ницѣ выправы жоне его. |

Самъ Александръ, бож(е)ю м(и)л(о)стью. |

Смотрели есмо того дела с паны радами нашими.

Стоѧли перед | нами ѿчевисто. Жаловал намъ городничии городенский пан Ѳед(ь)ко Гавриловичъ на мачохѣ жоны своее, на пани Ѳед(ь)ковую Григор(ь)евича, ѿ томъ, | што *ж* тестъ его, пан Ѳед(ь)ко Григор(ь)евичъ, мел три дочки. Сѣдну дочкѣ, | первое жоны своее, за него дал, а другая дочка его, на имя Анъна, | ѣмерла, а третѧя дочка после его в дому сѧ зостала. И она не хотела жоне его дати половины дел(ь)ницы выправы дочки своее, | которѧя ѣмерла, челеди невол(ь)ное, перел, шат и иншихъ речей, што *ей* | ѿтецъ ее, пан Ѳед(ь)ко Григор(ь)евичъ, дал.

Ино нам сѧ видело и паном раде | нашои, коли таѧ девка, не шодши замѣжъ, ѣмерла, *тот* посагъ | за сѧ в домъ пал, на пана Ѳед(ь)ковы дети, на Пѣтѧту и на его || <sup>л. 238</sup> братью. А паней Ѳед(ь)ковои и той дочке ее, которѧя тепер(е) ещо в дому | мешкает, в то сѧ не надобе<sup>1</sup> вступати.

Такеж искал на ней пан Ѳедько | Гавриловичъ семера челади тое, коли ещо тестъ его, пан Ѳедько | Григор(ь)евичъ, даючи за него дочкѣ свою, и наменил емѣ дати двадцѧтеро челади за тою дочкою своею. И тогда ему даль тол(ь)ко троленадцатеро челади, а тѣю семеро челади мел емѣ иншимъ часом | ѿтдати. И потомъ богъ дѣшу ѿтца его, пана Ѳед(ь)ка Григор(ь)евича, | с того света собрал, а емѣ тое челади не додано ажъ до тых | часовъ.

И мы того досмотревши, и вѣрадили есмо межи ними | такъ. Пани Ѳед(ь)коваѧ, и Пѣтѧта, и его брат(ь)ѧ, мают емѣ туѧ | семеро челади выдати с посполитого домѣ зо ѿтчѧннѧе | челади, а не зъ материзное, которѧя челад(ь) ещо не делена.

Теж | бил намъ чолом и жаловал намъ ѿ томъ, што *ж* шѣрин его Пѣтѧта | держитъ самъ ѿдинъ челад(ь) невол(ь)ную, материзнѣ жоны его. |

Ино мы и томѣ делѣ межи ними конецъ вчинили, велели есмо Пѣтѧте тоѧ челад(ь)ю наполю с нимъ поделити сѧ.

П(и)сан ѣ Вил(ь)ни, ген(варѧ) | 9 день. Индик[т]ъ 4. |

Примечание. <sup>1</sup>Исправлено, в рукописи набоде

## № 429

1501 г. марта 31. Троки.

Потвержен(ь)е панѢ Васил(ь)ю ХребтовичѢ | не имен(ь)е  
ГорѢхов и иные приселки вечно(ь)стью. |

Самъ Александръ, бож(е)ю м(и)л(о)стью. |

Чинимъ знаменито симъ нашим листомъ, хто не него посмотришь, | а любо чтѢчи  
его вслышит, кому ж того потреб будет ведати. |

Бил намъ чолом наместникъ володимерский пан Василеи Богданович | Хребтовича,  
што перво сего дали есмо емѢ двор нашъ, именье п(а)на | Ёлизарово Шиловича на  
имѢ Горюхов, а к тому приселки на имѢ Марковичи, а Подлиско, а Старьи Став,  
а Рачин, а Ёзерца. А в тых Ёзерцахъ мыто соленое в повете Перемил(ь)ском. И бил  
намъ чолом, абыхмо емѢ тот двор и с тыми приселки потвердили нашим листомъ.

Имы з ласки наше за его службу верную || <sup>л. 238 об.</sup> тое имен(ь)е вышеписаное ГорѢхово  
и с тыми приселки, з Марковичи, а с Подлиски, а съ Старьи Ставомъ, а з Рачином, а  
со Ёзерцы и з мыгомъ соленымъ, | што в тых Ёзерцохъ, потвержаемъ симъ нашимъ  
листомъ вечно и непоруино | емѢ, и его жоне, и их детем, и их ближнимъ, и потомъ  
будѢчим их счадомъ, з люд(ь)ми, и з землями пашными, и з бортными, и съ старыми  
знамены, и новыми, и зъ лесеы, и з дѢбровами, и съ сеножат(ь)ми, и со озеры, и з реками,  
и з речками, | и с криницами, и з бобровыми гоны, и з ловы, и з ловищи, и зъверинными  
ловы, | и пяташими, и съ ставы, и со ставищи, и з млыны, и зъ вымелки, и з данью |  
грошовою, и медовою, и со всеми платы, и доходы, и вжитки, и со въсимъ | по томѢ,  
што здавна к томѢ именью вышеписаному Горюхову и к тым | приселкомъ прислѢхало  
и какъ са в границах своих мають, и как держал | небожчикъ панъ Ёлизар Шиловичъ,  
ничого на себе не оставляючи. Волен | то пан Василеи отдати, и продати, и розширити,  
и полепшити, и къ своємѢ вжиточномѢ обернути, какъ самъ налепи розѢмеючи.

А на твердост(ь) | того и печат(ь) нашу казали есмо привесити к семѢ нашомѢ  
листѢ.

П(и)сан | в Троцех, в лет(о) 7009, м(е)с(а)ца мар(та) 31 день. Индик(т) 4. |

Пр(и) [том] были воев(ода) троц(кий), мар(шалок) зем(ский) пан Ёлн Юр(ьевич), |  
гет(ман), воев(ода) нов(городский), нам(естник) кам(енецкий) кн[а]з(ь) Семен  
Юр(ьевич), стар(оста) | луц(кий), мар(шалок) Вол(ьнское) зем(ли) кн[а]з(ь) Мих(аил)  
Ёстроц(ский), мар(шалок) | двор(ный), нам(естник) Ѣтен(ский) кн[а]з(ь) Мих(аил)  
Глин(ский). |

## № 430

1501 г. марта 30. Троки.

Привилеі князю ИванѢ Жеслав(ь)скомѢ на село  
в Креманецкомъ | повете Дворецъ вечно(ь)стью. |

Самъ Александръ. |

Чинимъ знаменито симъ нашим листомъ, хто на него посмотришь, або чтѢчи | его  
Ѣслышит, кому ж того потреб будет ведати.

Бил намъ чолом кн(а)зъ | Иван Юр(ь)евичъ Жеславский и просил нас, абыхмо  
дали емѢ село в Креманецком | повете на имѢ Дворецъ.

Ино мы, вбачивши службу его к нам верную, и з ласки наше, тое село Ѣ  
Креманецкомъ повете на имѢ Дворецъ емѢ есмо дали. | И потвержаемъ то симъ нашимъ

листом вечно и непорушно, емѸ самомѸ, | и его жоне, и их детем, и на потомѸ будѸчим их счадьком, зѸ землями || л. 239 пашными, и бортными, и з лесы, и зѸ дѸбровами, и гаи, и з хворосты, и з ловы, | и з ловищи, и з сеножат(ь)ми, и зѸ болоты, и з реками, и з речками, и зѸ бобровыми | гоны, и сѸ криницами, и с потоки, и сѸ ставы, и с ставищи, и з млыны, и з дан(ь)ми, и з подѸлазными землями, и с цинши, и со всеми платы, и доходы, и подат(ь)ми, и со вѸсим по томѸ, што здавна к томѸ селѸ слѸшало, и какѸ ся | 8 границах своих мело. Волен он тое село Ѹтдати, и продати, и заменить, | и прибавити, и росширити, и кѸ своемѸ вжиточному и лепышому ѸбернѸти, и какѸ самѸ налѸпи розѸмеючи.

А на твердость того и печать | нашѸ казали есмо привесити к семѸ нашомѸ листѸ.

П(и)сан в Троцох, | в лет(о) 7009-е, м(е)с(а)ца мар(та) 30 день. Индик[т]Ѹ 4. |

Приказ(ал) воев(ода) троц(кий), мар(шалок) зем(ский) пан Гдн Юр(ьевич). |

№ 431

[1501 г.] апреля 2. Троки.

**Привилеі князю ѸедорѸ Чорторы|скомѸ на тры дворища  
8 Клевани. |**

АлександрѸ, бож(е)ю м(и)л(о)стью. |

Биль намѸ чоломѸ кн(а)зѸ Ѹедор Михайлович Чорторышкии и просил в насѸ | трех дворищѸ ЖѸковского повета 8 Клевани, што первей сего тьи | дворища дали были есмо воеводе троцкомѸ, небожчику пану ПетрѸ | Гдновичу.

И мы емѸ тьи дворища 8 Клевани з люд(ь)ми дали и со | всимѸ тым, што здавна к тымѸ дворищом слѸшало.

П(и)сан в Троцох, | април(ь) 2 день. Индик[т]Ѹ 4. |

Прав(ил) мар(шалок) двор(ный), нам(естник) 8тен(ский) кн[а]з(ь) Мих(аил) Л[ь]вович. |

№ 432

1501 г. апреля 6. Вильна.

**Привилеі ЛевѸкѸ БоговитиновичѸ на село Вортоль  
в Берестеи|ском повете вѸчностью. |**

АлександрѸ, бож(е)ю м(и)л(о)стью. |

Во имя бож(е)е стан(ь) ся.

Чиним знаменито сим нашим листом, хто не нег(о) посмотрит, || л. 239 об. або чтѸчи его вслышит, кому жс того потребѸ бѸдет ведати.

Бил намѸ | чоломѸ чашникѸ нашѸ Левко Боговитинович и просил насѸ, абыхом дали | емѸ село нашо з люд(ь)ми данными 8 Берестейском повете на имя Вортоль, | в котором<sup>1</sup> жо извеку церковь Рожество пречистое богоматери естѸ. |

Ино мы, впамятавши к нам слѸжбу его верную, з ласки нашею особѸное | то есмо вчинили и тое село 8 БерестейскомѸ повете на имя Вортоль | емѸ есмо дали з люд(ь)ми данными и слѸжебными. И потвержаем то симѸ | нашим листом вечно и непорѸшно, емѸ самомѸ, и его жоне, и их детем, | и его ближнимѸ, и на потомѸ бѸдѸчим их счадкомѸ со всеми люд(ь)ми, и з землями | пашными и бортными, и з лесы, и з дѸбровами, и борми, и з гаи, и з хворосты, | и з сеножат(ь)ми, и з болоты,

и з лѣками, и зъ ловы, и з ловищи, и зверинными и пѣташими, и з бобровыми гоны, и з озеры, и з реками, и з речками, и с криницами, | и съ ставы, и с ставищы, и з рыбники, и з рыбными вловки, и з млыны, и з их | вымелками, и з данью грошовою и медовою, и со всеми вжитки, и платы, | и подат(ь)ми, и доходы, и с сокол(ь)имъ гнездом, и со всем по томѣ, так широко, | и долго, и округло, какъ истародавна к томѣ селѣ слушало, и какъ сѣ само | с собе мает, и которим *и*ншимъ именем *может* возвано быти, ничого на | нас не вымучи и ни на потомки наши бѣдѣщие. Волен *он* тое село свое | *Вортоль* и по нем бѣдѣчии *отдати*, и продати, и даровати, и заменити, | и розширити, и прибавити, и на новомъ корени посадити, и къ своемуѣ | *вжиточномѣ* и лепшомѣ обернути, какъ самъ розѣмючи и какъ сѣ | емѣ налепену бѣдетъ видети.

А на твердость того и печат(ь) нашу | казали есмо привесити к семѣ нашомѣ листѣ.

А при томъ были п(а)нове | рада наша, кнѣз(ь) *Воитех*, бискуп *виленский*, а подчашии нашѣ, наместник *бел(ь)ский пан Николаи Николаевича*, а маршалокъ нашѣ *дворный*, наместник *ѣтенский княз(ь) Михаило Л[ь]вович*, а маршалокъ, *охмистръ* великое кн(е)гини, наместник *ковенский пан Воитко Ёнович*, а наместник *пѣн(ь)ский пан Александр | Ходкевич*, а панъ *Сл(ь)брахъ Мартинович Кгастовътовича*.

П[и]санъ 8 *Вил(ь)ни*, в лето 7009-е, м(е)с(а)ца *април(ь)* 6 день. *Индик[т]ъ 4. ||<sup>а</sup>. 240*

*Примечание.* <sup>1</sup>Буква *м* исправлена из *и*

## № 433

[1501 г.] *апреля 15. Вильна.*

**В**ызволен(ь)е *мещан киевских от даван(ь)а | подвод*  
*под послы до часу. |*

Самъ *Александръ*, бож(е)ю м(и)л(о)стью. |

Кнѣземъ нашим, и паномъ, и боѣром, и двораномъ нашимъ тымъ, которыхъ | коли пошлемъ *от насъ* в посол(ь)стве до приѣтеля нашего *Стеѣана*, | воеводы *волоского*.

Били намъ чоломъ *воит места Луцкого*, и *бурмистры*, | и *радцы*, и вси *мещане*, што *ж* они подъ васъ, *послов наших*, не могутъ *подводъ | давати* для того, *и*жъ место ихъ *привбожало*, а *наболе*, што тыми | *разы от поганства великии шкоды мают*, *абыхмо им отпѣстили*, подъ | васъ, *пословъ наших*, *подводъ не давати*.

<sup>1</sup>Ино мы им *отпѣстили*, подъ васъ, *послов наших*, *подводъ не давати*<sup>1</sup> до часу, *поки*, *а*жъ богъ *дасть*, | *дело свое на мере поставим*. И вы бы въ нихъ до тыхъ *местъ подвод | не брали*, *ни*жли тол(ь)ко маютъ подъ *гоньца нашего*, а *любо староста*, коли | *пошлетъ онъ чомъ до насъ слѣжебника своего*, *давати одну подводѣ а провѣдника на кони*.

П(и)санъ 8 *Вил(ь)ни*, *април(ь)* 15 день. *Индик[т]ъ 4. |*

*Примечание.* <sup>1-1</sup>Вписано съ *выноснымъ знакомъ под документомъ*

## № 434

1501 г. *апреля 18. Вильна.*

**П**отверженье *Ивашкѣ Антоновичѣ | на село Дешковъцы*  
*8 Веницкомъ по|вете вечностью. |*

*Александръ*, бож(е)ю м(и)л(о)стью. |

Биль намъ чоломъ *дворенин нашѣ Ивашко Антоновича* а *вказывалъ | передъ нами листъ небожьчика кн(а)зя Семеновъ Александровича*. Ино в *листе томъ стоитъ*, што

ж дал был слѣзе своемѸ Михну село Ѹ Веничкомъ повете | на имя Дешковцы и его ж отчину. И поведал нам, ижъ в того Михна три дочѣки было. Ино ѿдну дочкѸ ѿн понял, а дрѣгую замуж ѿтдалъ и вено еи с тог(о) | села и выправу даль, а третяя дочка его з божсего допѣщен(ь)я немоцна, | и того сѧ села емѸ ѿступила. А ѿн мает ее ховати и кормити до ее живота. И бил намъ чоломъ, абыхмо емѸ тое село потвердили нашим листом. |

И мы тое село Дешковцы потвержаемъ симъ нашим листомъ вечно || л. 240 об. емѸ, и его жоне, и их детемъ, и потомъ бѣдѣчимъ их счадкомъ, со всѣм | с тымъ, што к томѸ селѸ здавна прислухает. Нехаи ѿн тое село держит, а намъ с него службу служит.

А на твердость того и печат(ь) нашу | казали есмо приложити к семѸ нашему листѸ.

П(и)сан Ѹ Вильни, | в лет(о) 7009-е, м(е)с(ѧ)ца апрѣл(ь) 18 день. Индик[т]ъ 4. |

## № 435

[1501 г.] апрѣля 27. Вильна.

Привилеі ЮхънѸ ЗенъковичѸ на село | Волковыичи  
а на дворище Подгаецкое | в Лѣцкомъ повете. |

Самъ Александръ, б(о)ж(е)ю м(и)л(о)стью. |

Биль намъ чоломъ земенинь вольнскии Юхно Зенъкович и просиль | Ѹ нас села в Лѣцкомъ повете на имя Волковыич и з люд(ь)ми того села | Зенца а Богданъца и их братьи. А поведил перед нами, што ж тыи | люди с того села за князя Швитригаила службу слѣживали косами, | волки ловливали. И листъ кн(ѧ)зя<sup>1</sup> Швитригаилово на то Ѹ себе мают. И после | кн(ѧ)зя Швитригаила за ѿтца нашего, короля, его м(и)л(о)сти, почали ѿни | службу слѣжити пѣтнюю. Теж просил Ѹ насъ дворища пѣтого под ключом | Луцкимъ конюшского Подгаецкого.

И мы ему тое село Волковыичи в Луцкомъ | повете, и тыи люди Зенца а Богданца и их братью, и с тым листом | кн(ѧ)зя Швитригаиловым, и тое дворище конюшское Подгаецкое дали | со всѣм с тым, што к томѸ селу Волковыичам и к томѸ дворищу ПодгаецкомѸ здавна слѣшало.

П(и)сан Ѹ Вил(ь)ни, апрѣл(ь) 27 день. Индик[т]ъ 4. |

Прав(ил) воев(ода) троц(кии), мар(шалок) зем(скии) пан Іѧн Юр(ьевич). |

Примечание. <sup>1</sup>Слово вписано над строкой

## № 436

[1501 г.] апрѣля 26. Вильна.

Потвержен(ь)е п(а)ни Петровои Немировича | и сынѸ ее ІѧнѸ  
на село Лѣлин Ѹ Бобрецкои | волости вечностью. |

Самъ Александръ, бож(е)ю м(и)л(о)стью. |

Била намъ чолом пани Петроваи Немировича и с сыномъ своим | Іѧномъ Петровичомъ, што ж перво сего поведил перед нами маршалок | нашъ, || л. 241  
наместникъ лидскии пан Юрии Ивановичъ Ил(ь)инича, иж бы она держала | люди данники Ѹ Бобрецкои волости, село на имя Лулин Бол(ь)шии и ловы, | не маючи на то жадных листов твердостей. И мы еи на то казали листы | перед нами положити.

И она листь великого кн(а)зя Жикгимонтовъ | на то перед нами вказывала. В томъ листе *стоит*, што *ж* великии княз(ь) | Жикгимонт тое село, люди данники дванадцать чоловеков на имя Лулинъ Бол(ь)шии дал панеи Немировои и сыну ее пану Миколаю Немировичу. А пан Миколаи мѣжу ее, небожчику пану Петрѣ, дядко роженни | был. И тое село достало се мѣжъ ее панѣ Петрѣ по близкости, | по панѣ Миколаи. И била нам чолом, абыхмо тое имен(ь)е Лѣлин *ей* и сыну ее Іѣнѣ потвердили нашим листомъ.

Ино мы тыи люди данники | 8 Бобрецкои волости, село на имя Лѣлин Бол(ь)шии, подлугъ листу великог(о) | кн(а)зя Жикгимонта потвержаемъ сим нашим листом *ей* самои и сыну ее | пану Іѣну вечно и непорушно со всѣмъ по томѣ, какъ сѣ тое имен(ь)е | в границах своих мело за пана Миколаа Немировича и за пана ее, | пана Петра Ѳедковича.

Пи(и)сан 8 Вил(ь)ни, април(ь) 26 ден(ь). Индик(т) 4. |

При т(ом) были кн[а.]з(ь) Воитех, бис(куп) вил(енский), | воев(ода) троц(кий), мар(шалок) зем(ский) пан Іѣн Юр(ьевич), | а пан тр(оцкий), стар(оста) жом(ойтский) пан Стан(ислав) Іѣн(ович), | а мар(шалок), ѡх(мистр), нам(естник) ков(енский) пан Вои(тех) Іѣн(ович). |

## № 437

1501 г. мая 11. Вильна.

Потверженъе боаром ковенскимъ Юшкѣ, | Іѣнѣ, Петрѣ, Іѣкѣ888 Товтъкгоновичомъ | на десѣт(ь) чоловековъ в Жомоити. |

Самъ Александръ, бож(е)ю м(и)л(о)стью. |

Чинимъ знамени то симъ нашимъ листом, хто на него посмотри, а любо | чтѣчи его слышит, кому *ж* будет того потребъ ведати.

Били нам чоломъ | боаре ковенский Юшко, а Іѣн, а Петръ, а Іѣкубъ Товтъкиновичи, што дали | есмо им десѣт(ь) ч(о)л(о)в(е)ков в Жомоитскомъ повете на имя Ѣдникоса, а Пѣрѣвиса, | а Наирвоиша, а Кѣшлѣтиса, а Кѣшлѣика, а Мончѣса, а Меиловта, а Пелдѣтѣ, || л. 241 об. а Кунки и зъ братомъ, а Кентрѣла. А к томѣ есмо дали имъ ловища наши, | Ѣступ в Медикганѣх на имя, ѡ[т] Жѣпели по Мин(и)ю а по Пелѣ реку, где сѣ сошли. | А зверхъ Пелы реки по мост Кедикгенский, а по дорогу Елковскую до речки | Елѣпи. И били нам чолом, абыхмо им тыи люди вышеписанныи и тыи | ловища Ѣступъ потвердили нашим листомъ.

И мы тыи люди вышеписанныи Ѣдникоса, а Пѣрѣвиса, а Наирвоиша, а Кѣшлѣтѣ, а Кушлѣика, | а Мончѣса, а Меиловта, а Пелдѣтѣ, а Кункиса и зъ братом, а Кентрѣла, | и з их землями пашными и бортными, и сѣ сеножат(ь)ми, и сѣ хмелищи, и тыи | ловища Ѣступ в Медикгалѣх ѡт Жѣпели по Мин(и)ю а по Пелѣ реку, где сѣ сошли, | а зверхъ Пелы реки по мост Кедикгенский а по дорогѣ Елковскую до речки | Елѣпи, потвержаемъ сим нашим листом вечно им, и их жонам, и их детемъ, и их | ближнимъ, и потомъ будѣчимъ их счадкомъ зъ землями пашными и бортными, и сѣ сеножат(ь)ми, и сѣ хмелищи, и сѣ всѣмъ с тым, што здавна тыи люди | держали и што к тым ловищомъ Ѣступу здавна слушало в тых границахъ вышеписаных, ничего на себе не ѡставляючи. Вол(ь)ни ѡни то ѡтдати, | и продати, и заменити, и къ своемъ вжиточномъ ѡбернути, как сами | налепи роздмеючи.

А на твердость того и печат(ь) нашу казали есмо привѣсити к семъ нашомъ листу.

П(и)сан 8 Вил(ь)ни, в лет(о) 7009-е, м(е)с(а)ца | маѣ 11 день. Индик[т]ь 4. |  
 Прав(или) пан троц(кий), стар(оста) жом(оитский) пан | Стан(ислав) Ёдн(ович),  
 мар(шалок) двор(ный), нам(естник) 8тен(ский) | кнѣз(ь) Мих(аил) Львов(ич). |

## № 438

1501 г. мая 11. Вильна.

Потвержен(ь)е пан8 Михну Ёднович8 некоторых | людеи  
 и земля, выслуги и купли его. |

Сам Александрь. |

Чиним знамението сим нашим листом, хто на него посмотриет, а любо чтучи его |  
 8слышит, кому ж того потребь будет ведати.

Бил намъ чолом конюшии | троцкии, наместник медницькии пан Михно Ёднович и  
 поведал намъ, | што дали есмо ем8 землю 8 Еишишьском повете на имѣ Жвинишьки. |

И теж покупил в боѣр керъновских в Можеика Мостиловича и 8 его брат(ь)и, ||<sup>л. 242</sup>  
 8 Кгиневта а 8 Ёдвоиша, а в братаничовъ ихъ, в Мицка а 8 Андрушка Чижевичовъ |  
 данники их отчины на Рѣси в Нежатоцох осмь ч(о)л(о)в(е)ковъ.

А в боѣрина виленского Мемижское волости в Богдана Ганусовича и въ его  
 жоны и въ их дети | в Томка, в Миколаѣ, а въ Ёднка, а 8 Воитка, а в Нарка, данники  
 пат(ь) ч(о)л(о)в(е)ковъ в Лотыголичох.

А в рѣдоминьских в боѣр, в Ёед(ь)ка а в Левона Сѣкуличовъ, сеножат(ь) подъле |  
 Перекопа за дворцомъ.

А въ Ёдкуба Гармановича селищо и телпатникъ на реце | на Меречи а другое  
 селищо Кондратовское с пол(ь)цомъ.

А в Мартинька а в Миколаѣика Алешновичовъ сеножат(ь) на Давыдище.

А въ Еишишьском повете в Станислава Ёдновича на девѣт(ь) бочок земли подле  
 дороги.

А в Гармана и въ брата | его Стаса и въ их дети на двадцать бочокъ земли.

А в Мартина Еикгаловича, а в | брата его Ромашка, и въ их дети на пат(ь) бочок  
 земли.

А в Миколаѣ, а въ Ёднка, | а 8 Венслава Товтовичовъ поле и сеножат(ь).

А в Стан(ь)ка Кѣцевича и въ брата | его Пятюса на чотыри бочокъ земли и  
 з мышничком, и з селищом за болотом. |

А в Марковскомъ повете въ Ёдна Богдановича ч(о)л(о)в(е)ка Созона и з детьми |  
 и з землею.

А в Грин(ь)ка Савича землю, што отец его выслужил на пане Ёдкубе | Наровичи<sup>1</sup>.

А в Гринца в Мора на патнадцатъ бочок земли.

А 8 Алехна Белобоковича на чотыри бочки земли.

А в Стаца а в Гармана сеножат(ь) на Солчи.

А 8 Юцка Водкгинтовича сеножат(ь).

А Петръ Ёднѣшкович даровал его пол(ь)цом.

А в боѣр | мемижских, 8 Алехна Юшковича, и въ его жоны Дороты, и въ дети  
 их, въ Юлна | а въ Ёдкуба, а в зѣта их Юнька, десѣт(ь) чоловековъ данниковъ на имѣ  
 Лотыголичи за Борисовомъ.

А 8 Андреѣ Ганусовича и въ сына его Станислава люди | их отчиньныи данники  
 Лотыголичи.



А 8 Вокѡшка Борисовича три ч(о)л(о)в(е)ки | *отчизных* и з детьми, и з землями, *обел(ь)* вечно.

И *лист* нашъ и *купчии* листы на то | *перед* нами *вказывал*. И бил намъ *чоломъ*, абыхмо емѡ тѡю нашу *данину* и *купли* | его *вышеиписаныи*, люди, и *данники*, и *земли*, и *пола*, и *сеножати*, што мы ему | *дали*, и што *он* в *боѡр* наших *покѡпил*, *потвердили* нашимъ *листом*.

И мы тую | *данину* нашѡ и *кѡпли* его *вышеиписаныи*, што *он* в *боѡр* наших *людеи*, и *данниковъ*, и *земли*, и *пол(ь)*, и *сеножатеи* *покѡпил*, *потвержаем* сим нашим *листомъ* | вечно емѡ, и его *жоне*, и их *детем*, и их *ближнимъ*, и *потомъ* *бѡдѡчим* их *счадомъ*, | *подлугъ* нашего *лиштѡ* и *кѡпчих* *листовъ*, и со *всим* с *тым*, што *здавна* к *толму* *будет* *слѡшало*. *Волен* то *он* *отдати*, и *продати*, и *заменити*, и к *своему* || л. 242 об. *вжиточномъ* *обернѡти*, какъ *самъ* *налепеи* *розѡмеючи*.

А на *твердость* | *того* и *печат(ь)* нашѡ *казали* есмо *привесити* к *семѡ* *нашомъ* *листу*.  
П[и]санъ | 8 *Вил(ь)ни*, в *лет(о)* 7009-е, *м(е)с(а)*ца *маѡ* 11 *день*. *Индик[т]ъ* 4. |

*Примечание*. <sup>1</sup>*Исправлено, в рукописи Ла[в?]ровичи*

## № 439

[1501 г.] мая 10. Вильна.

*Справа* *Михаила* *Гагина* зъ *Сен(ь)ком* *Полозовичом* |  
о *некотории* *долгъ*, *купцѡ* *московскомъ* *винныи*. |

*Самъ* *Александръ*. |

*Биль* намъ *чолом* *боѡринъ* *киевский* *Михаило* *Гагин*, што *розмавал* | *перед* нами з *боѡриномъ* *киевскимъ* съ *Сен(ь)комъ* *Полозовичомъ*, *иж* *слыѡшал* *от* *мещанина* *киевского* *от* *Сид(ь)ка*, што *жъ* *взѡл* *черезъ* *Сид(ь)ковы* *рѡки* *двадцѡтъ* *локот(ь)* *таѡты* в *кѡпца* *московского* в *Степана* *Васил(ь)ева*. И *мѡл* *ему* | за то в *мыте* *нашомъ* *подлегчити*, *коли* *ехал* с *Каѡы*. И *послали* *са* *от* *том* | на *того* *Сид(ь)ка*. И мы по *Сид(ь)ка* *посылали*. И *тотъ* *Сид(ь)ко* *тое* з *Михаила* | *передъ* нами *снялъ*, и то *перед* нами *посветчилъ*, *ижъ* *Сенько* *Полозович* | в *того* *кѡпца* *двадцѡтъ* *локотъ* *таѡты* *взѡл* *через* *его* *рѡки*, а *мѡлъ* | *емѡ* за то в *мыте* *нашомъ* *полегчити*.

*Ино* *коли* *тотъ* *Сидько* *то* *пелредъ* нами за *Михаила* *снял*, и то *перед* нами *посветчилъ*, *ижъ* в *того* *кѡпца* *черес* *его* *рѡки* *Сенько* *взѡлъ* *двадцѡтъ* *локотъ* *таѡты*, а *мѡл* | *емѡ* за то в *мыте* *нашомъ* *полегчити*, в *томъ* *есмо* *Михаила* *Гагина* *правого* *нашли*. Не *потреба* в *томъ* *Сеньку* а *никому* *иньшимъ* *Михаилѡ* *Гагинѡ* *примовлати* *кѡ* *ч[е]сти*, бо *са* в *томъ* *чышти* *его* *ничого* | не *рѡшило*.

П(и)сан 8 *Вил(ь)ни*, *маѡ* 10 *день*. *Индик[т]ъ* 4. |

*Прав(ил)* *мар(шалок)* *двор(нии)*, *нам(естник)* | *ѡтен(ский)* *кн(а)з(ь)* *Мих(аил)* *Л[ь]вов(ич)*. || л. 243

## № 440

1501 г. мая 29. Вильна.

*Потверженье* *кназю* *Ѣодорѡ* *Чорторы|скомъ* на *тры* *дворища*  
8 *Клевани* *Кле|пачи* *вечностью*. |

*Самъ* *Александръ*. |

*Чинимъ* *знаменито* *сим* *нашим* *листомъ*, *хто* на *него* *посмотрит*, *або* *чтучи* *его* | *ѡслышит*, *кому* *будет* *потребъ* *того* *ведати*.

Што перво сего бил намъ чолом | княз(ь) Федор Михайлович Чорторыиский и просил в нас трех дворищ з люд(ь)ми | Ж8ковского повета 8 Клевани на има Клепачи, што дали были есмо тыи | дворища *первеи* сего воеводе троцком8 небожчику пан8 Петр8 Ёдновичу. | И после пана Петра сын его пань Ёдн тыи дворища держал. А листы | нашими того есмо им были не потвердили на вечность. Ино пана Ёдна | в животе не стало, и на битве<sup>1</sup> там остал на нашои службе. И мы ем8 тыи | дворища дали. И бил нам чолом, абыхмо тыи дворища потвердили ем8 | нашим листом вечно.

И мы з ласки нашеое дла его службы то есмо вчинили, | и тыи три дворища 8 Клевани Ж8ковского повета Клепачи даемъ | и потвержаемъ сим нашим листом вечно и непорушно ем8 самом8, и его | жоне, и их детем, и на потом буд8чим их счадьком, з люд(ь)ми, и з землями | пашными и бортными, и з д8бровами, и з лесы, и з гаи, и з сеножат(ь)ми, и с хво|рости, и з болоты, и з ловы, и з ловищи, и з реками, и з речками, и съ криницами, | и с потоки, и съ ставы, и ставищи, и з озеры, и з бобровыми гоны, и з млыны, и з данью грошовую и медовую, и с циньши, и со всеми платы и дохолды, и подат(ь)ми, и службами, и со всем по том8, как здавна тыи три дво|рища 8 границах ся своих мели и што здавна к том8 сл8шало. Волен | он тыи дворища и з люд(ь)ми отдати, и продати, и заменить, и росширити, | и прибавити, и к8 своем8 лепышом8 и въжиточном8 обернути, как | сам налепеи роз8меючи.

А на твердость того и печат(ь) наш8 казали есмо при|весити к сем8 нашом8 лист8.

П(и)сан 8 Вил(ь)ни, в лет(о) 7009, м(е)с(а)ца маѣ | 29 день. Индик[т]ъ 4. |

Пр(авил)<sup>2</sup> мар(шалок) двор(ный), нам(естник) 8тен(ский) кн[а]з(ь) Мих(аил) Л[ь]вов(ич). || л. 243 об.

*Примечания.* <sup>1</sup>Буква и исправлена из другой; буквы ве вписаны другим почерком <sup>2</sup>Возможна реконструкция Пр(иказал)

#### № 441

[1501 г.] мая 12. Вильна.

Привилеі Ивашк8 Злоцком8 на две земли, | Котовъщин8 а Горностаевъщину, 8 Васи|лишскои волости. |

Самъ Александръ, бож(е)ю м(и)л(о)стью. |

Биль намъ чоломъ дыкакъ писара нашего Фед(ь)ка Ёдн8шковича Ивашко | Злоцкии Хоминич и просил в насъ двухъ земель п8стовъских 8 Василишскои | волости на има Котовщины а Горностаевщины<sup>1</sup>, а поведил перед нами, | што ж тыи земли ловецкии дякол(ь)ныи сут(ь). И мы о томъ опытывали на|местника василишского кн(а)за Васил(ь)а Л[ь]вовича. И он перед нами поведил, | иже то такъ есть, какъ он в нас просил.

И мы ем8 тыи земли Котовъщын8 а Горностаевъщину дали вечно со всем с тым, што к тым землям | здавна сл8шало. А маеть он намъ с тыхъ земель службу земск8ю панцерную | заст8повати. А дякла ем8 с тыхъ земель не надобе давати.

П(и)сан | 8 Вил(ь)ни, маѣ 12 день. Индик[т]ъ 4. |

Правил мар(шалок) двор(ный), нам(естник) 8тен(ский) кн[а]з(ь) Мих(аил) Л[ь]вов(ич), мар(шалок), ол(мистр), нам(естник) ковен(ский) п(ан) Вои(тех) Ёднов(ич). |

*Примечание.* <sup>1</sup>Буквы но вписаны над строкой другими чернилами

## № 442

[1501 г.] мая 30. Вильна.

Мещанинъ василишскомъ Къзъме | на землю Воликовъщинъ  
8в Острынскои волости. |

Александръ, бож(е)ю м(и)л(о)стью. |

Наместнику острынскомъ кн(а)зю Глебъ Пронскому.

Бил нам чолом мещанинъ василишский Къзма и просил в нас земли 8в Острынскои волости на имѣ | Воликовщины. И поведил перед нами, што *ж* то земля ест(ь) боѣрская, а давно лежить | пѣста. И мы самого тебе ѿ том опытывали. И ты нам поведил, иже то так есть, | как онъ в насъ того просиль.

И мы емѣ тѣю землю Воликовъщину дали | со всѣмъ с тымъ, што здавна къ той земли слѣшало. Нехаи онъ тую | землю деръжить, а намъ с нее службу слѣжить доспешнѣю, || <sup>л. 244</sup> а дякла и иншихъ пошлинъ не надобе емѣ с тое земли давати.

П(и)сан 8 Вил(ь)ни, | мая 30 день. Индик[т]ъ 4. |

Прав(или) нам(естник) вас(илишский) кн(а)з(ь) Вас(илии) Ил(ь)вов(ич)<sup>1</sup>, | кон(юший) двор(ный), нам(естник) жолуд(ский) пан Мар(тин) Хреб(тович). |

Примечание. <sup>1</sup>Буква и исправлена из л

## № 443

1501 г. июня 24. Вильна.

Потверженъе Станиславъ Кгиивиловичъ | на третюю  
част(ь) именья Каменца и данников | Ёстровлянъ  
вечностью. |

Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотрит, або чтѣчи | его слышит, кому *ж* того потребъ будет вѣдати.

Бил намъ чолом боѣрин | лидский Станислав Кгиивиловичъ, што *ж* онъ перво сего жаловал ѿтцѣ нашомѣ, | королю, его м(и)л(о)сти, зъ женою своею, Ёленою Ёлехвною, на дядка жоны своее, | на Сен(ь)ка Андрoшевича, што *ж* онъ не хочет дати дел(ь)ницы *еи* в ымен(ь)и на имѣ 8 Каменцы и въ данъниках Ёстровланех 8 выслuze брата своего, дядка *ее*, 8 Товтковое Аньдрашевича<sup>1</sup>. И ѿтец нашъ, корол(ь), его м(и)л(о)сть, ѿ том их сѣдил, и в том | именьи в Каменцы и в данниках Ёстровланех третюю часть *еи* присудил, | и лист свои сѣдовыи *еи* на то дал. И потомъ тотъ Сен(ь)ко *еи* не хотел тое третее части дати подлугъ листѣ ѿтца нашего, короля, его м(и)л(о)сти. И после | того Станиславъ з Миколаем Сеньковичом ѿ том перед нами ѿчевисто стоѣли | и мовили. И мы ѿ томъ межѣ ними досмотревши и подлугъ листѣ ѿтца нашог(о), | короля, его м(и)л(о)сти, Станиславу и его жоне в той дядковщине жоны его третюю част(ь) теж есмо присудили. И казали есмо тое именье и данники межѣ | ними поделити подстолема нашому, наместнику василишскомъ кн(а)зю Васил(и)ю Л[ь]вовичѣ Глинскому. И онъ то межѣ ними поделил. И Миколаи Аньдрoшевич того делу не хотел послѣшон быти.

А другии раз ѿчевисто ѿ том межѣ | собою перед нами мовили. И Миколаи положил перед нами лист ѿтца нашего, | короля, его м(и)л(о)сти, и *ж* бы ѿтец нашъ

тое имен(ь)е Каменец и данники дал Тоетку | а оццѣ его, Сен(ь)ку Андрошевичомъ. И мы врозѣмили, *и*ж то листь неправныи, | оал(ь)шивыи ест, тое имен(ь)е Каменец, даньники и Ѡстровлане на нас есмо | взали.

И потомъ то есмо вчиници з ласки наше, и третью част(ь) того имен(ь)а Каменца и данниковъ Ѡстровлан подлугъ делу кн(а)зя Васил(ь)ева Станиславу || л. 244 об. есмо дали. И потвержаемъ то ему сим нашим листомъ вечно и непорушно, емѣ | самомѣ, и его детем, и на потомъ бѣдѣчимъ ихъ счадкомъ. Воленъ онъ то оцдати, | и продати, и заменити, и прибавити, и розширити, и къ своему лепышому и вжиточномѣ обернути, какъ самъ налепеи розѣмеючи.

А на твердост(ь) | того и печат(ь) нашу казали есмо приложити к сему нашему листу.

П(и)сан | 8 Вил(ь)ни, в лет(о) 7009-е, м(е)с(а)ца июн(ь) 24 день. Индик[т]ъ 4. |

*Примечание.* <sup>1</sup>Вторая буква а исправлена из другой

#### № 444

1501 г. июня 26. Вильна.

Потвержен(ь)е п(а)нѣ Воитехѣ Нарбѣтовичѣ |  
на дворецъ над рекою Березою ѣ Слонимскомъ | повете  
на вечность. |

Александръ, бож(е)ю м(и)л(о)стью. |

Чинимъ знаменито симъ нашим листомъ, хто на него посмотриц, або чуц|чи его вслышит, кому *ж* того потребъ будетъ ведати.

Билъ намъ чоломъ хоружии | нашъ дворныи, наместникъ ѣсвоинскии панъ Воитехъ Нарбутовичъ, што *ж* | дали есмо емѣ дворецъ з люд(ь)ми ѣ Слонимскомъ повете на реце на имѣ | на Березои, што Сенько, служебникъ небожчика пана Солтановъ, держаль. | И билъ намъ чоломъ, абыхмо то потвердили емѣ нашим листомъ на вечность. |

Ино мы, ѣпаметавши слѣжбу его къ намъ верную, з ласки наше, тотъ дворецъ | ѣ Слонимскомъ повете на реце на Березои, што Сенько, слѣжбникъ небожчика | пана Солтановъ, держаль, потвержаемъ симъ нашим листомъ вечно и непо|рѣшно емѣ самомѣ, и его жоне, и ихъ детемъ, и на потомъ будѣчимъ ихъ счадкомъ | со всеми люд(ь)ми, и с челап(ь)ю невол(ь)ною, и со всеми землями пашными и бортными, и з сеножат(ь)ми, и з лесы, и з дѣбровами, и з гаи, и з бобровыми гоны, и з ловы, | и з ловищи зверинными и пташими, и з реками, и з речками, и с озеры, и з млыны, и з ихъ вымелками, и съ ставы, и с ставищи, и со всеми платы и пожитки, | такъ широко и ѣкрѣгло, какъ тотъ Сен(ь)ко держалъ и заведаль.

Воленъ онъ то оцдати, | и продати, и заменити, и прибавити, и розширити, и къ своему вжиточномѣ | и лепышомѣ обернути, какъ самъ налепеи розѣмеючи.

А на твердость тог(о) | и печат(ь) нашѣ казали есмо привесити къ семѣ нашомѣ листу.

П(и)сан ѣ Вил(ь)ни, | в лет(о) 7009-е, м(е)с(а)ца июн(ь) 26 день. Индик(т)ъ 4. |

Пр(авил)<sup>1</sup> мар(шалок) двор(ный), нам(естник) ѣтен(ский) кн(а)з(ь) Мих(аил) Л[ь]вов(ич). || л. 245

*Примечание.* <sup>1</sup>Возможна реконструкция Пр(иказал)

## № 445

1501 г. июля 1. Вильна.

Боаринѣ киевскомѣ Іѡцкѣ Мезю на люди | Лаврына а Іѡнка  
Давыдковичов ѡво Вруцком | повете до живота. |

Александрѣ, бож(е)ю м(и)л(о)стью. |

Наместнику врѣцъкому кн(а)зю Григор(ь)ю Борисовичу Глинскому.

Бил намѣ чолом боаринѣ киевскии Іѡцъко Мез(ь) и просил в нас людеи ѡво Вруцкомѣ повете на имѣ Ларивона а Іѡнка Давыдковичовѣ и з ихъ братьею и зъ братаничи. И поведил перед нами, што *ж* тыи люди служат нам ѡдною слѣзбою, а дают | намѣ дани трыдцать и *шест(ь)* ведер медѣ, и кѣ замкѣ нашомѣ по три дни | ѡрати, и жати, и жита возити, и сена косити, и молотити ходють, | и лед колют, и ѡгород городѣт, и иныи службы кѣ замкѣ нашомѣ служить. | И бил намѣ чолом, абыхмо емѣ тыи люди дали.

Ино мы емѣ тыи люди | на имѣ Ларивона а Іѡнка и з ихъ брат(ь)ею и з братаничи дали, и з ихъ землями, | и з даньми, и слѣзбами, и со всеми по томѣ, какѣ он в нас просил, до его | живота. И ты бы емѣ в тыи люди ѡвезанье дал.

П(и)сан ѣ Вил(ь)ни, в лет(о) | 7009-е, м(е)с(а)ца июл(ь) 1 день. Индик[т]ѣ 4. |

Прав(ил) мар(шалок) двор(ный), нам(естник) ѣтен(ский) | княз(ь) Мих(аил) Л[ь]вов(ич). |

## № 446

1501 г. июля 2. Вильна.

Привилеі городничомѣ виленскомѣ Зан(ь)кѣ | на чоловека  
Тишила в тивунстве виленскомѣ. |

Александрѣ, бож(е)ю м(и)л(о)стью. |

Биль намѣ чоломѣ городничии виленскии Занько и просил в нас ч(о)л(о)в(е)ка нашог(о) в тивунстве виленскомѣ на имѣ Тишила Пѡполевича и з братьею его. И поведил перед нами, што *ж* тот Тешило з брат(ь)ею своею земли своеѣ ѡтчинѣное | часть заставил в п(е)н(а)зех слѣзе пана<sup>1</sup> Воитеховѣ Нарбутовича на имѣ Вирболту. И какѣ тот Вирболтѣ вмерѣ, и тотѣ Тешило, взявши п(е)н(а)зи в людеи || л. 245 об. наших, в неменчиньцовѣ, и тѣю част(ь) земли своеѣ выкѣпивши ѣ Вирболтовое, и тую | землю в тых же п(е)н(а)зехъ заставил тымѣ жо людемѣ нашимѣ неменчинцом. |

И мы з ласки нашеѣ для его службы то есмо вчинили, и того ч(о)л(о)в(е)ка Тишила | и з братьею его, и з ихъ жонами, и з ихъ детьми, и со всею ихъ землею, и съ службою, и з дяклом, и со всеми ихъ подат(ь)ми дали вечно и непорѣшно ему самоѣмѣ, и его жоне, и ихъ детемѣ, и на потомѣ бѣдѣчимѣ ихъ счадкомѣ.

А што | был тот Тешило и з братьею своею заставил в п(е)н(а)зехъ часть земли своеѣ | людемѣ нашим неменчиньцомѣ, мы казали емѣ тыи п(е)н(а)зи им ѡтложити, | а тую землю в нихъ взяти. Теж, што будет тот Тешило и з брат(ь)ею земли | свои попродали, або заставили комѣ в п(е)н(а)зехъ, а любо кому ѡтдали, | и мы и тыи ихъ земли дали Занькѣ вечно, зан(е)же людем нашимъ нел(ь)зе землѣ | продавати а ни запродавати без нашего призволенья.

А на твердость того и печат(ь) нашу казали есмо приложити к семѣ нашому листу. |

П(и)сан ѣ Вил(ь)ни, в лето 7009, м(е)с(а)ца июл(ь) 2 день. Индик(т) 4. |

Правил мар(шалок) двор(ный), нам(естник) ѣтен(ский) | и ѡник(штенский) кн[а]з(ь) Мих(аил) Львов(ич). |

Примечание. <sup>1</sup>Вторая а исправлена из у

## № 447

1501 г. июня 10. Вильна.

**Вырок** мещаном пинским с кн(а)зем | **Федором** **Грославичом**  
о некоторые кривды их. |

Сам Александръ, бож(е)ю м(и)л(о)стью. |

Смотрели есмо того дела с паны радою нашою, кн(а)зѣа Федора Ивановича | **Грославича** з воитомъ и з мещаны пинскими.

Жаловали намъ воит и мещане | пинский, какъ дали есмо ему город Пинескъ и со всеми волост(ь)ми пинскими и его | кн(е)гини, дочце кн(а)зѣа Семена Алел(ь)ковича, и их детем по тому, как был даль | отец нашъ, корол(ь), его м(и)л(о)сть, тещи его, кн(е)гини Семеновои, и листом нашим то есмо | емѢ подтвердили Ѣ вотчину. И жаловали нам воит и мещане, иж бы им князь | Федор кривды чинил, и новины ѡводил, и подводы на них брал не по-старомѢ, сѡхмимъ пѡтем и водою. И теж п(е)н(а)зи корчомныи не по тому, как здавна бывало. И положили перед нами листы великого кн(а)зѣа Жикгимонта | и отца нашего, корола, его м(и)л(о)сти. Ино в тых листех стоит, што ж писаны || л. 246 до наместниковъ пинскихъ, абы с них брали подводы сѡхмимъ пѡтем и водою впроком, а о корчомных п(е)н(а)зех не выписано впроком.

И мы о том досмо(т)ревши, и конец томѢ вчинили. Коли есмо дали им тот город Ѣ вотчину, мает | его держати такъ, как то отчичь, прибавляючи и розшириваючи, какъ | то самъ налепеи розѡмеючи, какъ то г(о)с(по)д(а)рь отчинныи свое имен(ь)е, подлугъ данины и листов отца нашего и наших. А што сѣа тычет корчомных п(е)н(а)зех, в том | он волен прибавити, и розширити, и к своемѢ вжитку обернути, какъ сам налепеи розѡмеючи. Всхотѣат ли мещане корчмы держати по тому, как | он имъ всхочет продати, и они нехаи по той цене держать. А не всхотѣат | по той цене в него кѡпити, и он нехаи продаеть, комѢ хочеть. А што | сѣа тычет листовъ великого кн(а)зѣа Жикгимонтовых и отца нашого(о), | корола, его м(и)л(о)сти, которыи писаны до номестниковъ пинских, то имъ маеть наместникъ его держати, которыи бѡдет от него город держати. |

П(и)сан Ѣ Вил(ь)ни, в лет(о) 7009-е, м(е)с(а)ца июн(ь) 10 день. Индик[т]ъ 4. |

Пр(и) [том] были кн[а]з(ь) Вои(тех), бис(куп) вил(енский), воев(ода) троц(кий), мар(шалок) | зем(ский) пан Гдн Юр(ьевич), п(а)н троц(кий), стар(оста) жом(оитский) пан | Стан(ислав) Гдн(ович), мар(шалок) двор(ный), нам(естник) Ѣтен(ский) кн[а]з(ь) Мих(аил) | Глин(ский), мар(шалок), ѡх(мистр) вели(кое) кн(е)г(ини), нам(естник) ков(енский) пан Вои(тех) Гдн(ович). |

## № 448

1501 г. июля 10. Вильна.

**Потвержен(ь)е** князю ИванѢ ЛьвовичѢ | на дворец Веисей  
Ѣ Перевал(ь)скомъ повете | вечностью. |

Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотри(т), або чтучи | его ѡслышит, комѢ будет потребъ того ведати.

Бил намъ чолом маршалокъ нашъ, хорѡжии земьский, <sup>1</sup>наместникъ переломский<sup>1</sup> и ѡжский кн(а)зѣ Иван Львовичъ, | што есмо дали емѢ дворец нашъ Ѣ Перевал(ь)скомъ повете на имя Веисей и з люд(ь)ми | слѡжебными и тяглыми. А поведил перед нами,

што ж граница тому дворцѣсть *от* пѣщи наше по речку Дѣмблю. А тою речкою ѡв ѡзеро ѡ Думблю. А *от* | того || л. 246 об. ѡзера ѡ Гнедо езеро. И бил намъ чолом, абыхмо то емѣ потвердили нашим листом | на вечност(ь).

И мы з ласки наше для его службы то вчинили и тотъ дворець | Веисей потвержаемъ нашимъ листомъ вечно и непорушно емѣ самому, и его | жоне, и их детемъ, на потом будѣчимъ их счадомъ, и с тѣм ѡстровомъ, | где тот дворець есть, и з людьми, и с челад(ь)ю, и з землями пашными и з бортными, и з лесы, и сеножат(ь)ми, и з данью грошовою и медовою, и со всеми службами | и подат(ь)ми, и со всемъ по томѣ, што к тому дворцѣ здавна слѣшало, по | тѣм границы вышеписаныи.

Теж есмо придали емѣ к тому дворцѣ | Веисеямъ сеножать нашѣ Переломского повета на имя Жмиркли, такеж вечно. Волен тот дворець *от*дати, и продати, и заменить, и къ церкви записати, | и по дѣши дати, и къ своемѣ лепшьомѣ и вжиточному обернути, и росширити, и прибавити, какъ самъ налепеи розѣмеючи.

А на твердость тог(о) | и печат(ь) нашу казали есмо приложит(ь) к сему нашомѣ листу.

Пи(и)сан ѡ Вил(ь)ни, | в лет(о) 7009, м(е)с(а)ца июл(ь) 10 день. Индик[т]ъ 4. |

Прав(или) пан троц(кий), стар(оста) жом(оитский) пан | Стан(ислав) Іѣнов(ич), мар(шалок) двор(ный), нам(естник) | ѡтен(ский) и ѡн(икштенский) кн[а]з(ь) Мих(аил) Львов(ич). |

*Примечание.* <sup>1-1</sup>Слова написаны по смытому тексту

## № 449

[1501 г.] июля 24. Вильна.

Вырок в справе королевое, ее м(и)л(о)сти, с паном |  
Юр(и)емъ Ил(ь)иничом ѡ забран(ь)е земель и пущи двора |  
Контагиньского. |

Самъ Александръ, бож(е)ю м(и)л(о)стью. |

Смотрели есмо того дела с паны радою нашою.

Мовила нам наша великаѣ | кн(е)г(и)ня, ее м(и)л(о)сть, иж сѣ деют ее м(и)л(о)сти великии кривды *от* маршалка нашего, | наместника лидского пана Юр(и)ѣ Ил(ь)инича в земли Контагинскои двора ее м(и)л(о)сти. | И мы тамъ на тѣю землю казали выехати с obu сторон суд(ь)ямъ, краичому наше | великое кн(е)г(и)ни, ее м(и)л(о)сти, наместникѣ веленскомѣ пану Мартину Іѣкубовичѣ, | а наместникѣ дорсунишскомѣ панѣ Доброгостѣ Нарбутовичу. И ѡни тамъ | выездили, и того досмотрели, и нам суд свои *от*казали. Иж многих г(о)с(по)д(а)рей девѣти | волостей люди светъчили перед ними в одно слово, што ж таѣ земля звечнаѣ || л. 247 пѣща двора Контагинского, почонши *от* тое границы, кѣды завели Саковичи, | то все пѣща того двора ест(ь). И тѣх земель *от*чичы и къ печищамъ своим привели, | с которых земель их *отец* пана Юр(ь)евъ, пан Ивашко Ил(ь)иничъ, согнал. И панъ Юрей | еще перешодши черес тѣю границѣ, тѣх людей землю себе на дворную пашню | попахал. И тѣе ж светки светчили, што ж то все пѣща была Контагинская, почонши *от* тое границы, покул(ь) завели Саковичи, ѡлиж на ѡднѣ сторону болота, где | седели ковали ее м(и)л(о)сти на имя Дашевичи, и то все земля Контагинская, где | ине завели Саковичи. Теж в тот час пригодил сѣ при *от*казе того права пан | Николаи Нарбутовичъ, которыи жо переж того *от* насъ тивунство виленское | держал.

И поведил перед нами, што *ж* вся таа земля Контиагинская при его тивунстве была. Тогда отец наш, корол(ь), его м(и)л(о)сть, казал емѸ вси тьи их дворы | ис тых земель зметати. И то теж светъчили перед суд(ь)ями многии светъки, | што *ж* в тои пѣщи панских а ни боарских дворовъ не бывало, а ни их люди.

И пан | Юреи ставил своих светъковъ Лынтупцов и тых наших боар люди, которыи | с нимъ посполѸ той земли ищут. Ино нам сѧ видело, што *ж* подобнее верити | светкомъ ее м(и)л(о)сти многим людем, кому хто здавна гораздо сведомъ, што *ж* | то земля Контиагиньская ест(ь).

И мы подлугъ сѸда и свидетельства тых светков | присѸдили есмо всю тѸю землю и з житомъ нашоу великою кн(е)гини, ѿ што | мела право, с ним и Ѹвязати ее м(и)л(о)сть в тѸю землю и в жито послали | есмо дворанина нашего БѸтрима ГѸкѸбовича.

П(и)сан Ѹ Вил(ь)ни, июл(ь) | 24 день. Индик[т]ъ 4. |

При т(ом) был(и) бис(куп) вил(енский) кн[а]з(ь) Воу(тех) а мар(шалок) двор(ный), | нам(естник) Ѹтен(ский) кн[а]з(ь) Мих(аил) Л[ь]вов(ич) Глин(ский). |

№ 450

1501 г. июня 24. Вильна.

Миколаю Сен(ь)ковичѸ Андрошевича | на две части имениа  
Каменца и данни|ковъ Ѹстровлян. |

Самъ Александръ, бож(е)ю м(и)л(о)стью. |

Чинимъ знаменито симъ нашим листомъ, хто на него посмотрит, або чтѸчи его | вслышит, кому *ж* того потребъ бѸдет ведати.

Бил намъ чоломъ дворанин | нашъ Миколаи Сен(ь)кович Андрошевича, што перво сего жаловал ѿтцу нашомѸ, || л. 247 об. королю, его м(и)л(о)сти, боарин лидский Станиславъ Кгинвилович и съ жоною своею Ѹленою | Ѹлехвною на дядка жоны своее, на ѿтца его на Сен(ь)ка Андрошовича, што *ж* он не хоцет дати дел(ь)ницы ее в ымен(ь)яхъ на имѧ в Каменци, в данникох Ѹстровланех | и выслѸзе брата своего, дядка ее, Ѹ Товтикова Андрошовича. И отец наш, | корол(ь), его м(и)л(о)сть, ѿ том их сѸдил в том имени в Каменцы, в данникох Ѹстровланех, третью часть еи присѸдил, листъ свои сѸдовыи на то еи дал. И по|томъ тот Сенько, отец его, не хотел еи третее части дати<sup>1</sup> подлугъ листа ѿтца | нашего. После того Станиславъ з Миколаемъ Сеньковичом стоѧли перед нами | ѿчевисто, ѿ том мовили.

И мы ѿ томъ межи ними досмотревши, и подлугъ листѸ ѿтца нашего, короля, его м(и)л(о)сти, Станиславу и его жоне в тои | дядковщине жоны его третью част(ь) присѸдили и казали есмо тым имен(ь)емъ | данники межи ними поделити подстолему нашоуму, наместнику василишко|мѸ кн(а)зю Васил(ь)ю ЛьвовичѸ. И он то межи ними поделил.

И Миколаи Андрошович того делу не хотел послушон быти, и ѿтозвал сѧ до нас. И въ другии | раз стоали перед нами ѿчевисто и ѿ том мовили. И мы тое имение Каменец и данники Ѹстровлане на нас есмо взяли, третью част(ь) того имен(ь)ѧ | данниковъ Станиславу есмо дали и жоне его, а две части того имен(ь)ѧ Каменцы и данниковъ и с пашнею, и з люд(ь)ми Ѹстровлян(ы) на имѧ Борановичи а ГѸльковичи, а земли две пѸстовские, а Благовичи, а Гриневичи, а Лама|новичи, а КѸзмичи, а ЛакготовщинѸ, а ГорбачевщинѸ Миколаю Сен(ь)ковичу есмо присѸдили и дали з ласки нашео вечно и непорѸшно ему само|мѸ, и его жоне, и их детем, на потом будѸчим их счадомъ, со всѧим тым, | што к тымъ двум частѧм издавна слушаает.



Волен он то отдати, и продати, и заменити, и прибавити, и розъширити, к8 своем8 лепышому | и вжиточном8 обернути, какъ самъ налепеи роз8меючи.

А на твердост(ь) | того и печат(ь) наш8 казали есмо привесити къ сем8 нашом8 лист8. |

Пи(и)сан 8 Вил(ь)ни, в лет(о) 7009-е, м(е)с(а)ца июн(а) 24 день. Индикта 4. || л. 248

*Примечание.* <sup>1</sup>Слово вписано над строкой другим почерком

## № 451

1501 г. августа 26. Городно.

Потвержен(ь)е ключнику виленском8 | Станиславу купли его, людеи и земля, | в боар виленскихъ. |

Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотрит, або чтучи | его вслышит, нинешнимъ и на потом буд8чим, кому будет потребъ тог(о) ведати. |

Бил намъ чолом ключникъ виленский Станислав и повелит перед нами, што ж покупил люди и земли в боар наших Виленского повета на имя в Миколаа Станковича землю, дел(ь)ниц8 отчины его, от дву братьев третью часть, с призволен(ь)ем | брат(ь)и его и ближнихъ его, на имя 8лоб8чове с пол(ь)ми, и с селищи, и с сеножатями, | и з гаи, и з д8бровами, и з боровинами, и з болоты, и з речными входы. И того | м8жика на имя Миков8 землю, которого ж онъ перво сего к8пил в него | без земли. А в Добка Б8тримовича и въ его дети, в Шимана, а в Павла, а въ | Лаврина, а в Григора, трех братеников на имя Домеика, а в брата его Мила, а третего брата их Кговена, и з детьми их, и со всеми их статьи, | и со всем ихъ быдломъ, и з ихъ землями, и з навозы, и с селищами, и з гаи, и с сеножатями, и з речными входы, обел(ь) вечно. И на то на все листы к8пчи | перед нами покладал. И бил нам чолом, абымо ем8 на то дали нашъ лист | и подтвердили бымо ем8<sup>1</sup> нашим листом.

Ино мы з ласки наше за его к намъ | верную служб8 на то дали ем8 сесь нашъ лист и подтверждаемъ то сим нашимъ | листом вечно ем8, и его жоне, и их детемъ, и на потом б8д8чим их счадком. | Нехай он тыи вси вышеписаныи люди и земли держит со всем с тым, | какъ к8пил, а нам с того служб8 земьскую заст8пует. Волен он то отдати, | и продати, и заменити, и розширити, и к8 своем8 вжиточному обернути, какъ сам налепеи роз8меючи.

А на твердость того и печат(ь) наш8 | казали есмо приложити к сему нашом8 лист8.

Пи(и)сан в Городне, в лет(о) | 7009-е, м(е)с(а)ца август 27 день. Индик[т]ъ 4. || л. 248 об.

*Примечание.* <sup>1</sup>Слово вписано над строкой

## № 452

1501 г. июля 22. Вильна.

Привилеі Борис8 Семенович8 на волостк8 Рокгово<sup>1</sup>  
Вилкомирское волости. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотрит, або чтучи | его вслышит, кому ж будет того потребъ ведати.

Бил намъ чолом ѡкол(ь)ничиі смоленскіи, наместникъ вил(ь)комирскіи Борис Семенович и просил в нас волостки | людеи Вил(ь)комирское волости на имя Рокгово. А поведил перед нами, што жъ | в тои волостце людеи тол(ь)ко полчетвертадцать ч(о)л(о)в(е)ков тяглых. Теж писал | за нимъ до нас воевода виленскіи, канцлеръ пан Миколаи Радивилович, поведеаючи, иже то такъ есть, какъ он в насъ того просил. И мы над тое еще | посылали тамъ дворенина нашего и казали есмо емѸ в тои волостце | тыи люди пописати и то намъ ѡтказати. Дворенин нашъ тамъ ездилъ, | и тые вси люди пописал, и то намъ ѡтказаль.

И мы тѸю волостку Рокгово | БорисѸ СеменовичѸ за его службу к намъ верную з ласки наше емо дали. | И потвержаем то сим нашим листомъ вечно, непорѸшно емѸ самомѸ, и ег(о) жоне, | и ихъ детемъ, и на потомъ бѸдѸчим ихъ счадкомъ, зъ люд(ь)ми, и зъ землями пашными | и бортными, и зъ лесы, и зъ гаи, и зъ дѸбровами, и с хворосты, и зъ ловы, и зъ ловищи, и звериннымъ, и зъ пташнымъ, и зъ болоты, и с сеножат(ь)ми, и зъ ѡзеры, и зъ болбровыми гоны, и зъ реками, и зъ речками, и зъ потоки, и с криницами, и с ставы, | и с ставищы, и зъ млыны, и зъ ихъ вымелками, и зъ данью грошовую и медовую, | и зъ дяклы ржаными, и ѡвсыаными, и с санными, и со всими платы и доходы, | и зъ змезлевою, и с слѸжбами, и со всимъ по томѸ, какъ таа волост(ь) на насъ, | на г(о)с(по)д(а)ра, держана. Волен он то ѡтдати, и продати, и заменити, и по дѸлши дати, и къ церкви записати, и прибавити, и розширити, кѸ своемѸ | лепышомѸ и вжиточномѸ ѡбернѸти, какъ самъ налепеи розѸмеючи.

А на | твердост(ь) того и печат(ь) нашѸ казали есмо привесити к семѸ нашомѸ листу. |

П(и)сан Ѹ Вил(ь)ни, в лет(о) 7009, м(е)с(а)ца июл(ь) 22 день. Индик(т) 4. |

Прав(ил) мар(шалок) двор(ный), нам(естник) Ѹтен(ский) | и он(икштенский) кн(а)з(ь) Мих(аил) Л[ь]вов(ич). || л. 249

*Примечание.* <sup>1</sup>Буквы кг исправлены из других

#### № 453

1501 г. сентября 24. Мельник.

Привилеі Юхну ЗеньковичѸ на село | Волковыи а дворище  
Подгаецъкое | в ЛѸцкомъ повете. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотреть, | або чтѸчи его вслышит, комѸ будетъ того потребъ ведати.

Бил намъ | чоломъ земанин вольнскіи Юхню Зеньковичъ и просилъ в насъ села в Луцкомъ | повете и зъ людъми на имя Волковыи а дворишча пѸстого ПодѸгаецъкого.

И мы на его чоломъбитые и за его службу то есмо вчинили, тое село | Волковыи и дворище конюшъское и ПодѸгаецъкое з ласки наше емѸ есмо дали | вечно и непорушно, емѸ самомѸ, и его жоне, и ихъ детемъ, и на потомъ бѸдѸчимъ ихъ счадкомъ и зъ людъми тяглыми и слѸжебными, и зъ землями пашными и бортными, и со всими доходы и податъми, со всемъ | по томѸ, какъ тое село въ границахъ своихъ мело, што здавна к томѸ слѸшало. Воленъ он то ѡтдати и заменити, и прибавити и розъширити, кѸ своемѸ лепышому и вжиточномѸ ѡбернѸти, какъ самъ | налепеи розѸмеючи.

А на твердость того и печать нашу казали | есмо привесити к семѸ нашомѸ листѸ.

П(и)сан в Мельнику, в лето | 7010, м(е)с(а)ца сен(табра) 24 день.  
Иньдик[т]ъ 5<sup>1</sup>. || л. 249 об.

*Примечание.* <sup>1</sup>До конца листа прочерк

## № 454

[1501 г.] октября 7. Мельник.

Петр8 Ө8рсович8 на двор Межово. |

Самъ Александръ, бож(е)ю м(и)л(о)стью. |

Биль намъ чолом дворенинь нашъ Петръ Өурсовичъ и просил в нас двора роlского з люд(ь)ми на имѧ Межова. А перво сего тот двор дали были есмо кн(а)зю | Ивану Трубецькому. И княз(ь) Иванъ, зрадивши насъ, и къ Москве втекъ.

И мы тот | двор Межевъ и з люд(ь)ми дали Петру Ө8рсович8 и со всем с тым, какъ княз(ь) Василеи | Шематич держал и какъ тежъ дали были есмо кн(а)зю Ивану Трубецьком8. |

П(и)сан 8 Мел(ь)нику, ѡк(табра) 7 день. Индик[т]ъ 5. |

Прав(ил) мар(шалок) двор(ный), нам(естник) мер(ецкий) | и 8тен(ский) кн(а)з(ь) Мих(аил) Л[ь]вов(ич). |

## № 455

[1501 г.] октября 12. Мельник.

Юхну Воронич8 на двор Мил(ь)ковичи в Полоцком повете. |

Самъ Александръ, бож(е)ю м(и)л(о)стью. |

Биль намъ чолом дворанинь нашъ Юхно Вороничъ и просил в нас двора | и зь люд(ь)ми в Полоцкомъ повете на имѧ Мильковичъ, што кн(а)зъ Иванъ | Трубецькийи держалъ. Ино князь Иванъ, зрадивши насъ, и къ Москве втекъ. | И мы тотъ его дворъ взяли на насъ.

И дали есмо тотъ двор Милькови|чи Юхн8 Воронину и з людьми, и со всемъ с тымъ, какъ кн(а)зъ Иван держал. |

П(и)сан 8 Мел(ь)нику, ѡк(табра) 12 день. Индик[т]ъ 5. |

Прав(ил) мар(шалок) двор(ный), нам(естник) мер(ецкий) | и 8тен(ский) кн(а)з(ь) Мих(аил) Л(ь)вов(ич). || л. 250

## № 456

1501 г. ноября 6. Мельник.

Потвержен(ь)е пан8 Юр(и)ю Ил(ь)инич8 на имен(ь)е |  
Воронцевичи в Др8цку на вечность. |

Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотрит, або чтучи его | вслышит, кому ж того потребъ будет ведати.

Бил намъ чоломъ маршалокъ нашъ, | наместникъ лидский пан Юрии Иванович Ил(ь)инича и поведил перед нами, што ж ѡтец | нашъ, корол(ь), его м(и)л(о)сть, даль ѡтц8 его, пан8 Иван8 Ил(ь)иничу, именне во Др8цку на имѧ | Воронцевичи и данники на Березыне на имѧ Чернеевичи<sup>[1]</sup> а Беличане. А в другомъ | месте иныи

данники на *имѣ* Ел(ь)нанцы а Грѣшчане, што здавна к тому двору | к Воронцевичомъ прислѣхали. И листь на то *отца* нашего, короля, его м(и)л(о)сти, | перед нами вказывал. И теж поведил перед нами, *иже отец* его, панъ Иванъ, вымѣнал землю Воронцевскую другую 8 кн(а)зѣ Дмитрея Пѣтятича на рѣце на Дрѣти. И к томѣ еще кѣпил своими властными п(е)н(а)зѣми земли в тамошних | кн(а)зѣи и бояр в тыи земли Воронцевский. И кѣпли свои подавал слѣгам своимъ. | И билъ намъ чоломъ, абыхмо емѣ на то дали нашъ листь и потвердили быхмо | то емѣ нашимъ листомъ.

Ино мы, 8бачивши его верную службу к нам, з ласки | наше то есмо вчинили и тое именье во Друцку на *имѣ* Воронцевичи и тыи | земли на Дрѣти, што отец его вымѣнал и покѣпил, потвержаем сим нашимъ<sup>1</sup> | листом вечно и непорѣшно емѣ самомѣ, и его жоне и их детем, и на потом | будѣчим ихъ счадомъ, съ (с)лѣгами, и з людѣми тяглыми и з данньными, | и з землями пашными и бортными, и з лесы, и з дѣбровами, и з борми, и з гаи, | и съ хворосты, и з сеножат(ь)ми, и зъ болоты, и з ловы, и з ловищи зверинными и пталшими, и з бобровыми гоны, и съ озеры, и з реками, и з речками, и съ криницами, | и съ ставы, и съ ставищи, и з рыбники, и з рыбными вловки, и з млыны, и з ихъ вымелками, и з данью медовою и грошовою, и со всеми вжитки, и платы, и подат(ь)ми, и доходы, и со всимъ по томѣ, такъ широко, и долго, и окрѣгло, какъ | тое имен(ь)е отец его, панъ Иванъ, держалъ и какъ сѣ теж здавна въ границах | сѣ своих мает. Воленъ он то *отдати*, и продати, и заменить, и прибавити, || л. 250 об. и розъширити, и къ своемѣ лепшомѣ и вжиточномѣ обернути, как сам налѣпеи розѣмеючи.

А на твердость того и печат(ь) нашу казали есмо привеcити.

П(и)сан 8 Мел(ь)нику, в лет(о) 7009-е, м(е)с(а)ца ноябр(а) 6 день. | Индик[т]ъ 5. |

При т(ом) были пан вил(енский), нам(естник) город(енский) | кн[а]з(ь) Алек(сандр) Юр(ьевич) а воев(ода) троц(кий), мар(шалок) | зем(ский) пан Ідн Юр(ь)е(вич). |

*Примечание.* <sup>1</sup>Исправлено, в рукописи нишимъ

#### № 457

[1502 г.] января 5. Краков.

Привилеі князю Михаілѣ Козечичѣ | на две дворища  
8 Мокрецы Бобровниковъских. |

Алексъандръ, бож(е)ю м(и)л(о)стью корол(ь). |

Наместнику володимерскому кн(а)зю Юр(ию) Ивановичу.

Бил намъ чоломъ | княз(ь) Михаило Ѳедорович Козечича, што перво сего дали есмо ему | пят(ь) дворищъ 8 Володимерскомъ повете на *имѣ* Беликовское, а Ходоуровское, а Кошелевское Дегтеревское<sup>1</sup>, Михновское, а Корчмишское 8 Мокреци, чотыри з люд(ь)ми, а пятое пѣстое. И тыми разы просил 8 насъ | к томѣ двѣ дворищъ з люд(ь)ми тамъ жо 8 Мокреци на *имѣ* Бобровников, | Василя, а Игната, а Ивана и з брат(ь)ею их и з ихъ службами. И бил нам чоломъ, | абыхмо емѣ тыи две дворищи дали.

И мы емѣ тыи две дворищи 8 Мокреци Бобровниковъ Василя, а Игната, а Ивана и зъ братьею ихъ и з | ихъ слѣжбами дали со всимъ по томѣ, какъ они намъ слѣжили. И ты | бы емѣ в то 8везанье даль.

П(и)сан 8 Кракове, ген(вара) 5 день. | Индик[т]ъ 5. |

Прав(ил) мар(шалок) двор(нии), нам(естник) мер(ецкий) | и 8т(енский) кн[А]з(ь)  
Мих(аил) Львович. || л. 251

*Примечание.* <sup>1</sup>Буквы гт написаны по смытому тексту

## № 458

1502 г. января 6. Краков.

Привилеі пан8 Юр(и)ю Ёдк8бович8 на п ам(ь) | земель  
8 Волковыискомъ повете вечност(ь)ю. |

Александръ, бож(е)ю м(и)л(о)стью корол(ь). |

Чинимъ знаменито симъ нашим листом, хто на него посмотрит, або чтучи | его  
8слышит, кому ж того потребъ б8детъ ведати.

Бил намъ чолом | пан Юреи Ёдубовичъ и просил в насъ пати земель 8  
Волковыискомъ повете | на имя Гостиловицины, а Носовцины, а Правоновцины,  
а Ёвошовцины, | а Бутковцины. И поведил перед нами, што ж перед тымъ с тыхъ  
земль | бывало п ам(ь) сл8жобъ, а тыми разы п8сты лежат, а отчичы сышли | прочь,  
ходячи по людем, корьмять са.

Ино мы тьи земли 8 Волковыискомъ повете на имя Гостиловицину, а Носовцину,  
а Правоновцину, а Савошовцин8, а Бутковцину ем8 дали. А естли тьи люди,  
отчичы тых | земель, 8схотать до него приити, и они с тыхъ своихъ отчинъ мают |  
ем8 сл8жити.

И потвержаемъ тую пать земель сл8жебъ симъ | нашимъ листомъ вечно и  
непор8шно ем8 самом8, и его жоне, и ихъ | детемъ, и на потомъ буд8чимъ их счадкомъ  
со всимъ с тымъ, ничего | на насъ не оставляючи, какъ тьи земли здавна в себе  
мают. Волен | он то отдати, и продати, и заменити, и прибавити, и розъширити, | и  
къ своем8 лепшом8 и вжиточном8 обернути, какъ самъ налепеи | роз8меючи.

А на твердость того и печать нашу казали есмо привесити к сем8 нашему лист8.

П(и)сан 8 Кракове, в лет(о) 7009-е, | м(е)с(а)ца ген(вара) 6 день. Индик[т]ъ 5. |

Прав(ил) мар(шалок) двор(нии), нам(естник) мер(ецкий) и 8т(енский) | княз(ь)  
Мих(аил) Львович. || л. 251 об.

## № 459

[1502 г.] января 12. Краков.

Аренда корчмы смоленское | Ёнк8 Грицевич8, а Өедор8, |  
а Иван8 Новокрещонымъ. |

Александръ, бож(е)ю м(и)л(о)стью корол(ь) пол(ь)ский, великий княз(ь)  
литовский. |

Наместник8 смоленком8 пану Станислав8 Петровичу и нареченому | владыце  
смоленскому Ил(ь)и, и 8кол(ь)ничимъ смоленскимъ, и казначею | смоленком8  
кн(а)зю Костянтину Крошинком8.

Продали есмо корчму | смоленск8ю мещанину виленскому Ёнку Грицевичу и  
мытником смоленскимъ Өедору а Иван8 Новокрещеным на два годы за чотыриста  
коп | грошей дробное личбы, за грошь по два полугрошки, або по десяти |  
п(е)н(а)зеи. И дла их сказы спустили есмо им с тое жъ с8мы п(е)н(а)зеи. Том8 | Ивану

Новокрешоному по *плат(ь)десят* копь грошеи на год за то, што его | поимали были зь жоною и з дет(ь)ми люди неприателна нашог(о), великог(о) | кн(а)зи московского. И он сам з рукъ неприател(ь)скихъ втекъ, а жона и дети | его тамъ сѣ ѿстали. А тымъ Сѣнкъ а Федоръ такеж спѣстили есмо | по полтрет(ь)ядцати коп грошеи на год за то, што имъ того годъ перекажали жолнери корчомъ сытити.

И какъ сесь Великъ ден(ь) приидеть, и ѿни мают намъ дати *плат(ь)десят* копь грошеи в тую *ж* сумѣ п(е)н(а)зеи. А какъ | полгода выидеть, и они мают нам дати сто копь грошеи. А какъ весь | сполна год выидеть, и они мают намъ дати двесте коп без полтрет(ь)ядцати копь грошеи. А на дрѣгии год по тому *ж* мают намъ дати тую *ж* | сѣму п(е)н(а)зеи. А мают мети мед и пиво в кол(ь)кѣ хотѣт домех. А к томѣ | и вино горелое мают жечи. А хто бы з ыншого города або з места | вино горелое до Смоленска привез, и тот мает ѣздоимом тое вино продати | тьи же корчмитом нашим, а иноѣмъ никому мимо их не мает его продавати, а ни шинковати на розно. А мерѣ им всимъ трем ровнѣ держати. А хто | бы з них хотел мерѣ бол(ь)шую, або мен(ь)шую мети, тот нам заплатит вины || л. 252 наше дванадцат(ь) рѣблевъ грошеи. А рокъ имъ почати тьи корчмы варити | ѿ сем середопосты, што приидеть. А держати имъ тьи корчмы ѿба два | годы сполна до того *ж* року, до середопост(ь)ѣ. А естли, боже того вховаи, | кака<sup>1</sup> бы налога была на тот замокъ нашъ ѿт неприателна нашог(о), а они | того року своего не додержат, ино казати нам то ѿбраховати, кол(ь)ко | они м(е)с(а)цеи и днєвь бѣдѣтъ меды сытили и пива варили, и по тому | маем в них п(е)н(а)зи взѣти. А в тьи два годы иньи ништо там ѣ Смоленску | корчомъ не мает держати. А хто бы хотел иньи в тыхъ корчмахъ кривдѣ делати, або бы хто иншии мимо ихъ корчмы варил, и вы бы | их ѿт таковых ѿт кривдѣ боронили и во всимъ бы есте имъ помочни были, абы в томъ скарбу нашомѣ шкоды не было, а платъ бы | нашъ не понижал сѣ. А и сами бы есте кривдѣ имъ ни в чомъ не чинили, | и не сѣдили бы есте ихъ, а ни рѣдили до тыхъ часовъ, поки они | тьи корчмы бѣдуть держати. А кому до них будетъ которое | дело, ино мы сами, г(о)с(по)д(а)рѣ, маем ихъ ѿ томъ смотрети. Такеж естли | бы того потреба вказывала, которыхъ кн(а)зеи, и панов, и боѣарѣ, | и дворанѣ наших тамъ до Смоленска быхѣмо послали, тымъ | приказѣмъ под виною нашою, по(д) двемасты рубливъ грошеи, абы они сами и слѣги ихъ корчомъ тамъ не деръжали. А пак ли бы хто | таковыи был наиденъ, того ничимъ не маемъ карати, только | тою нашою виною.

П(и)сан ѣ Кракове, ген(вар)а 12 ден(ь). Индик(т) 5. |

При т(ом) был(и) мар(шалок) двор(ный), нам(естник) | мер(ецкии) и ѣт(енскии) кн[а]з(ь) Мих(иал) Л(ь)вов(ич). || л. 252 об.

Примечание. <sup>1</sup>Буква ѣ вписана в строку

№ 460

[1502 г.] января 13. Краков.

Аренда корчмы менское Сѣнкѣ | Грицевичѣ а Иванѣ  
Новокрешономѣ. |

Александръ, бож(е)ю м(и)л(о)стью корол(ь). |

Наместнику менскому кн(а)зю Богдану Ивановичу Жеславскому.

Продали есмо корчмы менскии мещанину виленскомѣ Сѣнку Грицевичу и мытнику смоленскому Ивану Новокрешоному на тры годы по | полторасти копь

грошеи дробное личбы, за грошь по два полугрошилки, або по десати п(е)н(а)зеи. И дла сказы того Ивана Новокрещоного спѣстили есмо емѣ с тое ж сумы п(е)н(а)зеи по пят(ь)десят копь грошеи на кажды | год за то, што его поимали были з жоною и з детьми люди неприа|теля нашего, великого кн(а)зя московского. И он самъ з рукъ неприа|тел(ь)ских втекъ, а жона и дети его тамъ ся остали. И какъ год выидет, | и он(и) мают намъ давати по стѣ копь грошеи. А мают мети мед и пиво | в кол(ь)ку хотят домех, а к томѣ и вино горелое мают жечи. А хто бы | з ыншого города або з места вино горелое до Менска привез, тотъ | маеть ѣздоимомъ тое вино продати тым же корчмитом нашимъ. | А иному никомѣ мимо их не маеть его продавати, а ни шинковати | на розно. А мерѣ имъ двумъ ровну держати. А хто бы з них хотел мерѣ | бол(ь)шую або мен(ь)шую мети, тот намъ заплатит вины наше дванадцат(ь) | рѣблевъ грошеи.

А рокъ им почати тьи корчмы варити ѿ сем середопост(ь)и, | што придет. А держати имъ тьи корчмы вси тры годы сполна | до того жь року, до середопост(ь)и. И ты бы приказал воуту менскому, | и бурмистромъ, и рядцамъ, и всим мещаном, аж бы тых корчомъ им ся поствѣрили, и въ тьи тры годы ниhto бы з них тамъ ѣ Менску корчомъ | не держали. А хто бы хотел в тых корчмахъ кривды им делати, або | бы хто иншии мимо их корчмы варил, и ты бы их ѿт таковых ѿт кривдѣ боронил и во всемъ бы еси им помочон был, абы в том скарбу нашомѣ || .л. 253 шкоды не было, а плат бы нашъ не понижал ся.

А и сам бы еси там ѣ месте | корчомъ своих не мел, а и слугамъ своим не казал корчомъ держати. И кривды | бы еси им ни в чомъ не чинил, ни судил бы еси их а ни радил до тых часов, | поки они тьи корчмы будѣть держати.

А кому до нихъ будет которое | дело, ино мы сами, г(о)с(по)д(а)ръ, маем ихъ ѿ том смотрети. Такежъ естли бы | воит и мещане менский хотели што к тому мовити и в тых корчмахъ | хотели бы плат намъ повышити и их сами держати, и они мают в Ѡнкѣ | а Иванѣ то все заствѣпити, што они нам ѿт того дали, и теж што на то | выложили.

А дла того теж послали есмо там<sup>1</sup> дворенина нашего Ратомского и казали есмо емѣ в тьи корчмы их мощно ѣвезати.

П(и)сан | ѣ Кракове, ген(вара) 13 день. Индик[т]ъ 5. |

*Примечание.* <sup>1</sup>Слово вписано над строкой

№ 461

[1502 г.] января 22. Краков.

Сидорѣ Мененкѣ на два човеки, | Иванца а Сака,  
в Городенском повете | ѣв Ѡзерской волости. |

Александръ, бож(е)ю м(и)л(о)стью корол(ь) пол(ь)ский, великий князь(ь) лит(овский). |

Пану виленскому, наместнику городеньскому кн(а)зю Александру Юр(ь)евичу.

Бил | намъ чоломъ слѣжебникъ кн(а)зю кардиналовъ на имя Сидор Мененка и просил в нас дву ч(о)л(о)в(е)ковъ в Городеньскомъ повете ѣв Ѡзерской волости на имя | Иванца а брата его Сака и з их землю. И поведилъ перед нами, што ж тьи | люди слѣжат намъ двема службами.

Ино мы тьи две службы, два | ч(о)л(о)в(е)ки 8 Городеньскомъ повете у Ґзерьскои волости на *имя* Иванца а Исака и зъ ихъ землями ем8 дали.

И твоа бы м(и)л(о)сть в тьи люди | ем8 8визанье даль.

П(и)сан 8 Кракове, ген(вар.) 22 день. Индик(т) 5. |

Прик(азал) пан вил(енский), стар(оста) город(енский) | кн(а)з(ь) Алексан(др) Юр(ь)евича. || л. 253 об.

## № 462

1502 г. января 22. Краков.

Привилеі князю Александр8 Юр(ь)евич8 | на семь сл8жобъ 8 Городеньскомъ | повете вечностью. |

Александръ, бож(е)ю м(и)л(о)стью корол(ь). |

Чинимъ знаменито сим нашимъ листом, хто на него посмотрит, або чтучи | его 8слышит, кому жъ того потребъ будет ведати.

Биль намъ чоломъ | пан виленьский, староста городенский кн(а)зъ Александро Юр(ь)евичъ и просиль в нас | людеи в Городеньскомъ повете 8 Скидел(ь)скои волости, трехъ чоловековъ | на *имя* Гануса Шаоьрановича, а Ґлекса, а брата его Карпа, а въ Д8бенскои | волости Өедора Деньковича<sup>[1]</sup>, а Данила, а Радивона, а Сидора Комеля. | И поведалъ намъ, што жъ с тых людеи намъ идеть семь служобъ.

Ино мы | з ласки наше за его службу тьи люди ем8, семь сл8жобъ 8 Скидел(ь)скои волости | на *имя* Гануса Шаоьрановича, а Ґлекса, а Карпа, а 8 Д8бенскои волости Өедола Ден(ь)ковича, а Данила, а Радивона, а Сидора Комеля, ем8 дали. И пот1вержаемъ тьи люди симъ нашимъ листомъ вечно и непорушно ем8 | самом8, и его жоне, и детем, и на потомъ буд8чим их счадьком со всеми | землями пашными и бортными, и с сеножатыми, и со всеми входы | и приходы, и со всимъ с тым, што здавна к тым людем прислухаеть, | и какъ они сами своих землях и входовъ в держанью были, и какъ | есмо сами их на себе держали, ничего на насъ не оставляючи. И волен | онъ отдати, и продати, и заменить, и прибавити, и розширити, | к8 своем8 лепьшому и вжиточном8 обернути, какъ самъ налепеи | роз8меючи.

А на твердость того и печать нашу казали есмо привесити к сем8 нашему листу.

П(и)сан 8 Кракове, в лето 7009-е, | м(е)с(а)ца ген(вар.) 22 день. Индик[т]ъ 5. |

Прав(ил) мар(шалок) двор(ный), нам(естник) мер(ецкий) | и 8тен(ский) кн[а]з(ь) Мих(аил) Л[ь]вович. || л. 254

## № 463

[1502 г.] марта 15. Краков.

Писар8 татарском8 Ґбрагим8 Тимир|чич8 на п ат(ь) служобъ в Роготной а на тры | п8стовщины 8 Белицком повете. |

Александръ, бож(е)ю м(и)л(о)стью корол(ь) пол(ь)ский, велик(ий) княз(ь) лит(о)в(ский). |

Подскарбем8 нашему, наместнику белицкому пану Өедку Богдановичу | Хребътовича.

Бил намъ чоломъ писаръ нашъ татарский Ґбрагимъ Темирчичъ и просиль в насъ пати сл8жобъ з людymi 8 Белицкомъ повете в Роготной на *имя* Етовътовичовъ,



а Ечовичовъ, | а Котеви́човъ, а Петька Дедела з *дет(ь)ми*. И поведил передь нами, ижъ ихъ | *всихъ* естъ *подымыа* *о́смь*, а даивали намъ три *диакла*. Тежъ к томъ | просиль в насъ трехъ *пѣстовъщинъ* тамъ же на *имя* *Жвиневщины*, | а *Котилловщины*, а *Шедевщины*. А тыхъ *деи* *пѣстовъщинъ* земли на *со́рокъ* *бочокъ*, а *сеножатеи* на *сорокъ* *возовъ*.

Ино естли будетъ такъ, какъ | *о́нь* *перед* нами поведиль, и мы емъ тую *пять* *слѣжобъ* з *людьми*, | *Естовътовичовъ*, а *Котеви́човъ*, а *Ечовичовъ*, а *Петька Дедела з дет(ь)ми*, и зъ ихъ *землями*, и зъ *диаклы* и тьи три *пѣстовъщины* | *Жвиневщину*, а *Котилловщинъ*, а *Шедевъщинъ* дали. И ты бы емъ | в то *звѣзанье* даль.

П(и)санъ 8 Кракове, *мар(та)* 15 день. | *Индик[т]ъ* 5. |

*Прав(ил)* *мар(шалок)* *двор(ный)*, *нам(естник)* *мер(ецкий)* | и *зтен(ский)* *кн[а]з(ь)* *Мих(аил)* *Львов(ич)*. || л. 254 об.

## № 464

[1502 г.] марта 17. Краков.

Татаромъ *Исакъ* а *Легимъ Бердеикенко|вичом* на *девет(ь)* *слѣжобъ* а тры *земли* | *пѣстовскихъ* 8 *Красносел(ь)ском* *повете*. |

Самъ *Александръ*, *бож(е)ю м(и)л(о)стью* *корол(ь)* *пол(ь)скийи*, *великийи* *княз(ь)* *лит(о)в(скийи)*. |

*Наместникъ* *красносельскомъ* *панъ* *Ивашку* *Зеновѣвичъ*.

*Били* | намъ *чоломъ* *татарове* *наши* на *имя* *Исакъ* а *Легимъ Бердеи|кеньковичи* и просили в насъ *людьми* 8 *Красносельскомъ* *повете* на *имя* | *Петраша Видевича* и зъ *братъею* его, а *Гринна* и его *товаришовъ* | *зв* *Осовъцы*, а *трехъ* *земль* *пѣстовскихъ*. И поведил передь | нами, што жъ с тыхъ *людьми* *идеть* намъ *девятъ* *слѣжебъ*, а ихъ | *всихъ* *дымовъ* *дванадцать*. И *перво* сего за *о́тца* *нашого*, | *корола*, его *м(и)л(о)сти*, *без* *данины* *забралъ* *был* *тьи* *люди*<sup>1</sup> *Андреи* *Меллвидовичъ*. И *о́тець* *нашъ*, *корол(ь)*, его *м(и)л(о)сть*, *тьи* *люди* в него *о́тняли* | и *приверънулъ* къ *Красному* *Селъ*.

Ино естли будетъ такъ, какъ *они* *нам* | *поведили*, и мы *имъ* *тьи* *люди*, *девятъ* *слѣжобъ*, *Петра* и зъ *брат(ь)ею* | а *Гринна* и зъ его *товарищи*, дали и со *всимъ* с *тымъ*, какъ *есмо* ихъ на насъ | *держали*.

И ты бы *обыскаль* *имъ* *тры* *земли* *пѣстовскихъ* и въ *тьи* | *люди* и въ *земли* *пѣстовскийи* *имъ* бы *еси* *звѣзанье* даль. *Нехай* *они* на томъ | *собе* *домьки* *збѣдѣють*, а намъ с того *слѣжать*.

П(и)санъ 8 Кракове, *мар(та)* 17 день. *Индик[т]ъ* 5. |

При *т(ом)* *были* *мар(шалок)* *двор(ный)*, *нам(естник)* *мер(ецкий)* | и *зт(енскийи)* *кн[а]з(ь)* *Мих(аил)* *Л(ь)вов(ич)* а *кон(юшийи)* *двор(ный)*, | *нам(естник)* *жол(удскийи)* *пан* *Мар(тин)*. || л. 255

*Примечание.* <sup>1-1</sup>*Написано по смытуму тексту*

## № 465

[1502 г.] марта 16. Краков.

Татаромъ *Банкъ* а *Адкъ* *Кениковичом* на *о́смь* | *слѣжобъ* а тры *земли* *пѣстовскихъ* | в *Марковъскомъ* *повете*. |

Самъ *Александръ*, *бож(е)ю м(и)л(о)стью* *корол(ь)*. |

*Наместнику* *марковскому* *пану* *Ждану* *Воитковичъ*.

Били нам чоломъ | татарове наши на *имѧ* Банко а *Адко* Кениковичи и просили в насъ | *людеи* в *Марковскомъ* повете ѿсми служебъ а трехъ земель пѣстовскихъ. |

Ино штобы еси обыскалъ *людеи* нашихъ тяглыхъ *диакол(ь)ныхъ* ѿсми слѣжобъ сполна а три земли пѣстовскихъ и имъ еси дал. *Нехай* бы они | на томъ себе домъки справили, а намъ с того служили.

П(и)санъ | 8 Кракове, *мар(та)* 16 день. *Индик[т]ь* 5. |

При *т(ом)* были *мар(шалок)* двор(ный), *нам(естник)* мер(ецкий) | и *стен(ский)* кн[а]з(ь) *Мих(аил)* Львов(ич) а *кон(юшии)* двор(ный), | *нам(естник)* жолуд(ский) пан *Мар(тин)* Хреб(тович). |

№ 466

[1502 г.] марта 16. Краков.

Татаром *Темеш* а *Левкъ* *Кенко|вичом* на ѿсми слѣжобъ а три пѣстовщины в *Новъгородскомъ* повете. |

Самъ *Александръ*, *бож(е)ю м(и)л(о)ст(ь)ю* *корол(ь)* *пол(ь)ский*, *великий* *княз(ь)* *литовский*, | *рѣский*, *княжа* *прѣское*, *жомоитский* и *иныхъ*. |

*Наместник* *новгородском* пан *Петр* *Глебович*.

Били нам *чолом* *та|тгарове* наши *Темеш* а *Левко* *Кенковичи* и просили в насъ ѿсми слѣжобъ | з *люд(ь)ми* в *Новгородском* повете *людеи* нашихъ тяглыхъ *диакол(ь)ныхъ* *осташи|щовъ* на *имѧ* *Каишевичовъ*<sup>[1]</sup>, *чотырех* служобъ, а *8* *Рудковичохъ* трехъ служобъ, | *Стрел(ь)никовичовъ*, *Андреевых* *детей*, а *Самѣликовичовъ*, а *Глезновичъ*, а *службы* *одное* *8* *Говоровичохъ* на *имѧ* *Котеевичъ*. И поведили перед нами, || *а. 255 об.* *ижъ* *всихъ* *тыхъ* *подымъа* *двадцать*. *Теж* к томъ просили в насъ *трох* пѣстовщинъ *Церинского* повета а *дву* пѣстовщинъ в селе на *имѧ* въ *Скорове* а *третее* пѣстовщины *8* *Претеневичохъ* *Сѣпонинщины*, где бы мели себе *домы* | *збѣдовати*.

Ино *естли* *будет* такъ, какъ они *перед* нами поведили, и мы имъ | *тую* *ѿсми* *слѣжобъ* з *люд(ь)ми* *Каишевичовъ* и з ихъ *землями*, и з *даклы* и *тыи* | *три* пѣстовщины, *две* в селе в *Скорове*, а *третую* *8* *Претенавичохъ* | *Сѣпонинщину*, *дали*, где *мают* себе *домы* *будовати*. И ты бы имъ *8* то | *8* *визан(ь)е* *даль*.

П(и)санъ 8 Кракове, *мар(та)* 16 день. *Индик[т]ь* 5. |

При *т(ом)* были *мар(шалок)*, двор(ный) *нам(естник)* мер(ецкий) | и *стен(ский)* кн[а]з(ь) *Мих(аил)* Львов(ич), *конюш(ии)* | двор(ный), *нам(естник)* жолуд(ский) пан *Мар(тин)* Хреб(тович). |

№ 467

[1502 г.] марта 18. Краков.

Татаром *Ивашк* а *Кендавлет* | *Кенкевичом* на ѿсми служобъ *людеи* | а три земли пѣстныхъ *8* *Белицком* повете. |

Самъ *Александръ*, *бож(е)ю м(и)л(о)ст(ь)ю* *корол(ь)*. |

*Подскарбем* *нашом*, *наместник* *белицкому* пан *Федьк* *Хребтович*.

Били нам *чоломъ* *татарове* наши *Ивашко* а *Кендавлетъ* *Кенкевичи* и просили в насъ ѿсми служобъ з *люд(ь)ми* *8* *Белицкомъ* повете | в *Роготной* а *трехъ* земель пѣстовскихъ, где бы мели себе *домы* *збѣдовати*.

Ино штобы еси тамъ в Роготной обыскаль людеи нашихъ | тяглыхъ дякольныхъ осмь слѣжобъ спольна а три земли пѣстовскихъ. Нехаи они на томъ себе домы збѣдѣють, а с того | намъ службу слѣжать.

П(и)санъ 8 Кракове, мар(та) 18 день. | Индик[т]ъ 5. |

При т(ом) были мар(шалок) двор(ный), нам(естник) мер(ецкий) | 8тен(ский) кн[а]з(ь) Мих(аил) Л(ь)вов(ич) а конюш(ии) | двор(ный), нам(естник) жолуд(ский) пан Мар(тин) Хреб(тович). || л. 256

## № 468

1502 г. июня 29. Слоним.

Привилеі панѣ Львѣ Боговитиновичѣ | на сел(ь)цо жеребеи  
один Теликовскіи | в Берестейскомъ повете вечност(ь)ю. |

Во имя божое. Амин(ь).

Ничого не естъ на свете певнейшого человекѣ, оодно смерть<sup>1</sup>, колторѣю ж вси мысли и вчинки света того расплывають с а и въ забытность | отходять, нижли певныи речи выobraженьем писма впоминають с а | и ку памяти приходять. А про то ку векѣ ис тои тое то речи памяти. |

Мы, Александръ, з ласки божеи корол(ь) пол(ь)ский, великий княз(ь) литовский, рѣский, | княжа прѣское, жомойтский и иныхъ.

Чинимъ знаменито сим нашимъ | листом, хто на него посмотриет, або чтѣчи его слышит, нынешним и потом | бѣдѣщим, кому будет потребъ того ведати.

Иж збачивши верную а справедливую, николи не вѣмешканую намъ службѣ и наклады его, писара нашего, наместника кремьнецкого пана Льва Боговитиновича, которою ж с а он | к намъ цнотливе, яко то кѣ панѣ своемѣ дедичномѣ оказал, и хотѣчи | его на потомъ ласкою нашою огорнути и кѣ пришлому часу службы нашою охотнейшого и поспеснейшого вделати, з ласки наше, за его к нам верную службѣ пожаловали есмо его и дали есмо ему сел(ь)цо в Берестейскомъ | повете, жеребеи один, на имя Теликовский Новосел(ь)чане.

А противкѣ | того взяли есмо в него дворець в Радованичах на имя Крѣцовский Жеребеи, который жо держали перво сего жидова берестейскаго на имя Шан(ь) | Бен(ь)ковичъ и з брат(ь)ею своею с Шанем а зъ Ідцкомъ Есковичи. А дла того есмо | тот дворець Крѣцовский взяли в него, што ж многократ панъ Левъ бивал нам | чолом, ижъ люди наши радованичане многии кривѣды ему чинили в землі, в квалтехъ, в грабежахъ и в ыныхъ многихъ речахъ.

И дали есмо тотъ | вышеписаныи жеребеи Телановский Новосельчане зъ землями паиными и бортными, и сеножатями, и бобровыми гоны, и з боры, и з дѣлбровами, и зъ лесы, и з гаи, и з ладыщи, и с хворостники, и з ловы | зверинными и пѣташими, и з ловищи, и зъ полями ораными и неораными, || л. 256 об. и сь озеры, и малыми озерки, и болоты, и з реками, и зъ речками, и с потоки, | и з ихъ зърой, зъ бобровыми гоны, и з зеремланы, и з их прѣдищи, сь ставы, и сь ставищи, и зъ рыбники, и з млыны, и з ихъ вымелками, з даньми | грошовыми, и медовыми, и куничными, и бобровыми, и з мыты, и со всякими иными доходы и поплатками, которым кол(ь)векъ именем могут | названы або менены быти.

А дали есмо емѣ тотъ вышеписаныи жеребеи Теликовский Новосел(ь)чане, и его паней, и ихъ детемъ, и на потомъ | бѣдѣчимъ ихъ счадькомъ, со всимъ правомъ

и паньствомъ на веки велкомъ, ничего не оставляючи на насъ и наши наследьки. Воленъ оны | тотъ вышеписаныи жеребеи продати, ѿдати, заменити, розширити и къ своему вжиточному и лепьшому обернути, какъ сам налепеи розс|меючи.

А при томъ были вел(ь)можныи врожоныи маршалокъ дворь|ныи, наместникъ мерецькии и 8теньскии князь Михаило Львовичъ Глин|скии а марьшалокъ, ѿхъмистръ королевое, ее м(и)л(о)сти, наместникъ | ковеньскии пань Воитехъ Ёдновичъ.

А на твердость того и печать наш8 казали есмо привесити къ сем8 нашом8 лист8. |

П(и)санъ в Слониме, в лето 7010, м(е)с(а)ца июн(ь) | 29 день. Индик[т]ъ 5. |

*Примечание.* <sup>1</sup>Исправлено, в рукописи сметръ

#### № 469

1502 г. июля 26. Новгородок.

Привилеі Михаїл8 Зенов(ь)евич8 | на именьє Ёзерниц8  
вечностью. |

Самъ Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашимъ листомъ, хто на него посмотрит, або | чт8чи его 8слышит, нынешнимъ и потомъ буд8чим, кому того потребъ | будетъ ведати.

Билъ намъ чоломъ бояринъ полоцькии Михаило Зеновьевичъ | ѿ томъ, што жъ понялъ себе жону, рожоную сестричну пана Богданов8 | Милошевича. И которое именьє тыми разы пань Богданъ Милошевичъ || <sup>л. 257</sup> маетъ на имяа Ёзерниц8, тое именьє пану Богдану не естъ дедина, але ѿтчина, | данина ѿтца нашего, короля, его м(и)л(о)сти, его ѿтц8, пану Милош8, противъ его | ѿтчины. И билъ намъ чоломъ, абыхмо по животе пана Богдана Милошевича тое именьє ем8 дали по близькости жоны его.

Ино мы, впамятавши | его ку ѿтц8 нашему, королю, его м(и)л(о)сти, и к намъ верную службу, з особливое | ласки наше тое именьє Ёзерниц8 ем8 дали по животе пана Богданове | Милошевича и по близькости жоны его. А инымъ ближнимъ пана Богдановымъ | и тымъ, которымъ бы онъ хотелъ записати тое именьє в п(е)н(а)зехъ по своємъ животе, в то не надобе вступати ся, бо есмо тое именьє дали | пану Михаїл8 Зеновьевич8 за его к намъ верную службу и тежъ для близькосты жоны его.

И потвержаемъ то симъ нашимъ листомъ вечно на веки велкомъ ему и его жоне и ихъ детемъ и на потомъ буд8чимъ ихъ счадомъ. Нехай | онъ тое вышеписаное именьє Ёзерниц8 по животе пана Богданове держитъ со всеми приселки и з люд(ь)ми того именья и со всеми ихъ землями | пашными и бортными и съ сеножат(ь)ми, з боры, з д8бровами, з лесы, з гаи, | з лады, з ладищи, с хворостники, съ ѿзеры и малыми ѿзерки, з болоты, | з реками, з речками, и с потоки, и зъ ихъ 8зьрой, з бобровыми гоны, зъ зереманы, и зъ ихъ пр8дищи, съ ставы, и с ставищи, з рыбники, з млыны, и зъ | ихъ вымелки, з даньми грошовыми и медовыми, бобровыми и куничными, з мыты и со всякими инымы доходы и поплатьками, которымъ | кол(ь)ве именемъ могутъ названы, або менены быти.

А дали есмо ему тое | именьє вышеписаное Ёзерниц8 ему и его жоне и ихъ детемъ и на потомъ | буд8чимъ ихъ счадомъ со всемъ с тымъ, какъ пань Милошъ и сынъ его пань Богданъ | держали, ничего не оставляючи на насъ и на наши наследьки. И воленъ

ѡн то ѡтдати, | продати, заменити, розъширити, къ своемуѧ житочному и лепъшому обер|нути, какъ самъ налепеи розѧмеючи.

А на твердость того и печат(ь) нашу казали | есмо привесити к сему нашему листѧ.

Пи(и)сан в Новегородку, в <sup>1</sup>лето 7010<sup>1</sup> | м(е)с(а)ца июл(ь) 26<sup>2</sup> день<sup>3</sup>. Индик[т]ь 5<sup>4</sup>. |

З росказанья корола, его | м(и)л(о)сти, Сопега писар писал. |

При т(ом) были кн[а]з(ь) Воит(ех) бис(куп) вилен(ский), конюшии | и подскар(бии) двор(ный), нам(естник) жолуд(ский) п(а)н Мар(тин) Хреб(тович), | писар, нам(естник) бири(танский) п(а)н Ѳед(ько) Григор(ь)евичь. || <sup>л. 257 об.</sup>

*Примечания.* <sup>1-1</sup>Под строкой почерком XIX в. запись sidmtyseye dziesiatego <sup>2</sup>Под строкой почерком XIX в., арабскими цифрами 26 <sup>3</sup>Под строкой почерком XIX в. dnia <sup>4</sup>Под строкой почерком XIX в., арабской цифрой 5

## № 470

1502 г. июля 19. Новгородок.

Потвержен(ь)е князю Иванѧ а князю | Тимоѡею Крошинскимъ  
на именья | их ѡтчинъные. |

Самъ Александрь, бож(е)ю м(и)л(о)стью корол(ь) пол(ь)ский. |

Во имя бож(е)е. Амин(ь).

Чинимъ знаменито симъ нашим листомъ, хто на нег(о) посмотреть, або чтѧчи его ѡслышит, нынешним и потом будѧчимъ, | кому будет потребъ того ведати.

Били намъ чолом дворане наши кн(а)зъ | Иванъ а кн(а)зъ Тимоѡеи Ѳеилиповичи Крошинский ѡ томъ, што *ж* з божего долпѧщанья замокъ нашъ Смоленскъ изгорел, и церковь Пречистое богомате|ри выгорела, и многих кн(а)зеи, и бо|ар, и мещан смоленскихъ скарбы в тои церкви | погорели. И которыи ѡни мели твердости, листы на имен(ь)я свои ѡт|чинныи и дединныи и на выслугѧ ѡтца своего и свою, которыи *ж* именья | отец ихъ и ѡни на нас выслужили, и те*ж* на куплю свою, тыи вси листы | в них в тои же церкви погорели. И били нам чолом, абыхмо имъ на то дали *нам* | листь и потвердили быхмо имъ нашим листом.

Ино мы, ѡбачивши ихъ | верную а справедливую, николи не вмешканую к нам службу, которою жъ | ся ѡни к намъ ѡказали, яко то кѧ пану своемуѧ дедичномѧ, и хотячи | ихъ на потомъ ку пришломѧ часу готовших и ѡхотнейших к службе | нашей заховати, з ласки наше за ихъ к намъ верную службу пожаловали | есмо их, на то дали имъ сесь нашъ лист. И потвержаемъ то симъ нашим листомъ | вечно им, и ихъ жонамъ, и детемъ ихъ, и на потомъ будѧчимъ ихъ счадьком. | Нехаи ѡни тыи имен(ь)я, ѡтчину и дедину свою, и выслугу ѡтца своего | и свою, на имя Тешиновъ, а Сукромну, а Заолел(ь)е, а Мошкову половину ѧ Гнездилове, а половину ѧ Вол(о)сте, а Чернатичи, што кн(а)зи Ѡдоевский держали, | а Бабиничи в Дѡбровенскомъ пѧте, и те*ж* кѧплю на имя Чертицу, а Ѡзарѡво, а Пловучое держат со всеми люд(ь)ми, тыхъ именей даньники, а слободичи, и куничники, и со всеми ихъ землями пашными и бортными, и с сеножат(ь)ми, || <sup>л. 258</sup> и зъ боры, и зъ дѡбровами, и зъ лѡсы, и зъ гаи, и зъ лады, и зъ ладийщи, и съ хворостники, и зъ ловы зверинными и пташими, и зъ ловищи, и съ ѡзеры, | и малыми ѡзерки, и болоты, и зъ реками, и зъ речками, и потоки, и зъ бровыими гоны, и зъ зеремены, и зъ ихъ прѡдищи, и ставы, и ставищи, и зъ рыбники, | и зъ млыны, и зъ ихъ вымелки, и зъ даньми грошовыми, и медовыми, и ку|ничными,

и боровыми, и с посощинами<sup>[1]</sup>, и съ серебщинами, и со всякими | иными поплатки и подат(ь)ми, которымъ кол(ь)ве именовъ могут названы | або менены быти, и со всимъ с тым, што к тымъ именьям здавна прислухало, такъ долго, и широко, и округло, какъ тыи вышеиписаныи | именья исъстародавна 8 своих границах маюу ся, ничого не оставляючи на насъ и на наши наследки. Вольни они то отдати, продати, заменити, розширити, къ своему вжиточному и лепьшому обернути, | какъ сами налепи роззмеючи.

А на твердость того и печат(ь) нашу казали | есмо привесити к сему ношом8 листу. П(и)сан в Новгородку, в лето | 7010, м(е)с(а)ца июл(ь) 19 день. Индик[т]ъ 5. | Справа при Ёдн8шк8 писари в Новгородку, | июля 19 день. Индик[т]ъ 5. |

№ 471

[1502 г.] августа 7. Менск.

Андр8шк8 Павлович8 на двор Красн8ю. |

Самъ Александръ, бож(е)ю м(и)л(о)стью корол(ь) пол(ь)скии. |

Биль намъ чолом Андрушко Павловичъ и просил в насъ двора нашог(о) | Красного и з люд(ь)ми на хлебокормленье.

И мы ему тотъ нашъ | двор Красное и з люд(ь)ми дали на три годы и потом пакъ до наше воли. |

П(и)сан в Менску, август 7 день. Индик[т]ъ 5. || л. 258 об.

№ 472

1502 г. августа 9. Менск.

Потвержен(ь)е мещаном полоцким Иван8 | а Гридку Буцковичом на село во Скоморошичах | на Коровани и на земли на С8ши и на 8хвищи | вечност(ь)ю. |

Самъ Александръ, бож(е)ю м(и)л(о)стью корол(ь). |

Били намъ чоломъ мещане полоцкии на имя Иван а Грид(ь)ко Артемовичи | Буцковича и поведили перед нами, што ж ещо прашур(у) ихъ на имя Өедор(у) Сущову великии князь Витовтъ дал сел(ь)цо в Полоцком повете во Сколморшовичох на Коровани, которого ж села ему Терех Непоротовичъ | поступил ся. И листы на то великого кн(а)зя Витовътовы перед нами вказывали. И теж што тотъ прашур ихъ Өедор Сущовъ отписаль 8 д8ховницы | внук8 своем8, дед8 их Зеновью, след брата своего Сидоров на 8хвищ8, куплеину свою. А жона его отписала ему в тои жо д8ховницы сад сливовыи. И тую | теж они д8ховниц8 праш8ра своего перед нами вказывали. Такжеж што | дед и отец ихъ покупили земли в Полоцком жо повете на С8ши а на 8хвищи къ своему двору Сушинском8 8 брат(ь)и жъ своее на имя 8 Гридка Өедоровича, а в Гриши, а в Прошакъ Степановичовъ С8щовича, а въ Васила | а 8во в Дениса Степановых детеи С8щевича ж. Тежъ землицы покупили | в боар полоцкихъ въ Зеновья Васил(ь)евича а 8 Полуп8таты Ивашка и въ его | брата в Ленида на С8шичи. Такжеж в люди Полоцкого повета на имя в Мелешка Кононовича С8щевича, <sup>1</sup>а 8 Ивановое жоны и 8 ее детеи С8щевича ж, а 8в Оюонаса Хомина сына Селехновича<sup>1</sup> сел(ь)цо на Материне, а въ Ивана Өвдеевича Сущевича, а в Мокеа, и 8 Өксенътеа С8щевичовъ же, а 8 Степанка Домонтов8ского сел(ь)цо на

Жрравне Маревина след8. Теж правомъ изыскал отецъ их | землиц8 под прихожим ч(о)л(о)в(е)ком под Ѳедаем, котор8ю землиц8 ему продал | Гришко Степанович С8щевича, брата своего Борисову част(ь). А поле над | озеромъ над Вапленом под людьми нашими на имѧ под Ёстапком, а под | Дмитромъ, а под Ивановом, а под Гришоном, а под Денисомъ С8щевичи перед | паном Юр(и)емъ Пацевичомъ, какъ от нас Полтескъ держаль. Также к том8 | которыи || <sup>л. 259</sup> сел(ь)ца покупили над Ёстровомъ 8 Прошка Б8цковича и въ его дети, а в Матреѧ, | а в Семена, а 8 Андреѧ Мархиничъ, а в Марка Тивуновича, и въ их жонъ, и въ ихъ | дети обел(ь) вечно. И листы к8пчии на тыи вси сел(ь)ца вышеик8пленныи и теж листы | дозволеныи и судовыи первыхъ наместниковъ полоцкихъ перед нами вказывали.

Ино и перво сего они ѿ том били намъ чолом 8 Кракове, абыхмо им тыи | землицы, к8пленину деда и отца их, потвердили. И мы то имъ были потвердили нашим листомъ. А потом просил насъ под ними того двора ихъ | Сушиньского и тых земель наместникъ кревскийи Кн(а)зъ Сестренец<sup>2</sup>.<sup>[1]</sup>, а поведиль | перед нами, иж бы рекома они тыи земли вси моцно в людеи наших позаграбили и безъ купли и без данины предковъ нашихъ и отца нашего, короля, | его м(и)л(о)сти, и наше. Ино мы на его поведанье то были вчинили, и тотъ | двор ихъ и тыи земли ему были есмо дали. И тыми разы они били нам | чолом, абыхмо их подлугъ тых листовъ в том не рушили и потвердили быхмо | то имъ нашим листомъ на вечност(ь).

И мы, листовъ великого кн(а)зѧ Витовтовых | и тых ихъ листовъ купчихъ и теж листовъ дозволеныхъ и с8довыхъ пер<sup>л</sup>выхъ наместниковъ полоцкихъ выслухавши и огладавши, тотъ двор | ихъ С8шиньскийи и тыи вси земли вышеиписанныи, што дед и отецъ их | покупиль, потверждаемъ симъ нашимъ листомъ вечно и непорушьно | им самимъ, и ихъ жонамъ, и ихъ детемъ, и на потомъ будучимъ их | счадкомъ.

А на твердость того и печать нашу казали есмо приложити к сему нашом8 листу.

П(и)сан в Менску, в лето 7010-е<sup>3</sup> | м(е)с(а)ца август 9 день. Индик[т]ъ 5. || <sup>л. 259 об.</sup>

*Примечания.* <sup>1</sup>–<sup>1</sup>Текст вписан другим почерком на нижнем поле с выносным знаком <sup>2</sup>Слово вписано в строку другим почерком <sup>3</sup>Буква і полусмыта

№ 473

[1502 г.] августа 18. Менск.

Андрею Пряжовском8 на селище Тры|бесы в Житомирскомъ повете. |

Александръ, бож(е)ю м(и)л(о)стью корол(ь) пол(ь)скийи, великийи княз(ь). |

Наместнику житомирскому пану Дмитр8 Александровичу.

Бил намъ | чоломъ земенинь житомирскийи Аньдреи Пряжовскийи и просил в нас | селища пустого в Житомирскомъ повете на имѧ Трибесов. И поведил перед нами, ижъ то замьку нашему не шкодно естъ. А и ты за ним ѿ том | еси до насъ писал, ижъ то такъ ест(ь), какъ он в насъ того просит.

Ино коли так | естъ, какъ ты за нимъ до насъ писал, и мы ем8 тое сел(ь)цо Трыбесы дали | со всьимъ тым, што к тому сел(ь)ц8 слушало, и какъ къ замьку нашему то | держано было. И ты бы ем8 в тое селище 8вязанье даль.

П(и)санъ | в Менску, август 18 день. Индик[т]ъ 5. |

Прав(ил) мар(шалок) двор(ныи), нам(естник) мер(ецкий) | и 8тен(скийи) кн[а]з(ь) Мих(аил) Л(ь)вов(ич). |

## № 474

[1502 г.] августа 16. Менск.

Вол(ь)ность мешаном смоленскимъ | на шест(ь) лет  
от даван(ь)я серебщинъ. |

Александръ, бож(е)ю м(и)л(о)стью корол(ь) пол(ь)скии. |

Били намъ чоломъ староста места Смоленского и вси мешане и пове|дили перед нами, што ж теми разы тое место наше Смоленское | скажоно, и люди вси зыграблены от служебных нашихъ, которые ж там | 8 Смоленску на замк8 нашомъ мешкают. И били нам чолом, абихъмо им дла тое | ихъ сказы на колько год воли дали от серебщины, и от ординъщины, | и от иныхъ наших поплатовъ.

Ино мы дла таковое ихъ сказы на их | чоломъбитъе то вчинили и воли есмо имъ дали на шесть лет, || <sup>л. 260</sup> што жъ имъ в тую шесть летъ не надобе серебщины и ординъщины и иных | нашихъ поплатьковъ намъ давати.

П(и)санъ 8 Меньску, августъ | 16 день. Индик[т]ъ 5. |

При т(ом) был мар(шалок)<sup>1</sup>, ѡх(мистр) кор(олевое), | нам(естник) ков(енский) пан Воит(ех) Ёднов(ич). |

Примечание. <sup>1</sup>Исправлено, в рукописи марх

## № 475

[1502 г.] августа 19. Менск.

Миките Чаплич8 на село Радоховк8 | 8 Ж8ковском повете. |

Самъ Александръ, бож(е)ю м(и)л(о)стью корол(ь). |

Биль намъ чоломъ панъ Микита Чапличъ и просиль в насъ села | з людъми 8 Жуковскомъ повете на имя Радоховъки. А пове|дилъ передъ нами, што жъ то естъ село конюшское и люди того села | перед тымъ стада нашего стерегивали и иную службу конюшскую | сл8живали. И биль намъ чоломъ, абыхъмо ему тое село дали.

Ино | мы на его чоломъбитъе дла его служъбы то есмо вчинили и тое | село Радоховъку з людъми и зъ ихъ землями и со всъимъ с тымъ, | што к тому селу здавъна слушало, ему есмо дали.

П(и)санъ | 8 Менску, август 19 день. Индик[т]ъ 5. |

При т(ом) были мар(шалок), нам(естник) ѡж(ский) и пер(еломский) | кн[а]з(ь) Иван Л(ь)вов(ич) а мар(шалок), нам(естник) | лид(ский) пан Юр(ии) Ил(ь)инич. || <sup>л. 260 об.</sup>

## № 476

[1502 г.] августа 25. Менск.

Вырок межи воеводою троцким паном Ёдном | Юр(ь)евичом а брат(ь)ею его, паны Ёлехновичами, | ѡ дел ровныи в ымен(ь)ах Заберезын(ь)ю, в Кривичах, | в Жесне, въ Ёдстребли, etc., etc. |

Самъ Александръ, бож(е)ю м(и)л(о)стью корол(ь) пол(ь)скии. |

Смотрели есмо того дела с паны радою нашою.

Жаловал намъ воевода троцкии, маршалокъ земъскии пан Ёднъ Юр(ь)евичъ на брат(ь)ю свою, на кухмистра | нашего, наместника ѡлитского и немоноитского, на пана Петра и на его | братью, на пана Станислава а на пана Николаа Алехновичовъ,



рекучи тымъ обычаемъ: «Отцы наши были собе рождана брат(ь)я, ино отца моего, пана Юр(и)я, наперед в животе не стало. А я после отца своего | мал сѧ остал, в кол(ь)ку неделяхъ. А матка моя вдовою сѧ остала. И которыи именья отецъ мой выслужил на великом кн(а)зи Жикгимонте, | Заберезын(ь)е, а Кривичи, а Жесно, в тых именьях Заберезынских, в Кривичох | а в Жесне отецъ ихъ в мене, в малого, сил(ь)но половину взял, а отчину нашу Ёшменѧ и выслѧгу отца своего Ёдстребля одны они держать. А я в том дел(ь)нищы не маю. И на все на то маю листы великого кн(а)зи Жикгимонтовы, што | отецъ моему одномѧ тыи имен(ь)я подавал великии княз(ь) Жикгимонтъ».

И пан | Петръ з брат(ь)ею к томѧ рекли: «Пане воеводу, мы ѿ тых листех и родивши | сѧ ничего не слышали, нижли поведаем то, иж отецъ нашъ с твоим отцомъ | дел мели за великого кн(а)зи Жикгимонта. Твои отецъ свою половинѧ мел до своее | смерти, а нашъ отецъ по тому ж мел свою половинѧ до своее смерти. А по смерти | отца нашего мы тѧю половину свою держимъ ажъ и до сих меств во вполкои. А от отца твоего отецъ нашъ ни которого впоминан(ь)я не мел в тых | именьях а ни листовъ великого кн(а)зи Жикгимонтовых, за доброе памяти | отца г(о)с(по)д(а)ра нашего, корола, его м(и)л(о)сти, не вказываль, а ни твоѧ м(и)л(о)сть николи | того намъ не впоминал за корола, его м(и)л(о)сти, отца г(о)с(по)д(а)ра нашего, а ни листов | есмо Жикгимонтовых от твоее м(и)л(о)сти не слышали, а ни их видали аж до сих || л. <sup>261</sup> меств, нижли искал еси под нами перед королемъ, отцомъ г(о)с(по)д(а)ра нашего, выимька | бабки наше, села на имѧ Воиславуныцвъ. А тыи Воиславуныцы отецъ нашему достали сѧ на делу ко Ёшмене».

И корол(ь), его м(и)л(о)сть, казалъ с obu сторонъ светьки | ставити. И казал его м(и)л(о)сть тыхъ светковъ опытывати пану Мартинѧ | Кгастовътовичѧ а пану Николаю Радивилевичѧ, воеводе виленскому. И в том | сослал сѧ с obu сторонъ на пана воеводѧ.

И мы ѿ томъ до пана воеводы | писали, паматуеть<sup>1</sup> ли тое сведецство, або не паматуеть. И пан воевода | отписал к намъ, рекучи: «Паматую тое, што есмо с приказанья корола, | его м(и)л(о)сти, пытали тых светков, ино тыи светки пановъ Ёлехновичов так | светчили, што ж отцомъ ихъ былъ дел за великого кн(а)зи Жикгимонта, а мы тогды и на томъ делу были».

А потом пан Петръ з братьею положили | листы перед нами пана воеводины троцкого, которыи до них писываль, | визнаваючи тое самъ на себе листы своими, што ж он самъ мель дель | со отцомъ ихъ в Кривичох в землях, и то в листех своихъ пишеть, чога будет | ещо не доделено, хотячи и то с ними поделити.

А далеи положили перед | нами листь сѧдовыи пана Григор(ь)евѧ Ёстиковича а пана Воитехов Ивапшковича, коли посполу с паномъ воеводою искали тое жъ земли Желсненское под кн(а)земъ Александромъ Юр(ь)евичомъ. А искали собе вси за отчину. | И листы собе сѧдовыи с obu сторонъ побрали, пан воевода собе взял, | а пан Петръ з братьею собе в тое ж слово взяли.

И то тежъ пан Петръ | рекъ з брат(ь)ею: «Коли бы то, пане воеводу, ѿдного тебе именье отчина твоѧ, | чому еси купил ѧ брата нашего старшого, в пана Аньдреѧ, дел(ь)нищ его?»

И мы | казали тыи листы великого кн(а)зи Жикгимонтовы перед нами чести, и лист | пана воеводы виленского, сведецство его и самого пана воеводы троцкого | листы и тот судовыи лист, што пан Григореи с паномъ Воитехом судил. И выслушавши есмо тых всих листовъ, и розмовляли есмо ѿ том широко с паны радюю нашою.

И видело се нам и паномъ раде нашои, коли тыи листы Жикгимонтовы так долго вмешкали за *отца* нашего, славное памяти и не впомянаны и в право не *з*ведены, и теж пан воевода виленский листом своимъ | светчить, ижъ панов *С*улехновичовъ светки светчили, што *ж* *отцомъ* ихъ | был дел за Жикгимонта, а и сам панъ воевода сознаваетъ своими листы, || <sup>л. 261 об.</sup> которые писал до пана Петра, што *ж* имъ есть половина *8* Кривичох и в Желсне, и теж правомъ зыскивал посполу тых жесненскихъ земель, пана Петра | есмо з *брат(ь)ею* в том *о*правили и старого делу им не рушали. В тых именьях | в Кривичох а въ Жесне во всем есмо половину присудили пану Петру з *брат(ь)ею* вечно, самимъ им, и их жонамъ, и их детемъ, и их ближнимъ и потомъ | буд<sup>8</sup>чим их счадкомъ. А панъ воевода теж свою половиц<sup>8</sup> в Кривичох и в Желсне мает мети, какъ и *отец* его мел. А што с<sup>я</sup> тычетъ *С*ушмены и Вои<sup>л</sup>славунъцовъ и выслуги *отца* их *И*дстребля, в то с<sup>я</sup> ему не надобе вступовати.

Такеж жаловали намъ панъ Петръ и з *брат(ь)ею* на пана воеводу *ж*, што *ж* | онъ впросил в нас привилеи *потверженыи* на листы великого кн(а)зя Жикгимонтовы на Кривичи и на Жесно *о*дному себе: «А в тых Кривичох и в Жесне панъ | воевода держитъ половину людеи, а мы друг<sup>8</sup>ю половину людеи держимъ», | а онъ себе то *потвердилъ* нашимъ привильемъ.

И мы тому с паны радою | нашою пороз<sup>8</sup>мевши, што *ж* было пан<sup>8</sup> воеводе свое *потвержати*, а п(а)на | Петровы и его братьи половины не потреба было ему *потвержати*, | и вчинили есмо так. *Иж* тот нашъ привилеи, которые есмо пану воеводе дали, | не мает быти пану Петру и его братьи на заваде. Мает панъ Петръ | и з *брат(ь)ею* своею половиц<sup>8</sup> в Кривичох и в Жесни людеи и земли держати, | а пану воеводе и его детем, и их ближним, и потомъ буд<sup>8</sup>чим их счадкомъ | тое их половицы в Кривичох и в Жесне под паномъ Петромъ и под его | *брат(ь)ею*, и под ихъ жонами, и под ихъ детьми, и под ихъ ближними, и потомъ буд<sup>8</sup>щим их счадками тымъ привильемъ нашимъ и тыми листы великого кн(а)зя Жикгимонтовыми правомъ не потреба зыскивати. А где | будетъ панъ воевода и с<sup>ь</sup> *отцомъ* пана кухмистровымъ в Кривичохъ | и в Жесне земель не доделили, то они тепер(е) маютъ себе наполю поделити. |

А на твердость всихъ тых речеи и лист нашъ судовыхъ дали есмо пану Петру и его *брат(ь)и* и з нашою печат(ь)ю.

П(и)сан в Менску, август 25 день. | Индик[т]ъ 5. |

При т(ом) были пан(ы) рад(а) наш(а), кн[а.]з(ь) Воит(ех) бис(куп) вил(енский), п(а)н вил(енский), стар(оста) гор(оденский) кн[а.]з(ь) Алек(сандр) | Юр(ьевич), гет(ман), пан троц(кий), стар(оста) жом(оитский) п(а)н Стан(ислав) *И*дн(ович), п(а)н Юр(ий) Пац(евич), мар(шалок) двор(ный), нам(естник) | мер(ецкий) и *8*тен(ский) кн[а.]з(ь) Мих(аил) Львов(ич) Глин(ский) и иныи панове рада. || <sup>л. 262</sup>

Примечание. <sup>1</sup>Буквы *уе* полусмыты, буквы *ть* написаны по смытому тексту

Левши на село Телатичи<sup>1</sup> в Берестейскомъ повете. |

Самъ Александръ, бож(е)ю м(и)л(о)стью корол(ь). |

Биль намъ чоломъ дворянинъ нашъ Левша и просил (в) насъ села нашего в Берестейскомъ повете з люд(ь)ми на имя Телатичь.

И мы ему тое село | Телатичи и зъ люд(ь)ми дали и со всимъ с тымъ, што к тому селу здавна слѣшает, до тых часовъ, поки отчину его ѿчистимъ ѿт неприятеля | нашего, великого кн(а)зя московскаго.

П(и)сан 8 Менску, сен(т)абра 9 день. | Индик[т]ъ 6. |

Прав(или) кн[а]з(ь) Воит(ех) бис(куп) вил(енский), п(а)н вил(енский), | стар(оста) гор(оденский) кн[а]з(ь) Алек(сандр) Юр(ъевич), воев(ода) троц(кий), | мар(шалок) зем(ский) п(а)н Гдн Юр(ъевич), мар(шалок) двор(ный), нам(естник) мер(ецкий) | и 8тен(ский) кн[а]з(ь) Мих(аил) Львов(ич). |

*Примечание.* <sup>1</sup>Буквы ти исправлены из пи

## № 478

[1502 г. августа 25. Менск.]

А што мовил панъ воевода троцкый с паномъ Петромъ и зъ его брат(ь)лею ѿ дел(ь)ниц8 брата ихъ старшого пана Аньдрееву, которую | к8пил в него, будуть ли которое в томъ межи собою дело мети, | то маеть 8 право 8ведено быти перед г(о)с(по)д(а)ремъ. || *л. 262 об.*

## № 479

[1502 г.] сентября 5. Менск.

Кн(а)зю Васил(ь)ю Дашкович8 на люди | Берестовичане  
Василишское волости. |

Самъ Александръ, бож(е)ю м(и)л(о)стью корол(ь). |

Биль намъ чоломъ кн(а)зъ Василеи Дашковичъ и просил в насъ людеи наших | Василишское волости на имя Берестовичанъ.

И мы ему тьи люди Берестовичане дали з дяклы и со всеми платы и доходы и со всимъ по | тому, какъ на нас, на г(о)с(по)д(а)ра, держаны были, до наше воли.

П(и)сан 8 Менску, | сен(т)абра 5 день. Индик[т]ъ 6. |

Прав(ил) мар(шалок) двор(ный), нам(естник) мер(ецкий) | и 8тен(ский) кн[а]з(ь) Мих(аил) Л[ь]вов(ич). |

## № 480

1502 г. сентября 9. Менск.

Потвержен(ь)е кн(а)зю Тимоѳею Кап8сте на дворец Ротоловк8  
а на десет(ь) | сл8жобъ людеи. |

Самъ Александръ, бож(е)ю м(и)л(о)стью корол(ь). |

Чинимъ знаменито симъ нашим листом, хто на него посмотрит, або | чт8чи его 8слышит, кому будет потребъ того ведати.

Бил намъ | чолом дворенин нашъ кн(а)зъ Тимоѳеи Кап8ста, што есмо дали ем8 | дворецъ з люд(ь)ми 8 Веленскомъ повете на имя Ротоловку, што держал | пан Мордас и сынъ его Стас. Тежъ есмо придали ему к тому дворц8 десят(ь) служобъ з люд(ь)ми Веленское ж волости. И бил намъ чоломъ, | абымо тотъ дворец Ротоловку з люд(ь)ми подтвердили ему нашимъ | листомъ на вечность.

И мы, вбачивши его службу к намъ верную, | и з ласки наше то есмо вчинили и тот дворец Ротоловку и тьи люди десят(ь) служобъ подтверждаемъ сим нашим

листом вечно и непорушно емѸ самому, и его жоне, и их детем, и на потом будѸчим их || *л. 263* счадомъ з люд(ь)ми и с тыми слѸжбама, што есмо ему к томѸ дворцу придали, | и з землями пашными и бортными, и з лесеы, и з дѸбровами, и з гаи, и зь болоты, | и з сеножат(ь)ми, и зь реками, и з речками, и с ставы, и сь ставиши, и з млыны, и з | бобровыми гоны, и з озеры, и з ловы, и зь ловиши, и со всеми платы и доходы, и со всимъ по томѸ, што здавна к томѸ дворцѸ прислѸхало и как | его пан Мордась и сын его Стас держал.

А на твердость того и печат(ь) н(а)шу | казали есмо привесити к сему нашомѸ листѸ.

П(и)сан в Менску, в лето | 7011, м(е)с(а)ца сен(табра) 9 день. Индик[т]ь 6. |

Прав(или) мар(шалок) двор(ный), нам(естник) мер(ецкий) и 8т(енский) | кн[а]з(ь) Мих(аил) Л(ь)вов(ич), мар(шалок), нам(естник) лид(ский) | п(а)н Юр(ий) Ил(ьнич), мар(шалок), нам(естник) вол(ковыиский) п(а)н Воит(ех) Куч(укович). |

№ 481

[1502 г.] октября 14. Вильна.

Потвержен(ь)е ключнику троцкомѸ ВеличкѸ | купли его  
некоторых земель при месте Троцком. |

Александръ, бож(е)ю м(и)л(о)стью корол(ь) пол(ь)ский. |

Биль намъ чоломъ ключникъ троцкии Величко и повелит перед нами, | што ж купил землищ в мещанки троцкое, 8 СѸпран(ь)ки СѸанасовое, СѸлехновы дочки, часть брата ее Грицькову на имя АнѸдреевщинѸ обел(ь) вечно. | Такжеж кѸпил землицы на десят(ь) бочокъ въ Скатертное в Ывашковое | Катюжича и в детеи ее вечно ж. И там себе и двор поставил. Теж кѸпилъ | землищ пашную 8 Васка Мордасовича на тридцать бочокъ въ Пламенех, | а поле, едѸчи от Троков, на правои рѸце, а гаю на бочку на Климовскомъ | обел(ь) вечно. Такжеж деи купил землищ пашную в жида троцкого в Мар|хаа ГѸцковича и в невестки его, Ноевое, подле Ивашка Катюжича | а подле АнѸдреевых детеи Мамаевича на тридцат(ь) бочок, а к томѸ гаи | и сеножати, што к той земли прислѸхало за отца нашего, короля, его | м(и)л(о)сти, славное памети, ещо в тот час, какъ есмо жидов зь земли нашее | вон не казали выгнати. И вказал | перед нами на тыи вси земли листы || *л. 263 об.* купчии и бил намъ чоломъ, абыхмо тыи земли, гаи и сеножати подтвердили | емѸ нашимъ листомъ.

И мы тыи земли, купли его, гаи и сеножати, подтверждаемъ симъ нашимъ листомъ вечно и непорушно емѸ самомѸ, и его жоне, и их | детемъ подлугъ купли его и листовъ купчих.

П(и)сан 8 Вил(ь)ни, ок(табра) 14 | день. Индик[т]ь 6. |

№ 482

1502 г. октября 15. Вильна.

Потвержен(ь)е князю Андрею СонкгѸшковичѸ | на двор  
Серники а на приселок Кнегинино | в Луцкомъ повете. |

Самъ Александръ, бож(е)ю м(и)л(о)стью корол(ь) пол(ь)ский. |

Чинимъ знаменито симъ нашимъ листом, хто на него посмотрит, або чтучи его всышит, кому будет потребъ того ведати.

Бил намъ чоломъ наместникъ | кремѣнецкии кн(а)зь Анѣдрей Александровичъ Сонкгушковича, што дали есмо ему | именье двор нашъ з люд(ь)ми в Луцкомъ повете на имѣ Серники<sup>[1]</sup> а приселок | к томѣ дворѣ на имѣ Кн(е)гинино, што спало было на оутца нашего, короля, | его м(и)л(о)сть, по небожику панѣ Сѣлизаре Шиловичи. И бил намъ чолом, абыхмо ему тое именье потвердили нашимъ листом на вечност(ь).

Ино мы з ласки | нашею для его службы то есмо вчинили и тое именье Серники и тот приселокъ Кн(е)гинино потверждаемъ сим нашимъ листомъ вечно и непорушно емѣ | самомѣ, и его жоне, и ихъ детемъ, и на потомъ будѣчимъ ихъ счадомъ, | з люд(ь)ми, и з землями пашными и бортными, и з реками, и з озерами, и з ловы, | и з ловищи зверинными и пташими, и з бобровыми гоны, и з дѣбровами, | з лесы, и з боры, и с сеножат(ь)ми, и съ ставы, и с ставищи, и з млыны, и з ихъ | вымелками, и со всимъ по тому, какъ тое именье здавна в границахъ | ся своихъ мело и какъ его держалъ небожчикъ пан Сѣлизар Шиловичъ, ничого | на насъ не оставляючи. Воленъ онъ тое имень(ь)е оутдати, и продати, | и замѣнити, и по дѣши дати, и къ церкви записати, и къ своему вжиточномѣ || <sup>л. 264</sup> и лепшому обернути, какъ самъ налепи розѣмеючи.

А на твердост(ь) того и печат(ь) нашу казали есмо привесити къ сему нашему листу.

П(и)сан | 8 Вил(ь)ни, в лет(о) 7011 м(е)с(а)ца ок(табра) 15 день. Индик[т]ъ 6. |

При т(ом) были воев(ода) вил(енский), кан(цлер) пан | Мик(олаи) Ради(вилович), мар(шалок), ок(мистр) короле(вое), | нам(естник) ков(енский) пан Вои(тех) Гѣнович. |

## № 483

1502 г. октября 14. Вильна.

Потвержен(ь)е боѣринѣ жомоитскомѣ Пашкѣ | на некоторіе люди и земли въ Велюнскомъ | повете, выслугу и куплю его. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотри, а любо чтучи | его слышит, кому жъ того потребъ будетъ ведати.

Бил намъ чоломъ боѣрин | нашъ, тивунъ юрборьский Пашко, што перво сего дали есмо емѣ<sup>1</sup> 8 Велюнскомъ | повете ч(о)л(о)в(е)ка на имѣ Довнара и з его землею, а землищѣ брата его Петрову | а три ч(о)л(о)в(е)ки на имѣ Воитка Мекштовича а Саркгуса Жвирблевича а Будруса и з ихъ братьею, а къ тому въ Юрборскомъ повете ч(о)л(о)в(е)ка на имѣ Коклшиса з двема сын(а)ми и з ихъ землею. А въ Оиракогле два ч(о)л(о)в(е)ки на имѣ Гѣтюса Юркгелевича а Лелка Домековича. А в Промѣдеве чотыри ч(о)л(о)в(е)ки | на имѣ Нарвида Скюдатовича, а Ризкга, а Рѣпеика Еиниковича и зъ брат(ь)ею, а Довѣпорта Лѣпача. А въ Юрборьку на Митуве ч(о)л(о)в(е)ка на имѣ Анѣша Дикревича и зъ | брат(ь)ею неделеною. И листы наши и гетмана нашего, пана троцкого, старосты | жомоитского пана Станислава Гѣновича на то передъ нами вказывал.

И тежъ | поведалъ намъ, што жъ онъ окупилъ в боѣр нашихъ в Юр(и)ѣ а в Богдана Маствиловичовъ люди нашихъ на имѣ Пиктурна а Нелюба Стерковичовъ и з ихъ землею | ещо при пане Гѣне Кезкгаиловичи, старосте жомоитскомъ. И билъ намъ чолом, | абыхмо емѣ тѣю нашѣ данину и тыи люди, што онъ окупилъ в боѣр н(а)шихъ | вышеписаныи, потвердили нашимъ листомъ.

И мы, впамятавъши | его службу верную къ намъ, з ласки нашею, тѣю нашу данину и што онъ окупилъ || <sup>л. 264 об.</sup> люди нашихъ и зъ братомъ в боѣр нашихъ вышеписаныи люди и зъ ихъ землями, | и съ сеножат(ь)ми, и с службами, и зъ ихъ подат(ь)ми потверждаемъ

симъ нашимъ | листомъ вечно емѣ, и его жоне, и их детем, и ближнимъ их. Воленъ то *он* отдати, | и продати, и заменити, и к своему вжиточному обернути, какъ самъ налелеи роизмеючи.

А на твердость того и печат(ь) нашу казали есмо привесити к селму нашомѣ листу. П(и)сан ѣ Вил(ь)ни, в лет(о) 7011 м(е)с(а)ца охтябрьа | 14 день. Индик[т]ѣ 6. |

*Примечание.* <sup>1</sup>Слово написано по смыслу текста

№ 484

1502 г. декабря 3. Вильна.

Вызволен(ь)е мещан киевских от даван(ь)а стацеи | и подвод послом и гонцом, также привернение | под тежары местские всих людеи шляхетских и дѣховных, | которые се торгом бавать. |

Самъ Александръ, бож(е)ю м(и)л(о)стью. |

Воеводе киевскому кн(а)зю Дмитрею Пѣтиачу и иным воеводамъ | нашим, хто потом от насъ будетъ Киевъ держати.

Били намъ чолом | и жаловали намъ воит места Киевского и вси мещане, што *ж* деи им | тяжкость великаа сѣ деет, *иж* пословъ и гонцовъ наших, и московскихъ, | и волоских, и турецкихъ, и перекопских, и заволских и иных оурдыньских | пословъ и гонцовъ стациею поднимают и подводы под нихъ дают, и конеи и скарбовъ пословыхъ стерегут, и в Орду з нашими послы ходять, | и кони свои под нихъ дают до Оурды и за сѣ до нас, и под воеводиных гонцов | подводы дают. И тежъ деи от тивуновъ киевскихъ великии имъ кривды | и втиски, и драпежства<sup>[1]</sup> деют сѣ. И били намъ чоломъ, абыхмо имъ тые вышписанные пошлины отложили и с тивунскихъ рѣкъ ихъ вынали.

Ино | мы, впамятавши ихъ ку отцѣ нашомѣ, королю, его м(и)л(о)сти, и к намъ верную | службу, и тежъ для такового ихъ великого впадѣ, которыи жо они впадѣ | по тыи лета от поганства татар подняли, пожаловали есмо ихъ | тым. Тыи вси вышписанные пошлины имъ откладаем, и с тивунских | рѣкъ тымъ то листомъ нашимъ выимуемъ вечно. Вжо не надобе имъ нашихъ | пословъ и гонцовъ, и московских, и волоских, и турецкихъ, и перекопскихъ, || <sup>н. 265</sup> и заволскихъ, и иных оурдыньскихъ ни которыхъ пословъ и гонцовъ стациею поднимати, и подводъ под нихъ давати, и конеи и скарбовъ пословыхъ стеречи, | и в Ордѣ з нашими послы ходити, и конеи своихъ под нихъ давати, и под воеводины гонцы подводъ давати, и иными ни которыми речами всякихъ | пословъ не маютъ поднимати. И тежъ тивуну не надобе с нихъ ни которыхъ | пошлинъ брати и сѣдити ихъ, и радити.

Такежъ жаловали намъ, што *ж* | деи тамъ которыи люди в месте нашомъ Киевскомъ мешкают, бискуп(ь)и, митрополич(ь)и, и воеводины, и архимандрич(ь)и, и кн(а)зские, и панские, и земанские, | и милославчане, и инии прихожии люди, и тежъ ремесники, золотари, | и кравцы<sup>[2]</sup>, и кѣшнери<sup>[3]</sup>, и ковали, и шевцы, и виньники, и хлебницы, и перекупники, и рыболове, и инии люди, которыи люди в месте нашомъ | Киевскомъ и по селомъ торгомъ сѣ обыходят, тыи деи вси служобъ местскихъ | с ними посполу не служат, и полатковъ не платят, и счиковщины городовое | не дают, и в поли сторожи не стерегутъ, и мостѣ городового не мостят, и ставка под городомъ не

сыплют, и острогѣ не осторожат. А здавна деи которыи | люди в месте нашом Киевском и по селомъ торгомъ съ обыходят, живали | тые деи вси с ними посполу службы местскіи служивали и поплаты плачивали. И били нам чолом, абыхмо тых всихъ вышеписаныхъ людей за сѧ | к ним привернули в службы и в поплаты местскіи.

Ино сам можешъ розѣмети, | кн(а)же воевода, што жъ им ѿдным, тые службы слѣжачи и поплаты местскіи платечи, тяжкость великаѧ есть. Про то жъ тых всихъ вышеписаныхъ, которыи сѧ торгомъ обыходят, чии кол(ь)ве будут, за сѧ есмо | к ним привернули, с ними ѣ службы и в поплаты местскіе вечно. И ты бы | тымъ всимъ людемъ приказалъ всякыи службы слѣжити и поплаты | местскіи платити. Нехай бы в томъ имъ тяжкости не было.

А естли | бы которыи люди не хотели в томъ имъ помагати, и мы дозволили имъ | таковыхъ грабити.

Тежъ естли бы которыи послы и гонцы, | або иные хто хотели имъ в чомъ кривды чинити, и ты бы | ихъ ѿ таковыхъ и ѿ кривдъ боронилъ и не далъ бы еси никомѣ ни в чомъ месту нашему кривды и шькоды делати, абы дла таковое великое налоги место нашо не розышло сѧ.

П(и)сан ѣ Вильни, в летъ 7011, || <sup>л. 265 об.</sup> м(е)с(а)ца декабря 3 день. Индик[т]ъ 6. |

При т(ом) были кн(а)з(ь) Воит(ех), бис(куп) вил(енский), а воев(ода) вил(енский), кан(цлер) пан Мик(олаи) Ради(вилович), | а воев(ода) троц(кий), мар(шалок) зем(ский) пан Іѧн Юр(ьевич), а воев(ода) киев(ский), кн[а]з(ь) Дмит(рий) Пут(а)тич, | а мар(шалок) двор(ный), нам(естник) мер(ецкий) и ѣт(енский) кн[а]з(ь) Мих(аил) Л(ь)вов(ич) Глин(ский), а мар(шалок), | ѿхми(стр) кор(олево), нам(естник) ковен(ский) пан Воит(ех) Іѧнович, а мар(шалок), | нам(естник) ѿжский и перел(омский) кн[а]з(ь) Иван Л(ь)вов(ич) Глин(ский). |

№ 485

[1503 г.] апреля 4. Вильна.

Кнѧзю Васил(ь)ю Полѣбенскомѣ на село | Полюбичи  
в Берестейскомъ повете. |

Александръ, бож(е)ю м(и)л(ос)т(ь)ю. |

Наместнику берестейскомѣ пану Станиславѣ Михаиловичу Петковича | и инымъ наместникомъ нашимъ, хто и на потомъ ѿт насъ будетъ Берестей | держати.

Билъ намъ чоломъ дворанинъ нашъ, кн(а)з(ь) Василеи Аньдреевичъ | Полубенскіи и просилъ в насъ села в Берестейскомъ повете на имя Полюбичъ. | И повелъ передъ нами, што жъ передъ тымъ здавна с того села дани намъ даивално дванадцать кѣницъ а дванадцать ведер медѣ пресного. А тыми разы | тол(ь)ко с того села дани намъ идетъ сем(ь) куницъ а семь ведер медѣ. А на слѣжбѣ нашѣ ходятъ съ серпомъ и с косою. А и ты, пане Станиславе, самъ передъ нами повелъ, иже то такъ есть, какъ ѿн в насъ просилъ.

Ино коли такъ есть, | и мы з ласки наше, дла его службы на его чоломбит(ь)е то вчинили и тое | село Полюбичи емѣ есмо дали с люд(ь)ми, и з ихъ землями, и с тою данью | медовою и с кѣницами, и зъ ихъ службами, и со всимъ по тому, што к толму селѣ здавна слѣшало, до наше воли.

И ты бы ему в то ѣвязан(ь)е | далъ.

П(и)сан ѣ Вил(ь)ни, апрел(ь) 4 день. Индик[т]ъ 6. |

Прав(ил) мар(шалок) двор(ный), нам(естник) мер(ецкий) | и 8тен(ский) кн[.а]з(ь)  
Мих(аил) Л[.]вов(ич) Глин(ский). || л. 266

№ 486

[1501 г. декабря 12 — 1505 г.]

Списан(ь)е речеи 8 козаков черкасских, отобранных | через  
Сенка Полозовича. |

Г(о)с(по)д(а)рь, его м(и)л(о)сть, на памат(ь) казал записати, што Сенко  
Полозовичь его м(и)л(о)сти речеи дал, | што 8 козаковъ черкасских побрал.

«8 кн(а)з(а) Дмитриевых козаковъ на има 8 Д8шькинича а в Мандрики, а в  
Минки, лицом повымал есми 8 Щ8ровы роты, перекрали | тых купцовъ.

Охматовы речи: шесть шубъ белиньных бр8шщатых<sup>[1]</sup>, а семьи | торлопъ  
бр8чатых жо белиньных, а патеры лис(ь)и ножчатые<sup>[2]</sup> бланы, а шесть | локот(ь) сукна  
цвикол(ь)ского.

Щ8ровы роты казакъ 8мер Митечко, 8после того | козака на мене на город пришли  
8тумерлые речи: двадцать и чотыри | локти с8кна трыцкого черленого, а семнадцать  
каменеи дорогих, а перло | великое, а две п8гвицы золотых, а чотыри жемчужки  
маленьких. | А тыи 8тумерлые речи 8 Митечковы бурсника на има 8 Каленика 8  
казака ж. | 8после Митечка побрал есми на себе на город, какъ же того 8бычаи | есть,  
тыи 8тумерлые речи, хто ближнего не маеть, приходиа т на намелстника черкаского.

Двадцать и чотыри локти сукна роздавал есми слугамъ на 8днарадки<sup>[3]</sup>, а камень  
все и перла дал есми самому г(о)с(по)д(а)ру великому королю 8 р8ки». |

№ 487

[ок. 1503 г.]

Инвенътар двора Бирштанского, | с чым королевои,  
еи м(и)л(о)сти, продано. |

На памат(ь), с чимъ двор Бирштаны королевои, ее м(и)л(о)сти, с8 дал,  
а 8валзывал ее м(и)л(о)сть княз(ь) Василеи Полубенскийи.

Животины дворное | знашол есми коров две с телаты, а чотыри без телат,  
волов десат(ь), | телат лонских<sup>[1]</sup> деватеро, а клач семь, а свинеи шесть, поросать |  
деватеро, 8вец 8семь, а коза, г8сеи 8семь, к8ровъ патеро. 8 свирне делсет(ь) полтевь<sup>[2]</sup>,  
сал трынадцат(ь) а к8ньпеи 8динадцат(ь). Котел пивоварныйи. | А жита чотыри  
стирты великийи а патаи 8колоту, а шостое || л. 266 об. третиная змолочено. А 8вса тры  
спирты великийи. А в клуни гречихи сто8рона, а др8гаи сторона 8вса почата молотити.  
И8чменю стожокъ | а пшеницы стожокъ.

Челади невол(ь)ное сто и 8смеро душъ под | Юрклевою р8кою. 8сочниковъ<sup>[3]</sup>  
двадцат(ь) и чотыри. Под волостнымъ | приставом Петромъ 8смыдесат служобъ.  
Под приставомъ посел(ь)скимъ Мацкомъ девеносто и тры службы. Под Римошом  
сто службъ а п8стовщинъ трыдцать и чотыри. Под Меркусом шестьдесат | и сем(ь)  
сл8жбъ а п8стовщин 8динадцат(ь). Под Талисом сорокъ служобъ а п8стовщинъ  
шесть. Под Можелем сем(ь)десат и пат(ь) служобъ а п8стовщин | девятнадцать. Под  
Тимошем трыдцать и тры службы а п8стовщин | пат(ь). Под свинускимъ приставом  
под Мелкомъ трыдцать и пат(ь) служебъ.



Привилеі местечкѸ ВысокомѸ в Дорогицком | повете на право  
маидеборское. |

Во има бож(е)е стан(ь) сѧ.

Мы, Александръ, бож(е)ю м(и)л(о)стью корол(ь) пол(ь)скии, великии | княз(ь)  
литовскии, рѸскии, княже прѸское, жомоитскии и иныхъ. |

Чиним знаменито тым то нашим листом, хто на него посмо|трит, або чтѸчи его  
Ѹслышит, кому будет потреб того ведати або | слышати, каждому нинешним и на  
потом бѸдѸчим.

Били нам чоломъ | люди наши Дорогицкого повета, мещане висоцкии, и повелили |  
перед нами, што *ж* перво сего отец нашъ, корол(ь), его м(и)л(о)сть, их на воли |  
осадил на цынши<sup>1</sup> и <sup>2</sup>на иных<sup>2</sup> платох. И просили нас, абы|мо ихъ в томъ не рѸшили  
и право немецкое маитбарское им бы|мо дали для полешен(ь)я люди в том месте  
нашом Ѹ Высокомъ. |

Ино мы на их чоломбит(ь)е то вчинили и право немецкое маитбарское | в том  
месте ихъ имъ есмо дали по тому, как и в ышших местех || <sup>л. 267</sup> наших, в Берестьи  
и в Дорогичине, для того, аж бы люди наши оседали и платы | бы наши нам сѧ  
повышали. И воитовъство там Ѹставлаем вечно.

А они мають | намъ тыи платы давати, которыи *ж* перед тымъ даивали, цыншъ зъ  
земли | пашное, которѸю жъ землю к тому здавна мают, с каждое волоки по золотому, |  
а волока десѧтиннаѧ маеть быти. Такжеж мають нам давати с каждое | пѧтки масное,  
по каменю лою<sup>[1]</sup>, а по полѸунта перцѸ. А с пекарев, которыи *ж* | в месте мешкают и  
хлеб перепекають, мают давати в каждыи год по пяти | квартников<sup>[2]</sup>. Теж и плат  
с корчомъ мают нам давати. Такжеж которыи там | мещане торгом сѧ обыходат, тыи  
мают нам давати на год платѸ | по пяти *ж* квартников.

Теж наместники наши дорогицкии и воит *первеи* | того заборонали имъ котлов  
пивных в месте нашомъ мети, и сами котлы | свои мевали. И от того в них себе  
п(е)н(ѧ)зи бирали. Ино мы тыми разы то вы|становлаем и дозволаем имъ каждому,  
хто хочет, тот нехаи котлы себе пив|ные в домех маеть.

Такжеж наместники имъ заборонали воды брати | и ставовъ наших на их потреби.  
И мы и то им дозволаем, воду вол[ь]но | каждому з места сѧ ставовъ наших брати  
и к ихъ потребе.

Теж наместнику дорогицкому не надобе двора своего въ их месте будовати, а  
ихъ | самому не судити, а ни радити, и вин иных, пошлин своих не маеть на них | брати,  
нижли воить и радцы и мещане мают сѧ в томъ месте справовати и радити подлугъ  
того права своего маитбарского по тому, | какъ и по инымъ местом нашим, которыи  
же предкове наши и мы права | маитбарскии подавали. И которыи люди в том месте  
мешкают, тыи | вси мают того их права послушни быти, воит и радцы мают их  
судити | и радити и винныхъ подлугъ их вины и заслуги карати. А наместники | наши  
не мают сѧ в тое их право ни в во што встѸпати.

Такжеж пове|дили перед нами, што *ж* перед тымъ подвод не даивали. Ино коли  
и перво | того подводъ не даивали, и тыми разы не надобе имъ подвод давати. |

А радци в том месте не мают накупныи быти, выменѧа кого они себе | з воитомъ  
оберут. Радцы мают быти там Ѹ них Ѹстановлены. Такжеж | наместники перввыи имъ

были новину *ꙋвели*. И коли деи хто в месте | жону *поимает*, або девка *замуж* идеть, и они *от* того себе в них куницы || <sup>л. 267 об.</sup> бирали. Ино мы и то имь *отложили*. Наместники наши<sup>3</sup> | не маю*т* на нихъ тых куницъ брати.

И то все имь даемъ и подтверждаем | симъ нашим листом вечно и непорѣшно.

А на твердость того и печат(ь) | нашу казали есмо привесити к сему нашему листѣ.

П(и)сан ѣ Вил(ь)ни, в лет(о) | 7011, м(е)с(а)ца ген(вара) 4 день. Индик(т) 6. |

При т(ом) были мар(шалок), нам(естник) ѡж(ский) и перел(омский) кн[а]з(ь) Иван | Л[ь]вов(ич) Глин(ский) и кон(юший) вил(енский), нам(естник) бели(цкий) [и] изблан(ский) | пан Анѣреи Алексанѣ[дрович]. |

Примечания. <sup>1</sup>Далее смыто 6–8 букв <sup>2-2</sup>Написано по смытому тексту <sup>3</sup>Далее в строке зачеркнуто наместники наши

## № 489

[1502 г.] сентября 28. Вильна.

Привилеи панѣ Мартинѣ Хребтовичѣ на село Колчици |  
и тры служѣбы въ Щерсех. |

Самъ Александръ, бож(е)ю м(и)л(о)стью. |

Билъ намъ чолом конюшии нашъ дворныи, наместникъ жолудский пан | Мартинъ Богдановичъ Хребтовича и просил в нас села в Новгородскомъ повете на има Колчичъ, дванадцати служобъ конюховъ наших, | а к томѣ трех дымовъ пшеничниковъ, а в Щерсехъ трехъ служобъ конюховъ тежъ нашихъ на има Жѣковичовъ.

И мы ему тое село Колчици дванадцать слѣжобъ конюховъ и тую три дымы пшеничниковъ и тры службы конюховъ нашихъ ѣ Щерьсохъ Жѣковичовъ | дали.

П(и)санъ ѣ Вил(ь)ни, сен(т)абра) 28 день. Индик[т]ъ 6. |

При т(ом) были мар(шалок) двор(ный), нам(естник) мер(ецкий) | и ѣтен(ский) кн[а]з(ь) Мих(иал) Л[ь]вов(ич) Глин(ский) | и мар(шалок), нам(естник) ѡж(ский) и пер(еломский) кн[а]з(ь) Иван | Львови(ч) Глин(ский). || <sup>л. 268</sup>

## № 490

1503 г. февраля 15. Вильна.

Потвержен(ь)е князю Васил(ь)ю Глинскомѣ | на двор  
в Заболот(ь)и а двадцать и чотыры | чловеки  
въ Василишскомъ повете. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотри*т*, або чтучи | его *ꙋслышит*, кому будетъ потребъ того ведати.

Бил нам чолом подстолюи нашъ, наместникъ василишский княз(ь) Василеи Львовичъ Глинский и поведил | перед нами, <sup>1</sup>што жъ<sup>1</sup> болярин василишский Божан Пѣтятич принал его к себе за сына мечь и записал емѣ имен(ь)е, двор свои *отчинныи* в Заболот(ь)и вечно зъ люд(ь)ми, | и з землями, и со всим по томѣ, какъ отецъ его и он самъ держал. А он маеть им | са ѡпекати, и его ховати до живота его, и службу земскую за него заступовати.

И сам Божан поведил перед нами, ижъ тое именье, двор в Заболотьи, | записал ему, бо, поведил, ижъ тот двор есть третья часть имени его. | А што бы мело быти

выше третее части, и он поведил, иж на то | въ кн(а)зи Васил(ь)я взял тридцать рѣблевъ грошеи на свои потребности. И вказывал перед нами кн(а)зь Василеи и тот запис его.

Такеж дали есмо | емѣ двадцать и чотыри ч(о)л(о)в(е)ки въ Василишском повете люди наших | дякол(ь)ных на имя Заня Моршолдовича, а Мартина, брата его, а Гюлеина, брата ж ихъ, а Федора Ерошевича, а Гриня Кѣркоза, а Конона | Ходоровича, а Федора Ходосовича, а Дробыша Гюриголдовича, | а Семенка з брат(ь)ею, а Попа Михалевича, а Василя Коркоза, а Гюкова | Бурдака, а Ивана Малахеевича и з братьею, а Ходоса Гюнтоновича | и зъ брат(ь)ею, а Гостила Гюнтоновича, а Гриня, а Бердица, а Мальша | Рѣдевича, а Климентя Бологовича, а Захар(ь)я Ковала и брата его, | Ивана Саневич(а), а Гюгапона Легошевича, а Дробыша Евсеевича, а Степана Михаиловича, а Гюцка Кѣзминича, и зъ ихъ землями и сеножат(ь)ми, што они здавна мели.

И бил намъ чолом, абыхмо тое имен(ь)е, | двор въ Заболотыи и тыи люди подтвердили ему нашим листом || л. 268 об. на вечность.

И мы з ласки наше то вчинили и тот двор въ Заболотыи з люд(ь)ми служебными и тяглыми и тыи вси люди верхѣписаныи, нашу | данинѣ, и з ихъ братьею, и з дет(ь)ми кн(а)зю Васил(ь)ю подтверждаемъ симъ | нашим листом вечно и непорушно, ему самому, и его жоне, и ихъ детемъ | и его ближнимъ, и на потом будѣчим ихъ счадкомъ зъ дяклы и с платы, | што они нам даивали, и з землями пашными и бортными, и з сеножат(ь)ми, и з гаи, и с хворосты, и зъ болоты, и з реками, и з речками, и с криницами, и с ставы, и с ставищы, и з млыны, и з ихъ вымелками, и з бобровыми гоны, и з озеры, и з ловы, и з ловищы зверинными и пташими, | и со всеми ихъ платы, и доходы, и подат(ь)ми, ничего на нас не оставляючи, и со | всимъ по тому, какъ здавна тое именье Божаново в границахъ са своихъ | мело и какъ отецъ Божановъ и онъ самъ держаль, какъ тежъ кн(а)зю Васил(ь)ю и в листе своемъ записал. Такеж што тыи люди его наше данины держали, и што к тому здавна слѣшало. Воленъ онъ тое именье | и тыи вси люди верхѣписаныи, нашѣ данину, отдати, и продати, | и къ церкви записати, и заменити, и розширити, и прибавити, и кѣ | своему житочному и лепышому обернути, какъ самъ налепи роздѣляючи.

А на твердость того и печать нашу казали есмо привесити | к сему нашему листѣ.

П(и)сан ѣ Вил(ь)ни, в лет(о) 7011, м(е)с(а)ца фев(рал)а | 15 день. Индик[т]ъ 6. |

При т(ом) были пан троц(кий), стар(оста) жом(оитский) пан | Стан(ислав) Гюнов(ич), мар(шалок) двор(ный), нам(естник) мер(ецкий) и ѣтен(ский) | кн[а]з(ь) Мих(аил) Л[ь]вов(ич), под(чашии), нам(естник) | бел(ьский) пан | Мик(олаи) Мик(олаевич), нам(естник) новго(родский) пан <sup>2</sup>Ол(ьбрахт) Мар(тинович) Кгаи(тольд). || л. 269

Примечания. <sup>1-1</sup>Вписано над строкой <sup>2-2</sup>Написано по смыслу тексту

Потвержен(ь)е Ескѣ Сенютичѣ на две дворища, | Болохово  
а Станково, ѣ Володимерскомъ повете.

Самъ Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотрит, або чтучи его | слышит, кому будетъ потребъ того ведати.

Бил намъ чоломъ городничии | володимерский Еско Сенютичъ и повелит перед нами, што *ж* дали есмо ему | две дворищи з люд(ь)ми 8 Володимерскомъ повете 8 селе 8 Хмелеве на имя Боллохово а Станково со всимъ с тымъ, што здавна к тымъ дворищамъ слѣшало. И бил намъ чоломъ, абыхмо ему тьи дворища потвердили нашимъ | листомъ на вечность.

Ино мы з ласки наше на его чоломъбитье то есмо | вчинили, и тьи две дворищи 8 селе 8 Хмелеве, Боллохово а Станково, потверждаемъ симъ нашимъ листомъ вечно и непорѣшно ему самому, и его жоне, и их детемъ, и его ближнимъ, и на потомъ будѣчимъ ихъ счадомъ | з люд(ь)ми, и зъ землями пашными и бортными, и с сеножатями, и з гаи, и с хворосты, и зъ болоты, и з реками, и зъ речками, и с криницами, и съ ставы | и зъ ставищи, и з млыны, и зъ их вымелками, и со всеми платы, и доходы, и податями, ничего на нас не оставляючи, и со всимъ по тому, какъ здавна тьи | дворища в границахъ са своихъ мели, и што к тому слушало. Воленъ онъ тьи | две дворища отдати, и продати, и заменить, и к церкви записати, и розъширити, и прибавити<sup>1</sup> и ку своему вжиточному и лепшомъ обернути, какъ самъ налепеи роздѣючи.

А на твердость того и печат(ь) нашу казали есмо привесити к сему нашему листу.

П(и)сан 8 Вил(ь)ни, в лет(о) 7011, м(е)с(а)ца | ѳев(рала) 22 день. Индик[т]ъ 6. |

При т(ом) был под(столии), нам(естник) вас(илишский) | кн[а]з(ь) Вас(илии) Л[ь]вови(ч) Глинский. || <sup>л. 269 об.</sup>

*Примечание.* <sup>1</sup>Далее в строке зачеркнуто и заменить, и к церкви записати, и розъширити, | и прибавити

## № 492

1503 г. февраля [28?]. Вильна.

Привилеі пан 8 Станислав 8 Іднович 8 | на шестьдесят слѣжобъ  
Гпошолтунцов | в Жомоити. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотрит, або чтучи его | слышит, кому будет потребъ того ведати.

Бил намъ чоломъ пан троцкий, | староста жомоитский панъ Станиславъ Ідновичъ и просилъ в насъ людеи | нашихъ шестидесят(и) ч(о)л(о)в(е)ковъ служобъ в Жомоитской земли на имя Гпошолтунцовъ, которые *ж* седать близко двора его Ботоковъ. И мы ему | тьи люди Гпошолтунцы шестидесят ч(о)л(о)в(е)ковъ служобъ дали вечно и непорушно, ему самому, и его жоне, и их детемъ, и его ближнимъ, | и на потомъ будѣчимъ ихъ счадомъ, зъ землями пашными и бортными, | и съ сеножатями, и з лесы, и зъ боры, и зъ гаи, и съ хворосты, и зъ болоты, | и зъ реками, и зъ речками, и с криницами, и съ ставы, и съ ставищи, и з млыны, и зъ ихъ вымелками, и зъ бобровыми гоны, и з озеры, и зъ ловы, | и зъ ловищи звериными и пташими, и со всеми ихъ платы, и доходы, | и податями, ничего на насъ не оставляючи, и со всимъ по тому, какъ | здавна тыхъ людеи земли въ границахъ са своихъ мели, и што к тому | слушало. Воленъ онъ тьи люди Гпошолтунцы и земли ихъ отдати, и продати, и заменить, и к церкви записати, и розширити, и прибавити | и ку своему вжиточному и лепшому обернути, какъ самъ налепеи роздѣючи.

А на твердость того и печать нашу казали есми привесити к сему нашему листу.

П[и]сан 8 Вил(ь)ни, в лет(о) 7011, м(е)с(а)ца | ѳев(рала) 29<sup>1</sup> день. Индик[т]ъ 6. |

При т(ом) был мар(шалок) двор(ный), нам(естник) | мер(ецкий) и 8т(енский)  
кн[А]з(ь) Мих(аил) Л[Б]вов(ич) Глин(ский). || л. 270

*Примечание.* <sup>1</sup>Так в рукописи

## № 493

1503 г. марта 5. Вильна.

Потвержен(ь)е Андрею Павловичу на оол(ь)варок Сысоевъ  
8 Городенскомъ повете. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотришь, або | чтѣчи  
его 8слышит, кому будетъ потребъ того ведати.

Биль нам чолом | Аньдреи Павловичъ, што дали есмо ему оол(ь)варокъ 8  
Городенскомъ повете дыака нашего Сысоевъ, которыи жо есмо первеи того  
оол(ь)варокъ | и земли Сысою были жидовскии дали на има Хацковщину а  
Конюковичовъ, а Говашовичовъ Богданов, а Кишлов, а Шломинъ, а Нахимовъ,  
а Мошелевъ, а Козел(ь)ского — всих шести братениковъ, и с тыми землями, и съ  
сеножатями, и з гаи, што тыи жидова в людеи наших были покупили, | вечно. И на тых  
на всих землях собе домъ и оол(ь)варокъ был збудоваль. | Ино того дыака нашего в  
животе не стало, и тот оол(ь)варокъ | его на насъ спал. И мы тотъ оол(ь)варокъ Аньдрею  
дали. И биль нам чоломъ, | абыхмо ему то потвердили нашим листомъ на вечность.

И мы на его | чоломбитые то вчинили, и тотъ оол(ь)варокъ 8 Городенскомъ  
повете | тых жидовъ верхдписаныхъ, што дыакъ нашъ Сысои держал, потверджаемъ  
симъ нашим листомъ вечно и непорушно, ему самому, и его жоне, | и их детемъ, и на  
потом будѣчимъ ихъ счадкомъ зъ землями пашными | и бортными, и зъ сеножатями, и  
зъ гаи, и з хворосты, и з болоты, и з реками, и зъ речками, и с криницами, и съ ставы,  
и съ ставищи, и зъ млыны, | и з ихъ вымелками, и со всеми платы, и доходы, и со  
всим по тому, какъ | здавна земли того оол(ь)варка 8 границах са своих мели, и што  
к томъ | слушало. Волень онъ тотъ оол(ь)варокъ и земли того оол(ь)варька отдати, | и  
продати, и заменити, и розширити, и прибавити, и ку своему вжиточномъ и лепшомъ  
обернути, какъ самъ налелепи роздмеючи.

А на твердост(ь) | того и печат(ь) нашъ казали есмо привесити к семъ нашему  
листу.

П(и)сан | 8 Вил(ь)ни, в лет(о) 7011, м(е)с(а)ца мар(та) 5 день. Индик[т]ъ 6. || л. 270 об.

## № 494

[1503 г.] марта 13. Вильна.

Отпущен(ь)е всим земаном волынским даван(ь)а |  
валовщины до 12 год. |

Самъ Александръ, бож(е)ю м(и)л(о)стью. |

Били намъ чоломъ владыка луцкии Кирило, и вси кн(а)зи, и панове, и земаие |  
Волынское земли и повелили перед нами свою сказъ, што жъ вси имельныа ихъ вечно  
скажоны и собраны от поганьства от татаръ. И первеи | сего имъ были есмо для  
сказы ихъ воловщину<sup>[1]</sup> нашу отпустили на дванадцать летъ, ино вже десять летъ

вышло, они намъ тое воловщины не давали. А дву годовъ еще того року не дошло. И тыми | разы жадали насъ, абыхъмо имъ дла тое ихъ сказы еще к тоlm8 на сколько годовъ тую воловщину отпустили.

Ино мы з ласки | наше на ихъ чоломъбитъе то вчинили и т8ю воловщину наш8, | опрочъ тыхъ дву годовъ, на дванадцать летъ<sup>1</sup> есмо имъ отъп8стили. В т8ю дванадцать летъ<sup>1</sup> и на два годы не | мають они намъ воловщины давати.

И на то есмо имъ дали | сесь нашъ листь.

П(и)сан 8 Вильни, мар(та) 13 день. | Инъдик[т]ъ 6. |

При т(ом) были кн[а]з(ь) Воит(ех) бис(куп) вил(енский), и воев(ода) | вил(енский), кан(цлер) пан Мик(олаи) Ради(вилович), и воев(ода) троц(кий), | мар(шалок) зем(ский) пан Ёдн Юр(ьевич), стар(оста) луц(кий), мар(шалок) | Вольт(нской) зем(ли) кн[а]з(ь) Семен Юр(ьевич), мар(шалок) двор(ный), | нам(естник) мер(ецкий) и 8тен(ский) кн[а]з(ь) Мих(аил) Л[ь]вов(ич) | Глинъский. ||<sup>а. 271</sup>

*Примечание.* <sup>1-1</sup>Вписано с выносным знаком сразу после даты текста

№ 495

1503 г. марта 21. Вильна.

Потвержен(ь)е Михн8 Верищачич8 | на именье Затурцы  
в Луцкомъ повете. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотрит, або чтучи его | 8слышит, кому б8детъ потребъ того ведати.

Бил намъ чолом земанин волыньский Михно Ивановичъ Верещачича и повелит перед нами, што жъ дадько | его отца, его 8первыхъ братъ 8лехно Глебовичъ держал именье в Луцком | повете на има Затурцы, а потомъ 8мер, а жоны и детеи в себе не мель, | хто бы к том8 именью близкий мель быти, выменаа онъ одинъ | к тому близкий есть. И перьво сего просиль насъ, абыхъмо его къ том8 | именью дадка его по близкости доп8стили. А повелит намъ, што ж то ест | ему дедина и отчина. И мы в той речи писали до старосты луцкого, маршалак Волыньское земли, наместника каменецкого кн(а)за Семена Юр(ьевича), абы | с а того доведаль, близкий ли онъ есть к тому именью дадка своего, чиль | не близкий, и о томъ до насъ отписаль.

И кн(а)зь Семень здесе перед нами очевисто повелит, иже в той речи опытываль всихъ кн(а)зеи и пановъ, и земан Волыньское земли. И они перед нимъ повелили, ижъ тое именье дадька его ему есть | дедина и отчина и близкого иного никого к тому нетъ, выменаа он к тому | именью близкий есть.

И тыми разы билъ намъ чоломъ, абыхмо его к тому | именью дадька его по близкости доп8стили, и то быхъмо ему потвердидили нашимъ листомъ на вечность.

Ино мы з ласки наше на его чоломбит(ь)е | подлугъ поведанья кн(а)за Семенова то вчинили, и его к том8 доп8стили, и тое | именье дад(ь)ка его Затурцы, дедину и отчин8 его, потвержаемъ симъ нашимъ | листомъ вечно и непорушно, ем8 самому, и его жоне, и ихъ детемъ, и его ближнимъ, и на потомъ б8д8чимъ ихъ счадкомъ, с людьми, и съ служебными, | и тяглыми, и зъ ихъ цынъши, и зъ землами пашными и бортными, и с сеножатями, и зъ гай, и зъ лесы, и зъ боры, и зъ хворосты, и зъ болоты, и зъ | реками, и зъ речками, и съ криницами, и съ ставы, и съ ставищы, и з млыны ||<sup>а. 271 об.</sup> и зъ ихъ

вымельками, и зъ бобровыми гоны, и зъ озеры, и зъ ловы, и зъ ловищи | звериньными и пташими, и со всимъ по томъ, какъ здавна тое именьє њ границахъ сѧ своихъ мело, и што к тому слушало. Воленъ оный тое именьє верхъписаное, дедину и отчинъ свою, отдати, и продати, и заменить, и къ церквѣ записати, и розъширити, и прибавити, и ку своему вжиточному [и] лепышому обернути, какъ самъ налепеи розъмеючи.

А на твердость того | и печать нашу казали есмо привесити к сему нашему листу.

Пи(и)санъ | њ Вил(ь)ни, в лет(о) 7011, м(е)с(ѧ)ца мар(та) 21 день. Индик[т]ь 6. |

## № 496

[1503 г.] марта 15. Вильна.

Вырокъ межи пани Ёлехновою Малышковича | а брат(ь)ею ее кн(ѧ)зи Петковичи и сестрами ее | ѡ част(и) в ьмен(ь)ахъ матерыстныхъ въ Свиранехъ, | въ Ворнѧне, њ Строѧнои, њ Ёсени, њ Трокиникахъ | и њ Беседахъ. |

Александръ, бож(е)ю м(и)л(о)стью корол(ь). |

Смотрели есмо того дела с паны радою нашою.

Жаловала намъ пани Ёлехноваѧ Малышковича, пани Настасья, на братью свою рожоную, на кн(ѧ)зиѧ | Михаила а на кн(ѧ)зиѧ Анъдреѧ, каноника виленского, а на кн(ѧ)зиѧ Александра | Петъковичовъ, а на сестрѣ своихъ, на панюю Некрашовую Володковича, | панюю Ёдвигу, а на панюю Юр(ь)евую Салогъбовича, панюю Людмилу, | а на маршалковую нашу, на панюю Григор(ь)евую Станковича, панюю Александръ, а на панюю Немировую, панюю Ёвдотью, а на панюю Кезъгаилловую Ёновича, панюю Зоюю, што *ж* они не хотѧт еи, сестре своеи, делъ дати в ьменьяхъ материзныхъ на има њ Свиранехъ, а њ Ворнѧнехъ, а њ Строѧнои, а њ Ёсени, а њ Трокиникахъ, а њ Трокиникахъ же, | а њ Беседахъ.

И ѡ томъ с нею они очевисто перед нами стояли и мовили. Кн(ѧ)зь Михаило, и кн(ѧ)зь Анъдреѧ, и кн(ѧ)зь Александро, и тыи п(а)нии, | сестры ее, ѡтъбывали ее такимъ обычаемъ. Што *ж* matka ихъ, | ѡтхода съ сего света, ѡтписала имъ, сыномъ и дочкамъ своимъ, тыи | именьѧ свои по дельницамъ розделити. А еи, сестре ихъ, паней | Настасьи, не казала в тыхъ своихъ именьяхъ дел(ь)ницы дати, || <sup>л. 272</sup> нижи казала имъ всимъ с тыхъ именеи дати еи сто копъ грошей. И тотъ | тестаментъ матки своее перед ними вказывали.

И мы того тестаментѧ | огледевши, и вразъмели есмо, иже тотъ тестаментъ не раднымъ а ни слушнымъ обычаемъ matka ихъ писала. Имъ, всимъ детемъ своимъ, имень(ь)ѧ | свои ѡтписала розделити по дел(ь)ницамъ, а еи ѡднои, дочце своеи, вины | некоторое не давшы, и в ьменьяхъ своихъ дел(ь)ницы не хотела еи ѡтписати.

И тыи чотыри сестры ее, пани Юр(ь)еваѧ Салогъбовича, а пани | Григор(ь)еваѧ, а пани Некрашоваѧ Володковича, а пани Кгезъкаиловаѧ, | перед нами повелили, иже хотели еи в ьменьяхъ своихъ материзныхъ | дати, але братъ ихъ, кн(ѧ)зь Александро, и сестра ихъ, пани Немироваѧ, не хотели еи дел(ь)ницы в тыхъ именьяхъ своихъ материзныхъ дати. |

И мы того межи ними досмотревши, и тотъ тестаментъ матки ихъ | есмо зламали и то межи ними врадили подле права хрест(ь)аньского. И тыи именьѧ, материзну ихъ, всимъ есмо имъ, тремъ братомъ а шести сестрамъ, присудили по дельницамъ

межи собою | поделити. Ино пани Гѣлехноваа взала в нась на тое дело съ своее рѣки дельчимъ чашника нашего Николаа Мицковича. А они, брат(ь)я | и сестры ее вси, взяли дельчимъ съ своее рѣки наместника сомилишкского пана Николаа Нарѣбутовича. И рокъ есмо тымъ дельчимъ положили, коли мають тамъ выехати, светого Юр(ь)я день<sup>11</sup>, | и тыи именья, материзну ихъ, вси на место змешавши, именья | боар ихъ и людеи боарьскихъ то межи ними поделити и поровна|ти по дельницамъ, какъ ѿдному брату, такъ и дрѣгому. А сестрам | всимъ по тому жъ, дельници таковы, ижъ ровно зъ братьею | мають быти.

П(и)санъ 8 Вильни, мар(та) 15 день. | Индик[т]ь 6. || л. 272 об.

№ 497

1503 г. марта 15. Вильна.

Потвержен(ь)е Немире Хренницкомѣ | на село Крѣпецъ,  
два дворища Ливича | а Храничича | вечностью. |

Александръ, бож(е)ю м(и)л(о)стью. |

Биль намъ чоломъ земенинь волыньскии Немира Богдановичъ Хранниц|кии и поведиль перед нами, што жъ кѣпиль именье ѣ земенина волы|нского ѣ Гѣлехна Ивановича и в жоны его Злыаны и в детеи ихъ, село в Перемил(ь)скомъ повете на има Крупецъ, два дворища Ливича а Ханьчича, ѿтчину ихъ, за сорокъ копъ грошей широкихъ ѿбель вечно, со всимъ с тымъ, | какъ же они сами держали. И привилеи кн(а)зя Швитригаиловъ, которыи | же они в себе мели, ему жъ дали в тотъ часъ, какъ тую свою ѿтчину | емѣ продали, и свои листъ записныи ему на то дали. И тотъ онъ привилеи кн(а)зя Швитригаиловъ и тотъ их листъ записныи перед нами ѣказывал. | И бил намъ чоломъ, абыхмо ему тую куплю его потвердили нашимъ листом | на вечность.

И мы з ласки нашео, на его чоломбитье то вчинили, и тое имен(ь)е | Гѣлехново Ивановича и детеи его на има Крупецъ и тыи два дворища | Ливича а Ханчича, куплю его, подле того листу его купчого потвержаемъ | симъ нашимъ листомъ вечно и непорушно, ему самому, и его | жоне, и ихъ детем, | и на потомъ будѣчимъ ихъ счадомъ, з люд(ь)ми, и зъ землями пашными | и бортными, и со всеми платы, и доходы, и податями, и со всимъ с тымъ, | какъ тое именье и тыи две дворища в границахъ с.а своихъ мели, и ш|то к тому здавна слушало, и какъ тежъ стоитъ выписано ѣ привил(ь)и | кн(а)зя Швитригаилове.

А на твердость того и печать нашу казали | есмо привесити к сему нашему листу.

П(и)санъ 8 Вил(ь)ни, в лет(о) 7011, | м(е)с(а)ца мар(та) 15 день. Индик[т]ь 6. |

При т(ом) был под(часии), нам(естник) бел(ьский) | пан Мик(олаи) Ради(вилович). || л. 273

№ 498

1503 г. марта 29. Вильна.

Потвержен(ь)е Иванѣ Новокрещономѣ | на воитовство менское  
на вечность. |

Самъ Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашимъ листомъ, хто на него посмотри|т, або чтучи его | ѣслышитъ, кому будетъ потребъ того ведати.



Бил намъ чолом мытник | смоленъскіи Иванъ Новокрещеныи, што перво сего дали есмо ему воитовство | менское со всеми тыми платы и доходы, которые *ж* мели быти на воита | з места ити. И тежъ к томѸ придали <sup>1</sup>есмо емѸ<sup>1</sup> воскобоиню и калпницѸ заведати, и на ратуши и съ судовъ третии грошъ брати. А в мелсте Менъскомъ две корчмы вол(ь)ных держати, и платъ ему на себе браѹти.

Ино онъ тыми разы бил намъ чоломъ, абыхмо ему тое воитовство дали | вечно, и то быхъмо ему потвердили нашимъ листомъ.

И мы з ласки нашео | на его чоломъбитье то вчинили и тое воитовство менъское дали есмо | держати и заведати вечно и непорушно, ему самому, и его жоне, и ихъ | детемъ, и его ближнимъ, и на потомъ будѸчимъ их счадомъ со всеми | воитовскими платы и доходы, и с тою воскобоинею, и копницею, и с тымъ | третьимъ грошем, што маеть съ судов на ратуши брати, и з двема | корчмами вол(ь)ными, которые *ж* маеть в месте мети, и з ихъ платомъ. | А естли быхмо право маитбарское в месте Менскомъ зламали, и мы однако | его не маем с того воитовства рушити, и томъ его третии грошъ съ судов | мает ему таки наместник менъскіи выдавати, которые ли коли Менескъ отъ насъ будетъ держати. И тежъ тыхъ всих платовъ его верхуписаных | и доходовъ, которые *ж* есмо емѸ к воитовству придали, не маем в него | отнимати. И волен онъ тое воитовство менское отдати, и продати, и заменити, | и кѸ своемѸ вжиточному и лепшомѸ обернути, как сам налепеи розѸмеючи. |

А на твердост(ь) того и печат(ь) нашѸ казали есмо привесити к сему нашему листѸ. |

П(и)сан Ѹ Вил(ь)ни, в лет(о) 7011, м(е)с(а)ца мар(та) 29 день. Индик[Т]ъ 6. |

Прав(ил) мар(шалок) двор(ныи), нам(естник) мер(ецкий) и Ѹтен(ский) кн[а]з(ь) Мих(аил) Л[ь]вов(ич) Глин(ский). || *л. 273 об.*

*Примечание.* <sup>1-1</sup>Написано по смыслу тексту

## № 499

1503 г. марта 29. Вильна.

ИванѸ НовокрещеномѸ на корчмѸ | менскѸю до живота. |

Александръ, бож(е)ю м(и)л(о)стью. |

Наместнику менъскому кн(а)зю Богдану Ивановичу Жеславъскому и иным | наместникомъ нашимъ, хто и на потомъ отъ насъ будетъ Менъскъ | держати.

Бил намъ чоломъ воит места Менъского Иванъ Новокрещеныи, што перво сего запродали есмо емѸ корчмы менскіи вси на тры | годы, а онъ на кождый годъ мель намъ плату с тыхъ корьчомъ давати | по полтораста копь грошей. И мы емѸ отпѸстили с тыхъ же п(е)н(а)зеи по | патидесат копь грошей на год в тую тры годы за его шкоды, што люди неприатела нашего, великого кн(а)зя московского его были солбрали. И тыми разы онъ бил намъ чоломъ, абыхмо емѸ тьи корчмы | менскіи дали держати до его живота. А онъ намъ плату нашего с тыхъ | корчомъ повышилъ еще над тую полтораста копь грошей, на кождый | год по патидесат копь грошей.

Ино мы з ласки нашео на его чоломъбитье | то вчинили и тьи корчмы в месте Менскомъ вси емѸ есмо дали мети | до его живота. А онъ маеть намъ с тыхъ корчомъ плату давати в кождый | год по двесте копь грошей дробное личбы, за грошъ по два

полугрошки, | або по десѧти п(е)н(а)зеи, ѿт тыхъ часовъ, какъ того первого року трехъ годѡвъ додержавшы.

А маеть мети мед и пиво в кол(ь)ко хотѧ домех. | А к тому и вино горелое маеть жечи. А хто бы с ыншого города | або з места вино горелое до Менска привезъ, тотъ маеть ѡздоимом | тое вино продати ему жъ, а иномѡ никому мимо его не маеть его | продавати а ни шинковати на розно. Теж иномѡ никомѡ в месте | Меньскомъ корчомъ не держати, выменѧѧ ѡн ѡдинъ корчмы свои | маеть мети. А ѡдѧна корчма капланьскаѧ маеть в месте | быти, которѧѧ жъ передъ тымъ бывала.

А хъто бы хотель || л. 274 в тыхъ его корчмахъ кривдѡ ему делати, або бы иншии хто мимо его корчмы | вариль, и ты бы его ѿт кривдѡ борониль и во всемъ бы еси емѡ помочонъ | быть, абы в томъ намъ и скарбу нашомѡ шкоды не было а платъ бы наш | не понижал. А самъ бы еси тамъ, ѡ месте, корчомъ своихъ не мель, а и слугамъ | своимъ не казал корчомъ держати. И кривдѡ бы еси емѡ ни въ чомъ не | чиниль. А хотѧ бы которыи кн(а)зи, и панове, и боѧре, и дворане наши, | и мещане листы наши тыми разы на корчмы вол(ь)ныи мели, и ты бы | листы в нихъ ѡтнималь и корчомъ имъ не казалъ держати. Такежъ естли | быхмо и на потомъ кому, запаметавши того, и корчму вол(ь)ную дали, | ино тыи нихто тамъ, ѡ месте Меньскомъ, корчомъ своихъ не мають мети, | нижли только ѡдно его корчмы тамъ мають быти.

А на твердост(ь) | того и печат(ь) нашѡ казали есмо приложити к сему нашему листу. |

П(и)сан ѡ Вил(ь)ни, в лет(о) 7011, м(е)с(а)ца мар(та) 29 ден(ь). Индик(т) б. |

## № 500

1503 г. апреля 3. Вильна.

Вырок в справе пана Ёл(ь)брахта Кгаштол(ь)та |  
с п(а)ном Ёдном Радивилом ѡ скарбы по сестре | ег(о),  
за паном Радивилом будѡчои, позосталые. |

Самъ Александръ, бож(е)ю м(и)л(о)стью. |

Смотрели есмо того дела с паны радою нашою.

Стоѧли передъ нами | ѡчевисто ѡ праве. Жаловал намъ наместникъ новгородскии пан Ёл(ь)брахътъ Мартиновичъ Кгаштовтовича на маршалъка нашего, наместника вил(кеи)ского пана Ёдна Миколаевича Радивиловича, што ж сестра | его рожонаѧ была за нимъ, пани Гал(ь)жбета, и будѡчи с ним, ѡмерла, | а детеи плодѡ не мела. И которыи именья и скарбы, перла, камен(ь)е | коштовное, запоницы, серебро, кубки, мисы, шаты<sup>[1]</sup> и золотыи | кгроши широкии в посагѡ еи сѧ были достали<sup>[2]</sup>, того всего шаѡвал панъ Ёл(ь)брахътъ ѡдинадцѧть тисѧчь золотыхъ. И то все || л. 274 об. ѡна записала была мѡжѡ своемѡ, пану Ёдну. И еще над то записала емѡ | третью часть материзны своее, именья, которое ж материзны | ѡна з братомъ своимъ в делу еще не мела. А панъ Ёднъ, муж ее, против | тое еи посагѡ на своихъ именьяхъ еще ничего был не ѡправиль. | И с того ж посагѡ записала тѡю часть на церковъ по дѡши своеи. |

И панъ Ёднъ ѡтбываль пана Ёл(ь)брахта такимъ обычаемъ. Што ж | жона его, сестра пана Ёл(ь)брахтова, ѡтходѧчи того света, тыи вси | именья и часть материзны своее и вси скарбы, которыи жъ | была посагѡ за собою мела, ему, мѡжѡ своемѡ, в тестаменте | ѡтписала вечно.

И пань Сл(ь)брахть тому тестаменту сестры | своее, жоны его, приганил, ижъ она не справне *тот* тестамент | писала. И поведил, што жъ которыи именья отецъ ихъ *ей* отписаль вечно, и он того был *ей* не дозволил, ижъ бы она тыи имен(ь)я | мела кому иному записати або отдати мимо его, брата свое(о), | близкого к тымъ именьям. А она, детеи в себе не маючи, и тыи | именья от него, брата своего, отдалючи, ем, мужу своему, ихъ | записала не подлугъ того, какъ же есть обычаи и правехъ | христианскихъ.

И пань Іанъ не мель противъ тое его речи каким | инакшимъ обычаемъ отпоромъ вчинити и не<sup>1</sup> хотел перед нами | достояти того права и почал се з нимъ отзывать до светог(о) | отца папежа.

Ино того здавна в паньстве нашомъ, Великомъ князстве | Литовскомъ, николи не бывало за предковъ нашихъ, иже бы сѧ хто о земскихъ делехъ и правехъ мель отзывать до отца светого папежа. И не | хотачи есмо того межи ними коротко такъ вчинити, и положили | были рокъ паню Іану за сѧ перед нами с нимъ и праве стати. И онъ | на тотъ рокъ перед нами не стал. И мы дрѣгии рокъ ему были положили. И онъ и на тотъ рокъ перед нами не сталъ. А затымъ над то | еще и третии рокъ ем есмо положили перед нами стати. И онъ | вже перед нами на тотъ рокъ стал и не хотел насъ, г(о)с(по)д(а)ра, и панов рады<sup>2</sup> || л. 275 наше в томъ праве послѣшенъ быти.

И почал сѧ таки с нимъ отзывать | до светого отца папежа. Ино чого не бывало за предковъ нашихъ а ни за | отца нашего, короля, его м(и)л(о)сти, иже бы сѧ хто о земскихъ делехъ и правехъ мел отзывать до отца светого папежа. И того нового обычаю, | што перед тымъ здавна не бывало в панстве нашом, жадною мѣрою не хотели есмо допѣстити. И не тол(ь)ко и Великомъ князстве, але | и в Корѣне Пол(ь)скои есть такии обычаи: коли девка бѣдетъ выдана замужъ | а вмреть, детеи не маючи, тогды тотъ посагъ, которыи будеть за | нею данъ, маеть за сѧ отданъ быти в тотъ же домъ, с которог(о) | дому таа девка будеть выдана.

И мы того досмотревши | подле обычаю и права земьского, и тот тестамент, што сестра ег(о), | жона пана Іанова, не<sup>2</sup> раднымъ а ни слушнымъ обычаемъ писала, | зламали есмо и тыи вси именья, которыи жъ были даны в посагъ | за сестрою его, панею Гал(ь)бетою, паню Сл(ь)брахту есмо присѣдили. | И тотъ весь скарбъ, перла, и камен(ь)е коштовное, запоницы, сребро, кубки, | мисы, шаты, и золотыи, и гроши, на што пань Сл(ь)брахть достагочнымъ а слѣшнымъ доводъ ичинить, казали есмо пану Іану за сѧ то емъ | поотдавати, нижли што она бѣдетъ на церковь по своей дѣши | третью част(ь) записала, в то есмо пану Сл(ь)брахту не казали вступати сѧ.

А и пань Сл(ь)брахть перед нами рекъ то все выдати, што она | будеть на церковь по своей дѣши записала.

И на твердость тыхъ всихъ | речей верхѣписаныхъ и печать нашу казали есмо привесити к семъ | нашому листу.

А при томъ были панове рада княз(ь) Воитехъ | бискупъ виленский, воевода троцкий, маршалокъ земский пань Іань Юр(ь)евичъ, наместникъ смоленский пань Станиславъ Петровичъ, а маршалокъ дворный, наместникъ мерецкий и ѣтенский княз(ь) Михаило Л[ь]вовичъ | Глинский и иныи панове рада.

П(и)санъ и Вил(ь)ни, в лет(о) 7011, | м(е)с(а)ца апрел(ь) 3 день. Индик[т]ъ 6. || л. 275 об.

Примечания. <sup>1</sup>Буква е исправлена из другой <sup>2</sup>В правом нижнем углу наше <sup>3</sup>Слово написано другим почерком

## № 501

[1503 г.] апреля 6. Вильна.

Привилеи панѠ Ѡед(ь)кѠ ІѠнѠшковичѠ, писарѠ, І на земли  
Красносел(ь)ское, плуг Ѡдин, а на став І Кочкаровец с млыном  
вечност(ь)ю. І

Самъ Александръ, бож(е)ю м(и)л(о)стью корол(ь) пол(ь)скии. І

Биль намъ чоломъ писаръ нашъ, наместникъ володимерскии и скер|стомонскии  
панъ Ѡед(ь)ко ІѠнушковичъ и прохаль в насъ земли І пашное Красносел(ь)ское на  
Ѡдинъ плугъ и сеножати нашее, где бы І мель себе Ѡол(ь)варокъ нарадити, и ставу  
нашого красносел(ь)ского І на има Кочкаровъца з млыномъ.

И мы ему земли пашни нашее І Красносел(ь)ское на Ѡдинъ плугъ, и сеножати,  
и тотъ ставъ Кочка|ровецъ со млыномъ дали вечно и непорѠшно емѠ самому, и его І  
жоне, и ихъ детемъ, и его ближнимъ, и на потомъ бѠдѠчимъ І ихъ счадомъ. Воленъ  
Ѡнъ тѠю землю, и ставъ тотъ, и млын, І и сеножать Ѡтдати, и продати, и по дѠши дати,  
и и къ церкви І записати, и къ своемѠ вжиточному и лепшому Ѡберънути, І какъ самъ  
налепеи розѠмеючи.

А на твердость того и печат(ь) І нашѠ казали есмо приложити к сему нашомѠ  
листѠ.

П(и)сан І Ѡ Вил(ь)ни, апрел(ь) 6 день. Индик[т] 6. І

Прав(ил) мар(шалок) двор(ный), нам(естник) мер(ецкии) І и Ѡтен(скии) кн[а]з(ь)  
Мих(аил) Л(ь)вов(ич) Глин(скии). І<sup>л. 276</sup>

## № 502

[1503 г.] апреля 8. Вильна.

ИванѠ КинбаровѠ на село КошѠево І  
Ѡ Смоленскомъ повете. І

Александръ. І

Наместнику смоленскому пану Станиславу ПетровичѠ и инымъ І наместникомъ  
нашимъ, хто и на потомъ Ѡт насъ будетъ Смолен|скъ держати.

Бил намъ чоломъ боаринъ смоленскии Иванъ Кинбар|ровъ и просиль в насъ села  
Ѡ Смоленскомъ повете в ДѠбровенскомъ І пѠти на има Кошуева. А поведиль передъ  
нами, што жъ с того села І идеть намъ только Ѡдна служба таглаа и посощина до  
казни І нашее даивана. А на соборънѠю церковь Пречистое Ѡ Смоленську І дани с него  
первеі того хоживало чотыри пѠды медѠ пресног(о). І А и ты тежъ, пане Станиславе,  
насъ за нимъ Ѡ то жедалъ, абыхмо емѠ тое село дали, и поведиль еси, иже то такъ  
есть, какъ Ѡн І в насъ просиль.

Ино мы з ласки нашее на его чоломъбитъе дла І службы его то вчинили, и тое  
село Кошуево емѠ есмо дали и съ сеножатыми, и с тою данью, што они на церковь  
даивали, и со всим І с тымъ, што к тому селѠ здавна слушало. И ты бы емѠ в тое І село  
Ѡвазанъе даль.

П(и)сан Ѡ Вильни, април(ь) 8 день. І Индик[т]ъ 6. І<sup>л. 276 об.</sup>

## № 503

[1503 г. марта 25 — апреля 7. Вильна.]

Кнзю КостантинѠ КрошинскомѠ | на двор ДѠбно  
въ Городенском повете. |

АлександрѠ, бож(е)ю м(и)л(о)стью. |

ПанѠ виленьскомѠ, старосте городенскому кн(а)зю АлександрѠ Юр(ь)евичѠ | и иным старостам нашимъ, хто и на потомъ *от* насъ будеть Горо|ден(ь) держати.

Бил намъ чоломъ казначеи смоленский кнз(ь) Костан|тинѠ Крошинскийи и поведил перед нами, што *ж* *от*чину его всю и нашѠ данину неприател(ь) нашъ, великий кнз(ь) московскийи забрал и посел. | И не мает с.а, где и з жоною и зь детьми своими поделити. А што есмо | емѠ *первеи* того дали были на хлебокормлен[ь]е дворъ нашъ Волковъиского повета на *има* Побоево, ино онъ поведил намъ, *иж* на том | с.а не маеть на чомъ поживити. И бил намъ чоломъ, абыхмо его | инымъ какимъ хлебокормленьем Ѡсмотрели и пожаловали.

Ино мы | *тот* двор Побоево, што он держал, за с.а на насъ взяли, а ему дали есмо | против того на хлебокормление двор нашъ Городенского повета | на *има* ДѠбно с чела|д(ь)ю невол(ь)ною, и з житомъ, и съ коньми, и з животиною, | и з люд(ь)ми пѠтными и та|глыми, и съ конюхи, и з риболовы, и з землями | пашными и бортными, и зь озеры, и даньми грошовыми и медо|выми, и съ куницами, и зь бобры, со всимъ с тымъ, какъ *тот* дворъ | был на насъ держанъ, до тых часовъ, поки *от*чину его всю Ѡчистимъ | *от* неприатела нашего, великого кн(а)з|а московского. А если бы | на него богъ допѠстил смерть, и нам с того жоны и детеи его не рушити | до тых жо часов, поки *от*чину их Ѡчистим.

И ѡвзати его в *тот* двор | и в люди послали есмо дворенина нашего Ивашка Кулика. И твоа | бы м(и)л(о)сть емѠ того с.а двора ДѠбна постѠпил и вже с.а в *тот* | двор и в люди не вступаль. ||<sup>а. 277</sup>

## № 504

[1503 г.] апреля 7. Вильна.

## ИванѠ ПлюсковѠ на двор ЛепѠники | Перевал(ь)ского повета. |

АлександрѠ, бож(е)ю м(и)л(о)стью. |

Наместнику перевал(ь)скомѠ Гриньку Ходкевичу и инымъ наместникомъ нашимъ, хто и на потомъ *от* насъ бѠдеть Перевалку держати.

Биль намъ чоломъ конюшийи смоленскийи ИванѠ Ѡе|дорович | Плюскова и поведиль передъ нами, што *от*чинѠ его всю и нашѠ | данину неприателъ нашъ, великий кн(а)з(ь) московскийи забралъ и по|селъ. И не маеть с.а, где з жоною своею подети. И биль намъ чо|ломъ, абыхмо его какимъ хлебокормленьемъ Ѡсмотрели | и пожаловали.

Ино мы дали емѠ на хлебокормление дворъ нашъ | Перевальского повета на *има* ЛепѠники с чела|дью невол(ь)ною, и з жи|томъ, и съ кон(ь)ми, и зь животиною, и зь люд(ь)ми пѠтными и та|глыми, и с конюхи, и зь риболовы, и зь землями пашными и бортными, | и зь озеры, и зь даньми грошовыми и медо|выми, и со всимъ с тым, | какъ же тотъ дворъ былъ на насъ держанъ, до тыхъ часов, поки | *от*чинѠ его всю<sup>1</sup> Ѡчистимъ *от* неприатела нашего, великого кн(а)з|а мо|сковского. А если бы на

него богъ допѣстил смерть, и нам с тог(о) | жоны и детеи его не рѣшити до тыхъ часовъ, поки ѿтчину | их ѿчистим.

А ѕвязати его в тот двор и в люди послали есмо дво|ранина нашего<sup>2</sup>. И ты бы емѣ того двора | Лепѣжникъ сѧ поступил и вже бы сѧ еси в тот двор и в люди не въ|ступал.

П(и)сан ѣ Вил(ь)ни, апрел(ь) 7 день. Индик[т]ъ 6. || л. 277 об.

*Примечания.* <sup>1</sup>Слово вписано над строкой другим почерком и чернилами <sup>2</sup>Далее пропуск в 15–17 букв

## № 505

[1503 г.] апреля 7. Вильна.

К назю Иванѣ Глинскомѣ на двор | Побоево  
въ Волковыиском повете. |

Александръ, бож(е)ю м(и)л(о)стью. |

Наместнику вольковыискомѣ пану Воитехѣ Кучѣковичу и инымъ наместникомъ нашимъ, хто и на потомъ ѿт насъ будетъ Волковыескъ держати.

Биль намъ чоломъ кн(а)зь Иванъ Семеновичъ Глинѣ|ского и поведиль передь нами, што жъ ѿтчину его всю неприател(ь) | нашъ, великии князь московскии, забралъ и поселъ. И не маеть сѧ, где | з жоною и зъ детьми своими подети. И биль намъ чоломъ, абыхмо | его какимъ хлебокормленьемъ ѿсмотрели и пожаловали.

Ино мы | дали ему на хлебокормленье двор нашъ Волковыиского повета | на имѧ Побоево, которыи же первеі сего дали были есмо казначею | смоленскомѣ кн(а)зю Костантину Крошинскомѣ со всимъ по томѣ, | какъ кн(а)зь Костантинъ держаль, с челадью невол(ь)ною, и зъ житом, | и с коньми, и зъ животиною, и зъ людьми пѣтными и таглыми, | и сь конюхи, и зъ землями пашными и бортными, и зъ озеры, и з | даньми грошовыми и медовыми, со всимъ с тымъ, какъ же | тотъ двор на насъ был держанъ, до тыхъ часовъ, поки ѿтчинѣ его | ѿчистимъ ѿт неприатела нашего, великого кн(а)зя московского. |

А ѕвязати его в тотъ двор и в люди послали есмо дворенина | нашего<sup>1</sup>.

П(и)сан ѣ Вил(ь)ни, апрел(ь) 7 день. | Индик[т]ъ 6. || л. 278

*Примечание.* <sup>1</sup>Далее оставлено место для 14–16 букв

## № 506

[ок. 1503 г.]

Зарѣка и заказан(ь)е корола, его м(илости), с[т]рокгое | межи  
воеводою троцким и кн(а)зем Михаилом, | маршалкомъ,  
ѿ спокоиное захован(ь)е се. |

Про памѧт(ь) г(о)с(по)д(а)рѣ корол(ь), его м(и)л(о)сть, казаль записати, которыи жъ сѧ | речи стали были промежъ паномъ воеводою троцкимъ и кн(а)зем Михаиломъ, маршалкомъ.

Напервеі сказан(ь)е корола, его м(и)л(о)сти. |

«Слышали есмо речи тыи, которыи межи вами стали сѧ, кото|рыи намъ противны сѣтъ. А ни ихъ хъцемы далеи слѣхати, | але вамъ прикажемъ под закладомъ под десѧт(ь)ма тисѧч зьлотыхъ, | абы есте нашо выреченье мощно держали.

Венць тежъ | тебе, пане воеводо, поведамы. Кгды жъ пришь а мовишь, жесь | того не чинил, цо на т.а Коликъраитар мовиль, ижъ тебе не треба ѡчищат(и) с.а, а ни слова тебе Колитраиторовы шкодят, тако | раде нашои.

И тежъ тебе, Коликраитаръ, поведамы. Кгды жъ | тебе панъ воевода задал чѣжое вины, тебе за то ѡчищат(и) с.а не треба, а ни тебе слова пана воеводы шкодят.

И тежъ тебе, | кнаже маршалкъ, приказѣмы, абы с паномъ воеводою покои | мель и ховал, а естли бы же иначеи вчиниль, тебе без ласки карат(и) | бѣдемы на кгарле.

Тежъ тебе, пане воевода, тако мовимы, | южъ частокротъ а великии розности и розстыржжи тебе | дла насъ приходать. А дла того речи наши пил(ь)ныи посполитыи мѣсили есмо ѡпщати, а твоих невзгод а ростыржжков | слѣхат(и) а сѣдит(и) мѣсили есмы речи тых незгодныхъ перед нами | венцеи не хѣемы слѣхати.

А прето тебе приказѣмъ посполѣ | съ сыми твоими, абы есте во всемъ съ кн(а)земъ маршалкомъ покою мели и ховали. А естли кеды на т.а вслышимъ а запевно с.а || <sup>н. 278 об.</sup> доведамы, ижъ те на кгарле твемъ посполу съ сыми твоими тебе карат(и) | бѣдемы, тежъ безъ ѡвшех велькихъ сѣдовъ. |

И тежъ вамъ, сыномъ пана воеводинымъ, приказѣмъ. Естли некеды ѡтец вашъ хѣцал бы, або злыи ѣмысль мети противу | кн(а)зи маршалку, абы есте его ѡт таковыхъ речи въздержали | и встали, же бы васъ посполу с нимъ на кгарлехъ вашихъ не каралисмы.

А естли жъ бы кн(а)зь маршалокъ противъкъ вам | в чомъ выстѣпил, вамъ немешкану справедливость хѣмы вчинити.

Такежъ и братъи кн(а)зи маршалкоувыи, вамъ приказѣмъ. Естли бы кн(а)зь Михаль злыи ѣмысль | хцал мети противъ пана воеводы, ажъ бысте его ѡт таковыхъ речи ѣздержали и встали, же бы васъ посполу с нимъ | на кгарлехъ не каралисмы». |

## № 507

[ок. 1503 г.]

Потвержен(ь)е Шимковои Наркевича на некоторые | земли въ Е(и)шиском повете, выслугѣ и куплю мѣжа ее. |

Самъ Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашимъ листом, хто не него посмотри, або | чтѣчи его ѣслышит, нынешним и на [по]томъ будѣчимъ, кому будетъ | потребъ того ведати.

Била намъ чоломъ Шимьковаи Наркевича | Барбара з детьми своими ѡ том, што жъ перво сего дали были | есмо<sup>1</sup> дворенину нашомѣ, небожчику мужу ее Шимьку | Наркевичу, землицѣ пѣстовскѣю ѣ Еишискомъ повете, тѣю Стирпѣсъ а братъ его Крестес держали. И повелили перед нами, што жъ | тое боаре и люди наши нивы и сеножати розробляли || <sup>н. 279</sup> безъ данья листовъ нашихъ.

И мы писали ѡ томъ до пана Петра Радивиловича, какъ ѡт насъ Еишишки держаль, абы тую пѣстовщину мужомъ еишискимъ ѡчистиль. И панъ Петръ Родивиловичъ смотрел | мѣжа ее з боары еишишскими, с Наркомъ со Вигаиловичомъ а зъ Серахиломъ Микловичомъ, ѡ третюю часть тое земли. И тѣю землю ему | присѣдил. И на то листъ, першѣю нашу данину, и листъ сѣдовыи | пана Петра Родивиловича передъ нами вказывала.

Тежь | поведила передь нами, што жъ небожьчикъ мужъ ее покупил | землицы 8 людеи нашихъ Еишиского повета, в Наркутѣ и въ его брагтанича в Сиракиица, пола на двадцать бочокъ подле своего | двора, а 8 Петрашка Еленевича пол(ь)цо на бочку. И била намъ | чоломъ, абыхъмо еи на то дали нашъ листь и потвердили быхъмо нашимъ листом на вечность.

И мы з ласки наше на то дали | еи сесь нашъ листь. И потвержаемъ еи то симъ нашимъ листомъ | вечно еи, и ее детемъ, и на потомъ бѣдѣчимъ ее счадомъ. Нехаи | она тѣю пѣстовскую землицѣ держитъ всю сполна подьлуг | первого данья и листѣ нашего, и листу сѣдоваго пана Петрашка Родивиловича. И тежъ тыи землицы и кѣпли мѣжа своего | по тому, какъ мужъ ее купилъ. И вол(ь)на она в тыхъ всихъ вышеписанныхъ землицы отдати, и продати, и росъширити, и заменити, и к своему вжиточномъ и лепшому обернути, какъ сама | налепеи роздмеючи.

А на твердость того казали есмо печат(ь) | нашѣ привесити к сему нашомъ листѣ.

При том месте были | воевода виленский канцлер панъ Миколаи Радивилович, маршалок | панъ Станиславъ Петровичъ, маршалокъ, наместникъ полоцкии | панъ Станиславъ Глебовичъ, подчашии, наместникъ бел(ь)скии панъ | Миколаи Николаевич, маршалокъ, воеводичъ троцкии панъ Іѣнъ | Іѣновичъ. || л. 279 об.

*Примечание.* <sup>1</sup>Далее в строке зачеркнуто были

## № 508

[1503 г.] мая 17. Вильна.

Вырокъ межѣ кн(а)зем Михаиломъ Глинскимъ | а воеводою троцкимъ паномъ Іѣномъ Юр(ь)евичомъ Заберелзынскимъ  
о некоторые ростырки межѣ ними, etc. |

Александръ, бож(е)ю м(и)л(о)стью корол(ь) пол(ь)скии, великии княз(ь) литовскии. |

Смотрели есмо того дела с паны радами нашими.

Стояли передъ нами | очевисто. Жаловаль намъ маршалокъ нашъ дворныи, наместникъ мерецкии и 8тенскии кн(а)зь Михаило Львовичъ Глинскии на воеводѣ троцкого, маршалка земьского пана Іѣна Юр(ь)евича тымъ обычаемъ: «Што первое сего мног(о)кротъ была межѣ нами розмова и некоторая розъсторжка, и ваша | м(и)л(о)сть, г(о)с(по)д(а)ръ нашъ, насъ згодивши и в томъ поеднали. И приказали в(а)ша | м(и)л(о)сть намъ, абыхъмо на противкѣ себе с обѣ сторонъ въ згоде были, и на | потомъ таковыхъ речѣи не починали. Ино ѣ, г(о)с(по)дарѣ, противъ росказан(ь)ѣ | ваше м(и)л(о)сти ничего не выступи, и пана воеводы есми во всемъ безпечень был. И тыми разы поведил ми добрыи ч(о)л(о)в(е)къ, дворянинъ ваше | м(и)л(о)сти Коликраитер, што жъ панъ воевода его направлалъ и давалъ емѣ | двесте злотыхъ, абы ма могъ где забити и горла моего позбавити». |

И того дворенина нашего передъ нами поставилъ. И тотъ дворенинъ нашъ | Коликраитер самъ передъ нами очевисто пану воеводе зналъ тыми словы: «Частокротъ есми в тебе, пане воеводо, бывалъ з дворяниномъ | короля, его м(и)л(о)сти, на имѣ Брезовцомъ. И тотъ Брезовецъ многократъ мене | кѣ тебе позывалъ, а твоѣ м(и)л(о)сти мне сѣ ласкове становилъ, и вспомагалъ | ма твоѣ м(и)л(о)сти п(е)н(а)зми и стацынами. А того есми не взналъ, для которе | причины твоѣ м(и)л(о)сти тую ласку ми вказывалъ.



И потомъ часу неколторого пришел до мене тот дворанинъ короля, его м(и)л(о)сти, Брезовець | и възвал ма к тебе до твоее коморы на особь. И твоя м(и)л(о)сть рек | мне: «Дам тебе двесте золотых, вчини то, нашодши часъ подобныи, || л. 280 забии кн(а)зя маршалка».

И панъ воевода перед нами того прел, ижъ того емѸ | не мовиль. И Коликраитарови наганиль, рекѸчи: «Ты збоица, а не добрыи | ч(о)л(о)векъ».

И Коликраитар к тому рекъ: «Чому перед тым твоя м(и)л(о)сть мне не | ганил, коли есми в тебе бывал, тепер(е) ми ганишь, што я то поведил, што | в тебе слышал, иж ты мене хотел, ч(о)л(о)в(е)ка доброго, зрадцюю вчинити. | Кому будет до мене дело, я са того хочѸ справити».

Ино мы далеи тог(о) | не дали есмо никому з нихъ противкѸ собе повити. И выслухавши | есмо тьи речи, которьи промежку их стали са, которьи ж нам противны сѸтъ, а ни их хотели есмо слухати, приказали есмо имъ под | закладомъ десат(ь)ма тислчи золотых, абы они наше выречен(ь)е моцно | держали.

И панѸ воеводе есмо мовили, коли жъ онъ того прить а мовить, ижъ того не чинил, што на него Коликраитер мовиль, емѸ не надобе са того ѡчищати, а ни слова Коликраитеровы ему шкодат, яко раде. А Коликраитерови есмо мовили, што ему пан воевода задал чѸжое | вины, емѸ за то ѡчищати са не надобе, а ни емѸ слова пана воеводины | шкодат. И теж кн(а)зю Михаилу, маршалку, есмо приказали, абы с паном | воеводою покои мел и ховаль. А естли бы иначеи чинил, и его безъ ласки | нашео карать бѸдем. А и братьи кн(а)зю Михайловым приказали | есмо, естли бы кн(а)зь Михаило злыи Ѹмысль хотел мети противку | пана воеводы, ажъ бы они его ѡт тыхъ речии Ѹстегали, ижъ быхъмо их посполу с нимъ на горлехъ их не карали. И теж пану воеводе | мовили есмо: «Вжо много а частокрот великии розности и ростыржки | дла тебе на насъ приходать, а дла того речи наши пил(ь)ныи и полсполитыи есмо ѡпѸщали, а твоих незгод и росторжокъ слухати | и сѸдити мѸсили. Есмо тых незгодныхъ речии перед мы бол(ь)шеи | того не хочемъ слѸхати». Про то есмо ему приказали посполу съ сынами его, абы Ѹ во всем с кн(а)земъ маршалкомъ покои мели и ховали. |

А естли быхмо на потом вслышали и запевно са довели таколвыи незгодныи росторьжки его, ижъ те на горле его посполу съ сынми || л. 280 об. его безъ всихъ великихъ сѸдовъ карати будемъ. А и сыномъ пана воеводиным | есмо приказали, естли бы коли ѡтец ихъ хотелъ а любо злыи Ѹмысль | мель противку кн(а)зю маршалку, абы они его ѡт таковыхъ речии Ѹздержалли и Ѹстегали, ажъ быхмо ихъ посполу с нимъ на горлехъ ихъ не карали. |

А естли бы кн(а)зь маршалокъ противкѸ имъ в чомъ выступил, имъ | не мешканую справедливость хочемъ вчинити.

А при томъ | были панове рады наши: кн(а)зь Воитехъ, бискупъ виленьскийи, а воевода | виленьскийи, канцлер панъ Николаи Радивиловичъ, а с Коруны воевода | ланчицкии панъ Петръ Мышковскийи, пан троцкии, староста жомоитскийи панъ Станиславъ Ёдновичъ, а наместник смоленскийи панъ Станиславъ Петровичъ. А с КорѸны маршалокъ нашъ дворныи панъ Ёднъ | Ропыштынскийи, а маршалокъ нашъ, наместникъ полоцкии пан Станислав | Глебовичъ, а с КорѸны секретар(ь), деканъ краковскийи кн(а)зь Лазскийи, | а секретар(ь), пробощъ виленьскийи кн(а)зь Еразмусть Тцолекъ. А с Коруны | стол(ь)никъ панъ Петръ Нарцишовичъ и иные панове рада.

П(и)сан | Ѹ Вил(ь)ни, маѸ 17 день. Индик[т] б. |

## № 509

1498 г. декабря 10. Городно.

ПисарѸ ИгнатѸ на поле Старынки | в Ызбланьском повете. |

Самъ Александръ, бож(е)ю м(и)л(о)стью. |

Чинимъ знаменито симъ нашим листомъ, хто на него посмотришь, | або чтѸчи его  
Ѹслышит, кому будет потребъ того ведати.

Бил нам | чолом писар нашъ Игнат и просиль в насъ нашего дворного поля  
в Ызбланском повете на имя Старинок с припашью.

Ино мы, впамятавши | его верную службѸ, з ласки наше тое поле Старинки  
с припаш(ь)ю дали | есмо вечно емѸ, и его жоне, и их детем, и потом бѸдѸчим их  
счадом.

А на тверд(о)ст(ь) того и печат(ь) нашѸ казали есмо приложити к семѸ нашему  
листѸ.

П(и)сан | в Городне, в лет(о) 7007, м(е)с(а)ца дек(абра) 10 ден(ь). Индик[т]ъ 2. |

Прав(или) мар(шалок) двор(ный), нам(естник) мер(ецкий) пан Григ(ории)  
Стан(кович) СѸстик(ович), писар Ивашко Сопега. ||<sup>л. 281</sup>

## № 510

1503 г. мая 31. Вильна.

Потвержен(ь)е БогѸшѸ БоговитиновичѸ | на дворец  
Нарпидишки Ѹ Волкиницкомъ повете | вечностью. |

Самъ Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашимъ листом, хто на него посмотрит, або чтучи | его  
Ѹслышит, нынешним и потомъ будѸчимъ, кому потребъ того будет | ведати.

Бил намъ чоломъ дыакъ нашъ, наместникъ перелаискии Богуи | Боговитиновичъ,  
што дали есмо емѸ дворец нашъ Ѹ Волкиницкомъ | повете на имя Нарпидишки  
с пашными землами и бортными, и с сеножатями, зъ Ёднишки, а зъ Воидишки,  
а Шатборишки, и с пѸстовскими | землами Нетецькими, и съ ѳзеромъ, и съ  
челад(ь)ю невол(ь)ною, што в томъ | дворе. И тежъ придали есмо емѸ к томѸ дворцѸ  
ѳсмь ч(о)л(о)в(е)ковъ на имя Дитрюса Нарвикитовича, а Римька Николаевича, а  
Дашка Кералтомовича, а ГѸндрѸса Видимоновича, а Милоша Мосюковича, а Римка |  
Ивашковича, а Богдана Васикиновича, а СѸлехна и зъ брат(ь)ею, и из ихъ | детьми,  
и зъ дякы, и съ слѸжбами их, и съ всеми подат(ь)ми их, и зъ ихъ | землами, съ всимъ  
по томѸ, какъ тотъ дворец и тыи люди на нас, на г(о)с(по)д(а)ра, | держаны. И тежъ  
дали есмо емѸ к тому жъ дворцѸ землю Петюлевщину.

И бил намъ чоломъ, абылмо емѸ тот дворец Нарвидишки и тыи люди подтвердили  
нашимъ листом на вечность.

Ино мы, Ѹзнавши | его к намъ верную слѸжбѸ, з ласки наше тот дворец, и люди,  
и земли | вышеписаныи потвержаемъ то<sup>1</sup> симъ нашим листомъ вечно ему, и его | жоне,  
и их детемъ, и их ближнимъ, и на потом бѸдѸчимъ ихъ счадом | и з землами пашными  
и бортными, и съ сеножатями, и с припашми, и з гаи, и с пѸстовскими землами  
Нетецкими, и землю Петюлевщину и зъ людми, и зъ ихъ службами и податми,  
и с челад(ь)ю | невол(ь)ною, и съ ѳзеры, и зъ реками, и з бобровыми гоны, и съ ставы,  
и з | млыны, и зъ ихъ вымелками, и со всимъ такъ широко и долго, ||<sup>л. 281 об.</sup> какъ

есмо емѢ дали, ничого на себе не оставляючи. Волен ѿнь то ѿтдати, и продати, | и заменити, и прибавити, и росширити, и къ своему лепшому и вжиточному | ѿбвернути, какъ самъ налепеи роздѣючи.

А на твердость того и печать | нашу казали есмо привесити к сему нашомѢ листу.

П(и)сан Ѣ Вил(ь)ни, в лет(о) | 7011 м(е)с(а)ца маѢ 31 день. Индик[Т]ь 6. |

Прав(или) воев(ода) тр(оцкии), мар(шалок) зем(ский) пан ІѢн | Юр(ь)е(вич) а мар(шалок) двор(ньи), нам(естник) мер(ецкии) и Ѣт(енский) | кн[а]з(ь) Мих(аил) Л(ь)вов(ич) Глин(скии), а нам(естник) | пол(оцкии) пан Стан(ислав) Глебович. |

*Примечание.* <sup>1</sup>Слово вписано над строкой

## № 511

[1504 г.] февраля 25. Петроков.

Справа ХалецкомѢ зъ Михаиломъ | Гагином<sup>1</sup> ѿ корчмѢ  
в Мозыре. |

Александръ, бож(е)ю м(и)л(о)стью корол(ь) пол(ь)скии. |

Смотрели есмо того дела.

Жаловал намъ дворянинъ нашъ ХалецкѢи | Михаиловичъ, што жъ дали есмо ему корчмѢ в Мозыри на год. И наместникъ деи мозырскѢи Михаило Гагинъ<sup>2</sup> кривды ему чинити и две корчме своих | маеть в Мозыри без нашего дозволен(ь)я. И мы казали ѿ томъ межи | ними досмотрети и справедливость тому вчинити маршалку нашомѢ дворяномѢ, наместнику мерецкомѢ и ѢтенскомѢ кн(а)зю Михаилу Львовичу. И ѿнь ѿ томъ межи ними смотрел и тот суд свои намъ ѿтказал, што жъ | Михаилу сознал сѧ, и жъ тыи корчмы мел в городе в Мозыри для гости слуг | своих.

Ино мы Михаилу Гагинъ<sup>3</sup> приказали под виною нашою, под сту | рѣбли грошей, аж бы вжо черес то в Мозыри корчомъ своих не мел, | нижли ХалецкѢи одинъ маеть корчмѢ свою держати в Мозыри подлѣгъ данины и листѢ нашего.

П(и)сан в Петръкове, ѿе(рала) 25 ден(ь). | Индик[Т]ь 7. || <sup>л. 282</sup>

*Примечания.* <sup>1</sup>В рукописи ошибочно Сасином <sup>2</sup>В рукописи ошибочно Сасинъ <sup>3</sup>В рукописи ошибочно СасинѢ

## № 512

1503 г. июля 13. Вильна.

Потвержен(ь)е писарѢ ИгнатѢ на имен(ь)е | на Ѣвѣдове  
Ѣ ВасилишѢском повете. |

Самъ Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашим листом, хто на него посмотритъ, або чтѣчи | его вслышитъ, нынешнимъ и потомъ будѣчимъ, кому будет потребъ | того ведати.

Смотрели есмо того дела.

Стоѧли передъ нами ѿчевисто | писаръ нашъ Игнатъ з бояры ВасилишѢского повета, з Васкомъ Михаиловичомъ и зъ братаничомъ его Станькомъ Дашковичомъ. Жаловали намъ тыи бояре на | Игната, и жъ бы ѿнь выгнал его с ыменяа его Ѣвдовского, зъ его ѿтчиное | дел(ь)ницы.

Игнать поведил перед нами, што ж з нашего розказанья подстолии нашъ, наместникъ василишкии кн(а)зь Василеи Л(ь)вовичъ Глинский ѡвазаль его | в тѣю его дел(ь)ницѣ въ его п(е)н(а)зехъ, въ сороку копахъ, и в трехъ копахъ широких | грошей, а в полтрет(ь)адцати золотыхъ ѡгорьскихъ, а в трехъ копахъ, и въ вѣдинадцати грошей пеняжныхъ. И листь записный того Васка Михаиловича на то перед нами вказываль под печатью кн(а)зя Васил(ь)я Львовича | Глинского и тежъ под его самого печат(ь)ю. И в листу стоит, што жъ тотъ Васко | Михаиловичъ мель емѣ тьи его п(е)н(а)зи и золотыи ѡтложити на рокъ своимъ властными п(е)н(а)зми, ни в кого не позычаючи. И тьи роки вышли, | а онъ емѣ тыхъ п(е)н(а)зеи и золотыхъ не заплатил.

И самъ Васко и с сыньми | своими перед нами то зналь, ижъ мель ему тьи его п(е)н(а)зи и золотыи | на рокъ заплатити своими властными п(е)н(а)зми и золотыми. А естли | бы на рокъ емѣ тыхъ его п(е)н(а)зеи и золотыхъ не заплатил, тогда мель | его дельницѣ Игнать на вечность мети. И вину на насъ, на г(о)с(по)д(а)ра, и на | врадника нашего василишского тотъ Васко и съ сынми своими в том | своемъ листе записаль, ижъ не мелъ того дела взрѣшивати. И самъ | тотъ Васко и съ сынми своими перед нами мовили, ижъ того запису || <sup>л. 282 об.</sup> своего держать сѧ, бо своихъ властныхъ п(е)н(а)зеи не мають, чимъ ему ѡтложити. |

Такежъ жаловали намъ тотъ же Васко Михаиловичъ зъ братаничомъ своимъ Стан(ь)комъ Дашковичомъ и съ сынми своими на Игната, ижъ бы онъ держалъ под собою | именье, дел(ь)ницѣ брата ихъ, небожчика Иванову Михаиловича. И Игнать | положилъ перед нами листь записный Ивановъ и того тежъ Васка Михаиловича под печатью кн(а)зеи и пановъ врадниковъ нашихъ. И в листехъ стоит, | што жъ небожчикъ Иванъ взялъ его собе за сына место, и жонѣ его, сестричну свою Маринѣ, за дочкѣ место, и записаль емѣ третью часть именеица своего ѡтчинного на вечность з дозволеньемъ нашимъ. А две части | того именеица своего записалъ емѣ в п(е)н(а)зехъ, ѡ сту копахъ грошей. А потомъ | сами то они перед нами сознали, ижъ небожчикъ Иванъ записалъ емѣ | тьи две части именеица своего ѡ сту копахъ грошей, а они не мають, | чимъ ему тыхъ его п(е)н(а)зеи ѡтложити. И сами перед нами вырекли сѧ, ижъ | тыхъ дельницъ Васковы и Ивановы не мають под нимъ поисковати.

И мы | ѡ томъ межи нихъ досмотревши и подьлугъ записовъ и сознаныя Игната есмо в томъ знашли правого. И тое именье на Сѡвдове, Васкову | дел(ь)ницѣ и брата его Ивановѣ, ему есмо присудили вечно.

И билъ намъ | чоломъ Игнать, абыхмо емѣ тьи две дел(ь)ницы, Васкову а Ивановѣ<sup>1</sup>, | потвердили нашимъ листомъ.

Ино мы емѣ тьи две дел(ь)ницы | верхѣписаны, Васковѣ а Ивановѣ земли пашныи, люди, и сеножати, | и ѡзера, и ставы, и ставища, и гаи, и хворосты, и пташечьи ловы, | и со всѣмъ с тымъ, какъ они держали, потвержаемъ то симъ нашимъ | листомъ, вечно емѣ, и его жоне, и ихъ детемъ, и на потомъ будѣчимъ ихъ | счадкомъ. Воленъ онъ то продати, и ѡтдати, и заменити, и къ своему вжи|точномъ ѡбернути, какъ самъ налелеи розѣмьючи.

А на твердость | того казали есмо и печат(ь) нашѣ привесити к семѣ нашему листѣ. |

П(и)санъ ѡ Вил(ь)ни, в лето 7011, м(е)с(а)ца июл(ь) 13 день. Индик(т)ъ 6. |

А при т(ом) был(и) мар(шалки) пан Стан(ислав) | а пан Їдн Їднов(ич). || <sup>л. 283</sup>

Примечание. <sup>1</sup>Далее в строке зачеркнуто емѣ есмо

## № 513

1503 г. сентября 14. Вильна.

Вырок межи князем Семеном Чорторыским | а межи Богдшом  
Петьковичом ѿ имен(ь)е | Колодези. |

Александръ, бож(е)ю м(и)л(о)стью корол(ь). |

Смотрели есмо того дела. Стояли перед нами очевисто.

Жаловал намъ | кн(а)зь Семень Александровичъ Чорторыский на боѳарина  
нашого, на Богдша | Петковича, што ж ѿнь не хочеть ему слѳжити з ыменъемъ  
своимъ, котоѳрое жъ маеть в Логоиску, на има Колодази.

И Богушь ѿтбываль его перед нами | такимъ обычаем, ижъ ѿтець его Петко  
выслужил тое именье ещо на | кн(а)зи Александре Володимеровичи. И кн(а)зь  
Семень поведиль перед нами: | «Которыи деи мел твердости, листы, ѿтець мой, кн(а)зь  
Александро, на | именьа свои и тежъ на тое именье его, тыи деи вси листы ховываль ѳ  
его ѿтца. И он деи тых листовъ тыми разы, маючи их в себе, | не хочет мне ѿтдати».

И Богушь мовил к тому: «Ѿ деи ѿ тых листех | ничего не ведаю а ни слыхал  
есми ѿб них». И кн(а)зь Семень рекъ, ижъ бы он | з жоною и з сестрою в том ему  
право поднесъ. И Богушь з жоною и з сестрою своею своею на том рокъ положоными,  
которыи мы им рокъ положили, | на том присагнул.

И мы того досмотревши, тое имен(ь)е Колодази Болгдшу есмо присѳдили.  
А кн(а)зю Семенѳ в то вжо не казали есмо | встѳпати сѳ.

И потвержаем то симъ нашим листом вечно ему, и его | жоне, и их детемъ, и на  
потомъ бѳдѳчимъ ихъ счадкомъ. Маеть | Богдшь тое вышеипсаное именье держати  
со всеми люд(ь)ми, и з их | землами пашными и бортными, и зъ дѳбровами, и з боры, и  
з лесы, | и з гаи, и съ сеножат(ь)ми, и з ставы, и съ ставищы, и з млыны, и их вымелки, |  
и с озеры, и з реками, и з речками, и их потоки, и зъ бобровыми гоны, | и з ловы, и зъ  
ловищы, и со всеми платы, и доходы грошовыми, | и медовыми, и куничными, и со  
всякими иными поплатки, || л. 283 об. и податъми, которыи кол(ь)ве именьемъ могутъ  
названы, або менены | быти, и со всимъ с тым, какъ сѳ тое именье съ стародавна въ  
своих | границахъ маеть, и со всимъ правомъ и пожиткомъ, ничего на нас | и на наши  
наследки не оставляючи. Волен Богушь и его справедливый | наследки тое именье  
ѿтдати, продати, заменити, розъширити | и къ своему вжиточному и лепшомѳ  
обернути, какъ самъ налепи | розѳмеючи.

А на твердость того и печат(ь) нашѳ казали есмо привелсити к сему нашему листѳ.

П(и)сан ѳ Вил(ь)ни, в лет(о) 7012, м(е)с(а)ца сен(т)абр(а) | 14 день. Индик[т]ъ 7. |

При т(ом) был воев(ода) вил(енский), кан(цлер) | пан Мик(олаи) Радивилович. |

## № 514

1503 г. мая 22. Вильна.

Потвержен(ь)е писарѳ Громыце Исаевичѳ | на именеицо  
Ѓнциповоровское, а Гридковщину, а Бранчинѳ, etc., |  
в Менском повете подле Вомя, etc. |

Самъ Александръ, бож(е)ю м(и)л(о)стью корол(ь). |

Чинимъ знаменито симъ нашим листом, хто на него посмотрит, або чтучи | его  
вслышит, нынешним и потом будѳчимъ, кому будет потреб | того ведати.

Бил намъ чоломъ писар нашъ Громыка Исаевичъ, што ж | воевода троцкии, маршалокъ земьскіи панъ Іднъ Юр(ь)евичъ отналъ был в нег(о) | именецо его отчинное подле Менска на има Гнципоровское, а Гридковъщину, а Бранчин8, а Ранковщину, а поведаючи, иж бы тое именецо звѣчное было волменское.

И мы перво сего посылали тамъ писара нашог(о), | небожчика пана Оед(ь)ка Григор(ь)евича, а Богдана Кореивича, а Каспора Гар|мановича и казали есмо имъ достаточне ѿ томъ доведати сѧ и тамошних боѧр и людеи ѿколичных ѿпытати, к8ды здавна тое | именецо присл8хало. И они тамъ выездивши и тамошних боѧр | и людеи ѿколичных ѿпытавши и достаточне ѿ томъ доведавши | се, намъ ѿказали, што ж тое именецо отчина и дедина его, здавна || л. 284 к Менску присл8хает. А и самъ Богданъ Кореивичъ и з ыншими боѧры менскими поведали | намъ, што ж то звѣчныи земли Менского повету, а отчина и дедина Громыце. И ши|роко ѿ томъ перед нами мовили.

И мы неоднократно ѿ томъ до пана воеводы | писывали и дворанъ наших посыльвали, абы онъ того именеца ему сѧ | пост8пил. А потомъ самъ пан воевода и съ сынми своими, пришедши | перед насъ и перед паны рад8 нашу, тое вышеписаное именецо ему ѿдал | и навеки сѧ его ѿтст8пил со всимъ с тымъ, какъ былъ его къ своей р8це взялъ. |

И писар нашъ Громыка, тут жо стоѧчи с нимъ, ѿчевисто бил намъ чоломъ, | абыхмо ему тое именецо, отчину и дедину его, подтвердили нашимъ листомъ. |

Ино мы з ласки наше дла его к намъ верное службы тое именецо его | отчинное Гнципоровское, и Гридковщину, и Бранн8, и Рачковщину з люд(ь)ми | и з землями пашными, бортными, и съ сеножат(ь)ми, и з д8бровами, и с прудивши, и з реками, и з ловы зверинными, и с пташными, и рыбными, и со | всимъ с тымъ, какъ былъ панъ воевода въ своей р8це взялъ, подтверждаемъ | вечно и непор8шно ему самом8, и его жоне, и ихъ детемъ, и ближнимъ его. | Воленъ онъ тое именецо свое вышеписаное продати, и ѿдати, замѣнити, | и на церковь записати, и къ своему8 вжиточному обернути, какъ самъ налѣпеи | роз8меючи.

А на твердость того и печат(ь) наш8 казали есмо привесити | к сем8 нашом8 листу.

А при томъ были вел(ь)можныи вроженыи панове, | пан троцкии, староста жомоитскіи панъ Станиславъ Ідновичъ, намѣстникъ | смоленскіи панъ Станиславъ Петровичъ, маршалокъ, намѣстникъ полоцкии панъ Станиславъ Глебовичъ, а маршалокъ дворныи, намѣстникъ мерецкии и 8тенскіи кн(ѧ)зь Михаило Л(ь)вовичъ Глинскіи, а панъ Юр(и)и Зеновьевичъ, а маршалокъ, ѿхмистръ королевое, ее м(и)л(о)сти, намѣстникъ ковенскіи панъ | Воитѣхъ Ідновичъ и иные панова рада наша.

П(и)сан и данъ 8 Вил(ь)ни, | в лет(о) семое тисащи первое на десѧт(ь), а ѿ божего нарожен(ь)ѧ лет(а) | тисеча и пѧт(ь)сотъ третего лета, м(е)с(ѧ)ца маѧ 22 день. | Индик[Г]ъ 6. || л. 284 об.

Постановен(ь)е з стороны бран(ь)ѧ мыта | в Ковьне. |

На память пан8 Литовар8 г(о)с(по)д(а)ра короля, его м(и)л(о)сти, приказан(ь)е | ѿ мыто ковенское.

Коли немецъ приедеть до Ковьна, што | коли маеть товарѸ, то маеть мытнику обещати, золотые л(ь) маеть, | або серебро, або иньшии товар, або сѸкно, то маеть мытникѸ обещати, | в которомъ сѸдъне приедеть до Ковенского места. А естли бы затаивъши золотыи в себе, або иньшии какии товар, а маючи то, промыта | на том. А мает обестити то мытникѸ и не винети, бо которое ж | судно приедеть, поки мытникъ самъ Ѹсмотреть, а Ѹт шкута нового | копа грошеи мыта дати.

А коли немецъ немцѸ продасть | сол(ь) в Ковне, то дрѸгое мыто маеть платити по грошу Ѹт копы, | а Ѹт бочки по полугрошку.

А коли вил(ь)невецъ приедеть до Ковна, не | маеть конемъ своимъ вывезти къ их потребам. А коли пак хѸрманомъ поѸвезти, по полгроша ж маеть дати Ѹт бочки мыта. А Ѹт ваньчеса<sup>[1]</sup> мыта | маеть дати три копы грошеи, и Ѹт клепки<sup>[2]</sup> мыта мает дати по шести | грошеи Ѹт ста. А Ѹт масти бы мало бы велико мыта дат(и) пол копы | грошеи. А Ѹт попелѸ<sup>[3]</sup> Ѹт лашта по чотыри гроши мыта мает дати. | А Ѹт шькѸпы копа грошеи мыта мает дати. А коли вил(ь)невецъ приедет | с какимъ товаромъ до Ковна, маеть обестыки грошь дати. |

А коли ковнанил приедеть из НизѸ, а маеть рыбу, то мает обестит(и) с.а | мытникѸ. А маеть обестыки дати любо щѸку добрую, а любо | какѸю рыбѸ добрую. А не обестив с.а, то промыта.

А коли въ Ковне кладет с.а Ѹ шкѸту вил(ь)невецъ, ковнанин ли или трочанин, или | иншое какое земли, маеть перво весь товар мытнику обѸвестити | а мыто заплатити и Ѹт попелѸ, и Ѹт дерева, и Ѹт смолы. А коли не | обестив с.а а мыта не давъ, кладеть с.а Ѹ шкутѸ, то промыта. |

А коли немецъ из Немецъ приедеть до Ковна, на мыто маеть казати || <sup>л. 285</sup> мытникѸ, што коли товар в него бѸдетъ. А коли немецъ за с.а Ѹсхочет до Немецъ, ино маеть мытнику обестити с.а, што коли бѸдетъ какии товар в него. А бѸдет ли з Немецъ бол(ь)шии товар, то мает дати мыто. Естли | бѸдетъ из Литвы бол(ь)шии товар, ино маеть мыто дати з бол(ь)шого | товарѸ, а з меньшого ничего не маеть дати. А напотомнеши на немецъ|кои границы маеть мыто платити, хто поедеть, по тому жъ, | по чомѸ в Ковне. А естли поедеть не обестивъши с.а, то промыта. |

А я, ЗѸбъ Даниловичъ, писал есми реестръ Ѹдле розказанья пана | Литавора. А послал есми тотъ реестръ пану ШлакгирѸ. |

## № 516

[1505 г.] января 27. Ломазы.

ЃѸонасѸ ДѸдце на ключ Городенскии. |

Александръ, бож(е)ю м(и)л(о)стью корол(ь). |

Биль намъ чоломъ слуга нашъ ЃѸонасъ ДѸдка и просиль в насъ ключа | городенского.

Ино мы з ласки нашеое тотъ ключъ городенскии | дали емѸ держати до его живота со всимъ с тымъ, какъ первши | ключники держивали за Ѹтца нашего, короля, его м(и)л(о)сти, и за нас. |

П(и)санъ въ Ломазехъ, ген(вар.) 27 день. Индик[т]ъ 8. |

Прик(азал) мар(шалок) двор(ный), нам(естник) мер(ецкии) | и Ѹт(енскии) кн[а]з(ь) Мих(айл) Л(ь)вов(ич) Глин(скии). |

Грин(ь)ко Громыка писал. || <sup>л. 285 об.</sup>

## № 517

1505 г. января 27. Ломазы.

Потвержен(ь)е ШимкѸ МацковичѸ на земли | в Жолудском повете и на дворец на Тур(ь)и, | близко Рожанки. |

Александрь, бож(е)ю м(и)л(о)стью корол(ь). |

Чинимъ знаменито симъ нашимъ листом, хто на него посмотришь, | або чтѸчи его вслышит, нынешним и потом бѸдѸчим, комѸ будетъ | потребъ того ведати.

Бил намъ чолом дворенинь нашъ Шимко Мацкович | и вказывал перед нами листы наши, што жъ мы перво сего дали *отцѸ* его Мацку АньдрѸшковичѸ землю пѸстовъскѸю в Жолудскомъ | повете на *има* Трещевщину и теж дозволили есмо ему з боарином | василишъскимъ, с Ѹед(ь)комъ Дашковичомъ и зъ люд(ь)ми нашими жолудскиими на *има* з Вороновичи, а с Петькомъ, а з Андреемъ с Тречевичи, а з МелеѸхомъ, и з Раховичи землами менати.

Теж поведил перед нами, што *ж* | *отец* его кѸпил в боарина нашего в *Мартина* Плешивого и въ его сына | въ *ІѸна* поле з лесомъ. И теж *деи он* самъ, *опричъ отца* своего, кѸпил в боарина нашего в Богдана Пацевича и въ его жоны, и въ дети *и* ихъ, дворець ихъ на Тур(ь)и близко Рожанки обел(ь) вечно. И листъ купчи на то | перед нами вказывал. И бил намъ чолом, абыхмо ему на вси тьи земли | дали нашъ лист и потвердили то нашим листом.

Ино мы з ласки наше | за его к намъ *вернѸю службу* на тую землю Трещевщину, на данину н(а)шу, | и теж на вси тьи земли, што *отец* его выменил и купил з нашим дозволеньем, и теж, што *он* самъ кѸпил себе за свои п(е)н(а)зи, дали емѸ сесь *наш* | лист и потвержаем то вечно емѸ и его жоне, и их детям, и на потом бѸдѸчимъ их счадком. Волен то *он* продати, и *отдати*, и заменити, и росширити, и кѸ своемѸ *вжиточномѸ* и лепшомѸ *обернѸти*, как самъ *налепѸи розѸмѸючи*.

А на твердость того и печат(ь) нашу казали есмо привесити к семѸ нашомѸ листѸ.

П(и)сан в Ломазех, в лет(о) 7004, м(е)с(а)ца | ген(вара) 27 день. Индик[т]ъ 8. |

Прав(ил) мар(шалок) двор(ный), нам(естник) мер(ецкий) и Ѹт(енский) кн[а.]з(ь) Мих(аил) Л(ь)вов(ич) Глинский. ||<sup>л. 286</sup>

## № 518

[1505 г. — 1506 г. августа 19.]

Справа межи панею Точинскою а межи паном *ІѸном* Стецковичом *о* квалтов|ное порѸбан(ь)е дерева в борѸ ее. |

Г(о)с(по)д(а)рѸ корол(ь), его м(и)л(о)стью, казал про память записати.

Што жаловала его м(и)л(о)сти | пани Точинская на наместника дорогицкого пана *ІѸна* Стецковича, што *ж* | *он*, наславши на ее бор властныи к(в)алтомъ и дерева в том ее бору много | *вырѸбал*, а иное показал. И *о* томъ с нимъ перед его м(и)л(о)стью служебник | ее Бартошъ *очевисто* стоѸл и мовил. И *он* самъ сѸ к томѸ перед его м(и)л(о)стью | *знал*, иже в томъ бору ее казал дерева, што сѸ немного на замок его *ж* | м(и)л(о)сти *вырѸбати*. И его м(и)л(о)сть за то на нем вказал пани Точинскои | квалт подлѸг обычаѸ, какъ Ѹ Великом кнѸз(ь)стве *судат*.



Теж тот же | служебникъ пани Точинское жаловал на него жъ, иже наместникъ его | сенатическии взѣл был в томъ борѣ пани его в люди дорогицкихъ, которые тамъ дерево рѣбали, деветнацать кони до двора п(а)неи | его, до Сематичъ. И он, наславши на тое именье панее его, квалтомъ | тыи кони за сѧ лицомъ побрал. Еще к томѣ многии кони властныи | панее его там в томъ именьи ее забрал и людие ее, кол(ь)кость головами | за шии поймавши и в казнь в Дорогичине посажал. И за сѧ тых людие с казни пѣщаючи, окупъ с них бралъ.

И он перед его м(и)л(о)стью и к тому сѧ зналъ, | иже славши до того ее имен(ь)ѧ до Семачич тую деветнацать коней дорогицкихъ лицом за сѧ побрал, што был наместник ее пограбил. А къ томѣ сѧ | перед его м(и)л(о)ст(ь)ю не знал, иж бы ее кони забирал в том ее имен(ь)и, и люди ималь, | и в наѣство сажал, и пѣскаючи з наѣства, окупъ с них брал.

И пани Точинская | взяла въ его м(и)л(о)сти на то своее рѣки суд(ь)и гетмана его м(и)л(о)сти п(а)на Станислава Петровича а кухмистра его м(и)л(о)сти пана Петра Глехновича. И естли перед | тыми сѣд(ь)ями в той речи на него довод вчинит, тогда он и то все ей | маеть платити. ||<sup>л. 286 об.</sup>

## № 519

[1505 г.] марта 4. Берестье.

Потвержен(ь)е Ганне Жиневоі на два села, | Пацрчичи  
а Светицѣ, и на третью част(ь) | пашни Полонское  
ѣ Волковыиском повете. |

Александръ, бож(е)ю м(и)л(о)стью. |

Била намъ чоломъ та вдова, жона дворенина нашего, небожчика Ивалшка Жинева, Ганна ѿ том, што перво сего дали есмо небожчику мѣжу ее Ивалшку а двораном нашим Трызне а братѣ его Васил(ь)ю двор наш ѣ Волковыиском | повете на имѧ Полонкѣ с пашнею нашою дворною, и з людьми, и з землями, | и со всимъ с тым, што к томѣ дворѣ здавна слѣшало, им на трое до тых | часовъ, поки быхмо ѿтчину их ѿчистили ѿт неприятела нашог(о), великого кн(а)зѧ московского.

И они того двора пашню дворную и люди | и земли межи собою на тое поделили, и мѣжѣ ее, Ивалшку, достало сѧ на делу того двора пашни дворное третѧя част(ь), а два села | з люд(ь)ми на имѧ Пацрчичи а Светица.

И мы и лист наш на тот его вдел | емѣ дали, иже не мели есмо его самого и по нем жоны и детеи его | с того рѣшити, поки олижъ ѿтчину его быхмо ѿчистили. Ино | мѣжа ее Ивалшка поганство татарове на службе нашої вбили, а он | с нею прижил тол(ь)ко двое детокъ, сына и дочку.

И била нам чоломъ, | а быхмо подле данины и того листа нашего ее самое и деток ее | с тых дву сел вышписаных и третее части пашни дворное не рѣшили, што сѧ мѣжѣ ее на делу достало, и то бы[х]мо ей и детем | ее подтвердили нашимъ листом до тыхъ часовъ, поки быхмо ѿтчинѣ мѣжа ее ей и тым детем ихъ всю ѿчистили ѿт неприятела нашого.

И мы, впамятавши к намъ верную службу мѣжа ее, з ласки н(а)шое | на ее чоломбитье то вчинили. Иже не маемъ ее самое и тых деток | ее с того рѣшити, и по ее животе в тых детеи ее не маемо тог(о) | ѿнимати, а ни теж к тому кого

инога к ним припускати. И тыи || л. 287 два села, Пацрчичи а Светицѣ, и третюю част(ь) пашни дворное полоньское, што | с.а мѣжѣ ея на делѣ достало, подтверждаем сим нашим листомъ еи самой | и детем ея з люд(ь)ми и зъ их землями пашными и бортными, и съ сеножат(ь)ми, и з диаклы рѣжаными и овсяными, и со всеми платы и доходы, | ничего на нас не вымующи, до тых часовъ, поки, даст богъ, отчину мѣжа ея и тых детей их всю сполна з рукъ неприятеля нашего, великого кн(а)зя московского, выимем.

А на твердость того и печат(ь) н(а)шу | казали есмо приложити к сему нашему листу.

П(и)сан ѣ Берест(ь)и, | мар(та) 4 день. Индик[т]ъ ѣ 8. |

№ 520

1505 г. февраля 8. Берестье.

Потвержен(ь)е Миките Чапличѣ | на село Радоховкѣ  
ѣ Луцкомъ повете | вечностью. |

Самъ Александръ, бож(е)ю м(и)л(о)стью. |

Чинимъ знаменито сим нашимъ листомъ, хто на него посмотрит, або чтучи | его слышит, кому будетъ потребъ того ведати.

Бил намъ чолом пан | Микита Чапличъ, што перво сего дали есмо ему село з люд(ь)ми ѣ Луцкомъ | повете в Жѣковской волости на има Радоховку. А тыи люди радоховчане перед тымъ стада нашего стерегивали и иную службу конюшскую ж | слѣживали. Теж поведил перед нами, ижъ здавна тымъ людемъ вольно | в дѣброве нашей жѣковской дерево на будованье и дрова брати и свепелта<sup>[1]</sup> знаходити. И бил намъ чолом, абыхмо ему тое село со всемъ подтвердили | нашимъ листом на вечность.

Ино мы, впамятавши к намъ его верную службу, з особое ласки наше, на его чоломбитье то вчинили, и тое село Радоховку подтверждаем симъ нашимъ листомъ вечно и непорѣшно емѣ самому, и ег(о) | жоне, и их детемъ, и его ближнимъ, и на потомъ бѣдучимъ их счадомъ, з люд(ь)ми, | и з землями пашными и бортными, и съ сеножатями, и зъ гай, и с хворосты, | и зъ болоты, и з реками, и зъ | речками, и съ криницами, и съ ставы, и ставищи, и з млыны, и з вымелками, и со всеми пожитки, платы и цынши, доходы || л. 287 об. и податями, ничего на насъ не оставляючи, и со всемъ по тому, какъ здавна тое | село въ границахъ с.а своихъ мело, а какъ на насъ держано, и што тежъ к немѣ | первей слушало. Воленъ онъ тое отдати, и продати, и заменити, и к церкви записати, и росъширити, и прибавити, и ко своему вжиточному и лепшомѣ обернути, какъ самъ налепеи розѣмеючи.

А на твердость тог(о) и печат(ь) | нашу казали есмо привесити к семѣ нашомѣ листу.

П(и)сан ѣ Берест(ь)и, | в лето 7013, м(е)с(а)ца фев(рала) ѣ 8 день. Индик[т]ъ ѣ 8. |

А при т(ом) были воев(ода) вил(енский), кан(цлер) пан Мик(олаи) Ради(вилович), воев(ода) троц(кий) пан Мик(олаи) Мик(олаевич) Ради(вилович), стар(оста) луц(кий), мар(шалок) Воль(нское) | зем(ли) кн[а]з(ь) Семен Юр(ьевич), мар(шалок) двор(ный), нам(естник) мер(ецкий) | и ѣт(енский) кн[а]з(ь) Мих(аил) Л(ь)вов(ич) Глинский. |

## № 521

1505 г. марта 7. Берестье.

Потвержен(ь)е Михаїл8, Васил(ь)ю а Грицк8 | Семашковичомъ  
на село Д8бно в Л8цком | повете. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотри*т*, або чт8чи его  
8слышит, кому будет потребъ тог(о) ведати.

Били нам чоломъ | дворане наши Михаило, а Василеи, а Грицко Семашковичи,  
што *перво* сего | дали есмо имъ село з люд(ь)ми в Луцьком повете в Мел(ь)ницьком  
волости на *има* Д8бно. А в томъ селе *одно* чотыри дворища. А даивали нам дани |  
чотыри ведра мед8 пресного.

И били нам чолом, абыхмо им тое | село *потвердили* нашимъ листомъ на  
вечность.

Ино мы, *впам'ятавши* к намъ их *верную* службу, з особное ласки наше, на ихъ  
чоломъбит(ь)е | то вчинили, и тое село Д8бно *потвержаем* симъ нашимъ листомъ |  
вечно и непор8шно, имъ самым, и ихъ жонамъ, и ихъ детем, и ихъ ближним, | и на потом  
б8д8чимъ ихъ счадкомъ, з люд(ь)ми, и з землями пашными || <sup>л. 288</sup> и бортными, и зъ  
боры, и зъ леси, и зъ гай, и съ хворосты, и з ловы, и з ловищи звелриными и пташими,  
и зъ болоты, и зъ реками, и зъ речками, и съ криницами, | и съ ставы, и съ ставищи,  
и з млыны, и зъ ихъ вымелками, и зъ бобровыми | гоны, и зъ даньми грошовыми и  
медовыми, и со всеми *пожитки*, и долходы, и податъми, ничого на нас не оставляючи,  
и со *всимъ* по том8, | какъ *исъстародавна* тое село въ границахъ с<sup>а</sup> мело, а какъ на насъ  
держано, и што *теж* к нему *перве* сл8шало. Вол(ь)ни они то *отдати*, и *продати*,  
и *заменити*, и к церкви *записати*, и *розширити*, и *прибавити*, | и къ *своєм8* *вжиточном8*  
и *лешпом8* *обернути*, какъ самъ *налепи* роз8| меючи.

А на *твердость* того и *печат(ь)* наш8 казали есмо *привесити* | к *сем8* *нашем8*  
лист8.

П(и)сан 8 Берестьи, въ лето 7013, | м(е)с(а)ца мар(та) 7 день. Индик[т]ъ 8. |

При *т(ом)* были воев(ода) троц(кий), мар(шалок) зем(ский) пан | Мик(олаи)  
Мико(лаевич) Ради(вилович), пан троц(кий), стар(оста) жом(оитский) | пан Стан(ислав)  
Ган(ович), нам(естник) мер(ецкий) пан Юр(ии) Пац(евич), | а мар(шалок) двор(ный),  
нам(естник) бел(ьский) и 8тен(ский) кн[а]з(ь) Мих(аил) Л(ь)вов(ич) Глин(ский). |

## № 522

1505 г. марта 9. Берестье.

Потвержен(ь)е Васк8 Бел(ь)кович8 на имен(ь)е | Козьловъ  
8 Володимерском повете. |

Самъ Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотри*т*, або чтучи | его  
8слышит, кому б8дет потребъ того ведати.

Бил нам чоломъ | *земенень* *володимерский* Васко Бел(ь)ковичъ и *поведиль* *перед*  
нами, што *ж* к8пил *именье* 8 *Володимерскомъ* повете на *има* Козьловъ *обел(ь)* *вечно*  
въ кн(а)зи | *Федора Четвертенского*, къ которому *ж* *именью* *перво* сего *доп8сти*ли |  
были есмо *пана* *Гулехна Скор8т8* по близкости *тетки* его, а потом | *пана* *Гулехна* за с<sup>а</sup>

от того отдаливши, дали были есмо тое имен(ь)е | Козьловъ томѣ кн(а)зю Федорѣ Четвертеньскомѣ. И пан Гѣлехно нам сѧ || л. 288 об. ѿ томъ впоминал, абыхмо его от того не отдалали по близькости тетки его. | И мы дла пана Гѣлехнова впоминанья не хотечи его от того отдалити, | тое именье въ кн(а)зѣ Федора з рукъ вынемъши и емѣ за сѧ отдали. И панъ | Гѣлехно вжо съ своее доброе воли тое имен(ь)е свое Козьловъ кн(а)зю Федорѣ | был продал ѿбел(ь) вечно за сорокъ копъ грошей и запис ему на то свои дал. А по томъ кн(а)зѣ Федор Васку его продал, теж своее доброе воли вечно и запис | емѣ тотъ пана Гѣлехнов и свои на то дал.

И тыми разы онъ тыи записы перед нами вказывал и бил намъ чоломъ, абыхмо емѣ потвердили нашимъ листом на вечность. И мы тых записовъ ѿгладавши, з особное ласки нашее на его чоломбитье то вчинили и тое именье Козьловъ | подлугъ купли его потвержаемъ сим нашимъ листомъ вечно и непопрѣшно, емѣ самомѣ, и его жоне, и ихъ детемъ, и его ближнимъ, и на потомъ | будѣчимъ ихъ счадкомъ, з люд(ь)ми, и з землами пашными, и съ сеножат(ь)ми, | и зъ дѣбровами, и зъ гаи, и съ хворосты, и з болоты, и зъ реками, и з речками, | и с криницами, и с ставы, и съ ставищи, и зъ млыны, и зъ ихъ вымелками, | и з дан(ь)ми, и цынши, и со всеми пожитки, доходы, и подат(ь)ми, и со всимъ | по тому, какъ тое именье за Козьловского съ стародавна в границахъ сѧ | своихъ мело, с тыми имен(ь)ми кн(а)зѣи и землн Володимерского повета, з Марковичи, и зъ Роговичи, и съ Стѣвориничи, и с Ценеличи, и з Ѣмою, и што тежъ | к немѣ первеи слѣшало. Воленъ онъ то отдати, и продати, и заместити, | и к церкви записати, и розширити, и прибавити, и къ своему вжиточному и лепшому обернути, какъ самъ налепеи роздмеючи.

А на твердость того и печат(ь) нашу казали есмо привесити к сему нашему | листу.

Пи(и)санъ в Берест(ь)и, в лет(о) 7013, м(е)с(а)ца мар(та) 9 день. Индик[т]ъ 8. |

При т(ом) был(и) нам(естник) лид(ский) пан Андреи | Алек(сандрович) а мар(шалок), кан(цлер) кор(олевое), нам(естник) | брас(лавский) а жи(с)морский) пан Иванъ Сопез(а). || л. 289

## № 523

[1505 г.] марта 15. Берестье.

Справа межи княземъ Иваномъ Ёрославичомъ | а межи паномъ  
Станиславомъ Петровичомъ | ѿ именье Лоско. |

В Берестьи, м(е)с(а)ца марта 15 день. Индик(т)ъ 8. |

Г(о)с(по)д(а)рь корол(ь), его м(и)л(о)сть, казал про память записати. Што жъ жаловал его | м(и)л(о)сти кн(а)зѣ Иванъ Ёрославичъ на пана Станислава Петровича, ижъ онъ | держитъ именье, жоны его близькость, на имя Лоско. И ѿ томъ перед его м(и)л(о)ст(ь)ю | ѿчевисто стоал и мовиль.

И панъ Станиславъ его отбывал такимъ обычаемъ: «Чому еси ѿ тое перед тымъ николи не впоминал?»

И княз(ь) Иванъ рекъ: | «Иже дла того есми ѿ томъ не впоминал, ижъ таѣ кн(е)г(и)на, сестра жоны | моеи, што держала Лоско, еще была жива, мешкала на томъ имени ажъ | и до смерти своеи. А какъ она ѣмерла, и в тотъ часъ службы г(о)с(по)д(а)рьский тѣжкий были на нас, и тежъ ѿроба некоторѧ была на мене тогды сѧ пригодила. И дла того есми ѣмолчаный былъ».

И пань Станиславъ далеи | поведил, што тое именье Лоско отец нашъ, корол(ь), его м(и)л(о)сть, даль | цтю его, воеводе троцкомѣ небожчику пану Петрѣ Іѣновичу, и привил(ь)емъ своим то его м(и)л(о)сть емѣ подтвердилъ. И его м(и)л(о)сть казал был емѣ | тотъ привилеи перед собою положить. И он поведил, ижъ тот привил(ь)я съ собою на тот часъ не маеть. И его м(и)л(о)сть то имъ отложил | до своего в дрѣгии разъ щасного приехан(ь)я до Великого князства Литовского, какъ его м(и)л(о)сть ѣ Великом князстве будеть, такъ мают они за са | перед его м(и)л(о)стью стати очевисто и ѡ том мовити. И пан Станислав | тот привилеи на Лоско мает перед его м(и)л(о)стью положить.

А то сведецство кн(а)зи и пановъ, которого родѣ кн(е)г(и)ни кн(а)зи Иванова | Ерославича есть.

Непервее сведецство кн(а)зи Ивана Васил(ь)евича Красног(о): | «Што жъ Корибѣтова дочка Гѣл(ь)кирдовича Мар(ь)я была ѣ великого | кн(а)зи Витовта на сенех. И кн(а)зь великии Витовтъ дал ее замужъ || л. 289 об. за кн(а)зи Ѡедора Воротынского, за дадю моего. А кн(а)зи Ѡедорова дочка | Воротынского за кн(а)зем Иваномъ Іѣрославичомъ».

А кн(а)зи Анѣдрея | Костянтиновича Прихабского сведотство: «Што твоа м(и)л(о)сть мене | пыгаешъ, сведом ли я родѣ кн(а)зи Ивана Іѣрославич(а) кн(е)г(и)ни, ино я тому | гораздо сведом. Гѣтец мои был ѣ кн(е)г(и)ни Витовтовое чашникомъ, | и я слышал от отца моего, што таа Мар(ь)я Корибутовна матка кн(е)г(и)ни | Ивановое Іѣрославича. И выдал ее кн(а)зь великии Витовтъ за кн(а)зи Ѡедора Воротынского. А матъка моя поведала, што жъ ездил отец ее, | кн(а)зь Семень Ваземский, и своєю кн(е)г(и)нею проводить ее до Воротынска, | а кн(а)зь Дмитрей Шѣтиха, а Григорей Протас(ь)евъ». |

А пана Анѣдреево Александровича Дрождына сведецство поведаеть: «Слышалъ от бабки своєї, от кнегини Борисовое, а перед | тымъ поведаеть была за княземъ Иваномъ Корибутовичом. | И она тое поведывала, што кн(а)зи Иванова сестра Корибѣтовича была за княземъ Ѡедоромъ Воротыньскимъ, а кн(а)зи | Ѡедорова дочка, Корибутова внѣка, за княземъ Иваномъ | Іѣрославичомъ».

## № 524

1505 г. марта 30. Берестье.

Потвержен(ь)е Никол(ь)скомѣ Васил(ь)евичѣ |  
на именье Деречинъ вечностью. |

Во има светяна живоначал(ь)ныя и нерозделимыя троица.

Каждая | речь света того подлугъ бегу ч(о)л(о)в(е)ченства ведома есть | кѣ сталости, котораа жъ николи есть впевнена и въ памяти | тривала, але часом забыт(ь)ю отдаеть са, ис памяти выходить, | нижли найдена есть вчоными слушныи а справедливыи речи || л. 290 выписанью отдати кѣ ѣверенью и досветьчен(ь)ю на пришлыи часъ на поѣтомъ стальныхъ речи.

Про то мы, Александръ, бож(е)ю м(и)л(о)стью корол(ь) | пол(ь)скии, великии княз(ь) литовскии, рѣскии, княжа пруское, жомоитскии и иных панъ и дедичъ, чинимъ знаменито симъ нашим листомъ, | хто на него посмотрит, або чтучи его ѣслышит, нынешним и на поѣтомъ бѣдѣчимъ, кому будеть потребъ того ведати.

Бил намъ | чоломъ писар нашъ Никол(ь)скии Васильевичъ Павловича ѿ томъ, | што *ж* ѿтецъ нашъ, славное памяти Казимер корол(ь), его м(и)л(о)сть, поролзѣмевши и въбачивши ѿтца его з молодыхъ летъ верную, а пил(ь)ную, а накладнѣю службѣ, длѣ которое *ж* хотечи ему досыт ѣчинити, | корол(ь), его м(и)л(о)сть, дал писару своемѣ, ѿтцѣ его Васил(ь)ю Павловичѣ, | именье Богдана Васковича Дромѣтевича на имѣ Деречинь, | которое именье ѿт ѿ[т]ца его, Васка, Богдану сѣ достало. И дозволилъ понати жону Богданову Васковича с тымъ именьем.

И бил | намъ чоломъ писар нашъ Никол(ь)скии, абыхмо тую данину и дозволен(ь)е | ѿтца нашего, короля, его м(и)л(о)сти, тое именье Деречинь Богдана Васковича емѣ дали и потвердили нашимъ листомъ на вечность.

Ино | мы, памѣтаючи ѿтца его къ ѿтцѣ нашомѣ, королю, его м(и)л(о)сти, верную | а справедливую, а накладную службѣ, *якож* ѿнъ и на потомъ даль то | по собе знати, и *ж* и голову свою на его м(и)л(о)сти службѣ положил, | и бачачи те*ж* шляхетне вроженого писара нашего Никол(ь)ского Васил(ь)евича перво сего къ ѿтцѣ нашому, славное памяти королю Казимѣрѣ, и потомъ к намъ верную а справедливую и николи не замешканую пил(ь)ную службѣ, которую *ж* ѿнъ намъ, пану своемѣ дедичномѣ, | цнотливе а накладне ѿказаль, и хотѣчи его на приплыи часть ѿхотнѣишого и поспешнѣишого ку службѣ нашои вчинити, тое именье | Васково Дромѣтевича, которое *ж* держалъ сынъ его Богданъ, | з особливое ласки наше писарѣ нашому Никол(ь)скому Васил(ь)евичу | даемъ и потвержаемъ симъ нашимъ листомъ вечно, ему, и его жоне | и ихъ детемъ, и на потомъ бѣдѣчимъ ихъ счадкомъ, со всеми того || *л. 290 об.* именье села и боѣры, и съ слугами путными <sup>1</sup>и з люд(ь)ми даными и таглыми, | и з ихъ землями пашными и бортными, и со всеми тыхъ людей входы, | где коли будутъ здавна земли и входы свои мевали, и з ихъ даными грошовыми и медовыми, куничными и житными, и з ловы зверинными и пташими, з лесы, и с озера, и з реками, и з ихъ береги, и з бобровыми гоны, съ ставы, и з млыны, и съ сеножатыми, и з болоты, | и с потоки, и з дѣбровами, и гаи, и съ хворосты, с пастъвами<sup>2</sup>, и з выгоны, зъ землями полазными, и с пашнами дворными, и съ пустоштинами, и со всеми того именье входы, и доходы, и платы, | которымъ кол(ь)ве именьемъ могутъ названы або менены быти, | и со всемъ правомъ и панствомъ, такъ широко, какъ тое именье | держаль Васко Дромѣтевичъ, розделив сѣ с ѿтцомъ своимъ Дромѣтемъ, и што сѣ сынъ его Богданъ ѿт ѿ[т]ца своего Васка на делъ | достало, и што коли здавна к тои его дел(ь)ницы было и слушаетъ, ничего на насъ не ѿставляючи и на наши наследки.

Те*ж* ѿтдалаемъ | всихъ тыхъ, хто бы кольве давность близкостью хотелъ тог(о) именье под нимъ поисквати, розѣмѣючи, *и*ж ѿтецъ нашъ, славное | памяти корол(ь) Казимер, тое именье вышеписаное Деречинь | с немалымъ розмышленьемъ и зъ доброю порадую вземши | къ своеи рѣце, ѿтцѣ его за его службу дал, и дозволилъ понати жонѣ Богдана Дромѣтевича с тымъ именьемъ Деречинь, | которое *ж* мы писарѣ нашомѣ Никол(ь)скомѣ Васил(ь)евичу тымъ | то нашимъ листомъ потвержаемъ вечно и навеки. Воленъ ѿнъ и его | наследки тое именье со всемъ ѿтдати, и продати, и заменити, | и розширити, и лесы розробливати, и дворы собе будовати, | ставы и млыны съправити, и люди ѿсадити, и дерево и инѣшии речи къ своему пожиткѣ реками спускати<sup>3</sup>, и какъ хочеть | тое именье къ своемѣ вжиточномѣ ѿвернути, какъ самъ налѣпеи розѣмѣючи. А хто коли бѣдетъ што того именье забралъ безъ данины || *л. 291* наше и предковъ нашихъ, того ѿнъ маеть правомъ доставати.

А на твер|дость того и печать нашу казали есмо привесити к сему нашом8 | листу.

Стало сѧ и дано в Берестьи, по летех рожества Христова | тисѧча пѧт(ь)сот пѧтого год8, м(е)с(ѧ)ца мѧрта, третии надесѧт(ь) ден(ь). | Индикта ѡсмыи.

При томъ буд8чии велебнымъ прелатомъ | и велеможнымъ и врожоннымъ паном, кн(ѧ)зь Мартин, бисъкуп | жомоитский, а панъ Николаи Николаевич Радивиловича, воевода троцкии, пан Юр(и)и Пацевичъ, державца мерецкии, а кн(ѧ)зь | Михаило Л(ь)вович Глинский, маршалокъ дворных, державца бел(ь)ский | и 8тенский, пан Станиславъ Глебовичъ, воевода полоцкии, панъ | Ґл(ь)брахтъ Мартинович Кгаштововича, подчашии, державца новгородский, пан Иванъ Сопежичъ, маршалокъ, канцлер королевое, | державца brasлавский и жижьморский, пан Немира Грималич, | державца мел(ь)ницькии, а панъ Ґднъ Стецковичъ, державца дорогицкии, и иншыи панове рада. |

З росказанья корола, его м(и)л(о)сти, писал писар Өедко Ґдн8шковичъ, наместникъ володимерьский и скерстомоньский. |

*Примечания.* <sup>1</sup>Вписано над строкой <sup>2</sup>Буква ъ исправлена из о <sup>3</sup>Буквы ти исправлены из ми

## № 525

[1505 г.] октября 12. Судомир.

Личба мытника смоленского | з мыта и корчмы  
смоленское. |

В Судомири, октебра 12 день. Индик(т)ъ 9. |

Маршалокъ г(о)с(по)д(а)рьский дворных, наместникъ бел(ь)ский и 8тенский кн(ѧ)зь Михаило Л[ь]вович Глинский брал личбу 8 старосты и мытника | смоленского Аврама за мыто и за корчмы на тры годы. Выдал | личб8 сполна две тисѧчи и чотыриста копь. Маеѧ еще за тьи | п(е)н(ѧ)зи держати мыто и корчмы смоленский до индикѧта || л. <sup>291</sup> об. десѧтого, до Трехъ кролевъ<sup>[1]</sup>. А почал держати от индикѧта | семого, от Трехъ же кролевъ. |

А того ж часу с корчомъ меньскихъ выдалъ от полчетверта года сполна личб8 за три годы по ст8 копь, а за полгода полосмадеѧтъ копь. |

## № 526

[1505 г.] октября 21. Люблин.

Ґб(ь)ѧвен(ь)е перед королем, его м(илос)т(ь)ю, кнѧзеи  
Санкг8шков | жече поделили имен(ь)ѧми своими. |

В Люблине, м(е)с(ѧ)ца ок(т)абра 21 день. Индик(т) 9. |

Г(о)с(по)д(а)рь король, его м(и)л(о)сть, казалъ про памѧть записати.

Иж мовили | перед его м(и)л(о)стью кн(ѧ)зь Аньдреи Александровичъ а кн(ѧ)зь Аньдреи | Михаилович Сонькушковици, што ж поделили сѧ промижк8 | собою имении своими отчиньными, изволили то, естли бы | хто под которымъ з нихъ земль и людеи правомъ искалъ, ѡдин | др8гом8 маеѧ помочонъ быти и заѡдно стоѧти. А которыи | бы с нихъ з дельницы своее людеи и земль с права втратил, | ѡдинъ другом8 маеѧ то въ своее дельницы дополънити. || л. <sup>292</sup>

Потвержен(ь)е панѠ МихнѠ ИвановичѠ | на некоторые люди  
и земли у Ѡлитской волости, | и на Ѡстров Куков, и на иные  
имен(ь)а его. |

Александрь, бож(е)ю м(и)л(о)стью корол(ь). |

Чинимъ знаменито симъ нашимъ листомъ, хто на него посмотрит, або | чтѠчи  
его вслышит, нынешнимъ и потомъ бѠдѠчимъ, кому будетъ | потребъ того ведати.

Билъ намъ чоломъ тивунъ троцкии и ездескии | панъ Михно Ивановичъ Ѡ томъ, што  
есмо перво сего дали ему три | ч(о)л(о)в(е)ки в Троцкомъ повете Ѡв Олитской волости  
на имѠ Рачка, а Буга, | а Мостухна Монтримовичовъ и съ сеножат(ь)ю промежку  
пашни Кгеиминишское, и тежъ иньшѠ сеножать на имѠ ПоплѠви. А потомъ дали |  
есмо емѠ дѠбровы на пашню на тридцать бочокъ подле речки | Капины а сеножать  
подле тое жъ дѠбровы на имѠ Пороисти и с | тою сеножат(ь)ю ДѠбровы, такъ широко,  
какъ таѠ сеножат(ь) зашла | просто в рекѠ в ПисѠ. А по дрѠгой стороне граница тои  
дѠбролѠ въ его жъ пашню Кгеиминишскую.

А затымъ дали есмо ему Ѡстровъ Ѡ Ѡлитскомъ повете на имѠ КѠков, а озеро  
Ѡнишки, а шест(ь) | ч(о)л(о)в(е)ковъ Ѡлитского жъ повета на имѠ Сымона, а  
Котеика, а МикулѠ | ЁѠкубовича, а Мартина Быковича, а Нашка Вилековича, а Сутка |  
Бутковича и з братьею ихъ. И в томъ Ѡстрове в Кукове почал | былъ ему кривды делати  
плебанъ пуньскии кн(а)зь ЁѠнь, в земли, и в | сеножатех, и в реки того Ѡстрова на имѠ  
в ПетрѠну а въ Воду вступалъ сѠ и езы на нихъ билъ.

Ино з росказанья нашего смотрели тог(о) | межѠ ними наместникъ пуньскии  
панъ Александро Ходкевичъ, а конюшии нашъ дворныи, наместникъ жолудскии  
панъ Мартинъ ХребѠтовичъ, а наместникъ волкиницкии и лепѠньскии панъ ЁѠкубъ  
КѠнцевичъ. И в томъ во всемъ пана Михна правого знашли. И тыи земли | и сеножати  
в томъ Ѡстрове в Кукове ему Ѡт(ъ)ехали и Ѡграничили, || л. 292 об. почон Ѡт Ковалла  
Ѡзера просто черезъ болото в дорогу Сименъскую, а Ѡт | дороги Семенское просто  
Ѡв озеро Дрию. А с того Ѡзера речкою | Дриею въ его жъ речку, в ПисѠ. И тежъ  
тыи вышеиписаныи речки | ПетрѠну а ВодѠ ему жъ присудили подлугъ того, какъ  
тотъ Ѡстровъ | передъ тымъ ограничили панъ Бартошь МонтовѠтовичъ а панъ | Юшко  
Чижевичъ. И на то ему листъ свои судовыи панъ Александро, | а панъ Мартинъ, и  
панъ ЁѠкубъ Кунцевичъ дали. И мы подлугъ ихъ | сѠдогово и нашимъ листомъ то ему  
потвердили.

А потомъ | з ласки наше дали есмо ему озеро наше в Троцкомъ повете | на имѠ  
ДрокрѠжи.

Такежъ поведалъ передъ нами, што жъ доѠстало сѠ ему на делу Ѡт брата его Аврама  
именья жъ его Ѡтчиньныи, дворъ з людьми, што на Вел(ь)и, и с тымъ дворцомъ, што  
подлѠ Трокох, и тежъ дворъ Жодишки, кѠпла Ѡтца его, небожчика | пана Ивана,  
которыми жъ именья поделила matka ихъ, пани ИвановѠа АнѠна, подлѠ ихъ злюбу,  
какъ же они сами межѠ собою | злюбили.

Тежъ повелѠ намъ, што жъ Миколаи Семашковичъ | з братомъ своимъ Кгабриаломъ  
продали емѠ землю свою на имѠ | Довмонтову и съ сеножатыми, и с озера, и зъ реками,  
и з гаи Ѡбел(ь) | вечно, которѠа жъ земля перво того была в п(е)н(а)зехъ Ѡ Ѡтца его,  
небожчика Ивана, тивѠна троцкого.



Тежъ кѣпил в Ывашка а въ Бу|трима Ёдновичовъ и в невестки их в Настасьи Добковое, а въ | Петрашка, а въ Юр(и)ѣ Мицковичовъ, а в Зоѣи Богдановое и в ее | сына в Ол(ь)брахъта сеножать их звечную за Немьномъ в пѣщи | на реце Першаце межи ѡзера Ѓтаса и Ѓнъковъ ѡбель | вечно.

И на то на все листы, *первшю* нашу данину и *лист* судолвыи и *теж* *матки* своее *лист* дел(ь)чии, которымъ жо она поделила | его и з братомъ его Аврамомъ именьи их ѡтчинъными, и *теж* | листы кѣпчии, перед нами вказывал. И бил намъ чолом, абыхмо то *потвердили* ему нашимъ листомъ на вечность.

И мы з ласки наше для его *верное* службы то вчинили, на то дали || <sup>л. 293</sup> ему сесь нашъ *лист* и *потвержаемъ* то симъ нашимъ листомъ вечно | емѸ, и его жоне, и их детемъ, и на потомъ будѸчимъ их счадомъ. Нехаи | онъ тьи вышеиписаныи люди и их земли, и ѡзера, и ѡстровъ | Куков со всимъ с тымъ, какъ сѧ тотъ ѡстровъ в себе мает, подлугъ | *первого* нашего дан(ь)ѣа и какъ тьи вышеиписаныи суд(ь)и, панъ Александро Ходкевичъ, а панъ Мартинъ Хребътовичъ, а Ёдкубъ Кунцевич то | ему ѡграничили, и тьи именья свои ѡтчинныи подле делу *матки* | своее и своего злюбѸ, и *теж* тьи земли, куплю свою, подлугъ листовъ кѣпчихъ *держитъ* вечно и непорѸшно. И *волен* онъ ихъ ѡтдати, | продати, заместити, розъширити и къ своемуѸ вжиточному и лепъшому ѡбърнути, какъ самъ налѣпеи розъмеючи.

А на твердость того и *печат(ь)* нашу казали есмо привесити к сему нашему | листу.

П(и)сан в Кракове, в лет(о) 7012, м(е)с(а)ца сен(т)абра 11 | день. Индикт 8. |

При т(ом) былъ мар(шалок) двор(ный), нам(естник) | мер(ецкий) и Ѹт(енский) кн[А]з(ь) Мих(аил) Л(ь)вов(ич) Глин(ский). |

№ 528

[1504 г.] сентября 16. Краков.

Потвержен(ь)е Хот(ь)ѣнѸ Шембелю на дворецъ Михаиловский | в Оршанскомъ повете и на земли в Городенскомъ повете. |

Александръ, бож(е)ю м(и)л(о)стью. |

Чинимъ знаменито симъ нашимъ листомъ, хто на него посмотри, або чтѸчи | его Ѹслышит, нынешнимъ и потомъ будѸчимъ, кому будетъ потребъ | того ведати.

Биль намъ чоломъ дворянинъ нашъ Ѳотьянъ Шембел(ь) ѡ томъ, што есмо *перво* сего дали ему дворъ з людьми в Рошскомъ | повете боярина кн(а)зя Васил(ь)ева Шемѣтича Ишутинъ на имѧ Михаиловский, которыи жо есмо *перво* того дали были кн(а)зю ИванѸ | ТрубецкомѸ. А в Городенскомъ повете дали есмо ему землицѸ | на имѧ Гичевщину, на которой же земли передъ тымъ седали люди наши таглыи на имѧ Ёдкубъ а Текунъ Максимецъ.

И *теж* || <sup>л. 293 об.</sup> поведил перед нами, што жъ кѣпиль к той же землицы къ Гичевщине в Городенскомъ повете гаи сосновыи и с полемъ, што ѡколо | того гаю, в людѣи нашихъ городѣнѣнъ на имѧ Ѹ Ѳедьца Кричкевича, а въ братанича его въ Гриньца Есиповича, и въ жонъ | и въ дети ихъ. И на то на все листы, *первшю* нашѸ данинѸ | и листы кѣпчии, перед нами вказываль.

И бил намъ чоломъ, | абыхмо то *потвердили* ему нашимъ листомъ на вечность. | И к томѸ просиль в насъ пѣстовщины в Городенскомъ повете | на имѧ Мацевъщины.

Ино мы з ласки наше, дла его службы | тымь его пожаловали, тѣю пѣстовщину Мацевщину ему дали. | И потвержаемъ то все тымь то нашимъ листомъ вечно емѣ, | и его жоне, и ихъ детемъ, и на потомъ бѣдѣчимъ ихъ счадомъ. | Не хай оуъ тотъ дворецъ Михаиловский и тыи вси вышеписанныи землицы, нашу данинѣ, и тотъ гаи сосновыи и с тымъ | полемъ, куплю свою, держитъ со всимъ с тымъ, што к нимъ | здавна прислухало, и какъ кѣпиль. И воленъ то оуъ отдати, | продати, заменить, розъширити, къ своему вжиточному | и лепшому обернути, какъ самъ налепи розѣмеючи.

А на | твердость того и печать нашѣ казали есмо приложиѣти к сему нашомѣ листѣ.

П(и)санъ в Кракове, в лет(о) 70[12], | м(е)с(а)ца сен(табра) 16 день. Индик(т) 8. |

При т(ом) был мар(шалок) двор(ный), нам(естник) мер(ецкий) | и 8т(енский) кн[а]з(ь) Мих(аил) Л(ь)вов(ич) Глин(ский). || л. 294

## № 529

1505 г. декабря 15. Городно.

Потвержен(ь)е панѣ Оед(ь)кѣ Гаврыловичѣ | Мелешковича  
на имен(ь)а его розные, Деватковичи, Литвиновичи,  
Пироговичи, Зеречаны, | Ёрѣтичи, Глѣшку и на инѣшие  
имен(ь)а. |

Во има бож(е)е. Амин(ь).

Мы, Александръ, з божее ласки корол(ь) пол(ь)ский, великий | кн(а)з(ь) литовский, рѣский, кн(а)жа прѣское, жомойтский и иныхъ | панъ и дедичъ.

Чинимъ знаменито симъ нашимъ листомъ, хто | не него посмотрит, або чтучи его слышит, нынешнимъ и на потомъ будѣчимъ, комѣ того потребѣ будетъ ведати.

Бил намъ чоломъ городничии городенский пан Оедько Гаврилович Мелешковича и поведиль пѣред нами, што ж делил с(а) з дядкомъ своимъ, с паномъ Иваномъ Мелешкови|чомъ, именъи, люд(ь)ми на има Деватковичи, а Литвиновичи, а Пироговичи, а Заречаны и з землами въ Ёрѣтичох, которыи ж выслужил | дед его, панъ Мелешко Михаиловичъ, на оуцы нашомъ, короли, его м(и)л(о)сти. | И теж именъе их на има Глѣшку, которое жъ предки ихъ за великого кн(а)зя Витовта и Жикгимонта, и они сами за оуца нашого, | короля, его м(и)л(о)сти, и за насъ в держаньи суть.

Такеж поведил перед | нами, што ж дали есмо емѣ в Городенскомъ повете на реце на Горѣницы шесть слѣжобъ и з людьюми на има Сѣнтон(а) и з братьею | его, Анддрея, Оумѣ Проскурничичовъ, а Клима, а Василя, а Максима Ёхновичовъ и з ихъ братьею, а Ивана, а Мицка, а Иосифа Кѣдричовъ, а Костюка Васил(ь)ковича, а тры пѣстовщины подле | тых же людей на има Денисковщину, а Дмитровщину, а Юцовщину.

Теж деи дали есмо емѣ людямъ нашихъ Кгодеиковъцовъ в Городенскомъ же повете Скидел(ь)ские волости на има Комлоча и зъ его дет(ь)ми, | с Шанемъ, а з Матеемъ, а зъ Ил(ь)комъ, а Борздила зъ его детьми, а Миска | з детьми ж, и з ихъ землами, и съ сеножат(ь)ми, и зъ ихъ службами, | и з даклы.

И теж поведил перед нами, што ж дали есмо ему землю || л. 294 об. в Городенскомъ жо повете на Немне на има Грицовщину, которѣю жъ землю был купил в сына Грицова, 8 Манца, коморникъ оуца | нашого, короля, его м(и)л(о)сти, што ж без приволен(ь)а его м(и)л(о)сти. А к томѣ | подавали есмо ему земли пѣстовский в Городне жъ на има | Милостивщину, Авдотьевщину, и оутича тое земли на има |

Федорца, котораа *ж* земля под местомъ Городенскимъ. А к томѹ поведил, што *ж* дали есмо емѢ оол(ь)варокъ мещанина городенского на *има* Богданцовъ, который *ж* оол(ь)варокъ тот Богданецъ | збѣдовал на наших землях дакол(ь)ныхъ, на Лук[ъ]ановой, а на Гѣковлѣовой Аньтоновича, а на Семеновича, а на Филиповыхъ Кожича полах, | и на иных наших дакол(ь)ныхъ землях, купивши в них без нашего дозволен(ь)я.

Потом поведил перед нами, што *ж* кѣпиль | землицѢ в людеи наших таглых городнѣн на *има* Ѣв Олексы | Ѣ Дарича и въ его сына Ленца и третью част(ь) Клештевицины, пол(ь) | и сеножатеи, которую *ж* землю пань Гѣн Насутичъ придал томѢ | ч(о)л(о)в(е)ка къ его земли, а в Федца Гѣцѣгича и въ его жоны и в падчерицы его теж третью часть пол(ь) и сеножатеи земли тое *ж* | Клещовщины. А в ПетѢка и въ его братьи в Тинанѣ и в Сен(ь)ка | Иксортовичовъ<sup>1</sup>, и въ их жонь, и въ их детеи купил дѣбровку а два | пол(ь)ца за селом за ПѢтрошками.

При том поведил, што жъ | купил земли на тридцат(ь) бочокъ Соланокъ подле ПѢтрошак же | в людеи наших в дубничан на *има* в Донила Пахновича и въ его | сына Иванца, а в Малыша, а въ Евѣлаша, а въ Матѣея Пахновичовъ, и въ его сына Ѣв Ортюха, а въ ѢѢонаса Кебелневича, и въ его | брата ѢѢагона, а в Ленѣ, Тарасовое зѣтѣ, и въ его сына Иванца, | а в Ходора, Ѣ Бориса, Ѣ Федца, в Зеновца Бутковичов. А въ Мар(ь)и | Игнатовое и въ ее сыновъ, в Мацѣты, а в Пантелеца, а в Сидорѣца, кѣпил половинѢ Бобровщины на вечность, которую *ж* | был БобровщинѢ муж ее Игнат купил в Лопатенки.

Такеж || л. 295 поведил перед нами, што *ж* кѣпил оол(ь)варокъ Ѣ городнѣнина Ѣ Лаврина | Ленцовича и в его жоны, и въ их детеи на речце на Горницы и с ставкомъ, и съ пол(ь)ми, и съ сеножатеями, и з гаи. Теж кѣпил дворец со огородомъ Ѣ месте Городенскомъ на Подоле в мещанки городенское | на *има* в ПетрѢши Минцовое и въ ее пасыньковъ, въ Енка, а в Петрошѣа, а в Пет(ь)ка, и въ детеи ее, Ѣ Николаѣа а въ Воитеха. А подле того *ж* | дворца купил местцо невеликое<sup>2</sup> на [По]доле в пасынка тое ПетрѢши | а въ Енка Скорохода, на чомъ себе тыми разы дом збѣдовалъ. |

Такеж поведил перед нами, што *ж* дыакъ его Микитка купил | огородцы в месте *ж* Городенском в стряхаров городенских, в Санца | Махночовичовъ а в Ъвана Михалевича, и въ его сына Иванка, а в Степана Волчковича. И тых деи всих огородовъ, купли своее, емѢ, | пану своемѢ, сѣа поступил. И листы кѣпчии ему подавал.

И поведил перед нами, што *ж* дали есмо емѢ одну службѢ в Слонимском | повете на *има* Игната и его братью Матѣея а Зана Махновичовъ. А к томѢ дали есмо емѢ тры пѢстовщины в Слонимском же повете, в ЕрѢтичох, Ѣлишьсовщину, а СеменовъщинѢ, а Мил(ь)кѢл(ь)чину, а ч(о)л(о)в(е)ка нашего ѢомѢ Сухаркевича з брат(ь)ею, | а Ждана з братомъ съ Сакомъ и з братаничомъ с Ондреицомъ а з БорѢздил(ь)цомъ на РадѢши и з землями пашными и бортными. | И на вси тыи вышеписаныи люди и земли, на нашу данинѢ | и на свою кѣплю, наши листы и купчии перед нами покладать. |

И бил намъ чолом, абыхмо емѢ тых именеи, дел(ь)ницѢ<sup>3</sup> его, кото[р]оѣ сѣа ему на делу достала от дѣдка его, от пана Ивана Мелешковича, данина отца нашего, короля, его м(и)л(о)сти, и теж нашѢ | данинѢ, и кѣплю его, што он купил Ѣ мещан и в людеи городенских, потвердили нашим листом на вечност(ь).

Ино мы з ласки н(а)шое | за его к намъ верную и пил(ь)ную службу тыи имен(ь)я вышеписаныи || л. 295 об. Девѣтковичи, а Литѣвиновичи, а Пироговичи, а Заречаны, и землю | въ ЕрѢтичохъ, данину отца нашего, короля, его м(и)л(о)сти, и ГлушкѢ, |

даньники его водле его делѣ, какъ сѧ онь делил з дадкомѣ | своимъ, и што на тых жо землях прибавиль, и розширил, и людьми осадил, и в держаньи был после того делу дадка своего до тых часовъ, и тежъ тыи вышеписаныи люди, и земли, и оол(ь)варки, нашѣ данину, и куплю его, подтверждаемъ симъ нашимъ листомъ вечно и непорѣшно, ему самому, и его жоне, и их детем, | и на потомъ бѣдѣчимъ ихъ счадкомъ, и ихъ ближнимъ. Маеть | панъ Ѳед(ь)ко и его жона, и ихъ дети и на потомъ бѣдѣчи[е] ихъ | наследки, и ихъ ближнии то все держати водле делу дадка своег(о) | и водле первое наше данины и листовъ и подлугъ купли своее | и листовъ купчих з люд(ь)ми пѣтными, и данными, и таглыми, | и з землями пашными и бортными, и з лесы, и з дѣбровами, | и съ сеножат(ь)ми, и съ ставы, и съ ставищи, и з млыны, и з ихъ вымелками, и з реками, и з озеры, и з бобровыми гоны, и з ловы | зверинными и пташими, и даньми грошовыми и медовыми, и с платы и подат(ь)ми, которымъ кол(ь)ве именемъ могутъ | названы быти, и со всеми вжитки и доходы, какъ сѧ тыи | вышеписаныи именья в собе мают. Волен то ои ѿдати, | и продати, и заменити, и розширити, и прибавити, и на | церковь записати, и къ своему лепшомѣ и вжиточномѣ обернѣти, какъ самъ нелепей розѣмеючи.

А на твердость того | и печат(ь) нашу казали есмо привесити к сему нашему листу. |

При томъ были княз(ь) Воитех, бискупъ виленьский, а кн(а)зь Мар(т)инъ, бискупъ жомойтский, а воевода виленьский, канцлеръ нашъ | панъ Миколаи Радивиловичъ, воевода троцкий панъ Миколаи | Миколаевичъ, маршалокъ земский, староста городеньский || <sup>л. 296</sup> панъ Іѧнь Юр(ь)евичъ, а воевода полоцкий панъ Станиславъ Глебовичъ, а гетманъ, наместникъ василишский панъ Станиславъ Петровичъ, | маршалокъ дворный, наместникъ бел(ь)ский и ѣтенский кн(а)зь Михаило Львовичъ Глинский и иные панове рада.

П(и)сан в Городне, | в лет(о) 7014, м(е)с(а)ца дек(абр.) 15 день. Индик(т) 9. |

*Примечания.* <sup>1</sup>Буквы кс исправлены из к <sup>2</sup>Буквы ел исправлены из других <sup>3</sup>Буквы ни вписаны над строкой

## № 530

[1503 г. января 9 — 1506 г. августа 19.]

Боѧромъ слонимскимъ Соколовскомѣ Богѣславѣ | а Беинарѣ  
о имен(ь)е ихъ Деревную. |

Дворенину нашомѣ Матею Станковичъ.

Ѣжо неоднократно жаловали | намъ боѧре слонимские на има Соколовский Богѣславъ а Беинар, што жъ | деи спало именье на нихъ боѧрина слонимского Юшково Милевича | на има Деревная по близкости женъ ихъ. И краичии деи нашъ, наместникъ скидел(ь)ский кн(а)зь Іѧнушь Александровичъ, будѣчи ѿ насъ державцою слонимскимъ и ѣвѣзанье имъ ѣ тое именье дал. То пакъ | деи ты з нашимъ ѣвѣзъчимъ ѣ тое именье ихъ ѣвѣзалъ сѧ, а намъ | ихъ к тому ближнихъ не поведаючи, нижли поведилъ еси передъ нами, | и жъ бы того Юшка жона на има Марина, матка тебе, ѣмираючи и ѿтписала тебе на томъ именьи двесте копъ грошей | за вено свое, которое жъ вено тотъ Юшко, мужъ ее, на томъ имен(ь)и еи записал.

Ино мы вжо ѿ томъ ихъ с тою Юшковою перво сего смо(т)рели. И таѧ Юшковаѧ, матка твоѧ, поведила передъ нами, | што жъ мужъ ее, тотъ Юшко, записалъ еи на

томъ имени своем | 8 Деревной вена двесте копъ грошей. И запис мужа своего, на | то поведила, нижи на тотъ часъ тог(о) запису мѣжа своего при собе не мела. И поведила его 8 пана ѡхмистра и мѣла его перед нами положить в томъ час, какъ пан ѡхмистръ || л. 296 об. з Москвы приедеть<sup>[1]</sup>. А естли са над нею бож(е)на вола стала *первеи*, ниж | тотъ записъ мѣжа своего положит перед нами, тогда она | не мела никому ближнимъ своимъ на томъ имени мужа своего | тых двусотъ копъ *отписывати*.

Ино тыми разы тыи боа|ре наши Соколовскии, а Богѣславъ, а Беинар били намъ чоломъ, *иж деи* | ты невинне ее тое имение, близкост(ь) жонъ их, *держишь*.

И мы казали | писарем нашимъ перед нами книги положить. И в книгахъ нашихъ стоить, што жъ таа Юшковаа Марина, матъка | твоа, мела передъ нами на тую двесте копъ грошей записъ | мѣжа своего Юшковъ положить 8 тотъ часъ, какъ панъ | ѡхмистръ з Москвы приедеть. А естли бы ее *смерть* | зашла *первеи*, нижъ тотъ записъ мѣжа своего перед нами | не положила, тогда по ее животе вена ничего на томъ | имени ее не мало быти бы, и записъ мѣжа ее Юшковъ | на то быть, а тое имение завесили есмо на ближнихъ.

Ино | матъка твоа ѣмеръла, а того запису перед нами мужа | своего не покладала.

Про то жъ послали есмо дворенина | нашего Бокеа и казали есмо емѣ в тое имение в Деревную, | в жонъ ихъ близкостъ, ѣвзати водле перьвого нашего | сѣда.

И ты бы того имениа имъ поступилъ и зъ люд(ь)ми, и с челадью невольною, со всимъ тымъ, какъ еси з нашимъ | ѣвѣжчимъ 8 нихъ взалъ. || л. 297

№ 531

1506 г. января 20. Люблин.

Потвержен(ь)е Иванѣ Хребтовичѣ | на имение Портско  
а на дво|рище Стрел(ь)никовъское. |

Александръ, бож(е)ю м(и)л(о)стью корол(ь) пол(ь)скии и великии княз(ь) лит(о)в(скии). |

Чинимъ знаменито симъ нашимъ листом, хто на него посмотрит, або чу|чи его ѣслышит, нынешнимъ и на потомъ будѣчимъ, кому потреб | того будетъ ведати.

Бил намъ чоломъ дворенинъ нашъ Иван Хребтовичъ и поведил перед нами, што *перво* сего дозволили есмо ему выкѣпити имение в земанина волынского въ Юхна Защитовского на *имѣ* Портско 8 тридцати копах грошей, которое жъ имение *от* того | Юхна было 8 заставе 8 земенина луцкого ѣв Онацка. А по смерти того | Юхна Анацкове тое имен(ь)е выкупил братъ Юхновъ Михно Защитовскии. И какъ тотъ Михно *вмер*, ино никого ближнихъ Юхновыхъ | Защитовского к тому имению к Портску не было. И на насъ, на г(о)с(по)д(а)ра, | то спало.

И мы з ласки нашею тое имение Портско дали и дозволили Ивашкѣ в тыхъ п(е)н(а)зехъ выкѣпити.

Тежъ поведил перед нами, | што *ж* дали есмо ему и брату его Дмитрѣ двоорицо в том же имен(ь)и | в Портскѣ на *имѣ* Стрел(ь)никовское. И листы, *первую* нашѣ данину на тое | имение и на двоорицо, перед нами покладал. И бил намъ чоломъ, абыхмо тое имение и двоорище, *первую* нашѣ данину, подтвердили емѣ | нашимъ листом на вечность.

Ино мы, ѣбачивши его к намъ *верную* | а пил(ь)нѣю и николи не вмешканѣю служѣбѣ, з ласки нашею тое *вышеписанное* имение Портско и двоорицо Стрел(ь)никовское

потвержаемъ сим | нашимъ листомъ вечно ему, и его жоне, и их детемъ, и на потомъ | будѣчимъ ихъ счадомъ, и ихъ ближнимъ, з люд(ь)ми служебными, | и данными, и таглыми, и зъ ихъ землами пашными и бортными, и з лесы, и з дѣбровами, и з борми, и з гаи, и съ хворосты, и съ сеножатями, и з болоты, и зъ лѣсками, и з ловы зверинными и пташиными, и з ловищи, и з бобровыми гоны, и з озеры, и зъ реками, || л. 297 об. и зъ речками, и с криницами, и съ ставы, и съ ставищи, и зъ рыбники, и з рыбными вловки, и з млыны, и зъ ихъ вымелками, и з даньми грошовыми, | и медовыми, и куничными, и съ сокол(ь)ими гнезды, и со всеми вжитки, | и пожитки, и платы, и податями, и доходы, и со всимъ с тымъ, | какъ то е именье и дворищо съ стародавна њ своихъ границахъ сѧ | мають. И вол(ь)ни они то ѡтдати, продати, заменити, и къ церкви | бож(е)и записати, и розширити, прибавити, и къ своему лепшомѣ | и вжиточномѣ обернути, какъ налепи сами розѣмеючи.

А на | твердость того и печать нашу казали есмо привесити к сему | нашему листѣ.

П(и)сан в Люблине, въ лет(о) 7014, м(е)с(ѧ)ца | ген(вара) 20 день. Индик[т]ъ 9. |

№ 532

1506 г. января 21. Люблин.

Потвержен(ь)е Ивашкѣ Лабѣнскомѣ на 2 | селища  
в Кременецком повете. |

Александръ, бож(е)ю м(и)л(о)стью корол(ь) пол(ь)скии. |

Чинимъ знаменито симъ нашимъ листом, хто на него посмотритъ, | або чтѣчи его слышитъ, нынѣшним и потомъ будѣчимъ, кому потребъ | будетъ того ведати.

Бил намъ чоломъ земенинь волынский Ивашко Лабуньский и поведил перед нами, што ж дали есмо ему два селища | пѣстовскихъ в Кременецкомъ повете на имѧ Коляшчинцовъ а Сехновѣцовъ, и листъ нашъ, первую данину, на то перед нами покладалъ. | И бил намъ чоломъ, абыхмо емѣ тыи селища потвердили нашимъ листом на вечност(ь).

Ино мы, вбачивши его к нам верную и пил(ь)ную | и невмешканѣю службу, з ласки наше тьи вышеписаныи селища в повете Кременецкомъ, Коляшчинцовъ а Сехновѣцовъ, | потвержаемъ сим нашимъ листом вечно емѣ, и его жоне, и их детемъ, | и на потомъ бѣдѣчимъ ихъ счадомъ, и ихъ ближним. Нехай они || л. 298 то держатъ и зъ землами пашными и бортными, и з лесы, и з дѣбровами, | и з гаи, и съ хворосты, и съ сеножатями, и з болоты, и з бобровыми гоны, | и зъ реками, и зъ речками, и съ ставы, и съ ставищи, и з млыны, и зъ ихъ вымелками, и со всеми вжитки и пожитки, со всимъ с тым, што здавна к тымъ | селищамъ слѣшало и какъ стародавна њ своихъ границахъ сѧ мают. Вол(ь)ни | они то ѡтдати, и продати, и заменити, и къ церкви божеи записати, | и розширити, прибавити, к своему лепшомѣ и вжиточному обернѣти, какъ налепи сами розѣмеючи.

А на твердость того и печать нашѣ казали есмо<sup>1</sup> привесити к семѣ нашомѣ | листѣ.

П(и)сан в Люблине, в лето 7014, м(е)с(ѧ)ца ген(вара) 21 день. Индик[т]ъ 9. |

Копот(ь) писать. |

Примечание. <sup>1</sup>Далее в строке зачеркнуто казали есмо

## № 533

1506 г. февраля 15. Люблин.

Привилеі ПавлѠ РачковичѠ на два | жереб(ь)и Мишковичи  
Ѡ Мел(ь)ницкомъ повете. |

Александръ, бож(е)ю м(и)л(о)стью корол(ь) пол(ь)ский. |

Чинимъ знаменито симъ нашимъ листомъ, хто на него посмотри*т*, | або чтѠчи  
его Ѡслышит, нынешнимъ и на потомъ бѠдѠчимъ, кому | потребъ будет<sup>1</sup> того<sup>2</sup> ведати.

Билъ намъ чоломъ дворенинъ нашъ | Павелъ Рачковичъ и вказывалъ передъ нами  
листь нашъ, што есмо Ѡстали ему винни за его службу чотыриста золотыхъ. И о<sup>н</sup>  
билъ намъ | чоломъ, абыхмо ему для его службы за тѣи золотыи дали люди наши  
Ѡ Мел(ь)ницкомъ повете на има Мишковичи, два жереб(ь)и. |

Ино мы з особливое ласки наше, за тѠю его к намъ верную, пил(ь)нѠю, николи  
не вмешканѠю службу, и хотачи его на потомъ Ѡхотнейшого и поспешнейшого кѠ  
службе нашеи мети, тѣхъ людеи || л. 298 об. Мишковичовъ два жеребѣи емѠ есмо дали.  
А тотъ листъ нашъ на чотыриста золотыхъ казали есмо содрати. И дали есмо тѣи |  
люди вышеписаныи вечно ему, и его жоне, и ихъ детем, и на потомъ | будѠчимъ ихъ  
счадко<sup>м</sup>ъ зъ ихъ платы грошовыми, и медовыми, и бобровыми, и куничными, и з ихъ  
службами, и з дакы, | и з землами пашными и бортными, и з ихъ входы, и зъ лѣсы,  
и з сѣножатями, и зъ ловы, и зъ ловищи звериньными и пѣташьными, | и съ ставы, и съ  
ставищи, и зъ млыны, и зъ ихъ вымелками, и со вѣсимъ с тѣмъ, какъ сѣ съ стародавна  
тѣи люди Ѡ своихъ границахъ | сѣ мели и ныне мают. Воленъ то онъ продати, и Ѡтдати,  
и замѣнити, и росѣширити, и прибавити, и къ своему лепѣшому а вжи<sup>т</sup>очному  
Ѡбернути, какъ самъ налѣпи роздѣмеючи.

А на тверд<sup>о</sup>сть того и печать нашѠ казали есмо привесити к семѠ | нашомѠ  
листвѠ.

П(и)санъ в Люблине, в лет(о) 7014, м(е)с(а)ца | Ѡеб(рала) 15 день. Индик[т]ѣ 9. |

Примечания. <sup>1</sup>Слово написано по смыслу текста <sup>2</sup>Слово вписано над строкой

## № 534

[1506 г.] января 16. Люблин.

Личба албо квитация з мыта | новгородского. |

Александръ, бож(е)ю м(и)л(о)стью. |

Вывнаемаемъ симъ нашимъ листомъ, што есмо продали | были мыто наше  
новгородское ѠливерѠ ѠражинѠ | на пѣть годов, на год по пѣт(ь)десятъ копъ грошеи.  
Ино онъ выдалъ | намъ на личбе, што давалъ на наши потребы и на квитации | за чотыри  
годы безъ трехъ месецеи двесте копъ грошеи водле | нашеи Ѡранды. Надзвышь того  
выдалъ на наши потребы и на | квитации сто копъ грошеи и дванадцѣть копъ грошеи  
безъ семи || л. 299 грошеи. А пѣтого годѠ и трехъ месецеи ещо не додержалъ. И тежъ  
покладалъ | передъ нами листъ нашъ вызнанныи первое личбы, што были есмо ему Ѡстали  
винни сто копъ, и сорокъ копъ, и семь копъ, и двадцѣть грошеи. |

И мы казали были ему в тѣи пѣт(ь) годовъ брати себе по полтрет[ъ]адцѣть  
копъ грошеи с тѣхъ же п(е)н(а)зеи нашихъ мытныхъ. А намъ малъ | давати по дрѠгой по  
полтрет(ь)адцѣти копъ грошеи. И онъ себе тѣхъ | п(е)н(а)зеи не выбралъ, бо в тѣи годы  
вси п(е)н(а)зи давалъ на наши потребы.

Ино мы всего того оцтали ему винни нынешнее личбы и перлвое двесте копь грошеи и шестьдесѧт копь. И на то есмо емѸ | дали сесъ нашъ листь вызнаныи. А маемъ то емѸ заплатити | часомъ подобнымъ.

П(и)сан в Люблине, ген(вара) 16 день. Индик(т) 9. |

## № 535

[1505 г. — 1506 г. августа 19.]

Потвержен(ь)е панѸ Миколаю РадивилѸ, | воеводе троцкомѸ,  
купли его некоторых | людеи в селе Ѣречью. |

Чинимъ знаменито симъ нашим листомъ, хто на него посмотреть, | або чтѸчи его ослышит, нынешнимъ и на потомъ будѸчим, кому | потребъ будетъ того ведати.

Бил намъ чоломъ воевода троцкии | панъ Миколаи Николаевичъ Радивиловича и поведил перед нами, што ж | кѸпил Ѹ пана Воитеха Юр(ь)евича петнадцать чоловековъ съ супол(ь)ными службами его властных отчизныхъ людеи в том селе на Ѣреч(ь)и, | всю часть его, которую ж мел в одделе от брата своего, небожчика | пана ІѸна. И теж поведил перед нами, што ж купил Ѹ брата его, Ѹ п(а)на | ІѸна Юр(ь)евича, там жо на Ѣречьи тых жо людеи осмъ ч(о)л(о)в(е)ковъ оселлхъ служобъ супол(ь)ныхъ, а две земли пѸстовский, котораѧ сѧ част(ь) | ему достала, тых жо людеи Ѣречьких в одделе от брата его, от п(а)на | Воитеха, и зъ их детьми, и со всеми службами, и с платы, и со всеми || л. 299 об. ихъ землами, и сеножатъми, и з леси, и зъ дѸбровами, и зъ бортнымъ | деревомъ, и з водами, и со всемъ тымъ, што здавна къ их земламъ | прислѸхаеть, обел(ь) вечно. И тыи листы купчии на то пана | Воитеховы и пана ІѸновъ, брата его, листь перед нами покладал. | Ино в тых листех стоить, за вси тыи люди и земли воевода троцкии панъ Миколаи имъ даль триста копь грошеи, и двадцать | копь грошеи, и шесть копь грошеи.

И бил намъ чоломъ, абыхмо тыи | верхѸписаныи люди и земли потвердили нашимъ привил(ь)емъ | на вечность ему.

Ино мы, впоматавши его к нам верную и николи не вмешканую службу и тѸдежъ бачачи близькость по | жене его и к именьямъ тыхъ пановъ Юр(ь)евичовъ верхѸписаных, | з ласки наше тые вышеписанные люди и земли, которые пан воевода покупил обелъ вечно Ѹ пана Воитеха а в пана ІѸна Юр(ь)евичовъ, потвержаемъ симъ нашим листомъ вечно и непорушно ему самому, и его | паней, и их детемъ, и на потомъ будѸчимъ их счадомъ, и их ближним. Маеть панъ Миколаи, и его пани, и ихъ дети, и на потом будѸчи(е) | ихъ наследки, и их ближнии то все держати водле тое купли своеѧ | з люд(ь)ми данными и тяглыми, и з ихъ жонами, и з детьми их, и з ихъ | землами пашными и бортными, и з леси, и з дѸбровами, и з борлми, и з гаи, и с хворосты, и съ сеножат(ь)ми, и зъ болоты, и з луками, | и з ловы, и з зверынными и пташими, и з ловищи, и з бобровыми | гоны, и з озеры, и зъ реками, и з речками, и с криницами, и съ ставы, | и съ ставищи, и з рыбники, и з рыбными вловки, и з млыны, и з ихъ | вымелками, и з данью грошовую, и медовую, и куничною, и со всеми вжитки, и пожитки, и платы, и подат(ь)ми, и доходы, и со всимъ с тымъ, какъ стародавна тыи люди и их земли в своих | границах сѧ мают. И вол(ь)ны они то отдати, и продати, заменити, и к церкви божеи записати, и розширити, и прибавити, | и къ своему лепшому и въжиточномѸ обернути, какъ налепеи || л. 300 сами роззмеючи.

А на твердость того и печать нашу казали есмо | привесити к сему нашомѸ листу.

П(и)санъ. |



## № 536

[1506 г.] января 28. Люблин.

Матѣшѣ на воитовство волко|выіское. |

В Люблине, м(е)с(а)ца ген(вара) 28 день. Индик[т]ь 9. |

Г(о)с(по)д(а)рь, его м(и)л(о)сть, велеть про памат(ь) записати.

Поведил перед его | м(и)л(о)стью службными на има Матѣшѣ, ижъ заслужил ѣ Смоленску | при ротъмистре при Адаме Павлиньскомъ старое службы | сто золотых. И листъ того Адама вызнаны на то перед его | м(и)л(о)стью покладал.

И г(о)с(по)д(а)рь, его м(и)л(о)сть, дать ему воитовство вол|коввыіское. И онъ за то г(о)с(по)д(а)рю, его м(и)л(о)стью, тую сто золотыхъ за | службу свою отпѣстить. |

## № 537

1506 г. января 29. Люблин.

Привилеи кн(а)зю Михаилѣ Глинскомѣ | на некоторых боар ку  
именью ему первеи | даному Турову. |

Чинимъ знаменито симъ нашим листомъ, хто на него посмотрить, | або чтучи его вслышит, нынешнимъ и на потом будѣчимъ, кому | будет потребъ того ведати.

Бил намъ чоломъ маршалокъ нашъ | дворныи, наместникъ бел(ь)скии и ѣтенскии кн(а)зь Михаило Л[ь]вовичъ | Глинскии, што есмо емѣ дали волость нашу Тѣровъ со всим, какъ | на нас держан, ѣ вотчинѣ, и привилеєм нашимъ подтвердили на вечность, где жъ онъ теми разы замокъ себе збудовал. Нижли || <sup>л. 300 об.</sup> боар, которыи именья мають в Туровскомъ повете на има Тишка Волчковичъ, Игната а Данила Скалыбичов, а Жадеа | Поторочича, а Солтаньца и з братомъ его Іацькомъ Борисовичом, | а вдовы Тепецкои, а Молчана Свирковича ему были есмо не дали. |

Ино мы ныне з ласки наше за его к нам верную и пил(ь)ную николи не вѣмешканую слѣжбу тыи боаре вышѣпоменены, которыи | именья свои мают в Тѣровскомъ повете, емѣ есмо дали и зъ их именны, и со всим с тымъ, какъ они намъ слѣжили. А естли бы тыи | боаре не хотели ему слѣжити, тогды они, именья свои ему | оставивши, намъ, г(о)с(по)д(а)реви, або паном раде нашои, кому похотать, | тому мають слѣжити. А в тых именьехъ онъ воленъ, кѣды хота | маеть обернути.

А дали есмо ему тыхъ боаръ вышечисаных | и зъ их<sup>1</sup> именни со всимъ вечно и непорушно, емѣ самому, и его кнегини, | и ихъ детемъ, и на потомъ будучимъ ихъ счадькомъ. Вольни они | тыи ихъ именья отдати, и продати, и на церковь записати, | и заменити, росъширити, и прибавити, и къ своему лепшому а вѣжиточному обернути, какъ сами налепеи розѣмеючи.

А на | твердость того и печать нашѣ казали есмо привесити к селму нашомѣ листѣ.

П(и)санъ в Люблине, в лето 7014, | м(е)с(а)ца ген(вара) 29 день. Индик[т]ь 9. || <sup>л. 301</sup>

Примечание. <sup>1</sup>Слово написано над строкой

## № 538

[1506 г.] января 28. Люблин.

Ивашкѣ Гошѣскомѣ на человека | во Врѣчомъ. |

Александръ, бож(е)ю м(и)л(о)стью. |

Наместнику врѣцкому пану Сеньку Романовичу.

Биль намъ чоломъ дворенинъ нашъ Ивашко Богдановичъ Гошьский, што | дали есмо небожьчику панѸ Быку Александровичу человека | нашего во Врѣчемъ на им.а Мартиньца Пупьковича и его братью Ёлешка а Сидора. А какъ пана Быка татарове вбили, и онъ поналъ | за себе дочьку его, и имениа его вса третая часть емѸ с.а доѸстала по той девьцы.

И биль намъ чоломъ, абыхмо емѸ одному з ласки наше того человека Марьтинца и зъ братьею дали, | кроме иныхъ детеи Быковыхъ.

Ино мы, вбачивши, ижъ есмо | того человека пану Быку не на вечность были дали, и з ласки | наше за его к намъ верную и пыльнѸ службу того человека Марьтинца и з братьею дали есмо вечно ему, и его жоне, и ихъ детем, | и з землю пашною и бортною, и съ сеножатыми, и со всимъ с тымъ, | што тыи люди здавна заведвали и въ держаньи были. А вѸвазати его в то послали есмо дворенина нашего Бокеа.

П(и)сан | в Люблине, ген(вара) 28 день. Индик[т]ъ 9. || л. 301 об.

№ 539

[1506 г.] февраля 2. Люблин.

МихаилѸ ГагинѸ на дворец Можейковский в Жолудку. |

Михаилу Гагину в ЖолѸдку дворец Можейковский с челадью, и зъ | животиною, и зъ людьми данъ на поживенье.

В Люблине, фев(рала) | 2 день. Индик[т]ъ 9. |

№ 540

1506 г. марта 10. Люблин.

Потвержен(ь)е кн(а)зю СеменѸ БогдановичѸ | на землю в Полоцком повете на Ёсесне и на ин|шие земли. |

Александръ, бож(е)ю м(и)л(о)стью. |

Чинимъ знаменито симъ нашимъ листом, хто на него посмотреть, | або чтѸчи его вслышитъ, нынешним и потомъ будѸчим, кому | потребъ будет того ведати.

Бил намъ чоломъ кн.азъ Семен Богдановичъ и поведилъ перед нами, што *ж* дадко его, боярин полоцкии | Ивашко Сеньковичъ, винень был матце его п.ат(ь)дес.ат копь грошей, и в | тях п(е)н(а)зех далъ и записал *еи* землю, кѸплю свою, на Ёсесне обел(ь) вечно, | которѸю жъ кѸпилъ Ѹ полочан, Ѹ Давыда Ёсташковича и в его брат(ь)и, | в Симона а в Семена, и въ дадковичовъ ихъ, Васковых детеи, в Созона, | а в Сака, а в Трохима, а в Гридка, а въ Васка. И тотъ листь свои купчии на | то *еи* дал. И к тому тежъ поведилъ перед нами, што *ж* к той же земли | matka его кѸпила землю Ѹ полочан, Ѹ Аньдрея, а в Ходора, а в Гридка, а в Куз(ь)мы, а в МикиѸора, а в МатѸеа во Ивановых детеи Максимовича. И тотъ листь записныи дадка своего и тежъ кѸпчии листы | на то перед нами покладал.

И бил намъ чоломъ, абыхмо ему тыи | земли потвердили нашимъ листом на вечност(ь).

Ино мы з ласки н(а)шое | потвержаемъ то симъ нашимъ листом вечно ему, и его жоне, и ихъ || л. 302 детемъ, и на потомъ будѸчимъ ихъ счадкомъ. Нехай онъ тыи земли держитъ, и з боры, и з деревомъ бортнымъ, и з лесы, и съ сеножатыми, | и зъ реками,

и зъ речками, и съ озеры, и з бобровыми гоны, и съ ставы, | и ставищи, и з млыны, и зъ их вымелками, и со всимъ с тым, какъ здавна тыи земли в своих границах сѣ мели и ныне мают, водле тыхъ | листовъ кѣпчих. Вольни они то отдати, и продати, и заменити, | и розширити, и прибавити, и к своему лепшому и вжиточному | обернѣти, какъ самъ нелепеи розѣмеючи.

А на твердость того | и печать нашу казали есмо привесити к сему нашему листу.

Пи(и)сан | в Люблине, в лето 7014, м(е)с(а)ца мар(та) 10 ден(ь). Индик(т) 9. |

№ 541

[1506 г.] января 21. Люблин.

Каменеѣкомъ Михаилловичъ на жеребеи в Каменеѣком повете. |

Александръ, бож(е)ю м(и)л(о)стью корол(ь) пол(ь)скии. |

Билъ нам чолом дѣкакъ писара нашего, городничого троцкого п(а)на Богушов | Боговитиновича Каменеѣкии Михаиллович и просил в нас жереб(ь)а одного | пѣстовского в Каменеѣком повете в Городищи на имѣ Кобыл(и)щинского, а Вахновского, а Мординского. А поведал нам, што *ж* тот жеребеи | пѣст, а службы нам с него нет, а плату деи намъ с того жеребѣа даivano | тол(ь)ко шесть грошей.

Ино естли будет так, какъ он намъ поведал, и мы | ему тот жеребеи дали со всимъ по тому, какъ здавна тот жеребеи | в собе сѣ мел<sup>1</sup> и ныне маеть. Не хай то он держитъ, а намъ с того | земскѣю службу слѣжит.

Пи(и)сан в Люблине, ген(вара) 21 день. | Индик[т]ъ 9. || л. 302 об.

Примечание. <sup>1</sup>Буква е написана по смьтому тексту

Посел(ь)ства в Городьне при Богѣши писари справаны. |

№ 542

[1505 г. октября 27 — 1506 г. марта 16.]

Посел(ь)ство до мистра Лиоѣланского | паном Воитехомъ  
Нарбутовичомъ а Адалмомъ мистромъ. |

Велебныи вел(ь)можныи княже мистре.

Панъ нашъ м(и)л(о)стивыи | Александръ, корол(ь) и великии княз(ь), казаль вашей велебности | поздоровенье и приаэнь сѣседскѣю поведити. |

Корол(ь), его м(и)л(о)сть, панъ нашъ м(и)л(о)стивыи, въсказал къ вашей велебности<sup>1</sup>, | што сѣ дотычет приаэни и суседства, и сѣстѣпов вечных панству | его м(и)л(о)сти, Великому князству, з вашей велебност(ь)ю, закономъ панны | Марей земли Лиоѣланское, въ которых жо записех и твердостехъ | были предки его м(и)л(о)сти з велебностью предковъ ваших, княз(ь) | великии Витовтъ, и Жикгимонт, и отец его м(и)л(о)сти, славное | памяти Казимер корол(ь), и его м(и)л(о)сть, пан нашъ м(и)л(о)стивыи, приаэнь и сѣседство завжды ѣ твердость захавати, якъжо | твоѣ велебность водле стѣповъ вечных и записов старых ѣособливе потвердилъ зъ его м(и)л(о)стью, паном нашим, присагами, часу | потреби и посполитою помощ(ь)ю напротивку неприаэтели с одного быти. Которѣю *ж* вже приаэнь пан

нашь м(и)л(о)стивыи на вашей велебности възнал, и николи приязню и паньствы своими *от* вашей велебности *отдален* не быть аж | и до тых часовъ. |

Корол(ь), его м(и)л(о)сть, панъ нашъ м(и)л(о)стивыи, казал вашей велебности | поведити. Которыи же неприател(ь) его м(и)л(о)сти, пана нашего || л. 303 м(и)л(о)стивого, и закону хрест[ъ]анскому, *от* которого жъ через твердыа присаги и записы панствѸ его м(и)л(о)сти города и волости забраны, | и теж вашо[го] панства, земли Лиюланскои, *от* него ж многии налоги без | жадных причинъ бывали, тых часовъ здоровьемъ сѧ своим *отменил* и с того света зышол<sup>[1]</sup>. Которую ж потребизнѸ вказъеть час своих | дел поспол(ь) з вашою велебност(ь)ю смотрети и поправити, и къ своему | прити. |

Корол(ь), его м(и)л(о)сть, панъ нашъ м(и)л(о)стивыи, казал вашей велебности поведити. Иж его м(и)л(о)сть вбачил таковыи час потребныи вам и собе, иж | бы поспол(у) з вашою велебност(ь)ю радами и помощ(ь)ю тых часовъ приишлых, | яки ж сѧ намъ перед тымъ часъ таковыи не могъ пригодити, *оземши* | бога на помоч(ь), дела его м(и)л(о)сти с obu сторон посполитою рукою смотрети и поправити и къ своему прити. Дла которое причины | наменил его м(и)л(о)сть съе[и]мъ Ѹ Вил(ь)ни на середопостье<sup>[2]</sup> Ѹ панстве своем, | Ѹ Великом князстве. И дал вашей велебности жадати, абы есте | рачили через свои послы, або через писан(ь)е дати его м(и)л(о)сти ведати | волю а Ѹмысль приязни и порады своее, бо его м(и)л(о)сть, пан нашъ | м(и)л(о)стивыи не вопить въ приязни ваше велебности, а верить | его м(и)л(о)сть, иж ваша велебность, бачачи справедливость его м(и)л(о)сть, | напротивѸ тому неприателю его м(и)л(о)сти и закону хрестианьскому, водле стѸповъ вечных и записовъ старых, и новымъ буудете его м(и)л(о)сти радни и помощни. |

Корол(ь), его м(и)л(о)сть, панъ нашъ м(и)л(о)стивыи, всказал къ вашей велебности, | што сѧ дотычетъ поправен(ь)я границы межи князствомъ | Великим Литовским<sup>2</sup> и Лиюланскою землею. И его м(и)л(о)сть, г(о)с(по)д(а)рѸ, бачачи | ваше велебности приязнь и суседство, и схилен(ь)е всякое доброты | въ пригодѸ его м(и)л(о)сти, поступил вашей велебности съ своее *особливое* приязни панства его м(и)л(о)сти земли Жомоитское немало земль | *осельх*, чога ж бы с повинности не мал постѸпити, которыи || л. 303 об. земли были во *впокои* за предковъ его м(и)л(о)сти и его м(и)л(о)сти панован(ь)я аж | и до | сихъ часовъ. А веджо верит его м(и)л(о)сть<sup>3</sup> вашей велебности, и есть тое надеи, ижъ ваша велебност(ь) в часъ potrzeby его м(и)л(о)сти приязными и сусед[скими] радами и помощи своими николи не *отдалите* сѧ, водъле | записовъ и съступовъ вечныхъ. |

*Примечания.* <sup>1</sup>Слово написано по смытому тексту <sup>2</sup>Исправлено, в рукописи Листовским <sup>3</sup>Исправлено, в рукописи м(и)л(о)сти

Посел(ь)ство *от* пановъ рады Великог(о) князст[ва] | до панов КорѸны Пол(ь)ское паномъ Станиславом | Петровичом, гетманом, а паном Воитехом Ёнович(ом), | *охмистром*, а паном Петром Ёлехновичом, кѸхмистром. |

Прелати, панове, княжата и всѧ рада Великого князства Литовского вашей м(и)л(о)сти, братьи свои, прелатом, паном, раде | КорѸны Пол(ь)ское, казали сѧ

поклонити здоров(ь)е и счастье, | и розмножене, всего доброго вашей м(и)л(о)сти, братьи своее | на милеишее, ради бы завжды слышали и видели. |

Прелати, панове и княжата, рада Великого князства, казали | вашей м(и)л(о)сти, братьи своеи, поведити. |

Што ваша м(и)л(о)сть всказывали до их м(и)л(о)сти, братьи своее, через | Алекта Холмьского, кн(а)зя Костелецкого, а канцлера Коруну Пол(ь)ское, | через князя Лаского, жадаючи их м(и)л(о)сти, братьи своее, абы ехали | кь вашей м(и)л(о)сти на съе[и]мь, которыи жо положил корол(ь), его м(и)л(о)сть, з валшею м(и)л(о)стью, радами своими, в Люблине, к чому *ж* его м(и)л(о)сть, пань | нашъ м(и)л(о)стивыи, их м(и)л(о)сть, братью вашее м(и)л(о)сти, вел на *тот* съе[и]м, | *от* его м(и)л(о)сти положоныи. |

Ихъ м(и)л(о)сть ачъкол(ь)ве трудности мають, которыи *ж* суть тыми часы в панстве его м(и)л(о)сти дла многих причинь, || <sup>л. 304</sup> *однако жь* ихъ м(и)л(о)сти насъ, братью свою, послали к вашей м(и)л(о)сти на роказанье пана нашего, корола, его м(и)л(о)сти, и на жаданье вашее м(и)л(о)сти, | братьи своее. |

И т8 теж ваша м(и)л(о)сть через тыи *ж* свои послы всказали, абыхмо | вашей м(и)л(о)сти реверсалы послали. Ино ачъбыхмо ради то вчинили, которыи при томъ были, и тыи реверсалы вашей м(и)л(о)сти, | братьи своеи, послали. Нижли тыи, которыи при тых записахъ не были, и теж многии земли, которыи жь прислухают | кь Великому князству, тых реверсаловъ послати не хотели дла | некоторых причинь, в которых же с а их м(и)л(о)сти трудно видело. |

А вышакъ жо ихъ м(и)л(о)сть, братья вашее м(и)л(о)сти, насъ со всею моцею прислали справовати и радити ѿ оборону и едность | без образы обоего панства и посполитого доброго, яко | Корону, такъ и Великого князств[а]. |

## № 544

[1505 г. осень — 1506 г.]

Посел(ь)ство *от* панов рад Великог(о) княз[ства] | Литовского до цара Мендли Кгерей. |

Г(о)с(по)д(а)р8 вольном8 цар8 Мендли Кгерей. |

Панове рада Великого князства, сл8ги брата твоего, г(о)с(по)д(а)ра | нашего, великого корола Александра, кн(а)зь Воитехъ, бискупъ виленский, а Миколаи Радивилович<sup>1</sup>, воевода виленский, | а Миколаи Миколаевичъ, воевода троцкии, а Гднь Юр(ь)евичъ, маршалокъ великий, староста городеньский, а Станиславъ Глебович, | воевода полоцкии, чоломъ бьютъ. |

Што твоа м(и)л(о)сть, г(о)с(по)д(а)р8 вол(ь)ный цар, к намъ, слугам брата своего, | писал, ажъбы промежи васъ, великих г(о)с(по)дарей, мир и братство, | и доброта с а стала, и широко к намъ твоа м(и)л(о)сть въ арлык8 || <sup>л. 304 об.</sup> *своимъ* пишешъ, припоминаючи старии дела предковъ своихъ, в которомъ братстве и приазни предкове вашее м(и)л(о)сти с предки нашего г(о)с(по)д(а)ра, | брата твоего, были, ино мы, слуги ваши, зроз8мели есмо с твоего | царского 8рлыка и широко есмо з нашимъ г(о)с(по)даремъ, братомъ твоим, | ѿ том мовили, припоминаючи старии дела. Предкове вашее м(и)л(о)сти | с предки нашего г(о)с(по)д(а)ра в братствеи в приазни были, какъ жо | *отец* его м(и)л(о)сти, Казимир корол(ь), з *отцем* вашее м(и)л(о)сти, Ажъ Кгиреемъ | царемъ, в братстве и приазни были, которое *ж* братство и приазнь видачи, приятели радовали с а, а неприятели жаловали. | Ино г(о)с(по)д(а)р8 нашъ,

припоминаючи старыя дела, и хотачи с тобою | братства и приазнь, послал к тебе посла, слѣгу своего доброз(о), | пана Ёркуба Ивашенцовича, а с нимъ всих пословъ твоих отпустил | и въ ярлыкох своих к тебе, братѣ своемѣ, писал и словомъ о том | о всемъ въсказал, о чомъ жо твоа м(и)л(о)сть къ его м(и)л(о)сти, брату | своему, и к намъ, слугамъ брата своего, въ ярлыкохъ своих писал, | чому ж твоа м(и)л(о)сть всемѣ зрозѣмеешь зъ ярлыковъ и с посел(ь)ства | брата своего, г(о)с(по)д(а)ра нашего. |

Теж што твоа м(и)л(о)сть къ намъ въ ярлыкох своих пишешъ, припоминаючи Шах [Ах]мета цара и брата его Хожакъ солтан(а), ино што сѧ тылчетъ ездѣ Хожакъ солтана, и твоа м(и)л(о)сть зрозѣмеешь зъ ярлыков | и с посел(ь)ства брата своего, г(о)с(по)д(а)ра нашего. А што сѧ дотычет | цара Шихт Ахмита, мы завжды перед тым г(о)с(по)д(а)рѣ нашему радили | и тепере радим, ажъбы цар Шиг Ахметъ на твое лихо николи | пѣсчон был. |

И твоа м(и)л(о)сть, г(о)с(по)д(а)рѣ царѣ, ѣпаманул свое царское слово, как еси ѣ ярлыкох своих к брату своему и к намъ, слѣгам брата [своего], писал, хотачи полон | тот, который ж тое ѣсени з Великого князства взат, выпустил. А коли то, | г(о)с(по)д(а)рѣ царѣ, вчиниш(ь), то бѣдет перьвое знама приазни твоее | къ брату твоемѣ и к панствѣ его м(и)л(о)сти, Великомѣ князству. || <sup>л. 305</sup>

*Примечание.* <sup>1</sup>Буквы вич написаны над строкой

#### № 545

1506 г. мая 2. Вильна.

Посел(ь)ство при Богѣши писари ѣ Вил(ь)ни до | мистра лиѣланского. М(е)с(ѧ)ца маѧ 2 день | Инъдик[т]ь 9. |  
 Ѡтказъ посломъ мистра лиѣланского. |

Што есте намъ мовили ѿт велебного и вел(ь)можного кн(ѧ)зѧ мистра<sup>[1]</sup>, | приатела и сѣседа нашего, припоминаючи о бытномъ звязанью | и о приател(ь)стве межи нашимъ маестатом и межи велебным и вел(ь)можнымъ кн(ѧ)земъ мистромъ земли Лиѣланское, приателом и сѣседомъ нашимъ, иж здавна суть вчинены и кѣ мощнейшой певности | тое ж приател(ь)ское зъеднан(ь)е листы и печат(ь)ми, и присагами, з обѣ | сторонъ есть ново вчинено и втвержено, и з божею помоч(ь)ю и посполитую моц(ь)ю неприателю обоюх панствъ можно бы ѿтпор давати, | о которых жо члонькахъ и о всказан(ь)ю нашего маестату через посла нашего, пана Воитеха Нарбутовича, его м(и)л(о)сть кн(ѧ)зѣ мистрѣ | порозѣмен(ь)е мел, и длѧ того с прелаты и паны радами своими | намъ через васъ радѣ свою дал ведати, што сѧ дотычет неприатела веры хрест[ь]анское, который жо над свои печати и листы | и присаги маестату нашомѣ города и волости, и земли, и люди забрал, а такъже и земли Лиѣланской великии шкоды и квал(ь)ты без кажъдое доводное причины поделал. И вбачивши нынешныи потребныи часъ того нашего неприатела звестыѧ с того | света ѣзнано водле нынешного положен(ь)ѧ маестатѣ нашомѣ | и земли Лиѣланской кѣ забранью землям и шкодамъ з божею помолчью николи такъ гораздъ, какъ тепер(е) могли бы приити. Але | надобе мѣсить быти розѣдмано и ѿглажоно при мире а зо всих || <sup>305 об.</sup> сторонъ записаны и запечатаны креста цалованье кѣ ѣверованью пом(ь)сты божее. И ачъкольве тот неприател(ь) своих шлюбовъ и присаги не держал, ѿднако ж ѣ особне надобе маестату нашему и его м(и)л(о)сти кн(ѧ)зю | мистру

хрестыанскои ч[ес]ти досыт вчинити. И широко есте в тои речи | *от* кн(а)зя мистра, его м(и)л(о)сти, королевскомѸ маестату, мовили. | И к тому видело с а его м(и)л(о)сти, ижъ бы премира было до конца держано. | А до тых часовъ валки<sup>[2]</sup> безъ великое помощи противъ такового важного | неприятеля не починати безъ особное ведомости и опатренья | потребности з валкою с а не въквапати, нижли перво доведавши с а | и спекать с а тыи молодыи княжата Ѹ своемъ панстве будѸт | радити, бо его м(и)л(о)сть кн(а)зь мистръ надевает с а межи ними незгоды, | черезъ которѸю жъ бы слушныи часть нижъ тепер(е) ку валчен(ь)ю могли бы Ѹчинити. |

Его м(и)л(о)сть, маестат королевскии, радъ то видить, ижъ его м(и)л(о)сть | приател(ь)ство и звазанье, и списы, вечныи Ѹтвердости заховываеъ и держитъ и посполитою помощ(ь)ю напротивкѸ неприятелеви веры хрестиянское обою панствъ добровольныи | хочеть быти. |

И што с а дотычетъ того неприятеля его м(и)л(о)сти, великого князя московског(о) напротивьку емѸ тых часовъ вальки | не починати и премир(ь)я не възрѸшивати. |

Ино и королевскомѸ маестату и паномъ раде его м(и)л(о)сти естъ рада его м(и)л(о)сти вдачна. И видело с а их м(и)л(о)сти тежъ тых часовъ валки | не починати и перемир(ь)я не възрѸшивати, и ждати часу подобного, до которого жъ бы часу с обѸ сторонъ радами и моцами поролзмен(ь)е могли взати, какъ же и его м(и)л(о)сти маестат естъ тое по | надеи, ижъ тыи княжата которѸю незгодѸ межи собою будѸт | мети, в которыи жо бы часъ черезъ ихъ незгодѸ ку валце могли | бы с а рѸшати. И што с а кол(ь)ве с тых сторонъ королевскому маестатѸ поновит(и) Ѹ незгоде тых княжатъ его м(и)л(о)сть кн(а)зь мистръ черезъ Ѹказанье свое дасть ведати. А к томѸ тежъ || <sup>н. 306</sup> его м(и)л(о)сти кн(а)зь мистръ *от* тыхъ сторонъ, штобы с а кольве поновили и его | бы м(и)л(о)сть, такъжо королевскому маестатѸ Ѹ томъ далъ ведати. |

К тому тежъ его м(и)л(о)сть, королевскии маестат, ачъкол(ь)ве Ѹмыслилъ былъ волю свою | пополнити и кѸ валце с а рѸшити, але безъ воли и достаточное порады приатела и сѸседа своего, его м(и)л(о)сти кн(а)зя мистра, валки не хочеть почати, а ни с а | к томѸ въквапати, и што с а в томъ видело его м(и)л(о)сти кн(а)зь мистру черезъ | ваше Ѹказанье его м(и)л(о)сть, королевскии маестат, с паны радами своими то | вдачне примѸеть и на долгии часть приаъзнь и сѸседьскую порада хъце | заховать. |

Нижли его м(и)л(о)сть, королевскии маестатъ, казалъ поведить, ижъ подданымъ | своимъ Великого князства велель, казалъ [в] верности а в готове быти и на Ѹдно | местцо собрати, где жъ бѸдетъ кол(ь)ве вола королевского маестатѸ, | а то дла того, ажьбы княжата пограничныи Московское земли, которыи *от* предковъ королевского маестатѸ и *от* его м(и)л(о)сти завжды ласку | и доброволенство мали, а к тому братья великого кн(а)зя, которыи жъ | будѸчи на малыхъ Ѹтделехъ, слышачи чѸиность, могли бы которыи Ѹмысль свои обернути ку его м(и)л(о)сти, королевскомѸ маестатѸ, с которыхъ | же бы причинъ его м(и)л(о)сть з божею и его м(и)л(о)сти кн(а)зя мистра помощю | и порадою Ѹтисненое несправедливе за с а кѸ панству своемѸ привелрѸнулъ. |

Такежъ его м(и)л(о)сть, королевскии маестат, не възантти, ижъ его м(и)л(о)сть кн(а)зь | мистръ кѸ воли королевского маестатѸ рачиль бы казати подданымъ | своимъ земли ЛиѸлантское тежъ Ѹзности и в готове быти и Ѹслаvene | Ѹ панстве своемъ выпѸстити, ажьбы Ѹныи неприятел(ь) слышачи | и бачачи приаъзнь и чѸиность панствъ нашихъ, Ѹмысль свои кѸ которолмѸ добромѸ концѸ обою панствъ обернулъ, с которое

жъ бы приѣззи и порады и помощи съ обоюхъ сторонъ, какъ панъству его | м(и)л(о)сти королевского маестатѸ, и его м(и)л(о)сти кн(а)зя мистра земли Лиѳлантское кѸ всакомѸ посполитомѸ добромѸ а пожиточному могло приити. || л. 306 об. А въ посреде того перемир(ь)ѣ его м(и)л(о)сть кн(а)зь митръ с кровевьским маестатом | рачил бы порозѣмъ мети, штобы сѣ их м(и)л(о)сти в тых речахъ с obu сторон | видело ѿдинъ дрѣгомѸ рады поживаючи, котораѣ бѣ была пожиточнейшаѣ кѸ доброму обоюх панствъ, а такъ што бы сѣ радили, | то бы з божею помоч(ь)ю и чинили, какъ же его м(и)л(о)сть королевский маестат, | маючи надею в бозе и в своей справедливости, а радами и помоч(ь)ю его | м(и)л(о)сти кн(а)зя мистра кѸ своему справедливому может приити. |

Такеж мовили есте ѿт его м(и)л(о)сти кн(а)зя мистра, приѣтѣла и сусѣда | нашего, што сѣ дотычет поправеньѣ и вчиненьѣ границъ кнѣзствѸ | ВеликомѸ ЛитовскомѸ и з землею Лиѳланскою, на которыи жѣ границы | на рокъ положонныи королевский маестатъ выслал был панов радъ | своихъ, абы ѿныи границы были вчинены и вѣтвержоны, къ коѳторому жѣ року кн(а)зь митръ не могъ вчасъ мети кѸ высланыю панов | рад своихъ дѣлѣ причины посла, которыи мѣли его м(и)л(о)сти часу ведать | дати, ижъ бы на тот рокъ минулыи его м(и)л(о)сть королевский маестат | пановъ рад своихъ выслал, чога жѣ кн(а)зь митръ с паны радами своими | велико жаловал, ижъ граничан(ь)е было далеи ѿтложено, какъ жо и часу | минѣлого его м(и)л(о)сти королевский маестат кн(а)зю мистру дал ведати, | ижъ на жаданье его м(и)л(о)сти того рокѸ ѿтдалил на приидѣчии Три | кроли<sup>131</sup>, на которыи же рокъ его м(и)л(о)сть пановъ рад своихъ маеть | на ѿныи границы выслати, которыи жѣ границы мають быти | с обѣ сторонъ поправены и вѣтвержены, а вѣперед бы приѣззнь | и сѣседство межи его м(и)л(о)сти королевского маестатѸ и кн(а)зя мистра земли Лиѳланское водле сѣстѣповъ и записовъ вѣчньныхъ | было заховано. |

Такеж жадали есте королевского маестатѸ ѿт его м(и)л(о)сти кн(а)зя | мистра, ажъбы его м(и)л(о)сть дал ведати, которыи панове и какъ | ихъ веле[л] на ѿныи границы на приидѣчии рокъ мали быти, || л. 307 абы тежъ его м(и)л(о)сть кн(а)зь митръ тол(ь)ко же своихъ панов, которыи жѣ панове скоро с ним и тежъ доброго сумъненъѣ кѸ ѿномѸ року на высланые | хотель бы мети. |

Его м(и)л(о)сть королевский маестат казал кн(а)зю митрѸ поведити, ижъ | ѿмыслѸ своего не ѿтменил, а тых жо пановъ, которыхъ на ѿныи рокъ миѣнѣлыи на границы был выслал, в томъ жо почтѣ на приидѣчии рокъ | на тьи границы маеть его м(и)л(о)сть выслати, которыхъ жо пановъ | черезъ писанье свое его м(и)л(о)сти кн(а)зю митрѸ дал перед тымъ ведати, | нижли што сѣ дотычет вчинен(ь)ѣѣ и початька границамъ тьи | панове, которыи на границы на ѿныи рокъ выѣдѣтъ, тьи мають границѸ вчинити Жомоитской земли з Лиѳлантскою землею. А почѣтокъ мають взѣт(и) ѿт Св(е)тое реки, где в Солоное море впадываеть, | старыми границами, водле давныхъ записовъ. |

А к томѸ тежъ литовскѣю границѸ, котораѣ сѣ делит з Лиѳланскою | землею, дрѣгии панове, которыи сущ(ь) менованыи, мають выехати, | почон ѿт Курчомъ, старою тежъ границою до Дрисвета и до Браславля, ажъ и до Псковьского рѣбжеѣ. |

Бо зрозѣмель его м(и)л(о)сть, ижѣ ѿдныи паномъ с трѣдныи было пришло такъ | далеце границѸ почонши и доконати. |

Такежъ которыи границы в порядку давно сущъ вделаны межи | Жомоитское земли и межи Курчомъ паномъ Радивиломъ, воеводою троцкимъ, а паномъ Гѣномъ,



старостою жомоитскимъ, а были бы с которою стороны переидены, або втрачены, тыи бы границы | на тот же часъ с obu сторонъ были поправлены и во впокою держаны водле тых пановъ ездѣ. |

А до тыхъ часовъ, поки панове с обѣ сторонъ на оныи границы | выедѣтъ, рачиль бы его м(и)л(о)сть кн(а)зь мистръ подданнымъ своимъ | приказати, абы шкод и пожоги, и ѡбиства, и иныхъ кривдъ подданнымъ его м(и)л(о)сти королевского маестатѣ не делали, какъ жо || л. 307 об. частокротъ ѡ томъ до его м(и)л(о)сти жалобы приходать, а его м(и)л(о)сть | королевский маестатъ тымъ жо обычаемъ подданнымъ своимъ | прикажетъ, абы на обе стороне во впокою до тыхъ часовъ были. |

Тежъ припоминали есте и ждали его м(и)л(о)сти королевского маестатѣ ѡт его милости князя мистра, што са дотычетъ | милостивого лета, его м(и)л(о)сть королевский маестатъ радъ бы то вчинилъ кѣ воли и любѡсти приатела и сѣседа своего кн(а)зя мистра, нижли тыхъ | часовъ светии ѡтецъ папѣжъ з особливое ласки своее и щедрости | выдал м(и)л(о)стивое лето на его м(и)л(о)сти панство дла причинъ | тыхъ, которыи сутъ) потребни его м(и)л(о)сти королевскому маестатѣ, | которыхъ жо дла причинъ его м(и)л(о)сти жаданыя черезъ свое | писанье светомѣ ѡтцѣ папѣжѣ на тотъ часъ не послалъ, | а веджо и въпередъ его м(и)л(о)сть королевский маестатъ приателю | и сѣседѣ своемѣ ни въ чомъ ѡтмовенъ быти не хочеть. |

То аранды початы писати, комѣ | г(о)с(по)д(а)ръ мыта свои  
запродаеть. || л. 308

№ 546

[1503 г.] октября 20. Мельник.

Аренда корчомъ полоцкихъ Михаилѣ | Скепѣвѣвскомѣ  
на п(а)т(ь) годъ. |

Александръ, бож(е)ю м(и)л(о)стью. |

Маршалкѣ нашомѣ, наместникѣ полоцкомѣ панѣ Станиславу Глебовичѣ.

Продали есмо корчмы полоцкии дворанину нашомѣ Михаилу | Скепѣвскомѣ на п(а)т(ь) годъ за две тисачи копъ грошеи дробное личбы, | за грошь по два полдгрошки, або по десати п(е)н(а)зеи. Маеть ѡнъ в тыи | корчмы ѡвезати с(а), мед и пиво почати варити на сии великии | запѣсты<sup>[1]</sup>, а на матъки бож(е)и ден(ь) первое приидѣчое<sup>[2]</sup> маеть намъ | дати двесте копъ готовыхъ грошеи. А на великии запѣсты | дрѣгую двесте копъ грошеи, какъ годъ выидеть. А на инъшии годы | по тому же маеть намъ тотъ<sup>1</sup> платъ с тыхъ корчомъ давати, | ажъ до пати годовъ все готовыми грошми.

А тыи корчмы держати емѣ в кол(ь)ко хочеть домех, а инъшии нихто тыхъ корчомъ в мѣсте Полоцкомъ не мають держати, тол(ь)ко тыи, которыи будемъ | корчмы в Полоцку первеи того подавати и которыи будутъ | на то листы наши в себе мели. Такеже которыи бѣдутъ владыка | полоцкии, и богаре, и мещане полоцкии, и волосныи люди корчмы | свои держати, тыи корчмы казали есмо емѣ на насъ забирати. | А сѣклады, которыи похотать мети в мѣсте Полоцкомъ, | або по волостемъ, тыи нехаи держать зъ его докладомъ. А тыхъ | складовъ в бел(ь)цо<sup>[3]</sup> и в грошовникъ продавати, тыи и склады | велели есмо емѣ на насъ забирати.

Теже и самъ бы еси своихъ | корчомъ не мель, а и слѣгамъ своимъ не казалъ держати, и во всемъ | бы еси емѣ помочонъ былъ, абы в томъ скарбу нашому шкоды || л. 308 об.

не было, а плат бы нашъ не понижал с.а. И ѿт кривды бы еси его боронил, а и сам | кривды бы еси емѸ не чинил конечно.

П(и)санъ в Мел(ь)нику, ѿк(табра) 20 день. | Инъдик[т]ъ 7. |

*Примечание.* <sup>1</sup>Буквы тѣ написаны по смытому тексту; над строкой полусмытая выносная т

## № 547

[1505 г.] марта 3. Берестье.

Аренда мыта луцкого Ник[е]лю ПрокоповичѸ | а жидѸ ШемакѸ  
Даниловичу. |

Александръ, бож(е)ю м(и)л(о)стью. |

Старосте луцкомѸ и каменецкому, маршалкѸ Волынское земли кн(а)зю Семену | Юр(ь)евичѸ.

Продали есмо мыто луцкое воитѸ троцкому Ник[е]лю ПрокоповичѸ а жидѸ троцкомѸ ШемакѸ Даниловичу на тры годы за две тисѸчи копь и за чотыриста копь грошеи широкое личбы, за грош по два | полдгрошки, або по десяти п(е)н(а)зеи. А мають они, перввыи год выдержавши тое мыто, дати намъ ѿсмысот копь грошеи, трыста копь | готовыми грошми, а пал(ь)сотъ копь грошеи на квитации наши | тымъ, комѸ бѸдемо в них давати. А дрѸгиии год выдержавши, | мають намъ дрѸгую ѿсмысотъ копь грошеи дати, трыста | копь готовыми грошъми, а пал(ь)сот копь грошеи на квитации. А третиии год выдержавши, мають намъ третую ѿсмысотъ коп грошеи дати по тому жъ, какъ и первеи то на рокъ. Имъ в тое с.а мыто | ѿвзати сего середопост(ь)я<sup>[1]</sup> и держати имъ тое мыто тры годы | и сполна до того жъ рокѸ, до середопост(ь)я. А комѸ они на свое место | тамъ прикажѸтъ тое мыто заведати, тотъ мает мети моць | в томъ мыте и в промыте по томѸ, какъ они сами.

Теж естли бы | хто хотел тое мыто наше обьежчати иньшими дорогами, мыта намъ не заплативши, дла того они мают слугъ своихъ положити | по тымъ местом, где первыхъ мытников слѸги то стерегивали. | И которыи кѸпцы будѸтъ тое мыто проежчати иньшими || <sup>л. 309</sup> дорогами, мыта нашего не заплативши, в тыхъ мають они товари ихъ | на насъ забира(ь).

И ты бы имъ на таковыхъ помочен был, а и самъ бы еси в тое | мыто и в промытѸ не встѸпал с.а. Нехаи они тое мыто и промытѸ | заведают по-давномѸ. Теж бы еси их самихъ и того, комѸ они на свое место мыто прикажѸтъ, и слугъ ихъ не сѸдил а ни радил, и децкихъ своихъ | на них давати до тыхъ часов, поки они тое мыто будѸтъ держати. |

А кому до них бѸдетъ которое дело, ино мы сами, г(о)с(по)д(а)рь, ѿ томъ маем | ихъ досмотрети. Теж которыи есмо местомъ нашимъ первеи того | были мыта наши ѿтпѸстили, ино и тыхъ местъ мещане, которыи | бѸдѸтъ до ЛѸцка с товари своими приежчати, мают они с тыхъ | в ЛуцкѸ мыто брати по-давномѸ, нижли ѿдно, што мещаном смоленскимъ мыто наше есмо ѿтпѸстили дла сказы их ѿт неприатела | нашего, великого кн(а)зѸ московского, с тыхъ они не мають мыта | брати до того часѸ, поки вола наша в томъ будет. А комѸ дамо | жалованье наше на квитацияхъ в них изъ мыта, и они тымъ | мают тое жалованье наше выдати, по тому, какъ и за ѿтца нашог(о), | корола, его м(и)л(о)сти, перввыи мытники давали. А до ихъ року не мают | на них квитацие силою наметывати.

И на то есмо имь дали сесь нашъ | листь и з нашою печат(ь)ю.  
П(и)сан 8 Берестьи, мар(та) 3 ден(ь). Индикт 8. |

## № 548

[1505 г.] марта 12. Берестье.

Аренда корчомъ полоцкихъ воеводе полоцкомъ | панъ  
Станиславъ Глебовичу. |

Александръ, бож(е)ю м(и)л(о)стью. |

Лантвоитъ места Полоцкого, и бурмистромъ, и радцамъ, и всимъ мешаномъ. |

Продали есмо корчмы полоцкии воеводе полоцкому панъ Станиславу Глебовичъ на одинъ год за шестьсотъ копь грошей дробное личбы, | за грошь по два полугрошки, або по десати п(е)н(а)зеи.

А маеть он || л. 309 об. в тьи корчмы звязати са, и мед, и пиво в нихъ казати держати на сез(о) | светого Юр(и)а день<sup>[1]</sup>, што приидеть. И маеть тьи корчмы держати | до того ж року, до светого Юр(и)а дна. И вжо есмо тыми разы 8 нег(о) звзали наперед двесте копь грошей. А какъ тот год весь сполна онъ тьи | корчмы выдержити, тогды маеть намъ дати чотыриста копь | грошей. А держати емъ тьи корчмы в тот год свои в кол(ь)ко похочеть | домех. А инии нихъто в месте Полоцкомъ тых корчомъ не мають | держати, нижли тьи мают в домех своихъ держати, комъ будем | призволили их мети, и листы наши на то имъ подавали.

Такеж | котории бждтъ без наше данины корчмы деръжати владыка полоцкии, або бояре, и мешане полоцкии, и волостныи люди, тьи | корчмы казали есмо емъ на насъ забирати, выменаа што са догычеть складовъ, котории будтъ бывали звечныи в месте Полоцкомъ, тьи склады они мають вольно мети без кажде | забороны подавномъ. А новыхъ съкладовъ не мають ниhto | прибавати.

А хто бы<sup>1</sup> хота и складъ в себе маючи, а шиньковал | медъ або пиво в белец або в грошовъникъ<sup>[2]</sup>, тьи тежъ склады | казали есмо емъ на насъ забирати.

А естли бы, некако, боже, | того не даи, на замокъ нашъ Полтескъ котораа налога от неприятела нашего была, а пан Станиславъ бы рокъ своего тых | корчомъ не додержал, тогды мы маемъ емъ тью двесте | копь грошей, што есмо в него взали, за са отдати, а тых чотырехсотъ коп грошей, што еще онъ мель намъ дати, не маемъ | на немъ смотрети.

И на то есмо емъ дали сесь нашъ листь | з нашою печатью.

П(и)сан 8 Берестьи, мар(та) 12 ден(ь). Индик(т) 8. || л. 310

Примечание. <sup>1</sup>Слово вписано над строкой более светлыми чернилами

## № 549

[1511 г.]

Инвентар замку Витебского, с чым | подано пану Ивану  
Сопезе. |

На памат(ь) мне, Юхну, какъ есми звязывал маршалка и секретара корола, | его м(и)л(о)сти, пана Ивана Сопегъ в замокъ Витебскъ.

Нашоль | на городе две пшки великих, што корол(ь) летось прислал, | шесть кблекъ гаковничных<sup>[1]</sup>, полчетвертадцать, а гаковницы<sup>[1]</sup> | ни одное. Порохъ

пшечного две бочки, а рѣничаго порох<sup>8</sup><sup>[2]</sup> полбо<sup>1</sup>чки, а трет(ь) бочки старого порох<sup>8</sup>, што были забиты пѣшки | при Москве. А селитри со два фунты, ошчеповъ<sup>[3]</sup> двадцать без одног(о). | Свинц<sup>8</sup> десять свиinei<sup>[4]</sup>, а десатаа не цела. А порох<sup>8</sup> бочка. А два | серпеньтыны<sup>[5]</sup>, то, поведают, Юр(ь)евы. |

А в сирне<sup>[6]</sup> о<sup>8</sup>рковъ кадья, мѣки со две бочки, и ржаное <sup>8</sup> горичи<sup>[7]</sup> два | кишекъ<sup>[8]</sup>, пать масныхъ, две<sup>1</sup> печеныхъ. | А въ погреби ничего нетъ. |

Тивунъ лѣжасенский Гридько поведалъ под собою людеи тагълыхъ сорокъ чоловековъ. |

А в дворцы клача робочаа одна, две корове, а тела сеголетнее, | овецъ 13 з молодыми, козъ осмъ з молодыми, гѣсеи 18 | старыхъ и молодыхъ, вепръ одинъ.

А челади невол(ь)ное паробъковъ 15, а жонокъ п<sup>1</sup>м(ь), а робать малыхъ п<sup>1</sup>атеро. |

А в гѣмне жита стирта одна, трыдцать копь ячменю, трыдцат(ь) | копь пшеницы, двадцать копь горох<sup>8</sup>, два переплота гречихи, старое тры корцы<sup>[9]</sup>, ярыцы<sup>[10]</sup> 15 копь, овса ничего нетъ, | а жита посеяно на поли трыдцать корцовъ. Пчоль четверы, | а огородныхъ речей, того нетъ ничего. |

Тивунъ Любашковского двора Гридько поведал подъ собою || л. 310 об. людеи таглыхъ трыдцать | чотыри чоловеки. А клачъ робочих | двое, вол одинъ, овец семеро, свиinei троє, гѣсеи двое, челади невол(ь)ное паробъковъ осмъ, а малыхъ робать двое. |

А въ гѣмне жита стирта<sup>[11]</sup> одна, полсемадесать копь ярыцы, | 11 копь ячменю, 8 копь пшеницы, 4 копы овса, | 16 копь гречихи. Посеяно 5 корцовъ, ино то еще не жато. | А жита на поли посеяно 5 корцовъ. А пчоль 14 старых, | а въ пчол(ь)никахъ п<sup>1</sup>атеры пчолы, а въ зачерничъ одны, а в жотыи | пчолы полажоны, и тотъ мед, поведають, панъ Юрем съ собою | взаль, едѣчи з Витебска. А сена двадцать стирть без одное. |

Тивунъ клеменецкий Юрько поведал подъ собою людеи всихъ, | пѣтных, и таглыхъ, и конюховъ, и санниковъ, и нарочныхъ, сто | и двадцать чоловековъ. А челади невол(ь)ное паробъковъ шесть, | малыхъ робать дев<sup>1</sup>атеро, жонька одна. А волъ и инъшие | животины и огородныхъ речей, того нет ничего. |

А в гѣмне пшеницы п<sup>1</sup>м(ь) дес<sup>1</sup>ать копь, жита с корец, ячменю | шестьдес<sup>1</sup>ат коп, овса, гречихи, горох<sup>8</sup>, то теж ничего нетъ. |

Тивунъ селицкий Костечко поведал под собою людеи таглыхъ | 15 чоловековъ, а челади невол(ь)ное паробъковъ 20 а жонок 4. | А в гѣмне жита стирта одна 30 копь, пшеницы 3 копы, | гречихи 12 корцовъ, а жита посеяно на поли осмъ корцовъ. | Клача робочаа одна. |

Примечание. <sup>1</sup>Далее пропуск в 8–9 букв

### Список двора Перелайского. |

Людеи волостных 100 и 60 ч(о)л(о)в(е)ков, <sup>8</sup> гумне жита, а ни овса, ни ярин жадног(о) | кѣса нет. На поли посеяно девеносто бочок жита а сорок бочок овса. | А в дворе ни одного вола, тол(ь)ко одна клача стараа. А въ дворе въ свирнех | ничего нет.

То писал Воитех Костибал(ь)чичъ в том часть, коли Богѣша | писара звывал  
в том дворъ. || *л. 311*

№ 551

[1503 г.] сентября 1. Вильна.

Аренда мыта и корч(о)мъ смоленскихъ | Анѣдрею Тихомѣ. |

Александръ, бож(е)ю м(и)л(о)стью корол(ь) пол(ь)ский etc. |

Наместнику смоленскомѣ пану Юр(и)ю Анѣдреевичѣ, и нареченомѣ владыце  
смоленскомѣ Иосифу, и окол(ь)ничимъ смоленскимъ, и казначею смоленскомѣ  
кн(а)зю Костантинѣ Федоровичу Крошинскому.

Продали | есмо мыто и корчмы смоленскийи мещанину виленскомѣ Анѣдрею  
Тихомѣ на тры годы за полтрети тисачи копъ грошейи дробное личбы, | за грошь  
по два полдгрошки, або по десати п(е)н(а)зеи. И вжо есмо в него за перлвыи год  
платьсотъ копъ грошейи вziali. А какъ дрѣгиии год выидет, и онъ | маеть намъ дати  
дрѣгую плат(ь)сотъ копъ грошейи. А третиии год выдержавши, маеть намъ третюю  
плат(ь)сотъ копъ грошейи заплатити. А держати емѣ мед и пиво въ кол(ь)ку хотачи  
домех, а къ томѣ и вино горелое | маеть жечи. А хто из ыншого города, або з места,  
вино горелое до Смоленска привезъ, тот маеть вздоимомъ тое вино продати ему  
жъ. | А иномѣ никомѣ не маеть мимо его продавати, а ни шиньковати | на розно.  
А рокъ емѣ почати тое мыто заведати и корчмы варити | ѿ Покрове пречистое, што  
приидеть. И держати емѣ тое мыто | и корчмы три годы сполна до того ж року, до  
Покровы пречистое<sup>[1]</sup>. |

А естли, боже того вховаи, кака бы налога была на тот замокъ нашъ | ѿт  
неприятела нашего, а он того року своего не додержал, ино намъ казати то  
обраховати, кол(ь)ко месачеи и дъневъ бѣдетъ он мыто | держаль, и меды сытил, и  
пива вариль, и по томѣ маемъ в него п(е)н(а)зи | взати. А в тьи три годы иньи ништо  
тамъ в Смоленску не мает | корчомъ варит(ь). И мы велели емѣ в таковыхъ меды  
и пива на нас заби|рати.

Такеж естли бы которыи кѣпъцы мыто нашо хотели | ѿбъежчати новыми  
дорогами, а мыта нашего не заплативши, || *л. 311 об.* и вы бы ему на тых помочъ давали.  
Нехаи бы он их всталаи и мыто | на нихъ бралъ по-давномѣ, и во всемъ бы есте мытѣ  
нашому и корчмамъ помочни были, и его, и слугъ его ѿт кривдъ боронили, абы в  
том | намъ шкоды не было, и плат бы нашъ не понижалъ с.а. А и сами бы есте | в тое  
мыто, и в промытѣ, и въ корчмы не встѣпали с.а. Нехаи он мыто | нашо, и промытѣ,  
и корчмы заведаетъ по-давньому, и ни в чомъ | ему и слугамъ его кривдъ не чинили,  
и не сѣдили бы есте ихъ, и не раддили, и децкихъ на нихъ не давали. И наместникъ  
твои, пане Юр(и)и, теж | бы его и слугъ его ни сѣдил, и не радил, и децкихъ на них  
не давал до тых | часовъ, поки он бѣдетъ тое мыто и корчмы держати.

А кому до нег(о) | або до слугъ его, которое дело бѣдетъ, ино мы сами,  
г(о)с(по)д(а)рь, маемъ | ихъ в томъ смотрети. Теж естли бы того потеба вказывала,  
которыхъ кн(а)зеи, и пановъ, и бояр, и дворанъ нашихъ там до Смоленска будем  
слати, тымъ приказдемъ под виною нашою, под | двемасты рѣблевъ грошейи, абы они  
сами и слѣги ихъ корчомъ | тамъ не держали. А пак ли бы хто таковыи был наидень,  
того | ничимъ не мает карати, тол(ь)ко тою нашою виною.

П(и)санъ 8 Вил(ь)ни, | сен(та)бра 1 день. Индик[г]ъ 7. |

№ 552

[1503 г.] ноября 7. Люблин.

Аренда мыта смоленского воитѸ | меньскому АвѸрамѸ. |

АлександрѸ, бож(е)ю м(и)л(о)стью. |

НаместникѸ смоленскомѸ пану Юр(и)ю АньдреевичѸ, нареченомѸ владыце смоленскомѸ, и окол(ь)ничимъ смоленскимъ, и казначею смоленскомѸ кн(а)зю Костантину КрошинскомѸ.

Продали есмо | мыто смоленское воитѸ менскомѸ АвѸрамѸ на три годы за тисачѸ | копь и за осмьдесат копь грошеи дробное личбы, за грошъ по два | полугрошки, або по десати п(е)н(а)зеи, и вжо наперед в нег(о) в.з.а.ли || л. 312 сто копь, осмьдесать копь грошеи.

А год выдержавши, маеть намъ дати | триста копь грошеи заплатити, а дрѸгии год выдержавъ, маеть намъ | трыста коп грошеи заплатити. А третии год выдержавъ, маеть нам | третюю трыста копь грошеи дати. А рокъ емѸ почати тое мыто | заведати от матьки бож(е)и дна ѿ[т] Презентацыи, то есть от Ѹведен(ь)а | св(е)тыа богородици<sup>[1]</sup>. А держати емѸ тое мыто тры годы сполна | до того ж року, до матьки бож(е)и дна, до Ѹведенья [в] ц(е)рковъ светья б(огороди)ци. |

А комѸ онъ на свое место тамъ мыто прикажетъ, тот маеть моц | мети в томъ мыте и в промыте, по томѸ, какъ он самъ. Теж естли | бы хто хотел тое мыто нашо об(ь)ежчати и иньшими дорогами, | мыта намъ не заплативши, дла того он маеть слугъ своих полажати по тым местомъ, где первыхъ мытниковъ слѸги тог(о) стелрегивали. И котории кѸпцы будѸтъ тое мыто проездчати | иньшими дорогами, мыта нашего не заплативши, в тых маеть | он товари ихъ на насъ забирати. И вы бы емѸ на таковых помолчни были. А и сами бы есте в тое мыто и в промытѸ не встѸпали | с.а. Нехаи он тое мыто и промытѸ заведаетъ по-давному<sup>1</sup>. |

Теж бы есте его самого и того, комѸ он на свое место мыто прикажетъ, | и слугъ его не сѸдили, и не радили, и децкихъ своихъ на нихъ не давали. И наместникъ твои, пане Юр(и)и, не маеть ихъ сѸдити, и радити, и децкихъ своихъ | на них не давати до тых частовъ, поки он тое мыто будеть держати. КоимѸ бѸдетъ до них которое дело, ино сами, г(о)с(по)д(а)рь, ѿ томъ маемъ их смотреѸти. Теж в тьи три годы не маемъ никому под нимъ того мыта продавати, хот.а бы хто нам давал и по чотыриста копь грошеи на год, бо он | нам тое мыто повышил. А комѸ дадим жалован(ь)е нашо на квитцапах в него | з мыта, и он тымъ маеть выдавати тое жалован(ь)е нашо по томѸ, какъ | за отца нашего, короля, его м(и)л(о)сти, первыи мытники даивали.

И на то есмо | дали сесь нашъ лист на паркгамене з нашою печат(ь)ю.

П(и)сан в Любљине, | ноябр(а) 7 день. Индик[т] 7. || л. 312 об.

*Примечание.* <sup>2</sup>Текст до конца л. 312 написан другим почерком

№ 553

[1504 г.] января 4. Краков.

Аренда мыта и мостового городеньского | воитѸ троцкомѸ  
Никелю. |

АлександрѸ, бож(е)ю м(и)л(о)стью корол(ь) пол(ь)скии. |

ПанѸ виленскомѸ, старосте городеньскому кн(а)зю Алексаньдру Юр(ь)елвичу.

Продали есмо мыто городеньское и мостовое городенское | *воит* места Троцького Никелю на годъ за сто золотыхъ. А рокъ | *ем* почати тое мыто заведати *от* сихъ Громъницъ<sup>[1]</sup>, што *приид*тъ, и деръжати ему тое мыто весь годъ спольна до того *ж* | року, до Громъницъ.

А тѣю сто золотыхъ маеть намъ заплатити | какъ скоро в мыто и мостовое *свазавши* с.а. И твоа бы м(и)л(о)сть | в тое мыто, и въ мостовое, и въ промытѣ не вступал с.а. Нехаи онъ | тое мыто, и мостовое, и промытѣ заведаетъ по-давномѣ, | какъ перъвыи мытъники заведывали. И его самого, и слугъ его, | которые *от* него тое мыто и мостовое будѣтъ заведати, в том | годъ не сѣдилъ и не радилъ, и наместнику своему не велель судити и радити. | Комѣ до него которое дело будетъ, ино мы сами, | г(о)с(по)д(а)рѣ, маемъ его с тымъ смотрети.

П(и)санъ в Кракове, ген(вар.) | 4 день. Инъдик[т]ъ 7. || л. 313

*Примечание.* <sup>1</sup>Конец листа прочеркнут виньеткой

## № 554

[1498 г. — 1501 г. декабря 12.]

Справа межи паном воеводою троцким | а паном Петром  
кѣхъмистром | *о* именье *Г*шменѣ. |

Розмова*л* передъ г(о)с(по)д(а)ремъ, его м(и)л(о)стью, великимъ кн(а)земъ, панъ воевода | троцкии с паномъ Петромъ с кухмистромъ.

Искал панъ воевода *под* паномъ кухмистромъ именья, *отчины* своее, *Г*шмене тымъ обычаемъ: «*Г*тец *деи* мои и с твоимъ *отцомъ* в томъ именьи делу не мель». | И панъ кѣхъмистръ рекъ: «Былъ *деи* *отцомъ* нашимъ дель еще за великог(о) | кн(а)зи Жикгимонта. Твоему *отцѣ*, пану Юшку, *остал* с.а Заберезин, а моемѣ | *отцѣ* *Г*шмена». И панъ воевода рекъ: «Заберезин *деи* *отец* мои выслужилъ | на великомъ кн(а)зи Жикгимонте». И листъ великого кн(а)зи Жикгимонта | *перед* нами *вказывал*. «А твои *деи* *отец* *напротивку* того выслужилъ Тѣю | а Вазыню». И *вказывал* тежъ *перед* нами листъ великого кн(а)зи Жикгимонта, што *ж* *отцом* ихъ великии кн(а)зѣ Жикгимонтъ велелъ поделити *отчину*, именье *Г*шмене, а *выслѣги* делити не велель. «Ино *деи* *отец* мои *наперед* твоего *отца* *смер*, а *на* с.а малъ *остал*, а твои *отец* на томъ именьи безъ делѣ *остал*, а мене в томъ *закривѣдил*. А не рекома в томъ *Г* *одномъ* | именьи, але и *Г* *выслѣже* *отца* моего».

И панъ кухмистръ рекъ: «Чому жъ ты, | пане воеводо, такъ долго *о* томъ с.а не напоминалъ за короля, его м(и)л(о)сти?» | И панъ воевода рекъ: «Дла того не напоминалъ с.а, покимъ досталъ листовъ | великого кн(а)зи Жикгимонта, што *ж* *отчину* великии кн(а)зѣ Жикгимонтъ | *отцомъ* нашимъ велелъ поделити, котории *ж* и тепер(е) *вказываю* на то | *перед* г(о)с(по)д(а)ремъ, его м(и)л(о)стью».

И панъ кухмистръ тол(ь)ко тымъ обычаемъ | *отпирал*, што жъ бы за великого кн(а)за Жикгимонта *отцомъ* ихъ былъ | дель, а инаго доводѣ жадного на то не *вделал*. И потомъ рекъ: «Было | *деи* намъ право еще за короля, его м(и)л(о)сти. Ставилъ есми светки *перед* | паномъ <sup>1</sup>воеводою *виленским* а *перед* паномъ<sup>1</sup> *Мартиномъ* *Кгаштовтовичомъ*, што *ж* *деи* *отцомъ* нашимъ | былъ *дел* еще за великого кн(а)зи Жикгимонта». А тыхъ светъковъ не *выимел*новаль. || л. 313 *об.*

И панъ воевода рекъ: «В томъ с.а *деи* *на* знаю, было *деи* мне с тобою право *наперед* *королемъ*, его м(и)л(о)стью, и во *иславен(ь)а* *тех*, *о* чомъ же *деи* *на* и тепер(е)

не моѡвлю, а в томъ имени, отчине моеи, в чомъ жо хочѸ дель мети, жадного | ми с тобою права не было».

И г(о)с(по)д(а)рѣ, его м(и)л(о)сть, великии кнѡз(ь), на тои мере | то дело оставил. Маеть его м(и)л(о)сть тому конец и всказанье вделати | на Бож(е)е тело<sup>[1]</sup>, какъ будѣтъ при его м(и)л(о)сти вси панове рада его | м(и)л(о)сти. |

*Примечание.* <sup>1-1</sup>Вписано над строкой

№ 555

[1501 г.] марта 20. Троки.

Личба мытника киевского з мыта киевского. |

Што былѣ кѡпилъ мыто киевское въ г(о)с(по)дара, его м(и)л(о)сти, Николаи Оражинѣ на тры годы, ино его м(и)л(о)сть казалъ личбу взяти в него | пану Оедку, подскарѣбему, а пану Оедку, писарѸ, в Троцох, | м(е)с(а)ца мар(та) 20 день. Индик[т]ѣ 4. |

И онѣ положили передь нами на личбе з двѸ годовѣ тисача копѣ | грошеи, и шестьсотъ копѣ, и 8 копѣ, и 7 копѣ, | и 40 грошеи. |

№ 556

[1501 г.] мая 6. Вильна.

8 Вильни, маѡ 6 день. Индик[т]ѣ 4. |

Панѣ охмистрѣ далѣ КошкинѸ слуге ДьякѸ осмѣдесѡт золотых | черленыхъ за пани НиколаевѸ Илькича передь паномѣ Оедыкомѣ писаремѣ. ||<sup>а. 314</sup>

№ 557

[1501 г.] августа 21. Городно.

Аренда мыта меньского ОедорѸ Есковичу. |

Александрѣ, бож(е)ю м(и)л(о)стью. |

Наместнику меньскому кн(а)зю Богдану Ивановичу ЖаславскомѸ. |

Продали есмо мыто нашо менское мещанину меньскому ОедорѸ ЕсковичѸ на тры годы за триста копѣ грошеи, в каждыи годѣ | маеть намѣ давати по сту копѣ грошеи. А рокѣ ему в тое мыто | сѡязати сѡ светого Семиона день<sup>[1]</sup>. А держати маеть тое мыто | тры годы сполна до того ж року, до светого Семиона. Год выдержавши, маеть нам дати сто копѣ грошеи. А дрѸгии год выдержавши, маеть нам дати дрѸгую сто копѣ грошеи. А третии годѣ выдержавши, маеть намѣ дати такеж сто копѣ грошеи. Про тожѣ, | штобы еси в мыто нашо и в промытѸ не вступал сѡ. Нехаи мытникѣ нашѣ мыто нашо и промытѸ заведаетъ по-давному.

И штобы еси его от кривдѣ боронил и во всемѣ бы еси мытѸ нашомѸ | был помочонѣ, абы мыто нашо не понижало сѡ. И штобы еси | его ни судил, а ни радил, и децкихъ на него не давал<sup>[2]</sup>. А и наместникѣ | бы твои тежѣ его не сѡдил, а ни радил, и децкихъ на него не давалѣ. | Кому будет до него дело, ино мы сами маемѣ о томѣ межи ними | смотрети в тотѣ часѣ, поки выдержити мыто нашо.

П(и)сан | в Городне, август(а) 21 день. Индик[т]ѣ 4. |



## № 558

[1503 г.] ноября 20. Люблин.

## Аренда мыта и корчмы смоленское Аврамъ. |

В Люблине, ноабр(ь) 20. Индик(т)ъ 7. |

Мыто и корчмы смоленские проданы воиту меньшому Аврамъ | на три годы за две тисачи копь, и за чотыриста копь грошеи дробное личбы, за грошь по двѣ полугрошки, або по десѣти пенѣзем. || л. 314 об.

Годъ выдержавши, маеть дати Аньдрею Тихому патьсотъ копь | грошеи. А што Аньдреи Тихии держаль мыто и корчмы, почонъши | от Покрова пречистое<sup>[1]</sup>, за то маеть Аврамъ оттрѣтити в нег(о) | полтораста копь грошеи в тую жь пѣт(ь)сотъ копь грошеи. Ино то | Аньдрею маеть дати тол(ь)ко полчетвертаста копь грошеи, а намъ маель дати полпѣтаста копь грошеи. А на другии годъ осмьсотъ | копь грошеи. А на третии год по тому жь. А рокъ — Крещенье<sup>[2]</sup>, што минуло. |

## № 559

[1498 г. — 1501 г. декабря 12.]

## Справа межи паном Ёном Юр(ь)евичом, воеводоу троцким, | а п(а)ном Петром Ёлехновичом ѿ имен(ь)ѧ ѿтчизныѧ. |

Г(о)с(по)д(а)рь, его м(и)л(о)сть, великии князь казалъ дѣлѣ памяти записати.

Панъ | Ёнъ Юр(ь)евичъ, воевода троцкии, маршалокъ земьскии розмовил с паном | Петромъ Ёлехновичомъ перед г(о)с(по)д(а)ремъ, его м(и)л(о)стью, ѿ имен(ь)ѧ, ѿ отчину и выслугъ отцовъ своихъ.

Панъ воевода рекъ: «Коли отецъ мой | вмер, а мене малого ѿоставилъ, ино отецъ пана Петровъ кухъмитровъ отнал в мене, малого, и ѧ матки моеѧ после смерти отца моего ѧ Кривичохъ и ѧ Жесне людеи и земли половицу, а ѧ Ёшмене со всего выгнал мене, малого, и матку мою».

А пан кухъмистръ | рекъ: «Твои отецъ з моимъ отцомъ при великомъ кн(а)зи Жикгимонте | делили сѧ, поставили Ёшмену противъ Заберез(ь)ѧ. А въ Кривичохъ | и в Жесне людеи наполю поделили. А ловища и ѿступы въ Кривичохъ самъ ты поделил наполю сь отцомъ моимъ. А Тую и Вазыню, Никоновичовъ отчину, выслужил отецъ мой на великомъ кн(а)зи Жикгимонте вже после делу, какъ отцы наши поделили сѧ».

И панъ | воевода рекъ: «Не делил ѧ с твоимъ отцомъ ѧ Кривичохъ ловищъ а ни ѿступовъ, сил(ь)но твои отецъ в мене, малого, отнал люди и земли». || л. 315

## № 560

[1493–1499 гг.]

## Сведецтво подданных жорославскихъ | з стороны двора Жорославъки. |

На память великии кн(а)з(ь) казалъ записати. |

Жерославчане светчили перед паномъ виленскимъ, наместникомъ городенскимъ кн(а)земъ Александромъ Юр(ь)евичомъ, а перед старостою жолюитскимъ паномъ

Станиславомъ Ідновичомъ. Имена тымъ жєрославчаномъ Ідковъ Короз, перед тымъ сорочникомъ был в Жерославѣце, а тыми разы сынъ его сорочникомъ, Данило Поботень, Ідковъ Хлебен(ь), Борсукъ Ивановичъ, Иванюк Марковичъ.

Светчили перед І ихъ м(и)л(о)стью тымъ обычаемъ: «Мы паматѣемъ гораздо, еще І за великого кн(а)зя Витовта, што *ж* великии княз(ь) Витовтъ приехал І на тое местцо, где тепере двор г(о)с(по)д(а)рьскіи Жерославка, а тутъ І в томъ часть на томъ местцы седели люди г(о)с(по)д(а)рьскіи Городеньского І повета на имѣ Олексичи. И великому кн(а)зю Витовту тое местцо І подобало сѣ на двор. И онъ тыхъ людеи своихъ Олексич с того села І ихъ звел и посадилъ ихъ на пѣщи, на ихъ же отчине, за Веретею, І где и тепер(е) они седать. А на ихъ селищахъ справил собе двор. И держанъ тотъ двор Жерославка к Городну, ажъ и до Витовтова живота. И после великого кн(а)зя Витовта такежъ тотъ двор Жерославка І держанъ къ Городну во вси лета живота великого кн(а)зя Жикгимонта, І ажъ и до его смерти. А тивуномъ были в томъ дворе отъ великог(о) кн(а)зя І Жикгимонта перво Мѣровка а дрѣгии Арод, а третии Мартинъ. І Коли жъ пакъ великого кн(а)зя Жикгимонта в животе не стало, І ино по смерти его приехалъ Михаило Кголикгиновичъ и въ тотъ двор І самъ ѣездал сѣ и подержалъ со два годы. И корол(ь), его м(и)л(о)сть, бѣдѣчи ещо великимъ кн(а)земъ, тотъ двор Жерославку за сѣ на себе І взѣл. И Михаило Кголикгиновичъ, што былъ тамъ семьи своее и животины || *л. 315 об.* к Жерославце съ своихъ дворовъ припровадил, то за сѣ выпровадил.

А то І мы, панове, светчимъ верне а справедливе. А хто бы хотелъ ѿ томъ І инакъ поведити, нехай г(о)с(по)д(а)рь великии княз(ь) кажетъ насъ с тымъ перед І собою очевисто поставити. Мы хотимъ добрыи довод на то вчинити, сами старцы всее волости Городенское.

И тежъ и то, панове, поведемъ вашои м(и)л(о)сти, што Скиндир присылалъ к намъ слугѣ І своего, обещаючи намъ по кожѣхъ и по сукни, а просечи насъ, абы І то светчили, што онъ намъ кажетъ. И мы того не вчинили, боѣли І сѣ есмо бога и г(о)с(по)д(а)ря великого кн(а)зя».

А и Котъ, ключникъ городенскіи, І передъ великимъ княземъ, его м(и)л(о)стью, ѣ Озерехъ в тое жъ слово І светчили. І

№ 561

[1496 г.] октября 6. Дорогичин.

Вырокъ межи земаны дорогицкими Железницкими І а межи Павломъ Вгровскимъ ѿ границы, etc. І

Александръ, бож(е)ю м(и)л(о)стью. І

Смотрели есмо того дела.

Жаловали намъ земане дорогицкые І Станиславъ Железницкии з братьею и з сынами своими на пана Павла Вгровского, што *ж* деи онъ, перешодши старыи границы, земли І в нихъ поотнималъ, и жита пожал, и многии шкоды имъ поделалъ. І А панъ Павелъ на нихъ жаловал, ижъ бы они черезъ старыи грани крѣвды ему починили в земли.

И тыи Железницкии повели передъ І нами, што *ж* перво того с приказан(ь)я отца нашего, королѣ, его м(и)л(о)сти, І смотрели ихъ в томъ з матъкою его, панею Вгровскою, панъ Іднъ І Насутичъ, будѣчи наместникомъ берестейскимъ, а панъ Иванъ І

Ил(ь)иничъ, будучи наместникомъ дорогийцкимъ. И светъковъ с обу | сторонъ слухали.

И светки их перед ними светъчили, што *ж* ещо пан | Наць, будѣчи наместникомъ дорогийцкимъ, тамъ выезди<sup>л</sup> и грани || <sup>л. 316</sup> положил вгровланомъ и зъ Железницкимъ *от* Ёдкимовского границы | по Мокрець а по Карского границѣ. И над то ещо тыи светъки хотели | на тых границах и поприсагнути. И пани Вгровская тогды с того | права зъехала. И они послали были тых граници зарубати возного. | И она деи того возного *от*била и не дала ему тых граници зарубати.

Ино панъ Ёднъ а панъ Иванъ сами подлугъ сведецства тых | старцовъ, людеи добрых, тую землю их *от*(ъ)ехали и грани по тому *ж* | положили *от* Ёдкимовского границы по Мокрець а по Карского границѣ. И листь свои судовыи на то им дали. И они *тот* листь ихъ | перед нами вказывали.

И мы того их листу выслушавши, тыхъ | Железницкихъ в томъ есмо знашли правых. И казали есмо имъ | тѣю землю держати по тыи границы *от* Ёдкимовского граници по Мокрець а по Карского границѣ. А пану Павлу не казали | есмо в тое вступати под закладомъ нашимъ, под двемасты колпами грошеи литовских. А естли тые Железницкии через тыи | грани пану Павлу...

<sup>1</sup>В том местцѣ вышарпало се вирш(к)ов полтора и не могло се | прочитат(ь)<sup>1</sup>.

П(и)сан в Дорогичине, ок(табря) 6 день. Индик[т]ъ 15. |

Пр(и том) был мар(шалок) двор(ный), нам(естник) мер(ецкий) | и он(икштенский) п(а)н Гри(горий) Ёс(тикович), нам(естник) мел(ьничкии)<sup>2</sup> | п(а)н Нем(ира) Гримаи. |

*Примечания.* <sup>1-1</sup>Вписано в строку другим почерком, обведено в рамку <sup>2</sup>Исправлено, в рукописи мер

## № 562

[1476 г.] октября 28. б. м.

Вписан(ь)е листѣ старог(о) сѣдоваго ѿ тые *ж* |  
границы, etc. |

Г(о)с(по)д(ар)я нашего, великого короля Казимера, приказаньемъ пан Ёднъ Насутичь, наместникъ берестейский, а панъ Ивашко Ил(ь)иничъ, наместник | дорогийцкии, а при насъ было людеи добрых досыт(ь), панъ Андрей Колсовскии, суд(ь)я дорогийцкии, а пан подсудокъ дорогийцкии, а пан Карскии, || <sup>л. 316 об.</sup> а Милкобскии, и иньшихъ добрых людеи при насъ было досыть.

Жаловала намъ пани Вгровская [с] своимъ сыномъ Лавриномъ на Железницкихъ ѿ землю. И мы тамъ тое земли обыездили и ѿсмотрели. | Напервей насъ повела пани Вгровская, а реучи так: «Потуль мои | мужъ держаль и предки мужа моего потуле держали». А къ жадному | знаку, а ни к гранемъ насъ не привела. И затымъ Железницкии повели насъ и зъ братьею своею, а реучи такъ: «За великого кн(а)зя Виговта и за великого кн(а)зя Жикгимонта пан Наць, будѣчи староста дорогийцкии, *от*(ъ)ехал *от*цѣ нашему по Мокрець *от* Ёдкимовског(о) | границы а по Карского границѣ, и грани *от*цу нашему и з Вгровланы положил». И мы тых граници пана Нацевых смотрели.

И затым | пани Вгровская поставила своих старцовъ ѿсмыдесат, а Железницкии поставили своих старцовъ сто. И мы есмо напервей | пытали пани Вгровское старцовъ,

а рекучи такъ: «Которыи | вы обычаемъ ведаете, покуле 8гровское, а покул(е) Железницкихъ?» И они вси сознали. А мовать такъ: «Покул(е) пани 8гровская вела, потуль 8гровское». Затимъ пытали есмо Железницкихъ старцовъ, и они посветчили. А моват такъ: «За великоз(о) | кн(а)зиа Витовта и за великого кн(а)зѧ Жикгимонта панъ Нацъ, будѣчи старостою дорогицкимъ и 8гровскимъ, розрѣбил 8гровланомъ и з Железницкимъ от Ёкимовского границы по Мокрецъ, олижъ по Карьского границѣ, и грани положил панъ Нац | 8гровланомъ и Железницкимъ». И на то хотели присагнути | Железницкихъ старцы.

И мы того досмотревши, подлугъ | земьского обычаа, велели есмо Железницкимъ Станиславу | з братьею само семому присагнути. И пани 8гровская не хотела слѣхати и поехала прочъ. И мы возного послали грани зарубати. И пани 8гровская и с сыномъ возного отбила. И мы сами ехавъши, от(ъ)ехали по Мокрецъ, а по Ёкимовского границѣ, а по Карского | границѣ, какъ пан Нацъ от(ъ)ехал и зарубил, и зъ Железницкимъ | при пана Нацевыхъ границахъ zostавили есмо их, Железницких, || л. 317 и пересуд есмо 8 Железницкихъ 8зыали, и заклад есмо заложили г(о)с(по)д(а)ру | королю триста копь, а старосте петдесать копь, хто коли будеть по насъ в Дорогичине, хто намъ ездъ рушить.

Писан | м(е)с(а)ца октября 28 день. Индик[т]ъ 9. |

## № 563

[1504 г.] ноября 13. Краков.

## Ѓ пѣщѣ Лысковскѣю. |

В Кракове, ноябр(а) 13 день. Индик[т]ъ 8. |

Жаловали на пана ѡхмистра <sup>1</sup>волковымане, лысковъцы<sup>1</sup>, ижъ не даеть имъ пѣщи своее | роспахвати, а потомъ сами жъ пана ѡхмистра перепроісили, штобы в нихъ тых роспашей не отнимал, которое за Витовта и за Жикгимонта роспахали. И пан ѡхмистръ тыхъ | роспашей постѣпил, а бол(ь)ши того в тои пѣщи не маюу пахати.

*Примечание.* <sup>1-1</sup>Вписано над строкой

## № 564

[1492 г. ноября 14 — 1500 г. июля 14.]

Маршалокъ панъ Григорей Станьковичъ приказаль про памат(ь) | записати.

Што ручил татаринъ Казко Тогушевичъ з братьею, | с Нуркомъ, а с Шабаномъ, а з Муратомъ, а Идишомъ, а Идаромъ, | по Сеите ѡрдынъцы кн(а)зию великому в шестисотъ копахъ | грошей до тыхъ местъ, поки жену свою и дети припровадит | с Киева. || л. 317 об.

## № 565

[до 1500 г. августа 6.]

На память.

Земли слугъ ѡрдынскихъ пѣтивлевцовъ на имѧ Своіричовская, а Езѣча, а Свечковичи, Березники, а Кнажиин Клиин, Мецна, | а Вирдеревца, а Корвичи, Чаша, а Терешково, Городовичи, а Росоха, | а Кругловатыи, Ильинская, а Спаская. |

## № 566

[1500 г.] ноября 11. Вильна.

Аренда корчмы кричовское Заньку Жабе | а мещаном  
кричевским Гарасиму Санковичу и иным. |

Александръ. |

Боаромъ кричевскимъ, и мещаномъ, и старцу кричевскому, | и мужомъ.

Продали есмо корчму кричевскую наместнику кричевскому ЗанькѸ Жабе а мещаномъ кричовскимъ, ГарасимѸ | Сан(ь)ковичу, а ЛевонидѸ Никоновичу, а Ширку Ѡхимоновичу, а ЕскѸ | Дерлину, за сорокъ копь грошей на год. А ѡвзати сѧ имь Ѹ тѸю | корчму на масопѸсты великии<sup>[1]</sup>. А держати имь тую корчмѸ | до того ж року. А выдержавши год свои, мають намь тую сорок | копь грошей заплатити.

Про то жъ приказѸемь вам, ажъ | бы есте ѡпречь тое наше корчмы в месте нашомъ Кричевскомъ ниhto корьчомъ не мели и складовъ частыхъ | не сытили, выменана празничных складовъ, подь нашою виною, подь сту рубли рошей.

П(и)сан Ѹ Вильни, ноѧбр(ь) | 11 день. Индик[т]ъ 4. || л. 318

## № 567

[1499 г.] октября 24. Вильна.

Личба мытника смоленского | з мыта. |

Ѹ Вил(ь)ни, м(е)с(ѧ)ца ѡк(табра) 24 день. Индик[т]ъ 3. |

Пань Григорей маршалокъ дворных, а писари пань Ѡедько | Григор(ь)евичь, а пань Ѡед(ь)ко Ёднушкович брали личбу в мытника смоленского, во Аврама. И ѡнь, не державши ни полугода, ѡт светого | Петра<sup>[1]</sup>, и на личбе положил шестьсотъ копь, што были на | три года кѸпили, на год по двесте копь. А звышь ещо тыхъ | трех годовъ<sup>1</sup> положил двадцать копь, и полторы копы, | и шесть грошей.

Примечание. <sup>1</sup>Исправлено, в рукописи годовъ

## № 568

[1500 г.] января 9. Менск.

Аренда корчмы кричовское Сеньку Епимаховичу а ѠедькѸ  
НасѸтичѸ. |

Александръ, бож(е)ю м(и)л(о)стью. |

Наместнику кричовскому, и мещаномъ, и старцѸ кричовскому, и мужомъ.

Продали есмо корчму кричовскую мещаномъ кричовскимъ СенькѸ Епимаховичу а Ѡед(ь)ку НасѸтичѸ | за сорокъ копь грошей на год. А ѡвзати сѧ имь в тую корчму | на сии масныи<sup>1</sup> запѸсты<sup>[1]</sup>. А держати имь тую корчму до тогю жъ годѸ. И вжо намь наперед дали десѧт(ь) копь грошей. А выдержавши год свои, мають намь и достал(ь) тых п(е)н(ѧ)зем тридцать копь грошей заплатити.

Про то жъ приказѸемь вам, | ажъ бы есте ѡпроче тое наше корчмы в месте нашомъ Кричовскомъ | ниhto корчомъ не мели и складовъ частыхъ не сытили, выменана | празничных складовъ, подь нашую виною, подь стѸ рубли грошей.

П(и)сан | в Менску, ген(вара) 9 день. Индик[т]ъ 3. || л. 318 об.

Примечание. <sup>1</sup>Буква ѧ исправлена из другой

№ 569

[1499 г.] июня 9. Вильна.

Личба пана Литавора Хребтовича | з мынцы. |

8 Вил(ь)ни, июн(ь) 9 день. Индик[т]ъ 2. |

Пань Литавор Хребтовичъ, маршалокъ, наместникъ новгородский и слонимский, выдал г(о)с(по)д(а)рѣ, его м(и)л(о)сти, великому кн(а)зю | личбу з минцы, прибытку за чотыри годы шестьдесят тысяч золотых, и тысяча золотых, и девятьсот | золотых, и двадцать золотых, а золотыи по двадцати | грошей и по два гроши.

А за сребро, и за работѣ, и за мед, и за вси речи, што к минцы | прислухаютъ, вышло 50 тысячъ копь, и шесть тысячъ копь, и 40 копь, и копа, и 26 грошей. |

А литого серебра до минцы пришло 20 тысяч гривен, | и 4 тысячи гривен, и 6 сотъ гривен, и 50 гривен, | и осмь гривен, и два скотцы. |

№ 570

[1499 г.] июля 1. Вильна.

Личба мытника луцкого з мыта | Лерынѣ<sup>1</sup> Геришѣ<sup>1</sup>. |

8 Вил(ь)ни ж, июл(ь) 1 день. Индик[т]ъ 2. |

Пань Литавор Хребтовичъ, маршалокъ, а пань Фод(ь)ко, писар, | брали личбу в мытника луцкого Лерина Гериша с первого годѣ. | И он на личбе з годѣ положил чотыриста копь, и девать | копь, и полкопы, и шест(ь) грошей. А поведалъ, ижъ готовыми | пенез(ь)ми давал, а рокъ отъ сватъковъ до сватъковъ, опроч(ь) || л. 319 того, што на будованье замъку выдалъ, того на личбе не положилъ. А сумою, поведиль, осмьдесятъ копь, и осмь | копь, и полкопы грошей. |

Примечание. <sup>1</sup> Буква ѣ исправлена из другой

№ 571

[1499 г.] апреля 27. Вильна.

8 Вил(ь)ни, април(ь) 27 день. Индик[т]ъ 2. |

Жаловали г(о)с(по)д(а)ру, его м(и)л(о)сти, великому кн(а)зю бояре мценский | Иванъ Матъеевичъ з братьею на дадковъ своих, на Александрѣ, а на Михаила, а на Андреѣ Григор(ь)евичѣ о имение дадка своего, брата ихъ, о Сен(ь)ка Бунакова, што к Москве збег. | И они мають перед г(о)с(по)д(а)ремъ, его м(и)л(о)стью, на тое имение | листь положити на светого Ил(ь)и день<sup>[1]</sup>, што придет. |

№ 572

[1499 г.] июня 21. Вильна.

Личба мытника смоленского | з мыта. |

8 Вил(ь)ни, июня 21 день. Индик[т]ъ 2. |

Пань Литавор Хребтовичъ, маршалокъ, а пань Фод(ь)ко, писар, брали | личбу в мытника меньского в Мартина Ёднчелевича. С первого | годѣ положил на личбе, што выдал 200 коп, и 40 коп, и 3 | копы, и 16 грошей. |

Єн жо положил личбѣ з годѣ з мыта смоленского, положил на личбе, што | выдал трыста копъ, и 30 коп, и 3 копы, и 40 грошеи. | А иньи квитации, што не въ его годѣ, индик(та) 15, июн(а) 14, | тьи квитации за сѧ ему вернуты. А иньи без подыписеи | писареи старшихъ, тьи теж за сѧ, ему вернуты. ||<sup>л. 319 об.</sup>

## № 573

[1499 г.] марта 23. Вильна.

Михаилѣ Павшичѣ а Ивашкѣ | Семеновичѣ на имен(ь)я  
их ѿтчизь|ные. |

Александрѣ, бож(е)ю м(и)л(о)стью. |

Воеводе киевскому кн(а)зю Дмитрею Пѣтлицу.

Жаловал намъ | Михаилу Павшичѣ съ сестренъцомъ своимъ Ивашкомъ Семеновичом | на кн(а)зя Ивана и на кн(а)зя Л[ь]ва Полубеньскихъ ѿ именья ѿ ѿтчизну | материзны ихъ, ѿ Варевцы, а ѣ Берновъ, а ѿ Кокотовъ. И мы перлво сего ѿ томъ неоднократно писывали<sup>1</sup> до кн(а)зя Ивана а до | кн(а)зя Л[ь]ва Полубеньскихъ, абы ѿни перед нами к праву стали | и ѿ томъ с ними розъправили сѧ. И ѿни на листы и на приказанье | наше передъ нами к праву не хотели стати с ними ѿчевисто. |

Ино коли ѿни передъ нами к праву стати не хотели, и ты бы | Михаилу Павшичу а Ивашку Семеновичу в тьи имен(ь)я, ѣ ѿтчизну материзны ихъ, ѣ Варевцы, а ѣ Берновъ, а ѣ Кокотовъ, ѣвзанье дал. А естли | бы кн(а)зю Ивану а кн(а)зю Л[ь]ву Полубеньскимъ ѿ томъ было до них кото|рое дело, и ѿни нехаи ихъ правомъ спирають, а ѿ томъ с ними | перед нами ѿчевисте мовать.

П(и)санъ ѣ Вил(ь)ни, мар(та) 23 | день. Индик[т]ъ 2. ||<sup>л. 320</sup>

Примечание. <sup>1</sup>Первая буква и исправлена из другой; после буквы ы в строке вычеркнуты буквы лна

## № 574

[1500 г.] февраля 10. Городно.

Аренда корчмы чичерское Ивану | Шиличѣ. |

Александрѣ. |

Наместнику чичерскому, и старцу, и мужомъ, и мещаномъ.

Продали | есмо корчму ѣ месте Чичерскомъ мещанину чичерскому Ивану Шиличу на год за сорокъ копъ грошеи. А ѣвзати сѧ ему в тую корчму тыиден(ь), | встѣпивши ѣ постъ ѣ Великии<sup>[1]</sup>. А держати ему тую корчму до то|го жъ годѣ. А початокъ тых п(е)н(а)зеи маеть намъ дати, двадцать | копъ грошеи, на первой матки бож(е)и день<sup>[2]</sup>. А другую двадцать коп | грошеи, ѿстатокъ тых п(е)н(а)зеи, маеть намъ дати, выдержавши | год, тыиденъ встѣпивши в постъ Великии.

Про тожъ приказѣмъ вамъ, абы есте ѿприче тое наше корчмы в месте | нашемъ Чичерскомъ ни хъто корчмъ не мели и складовъ частыхъ | не держали, выменаа празничныхъ складовъ, которые здавна | бывали, под нашою виною, под сту рѣбли грошеи. А и тивуномъ | нашимъ, которые будѣтъ в Чичерску, тивунщину брати, мимо | нашѣ корчму не надобе иныхъ корчмомъ сытити.

П(и)санъ | в Городне, фев(рала) 10 день. Индик[т]ъ 3. |

## № 575

[1492 г. июля 20 — 1501 г. декабря 12]

Мещаномъ луцкимъ отпустилъ г(о)с(по)д(а)ръ серебщины двадцат(ь) | рѣблевъ, а сорокъ рѣблевъ грошеи казалъ его м(и)л(о)сть отнести | до скарбу его м(и)л(о)сти. || л. 320 об.

## № 576

[ок. 1500 г.]

Справа межѣ Михаиломъ | Пстрѣгомъ а Богданомъ | Сопежичомъ  
о люди. |

Смотрели есмо того дела.

Жаловаль намъ Михаило Пстругъ<sup>[1]</sup> | на Богдана Сопежича, рекучи: «Звизал са в люди мои отчинъныи тыми часы без каждаго права на има Дивеничи, а в Гордеевичи, а оу | Болучанъ. А передъ тымъ николи тыхъ людей в держаньи не былъ». |

И Сопега рекъ: «Былъ мне вжо о томъ судъ и зъ зятемъ его, кн(а)земъ | Романомъ Лукомскимъ, о тыи люди, о Дексеневици, а о Гордеевичи, | а о Болучанъ, передъ г(о)с(по)д(а)ремъ, его м(и)л(о)стью, великимъ кн(а)земъ 8 Вильни. | И княз(ь) великии, его м(и)л(о)сть, тыи люди мне присудил. И листъ судовыи его | м(и)л(о)сти на то держу». И тотъ листъ судовыи передъ нами положил. Ино | в листѣ стоить, што жъ его м(и)л(о)сть тыи люди Сопезе присудилъ. |

А потомъ Сопега рекъ: «Еще надъ то теща моя, кн(е)гини Ѳедороваа, | прислала тыми часы листъ небожчика, г(о)с(по)д(а)ра короля, его м(и)л(о)сти, писаныи до пана Гѣлехна Судимонтовича, воеводы виленского, какъ еще | Полотско держалъ». И тотъ листъ слуга кн(е)г(и)ни Ѳедоровое передъ нами положил. Пишетъ король, его м(и)л(о)сть, в листе своемъ до пана Гѣлехна, вспоминаючи судъ свои, што его м(и)л(о)сть смотелъ со всеми паны радою | своею подле жалобы пана Гѣстаѣна, боярина полотского, тыи | люди, которые выдалъ с права кн(е)г(и)ни Ѳедоровои, абы Пстругъ | не вступалъ са в тыи люди на има въ Езикеица з дет(ь)ми, а в Невера | з братьею его и з детьми, в Лексеневицовъ, а в Остапъка, а в Мартина з детьми Гордеевицовъ, а в Селивона, а в Турка з детьми, Боллютан, а въ Ермака з братьею и з детьми Печишовыхъ.

И мы Пъстрѣга пытали: «Што к тому листу мовишь?». Пстругъ рекъ: | «Гдѣ тому листу ганю, што жъ то листъ недобрыи, оальшевыи. || л. 321 Г(о)с(по)д(а)ръ нашъ, король, его м(и)л(о)сть, того листу не давалъ а ни росказывал. Коли | тотъ листъ прислала теща его слугою своимъ, нехай жъ, прихавъ, тутъ | станеть, и листъ тотъ очиститъ».

И мы пытали Сопеги, сведомъ ли онъ | того, коли тотъ листъ брали в небожчика короля, его м(и)л(о)сти. И Сопега | рекъ: «Гдѣ ещо тогды и дочки в нее не понял, коли тотъ листъ взяла теща | моя в короля, его м(и)л(о)сти, черезъ жалобу пана Гѣстаѣеву».

И мы казали | Сопезе, абы тещи своеи казалъ приехати и тотъ листъ очистити. И рокъ | есмо положили тещи его передъ нами стати на запѣсты наши | Великии. Естли она, приехавши, и тотъ листъ очиститъ, ино люди | тыи, какъ она гораздо держала, такъ и Сопега гораздо держати будеть. А Пстругъ не гораздо будеть тому листу ганил. | А не очиститъ ли листа того кн(е)гина Ѳедороваа, ино Сопега маеть люди тыи Пстругу вернути. |



## № 577

[1498 г.] июля 27. Троки.

Аренда корчмы чичерское Аньдрею Василев8 |  
а Василю Вороньцовичу. |

Александръ, бож(е)ю м(и)л(о)стью. |

**Наместнику чичерскому, и старцу, и мужомъ, и мещаном чичерскимъ. |**

Продали есмо корчму в месте нашомъ Чичерскомъ мещаном | чичерскимъ Аньдрею Василеву а Василю Вороньцовичу на годъ | за сорок копь грошей. А ѡвзати сѧ имъ в тую корчму на последнее маѣтки божее<sup>[1]</sup>. А мают ѡни тую корчму держати до того ж году. А как | ѡни тот годъ свои выдержать, мают намъ тую сорок коп | грошей на тотъ рокъ сполна заплатити.

Ино приказѡмъ вам, | абы есте ѡпроче тое наше корчмы в месте нашом Чичерскомъ | никто корчомъ не мел и складовъ частых не сытили под нашую | виною. |

П(и)сан в Троцах, июл(ь) 27 ден(ь). Индик[т]ь 1. || л. 321 об.

## № 578

[1498 г.] августа 20. Троки.

## Аренда мыта речицкого Семен8 Клыкову а Василю Пронин8. |

Александръ, бож(е)ю м(и)л(о)стью. |

**Наместник8 речицкому, и старц8, и мужомъ.**

Продали есмо мыто | наше речицкое речичаном Семену Клыкову а Василю Пронину | на год за дванадцать копь грошей. А ѡвзати сѧ имъ в тое мыто | на ѐилиповы запѡсты<sup>[1]</sup>. А держати имъ тое мыто до того ж | рок8. А какъ тот рокъ выдержать, и ѡни мают нам тѡю | дванадцать копь грошей сполна заплатити.

Про то ж, абы есте | в мыто и в промыт8 не вступали сѧ. Нехаи бы мытъники | наши мыто и промыт8 заведали по-давному.

П(и)санъ | в Троцах, август 20. Индик[т]ь 1. |

## № 579

[1498 г.] сентября 7. Троки.

## Аренда мыта мозырского Данилу | Рострыгович8. |

Александръ. |

**Наместнику мозырскому, и старц8, и всимъ мужомъ.**

Продали есмо мыто наше мозырское мещанину мозырскому Данил8 Ростыговичу на два годы за тридцать копь грошей. И вжо | намъ на первый годъ заплатил ѡсмь копь грошей. А рокъ ему ѡвзати сѧ в тое мыто Покров пречистое<sup>[1]</sup>. И какъ ѡнъ год выдержать, | маеть намъ семъ копь грошей заплатити. А дрѡгии год какъ | выдержать, мает намъ пятнадцатъ копь грошей сполна заплатити. А держати ему тое мыто сполна два годы.

Про | то ж, абы есте в мыто и в промыт8 не встѡпали сѧ. Нехаи | бы мытъникъ нашъ мыто и промыту заведат по-давному. |

П(и)сан в Троцах, сен(т)абра) 7. Индик[т]ь 2. || л. 322

Ґ скарбы пана Юршыны. |

8 Вил(ь)ни, июн(ь) 25 день. Индик[т]ъ 1. |

На памать.

Пань староста поведил перед г(о)с(по)д(а)ремъ княземъ | великим тымъ обычаемъ: «Коли затъ нашъ, пан<sup>1</sup> Юрша, небожчикъ, | 8мер, и по смерти пана Юршинои Ивашко Репа сестреницы мои, | пана Юршины дочки, привезъ до мене, до Крож, и скарбы пана | Юршины, вси золотьи, и гроши, и серебро, и шаты<sup>[1]</sup>, и иншии речи, | все то привез до мене. И поведил ми Репа, што ж вжо в тои кле[т]и не остало с[а] ничего скарбу, тол(ь)ко зброи остали с[а] | а мисы зламаныи, а котлы зломаныи. А скрин[а] не замъкне[н]а з листы и ис списки, нетъ ведома, с какими. А та[а] клетъ | не запечатана была никакою печатью. | А коли пань Петръ пон[а]л сестреницу мою 8 Крожах, и та мовил | пану Петру: «Там вы именехъ вашихъ кривды великии от | сусед, поедь ты по тымъ именемъ и кривдъ 8смотри». И пан | Петръ поехал до тыхъ имении з моимъ дозволенем. А коли | пань Петръ ездилъ по тымъ именемъ, тогды наместник | мои не жаловаль на пана Петра, ижъ бы он печати рвал, | або замъки отбивал, або листы бы брал из тое скрини, котор[а]а была не замкнена. А чого есми сестреницамъ своим не от[д]аль их скарбу, тое и теперо 8 мене есть. Хочу имъ отдати, | нехаи собе поделать». |

Ратомскии светчил тымъ обычаемъ: «Коли пань Петръ приехал до Стан(ь)кова и с панею своею до делу своего, а та тогды наместникомъ был от пана старосты. И пани его позвала | мене и пытала мене, ест(ь) ли полотна. И та исповедиль | — полотна в тои клети, в которой скарбъ был. И велела ми || <sup>л. 322 об.</sup> ключника позвати и клетъ отомъкнути. И та велел клетъ отомкнѣти. И пани вошъла 8 клетъ со мною посполу и велела мне | перед собою полотна поделити наполю. И та поделил, половину жъ полотен себе взала, а половину велела мне послати до Крож, до сестры. И та послал до Крож. А какъ полотна | поделивши, пани ещо с клети не вышла, и пань Петръ пришел | 8 клетъ 8 тую с Давыдом и с ынъшими люд(ь)ми, и попыталъ | 8 мене платнеров<sup>[2]</sup>. И та ему исповедал платнери. И он ми | велел зброю чистити и нитовати<sup>[3]</sup>. И пошел с клети вон передо мною. А не брал изъ тое клети ничего, а ни скрини тое | не ворошил, котор[а]а сто[я]ла не замъкнена з листы и с списки. А коли Павел давал мне наместнитство в тых дворех, | а та[а] клетъ не запечатана была ничимъ. А скрин[а] была та[а] не замъкнена». |

Павель светъчилъ тымъ обычаемъ: «После небожчиковое | смерти пана Юршинои, послалъ мене пань староста | наместникомъ быти 8 тыхъ дворехъ пана Юршиных. | И коли есми приехал до Станькова и нашоль есми тую | клетъ незапечатанъ ничимъ, а в тои клети скарбу | не было ничего, только зброи были, а мисы зломаныи, а котлы зламаныи. А скрын[ка] та[а] была незамъкнена в тои клети. А та в тои клети полотна ховаль и инъшии домовьи речи»<sup>2</sup>. || <sup>л. 323</sup>

Примечания. <sup>1</sup>Слово вписано над строкой <sup>2</sup>Конец листа прочеркнут

## № 581

[1498 г.] июля 8. Вильна.

Личба мытник<sup>8</sup> новгородском<sup>8</sup> | Ревею Оражин<sup>8</sup>. |

8 Вил(ь)ни, июл(ь) 8. Индик[т]ъ 1. |

Делал личбу мытникъ новгородский Ревеи Оражинъ и положилъ на личбе подле оранды все сполна, а надзвышь выдал своихъ п(е)н(а)зеи сто | копь грошей, и сорокъ копь, и семь копь, и двадцать грошей. Маеть | то ему г(о)с(по)д(а)рь часомъ подобнымъ заплатити. |

## № 582

[1498 г.] июля 8. Вильна.

Справа Ивашку Сове с тестем его | ѿ сто коп грошей. |

8 Вил(ь)ни, июл(ь) 8 день. Индик[т]ъ 1. |

Г(о)с(по)д(а)рь, его м(и)л(о)сть, великий княз(ь), казал про память(ь) записати.

Што жаловал его м(и)л(о)сти дворанинъ его м(и)л(о)сти Ивашко Сова на подскарбего | его м(и)л(о)сти, теста своего, на пана Андрея Александровича, ѿ сто | копь грошей, што обещал ему дати за дочкою своею. И ѿн ему и до | сихъ мечь тых грошей, ста копь, не дал.

И г(о)с(по)д(а)рь, его м(и)л(о)сть, посылал ѿ томъ до пана Андрея маршалка своего, пана Литавара. И панъ Андреи до его м(и)л(о)сти ѿтказал: «Сѹбецал деи есми ему | дати за дочкою своею сто копь грошей такимъ обычаемъ. Коли | есми поимал в Боговитиновичовъ сестру Богушову, а Петров<sup>8</sup>, | и Левъкову, ино ми matka ихъ, теща моя, обещала за дочкою своєю дати сто копь грошей, бо она мела материзны своее чотыриста копь. И она двесте копь за дочками обещала, мне | сто копь, а кн(а)зю Полубенскому сто ж копь, а двесте копь сыном | роздала. И кн(а)зь Полубенский свою сто коп грошей взал, а мне | и до сих мечь шур(ь)я моя не ѿтдали тых ста копь грошей. || л. 323 об. А я са имъ вспоминал и за корола, его м(и)л(о)сти, и тыми разы и они | ми са имають ѿтдати, да таки не ѿтдадутъ. А тага сто копь | не ѿтчиннаа их, нишли тещи моее материзна властнаа, и она | то ѿтказала дочце своеи, жоне моеи. А и я то тепер(е) ѿтказываю дочце своеи, Ивашковой жоне, на нихъ тую сто копь грошей | взати». |

## № 583

[1498 г.] августа 30. Троки.

Справа межи Кучинскими ѿ имен(ь)а. |

В Троцех, август 30 день. Индик[т]ъ 1. |

Г(о)с(по)д(а)рь, его м(и)л(о)сть, великий кн(а)зь, казал про память записати.

Стояли перед его м(и)л(о)стью очевисто мистръ кн(а)зь Гѹкубъ з брат(ь)ею своею, съ Аньдреемъ а Гѹномъ. Жаловали его м(и)л(о)сти на дѹдка своего, на Климента, и на его сыновъ, на Кучинскихъ, ѿ имен(ь)а. | И Климонт з сынми своими мовили, ижъ ѿтцомъ ихъ былъ | въ имениахъ вечныи дель и ѿ том са послал до книгъ. И мистръ | Гѹкубъ з братьею своею приставил со ста копь а поведалъ, | ижъ ѿтцом их не было вечного делу. |

№ 584

[1497 г.] марта 20. Витебск.

Лист поданым торопецким Старцовое волости. |

Александръ, бож(е)ю м(и)л(о)стью. |

Мещаномъ торопецкимъ и всимъ мужомъ торопчаном.

Били нам | чоломъ даньники наши, старец Старцовое волости и вси мужи | Старцовое волости, што *ж* есмо перво сего пожаловали их, казали есмо имъ дань нашу и тивунъщину зъ ихъ волости старцѸ || л. 324 ихъ збирати, окроме васъ, торопчанъ, и носити до скарбу нашего | самимъ. А наместнику торопецкому, хто *от* насъ будетъ | после Занька которыи торопчанинъ в Торопцы наместництво держати, не надобе к нимъ по дань нашу и по тивунщиѹну въеждчати и ни судити ихъ, ни радити. Маеть ихъ судити и радити старец ихъ, а любо въеждчии нашъ, которыи выедеть к нимъ по дань нашу, а любо на иныи наши | дела кого вышлемъ. И на то были есмо имъ дали нашъ листь. | И вы деи тотъ листь в нихъ *от*нали. И тыми разы били нам | чоломъ, што *ж* деи вы вернете ихъ к собе въ подводы и в ыныи | податъки и в розметы.

Про то и ныне даемъ им сесь наш | листь на то, ижъ имъ с вами дани и тивунъщину поспол(у) | не давати и подводъ и розметовъ с вами не платити<sup>[1]</sup>. Нехаи они | опрочъ васъ, торопчанъ, дань нашѸ и тивунъщину намъ дают | и торопецкимъ вашимъ наместником, хто бѸдетъ после Зен(ь)ка, ихъ ни сѸдити, ни радити, и к нимъ [в] волость ихъ не въеждчати. И вы бы и въ подводахъ и въ розметохъ дали имъ впокою. А коли нашъ въеждчии<sup>[2]</sup> приедеть до нихъ дла их дани, | або тивунъщину нашею, а любо дла ихъ иного которого | дела, и они нехаи сами собою его поднимають, корьмомъ | и подьводами, опрочъ васъ въ своеи волости. А вы бы бол(ь)шеи того к нимъ Ѹ волость не въеждчали и въ подводы, и въ розметы, и в ынышии податъки ихъ к собе не вернули конелъчно подъ нашою виною, под сту рѸбли грошей.

П(и)сан Ѹ Витебску, мар(та) 20 день. Индик[т]ъ 15. |

Прик(аз) воев(оды) вил(енского) пан(а) Мик(олаа) | Ради(виловича), канцлера. || л. 324 об.

№ 585

[1499 г.] мая 20. Вильна.

Квитацыя мытником киевским | з Ѹчине н(ь)а личъбы. |

Александръ, бож(е)ю м(и)л(о)стью. |

Ключнику киевскому Сеньку Полозовичу и мытникомъ киевским | Саньку а Михаилу Цибули, што есте держали *от* насъ мыто | киевское к верной рѸце.

И дали есте нам личбу з мыта киевского с одного годѸ, почонши *от* ЗборѸ, до того *ж* року, до ЗборѸ<sup>[1]</sup>, и положили | есте нам на личбе приходѸ полосмаста копь грошей и полдеселты копы грошей. А расходѸ положили есте на листы наши | на квитацей. И теж што есте купили на нашо приказань Ѹ купьцовъ каѸинцовъ, Ѹ Ѹхмата, Ѹражанина, Турчина и Ѹ Хожисина | НамисѸренина перла и иные речи, и теж на ее м(и)л(о)сть, нашею великое кн(е)г(и)ни перла, шолки, таѸты, ковы, чомлаты<sup>[2]</sup>. И што есте | п(е)н(а)зеи дали цару перекопскому, и на послы, и на городовые | речи, и на пушкари, такеж на вызнаныи листы воеводы киевского, и на Касъпревъ Гарьмановича, и на бискупа киевского, | всего того росъходѸ сума

положили есте на личбе полосмаста | копь грошеи, и двадцать копь грошеи, и сорок грошеи, и шесть грошеи.

На то вамъ даемъ вызнание, сесь нашъ листь. А што есте | приходѣ звышь своих п(е)н(а)зеи выдали на наши потребы десать копь грошеи и шестнадцать грошеи, то тежъ вамъ вызнаемъ симъ нашимъ листомъ. Маемъ то вамъ, дасть | богъ, заплатит(ь) часомъ подобнымъ.

П(и)сан 8 Вил(ь)ни, маѣ | 20 день. Индик[т]ь 2. |

При т(ом) был мар(шалок) двор(ный), нам(естник) мер(ецкий) | и оник(штенский) пан Григ(ории) Стан(кович). || л. 325

## № 586

[1496 г.] августа 8. б. м.

## Подарки, татаром посланные. |

Августъ 8 день. Индик[т]ь 14. |

От г(о)с(по)д(а)ра великого князя Александра | сланы дары царѣ перекопскомѣ | Каспоромъ Гарьмановичомъ. |

Шѣба собол(ь)я, оксамитомъ на золоте крита<sup>[1]</sup>. Шѣба кунья, | сукномъ люньскимъ<sup>[2]</sup> крита. Шѣба лисья завыковаа, сукномъ ерелиньскимъ крита. А сорокъ соболеи, а два сорока | куницъ, два бланы завыковые, а двои брушковыи. | Другаѣ девять даровъ царѣ — девять поставов | полѣстучьковъ<sup>[3]</sup>. Третьяѣ девять — п(а)т(ь) суконь | луньскихъ а чотыри сукна ерелиньскихъ. |

Братѣ царовѣ Ёмьгурчи солтану 3 дары | — шуба кунья, сѣкномъ люньскимъ крита, а сукно ерелинское | а другое махольское. |

Двумъ царицамъ по шѣбе куней, самарханьками криты, | а по сукну люньскомѣ, а по дрѣгому новогонскому<sup>[4]</sup>. |

Другимъ двумъ царицамъ по сукну ерелиньскомѣ а по | махольскому. |

Двумъ карачомъ<sup>[5]</sup> по шѣбе завыковой, сукны луньскими | криты, а по сукну ерелинскому, а по махол(ь)скому. |

Отменаковичу меньшому Довлетяку мурзе шуба завыковаа, | сѣкномъ ерелиньскимъ крита, а сукно ерелинское а махол(ь)ское.

Двумъ карачомъ меньшимъ по сукну луньскомѣ а по | махол(ь)скому.

Сеиу сукно люньское.

Влану Ахмату || л. 325 об. сукно махол(ь)ское.

Кн(а)зю Ёмавлуку сукно махол(ь)ское.

Двумъ | печатникомъ по сукну по махол(ь)скому.

На разѣдроблицу семь | суконь а сорокъ куницъ.

А то тепер(е) маеть быти слано | от г(о)с(по)д(а)ра великого кн(а)зя Александра цару заволзскому вси | тыи дары Халецькимъ. |

## № 587

[1496 г.] августа 27. Вильна.

## Шимку Ивашковичу 100 коп гр(о)ш(еи). |

Г(о)с(по)д(а)рѣ, его м(и)л(о)сть, великий князь(ь) казал на пам(а)т(ь) записати, што волеводинаѣ троцкаѣ, пани Мартиноваѣ Кгаштовтовича, дала | служебнику пана

Юр(ь)еву Ил(ь)нича Шимку Ивашкович<sup>8</sup> сто копъ | грошеи через подскарбего своего Ивашка Сѣсташковича по маѣтце божей первой<sup>[1]</sup> 8 полторы недели.

8 Вил(ь)ни, август 27 | день. Индик[т]ъ 14. |

№ 588

[1496 г.]

Зарѣка межѣ Кгаштолтвоею и Нарбутом. |

Перед Іѣнушькомъ писаремъ. |

Такеж его м(и)л(о)сть заложил промежѣ паней Мартиновое Кгастовтоѣвича а пана Доброгоста Нарѣбутовича вины своей тислѣчу рѣблевъ грошеи, аж бы промежѣ себе кривдѣ ни въ чомъ | не чинили до права, и во всемъ сѣ правомъ обыходили.

А хто | будетъ с нихъ до права кривды делати, тотъ заплаѣтитъ тую вину г(о)с(по)д(а)рьскую тислѣчу рублевъ грошеи. ||<sup>л. 326</sup>

Примечание. <sup>1</sup>Конец листа прочеркнут

№ 589

[1492–1496 гг.]

Справа межѣ паном Петром Іѣновичом | а князем Иваном Іѣрославичом ѿ мыта | соленое на реце Слѣчи. |

Перед г(о)с(по)д(а)ремъ, его м(и)л(о)стью, розмовали воевода троцкии панъ | Петръ Іѣнович съ кн(ѣ)зем Иваномъ Васильевичомъ Іѣрославича.

Искал кн(ѣ)зь Иванъ Іѣрославичъ на пану воеводе мыта соленого на реце на Случи, где Случъ в Припѣт(ь) впала. И панъ воевода мовиль: «Мыта деи тебе наполю со мною на Припѣѣти, а на Случи тебе мыта нетъ». И на томъ панъ воевода послал сѣ на всихъ случанъ и на менан, на тыхъ, которые туда | комѣгами<sup>[1]</sup> ходать.

И Іѣрославичъ к тому приставиль | и послал сѣ.

И г(о)с(по)д(а)рь, его м(и)л(о)сть, в кн(и)ги казал то записати про память. |

№ 590

[1496 г.] мая 13. Троки.

Приход и расход п(е)н(ѣ)зеи, з разных мест | до скарбу приношонов. |

При Оедку писари в Троцохъ, маѣ 13 день. Индик(т) 14. |

Дроковцы принесли дани полшестадесѣт копъ грошеи, а болбра грошъми копу грошеи, а куницъ грошъми двадцать | без ѿдное, а шерстью куницъ 20 и 3. |

Сѣлучичане дани дали полстадесѣть копъ грошеи а кѣницъ 20 шерстью. |

Торопчане дали дани 20 рублевъ грошеи, рѣбль по две | копе, лоньское<sup>[1]</sup> дани. |

А в Кн(ѣ)зѣ Сестренца взял 30 золотых, 10 золотых черленых а 20 | золотых гр(о)ш(еи), ино тыи золотыи и гр(о)ш(и) даны Коварскому. ||<sup>л. 326 об.</sup>

Приходъ 8 Вил(ь)ни. |

Сѣт пана воеводы виленского 50 коп грошеи. | А ѿт Васильѣ Хребътовича 20 коп грошеи. |

От речицького наместника 6 коп грошей. |  
 Наместникъ дроковскій дал от наместничества 4 копы грошей. |  
 Наместникъ брагинскій 2 копе грошей. |  
 Мозырскій наместник дал 12 коп гр(о)ш(е)и великомъ кн(а)зю. |  
 Старец мозырскій дал 4 копы грошей. |  
 Росход тымъ грошомъ даннымъ. |  
 Коварскому дано 17 копъ грошей без шести грошей. | А потом ему ж дано 12 коп грошей в пятницѣ | перед сею сѣботою<sup>[2]</sup>. |  
 В понеделокъ по сею суботе дал Коварскому 30 коп грошей. |  
 Кианомъ дано к гривна<sup>[3]</sup> на страву<sup>[4]</sup>. |  
 А волицомъ 20 копъ грошей. |  
 Пушкаркомъ веницкимъ 2 копе грошей. |  
 Земаномъ веницким и на оправлен(ь)е города 30 коп грошей. |  
 Ідну Любжи дано 7 коп грошей и 12 грошей. |  
 Коварскому дано шестьдесят коп грошей и 4 копы по светомъ Петре<sup>[5]</sup> во дву неделях. |  
 А Мартину конюшему 6 коп тых грошей, што от воеводы | а от Васильска. |  
 А што от речицького наместника 6 копъ, и та тых | грошей приложил 4 копы и дал | кн(а)зю Адаму 10 копъ грошей. || л. 327  
 Тыхъ грошей, что воевода виленскій дароваль. |  
 100 золотых сорокъ копъ грошей. |  
 А татарову даль гривну тыхъ жо грошей. |  
 Мартину конюшому 20 коп тых жо грошей дал на сено | а на ѡвес гостемъ лахомъ. |  
 Оед(ь)ку браславцѣ даль 3 копы грошей. |  
 А Семашку 3 гривны на справу до Волохъ. |  
 А ѡстатокъ тых грошей воеводиныхъ дал Ідну Любжи | 10 копъ грошей без вердунька<sup>[6]</sup>. |  
 А кѣницы дал Оедьку подскарбему. |  
 3 Меречи ѡтправлены люди з волости Черкасъ рѣбити, | с Кричова 100 чоловековъ с топоры. |  
 А с Пропоиска, со Глущичъ, з Дрокова чоловековъ 100, | з Речицы 50 чоловековъ. |  
 3 Брагина 50 чоловековъ. |  
 А Могилевъ, а Чичерскъ, а Бобруескъ ѡбе половицы, а Любошаны, а Свислочь, а Пчич, а Мозыр(ь), тьи волости его м(и)л(о)сть | ѡставил для иныхъ замьковъ краинныхъ. |

№ 591

[1496 г.] июня 26. Вильна.

От став на реце Говезне. |

8 Вил(ь)ни, июн(ь) 26 день. Индик[т]ъ 14. |

Какъ перед г(о)с(по)д(а)ремъ, его м(и)л(о)стью, сознал кн(а)зь Семень Ивановичъ | ѡ став на реце на Говезне такимъ обычаемъ: «Иван Ходковичъ просил отца моего, кн(а)зю Ивана Аньдреевича, абы ему дозволит ку кгрѣнту его сверженьскому на Говезне став засыпати. И отецъ мой дозволит ему тотъ ставъ на Говезне | къ своему берегу засыпати. И люди свои сверженьскій посылат || л. 327 об.

сыпати для своего берегу. А пань Иван мель села моего людем | жито без мерки молоти на томъ млыне, и такъ отецъ мои был | с нимъ змовил, естли бы в томъ межи отца моего люд(ь)ми и его | была брань, ино отецъ мои мел на томъ ставу на Говезне к сволему берегу сверженьскому себе млын вделати». |

## № 592

[1495 г. сентября 1 — 1496 г. августа 31]. Вильна.

З Вил(ь)ни отправлены люди з волостей Киева отправати. Индик(т) 14. |

З Могилева девеносто чоловековъ. |

З Любошань 30 чоловековъ. |

Съ Свислоча 30 чоловековъ. |

З Бобрѣиска с обеюхъ половиць 60 чоловековъ. |

С Чичерьска 80 чоловековъ. |

С Пчича а зъ Мозыра 80 чоловековъ. |

З Горьвола 30 чоловековъ. |

<sup>1</sup>Што к Перекопскои орде посланы | посломъ, Каспару<sup>2</sup> Гармановичу 15 коней, а тольмач<sup>8</sup> | 4 коне<sup>1</sup>. |

*Примечания.* <sup>1-1</sup>Текст написан другим почерком <sup>2</sup>Исправлено, в рукописи Кашару

## № 593

[1496 г. апреля 3–28]. Меречь

В Меречи, после Велико дна. |

Г(о)с(по)д(а)рь, его м(и)л(о)сть, великии княз(ь) казал написати про память. |

Ростегали са перед его м(и)л(о)стью боарє смоленский Сенько | Плешкинъ а Богданъ Григор(ь)евичъ Ёлтуѡева. Сенько Плешькинъ приганил Богдану а назвал его коробеиникомъ, кѣгыщомъ. И Богдан поведил перед г(о)с(по)д(а)ремъ род свои, племя кровный, || л. 328 кимъ са маеть выправити и шляхетство свое очистити. А поведал себе братьею Семенова сына Микулина а боар Сенька | и его братью Романовичовъ.

И мы дали есмо ему рокъ, св(е)того | Петра день<sup>[1]</sup>, маеть тот рокъ тое племя свое перед нами постави на св(е)того Петра день. А ѡни ѡбои сами на тотъ | рокъ перед нами мають стати. |

## № 594

[1496 г. марта 5 — 1499 г. февраль]. Бершты.

Въ Берштахъ. |

Люди замъкѡ отправати староста мает досмо|трати 100 ч(о)л(о)в(е)ков, 100 топоров. |

Съ Каменца полтора. |

З Мел(ь)ника 50 чоловековъ. |

До Берестыа люди пан Сенько мает смотрети. |

Съ Слонима а Зьдитова 2-сте чоловековъ. |

А з Волковыиска 100 чоловековъ. |

А там мают быти люди в тых замковъ по светом Юр(и)и<sup>[1]</sup> | в тыдєнь. |

А Дорогичинъ велено отправати робит(ь) дорогичаномъ. |



## № 595

[1499 г.] мая 2. Вильна.

8 Вил(ь)ни, маа 2 день. Индик(т)ъ 2. |  
 Люди посланы до Луцъка замьку оправлати. |  
 3 Бел(ь)ска 150 чоловековъ с топоры. |  
 С Каменца 100 чоловековъ. |  
 3 Мел(ь)ника 50 чоловековъ. |  
 Съ Слонима а Здитова 200 чоловековъ. || л. 328 об.  
 3 Волковыиска 100 чоловековъ. |  
 3 Дорогичина 150 чоловековъ. |  
 А до Киева люди посланы города оправлати с Поднепръскихъ волостеи. |  
 3 Бобрѣиска с обеюхъ половицъ 80 чоловеков с топоры. |  
 3 Мозыра и зо Пчича 80 чоловековъ. |  
 3 Брагина 40 чоловековъ. |  
 3 Речицы 60 чоловековъ. |  
 3 Горвола 40 чоловековъ. |

## № 596

[1501 г.] февраля 3. Вильна.

8 Вил(ь)ни, м(е)с(а)ца оев(рал)а 3 день. Индик[т]ъ 4. |  
 Халецькому слуги ордынський, с Киева 6 слугъ, | а с Оврѣчого два слуги,  
 а с Канева 2 слуги. |  
 Абрагиму с Киева 2 слуги, с Овручею два слуги, | съ Чичерска 2 слуги. |

## № 597

[ок. 1499 г. марта 19]. Смоленск.

Списан(ь)е речеи, в Смоленску позосталых | по пану Юр(и)ю  
 Глебовичу. |

На памал(ь) пану Николаю Ил(ь)ничу, што есмо нашли в Смоленску после пана  
 Юр(и)я Глебовича.

8 городе ни в свирнах, | ни в погребе, ни в поклетех не нашли есмо ничего.  
 Городскои на Ёсенои не нашли есмо ни 8 свирне, ни 8 гумъне ничего. | Жита посеано  
 30 мер и три мери. Ёвса посеано | 30 мер без двѣ, ярыцы 10 мер, прешиницы 5 | мер,  
 гречици 4 мери. А животины 4 волы, | а две корове, а клач двое, овец 20, гѣсеи 10  
 з молоды, | 8тичу 30, куровъ 30. Челади невол(ь)ное 30 8 Городском же дворцы.

В Красномъ не нашел еси ни въ свирнехъ, || л. 329 ни в гумне ничего. Жита посеано  
 20 мер, овса 20 мер, | пшеницы 5 мер, ярицы 7 мер, гречици 4 мери. | Животины  
 4 волы, коровы 2, гусеи 11, 8тичу 30, | кѣровъ старых 10, а молодых 30, свинеи 3.  
 Челади | невол(ь)ное, мужиков и жонокъ, 30 без ѿдное.

На Глушицы | не нашли есмо в дворе, ни в с(в)ирнехъ, ни в гумне ничего. Жита |  
 посеано 17 четвертокъ, овса 52 мери, пшеницы 4 | меры, ярицы 4 мери, ячменю мера,  
 гречици 3 | меры. Волы два, едѣчи, пани зъ собою взала. Ёвец 4, | свинеи 16, кѣровъ  
 30 з молодыми, гусеи 17 з молодыми, клача ѿдна. Челади невол(ь)ное, мужиковъ и  
 жонокъ, | трыдцатеро без дву.

8в Ывановскомъ нашол есми | челади шестьдесѣт и трое, волов 8, коровы 3, | овецъ 22, свинеи 10, гусей старых и молодых 20 | без ѿдное, куровъ 16. Жита посеано 70 мер, | ярицы 3 четверти, пшеницы 8 мер, ячменю 8 мер, гречихи 3 мери, овса 41 | мера, горохъ полмери. Людеи таглых 30 ч(о)л(о)в(е)ков | безъ ѿдно(го).

8 Моксимовском дворе нашол есми челади | 30 без ѿдного. Воловъ 5, коровы 3, телѣт 2, | овецъ 6, клѣча ѿдна, свинеи 12, гусей 11, гтичъ | трое, куровъ 47. Ржи посеано 60 меръ, овса | 40 меръ, ярицы 15 мер, пшеницы 6 меръ, | гречихи 4 меры.

8в Опецкомъ дворцы не нашоль | есми ни въ свирнехъ, ни в гѣмне ничего. Ржи посеано 60 | мер, овса 15 мер, яри 9 мер, пшеницы 4 | меры, ячменю 2 мери, гречихи мера. Челади бол(ь)шое мужиковъ 5, а жонокъ 6, детеи малых 20. || л. 329 об. Коровъ доинныхъ 4, вола ни ѿдного, бычокъ летошнии | ѿдин, двое телѣтъ летошних, овецъ 20, гусей 4, | гтичу 20 з молодыми, кѣровъ старых 5, а молодых | 20, свинеи 7, поросѣт 8, клѣча ѿдна блюдача. А девку пани взела невол(ь)ную тыми разы без паньского ведома. | А людеи 16 человекъ. |

## № 598

1496 г. марта 21, июля 17. б. м.

Ѡ дан(ь) бирштанскую. |

В летъ 7004, м(е)с(ѣ)ца мар(та) 21. Индик(т) 14. |

ІѦ, Ивашко ІѦиковичъ, писар г(о)с(по)д(а)рьскии. |

Г(о)с(по)д(а)рь, его м(и)л(о)сть, | казал ми написати дѣла памети.

Што его м(и)л(о)сть | велел ми в Берштахъ дань побрати на людех на волостныхъ Задвинскихъ волостей. |

В дѣбничъ взѣл есми дани 15 рублев, а рубль по две копе, | а 100 грошеи коневъщины. А тивунъщины 2 | рубли ѿтослал до подскарбего. |

В рожъничанъ взѣл есми 5 рѣблевъ по две копе, | а полкопы яловщины. |

А в любочан дани 10 рублевъ по две коп, а полти|ну коневъщины. |

В тѣранъ 7 рѣблевъ, по две коп, а яловщины копу, | а тивунщины рѣбль.

Тых грошеи 80 копъ | без 2 копъ. А к тому есми приложил 4 коп, | што в мене были за 10 золотыхъ ѿт кн(ѣ)зѣ Ивана | Пѣтатича, [ключника] Луцкого, пану Коварскомъ на выезде | з Беръштъ. || л. 330

А ѿпат(ь) в Меречи казалъ ми его м(и)л(о)сть побрати дань. |

В жижчанъ взѣл есми 40 рѣблевъ и полтора рубля, | по две копе. А яловщины полтора рубля, по сту грошей. |

В нежел(ь)чанъ дани 5 рублев, по две копе. А яловщины | копѣ. То девеносто копъ и полсема копы грошей. |

В мемежанъ 20 рублев, по две, а полтора рубля яловщины, а 20 бобров грошми, по 40 грошей бобръ. | То тринадцать коп и 20 грошей. А три бобры | шерстью, а ѿсмыдесѣтъ куницъ шерстью. |

В плавечанъ 12 рѣблев, по две, а куницъ 13 грошми. | То ѿсмыдесѣт грошей безъ дву грошей. А куницъ 17 | шерстью. Сѣма девеносто копъ без копы и без 10 грошей. |

А к тымъ грошомъ приложил есми полтретинадцати | копы. Тых всихъ грошей 2-сте копъ без полтрети | копы и без дву грошей. |

А ѿпосле в жижчанъ взѣл есми полдевета рубля, а рѣбль | по две копе. А тридцѣтъ копъ тыми разы привезено с Чичерска ѿт намѣстничества. |

То всех грошеи сѣма двесте копь, и 40 коп, и 4 копы | грошеи. Тых грошеи заплачено тѣрькомъ за перла 100 коп | и 40 копь грошеи. |

А Ѳед(ь)ку подскарбемѣ дано 100 коп грошеи. |

А кн(а)зю Васил(ь)ю Глинскому дано 4 коп грошеи на стравѣ. |

А тивунщины 3 рубли ѡтдал есми Мити Ромеиковичу, бо | г(о)с(по)д(а)рѣ велел ему ѡтдати, а ѡнъ на тѣю тивунщину листь | г(о)с(по)д(а)рѣ, его м(и)л(о)сти, вказывал. |

До Вил(ь)ни Зенько зѣ Задвинскихъ волостей прислалъ. | Индик[т]ѣ 14, м(е)с(а)ца июл(ь) 17 день. || л. 330 об.

4-ста копь безъ рѣбла грошеи съ шести волостей, | с Торопецкое, а з Бибиревское, с Озерецкое, с Нежел(ь)ское, с Озерицкое, а Ѣвѣтское. |

А кн(и)чных грошеи прислал 7 копь а шерстью куниц 9. | А тивунщины жижецкое 2 рѣбли грошеи. | А яловщины 20 коп и полкопы грошеи. | А ѡт намѣстництва кн(а)зю великому 2 копе, | а воеводе копѣ, а писаремъ копу. |

## № 599

[1496 г.] февраля 7. Городно.

## Волости, бранцом даваныє. |

Волости бранцомъ даны в Городнѣ ѡв(рал)а 7. | Индик(т) 14. |

Богдану Григор(ь)евичу волость Пьяновъна на год после МикиѲора Иванова а Колонтаева. |

Ивашку Скипореу Пьяновъ на год после Богдана Григор(ь)лева. |

А Григор(ь)ю Бородовичину а Левши волость Пьяновъ | на два годы. |

Борису а Ти[мо]ѡею ловчае<sup>1. [1]</sup> на два годы после Ѳед(ь)ка Богданова а после Венослава. |

Степанѣ Савичѣ, а Булове, а Ивану Быковскому Волконес(к)ѣ | на три годы после Трызны а Мотѡея. |

Ѳедорѣ Головни, а Гриди, а Мотѡею Совининым конюшое на | три годы после Ѣпанаса а Матѡея. |

Енѣшѣ а Тегини Печеничинымъ редничое<sup>[2]</sup> на два годы | после Ивашка Жинева. || л. 331

Бунаку Вечославу а Левши редничное на два годы после Енѣша | а Тегини. |

Мишку Иванову а Васил(ь)ю Шии редничное на два годы после Бѣнака а Левши. |

Сеньку Быковскому а Ѳедорѣ Лопоту поездничое<sup>[3]</sup> на два | годы, поездничое после Ивана Ѣколовымъ а после Ивашка | Ски[по]рева.

Ѣлешку Промыскомѣ поездничое на год после Сенька | а Лопата Быковс[к]ими. |

Семенѣ Александрову [с] сыномъ его Михьномъ ловчое | на два годы после Бориса а Тимоѡея. |

Ѣцку Курову Волконескѣ после Ивана Быковскаго а Степана, а после Бѣловы на год. |

МикиѲорѣ Иванову а Тризне Волконескѣ на два годы после | первыхъ.

Ѳеда Карпову а Григор(ь)ю конюшое на два годы после Ѳед(ь)ка Головни. |

Васку Мясоедову, а Ѣндрею Вколову, а Ивану Рябому, а Валску Прольскому сокол(ь)ничое<sup>[4]</sup> на чотыри годы после Ждана Колонтаева. |

Примечание. <sup>1</sup>Исправлено, в рукописи човчае

## № 600

[1498 г.] января 21. б. м.

Индик[т]ъ 1. М(е)с(а)ца ген(вара) 21 день. |

Толмачу Бакрашѣ 5 коней з волостей до Ёрды Заволское, съ Свислочи конь, с Любошан конь, з Бобруиска | с обеюх половин полтора коня, с Пропостца, со Ёлучич, з Дрокова полтора коня. || л. 331 об.

## № 601

[1499 г. января 6.] Мельник.

## Инвентар Мел(ь)ницкии. |

Стецко Цыбулка переписывал в Мел(ь)никѣ, што | есть дворнии речи.

8 гумне жита нашол 8 скиртъ а 20 стоговъ жита | зъ ярицею. А быдла рогатого 40 без двоига. Ёвецъ | двое, коней 5, 15 гусей, а свиней 50 без двоига. |

А в Носове в дворе жита 4 стога а скирта. Быдла | рогатого 18, овецъ 26, а коз 11, а свиней | 20, а двое гусей, а кбровъ 24, а 35 клачъ. |

А в свирне в Носове нашол 10 плеч, а 4 сала, а 4 полти мяса, а 40 колбасъ бесс трехъ а з скилонди, 11 | поребреи, а полтора корца проса, а четверть семени, четверть маку, 4 шины железа, 14 бчол живыхъ. |

А в Лосеве 8 гумне жита 20 стоговъ, быдла рогатого | 17, овецъ 11, свиней 14, гусей 10, куровъ 7, | клачъ 3. |

А то побрал панъ Юрии Рачко в Мел(ь)нику, до ѣважчого взял | 14 корцовъ соли, 11 корцовъ овса, полдевета корца | ржи и сал, а котел смол(ь)ницкии, што смолу варать, а мѣки | кореи, бочку квасу грѣшового а бочку свеклы, стапов калпѣсты, цибули 2 коробыце, а 4 бохи мяса, а 7 | свиней. А после пана Хедка в Носове взяла пани Рачковаа | 2 ведра медѣ, 15 рун волны, а 7 корцовъ пшеницы, 11 | полтев мяса, 3 вепри живыхъ, 2 сыровъ, 2 горницы | масла, а бох мяса, а 5 корцовъ хмелю, а 3 десетки | правдива, 3 бочки тощих. || л. 332

## № 602

[1496 г.] июля [1–31]. Вильна.

Личба ключника киевского. |

8 Вил(ь)ни. Индиктъ 14, м(е)с(а)ца июл(а). |

Ключникъ киевский Ленько Козовичъ далъ личбу мне, Ёед(ь)ку писарю, з мыта киевского с тыми мешаны, с которыми мыто | бралъ.

Приходѣ пат(ь)сот копь, и двадцать копь грошеі, | и два копе, и полпетанадцата гроша. А ѣвазали сѣ в мыто за две недели до Ёилиповыхъ заговейн минулых<sup>[1]</sup>.

А расходѣ полпатаста копь, и чотыри копы грошеи, и двадцать грошеі. |

## № 603

[1495 г.] июня 30 (?). Вильна.

Мещаном володимерским ѿ дерево | на бѣдованье и на дрова. |

Самъ Александръ, бож(е)ю м(и)л(о)стью. |

Наместнику володимерскому пану Васил(ь)ю Хребтовичу и инымъ наместникомъ нашим, хто потомъ будет ѿт насъ | Володимер держати.

Што перво сего жаловали воит и мещане володимерьский ѿтцѣ нашему, королю, его м(и)л(о)сти, а потом | и намъ неоднокротъ, што *ж* тамъ кн(а)зи, и пановое, и земане | повета Володимерского не дадѣтъ имъ дерева и дровъ брати з лесовъ и зъ дѣбровъ своихъ на ихъ потребы, на будованье домовъ. И некоторыи кн(а)зи и земане ѿ томъ з мещаны стоѣли перед нами ѿчевисто и мовили, ижъ мещане | въ ихъ лесех и дѣбровах николи дерева не бирали и слали сѧ | ѿ том, сами злюбивъши, на кн(а)зиѧ Александра Сонкгѣшковича. | И кн(а)зь Александро тыми разы ѿ томъ к намъ ѿписал, || <sup>л. 332 об.</sup> поведаючи: «Того деи есми николи не слышал, штобы кн(а)зи, и панове, и земане володимерский мещаномъ боронили дерева брати ѣ своих лесехъ и дѣбровах. Нижли коли брат мои, кн(а)зь Иван, | держал Вербую, и ѿнъ имъ не давал дерева брати ѣ Вербьскои дѣброве».

И мы ѿ томъ досмотревши, и врадили так. | Коли кнѧзь Александро Сонкгушковичъ ѿ томъ такъ посветчиль | листомъ своимъ, призволили есмо имъ ѿколо места на вси стороны за две мили на будованье домовъ дерево и дѣрова брати подле ихъ права.

И ты бы приказал кн(а)зем, | и паномъ, и земаномъ Володимерского повета, ажъ бы мещаномъ володимерскимъ конечно не заборонали з лесовъ | и зъ дѣбровъ своихъ на будованье домовъ дерева и дровъ | брати ѿколо места за две мили.

А тотъ листь, што кн(а)зь | Александро Сонкгушковичъ к намъ писал, светчачи ѿ томъ, | мещаномъ же есмо ѿдали.

П(и)сан ѣ Вил(ь)ни, июн(ь) 31<sup>1</sup> день. | Индик[т]ъ 13. |

*Примечание.* <sup>1</sup>Так в рукописи

## № 604

[1499 г.] июля 6. Вильна.

Справа Воитехѣ Кѣчѣковичѣ с кн(а)зем Слѣцким | ѿ именье. |

ѣ Вил(ь)ни, июл(ь) 6 день. Индик[т]ъ 2. |

Г(о)с(по)д(а)рь, его м(и)л(о)сть, великии кнѧзь казалъ записати.

Што жаловал | его м(и)л(о)сти маршалокъ его м(и)л(о)сти пан Воитех Кучѣкович на кн(а)зиѧ Семена Михайловича Слуцкого ѿ именье. И кн(а)зь Семен тыи ѿтбывал, ижъ | при немъ тыхъ<sup>1</sup> боѧр нетъ, которыи того дела зведоми. | И мы имъ рокъ положили завитыи<sup>[1]</sup> матки бож(е)и день последнее<sup>[2]</sup> под страченьемъ права. Естли бы пан Воитех на тотъ рокъ пѣред нами, а любо кн(а)зь Семень, не стали, тотъ тое именье | втратить, нижли, того, боже, не даи, на которого бы | з нихъ мильи богъ немоцъ перепустил правую, а не поклепнѣю, || <sup>л. 333</sup> а любо бы наша служба зашла, и то пан Кучук | поведил, ижъ ѿтецъ его того имень(ь)ѧ былъ в держаньи, але ѿтнѧл ѣ ѿтца его ѿтецъ кн(а)зиѧ Семеновъ кн(а)зь Михаило. |

*Примечание.* <sup>1</sup>Буква х исправлена из м

## № 605

[1496 г.] апреля 14. Меречь.

Сведѣцтво ѿ имень(ь)е Ѡл(ь)жово. |

В Меречи то делало сѧ, април(ь) 14 день. Индик[т]ъ 14. |

Панъ Воитехъ Кѣчуковичъ ставил светъки передъ г(о)с(по)д(а)ремъ. |

Г(о)с(по)д(а)рь, его м(и)л(о)сть, казал то про памл(ь) записати.

Станислав | Водынский и писар дорогицкий светчил тымъ обычаем: «Ижъ | пани Раклеваа просила мене, абы прочел тотъ лист, кото|рыи жо панъ ее Ёнцишко записал ей именье въ ст8 копах | грошох на има Ёл(ь)жово. И въ томъ листе, который жо я чол, жадное ведочности<sup>1</sup> не было, тол(ь)ко в сту копахъ записано. | Божаре лидский светчили, Юшко а Воитко, а Богушь Кореевичи, што | есмо слышали в дадка своего, в Богдана, ижъ он поведил нам, | што жъ панъ Ёнцишко записал пание своей именье Ёл(ь)жово | до ее живота, а вечности на то пани Раклевои не дал. А на | томъ бых деи и присагнул, ижъ панъ Ёнцишко ей на тое именье вечности ни которое не дал и не записал ей». |

*Примечание.* <sup>1</sup>Буквы до зачеркнуты

№ 606

[1499 г. января 6 — июля 24.]

Наместник мел(ь)ницкий Немира Грималович мовил на п(а)на Ёк8ба | Довоиновича, аж бы он с8дил не по тому, как дорогичаном г(о)с(по)д(а)рь, его | м(и)л(о)сть, право подтвердил<sup>[1]</sup>. И в том са послали на заман дорогицкихъ | пан Ёк8бъ зо двусот золотых, а Немира со ста золотых. || *л. 333 об.*

№ 607

[1496 г.] июля 25. Вильна.

Справа межи паном Заберезинским | а паном старостою  
жамоитским ѿ сеножати | Налибоцкие. |

8 Вил(ь)ни, июл(ь) 25 день. Индик[т]ъ 14. |

Панъ Ёднь Заберезинский розъмовал перед г(о)с(по)д(а)ремъ, его м(и)л(о)стью, с паном | старостою жомоитскимъ ѿ сеножатехъ на прудех. Пан Ёднь | рекъ, ажъ бы панъ староста звечный сеножати Каменецкий | покосил. А пан староста мовил, абы то были сеножати | звечный Налибоцкии: «А я деи тых сеножатеи после пани Сенковое был в держаньи чотыри годы в покою. А ты недавно | квалтомъ сено побрал, а потом еси сено 8 вод8 потопилъ | на тых сеножатехъ». И панъ Ёднь рекъ: «Ёд деи брал сено на тых | сеножатех не квалтомъ, сам жо косил на своих сеножатех, сам | жо есми и брал. Але деи ты ѿдрин8<sup>[1]</sup> съ сеномъ велел зжечи | на тых сеножатех мою квалтомъ». И въ томъ са сослали на ѿколичныхъ боар и людеи со ста р8блевъ грошеи. И мают себе | на тое дело ездоки взати. |

№ 608

[1495 г.] января 22. Вильна.

Справа межи паном Литавором | Хребътовичом а паном  
Воитехом | Нариб8товичом ѿ третюю част(ь) | ѿтчизны  
Тал(ь)ковы, ѿ Пореч(ь)е, в Слонимском повете. |

Смотрели есмо того дела с паны радою нашою.

Стояли перед | нами ѿчевисто маршалокъ нашъ, наместникъ слонимский пан | Литавар Хребътович с паном Воитехомъ Нарибутовичом.

Жалоуал намъ панъ Воитех на пана Литавора ѿ близость жоны | своее, ѿ третюю часть ѿтчизны Тал(ь)ковы Некрашевича Порецкое, || <sup>л. 334</sup> што панъ Литавор купил в того Тал(ь)ка. Ино панъ Литавор положил перед нами листь нашъ. В листу стоит, што ж тотъ Талько, | приходши перед насъ, и спустил ему тую третюю част(ь) ѿтчизны | своее Порецкое. И он з нашего дозволенья тую третюю часть | ѿтчизны его в него кѣпил. А потом панъ Воитех, и тотъ Тал(ь)ко, | и сын его Мацко мовили перед нами, ижъ он продал пану Литаворѣ тую третюю часть ѿтчизны своее безъ призволенья | сыновъ своих. Ино панъ Литавор в той речи послал сѧ перед нами на светъки, на пана Стан(ь)ка Некрашевича, а на плебана | слонимского, на кн(а)зя Гневоша, а на служебника небожчикова пана | Солтанова Александровича, на Сенька, а на воита слонимьского | на Сен(ь)ка, и к томѣ на мещан слонимьских, на Сака и на Василя Борздиловича, а на Маса Богдановича.

Мы тых светковъ казали перед нами поставити. И пан Литавор ихъ перед нами поставилъ. И тьи светки перед нами светъчили такимъ обычаемъ. Што ж тот Тал(ь)ко с призволеньем сыновъ своих, з Мацковымъ а с небожчиковым с Твориановым, тѣю третюю част(ь) | ѿтчизны своее Порецкое продал и спѣстил пану Литаворѣ. |

Ино мы подлугъ нашего листѣ дозволеного и подле тыхъ | добрых людей сведотства пана Литавора при той купли | есмо zostавили. Нехай бы Литавор тую третюю часть | ѿтчизны Тал(ь)ковы держитъ подлугъ того, какъ в Тал(ь)ка | кѣпил. А пану Воитехѣ Нарibuтовичу и сыну Тал(ь)кову Мацку не надобе ѣ тѣю куплю его ѣступати сѧ.

П(и)сан ѣ Вил(ь)ни, ген(варѧ) 22. Индик[т]ѣ 13. |

При т(ом) были воев(ода) вил(енский) пан Мик(олаи) Ради(вилович), | канц(лер) а мар(шалок), нам(естник) лид(ский) пан Стан(ислав) Петрашкович. || <sup>л. 334 об.</sup>

## № 609

[1495 г.] января 16. Вильна.

Справа mezi Петрашком Любичом, | а Ѳед(ь)ком, а Васком  
Гулизаровичами ѿ имен(ь)е Грицевичи. |

Самъ Александръ, бож(е)ю м(и)л(о)стью. |

Смотрели есмо с паны радюю нашою [дело] писара нашего Петрашка Любича зъ земланы клецкими, с Ѳед(ь)комъ а з Васком со Гулизаровичи. Тьи Гулизаровичи искали под Петрашом имениѧ ѣ Клецкомъ повете на имѧ Грицевичовъ за ѿтчину себе и ѿчевисто перед нами стояли.

Петрашъ ѿповедал имъ перед нами, што ж тое | имение ѿтец нашъ, корол(ь), его м(и)л(о)сть, дал дадыку его, Васку Любичу, а какъ ѣжо Васко ѣ немоцы был, и его м(и)л(о)сть, корол(ь), тое | имение Гулизаровское емѣ дал. И въказал перед нами листь | ѿтца нашего, короля, его м(и)л(о)сти. И в листѣ стоит его м(и)л(о)сти, | тое имение дал ему вечно ѣ вотчину. А далеи положил перед нами нашъ листь, привилеи, ижъ мы тое имение потвердили ему вечно подлуг данья и листѣ ѿтца нашего, короля, | его м(и)л(о)сти. А тьи Гулизаровичи права листов на тое имен(ь)е | перед нами не вказали.

И мы тое имение Гулизаровское Грицевичи на реце на Лане ѣ Клецькомъ повете присудили Петрашу Любичѣ з люд(ь)ми со всеми и землами со всеми по тому, | какъ Гулизар держал, вечно ему и его детем.

А на твердость | того и печать нашу казали есмо приложити к сему нашоуму листѣ.

П(и)сань 8 Вил(ь)ни, ген(вар)а | 16 день. Индик[т]ь 13. |  
 При т(ом) были кн[а]з(ь) Воитех, бис(куп) вил(енский), | а воев(ода) вил(енский)  
 пан Мик(олаи) Ради(вилович), канц(лер). || л. 335

## № 610

[1494–1495 гг.]

Ѓ имен(ь)е ѿ Ж8копичи. |

Што пань Александро Ходкевич жаловал на кн(а)зи Семена Володи(меровича) ѿ именье ѿ Ж8копу, и его м(и)л(о)сть, г(о)с(по)дарь, то ѿтложил до па(н)овъ, нижи казал его м(и)л(о)сть то записати про памат(ь).

Естли | бы пань Александръ того именьа доискал с(а) на кн(а)зи Семене, | и кн(а)зь Семень ма(е)т ем8 сего летнего плату, што на ѿсен(ь) ѿзмет | грошеи и иных доходовъ дати часть его.

И теж(а) какъ искал пань | Александро того имень(ь)а Ж8копич, ино приповедали с(а) к тому | именью кн(а)зь Михаило а кн(а)зь Костантинъ Ѓстроцкий близ(к)остью по мат(ь)це. |

## № 611

[1499 г.]

Андрею а Бернат8 Германовичом | ѿ имен(ь)е Нар8шовщын8. |

Што Ивашко Ѓнисимович жаловал г(о)с(по)д(а)р8, его м(и)л(о)сти, на Андрея а на | Берната Германовичовъ Моковича ѿ ѿчизну материзны | жоны своее ѿ Нар8шовщину. И Андьрей а Бернатъ положили | перед нами лист ѿтца нашего с8довьи, што жъ тое именье | присудил ѿтц8 ихъ. И г(о)с(по)д(а)рь, его м(и)л(о)сть, с того именьа их не р8шил подлугъ листу ѿтца своего.

А при томъ были пань | воевода виленский, кн(а)зь Александро, пан воевода троцкии, | пан Ѓнь Забerezинский, пан староста жомойтский, пан Юрей Глебовичъ, пан Станько Костевичъ, пан Солтанъ, маршалокъ. || л. 335 об.

## № 612

[1495 г. января 22. Вильна.]

Справа межи паном Литавором | а Воитехом Нарбутом  
 ѿ третюю част(ь) имен(ь)а | Тал(ь)кова. |

Г(о)с(по)д(а)рь, его м(и)л(о)сть, великии кн(а)з(ь), велел написати про памат(ь). |

Розъмовляли перед его м(и)л(о)стью маршалокъ его м(и)л(о)сти пан Литаворъ зъ Воитехомъ Нарibuтовичомъ ѿ именье, ѿ третюю част(ь), | што ему продал Тал(ь)ко, слонимский бо(а)рин. И как пан Литавор | положил листъ Тал(ь)ковъ записаныи на тое именье, и Воитехъ | Нарibuтовичъ том8 лист8 приганил, и рекъ на пана Литавора: «Самъ еси росказывал тотъ листъ писати и печат(ь) т8ю | рыл булатникъ твои, а ты ему росказывал робити».

И мы | Тал(ь)ка ѿ томъ 8спытали, ѿ листъ тот и ѿ печат(ь). И ѿн мовил | перед нами: «Не мел есми в тотъ часъ печати. Ѓ росказывал булатнику печат(ь) т8ю вырити». И к листу знал с(а), ижъ ѿн росказывал | писати.

И мы пана Литавора ѿставили при его ч[ас]ти. |



## № 613

[1494 г.] июля 16. Троки.

Кн(а)зем Свирским с Каспором Германовичом | ѿ имен(ь)а  
Сирмеж, Споры и Свир. |

Александрь, бож(е)ю м(и)л(о)стью великии княз(ь). |

ТивунѸ крєвьскому пану Станиславу Нарбутовичу и тивуну | ѿшменскому Мордасу.

Жаловали намъ кн(а)зи Свирский Мартин | а Ёдкубъ Петъковичи на Каспара Германовича и стоали ѿ том | перед нами очевисто, ижъ Каспор пональ дадинѸю их, и ѿтчи|зну их по неи взал. И мы ѿ томъ межи ними смотрели и ещо есмо || л. 336 тому межи ними конца не вчинили. Такъ есмо тое дело сказали: | кн(а)земъ Свирскимъ Мартину а ЁдкубѸ Петъковичом две доли тое | их дадковщины дали есмо, два дворы на има Сирмежский а Споры з люд(ь)ми, и з даньми, и со всимъ, што к тым двором слушаат. | А КаспорѸ казали есмо держати третии двор Свирский, што | жоне муж ее ѿтписал третюю часть. А дали есмо то КаспорѸ до права, а не вечно. И вы бы межи ними поровнали, люди, и челад(ь), и жито, которое в гумнехъ. Кн(а)земъ бы есте две | доли ѿделили, а Каспору третюю долю, бо ещо есмо ѿтложили тое дело до тых мєсть, поки при нась будѸт панове | и рада наша. А какъ дасть богъ, будѸт при нась панове | вси, и мы ѿ томъ хочем, с паны радою нашою помысливши, | и тому делѸ конец вчинимъ.

А ѻвзати их послали есмо | в тьи два дворы дворенина нашего Юшъка Плешкина. | И казали есмо пописати емѸ, што тамъ будет, и нам ѿтказати.

П(и)сан в Троцох, июл(ь) 16 день. Индик[т]ъ 12. |

При т(ом) были вое(во)д(а) вил(енский) пан Мик(олаи) Ради(вилович), | пан воев(ода) троц(кий), мар(шалок) зем(ский) пан Петр Ёднов(ич). |

## № 614

[1498 г. апреля 7. Вильна].

В справе Михайловоє Нацевича с паном Литавором | ѿ ловы. |

Пани МихайловаѸ Нацевича жаловала г(о)с(по)д(а)ру, его м(и)л(о)сти, | на пана Литавора, маршалька, ѿ ловы, што еи кривдѸ | чинить в ловехъ.

И поведила пани МихайловаѸ в себе | на тои ловы привилєи великого кн(а)зи Жикгимонтовъ. | И пан Станъко Костевичъ светчил перед его м(и)л(о)стью, што тот || л. 336 об. привилєи на Три кроли<sup>[1]</sup> перед королемъ, его м(и)л(о)стью, на тьи | ловы маеть она, тотъ привилєи, перед г(о)с(по)д(а)рем положить. |

Его м(и)л(о)сть казал то про памат(ь) написати. |

## № 615

[1503 г.] апреля 4. Вильна.

Аренда корчмы бобрѸиское Шоколу а Ёстанку | пѸшъкарѸ.

Александрь, бож(е)ю м(и)л(о)стью. |

Наместникомъ бобрѸискимъ обоєох половинъ, виленское и троцкое, и мѸжомъ.

Продали есмо корчму Ѹ васъ, Ѹ Бобруиску, мещанину меньскому ШоколѸ а ЁстапъкѸ пѸшкару на два | годы за шестьдесят копъ грошеи. А для того есмо того плату | нашего ѻмен(ь)шили с тое корчмы, иже тыми разы таѸ волост(ь) | наша

Бобрѣискаа скажена и собрана *от* поганства *от* татар | и *от* людеи неприятела нашего, великого княза московского. Бо *перед* тымъ намъ платѣ даivano с тое корчмы по сороку копь грошеи на год. А маюи они почати тую корчму варити на перенесеине | светого Николы день, што *приидеть*<sup>[1]</sup>. И какъ *одинь* год выдержать до того року, и они маюи намъ дати тридцать коп | грошеи. А какъ теж дрѣгии год выдержать сполна до того ж | року, до светого Николы перенесенья дна, и они маюи намъ | дати и дрѣгую тридцать копь грошеи дробными п(е)н(а)зми, | за грошь по два полдгрошки, або по десати п(е)н(а)зеи. А в тьи | два годы не надобе тамъ 8 Бобруиску никому корчомъ держати, кн(а)зомъ, и паномъ, и богаромъ, и писарем, и двораномъ | нашимъ, которых коли пришлемъ до Бобруиска для наших | потребъ и теж для их доходовъ.

П(и)сан 8 Вил(ь)ни, апрель 4 | день. Индик[т]ъ 6. ||<sup>л. 337</sup>

№ 616

[1503 г.] марта 29. Вильна.

Личба мытника лѣцкого. |

Индикта 6, м(е)с(а)ца марта 29 день. |

Г(о)с(по)д(а)рь корол(ь), его м(и)л(о)сть, приказал з мыта луцкого личбѣ взяти | 8 мытника луцкого Лерина Гериша маршалку<sup>1</sup> своему кн(а)зю | Михаилу и писарѣ своему Янушку. И он выдал с того мыта | личбу на два годы и дал личбу *плат(ь)сот* копь, и сорокъ копь, | и полшосты копы грошеи. А продано емѣ было мыто | на чотыри годы, на год по пѣтисотъ копь грошеи. |

В дрѣгии разъ, какъ брали есмо в него личбѣ, и он сѣсполна все личбы | выдал на квитачыах и за старыи долгъ *шестьсот* коп, и *двадцать* копь, и *полосмы* копы грошеи, што емѣ был *переж* | корол(ь) остал винень за два годы, почон луцкому мыту *от* семое | сѣботы, а берестеискому по Бож(е)емъ Нарожен(ь)и, за тры недели *дванадцать* сот копь, и *ошмьдесѣт* копь, и *три* копы | грошеи, то луцкого мыта и берестеиского, то положили | тѣю сѣмѣ квитачыаи.

А с тою *шест(ь)сот* коп, и *двадцѣт(ь)ю* копами, | и *полосмы* копы грошеи *девятнадцѣт* сот копь и *полодинадцѣт* копы грошеи, ино за тьи два годы *мел* он ооставати королю, его м(и)л(о)сти, *тисачу* коп и *семьсот* копь грошеи. |

А тыми разы и сѣ старим тымъ долгомъ *шестьсот* | копь грошеи остал емѣ корол(ь), его м(и)л(о)сть, *винен* *двѣстѣ* коп | и *полодинадцѣт* копы грошеи. А мыто луцкое еще маеть | держати до семое сѣботы. А берестеискомѣ вже рокъ минуль по Бож(е)емъ Нарожен(ь)и тры недели. ||<sup>л. 337 об.</sup>

Такеж выдавал личбу на пѣшкѣри и на котлы, што салитру | варѣть, и на лоихи, и на хорѣжого, и на иньи потребности *сто* | копь, и *ошмьдесѣт* копь, и *чотыри* копы без *пѣти* грошеи. |

Теж выдавал личбу на роботники, што цеглу робили<sup>[1]</sup>, ино вробил цеглы и плитницѣ<sup>[2]</sup>, што и печь збудоваль *первого* рокѣ. | По личбе цеглы вробил *двѣстѣ* тисач и *сорокъ* тисачъ. А сего | року вробил *семдѣсѣт* тисач. Ино на тую цеглѣ вышло и на | вапно *двѣстѣ* копь. А што замокъ мѣрвоал, и роботники | *наимовал*, и дахи прикрывал, но то на все выдал *двѣстѣ* коп | и *полшестѣнадцѣт* копь грошеи. |

А за все про все корол(ь) ему остал винень *ошмьсот* копь и *пѣт(ь)дѣсѣт* копь без *полчетвернадцѣти* грошеи. |

Примечание. <sup>1</sup>Исправлено, в рукописи малшалку

## № 617

[1503 г.] август 9. Краков.

Аренда корчмы кричовьское Богш8 | Боговитинович8. |

Александръ, бож(е)ю м(и)л(о)стью. |

Наместнику кричовскому Петрашк8 Епимаховичу, и боаром | кричовским, и старосте места Кричовского, и мешаномъ, и м8|жомъ.

Продали есмо корчму кричовскую писар8 нашому, намест|нику перелаиском8 Богуш8 Боговитиновичу за шест(ь)дес|ат золотых | на год. А рокъ ем8 почати таа корчмы варити на Въздвиген(ь)е | честного креста<sup>[1]</sup>, и держати ем8 тую корчму весь год сполна | до того ж року, до Въдвиген(ь)а честного креста. И вжо нам початк8 дал двадцать золотых, а год выдержавши, маеть нам и до|стол(ь) тых п(е)н(а)зеи, сорокъ золотых, заплатити.

Про тожь | приказземъ вамъ, ажъ бы есте о|проче тое наше кор|чмы в месте нашомъ Кричевскомъ ниhto коръчомъ | не мели и складовъ частыхъ не сытили, выменая врочных<sup>1</sup> || <sup>а. 338</sup> складовъ<sup>1</sup>, которые будете здавна сычивали.

А на то вамъ приказземъ под нашою виною, под сту р8бли грошеи.

П(и)сан в Кракове, август 9 день. Индик[т]ъ 6. |

*Примечание.* <sup>1,1</sup> Под словом другим почерком składow

## № 618

[1504 г.] августа 21. Краков.

Аренда корчмы мозырское Богш8 | Боговитинович8. |

Александръ, бож(е)ю м(и)л(о)стью. |

Наместнику мозырскому Михаилу Гагину, и мешаном, и стар|ц8, и всимъ мужомъ.

Продали есмо корчму в месте нашом | Мозырскомъ на годъ за осмьдес|ат золотыхъ писару нашому, [наместнику] перелаискому Богуш8 Боговитиновичу. И вжо намъ на|перед далъ двадцать золотых. А какъ год выдержавши, маеть намъ о|станокъ тыхъ п(е)н(а)зеи, тую шестьдес|ать золотыхъ о|тдати. А рокъ ему почати таа корчма варити | о светомъ Михаиле, то естъ на Покровъ пречистое<sup>[1]</sup>. А дер|жати ему таа корчма весь год сполна до того жъ рок8, | до Покрова пречистое богоматери. Про тожь приказземъ вамъ, абы есте о|проче тое наше корчмы в месте нашомъ Мозырскомъ ниhto корчомъ не мели и складовъ частых не сытили. А хто бы хотел тамъ корчмы ва|рити, и склады частыи сытити, и мы казали тым его | сл8гамъ, которые в Мозыри буд8тъ мешкати, тьи меды, | воски на насъ забирати.

И ты бы, Михаилу, имъ на таковых | помоч(ь) давал, а сам бы еси там, в замк8 нашом, корчмы не держаль, | абы в том намъ шкоды не было и плат бы нашъ не понижал | са.

П(и)сан в Кракове, август 21 день. Индик[т]ъ 7. || <sup>а. 338</sup> об.

## № 619

[1504 г.] октябрь 5. Краков.

Аренда мыта новгородского Мартину | Їднъчелевич8. |

Александръ, бож(е)ю м(и)л(о)стью. |

Наместнику новгородскому пану Сл(ь)брахту Мартинович8. |

Продали есмо мыто нашо новгородское мещанину виленьскому Мартину Іднчелевичу на тры годы за триста коп | грошеи. А рокъ ему в тое мыто ѡвзати с.а на сесь Великъ | день приидѣчи<sup>[1]</sup>. И держати ему тое мыто тры годы спол[н]а<sup>1</sup> до того ж року, до Велико дня. А первыи годъ выдержавши, ма[е]тъ намъ дати сто коп грошеи. А дрѣгии год выдержавши, мает | [н]амъ дати дрѣгую сто копъ грошеи. А третии год выдержал[в]ши, маеть намъ дати третюю сто копъ грошеи. И ты | [б]ы с.а в мыто нашо и в промыту не вступал с.а. Нехаи он | [м]ыто нашо и промыту заведаетъ по-давному. И от крил[в]дѣ бы еси его боронил и во всемъ бы еси мыту нашомѣ был помочонъ, абы мыто нашо не понижало. И самъ | [б]ы еси ихъ не судил, и не радил, и децкихъ своих на них не дал[в]ал. Комѣ бы которое до него в чомъ дело было, и мы | [с]ами ѡ том ихъ маемъ смотрети в тотъ часъ, как он мыто нашо выдержать. И естли будет Ѳедор Ѳражинъ еще | [д]о его годѣ не додержаль, за кол(ь)ко будетъ емѣ тое мыто | [п]родано, и мы Мартину маемъ наперед еще того року от[д]ати.

П(и)сан в Кракове, ѡк(табра) 5 ден(ь). Индик(т) 8. || л. 339

*Примечание.* <sup>1</sup>Край листа реставрирован, части букв и отдельные буквы в начале строк утрачены

№ 620

[1504 г.] октября 5. Краков.

Аренда мыта меньского Мартинѣ | Іднчелевичѣ. |

Александръ, бож(е)ю м(и)л(о)стью. |

Наместнику меньскому кн(а)зю Богдану Ивановичу Жеславьскомѣ.

Продали есмо мыто меньское мещанину виленьскомѣ Мартину Іднчелевичѣ на тры годы за шестьсотъ копъ грошеи. А рокъ ему в тое мыто ѡвзати с.а ѡ Ма[т]ъце бож(е)е ѡ последнеи<sup>[1]</sup>. И держати ему тое мыто тры годы | сполна до того ж року, до Матъки божее последнее. Первыи год | выдержавши, маеть намъ дати двесте копъ грошеи. А въ | тую ж сѣму сто золотыхъ черьленыхъ вгорьскихъ. А дрѣгии год выдержавши, маеть намъ дати другую двесте коп | грошеи. А в тую ж сѣмѣ ѣ двесте копъ то золотыхъ черленыхъ | вгорьскихъ. А третии год выдержавши, маеть намъ дати такеж третюю двесте коп грошеи а сто золотыхъ | в тую ж сѣму двесте копъ. А рокъ тымъ золотымъ, маеть намъ ихъ завжды давати ѡ Громницахъ<sup>[2]</sup>. И ты бы | с.а в мыто нашо и в промыту не вступал с.а. Нехаи он мыто нашо и промыту заведаетъ по-давномѣ, и от кривдѣ | бы еси его боронил и во всемъ бы еси мыту нашомѣ по[м]очон был, абы с.а мыто нашо не понижало. И самъ бы еси | его не сѣдил, и не радил, и децкихъ своих на него не давал. Кому | до него которое дело было, ино мы сами маемъ его смотрети в тот час, какъ он мыто нашо выдержит.

П(и)санъ | в Кракове, ѡк(табра) 5 день. Индик[т]ъ 8. || л. 339 об.

№ 621

1504 г. декабря 31. Краков.

Ѳ аренда мыта ковенского. |

Александръ, бож(е)ю м(и)л(о)стью. |

Чинимъ знаменито симъ нашимъ листом, хто не него посмотрит, | або чтѣчи его вслышит, нынешнимъ и потомъ будѣчим, ко[м]у будетъ потребъ того ведати.

Што есмо продали | были мыто наше ковенское слуге нашомѸ, небожьчику ПиндрихѸ ШлакгирѸ на тры годы за тислчу копь и за ѿсмьсотъ копь грошеи, почонши ѿт середопостья индикта селмого<sup>[1]</sup>, до того жь року, до середопостья индикта десатого<sup>[2]</sup>. | И Шлакгир небожьчикъ, ѿтхода сего света, полещил ѿксекѸгоровство<sup>[3]</sup> приателемъ своимъ, ПиндрихѸ Карловичу | а ЪрльиѸ ГозѸ, которые мают дѣшею его ѿпекати сѧ и тое | мыто наше ковенское до того року, до трехъ годовъ, держати. Ино вжо тые ѿксекѸгорове<sup>[3]</sup> его перввыи год нынешнии тое | мыто наше выдержали. А еще мають два годы держати, | почонши ѿт середопостья приидѸчого, которое жь есть | индикта ѿсмого<sup>[4]</sup>, до середопостья индикта десатого<sup>[2]</sup>. | А год выдержавши, мають намъ дати двесте копь грошеи. А собе взяти чотыриста копь грошеи за нашъ долгъ, | што есмо ѿстали были виньни слуге нашомѸ, небожьчику | ШлакгирѸ. А дрѣгии год ѿстаточныи выдержавши, мают намъ | дати по тому жь двесте копь грошеи, а собе взяти чотыриста копь грошеи. И тымъ мают долги Шлакгировы платити, комѸ ѿнь чимъ винень. А в тую два годы не маель нихъто в тое мыто наше и в промытѸ вступати сѧ, || <sup>л. 340</sup> нижли мають они мыто и промыту заведати подле давного обычаа, и [как] первые мытники заведывали. Тежъ | наместникъ нашъ ковенскийи, и воит<sup>1</sup>, и бурмистры, и радцы | места Ковенского в тые два годы не мають ихъ самихъ и слуг | ихъ сѣдити, и радити, и децъких<sup>[5]</sup> своихъ на нихъ давати. | Кому до нихъ дело будет, ино мы сами, г(о)с(по)д(а)рь, маемъ их ѿ том | смотрети. А квитацие не мает на нихъ силою нихто наметы|вати, нижли комѸ всхотѧт по своеи доброи воли, што выдат(ь), тому нехаи то выдадѣтъ.

И на то есмо имъ дали сес(ь) | нашъ листь з нашою печатью привесистою.

Пи(и)санъ | в Кракове, в лет(о) 7013, м(е)с(ѧ)ца дек(абрѧ) 31 день. | Индик[т]ь 8. |

*Примечание.* <sup>1</sup>Исправлено, в рукописи *впит*

№ 622

[1506 г.] июня 2. Вильна.

Лист в справе Завишичов з Скопом Ъжаковичом | ѿ  
некоторые шкоды. |

СкопѸ Ъжаковичу.

Жаловали намъ дворане наши Їднь а Юреи | Завишичи, што жь деи ты поделал имъ въ ихъ именъи многии кгвалты и головщины. И з росказанья нашего смотрели ѿ томъ | межѧ вами панове рада наша, кн(ѧ)зь Воитех, бискупъ виленскийи, | а маршалокъ земскийи, староста городеньскийи пан Їднь Юр(ь)евичъ, а пан | троцкийи, староста жомоитскийи пан Станиславъ Їднович, а гетман | нашъ, державца василишскийи пан Станислав Петрович, а воевода полоцкийи панъ Станислав Глебовичъ. Ъни того межѧ ними | досмотревши, и присѣдили имъ на тебе за кгвалты и за головщины сто рѣблевъ без рѣблѧ грошеи. И роки тебе покладали, | на которыи бы еси мел имъ тую сто рѣблевъ без рѣблѧ || <sup>л. 340 об.</sup> грошеи платити. И ты сѧ с тыхъ роковъ вымовил и не хотел еси | имъ на тьи роки тыхъ п(е)н(ѧ)зеи платити. И то мовиль еси перед | паны, ихъ м(и)л(о)стью, ижъ не маешъ, чимъ имъ тыхъ п(е)н(ѧ)зеи платит(ь), нижли тол(ь)ко именьемъ. И панове тотъ суд свои нам ѿказали.

И мы, зрозѣмевши зъ ихъ м(и)л(о)сти сѣда, послали есмо дворанина нашего Їдна и казали есмо ему в твое именье, в Кгелваны, Завишовъ в тыхъ п(е)н(ѧ)зехъ ѣв(ѧ)зати.

Мають они тое твое имен(ь)е | держати до тых часовъ, поки ты имъ тѣю сто рублевъ | без рѣблѣ грошеи *отложишь*.

П[и]санъ 8 Вил(ь)ни, июн(ь) 2 день. | Индик[т]ъ 9. |

Прик(азал) мар(шалок) зем(ский), стар(оста) | гор(оденский) пан Іѧн Юр(ьевич). |

## № 623

1501 г. февраля 1. Вильна.

Привилеи ѠлехнѠ ХребтовичѠ на дворец | в Слонимском  
повете на Гривде и на землю | Пилиповщину. |

Биль намъ чоломъ дворанинъ нашъ Ѡлехно Васил(ь)евичъ Хребтовича и поведил перед нами, што жъ богарин слонимский Сенько Толтикгиновичъ, бѣдѣчи при старости, | дѣла нашею службѣ взялъ его себе за сына мѣсть и записаль | ему дворец, выслугѣ свою, на Гривде и землю пустовскую на иѧма Пилиповщину со вѣсею землею пашною и дворною и з людѣми, со всимъ тымъ, какъ сам держаль, которѣю жъ землю | дал емѣ с призволенѣем *отца* нашего, короля, его м(и)л(о)сти, маршалокъ, наместникъ слонимский, небожчикъ панъ Солтанъ Александровичъ по Іѧрѣтицкии верхъ а по Микуличъ дорогѣ. И он | на тых земляхъ дворец себе справиль. А потомъ и мы | Сеньку тѣи земли и потвердили нашимъ листом на вечност(ь). || л. <sup>341</sup>

И тотъ он его записъ и листъ нашъ, которымъ жо есмо потвердили тѣи земли Сеньку, перед нами покладал и бил намъ | чоломъ, абыхмо емѣ тотъ дворец вышписаныи и тѣю | землю Пилиповщину потвердили нашимъ листомъ.

Ино мы | тотъ дворец на Гривде Сеньковъ и тѣю землю Пилиповщину потвержаемъ симъ нашимъ листомъ вечно ему самоѧму, и его жоне, и их детемъ, и на потом бѣдѣчимъ ихъ счадомъ | со всеми тѣми люд(ь)ми, и зъ землями пашными и з дѣбровами, и съ сеножатѣми, и съ ставом, и з млыномъ, со всимъ по | тому, такъ широко и долго, какъ держаль Сенько. Волен то | он *отдати*, и продати, и заменити и на церковь записати, | и къ своемѣ лепшомѣ и вжиточномѣ обернути, какъ самъ | налелеи розѣмеючи.

А на твердость того и печать нашу | казали есмо приложити к сему нашему листу.

П(и)санъ | 8 Вил(ь)ни, в лет(о) 7009, м(е)с(а)ца фев(рала) 1 день. | Индик[т]ъ 4. |

Прав(или) воев(ода) троц(кий), мар(шалок) зем(ский) | пан Іѧн Юр(ьевич) а мар(шалок), нам(естник) лид(ский) | пан Юр(ий) Іѧн(ович) Ил(ь)инича.

Конецъ тых книгъ.

Адамъ Паш(к)евичъ. ||